



D. VII 14




1. 1. 1. 1. 1.

D. V. 111











12



*Lyriano Biblioth. Academiae Lyr.*

MAGNI FELICIS  
ENNODII  
EPISCOPI  
TICINENSIS  
OPERA.

IAC. SIRMONDVS SOC. IESV PRESB.

*in ordinem digesta, multisque locis aucta  
emendavit, ac Notis illustravit.*



PARISIIS,  
EX OFFICINA NIVELLIANA.  
Apud SEBASTIANVM CRAMOISY, viâ  
Iacobæa, sub Ciconiis.

M. DC. XI.  
CVM PRIVILEGIO REGIS.

*Topographia Antiqua. Antiqua. Antiqua.*

MAGNI  
FINODI  
EPISCOP  
TICINENSIS  
OPERA.

JAC. SYMMONIS SOC. JESU PRÆSES  
in ecclesia catholica, antiqua, nova  
concordant, ac Nova. Antiqua.



PARISIIS.  
EX OFFICINA N. VERDIERA.  
Joh. SEBASTIAN. GRAMMONT, VIS  
Jacobus de Cicou.  
M. D. C. X.  
CUM PRIVILEGIO REGIO.





*Viro Clariss. & Doctiss.*

NICOLAO FABRO I. C.

IACOBVS SIRMONDVS S.



QVAM malè acceptus in  
editione Basiliensi fue-  
rit Ennodius, ideo pau-  
ci fortasse norunt, quia  
paucorum manibus te-  
rebatur. tu verò, quem  
bonorum librorum ni-

hil præterit, Doctiss. Faber, omnium mi-  
nimè ignoras, nihil ad hunc diem opere  
illo deprauatius, nihil inquinatius in lu-  
cem exiisse. Vt mihi quidem Arnulfi Le-  
xouiensis Episcopi de Ennodio iudicium  
cogitanti subeat in mentē, si adeo men-  
dosum, mutilum, ac modis omnibus vi-  
tium exemplar nactus erat, satis ei cau-  
se fuisse, cur illum propter obscuritatem  
diceret Innodium sibi veriùs, quàm En-

## EPISTOLA.

nodium videri. Etenim quis tam lynceis fuit oculis, qui non in illa caligine cœcutiret? Quanquam alia nimirum Arnulfo mens fuit, & qualis hodie permultis, qui molli ac leni melioris ævi scriptorum faeundia assueti, scabrum hoc, vt aiunt, & salebrosus dicēdi genus, quod postremis Latinæ linguæ sæculis emerfit, penitus exhorrescunt. Sed nos delicata hominū fastidia non moramur. Neque enim si quid limi Ennodio sua ætas adpersit, idcirco fluentem in eius scriptis ingenij, elegantiaque fontem possumus non amare; aut quia in eius poematis claudicat interdum versus, rectam vbiq̃ sententiam, & acumen non amplecti. Quid illa, propter quam infimæ quoque notæ auctores expeti solent, temporum notitia & illustratio? Quis enim est, qui in epistolis Ennodij Symmachos, Hormisdas, Cafarios, Faustos, Boëtios, Liberios, Atractores, Elpidios, & reliqua eius ætatis lumina non libēter recognoscat? aut quem in vno Theoderici Panegyrico, vel in vna, quæ noua fere tota nunc prodit, vita Epiphaniij Ticinensis, varia rerum illo sæculo in Italia, Gallia, Germania, Græcia ge-



## EPISTOLA.

statum commemoratio non afficiat? Di-  
 ctiones quippe, Declamationesque præ-  
 termitto. quæ mea quidem sententia sunt:  
 eiusmodi, ut cum postremæ omnium a-  
 pud Latinos natæ videantur, cum primis  
 mediisque conferri possint, & tanquam  
 rosæ alienis mensibus ortæ cariores esse  
 debeant. Itaque veritus non sum, ne si  
 quid studij ad emendandum vel illustrân-  
 dum Ennodium contulissem, aut nullam  
 à litteratis gratiam iniisse, aut horas in hac  
 opera malè collocasse cuiquam merito vi-  
 derer. cum & de auctore constaret, mi-  
 randum esse potius, cur cum multi supe-  
 rioribus annis hanc sibi provinciam de-  
 stinassent, nemo tamen hætenus perfun-  
 ctus sit: & genus hoc studij atque indu-  
 striæ, quod in recensendis veterum libris  
 ponitur, ab iis tantum improbari aut in-  
 super haberi posse, qui nesciant præstanti-  
 olim iudicio viros, & genere ac doctrina  
 clarissimos, certatim in hoc stadio desu-  
 dasse, **Q** Symmachum, & Nicomachos  
 Dextrum atque Flavianum in T. Livio,  
 Salustium in Apuleio, Flavius Eutro-  
 pium in Vegetio, Sidonium in Philostrato,  
 Memmianum Symmachum in Macro-

## EPISTOLA.

bio, Celsum Constantinum & Lupicinū  
 in Cæsare, atque alios in aliis. Eos enim  
 solum attigi, qui Ennodij ævo suppres,  
 vel paulo antiquiores fuerunt. nec de iis  
 loquor, qui nostra vel parētum memoria  
 in hoc ipso tecum scammate summa cum  
 laude & approbatione versati sunt. Vti-  
 nā modò in Ennodio mihi pro voto exi-  
 tus respondisset. Nam conatus equidem  
 sum, quoad potui, ex duobus spectata fi-  
 dei exemplaribus, Vaticano & tuo, quā  
 emendatissimum reddere, lacunas quā  
 multæ & maximæ erant implere, ac pra-  
 uè detorta & traiecta suis locis reponere.  
 omnia etiam opera ex pristina perturba-  
 tione in certos ordines & quasi classes di-  
 gerere. Sed ut magnum & graue vulnus  
 difficile est sic sanare, ut non hæreat cic-  
 atrix: ita sentio quamlibet copiosam mē-  
 dorū messem ex hoc campo sustulerim,  
 locum tamen spicilegio non defuturum.  
 At verò Notæ, quas in ipsa præli festina-  
 tione subito effusas & tute nosti, & ni-  
 mium ipsæ prodent, laudem profectò  
 non quærunt. satis erit si veniam mereā-  
 tur. Quāquam fructum vberem conse-  
 cutas putabo, si abs te, Humaniss. Faber.

# EPISTOLA.

cum reliqua editione, quam nominis tui  
titulo inscripsi, minimè respuantur. vt te-  
statam omnibus faciant amicitiae nostrae  
vetustatem: & quanti meritò doctrinam,  
virtutesque tuas semper fecerim. Quas vt  
à me cōmemorari hoc loco pudor tuus  
non sinat, publica velis nolis fama, operis,  
vt Ennodius noster ait, index loquitur,  
& vna de te, vt olim de Nafica, commu-  
nis suffragij voce consentit. VALE.



VITA ENNODII EPISCO-  
PI TICINENSIS.

**M**AGNVS Felix Ennodius Gallum se  
prosapia, Gallisque parentibus pro-  
creatum non semel testatus est. an ve-  
rò in Gallia, hoc est Arelate, vnde  
illi origo, & quam dulcem sedem vo-  
cat, an quod potius reor, in Liguria Mediolani natus sit,  
incertum reliquit. Mediolani certè à puero larem ha-  
buit. Et quanquam loco humilem se ipse dicere soleat,  
liquet tamen illum præcipuas æui sui familias vel san-  
guinis nexu vel affinitate complexum esse: cùm inter  
propinquos, affinesque suos numeret Faustum, Boëtium,  
Auienum Exconsules, Cesarium Arelatensem &  
Aurelianum Episcopos, Senarium, Florianum, Oly-  
brium, Eugenetem, & alios genere atque honoribus cla-  
rissimos. Sedecim annos natus, sub Theoderici regis ad-  
uentum in Italiam, vt in Eucharistico vitæ suæ scribit,  
amita quæ ipsum aluerat solatio destitutus, subsidium  
per nuptias nactus est, vxore ducta prædiuitis ac nobi-  
lissima fœmina filia, ex cuius opibus deinceps abunda-  
uit. ex qua & filium sustulit, quod significare quodam  
loco videtur. Posthac relicta sæculi militia in sacram  
adscriptus, atque inter Diaconos relatus est: vxore iti-  
dem ad religiosæ vitæ cultum pari studio conuersa. Hoc  
in gradu magnam vitæ partem duxit. Ac licet Rhetor-  
um, poëtarumque studia, quibus à prima ætate deditus  
fuerat, & iam inde cùm clero nomen dedit, negligere  
cœpisset, ac postea etiam in letali morbo, ex quo B. Vito-

ris Martyris ope recreatus est, destinato animi proposito  
refugere: ea tamen ingenij fama floruit & doctrina, ut  
non solum in pretio essent, quæ sua sponte scriberet, sed  
amicorum quoque, quos impensissimè coluit, rogatu in  
dictandis aliorum nomine orationibus, epistolis, epita-  
phus, ac diuersarum rerum epigrammatis, assiduam  
operam dare cogeretur. Quo in genere multa sanè ad  
gloriam Ennodio illustria fuerunt, sed nihil illustrius  
Apologetico & Panegyrico, quorum altero Theodericum  
regem publicè laudauit, altero Symmachi Papa, Syno-  
dicque Romana causam tanta cum approbatione defen-  
dit, ut à Synodo vniuersa honorificentissimo elogio, de-  
cretoque ornatus sit. Atque hæc fere sub Symmacho.  
Sub Hormisda verò cùm Ecclesiæ Ticinensis Episcopus  
iam esset, gemina in Orientem ad Anastasium Imp. fi-  
dei orthodoxæ causa legatione functus est. primum  
quidem cum Fortunato Catanensi Episcopo, & aliis,  
quo tempore Synodus Heraclea futura dicebatur. de-  
inde cum Peregrino Episcopo Misenate, fidei formulam  
deferens, cui subscriberent Orientales. Sed in vtraque  
subdoli Principis vesania irritus fuit euentus, spectata  
fides & virtus Ennodij. quem frustra tentatum Ana-  
stasius, cùm flecti ad sententiam suam non posse cerne-  
ret, indignis modis vexatum, rimosoque ac fragili navi-  
gio impositum, cum interdictione ad vllum Græciæ por-  
tum appelleret, contumeliosè dimisit. Reuersus ad Ec-  
clesiam suam paucis post annis superstes, æuo adhuc  
integer, annorumque non amplius XLVIIII. excessit è  
vita, ea sanctitatis opinione, ut inter sanctos Christi  
Confessores anniuersariis honoribus colatur xvi. Ka-  
lend. Augusti, quo die receptus est in calum, anno Do-  
mini DXXI. Diem enim & Consulem notat Epita-



*phium, quod hodieque Ticini in aede D. Michaelis pa-  
rieti, qui sacrario cohaeret, insertum in tabula marmo-  
rea visitur, & nos ipsi legimus his verbis.*

## EPITAPHIVM ENNODII.

Ennodius vates lucis rediturus in ortum,  
Hoc posuit tumulo corporis exuias.  
Clarus prole quidem, generosior ipse propinquis,  
Quos functos laudum iussit habere diem.  
Reddidit hos cælo viuacibus ille figuris,  
Cum fecit famæ viuere conloquiis.  
Quid mirum, si morte caret post busta superstes,  
Qui consanguineos restituit superis?  
Quantis iste foret mundi celebratus in oris,  
Nec filet occidui cardinis oceanus.  
Schismata coniunxit dudum discordia legi,  
Atque fidem Petri reddidit Ecclesiis.  
Pollens eloquio, doctrinæ nobilis arte,  
Restituit Christo innumeros populos.  
Largus, vel sapiens, dispensatorque benignus,  
Diuitias credens quas dedit esse suas.  
Templa Deo faciens, hymnis decorauit & auro,  
Et paries functi dogmata nunc loquitur.

DEPOSITVS SVB D. XVI. KAL. AV-  
GVSTAS. VALERIO V. C. CONSVLE.

---

## VETERVM ALIQVOT PONTIFI- cum de Ennodio testimonia.

Synodus V. Romana Symmachi Papæ.

**L**IBELLVS qui Synodali auctoritate contra eos  
qui aduersus quartam nostram Synodum, qua habi-  
ta est Rome palmaris, mutire præsumpserunt, ab Ennodio  
conscriptus est, coram omnibus deferatur, & in præsentem  
omnium legatur atque roboretur. Quo recitato, & ab om-  
nibus consona voce roborato S. Synodus dixit, Hæc futuris  
temporibus conseruentur, atque ab omnibus teneantur &

*in omnibus seruentur. Hic libellus integerrimè Synodali-  
ter ab omnibus teneatur, atque inter quarta & quinta Sy-  
nodorū decreta habeatur: quia Synodali auctoritate con-  
scriptus est & roboratus. Ad qua ter beatissimus Papa re-  
spondit, iuxta vestram omnium fiat voluntatem.*

*Hormisda Papa Anastasio Imp.*

*Ad hac nostris lacrymis nostris precibus alleganda En-  
nodium atque Peregrinum fratres & Coepiscopos nostros  
vise nostra, pro exhibenda etiam honorifica salutatione  
direximus. Idèd maximè designato viro fasce secunda le-  
gationis imposito; ut qui nobis spei bona detulit initium,  
nunc adiutore Dee plenum reportet effectum. Acquiescite,  
precamur, fidelibus monitis cuius vos delectatum dudum  
legimus institutis. Data III. Nonas Aprilis Agapito V. C.  
Consule. Hæc posterior Ennodii legatio. De priore  
autem extat Indiculus, qui datus est Ennodio & For-  
tunato Episcopis, Venantio presbytero, Vitali Diacono,  
& Hilario Notario Legatis Apostolicæ sedis Con-  
stantinopolim missis ab Hormisda Papa. De vtraque  
præterea scribunt Paulus Diaconus lib. xv. Historiæ  
Miscellæ, & Anastasius Bibliothecarius in Hormisda.*

*Nicolaus I. Michaëli Augusto.*

*Sicut magnus Christi confessor Ennodius Ticinensis E-  
piscopus, qui ab Hormisda Apostolica memoria Constanti-  
nopolim missus, innumeras miseras à Gracorum vesania  
pro fide Christi, & statu Ecclesiæ non semel pertulit, ex  
Propheta de his meminit, Nunquid gloriabitur securis  
contra eum qui secatur in ea? aut exaltabitur serra contra  
eum qui secatur in ea?*

*Ioannes VIII. Bercario Abbati.*

*Ab sit à piis mentibus quid de Romani culminis Ponti-  
fice sinistrum sentire, cum B. Ennodio Confessore Ticinen-  
sis urbis Antistite scribente doceamur, quia Deus omni-  
potens aut claros ad tanta fastigia erigit, aut certè quos  
erigit illustrat.*

*Gregorius VII. in Dictatu.*

*Quod Romanus Pontifex, si canonicè fuerit ordinatus,  
meritis B. Petri indubitanter efficitur sanctus, testante S.  
Ennedio Papiensi Episcopo, & multis sanctis Patribus sa-  
nentibus, sicut in decretis B. Symmachi Papa continetur.*

# INDEX OPERVM

## ENNODII.

### EPISTOLARVM AD DIVERSOS

#### LIBRI IX.

### OPVSCVLA MISCELLA. X. id est.

1	<b>P</b> Anegyricus Theodorico regi dictus	p. 290
2	Libellus Apologeticus pro Synodo	317
3	Vita B. Epiphaniij Episcopi Ticinensis	358
4	Vita B. Antonij monachi Lirinensis	416
5	Eucharisticum de vita sua ad Elpidium	428
6	Parænesis didascalica Ambrosio & Beato	437
7	Præceptum de cellulanis Episcoporum	448
8	Petitorium quo absolutus est Gerontius	452
9	Benedictio cerei Paschalis I.	453
10	Benedictio cerei II.	457

### DICTIONES XXVIII. id est.

#### SACRAE VI.

1	<b>I</b> N Natali Laurentii Episc. Mediolan.	461
2	In dedicatione Basilicæ Apostolorum, missa Honorato Episcopo Nouariensi	470
3	Dictio data Stephano V. S. Vicario dicenda Ma- ximo Episcopo	473
4	In Dedicatione, missa Maximo Episcopo	476
5	Dictio incipientis Episcopi	478
6	Dictio de Hæreticis Orientis	482

#### SCHOLASTICAE VII.

7	<b>I</b> N dedicatione Auditorii, quando ad forum tran- sario facta est.	484
8	Præfatio dicta Lupicino, quando in auditorio tra- ditus est Deuterio V. S.	487
9	Præfatio quâdo Arator auditoriũ ingressus est	492



- 10 Gratiarum actio Grammatico, quando Parthenius  
bene recitauit 497  
11 Quando Eusebii filius traditus est ad studia. 501  
12 Data Aratori, quando ad laudem prouectus est. 503  
13 Dictio quando Paterius & Seuerus traditi sunt ad  
studia. 507

#### CONTROVERSIAE. X.

- 14 **I**N legatum qui patriam hostibus tradidit. 510  
15 **I**n nouercam quæ cum marito priuigni odia  
suadere non posset, utriq. venenum porrexit, 512  
16 In eum qui præmii nomine Vestalis virginis nup-  
tias postulauit 515  
17 In eum qui seni patri cibos subtraxit 517  
18 In Tyrannum, qui præmii nomine parricidæ sta-  
tuam inter viros fortes dedit 520  
19 In aleatorem qui agrum, in quo parentes eius erant  
positi, pro ludi pretio dedit 523  
20 In eum qui in lupanari statuam Mineræ loca-  
uit 525  
21 In patrem, quendam qui cum filium à pirata ca-  
ptum redimere non dignatus esset, ab eo tamen  
ali petebat. 528  
22 Aduersus, legem quæ iubet ut de capta ciuitate ho-  
stiū sacerdotes & Vestales liberi dimittantur 539  
23 In abdicatum, qui patrem necauit. 543

#### ETHICAE. V.

- 24 **V**erba Diomedis, cum vxoris adulteria cogno-  
uisset. 545  
25 Verba Thetidis, cum Achillē videret extinctā, 547  
26 Verba Menelai, cum Troiam videret exustam 549  
27 Verba Iunonis, cum Antæum videret parem viri-  
bus Herculis extitisse 551  
28 Verba Didonis cum abeuntē videret, Ænam 552

# POEMATVM seu CARMINVM LIB. I.

1	Itinerarium Brigantionis	555	11	Hymnus in tempore tristitiæ	585
2	Dictio data Deuterio, nomine ipsius mittenda Eugeneti	557	12	Hymnus de S. Cypriano	586
3	Præfatio nepotibus Proculi	559	13	Hymnus de Pentecoste	587
4	Epithalamium Maximi V. S.	560	14	Hymnus de S. Stephano	588
5	Itinerarium Padi	564	15	Hymnus de S. Ambrosio	590
6	Dictio Ennodii, quando Roma rediit	566	16	Hymnus de Ascensione Domini	591
7	Ad Faustum de carminibus eius	569	17	Hymnus de sancta Euphemia	592
8	Ad Olybrium de eius eloquentia	573	18	Hymnus de S. Nazario	593
9	In Natali xxx. Epiphaniæ Episcopi Ticinensis	577	19	Hymnus de S. Maria	594
10	Hymnus Vespertinus	564	20	Hymnus de S. Martiano	596
			21	Hymnus de S. Dionysio	597

## EPIGRAMMATA, seu CARMINVM LIBER II.



# INDEX EORVM AD QVOS SCRIPTAE SVNT EPI- stolæ Ennodij.

- A**DODATO Presbytero. iij. 7. vj. 36.  
vij. 28. viij. 30. ix. 16. 32.  
Afris. ij. 14.  
Agapito. j. 13. iv. 6. 16. 28. v.  
26. vi. 12. viij. 41. ix. 28.  
Agnellæ. ix. 25.  
Agnello. vij. 4. 14. 15. 16. 26.  
viij. 20. ix. 19.  
Albino. ij. 21. vj. 12.  
Aliconi. iv. 2.  
Apodeniæ. ix. 17.  
Apollinari. ij. 8. iij. 13. iv. 19.  
Aproniano. iv. 35.  
Aratori. viij. 4. 11. ix. 1.  
Archotamiæ. vj. 24. viij. 14.  
Armenio. ij. 1.  
Asturio. j. 24. ii. 12.  
Aueno. i. 12. 18. ii. 28. iii. 8.  
26. 27. 30. 31. v. 17. vi. 32.  
vii. 3. 9. 17. 18. viii. 2. 6.  
26. 42. ix. 7. 24. 31. 34.  
Auito. iv. 31. v. 5. 20. 21. vi.  
13. 14.  
Aureliano. vi. 5.  
Aureliano Presbytero. viii.  
13. 35. Episcopo. ix. 27.  
Barbaræ. viii. 16. 27.  
Basso. iv. 25.  
Beato. vii. 29. viii. 21. 28.  
29. ix. 6.  
Boetio. vi. 6. vii. 13. viii. 1. 31.  
36. 37. 40.  
Casario Episcopo. ix. 33.  
Camillæ. ix. 9.  
Castorio. i. 11.  
Celfo. ix. 10.  
Constantio. ii. 17. 19. 20.  
iv. 13. v. 23.  
Deuterio. i. 19.  
Decorato. iv. 17. vii. 6. 10.  
Dioscoro. vi. 33.  
Dominatori. iv. 23.  
Dominicæ. vi. 18. 35.  
Edasio. viii. 15.  
Eliseo. v. 4.  
Elpidio Diacono. vii. 7.  
viii. 8. ix. 14. 21.  
Eugeneti. i. 25. iii. 2. 25. 29.  
iv. 26. 30. 32. v. 27. vi. 12.  
22.  
Eulalio Episcopo. iii. 18.  
iv. 3.  
Euprepia. ii. 15. iii. 15. 28. vi.  
3. 26. vii. 8.  
Fausto i. 2. 4. 5. 6. 7. 14. 17.  
20. 21. 26. ii. 10. 11. 16. 22.  
23. 24. 25. iii. 3. 19. 20. 21.  
22. 35. iv. 5. 9. 14. 15. 18. 24.  
v. 9. 18. vi. 2. 4. 9. 10. 15.  
19. 20. 21. 25. 29. 30. vii.  
2. 30. viii. 5. 14. 18. 19. 24.  
25. ix. 2. 11. 22.  
Fausto albo. vi. 34.  
Fausto Iuniori. v. 12.  
Firminæ. vi. 38.

Firmino. i. 8. ii. 7.  
 Floriano. i. 15. 16.  
 Floro. i. 1. 11. vii. 6. 10. viii.  
 12. 22. 23.  
 Gudileuo. vi. 28.  
 Honorato. ii. 27.  
 Hormisdæ Diacono. iv.  
 34. v. 13. vi. 33. vii. 12. viii.  
 33. 39. ix. 5.  
 Ioanni. i. 1. 10. ii. 18. iv. 12.  
 vi. 37.  
 Iuliano. iv. 7. 20. vii. 1.  
 Laconio. ii. 5. iii. 16. v. 24.  
 Laurentio. iii. 6.  
 Leontio Abbati. v. 6.  
 Liberio. ii. 26. v. 1. vi. 12. ix.  
 23. 29.  
 Luminoso. iii. 10. iv. 11. v.  
 11. vi. 16.  
 Marcelliano. iii. 9. 29.  
 Marcellino Episcopo.  
 vi. 17.  
 Marciano. v. 2.  
 Mascatori. iii. 24. ix. 20.  
 Maximo. iii. 5. vii. 20. 21.  
 22. 23. viii. 10.  
 Meribaud. ix. 3.  
 Messalæ. viii. 3. 9. 43. ix. 12.  
 26. 35.  
 Olybrio. i. 9. 25. ii. 4. 9. 13.

Opilioni. i. 22. v. 3.  
 Pamfronio. v. 16. ix. 13.  
 Parthenio. v. 19. vi. 1. 23.  
 Passuo. iii. 32.  
 Petro. v. 8.  
 Pomerio. ii. 6.  
 Portiano Abbati. viii. 34.  
 Probino. ix. 4.  
 Probo. vii. 27.  
 Promoto. iii. 14.  
 Senario. i. 23. 34. iv. 27. 31.  
 v. 15. vi. 8. 12. 27. vii.  
 viii. 7.  
 Senatori Episcopo. iii. 1.  
 Seruilion. v. 14.  
 Simpliciano. vii. 19.  
 Speciosa. ii. 2. 3.  
 Stephano Abbati. iii. 4. 1.  
 Stephano Episcopo. ii.  
 17.  
 Stephano. vii. 24.  
 Stephanie. viii. 17. ix. 15. 1.  
 Symmacho Papæ. iv. 1.  
 22. 29. v. 10. vi. 31. viii. 3.  
 38. ix. 30.  
 Symmacho Patricio. v.  
 25.  
 Trasimundo. v. 1. iv. 10.  
 Venantio. v. 22.  
 Victori. ix. 8.



MAGNI FELICIS  
ENNODII  
EPISCOPII  
TICINENSIS

Epistolarum

LIBER PRIMVS.

ENNODIVS IOANNI. I.

**D**VM salum quæris verbis in  
statione compositis, & in-  
certa liquentis elementi pla-  
cida oratione describis; dum  
sermonum cymbam inter lo-  
quelæ scopulos rector di-  
ligens frænas, & cursum artificem fa-  
bricatus trutinator expendis; pelagus ocu-  
lis meis, quod aquarum simulabas, elo-  
quij demonstrasti. Deus bone, in quantos  
se vsus diues lingua dispergit! Cùm volue-  
rit, sæuit vt bestia, currit vt fluuius, flu-  
ctuat vt profundum: & quamcumque fucatis  
verborum imaginibus pingit speciem, veri



adstipulatione repræsentat. Timere te scri-  
ptione n, quasi fronte tener, insinuas; dum  
declamationū pompam refuga laudis depos-  
cit assertio; & sit auara gloriæ, dum pudori  
parcere se ostendit, peregrinam mentita for-  
midinem. Ago atque habeo gratias, quòd  
nobilia rudimēta facundię tuę in amici, quā-  
tum æstimas, præconijs consecrasti. Et licet  
non agnoscam mea esse quæ loqueris; reli-  
gionem tamen narrantis amplector, diligen-  
tiam pectoris laudo, quam gratiæ per sudum  
rutilantis luce dedicasti. Tibi fax ista præten-  
ditur, quam in opinione mea blandus elocu-  
tor accendis. ego noctem conscientię meæ,  
& si non fugio, noui tamen æstimare. Graues  
hiatus patitur alienæ gratiæ commissa credu-  
litas: quamquam omne crimen transeat, qui  
vult decipere confidentem. Gaudia tamen  
mea de te epistolatis alloquij dotibus adim-  
plesti; dum nouitatem sensuum monstras le-  
renitate sermonum, & veteris decora prosa-  
piæ nouelli vincis nitore colloquij. Sat fuerat  
parentum tuorum desiderijs, seniore te fami-  
liæ ornamenta æmulari: vincere posse, sicut  
nemo credidit, ita nullus optauit. Vides quan-  
tum ad vnguem polita conuersatio pretijs  
bene nascentis adiungat? Quod iubar san-  
guinis præstitit, superauit industria castigan-  
tis. Credidi votorum summam fatigari, si  
te natalibus reddidisses; illud non expendens,  
quid claritati tuæ eohabitator infunderet. Sic  
fortè in æstimatione arbitrij mei defrudata  
cognitio. Neminem credidi ad Olybrium per-



uenire: quem vicinis calcibus pernix insecutor adiunges; beatū facturus nempe, si viceris. Deū precor, vt adoleſcētia in te, quæ [pérfectionē] primordijs mōſtrant, bonæ frugis germina cōualeſcant. Domi habes, vnde exhortationis meæ viua ſumas exempla. Te pater morum tranquillitate, ſocer eloquentia ſimilem producat. Si me voti reum facere cæleſtia regna dignantur, vnum precor, vt mei meminiffe digneris: ne illius, cuius perfectionem inter dicendi ſimulacra meditaris, obliuionis quoque par eſſe contendas. Sed ad epiſtolæ morem reuertar, quam affectio tua in longū produxit. Salue mi domine, & amantem tui frequentibus cole munijſ litterarum; ne amoris conteſtatio ſola, ſicut ſolet in quibuſdam eſſe, præuij in te putetur extitiſſe ſermonis.

## ENNODIVS FLORO. II.

**N**OV i me duram cepiſſe provinciam, & grauem ſarcinam humeris infirmis atollere, qui ſublimitatem tuam, quantum ad me, quietam verborum ſtimulis excitauit. Sic minaces dente beſtias inualida laceſſit adoleſcentia: & dum maiora viribus prouocat, quodeuenire optat, ſpectaculum putat eſſe, non prælium. Sic mens congreſſionis ignara certaminibus ante periculum debet affectum. Leonis rabiem, & quam Libya alitio beſtiam, quàm te, lingua cenſeo miriorem. Quæ me præcipitauit inſcitia? qui animi feruor à cognitione tui peregrinantem

duxit in deuium, vt nescirem quid intentioni  
 laceffitus deberet, qui semper contumelias  
 primus incipit, qui iniuriarum gymnasijs  
 nunquam meruit posthaberi? Clericorum  
 certè exercitatissimus maledictor; qui ad eos  
 semper nouelli & acuti dentis morsus exhi-  
 buit; quem euadere ad vnguem ducta vita nō  
 meruit; cui cessit omnis eruditio; & quasi  
 cometem sidus religiosorum fugit vniuersi-  
 tas. Hunc ergo improbus & fronte debilis  
 excitaui. Hac fiducia prouocassem ventos ad  
 flandum, ad cursum flumina, Faustum meum  
 ad facundiam, quate ad garrulitatem loquēdi  
 parcus ferratis verborum calcibus animaui.  
 Ignosce quæso, & quod in aliis vitium putas,  
 taciturnitatem amantis sperne: abstine à res-  
 ponsis, prouocantem damna contemptu. Te-  
 cum decerter de medijs curiæ sinibus edu-  
 ctus, circa gallum prosapia conticesce: silen-  
 tij tui, si præuales, talione mulcemur. Caue  
 mi domine, ne incipias minorem loquacitate  
 prouocando humilis æstimari. Quid enim la-  
 boris est, iacentem in ea parte superare, &  
 triumphum de eo ducere, qui se ante confli-  
 ctum imparem confitetur? Esto mihi tamen  
 apud dominum Faustū amoris mei fibula, si  
 querelas, quamuis angustas & rusticas, studes  
 euadere.

## ENNODIVS FAVSTO. III.

**A**CTA est causa desiderij mei beneficio  
 querelarum: meruit impudentia, quod

negabat vrbānitas. diligētiā sancti pectoris,  
 quam artifex silentium tegebat, elicui: ta-  
 citurnitatem, quæ ad fomenta ardoris mei  
 parata fuerat, terminaui: prorogando viles  
 paginas, pretium vincentis accepi. Sic vsuram  
 cultori vexatis reddit terra cespitibus, & fæ-  
 turam nobilem de singularibus parturit gle-  
 ba germinibus. sic ad vocem vnius hominis  
 montium secreta respondent, & dum angu-  
 stus clamor vincitur, valitudinem suam ele-  
 menta manifestant. Euangelicis tali factō ob-  
 secutus oraculis, fructum de præcepti sum ve-  
 ritate sortitus; cuius declarat instructio, quòd  
 pulsanti sape surgat Deus, & tribuat, si non  
 propter meritum, vel propter importunita-  
 tem. Faceſſat post hac infidelium malè cauta  
 discussio: integritati sententiæ periculis præ-  
 sentibus idoneus mihi testis adſtipulor. Fre-  
 quenti oratione optata promerui: concessum  
 est precum assiduitati quod negabatur exami-  
 ni. debeo vobis amicitiam, querimoniam meam:  
 quas, dum votis effectū tribuitis, plus ama-  
 bo. Fuerit licet origo vestra à iusto dolore ve-  
 niens; frequenter à vobis, postquam præſti-  
 tiſtis, etiam illæſus incipiam. Delenificam al-  
 legationem amplexus epistolæ eloquij, ago  
 atque habeo gratias, quòd me diu tristitiam  
 noluiſtis eſſe participem. feciſtis hoc forſitan  
 voto & studio consulentiſ. Sed adſcribo pec-  
 catis meis, quòd maioribus, dum temperatis  
 alloquio, sum iactatus angoribus. Mihi vni  
 in aduerſum prouiſa contingunt, dum gra-  
 uiora ſemper in mœrore æſtimo, quæ tacen-

Luc. II.



tur: quia credo quòd de mediocribus sæpe cõ-  
municentur verba languoribus, cùm proxi-  
mitas funeris imperet silentia citò rumpenda.  
Deo gratias, qui ea quæ dura æstimantur cle-  
mentia bene vertit, & quæ ex merito nostro  
ventura collegimus, ex sua facit miseratione  
transferri. Voluissem tamen, talem circa par-  
uitatem meam dignatio vestra tenuisset affe-  
ctum, vt quem comitem sæpe gaudijs adhibui-  
stis, cum eo elegissetis etiam aduersa partiri.  
An putatis tale beneficium in acceptum me  
esse relaturum, si ab æstibus pectoris vestri,  
tanquam malè fidelis excludar? Non est, vt  
video; apud vos mei ratio dispensata consilij.  
Ego mihi perire gratiam puto, nisi eam rerum  
omnium. vobiscum communicatione nutria-  
tis. Desinite, quæso, in hac mihi parte consu-  
lere, vestra impendiò verba cupienti. Cui si  
votiti negentur affatus, fatiscam, vt terra, cui  
cælo nihil liquitur, nec venas suas succo bibu-  
li humoris infundit, vnde innatis alimenta  
culmis exhibeat, & ad falcem grauidas ari-  
stas adducat. Vt piscis aqua abstractus vitali-  
bus indubmentis priuatus extinguatur, sic ego  
subductis alloquij vestri fluentis interimor.  
Querant alij quod delectet: ego res ad ani-  
mam pertinentes exoptulo. mihi non tam  
delitias verba vestra pariunt, quàm salutem.  
Rem fateor nullis coloratam fucis, nullis ne-  
bularum depictam mendacijs, quia non sum  
simulandi artifex; decerptum aliquid vitæ  
meæ censui, dum taceris. Malè vos fideles  
asseritis, si ad aures meas generaliter desce-  
n-

da per vos deferantur incommoda. quasi nescire alicui Christiano liceat malū; cui Roma succumbit. Barbaras nationes, & à nostro limite toto pene orbe diuisas, continuis hæc conijcio lamentis ingemiscere, & ad solatium nostrum lacrymas commodare. Huius rei magnitudo vestra adhibere se indicem fugit, vt in perniciem meam fallacium nuntiorum diabolica cum securitate vota mentiantur: vt non sit, ad cuius veritatem post fabulas redeā, nec qui animum meum veri demonstratione sustentet. Caue faxis, mi domine: vobiscum mihi alia res est. aliud fori ius, aliud triclinij. Audiat te quæ in conuersatione publica didiceris, familia domestica retexentem. Subiectorum animos, & fideles, vt putatis, mentes relationum vestrarum cibis alite, ne ieiuna amicorum corda talibus ferculis impasta moriantur.

## ENNODIVS FAVSTO. IV.

**A**GNOSTICI fidem secutus, & suauitatis orationis sapore prouocatus, penè vitium credidi rem esse virtutis; & dum plus sermonum diademata credo valere quàm cōscientiam, culpam, quam mens non agnoscebat, incurri. Non sic ceruis sibilo artificibus insidiis blandus venator illudit: non ita pinnarum mentita formidinem discoloribus lucis vltro expetenda retia manus magistra componit: quemadmodum me captum, & sponte capistris ora porrigentem magnitudi-

nis vestra tenuere sermones. Commissi nef-  
 cius, vobis impugnantibus, diu vtrum essem  
 innocens inquisiui. Aliud sentiebam de epi-  
 stola vestra, aliud de proposito meo. Quis ro-  
 go fuit patrandi sceleris tam venustus admis-  
 sor, qui purgationem crederet, si alieno se  
 fateretur præcepto suo militare flagitio, cum  
 nemo de se confesso iuste credere possit crimē  
 alienum? Sed credo iuris & legum expertem  
 fuisse personam, & sola calliditate composi-  
 tam: cui etiam imitandi in scriptione aliena  
 imaginē veritatis [usus] indulgeat, & proprie-  
 tatis simulacrū lenocinia pudenda concilient.  
 Nolo cuiusquam nomen incescere; nec contra  
 consciētiam accusantis subire personam. suf-  
 ficit pudorem meum in statione constitui:  
 alios iacent incerta ventorum. Ego tamen,  
 & si imperare talia calcaribus armatae lectio-  
 nis adigerer, Patriarcharum me imitatione  
 defenderem. Furto Iacob primogeniti fratris  
 vicit ætatem: cuius beneficio principatum  
 obtinuit, quem natura non dederat. David  
 dum lustraret devia studio fugæ & angusta  
 terrarum, propositionis panibus famem de-  
 pulit; & contra legis vetita, quæ minores ha-  
 bet aculeos, esuriem corporis effugauit. Ego  
 in ediam, quam de diuinis libris anima im-  
 pastus conceperam, marcentibus diu debui  
 tolerare visceribus, donec concepta lues ad  
 vitalia secreta percurreret? Daniel propheta  
 diuina dogmata regiis subduxit penetralibus;  
 quæ ad instructionem suam pudicus & imitā-  
 dus raptor adiunxit. Quid iuuat ire per sin-

Gen. 27.

1. Reg. 21.



gula, cū ad munimen impugnata vna sufficiat de numeratis persona conscientia? quæ tamen verecundia suæ, & naturali vt ita dixerim debilitati, antè necessaria petitione prospexit. Nam & si sum post negationem qui me reum fecerim, æstimate. Doctorem libycū asseritis sublata à se pyri poma flevisse. meritò lamentis expiandum est, quod cum pudoris dispendio venter acquirit. Vilia fuerint fortè quæ sustulit, aut negligentia, aut vsu, aut tempestate peritura. non fuit culpa vacuus tamen, iuxta Apostolū. raptor: carnem quàm Rom. 2. animam plus amavit. Tobias propheta huiusmodi commissoris occurrit, & diuina voce testatur dicens: *Non licet nobis aliquid manducare furtiuum.* Cū dixisset, manducare, non dixit, non licet nobis aliquid lectitare furtiuum. 4. Reg. 22. Iosiam, vt narrat historia, subrepta papyrus instruxit. Ego homuncio hoc non facerem, quem vos contra ingenij vires ad scientiam diligendam verborum stimulis foditis? Sed reuertor ad virum optimum, præfati, quantū scribitis, sceleris admissores. qui in vtraque parte fidem violans, nec vos securitate, nec me facti, si scripsi, perfectione donauit. Contingat mihi, salua magnitudine vestra, coram posito secundum mandata Dei, tanti viri, prout habet animus meus, terga multare.

ENNODIVS FAVSTO. V.

**A**BUNDANTEM Dei misericordiam precatus commendo ipsi anni felicitis auspi-

cia; & beneficiorum eius muneribus sublimis-  
iam Consularem virum quasi æqualis aggre-  
dior. Hactenus trabealis coturni pompam  
familiae nostrae peregrina ornamenta tribue-  
bant, & pertinere nos ad eum magis affinitate  
quàm genere gaudebamus, qui anno nomen  
imposuit. Munus erat, non debitum, quòd in-  
ter curulium possessores diligentium fabulis ad-  
debamur. Quotiens nos obnoxios sibi fecit  
lingua, quæ apud alios exaltauit, vt commu-  
tato conditionis ordine alienis nostrae nobili-  
tatis insignia deberentur, stipendijs? At nunc  
facefsat inuidia, vetustorum reparator fas-  
cium nouellus Consul illuxit, & dignitatum  
nostrarum cariosas fores robustus reserauit  
impulsor. Ad rediuiam valetudinem treme-  
bunda marcescentium cardinum limina iuue-  
nescunt: quæ nullis credo, Deo auspice, quia  
posthæc obicibus claudenda patuissent. Nam  
Auieni mei non vnus, sed primus est Consula-  
tus. Stirpis suæ gestatura aquilas agmina præ-  
uius antecessit, & ad principalem militiam  
iter virtutis ostendit. Si qua est sæcularium  
reuerentia dignitatum, si quis honos est ho-  
minem viuere post sepulcra, si quid prouidit  
astutia veterum, per quod ab hominibus anni  
vincantur adulti; iure fastos huiuscemodi pu-  
tantur inuenisse consilia, quorum longauitas  
& senectutem refutat, & terminum. Deus  
bone! quantum est, vnus vocabulum homi-  
nis impensum in dictandis legibus laborem  
vel stabilire posse, vel soluere? macte insigniū  
adolescens virtutum, qui per oblitterarum

materni stemmatis callem vitales honorum  
 secures attulisti, quibus annosas, ne posterita-  
 tem tuā retinerent, splendidissimi itineris ob-  
 ices amputares. Cedant huic priscorum lau-  
 des, quibus nobilitatem doctorum commēta  
 pepererunt, quæ phaleratis verborum super-  
 cilijs meritum à relatore mercantur. Necessē  
 enim est exilitatem thematis narrantis opi-  
 bus ampliari, vt dos, quæ in materia non in-  
 uenitur, styli processionibus inferatur. Vt ta-  
 ceam Fabios, Torquatos, Camillos, Decios  
 fuisse superatos, te ipsum, mi domine, qui  
 vninersos vicisti, eius primordiis existimo  
 votuē cessisse. Tu per duratum proauorum,  
 auorumque scipionum tramitem iam grādior,  
 pene præcedentium connexus lateribus am-  
 bulasti; ita vt sub coniunctione nunquam in-  
 terpolatæ felicitatis incederes. Ad Auieni mei  
 adhuc teneri virtutes pertinet, & tuo generi  
 continuare fasces, & nostro reddere. Ago gra-  
 tias intentioni in commune augmētum pro-  
 futuræ: per quam cum Dei beneficio natalium  
 bonorum claritas hætenus interclusa resplē-  
 duit: per quam diem suum lucidus sanguis  
 agnouit. Quam voluissem votorum meorum  
 summam coram positus intueri, si non pec-  
 catorum magnitudo munus cæleste, quod nō  
 potuit desiderijs, denegaret aspectibus, & ne-  
 fas sit hominem vno, eodemque tempore vni-  
 uersa optata promereri! Illud tamē inter ma-  
 ximas Redemptoris nostri remunerationes  
 credo numerandum, quod limen felicitis in-  
 fantiæ Consul meus cum honore senis ingres-



sus est. Sed præcipio quid paretur laboribus, cum talia primordiis exhibentur. Inauspicatis successibus illi prouectuū incrementa ventura sunt, quem cœpisse videmus à fascibus. Minus est quod sibi de prosperitatis euentu in antiquorum præconijs vetus fama blanditur. Quod attrita puluere canities, quod vita sub fasce acta vix meruit, quod grandæuus de impetratione nunquam certus optauit, hoc memorato sapius adolescenti meo supernum munus ingessit. Additur, quòd in principio vitæ disciplinis optimis institutus, videtur meruisse quod adeptus est: nec dignatur totum in se felicitati tribui, in quo possunt etiā dari plura virtuti. Naturæ in decus scholas & literarum studia consecutus, paternæ perfectionis æmulator, talem se indultria sua filium reddidit, qualem alter vix potuit elegisse. Quidquid Attica, quidquid romana præcipuū habet lingua, cognouit. aurum Demosthenis & ferrum Ciceronis expendit. vtramque dicendi seriem Latinus relator impleuit. Grammaticæ instructionis repagula, & illas dicendi legales angustias pro libertate complexus est. Oratoriam pompam sectando masculæ dictionis brachiis æqualis ad certamen eduxit. Sed quòd me rapiat processus affectionis terminum refutantis, agnosco. diuisus proposito Consulem eruditum ingenio impar appello. Ad vos reuertor, cum quibus mihi cōmunegaudium, par desiderium, æqualis supplicatio est. Oremus Deum, quia vota nostra modum refutant, vt ipse faciat perenne esse

quod tribuit: nec vnquam circa nos muneribus suis terminum ponat, qui largiendo damna non sentit. Vos gaudete tamen vestro tam excellenti bono, quibus fas est post trabeas suas habere filium in obsequio Consularem. Si tamen in sententia mea cælestis vigor operatur, & tota mens humanis delictis inclinata non subiaceret, fidelium orationum vestrarum retributio est circa sobolem dignitas impetrata. Vrbi sufficerent quantos habet domus vna precatores. Felix mater tot imperatorum domina; vos apud Deum precibus suis matrona fortis attollit. per tantos regnum cæleste vim patitur: quorum meritis à diuina clementia quod postulatur, exigitur. Scriptum enim me ninimus, dicente Domino discipulis: *si conuenerit duobus aut tribus vestrum, quidquid* Matth. 18.  
*petieritis impetrabitis.* Credo Redemptorē, iustorum raritate prospecta, pro mundi salute petituros duos dixisse sufficere. licet coniectura perpendi, si possit tribus aliquid denegari pro suorum vtilitate poscentibus. His ergo spebus animatus, & iustorum cognatione sublimis, confido de superna benignitate etiam me ad optatæ copiam gratiæ peruenturum. Si Abraham meritis Loth sanctorum turbis adscribitur: si hi qui caruere propriis, propinquorum ad cella perducī meruere virtutibus; annus iste familiæ vestræ pariet dignitates. Nam si vobis cordi sum, facilè ad cælestem gratiam optata impetratione perducor. Domine mi, salutationis reuerentiam soluens, veniam postulo de prolixitate sermo-

Gen. 12

nis; quia difficile est magna gaudentem parua loqui esse contentum.

*ENNODIVS FAVSTO. VI*

**D**EVS bone, quàm nihile est arduum magna curantibus, & qua quiete diuina mentes visa describunt! quibus ornantur dotibus loca, quæ lingua diues, & dicendi peritus aspexerit, si religioso liceat sine discriminè confessionis enarrare proposito! Quasdam mûdi artifex Deus prouinciis felicitates stupenda secreti sui largitate concessit. alias uberius, melius alias vinum iussit effundere: alii contulit triticeæ segetis ope gratulari: multa pomorum varietate vel vtilitate donauit. quibus hæc tamen ipsius naturæ repugnantia merita non dederunt, fecit eas relatore sublimes. Non est vnde iciuna cautibus gleba desperet, nec vnde nõ respondetia cultori arua subiaceant. Linguarum genio terris merita tribuuntur: & qualiter quis loqui potuerit taliter rem, de qua fuerit locutus, attollit. Crescitis prouinciæ cultura sermonum. oris est, quicquid in vobis lector stupuit. Vber solium, & diuitibus quæ te iactas terra palmiribus, quæ per modicos sulcos scalpentem dorsa pascis agricolam, quæ venas diuites in ipso proscissionis pandis exordio, quæ suscepta germina multiplicata messe restituis, nihil tibi commune cum maximis, si ad te domus Faustus Romani status eloquij non serenus accesserit. Ecce Comus pullæ quondam



penè in silentium missa conditio, quæ nulla se hæcenus commoditate, nulla, vt aiunt, formositate iactauit, quanto gaudet ingenij priuilegio? Quæ per prærupta conuallia, & patulos coherentium hiatus montium æstiuus niuibus miseram scit exhibere concordiam: cui per pericula pendentium cum via cultorum antè terram per scopulos opus est seminare, quàm germina. Cui calamitatis genus est, ripatum Larij confinia canis ornasse nemoribus, vt subridens illecebrosa visione dominantibus blanda sæcunditatem fronte mentiatur, & in perniciem possessoris pulcritudinem nutriat execrandam. Vbi primum fabricis suis per prætoria domini tributa dissoluunt, dum antiquorum lacunas parca nituntur frugalitate reparare, & profligantia patrimonium fulcire culmina. Indigenarum copia ad hoc tantum seruata, vt functioni publicæ peræquatoris etiam vota transcendens numerus nō deesset. Piscium populos nō ad delicias, sed ad horrorem nutriens: per quos discimus, quid laudis captorum alibi sapor mereatur. Vbi aer pluuius perenniter, & minax cælum, & quædam vitæ sine tota luce transactio. Dulcia Larij oculis fluenta transeuntibus, & ad natatum quos perdat inuitantia. Quis ferat decorum gurgitem sub hac deceptione fallentem? Quid dicam Insulam relatione factam habitabilem? quis non hoc miretur: in qua minùs amatur vita seruata? in qua portio fuit euasisse discriminis? circa quâ piscibus hominū ministratur esca cadaue-

ribus? Nulli enim præter aquas Larij defun-  
cti ibidem sepulcra meruerunt. Maria, flu-  
uium Adduamque laudastis, quòd per con-  
fusus ductus discrimen lacum tumoris osten-  
dit : qui agnosci in eo nunquam nisi per tur-  
bida fluentia potuerunt. Tanti fuit diuitias  
facundia in rebus laude carentibus ostentare,  
quantum non fuerant hæc omnia naturæ bene-  
ficia, si dedisset. Cælorum tamen dominus,  
qui hoc vobis posse concessit, munera sua sub  
perennitate tueatur. Quia hæc ego non quasi  
à vobis diuersa sentiens scripsi, sed vt ex istis  
lector agnoscat, Comum per stylum vestrum  
melius esse legere, quàm videre.

### ENNODIUS FAVSTO. VII.

**Q**UANTVS est fascis inuidia, quàm fa-  
cilis nocendi via, quotiens præcedenti  
opinionelaborat impetitus! Nemo quid fa-  
ctum sit, vt video, quidue infectum respicit.  
ad impugnationis fidem solum aduocatur pro  
teste propositum. Deus omnipotens mutatas  
ordinum vices vertat in melius, & rerum sta-  
tum, qui labe temporis aut meritorum no-  
strorum nebulis obsoleuit, aurei sæculi can-  
dore perfundat. Quando non hominum ob-  
scenissima crimina innocētis officij textit um-  
braculum, & quidquid à morum nube des-  
cendit, cælestis militiae serenitas excusauit?  
At nunc in aucupium trahitur malè creduli  
interpretis clericatus, & quod ante religio-  
sam professionem admisisse non decuit, hoc  
post-

postquam per titulū ecclesiasticū culpis renuntiauius, sine honesti credimur consideratione peragere. Qua me tempestate procella immanium peccatorum ire ad famosum officium compulisti? In quo omnes errorum rami magistra viuendi solent falce truncari, in eo de me facinus credi facis omne fallentibus. Ille mancipia sua à me sublata defleuit, & contra potentiam ecclesiastici militis aduocandam credidit egiam defensionem. Rogo, quis hoc commentator vel in scena proponat? quis poetarum fabellam fucis similibus aut commentitijs personis instrueret? Nouit Dominus, qui manu valida in adiutorio vestro mei propugnator assurgat, totius me esse technæ huiusmodi ignarum. Ante aliquid temporis pueri duo, qui sibi à præfato asserabant inferri violentiam, ad opem se Ecclesiæ sub interpellatione publica contulerunt. Preces adhibuisse memini, vt circa eos, quod defunctus voluit, seruaretur: auditurum se deceptiosis & blandis promisit illecebris. Vt ad obsequium reuerterentur, ad quod deputati fuerant, Sancto Episcopo patre vestro præfente, qui eisdem præbebat auxilium, sub notitia ciuitatis hortatus sum. Quid postea euenit, ignorauit, nisi postquam malè retentatoris nomen accepi. Hæc mentior, nisi impugnatoris mei attestazione constiterint. cui tamen gratias refero, quia sub quavis occasione votiuas exegit epistolas: quæ mihi multum doloris iussionis vestræ dubitatione pepererunt. De me enim deliberatum esse video,



si vos, vtrum audiam quæ iubetis, in ancipiti esse cognosco. Nulla me tamen nec magnitudinem vestram ex ea parte apud Deum culpa respiciet; quia præfatos mox ad seruitium illius boni viri sine alicuius audientia libera ire compuli. Domine mi, salutationem largissimam dicens, quàm vellem, si istis negotijs paginas non negetis, aut accusatores meos ipse componere, aut quod est familiarius frequenter errare.

### *FIRMINO ENNODIUS. VIII.*

**I**VCVNDA sunt commercia literarum doctore auctore concepta: illa, in quibus ad vnguem politi sermonis splendor effulгурat, vbi oratio diues frans peritia continetur. Quando abundantem loquelæ venam laboriosus in lucem scrutator adduxerit, tunc procedunt officia susipientis desiderijs paritura. At vbi scaber sermo angustiam pauperis signat ingenij, nec conceptum suum in ordinem digerendo noctem studio elocutionis interserit, & nebulosæ narrationis ambiguo quandam generat de ipsa explanatione cæcitatem; quis non personæ talis in eloquentiæ arce constitutus spernat affectum? Gravatur conscientiam perfectorum amor indocti. Sed vis caritatis internæ necessitudinis vinculis adiuta non fertur. Nescit experiri quid possit, quem caritas stimulis suis exagitat. Solent tamen dignos venia iudicare perfecti, quos inter epistolares vias nutantia desertiere vestigia. So-

letis quid dicere volumus attendere, quociens non eloquuntur vota sermones. Idonea tamen perlatrix viaticum prægrauam: & quæ me præsentare viuis potuisset affatibus, ea epistolam eomitante perduxit: minus nobis periculi esse confidens, sub intercessoris boni me præsentia deliquisse. Vale ergo, mi Domine & amantem vestri peculiaribus fouete beneficijs. Sic apicem vestrum, si est quo crescat adhuc, diuinus fauor attollat.

## OLYBRIO ENNODIVS. IX.

**D**Vm fauos loqueris, & per domos ceras eloquentiæ nectare liquentis elementi mella componis, peregrinum labijs meis sapore epuli diuitis infudisti, herculei certaminis & triumphalium Antæi casuum faciens mentionem. Sic se equidem exercita literarum gymnasijs palæstra dilucidant: sic madefacta studiorum oleo loquendi artificijs oris membra submitunt. Sed noluissem, fateor, illius, ut aiunt, pugnae commemoratione morderi. Antæum fabula senior, ne elusus vinceret, matris solatium, postquam cœpit non cadere, loquitur perdidisse. Qui per calidi hostis fabricam fertur stando esse iuperatus, & in pectore animam posuisse certantis. Res scilicet digna memoratu, sed amicitiarum indigna proposito. Nos nempe memini fœderis certamina suscepisse, sed per quæ mutua vincamus caritatis officijs: ut dum inter huiusmodi luctamina nitimur, & vinci ambe

optemus, & vincere. Nobis per communia peccatorum secreta viuendum potius, quàm obeundum est: matris Ecclesiæ ope sociata, quæ utrosque ut, vera loquamur, fidei vber lacte pascit altrici. Cessent anilium commenta poetarum: fabulosa repudietur antiquitas: status innocens ruinæ nequaquam misceatur alterius. Nobis, si placet in nouellum vsu maiorum exempla reuocare, potius Pyladis & Orestis, Nisi & Euryali, Pollucis & Castoris, si nihil his clandestinorum actuum decerpit obscenitas, conuenit gratiæ meminisse, vel fidei. Quos inter se ita concors animorum deuinxit æqualitas, ut horum duos expetitus cum amicis iuaret interitus, alter amico vitam pretio suæ mortis afferret. Ista sunt digna memoria, quotiens inter nouos concordie nexus, vdo, ut ita dixerim, animorum libro, celsipitibus validis fatura nobilis iuncta maritatur. Illæ mentes promittunt bona concordie, quæ quid in cultura sudoris sit opus agnoscunt. Gaudeo tamen, quòd iam indissolubili societate moribus iungimur, & ab ostio affectionis per examinis lancem caritatis incrementa pensamus.

*Ennodius Ioanni.* X.

**V**ICEM redderem, nisi oneraret diligentiam amici pectoris restituta laudatio ne dum in præconijs mutuum videmur scabere, adulationis suspicione polluatur affectio & amor currat in vitium, dum illud, quod



apud alios debemus facere, nobis incompetenter ingerimus. Amantium enim ornamenta inter familiares paginas retinenda sunt, non loquenda; ne tantum conscientias nostras vacuis sensibus relatione laudis honoremus. Sunt ubi bona tua, ut apud te propter affectum taceam, amicè concelebrem. In his quæ de profectu tuo sentio, religiosam tibi tantum debeo taciturnitatem. Possem quidem, vitia temporis securus, laudes tuas nunc in exhausta prædicatione referare, totam paginam fucatis colorare blanditijs. Sed absit hoc à proposito, facessat à moribus, ut quem mente teneo, ista tantum velim esse remuneratione contentum. Tibi non delenificam orationem, sed vocem debeo castigantis. Non tibi pictis verborum illudens artificijs, sed totum profunda mente te retinens, possem dicere; Ad arcem scientiæ, sine teneræ ætatis præiudicio, peruenisti: summam perfectionis adeptus es: nulla debes cura distringi, sed bonis tuis tanquam locuples possessor ornari. Sed hæc, sicut prædixi, à me aliena sunt. ore te parentis stimulo dico; sint licet grandia, quæ in cano eloquentiæ flore polliceris, ego tamen nisi de messe non gratulor: ut solet avarus agricola, qui vbertatem anni nisi in horreis non metitur. Iam in te & si non gravidas aristas, multo tamen videmus lacte turgentes. Iam prope ad aream vota perueniunt. Sed plus timendum est, quotiens desideria nostra spes vicina succendit. Labora circa studia, lucem in colloquijs dilige, lectioni deuotus in-

siste, ut fructus eloquentiæ multiplicium auditorum ventilatione purgetur. Pulcra sunt quæ scribis: sed ego amo plus fortia. redimita sunt floribus, sed poma plus diligo. Salue, mi Domine, & hæc ea qua insinuavi sinceritate complectere, & amorem meum in admonitionis fide perpende. Scito epistolas tuas nulli doctorum à me esse denegandas, ut quod me per incitiam fugerit, per eos, qui ad vnguem docti sunt, emendetur. & ideo ad scriptionis culturam multo sudore te præpara: ut vota quæ circa te pro venerandi patris tui meritis & amore concepi, ad effectum sub hac claritatis tuæ intentione perueniant.

ENNODIUS CASTORIO ET

*Floro.*

XI.

**A**MANTEM vestri gratia deberetis releuare colloquij; & amicam diligentiam testimonio referare sermonis: quia muta caritas penè obtinet vices ingrati, & per paginarum abstinenciam intercipitur vis amoris. Absentium animis sola literarum medetur oblatio, quæ quodam mentis artificio pingit scriptione quod loquitur. Hæc apud vos superuacuum putamus asserere, quos instituta nobilia acuiunt, quibus præsto est sanguis, doctrina, consortium. Nihil est bonarum artium, quod nescire sine negligentia culpa possitis, quos post lucem natalium Romanum decus Faustus instituit. Ergo magis fatendum est, me non mereri quod postulo,

quàm vos nescire quid debeatis offerre. Domini mihi, salutationis debita effusissima humilitate persoluens, precor, ut tandem aliquando non immemores admonitionis & fœderis rescribatis. Circa quæ opera pigros vos esse non conuenit, quia nec conuersationi vestræ sancta conscientia, nec vber sermo potest deesse colloquijs.

*ENNODIUS AVIENO. XII.*

**S**I quæras, cur à silentio vestro multata non reticet prodiga frons pudoris, & malè interpretando impudentia vocetur affectio: si garrulitatem meam fructu dicas cessante debuisse compesci: ego te, Illustrissime hominum, illa, quæ in familia tua domestica est, sinceritate conuenio, ego fœderatam promissionem quasi obsidem mentis amplector. Doleo quidem procuratas longi causas silentij: dum & caritas & necessitudo negligitur. Sed quia me totum sibi amor tuus vendicat, adhuc credo excusationem posse recipere quod fecisti, & purgationis tuæ in hac parte causas æstimo esse, quas inuenire non possum. In bona te valetudine degere, voti compos semper audiui: sudorem tuum circa ornamenta generis sæpe epistolaris alloquij luce terfisti. Nihil præter contemptum monstrat, quotiens taciturnitas non habet necessitatem. Ego tamen spem de responso capiens semper scripsi, & sub quadam claritatis tuæ præsentia legenda dictaui. visa est mihi, dum



loquor, pagina mea te reddidisse, te sapere, & tuis picta imaginibus verba conferre. Quid esset in epistola tua dulcedinis, si eam daretur accipere, quæso diligenter expende, quādo, licet à nobis procedentia, tamen quæ ad te veniunt, verba complectimur. Iam rogo ad affectum scriptionis erigere, & ariditatem meam colloquii fluentis infunde, vt quid ministerium meum à Deo valeat impetrare, cognoscam, si epistolas tuas amulas paternæ perfectionis accepero. Nolo metuas, quòd illum formidandum doctissimis loquor, & quasi ante oculos tuos in exemplum elocutionis adduco. peritorum mos est medicorum, in venis deprehendere vires corporum, & de successu hominis digitos interrogare. Nec aliter incipientum possunt ingenia cognosci, nisi vt qui non debent teneræ adhuc ætati robustas declamationes, inquirentes de futura vbertate latificent, & messem peritiæ in radice manifestent. Domine, vt supra, salutationis honore, & reuerentia solita, spero, vt me te esse memorem si meritum non ostendit, saltem importunitas mea, quæ est indefessa, significet.

### ENNODIUS AGAPITO. XIII.

**M**ALE est animo, postquam magnitudo tua æqui obseruantissima & amicitiatum tenax, in hanc meæ oblivionis se vertit incuriam, vt diligentia immemor, bona melioris sæculi, quæ accesserunt de profectu ho-

norum tuorum, fama potius quàm felici epi-  
 stola nuntiaffet. Vbi sunt illa sanctæ conscien-  
 tiæ tuæ in conuersatione veneranda penetra-  
 lia? Quando inuenire potuisset relatu di-  
 gniora animus de amantis hilaritate sollici-  
 tus? Sed quæro, ne malignorum quispiam au-  
 strum fontibus, aut petulcum animal rosetis  
 immiserit. Nunquam enim sine offensa ami-  
 cis prosper euentus absconditur: à commo-  
 tione euenit longè degentibus tacere quod  
 gaudeas. Procul à moribus vestris malitiæ fa-  
 cessat obscenitas: puto bona vestra me me-  
 ruisse nescire. Qua sermonis frequentia pen-  
 sabitur tale silentium? Decedentem à deside-  
 rijis amicum nulla delinire potest cultura ca-  
 ritatis. Hæc quantavis, mi Domine, nobilibus  
 scientiæ tuæ verborum pingas imaginibus,  
 rarò curantur malefacta colloquijs, & dolor  
 qui à te descenderit, sanari non poterit per  
 loquelam. Vix erit, vt scribendo deleas quod  
 scribere contempsisti. Sed reuertor ad propo-  
 situm, à quo nunquam est, si miseretur diuini-  
 tas, discedendum. Deo debeo, quòd pros-  
 pera tua, te silentium procurante, in Ligu-  
 ria primus agnouì. Perdidisti fructum studio-  
 sæ taciturnitatis: bonorum felicitas mundi  
 lingua celebratur. Ignorari non potest quod  
 summis accesserit. In honoribus, illa magis  
 amplectenda sunt, quæ redduntur. Malè ad  
 fasces attollitur, cuius mens inter curiæ fide-  
 ralucis suæ suffragia non agnoscit in titulis.  
 Venit ad vos cana dignitas sera, sed debita.  
 Vocauit eam lingua, quam sequitur: exegit

innocentia, quam habuit quondam atate coniunctam. Sed iam redeo ad gratiam familiaris alloquij etiam post offensam. Salve mi Domine, & quod in damno promissi fœderis neglexisti, restitue vbertate sermonis.

*ENNODIUS FAVSTO. XIV.*

**N**OLLEM, fateor, morarum causas aperire, ne animus meus seta in pacem cum lætitia reductus mæsta iterum relatione turbetur, & habeam tristitiæ meæ redituum in narratione principium. Pene enim sibi debet angustias suas, qui earum relegere transacta non refugit. Quis ad calcem perductas anxietates suas reparet intempestivi necessitate sermonis? Sed vobiscum mihi & cum proposito rerum fides est, quibus debetur in replicatione ex quacumque causa sinceritas. Patior libens aculeos revocati mœroris, dummodo veritati nil pereat: & ne per vitium teneræ mentis paginam falsitate dehonestem, sponte fero quod refero. Sancti Episcopi patris vestri prope in dubium salus deducta me tenuit. in cuius ægritudine quamvis cuncta illacrymaret Ecclesia, me tamen specialis maior afflixit, qui eius debeo plus amor. Vidi pacem civitatis urgente discordia vrbis nostræ limina transcendentē, & ab oculis nostris quasi incertum aliquot aut vagum numen elapsam. Sed sufficiat tristibus stricta narratio. Iam ad bonam valetudinem sancti Patris salus optanda & diligenda respirat. Nam ubi mens mea ad stationem re-



diit, statim iussa respexit. Pueros destinavi, qui  
 fideli me de prosperitate culminis vestri, vel  
 totius sanctæ domus relatione perdoceant. Pē-  
 deo rursus, & inter spem & metum dubia æsti-  
 matione distringor, cui necesse est de alterius  
 parentis esse prosperitate sollicitum. Quis ad  
 curas meas se porrigat? quis æstus æquiparare  
 valeat tali diuisione distracti? Sed hæc ad Deū  
 iustius reportantur; cuius clementiæ est vota  
 vincere supplicantium & fluctuantibus por-  
 tum parare desiderijs. Interim ad vsum reuer-  
 tor querelarum. Paginas vestras illico me sug-  
 gero subsequi debuisse, & ad solatium meum,  
 vel propter recentem petitionē, scripta proro-  
 gari, ne in ancipiti de profectioe vestra ani-  
 mus meus pependisset auditu. Sed hanc credo  
 culpam scriptionis emendari posse frequentia.  
 Superest vt diuinitas à vobis ea iudicari faciat,  
 quæ iuuat agnosci. Domine mi, effusam salu-  
 tem reuerentiæ vestræ dicens, precor, vt quæ  
 mandavi suggerenda adipiscantur effectum.

### EN NODIVS FLORIANO. XV.

**I**DEM est, terminum in arrogancia non te-  
 nere, quod in humilitate transcendere. Su-  
 percilij affectus est, iusto amplius esse subiectū.  
 Familiare est grauiter hiantibus, nouas inueni-  
 re blandicias, & grandis coturnus, in eloquen-  
 tia simulare formidinem, vel examen metuere  
 de laude securum. Ego verò diligentiam pro-  
 posito impenderem, si sanguini non deberem.  
 Suscepi epistolam tuam Romana dote locu-

pletem, & stylum Latialem in ipsa principio-  
rum luce monstrantem. Cui me respondere,  
opponente manus inscitia, coegit affectio: cum  
diu esset, quod antiquauerat apud me scriben-  
di studium spes tacendi, & in locum gloriæ si-  
lentium computabat. Sed nisi respondiissem,  
nescires te esse deprehensum, quod minus fa-  
bricatis ingenijs artifici facundia, & succo Ro-  
muleæ calliditatis illuseris. Non æqua ad se-  
candum virtus est politæ laminæ, & eius, quam  
rubigo possederit: nec parem conflictum usus  
potest, & torpor assumere. Nunc epistolæ bre-  
uitate contentus ad salutationis debita me  
conuerto; quod eloquio non potui, gratia pen-  
saturus, reddendo amicitiam pro schemate  
& pompa sermonum. Ecce quantum occupa-  
tioni subducere potui, celer scripsi. Dabit  
Deus, ut si responsa desideras, vacuum curis  
pulsati pectus inuenias.

### ENNODIUS FLORIANO. XVI.

**I**L LV D fraternitas tua amoris meo potuisset  
impendere, quod vera liberalitate cum tri-  
buentis oompendio proficeret & pudori. In ea  
scilicet parte, ut cum indices studij mei literas  
iam teneres, ab scriptionis te cura suspenderes.  
Quisquam ne coloratis frontem pingit illece-  
bris, & famam valida impugnatione labefa-  
stat; nec manifesta excusatione contentus,  
male credulæ conscientiæ sufficere non æsti-  
mat quod probauit? Qui vario sapore collo-  
quij edacium amicorum fauces irritat, ut dum

blanda subiicit, definita permuet. Nam post-  
 quam me silentium amare scripseram, quasi  
 pro allegationis responso, prolixiores paginas  
 impetraui, & diu fortè repositum post nega-  
 tionem meam eloquij vber elicui. Quid face-  
 res, si certamina promississem, si studiorum  
 tuorum feruorem quocumque dente incautus  
 attingerem, nec mei idoneus aestimator pene-  
 tralia tuta seruarem? Adhibita, credo, aduer-  
 sus me fuisset Tulliani profunditas gurgitis,  
 Chrysippi proprietates, Varronis elegantia: nec  
 in vlla iuuenissem parte subsidium; cui nec il-  
 lud profuit, quòd scribendi contentiones nec,  
 cum reticerem laceffit, effugi. Me etsi peri-  
 tiae conscientia, & dicendi vigor attolleret; post  
 diuersa scribentum discrimina, laudem quam  
 multo sudore vos petitis, formidarem. Huc  
 accedit, quòd Rhetoricam in me dixisti esse  
 versutiam: cum diu sit quòd oratorium sche-  
 ma affectus à me orationis absciderit, & ne-  
 queam occupari verborum floribus, quem ad  
 gemitus & preces euocat clamor officij. Dele-  
 nifica ergo, & male suada compesce colloquia.  
 Si ficta sunt quæ scribis, & peniculo decorata  
 mendacij, muta propositum, vel postea quàm  
 vides [mentem] innotuisse quæ feceris. Si vera  
 sunt, & à iudicij lance descendunt, profundo  
 ea pectoris include secreto, vt reverentiam  
 diligentiae, dum amico res integras seruas, ex-  
 hibebas. Mihi immutabile cor custodiens, alios  
 demulce colloquijs. Ecce epistolæ modum;  
 dum productæ paginae cupio respondere, trās-  
 cendi. Sed non est culpa speciali plectenda sup-



plicio, quæ in erratis habet auctorem. Domine mi, salutationem debendam restituens, precor, ut si desiderijs meis, quæ de amore taciturnitatis concepi, pernix te scrutator interferis, saltem occupationibus, quibus impedimur, ignoscas.

### ENNODIVS FAVSTO. XVII.

**S**I à consuetudine officiorum tēperet mens amantis, ipsam cessationem finistrum esse putat auspiciū. mœroris enim ipse sibi causa est, qui non semper in vicinis æstimat habitare quod diligit. Quisquamne digressum ad loquinq̃a censeat, quem mente contingit? Nam si spiritus res est diuinitatis in homine, prolixarum sentire non potest damna terrarum. Dixi causam, quæ me faciat scripta porrigere. Reddo salutationis obsequia, propter quæ promulgantur epistolæ: Deo supplicans ut celestis dispensatione beneficij, in bona valitudine degenti præsentia magnitudini vestræ verba reddantur. Quod recipiat tamen portitor, qui alloquij occasionem præstitit, à me pro vicissitudine commendatur.

### ENNODIVS AVIENO. XVIII.

**Q**VAM bene quod verecundè renuis feliciter imitaris, & dum difficilibus magnitudinem tuam exemplis quæris incitari, narrandi pompam, quam allertor idoneus refugis, ostendisti! Amplector amabilem allega-

tionem formidinis, quam in te ingenii diuitis  
vena commendat. Nolo colendum bonis pa-  
trem in adhortationis tuæ positum pauescas  
exemplis. ab ipso veniunt ista quæ loqueris.  
Scio quæ aurum pariat terra nobilius: cuius  
soli nutrita sinibus metalla plus rutilent. Sæpe  
mihi labor efficax inquirenti altricia terga ful-  
ui ostendit elementi. Scio quæ conchæ super-  
bas pretio gemmas includant: vnde veniat la-  
pis imperiis genium collaturus. Non imperi-  
tiæ quod feci applies, non errori. Viri fortis  
progenies armorum faciem inter patris agnos-  
cit amplexus, & dum naturæ obsequitur, dis-  
cit amare terrorem. Doctorum radix Maro,  
vestri formator eloquii, sic animatum verbis  
patris filium memorat, vt dicat: *Disce puer vir-*  
*tutem ex me:* & alibi, *Et pater Aeneas.* Nunquid  
ille iam fortibus ad certamina brachiis assur-  
gebat, aut virili valetudine imminetia pu-  
tabatur bella gesturus? Sed melius virtus re-  
centibus exemplis animata, quàm monitis,  
profectum corporis, expectabat. Scientes re-  
rum aquilas ferunt pullos suos in ipso vitæ li-  
mine, quo ouorum tunicis exuuntur, ad Solis  
ponere radios, & lucem seminis sui immensi  
splendoris obiectione cognoscere. Nunquid  
est in districta probatione impietas, cum recta  
sit iudicii in electione sententia? Nolunt quen-  
quam perire de fœtibus; sed suos esse qui cesse-  
rint, non agnoscunt. Rectè enim illa inter aues  
sublimitas, genitrix putatur esse victorū. Nunc  
ergo tu, dulce meum, bene cæpta persequere;  
& fauente Deo, vt aium nomine, ita patrem

*Æneid. III.*

redde doctrina. Non æstimes graue esse quod moneo. Et quia ego te de germine censeo, tu de primordiis non paueſcas. fuit & ille incipiens qui timetur. & quotiens ſcalpente terram digito ductus aquæ per puluerem trahitur, turbidum fluit omne quod primum eſt. De reliquo vale, mi Domine, & amantem tui frequentibus cõle muniis literarum. circa quæ ſtudia, ſi mei memor es, pigrum te eſſe non conuenit.

### ENNODIVS DE VTERIO. XIX.

**Q**VAM velim ſæpe officium viſitationis omittere, ſi dulcem tribuit culpa mercedem, & cæleſtis mandati ſententiam ſciens prudensque negligere, ſi deſideriis copiam vindicanda conciliant! Mihi vni contigit de offenſionis merito eueniſſe quod gaudeam. didici nunc tali remuneratione errata ſectari. Non ſunt aduerſa, Doctor optime, amicitiarum religioni, quæ profero coactus in medium. Immo propter confeſſionem dignam propoſito valetudinis tuæ dubia nunquam velut ingratus optani. quin etiam, quantum in me fuit, contra ingruentes tibi inæqualitates precum manus oppoſui. Sed ecce quàm alacer ſenſus eſt, non in proſpera membrorum ſalute fundata oſtendit pagina, in qua vtraque luce fulſiſti. Tua, quæſo, lumina nube doloris hebetantur, cuius tam clara ſunt carmina? & qui lucem loqueris, de viſione cauſaris? Quam timeo, ne parcus in meritis tuis laudator inueniar!



ueniat. Tibi rectè adscribitur, cunctis dare oculos, & obscura mentium peregrino splendore radiare. Ergo putas tibi validum non esse quod tribuis? Pelle, quæso, animo curas superfluas, forsitan sollicitudine aut cautione conceptas. Dabit Deus, vt quicquid corporalis accessit incommodi, vice animæ tuæ persudum rutilantis nitore mundetur.

## ENNODIVS FAVSTO. XX.

**V**ERè gratias Trinitati, quam veneramur & colimus, Deo nostro, quæ sub personarum distinctione & æqualitate mirabili, vnâ nos piè iussit sentire, & adorare substantiam; quæ planctum nostrum vertit in gaudium: quæ dolorum comites ad obsequium lætitiæ lacrymas commutauit: vt verè cum Propheta dicam; *Quis dabit capiti meo aquam, & oculis meis fontem fletuum?* vt beneficiorum cælestium magnitudini sub hac deuotione respondeam: cui contigit antè accipere cælestia dona, quàm poscere, & prius quid boni euenisset legere, quàm quid mali minarentur peccata sentire. Tuum est, dispensator omnipotens, quòd de serenis pignoribus, & futuræ innocentiae hæreditate, in illa quæ præcessit anxietate non timui. qui reductæ etiam statum valetudinis quâli stupefactus accepi, & in confusio- nis similitudine collocatus, quæ supra meritum meum collocata sunt prospera euenisse vix credidi. Verè supernæ remunerationis diuitias humana mens nescit expendere. Sic ani-

Hier. 9.

mo fragiles temperantur, ut prius stationem videant, quam periculorum incerta deprehendant. Deus bone! in quo abrupto pependimus tunc, cum potentia cælestis, ut plenum esset paruulorum in reducta salute testimonium, plus est nostrum labefactata per meritum? Dico integrè, & vocem quam proposito debeo, nulla mendacij nube concludo, (cōfundo verba singultibus, ut sub solida gratulatione, vberioribus in fletum oculis) sæpe me respicere, quod euasi. Vbinam gentium fuimus? de qua nos ad humanam conuersationem ruina clementia superna restituit? Referamus ergo strictioribus verbis huius boni largitori prolixis gemitibus quod debemus. inuitemus ad custodiam munerum suorum, quem in dubijs tulisse probamus auxilium. rogemus eum, qui scit nempe seruare quod præstitit, & virtutum suarum viua testimonia in longum producere. Talia sunt mecum circa vos venerandi vota collegij per totam Liguriam consistentium seruorum & amicorum Dei. Tali nititur domus sancta suffragio. preces pro serenis pignoribus sine cessatione funduntur. Verum me dicere, testis est diuinitas, quæ quod ipsa est, veritatem diligit; omnibus qui de vitæ possunt innocentia & integritate confidere, vestram nimis amaram esse mortificationem. Sed nunc ad epistolæ usum reuertor. Salue, mi domine, & gerulum præsentium Bassum V. C. illa, qua caros meos soletis, dignatione suscipite: quia inter omnes, quibus affectus est meam propter vos amicitiam cu-

scodire, quandam prædictus arcem puritatis ascendit. Iunate ergo petitiones eius, vt fructum de impensis capiens ad potiora præparetur.

## ENNODIVS FAVSTO. XXI.

**D**Iv super aduentu amplitudinis vestrae ancipiti mens mea pependit indicio. Sed postquam me diuina misericordia ab huiusmodi anxietate laxauit, statim ad consueta officia me contuli: quanquam paginarum obsequia nec digresso ad longinqua suppresserim. His ergo valetudinem meam indicans, ægritudinem animi refero, quam de mœrore contraxi. De luminum nostrorum salute sollicitor, in eo loci constitutus, ad quem difficile nuntius expectatus allabitur. Quod in solatio est, Deum precor, vt nulla seruum suum patiatur amplius cura macerari: sed de reducta meorum in solidum prosperitate æstibus meis celeri medela subueniat. Salutans debita seruitute, precor, vt cognitis his, de quibus animus meus varia æstimatione iactatur, sedulo mihi hilaritatem deferentium literarum beneficio succurratis.

## ENNODIVS OPILIONI. XXII.

**C**OEPERAT paruitatem meam magnitudo vestra spe, quæ vota transiret, dignationis atollere, & celestis instituti more, clariora facere beneficia sua, dum mea merita nulla



iudicij lance pensabat; vel censuræ negligens dare pretium muneribus, quæ esse monstrabat indebita: quoniam affectio, quæ circa humiles exhibetur, non habet necessitatem, & speciem suam per sudum rutilanti splendore significat. Diu ergo tali fultus post Deum præsumptione nō timui quicquid obloquentium toxica promittebant. Ast ubi me ad antiquum pulverem vestri reduxit obliuio, quod in solatio debet nudatis defensore contingere, quasi querelarum perlatrices literas prorogavi, promittens mihi de earum importunitate responsum. Sed per occupationum forsitan amplitudo vestra præpedientium incrementa significat ad hæc vos officia non venire. Replicabo, quia idem status fuit culminis vestri dudum paginas destinantis. Ad morem tamen scriptionis epistolariæ me reduco, ne addat prolixitas ingesta fastidium, & denegari paginas faciat magis allegatio, quæ poposcit. Domine mi, salutationis obsequium soluo, & de valetudine vestra, ut animo obligatus interrogo, cupiēs relationis indicio ad gemina desideria peruenire.

### ENNODIUS SENARIO. XXIII

**P**ERDIT affectio valitudinem silentij debilitata torpore: nec ad usum suum diligentia cursus exuberat, si nudetur communi colloquij. Muta caritas penè repræsentat speciem non amantis, & odiorum simulacrum est non aperire quod diligas contesta

tionem sermonis. Ista sublimitati tuæ corā positus intimaui, cū ad solatium absentiae meae literas promittebas. At nunc quæ animum vestrum mei inuasit obliuio, ut nullas per tanta temporum spatia, quæ bonam valetudinem vestram significarent, literas suscepissem? ne de amoris, credo, testimonio animorum indices epistolas conuenirem. Irreligiosum ergo circa amantem tui in meliorem partem verte propositum, & ad memoriam promissæ fidei scripta trans mitte. Domine mi, salutationis debita soluens, precor, ut si vos in antiquæ circa me dignationis statu pagina directâ repererit, responsa mereatur: quia puto inter nos gemina vincula dirumpi non posse, caritatis & sanguinis.

*EN NODIVS ASTVRIO. XXIV.*

**Q**VÆ, malum, ratio est, ut ita sis parcus in gratia, prodigus in querela; & exigas frequentiam literarum, quam ipse non tribuis, viperinis oculis illud quod alter deliquit inspiciens, tuas culpas nulla falce resecando? Anni plures sunt, ex quo Alpibus vicinam habitationem delegisti, senator & doctus. Vbi tibi, dum pruinolarespicias iuga, apparuit inauspicata nix capitis: vbi etiam glande te vesci scriptatione signasti. Cuius rei fidem literarum tuarum decora fecerunt, cū cibi huius significantia in ructu turgidi pectoris, & Alpini sermonis apparuit. Miror tamen, quod inter loci illius frænata glacie flumina, & sine successio-

ne frigus, tui iecoris flamma plus æstuat, nec aliquam sortitur pectus de mansione temperiem. Ætas deferuescit in senium: est domus, quæ lymphas in metalla conuertit, & contra naturam gurgitibus sua lege dominatur: tu tamen inter ista sic viuere diceris, quasi ignis tuus alioris pabulis irritetur. Ego te oro parentis stimulo, quia tibi & proposito meo debeo vocem castigantis. Vestrum est post hæc, si eligitis literas meas accipere, de admonitione gratulari. Ego autem præter ista cum honore salutari, quæ scribere possim in illa carnis, quam tu diligis, ellubie viuentibus, non inueni.


ENNODIUS OLYBRIUS ET EV-  
geneti. XXV.

**D**ESIDERIO paginarum vestrarum facta est mihi prodiga frons pudoris; & dum tabula promittit promulgata responsum, intra verecundum penetrabile annosam continere nescit infantiam. Deberem quidem sanguini & proposito silentij venustatem, postquam spei meæ fructum prima negauere colloquia. Sed nescio vtrum malè pertinax iudicetur intentio, quæ sine alterius dispendiis sollicitæ per amorem experientiæ pericula multiplicat. Valete, mi domini, & ad scriptionis mecum remeate concordiam, ne contra Euangelij faciatis monita, si & importunitati denegetis, quod iustè forsitan impetrasset affectio.



## ENNODIVS FAVSTO. XXVI.

**V**OTIS & desideriiis satisfacit pagina, quę apud amantem vestri necessitatibus alienis præstat obsequium. Quàm vellem, si propositum non vetaret, multorum sæpe quietam titubare, vt dum dubiis vocem tribuo, debitum obnixę caritatis exoluam! Domini mei, patris vestri iussionibus impendo præsentis scriptiõis officium: cuius animus dum omnium securitati prouidet, suam quietem sub hac intentione contemnit. Qui dum mala Ligurum post Mauricelli obitum nondum vidit occidisse, confunditur. Recidiuis enim prouincia nostra, quasi præfatam sepulcra non teneant, laborat insidiis. Aduocationem fisci, dum aliqui per iniquos homines nituntur obtinere, ante votorum copiam quid in ea meditentur ostendunt. Ego quidem deliberationem magnitudinis vestrę de bono publico non celauì, asserens vos præfatam dignitatem nulli, vobiscum Deo adnitente, committere. Sed anxietas prouincialium totum credit euenire posse, quod metuit. Hanc à domno meo Episcopo allegationis suscepi prouinciam, vt conscientiam veitram obsequio paginę conuenirem, ne cuius subreptio ad huius rei perducatur effectum. Vos fidissimam pollicitationem solliciti custodite integritate propositi. Ego salutationis officia dependens, quę susceperam alleganda, testatus sum. Spero tamen, vt quid de ea parte deliberatum sit, instruat officio literarum.



MAGNI FELICIS  
**ENNODII**  
**EPISCOPI**  
**TICINENSIS**  
 Epistolarum  
 LIBER SECVNDVS.

**ENNODIVS ARMENIO**  
*Consolatoriam.* I.

**D**I v, frater carissime, festinante voto consolatoriam ad te paginam non misi, ne putater vel mihi subducere fletus, dū verba compono, & in lamentationis dispendiis facere de gemitibus decora sermonum, & debitum planctum per loquelæ schemata dissipare: cū contra amicitiarum religionem, & consanguinitatis vincula, secretum conscientie patescat hostilis, si cū possis dupliciter defunctum flere, non facias: id est, si oculorum ministerio nequaquam iungas oris officium. Vbi, dum

lumina stimulis acta doloris illacrymant, feriata sunt verba plangentis? Sed ego, hominum sincerissime, qui tristitiæ tuæ obsequium in omni debeo parte quod valeo, maiorem meum, in quo tibi comes sum, volui descriptione testari: ne in vna ætate effusarum interci-peretur memoria lacrymarum, vel æstimaret posteritas me in filij tui morte hoc solum debuisse, quod solui: habens in hac via venerandorum exempla Pontificum, quorum imitatione nobilitantur, quos in vmbra merita concluderunt. Ambrosius noster decedentem germanum teste afflictionis suæ libello prosecutus est. Quem cum recenser secuta proles, & scriptoris bene meminit, & in Satyri fratris eius obitu lamenta coniungit. quia eius prouisione contigit recentem dolorem ostentare dum loquitur, & ante legentium oculos semper exhalantia spiritum iam diu defuncti mēbra monstrare; nec vnquam pati veterescere relationis fide funus, quod anni potuerunt sepelire transacti. His ita se habentibus, oculorum flumina refræna, & animum, si placet, ad eius verba conuerte, qui tibi flens consolator occurrit. Amisisse te filium pene vnicum & bonæ indolis, quod patria non minus requirit affectio, prouinciæ vlulatus ostendit, cum ad solatium gemituum tuorum suos iungens, quid de eo censeret, testatur vniuersitas. Tu tamen inter ista quasi specialis mali pressus necesse concluderis, nesciens temperandum quod per multorum dispersum corda commune est. Quare ergo propriam æstimes

*Lib. de obitu  
Satyri fratris.*



Gen. 22.

anxietatem, quam suam per affectum tuum fecere quamplurimi? Tecum, ut de cognata gente taceam, Gothus affligitur, & tu adhuc, quasi solus propriis æstibus subiaccens inclinaris? Instruant te, quæso, veterum ornamenta maiorum; & à mæroris ad bonam valetudinem intentione restituant. Abraham vnicum filium morti quasi pius pater, quod maius est, lætus exhibuit, & ad necem filij mucronem genitor misericors præparauit. Tu translatum cælesti iudicio, quasi orbatum, inquiris: & quæ non obtulisse sacrilegium fuit, hunc oneras fletibus euocatum. In qua causa Dauidicum tibi occurrat exemplum, qui feretrum filij ouans, & Deo referens gratias antecessit, quod dignatio superna de venerandi Prophetæ semine, quæ fortè muneraretur, acciuerat. Tu si eius æmulator non prorumpis in gaudium, certè tempera sub aliqua prædicti imitatione mæstitiam. Replicabis forsitan, vix ista ægris animo posse suaderi, & in graui tribulatione locum non habere consilia: orbatum non respicere quicquid hortatur ad vitā: vnicum desolatos habere in euocanda morte subsidium. His addas, quod frugi sobolem, & qua teneram ætatem vinceret, morum modestia perdidisti: allegans iuuenem tuum immaturos annos, qui peccatis amici sunt, glorioso sine clausisse, & in ætatis naufragio ab eo de portu animæ fuisse tractatum. Quibus ego dolorum tuorum fomentis, licet mæstus, opponam, Minus peccauit, quod immaturus abruptus, est. Iunxit ad vitam perpetuam melioris sæculi

quod in ista seruauit. pœnitentia, quam eum egisse loqueris, etiam si in ipso non inuenisset quod dilueret, inuenerat quod ornaret. quæ quoties innocentibus datur, coronam pro humilitatis affectione conciliat. Ad hæc respondeas; Quò me vertram, frater, qui præter lacrymas in presenti luce nihil habeo? Adijciam, Dei proximitatem inuenire posse hominem, qui de homine non lætatur. In loco filij succedere posse conscientiam, quæ sanctos eius hæredes inueniat. Non vnā ergo viam, si audire digneris, vitæ melioris ostendam: licet tua non egeat monitore perfectio; nec magistro opus sit ei, quem fecerunt actuum suorum emendationes & honestamenta conspicuum. nisi tantum vt adhortationis, quam consilio tuo & prudentiæ debes, fidem diligenter expendas; & ad cælestium munerum affectum te reuoces, vnde vitales auras & accipimus & amamus; & gratum nobis sit beneficium, cuius colimus & veneramur auctorem. Ista sunt, quæ breui sermone dolens magna contexui; ruptam singultibus contestationem pro styli vbertate dirigens, dum muto lamenta colloquijs.

## ENNODIVS SPECIOSÆ. II.

Silentium meum dolor exigit, qui passus est Crescere, dum de vindicta cogirat, dispēdia caritatis. Quid enim fieri potuit, nisi vt tacendo vicem restituerem literas deneganti; vt contemptus circa me, qui per abstinentiam

venerandi sermonis innotuit, dum subduco colloquia, pari mucrone feriretur? Dicas forsitan, vindictam inimicam esse proposito. Sed omnia errata ita computo, quasi legis obsequium, in quibus vos esse contingit auctores. Quisquamne culpam putet, facere quod fecisti; & plectendum iudicio diuino censeat, quod à te processisse cognoscat? Æquo ergo animo sustine quod deliqui: dum ea in re præcedis, lux Ecclesiæ, ipsa voluisti. Ego seruo animum, quem promisi, ut in vniuersis, si mereor, æmulator existam. Cuius rei fidem, dum tacentibus vobis taceo, & quod loquentibus loquor, ostendit. Ad descriptionis ergo officium, postquam visus sum, me reduxi; qui hætenus intra verecundum penetrabile, quæ non amabantur, verba continui; simili in paginis pariturus obsequio. Salue mi Domina, bonæ splendor sine nube conscientie, & ad exemplum sanctæ conuersationis in longum producere, & mei, si mereor, meminisse dignare: epistolari dans veniam breuitati, quam in angustum artauit festinatio portitoris.

### ENNODIUS SPECIOSÆ. III.

**Q**uanto deprimuntur peccatores suorum falsæ factorum, quibus ab oculis tollitur quicquid offertur; & ne in obliuionem desideria mittantur, vicinum fit, nec contingi licet, omne quod cupiunt! Ad Ticinensem urbem votiuam susceperam necessitatem; &



molesti itineris vniuersa transferam; æstimans hoc Sacerdotem credere suis imperijs impendi, quod meo militabat affectui: cùm subito contra metas votorum summo labore petitus iam de area fructus effugit. Proh dolor, qui me de epistolari alloquio ad tragœdiam vocas! Muros venerandæ, post religionis loca, propter te ciuitatis aspexeram: iam grati parabam verba colloquij: vereor dicere, quod remansit; ne loquendo cogar denuo sustinere transacta. Illustrem virum Erduic, quem metu, Ecclesiæ decus, desiderare feceras, improuisus oculis casus ingessit. ibi comites mei videre, quid peterem; ibi animi mei æstus innotuit, quem antè sub prædictæ claudebam vmbra personæ. Nesciui occultare per caritatis tormenta quod volui, nec fucis aliquibus colorare conscientiam. Mœrentem me ad domum reduxit, qui prolixioris itineris causas incidit. Fatigationis meæ, fateor, compendia non amavi. Ecce contestationem diligentiae meæ & mentis asserui. Vestrum est, si vera dixerim, vos interrogare, & animum meum affectionis vestræ æstimatione cognoscere. Domina mihi, saluto, & deprecor, vt libens per præsentium portitorem suggerēda cognoscas.

## ENNODIVS OLYBRIO. IV.

**N**Vlli dubium est inter prudentes sacræ fidem promissionis impleri, & amicitiam, quæ fertilibus est maritata fomitibus, fructuum nobilitate gaudere. Ego conscien-

tiam vestram appello iam statutis fidelibus obligatam. Ego tanquam de bonæ arboris redditu, ita de caritate mutua idoneus carpo potius possessor. nulla partium in aucupio discessionis quod fieri voluit neget impletum. Apud Deum votis aut supplicium debetur, aut præmium. Ego in me religiosi, in vobis nobilissimi consideratione propositi, ad effectum inter nos concordia æstimo peruenisse quæ cæpta sunt: nec adolescentibus gratiæ & in nouam lucem erumpentibus frugibus verborum potui negare commercium; cum culpa dignus sit, qui in vicitate positus noluit primus incipere. In hac ergo parte pudoris volens vitare dispendium, nolo euadere opinionem temerarij, dummodo ad effectum me ostendam peruenisse perfecti. Opportunissimum portitorem sarcina imperiti sermonis oneraui, affectu delinquens, per quem qui peccauerit, & veniam meretur & gratiam. Rogo ergo salutationis effusissimæ debitum soluens, vt si me cordi habetis, de vberissimi ostendatis directione colloquij. quia sicut amoris elocutor, & copiosus assertor es, ita nescis alicui blanda sermonum fucatione deludere.

### ENNODIUS LACONIO. V.

**N**Vnquam inter amantes silentio bene multatur offensa. Gravius inuentorem percutit vindictæ nouitas, quàm errantem. Nefas est pro emendatione culparum culpas adhiberi; dum studio curationis, qui medetur,

ægreſcit. Volui taciturnitatem, quam circa me hætenus, mei immemores ſeruatiſtis, imitari. Sed homo levis animorum fortium non potui æquare contemptum. Victus ſum naturæ fragilitate, confiteor; & quod vos credo computare inter vitia, plus amando ſtyli abſtinentiam effuſa loquacitate penſaui, & longi dolorem ſilentij ſermonis vbertate compoſui. Expectans quidem à vobis præuium munus in literis: ſed nolui mihi ipſe, dum diu taceo, negare reſponſum; æſtimans, quòd loquendi formam dare, niſi loquendo, non poſſem. Proinde, Domine mi, ſalutationis debendæ obſequium ſoluens, perlatores præſentium ad vos ſpecialiter deſtinatum ſolita dignatione ſuſcipite, & ſublaturum de conſuetudine ſcribendi uſum reparate; ne in damnum gratiæ parcitas contingat iſta verborum.

### ENNODIVS POMERIO. VI.

**Q**uouſque tantum licebit abſentiæ? quouſque fama nobilis epiſtolaribus deſtituta commercijs vetereſcet? Nolo euadere opinionem temerarij, dum modò ad notiſſimam poſſim peruenire perfecti. Volo eſſe paginarum præuius deſtinator, vt Galliarum bona ad Italiam migrent, ſine vlllo formæ ſuæ tranſlata diſpendio. An forſitan putabas te in quocumque loci deliteſcere, quem ſcientiæ lux longè poſitorum monſtrabat aſpectui? Et niſi me in laudibus tuis, domeſtica quidem relatio, ſed per imperitiā ſui pauper anguſter, & ampliſſima



meritorum tuorum præconia perlatoris attet  
exilitas; vtriusque bibliothecæ fibula perfe-  
ctionis ex gemino latere venientis partes ma-  
ximas momordisti, procurando vt tali inge-  
nium tuum saturitate pinguesceret. Taceo  
summam cælestis collatam beneficij, & doti-  
bus sine humano adiutorio supernis instru-  
ctum. Rectè enim hoc æstimatur venire de Su-  
peris, quod inter homines nullo constat exem-  
plo. Sed hæc melius secuturis, vita comite,  
censeo reseruanda tēporibus. ad illud venio,  
in quo me seiunctissimus instruxisti. Quantum  
habuit præsentium portitoris sancti Felicis as-  
sertio, in epistolis meis sine cura dictatis Ro-  
manam æqualitatem, & Latiaris vndæ venam  
alumnus Rhodani perquirebas. Sollicitus, cre-  
do, scrutator, & diligens, quid lima poliret,  
inuenit, dum per infabricata verba discurre-  
ret. Nescimus quia quid qua mente homo  
legerit, quòd hac profert deliberatione sen-  
tentiam? maximè cùm scriptum sit,

*Ipse parens Vatum, princeps Heliconis Homerus,  
Iudicis excepit tela seuera notæ.*

Rogo & si indigenas, & si inter studiorum  
suorum palæstra versatos fulget Latinitas, mi-  
rum dictu, si amat extraneos? Periculum face-  
re de eloquentiæ pompa non debeo, nec præ-  
sumo, qualiter quis valeat, experiri; cùm pro-  
fessionem meam simplici sufficiat studere do-  
ctrinæ. Si me tamen quondam studiorum li-  
beralium adhuc nobilitate gaudentem aliquis  
tali dente terigisset, parallem vel quod ad ex-  
cusationem esset idoneum, vel quod non pu-  
deret

*Claudianus  
epig. ad Ale-  
xandrium.*

deret obiectum. Nunc vale, mi Domine, & circa me Ecclesiasticæ magis disciplinæ exerce fauctorem. Scribe, vel manda, Melchisedech parentes quos habuerit, explanationem arcæ, circumcisionis secretum, & quæ Propheti-  
cis mysteriis includuntur. Ista, quæ sunt sæcularium schemata, respuantur, cadu-  
cis intenta persuasionibus, telæ similia Pe-  
nelopæ.

## EN NODIVS FIRMINO. VII.

**E**XIGAT licet amor, quod non potest im-  
plere perfectio, & impetret caritas, vt per  
loquelæ audaciam, quæ ornare poterat, pereat  
spectaculi: maximè cum sit dicendi, vt Tul-  
lius refert, nisi cum necessaria, nimis inepta  
conditio. Sed inter narrationum vias, & itine-  
ra aperienda falce doctrinæ, teneri nescius vi-  
rium consideratione regnat affectus. Impera-  
toris loco dominatur semel penetralibus cor-  
dis infixæ dilectio; credens quod non de ver-  
borum pondere, vel pompa capiatur, qui de  
absentis propinqui est salute sollicitus: nec exi-  
stimat quod nasci possit offensa de gratia: hoc  
ad lætitiæ satis esse coniiciens, si optatā nun-  
tiet epistola sospitatem. Sed vos, quos libra pe-  
ritiæ in eloquij lance pensabit, quibus vber-  
tas linguæ, castigatus sermo, Latiaris ductus  
quadrata constat elocutio; quæritis nimirum  
in alijs quod exercetis, quæritis quod amatis.  
nos ab scholarum gymnasijs sequestrati, aren-  
tis ingenij guttis quædam Oceani fluentia pro-

Lib. 1. Ad  
orat.

uocamus, quasi lychnis contra solis radios pugnaturi. Mei macies longè se monstrat studiij, & nisi excusetur pietate garrulitas, dispendium propriij pudoris est, quod amari. Vena quidem linguæ à generis fonte trahitur: & feruore genuino solet fatura nobilis incitari. Ego mea sum impar prolapia: me dotibus vestris quasi peregrinum scientiæ plenitudo non tetigit. ego vos tantùm laudare magis quàm imitari valeo. Et quamuis nondum in me ad florem venerit matura facundia, & pressus onere gratiæ soluendi deserar facultate: committo tamen cymbam tenuem placido mari: quia parum ab ingratitude differt muta gratulatio. Vnde nascitur, vt prospera, quæ de vobis perlatoris relatione cognoui, inter cælestia mihi beneficia computentur. Et quamuis deberem reddere sermonis officium: sed quia portitorum negligentia fecit, vt directæ à vobis aut retinerentur aut perderentur epistolæ: ego tamen verecundiam meam in statione degentem ad incerta deduxi, & totum me legendum savori vestro committo. Salue, mi Domine, & amantem vestri frequentibus colite munijis literarum. Circa quæ studia pigrum esse nec diligentem conuenit, nec facundum.

### ENNODIUS APOLLINARI. VIII.

**P**RO voto militans desideriis propriis, necessitates alienæ, dum in gaudium nostrum aliquorum precibus exhibemus obsequium. Quis non pretio propter se quæreret, quod al-



## EPISTOLARVM LIB. II. 51

veri sub hac occasione præstatur? Debent mihi nunc perlatores præsentium debita mea, & non solum me ad solutionem non pertrahunt, sed se fatentur obnoxios. Non est incuriæ, quòd rarò à me scripta prorogantur: similia frequenter, vt nunc reperi, bona se subtrahunt. Inueniant ergo huius beneficij fructum, si me diligitis, portitores. Qui sicut à me ea, quæ erant offerenda, exegerunt, ita ad vos, vt opinor, de descriptionis commercio optata perducunt. Domine mi, salutationis obsequia restituens, Deum precor, vt hæc vobis in bona valetudine porrigantur, & reddatur illico pagina, quæ meam quærat, vestram nuntiet sospitatem.

## ENNODIUS OLYBRIUS. IX.

**V**IX aliquando mihi ea quæ diu cupita sunt ex sententia successerunt, vt sciam, quam ex literarum vestrarum ardore conceperam; eloquentiæ diuitis vnda satiare: & ætus, quos expectatio longa geminauerat, ardentia labiis fluentia restinguere. Sed cur me ad votorum asseram summam fuisse perductum, cui maius nascitur de impetratione desiderium, dum de sermonum vestrorum flumine pectus ardescit? Ostenditur mihi liquidò, quàm sit rerum nescia mens humana; quæ dum pretium propriæ ambitionis intelligit, assuescit plus amare ad quod tardè peruenit: & dum abundat in præsentia quo delectetur, magis superest, quod requirat. Nunc

confiteor, in literis vestris superforaneam cautionem mei æstimator expaui: vbi dum secundis in altum loquelæ vestræ portarentur vela prouentibus, & in obsequio militaret quicquid spirat; remigium vestris dicitis deesse colloquijs. Non est licita, veri diligentia sequestrata, quam pingunt verba, formido. remis opus est, quotiens nullo flaminum puppes iuuantur impulsu. his non eger, cui secundam nauigationem facit conspiratio deuota ventorum. Sol facibus non iuuatur: nec lunaris globi claritudinem minorum siderum aliquando illustrauere collegia. Domine vt supra, honorem salutari exhibens, precor, vt apud magnitudinem vestram studiorum meorum fructu non caream; postquam vobis quid cuperem non celauī, vt scriptionis operam, quam hactenus proruistis, styli frequentia, vel vbertate pensetis.

### ENNODIUS FAVSTO. X.

**M**eritum meum regnator celestis si attenderet, aut exigua bonæ adipiscerer, aut magna supplicia; & mei idoneus æstimator, quō meritis peruenire non poteram, voto non tenderem. Sed gratias illi, qui delicta nostra sic ne extollamur refecat, vt spem ad latiora perducatur. Domni Auieni dictionibus à me debentur ista præloquia: qui necdum ad bonam valetudinem reductus, animum meū sollicitudinis catena laxauerat, dum adhuc inter spem & metum anxij vota penderent,

naturam respiciens indicauit quo tonaret elo-  
quio. Iudicio quidem ista præceperam, & al-  
tricem nobilis metalli venam in thesauris,  
quos pepererat, agnoscebam. Sed etiam in  
hoc peccator euenire vix credidi, quod asse-  
qui non merebar. Verum dico, teste diuina  
clementia, si sunt aliqui in Liguria, qui de li-  
tearum possunt genio & splendore iudicare;  
vos crediderunt in illa dictione laborasse, quã  
ætati præiudicans canus iam in puero sensus  
excoluit. Sed ista magis illis cum lacrymoso  
gaudio dixi, quos aut effusus sanguis albo cu-  
riæ cælestis adscripsit, aut clara confessio: qui  
secundis confirmant primordia nostra succes-  
sibus. Vos famuli humilitate & obsequio sa-  
lutans, opto inter quæuis, dum istis animum  
relaxatis, aduersariorum mala gaudere. Nihil  
est enim, in quo possimus inimicorum damna  
sentire. Hoc nobis Deus contulit, quod inui-  
dia terrena non subtrahat.

## ENNODIUS FAVSTO XI.

**Q**uid faciam, quando rescribenda vos  
scribitis, & pro bono præscientiæ cælo  
vobis obsequente concessæ, quicquid alic-  
num pectus potuit inuestigare, narratis? Li-  
quet o supra hominem esse, duorum sic im-  
plere personas. Sed ad illum referantur ista,  
qui præstitit. Ego tamen remittere me oratio-  
nem, per quam in vmbra antiquus Tullius  
truderetur, non promisi. Quippe qui acceptum  
quaternionem sub maiori, quàm ingenio



meo commodabat, celeritate reddideram, dum fidei seruiens, quæ ad profectum poterant pertinere contempsi. Nihil apud me de veneranda tunc dictione remanserat, nisi quod ad fructum, quantum æstimo, bonæ opinionis reposcenti memoria furante subduxeram. Nolo dicere, quale fuerit quod inuitus restitui, quale etiam quod amavi: ne manifestò credatis vos alleganda sine sui dispendio prædixisse. Curis meis tamen super hac parte, serenæ lucis meæ domni Auieni miseratio, licet incipientis, tamen iam probata succurrit. quandam schedulam, quæ ipsâ remanere potuit, ostrum mihi nobilitatis ingessit. hanc hætenus habui: inde sum & locutus, & sapui. Sed postquam & aliena beneficia iussus sum pendere, perlatore eam sequente destinabo: non eam in me pro peccatis meis intelligens beneuolentiam, ut quod externorum muniret ingenia, bene credulus non negarem: sciens me hominibus, quod impugnat propositum, cautione misceri. Verum dico, illo teste, cui nota sunt omnia, & me illas mundi ore celebratas dictiones vestras, quod credo infcitia mea fieri, cuiquam dati nec tormenta compellunt. Domine mi, salutationem reuerentiæ vestræ exhibens, contestor quia negligentia iudicium meum, nec adulatio impugnat affectum.

### ENNODIUS ASTYRIO. XII.

**P**ROPHETICIS oraculis sublimitas tua præstat obsequium, & ad fidem veterum

sanctionum militat nouellis excessibus. Prouidisti ne segnior admonitio remaneret valetudine subtracta neglectui. Scriptum enim est per Dei cultores, quorum aures prudentium debeat doctrina transire, quos falsi sermonis sapore pertrahere; allegans perire monita, quæ in alia constitutis deliberatione præstantur. Ego tamen loco humilis, lingua mendicus, solis antea necessitudinis stimulis verba concessi, & ad contestationem diligentia, prioribus literis exhibui sub sanguinis libertate responsum. Nunc malè est animo, quòd iniuriarum fructu carens, sumpisti forsitan mentita apud te vrbanitate iactantiam; nesciens quòd autorem repetant tela, quæ indocilis aduersus alterum manus emisit. Quis putet contumeliam, quæ solam conscientiam destinantis affligit? Improbiorum natura est, hoc sentire de omnibus quod merentur, & in malis solatium nusquam videre innocentiam. Tormenta sunt maculatæ conuersationis non sibi credere esse participes. Hæc illa mente descripsi, qua memor propositi odium compellor debere criminibus. Nullum dens meus, nisi de se tetigit confitentem: dum vitia incessimus, ream ira manifestat. Nam iniurius sim, si styli loco vomerem sentiam, aut mihi scripta compute, quæ relegens non agnosco. Scit enim Dominus, quia si non nostro nomine notata fuisset Epistola, ad quem fuisset directa nescirem. Tibi habet facetias tuas: aut illis reserua, cum quibus vobis sine oris officio, per clandestinæ familiaritatis communionem clamor est

actuum, Ecce salutationis honorificentiam soluens deprecor, ut in dirigendis epistolis loca, tempora, personas attendas. ne quod ego ad me scriptum non computo, alterum forsitan lædat. Quia æstimo te huius epistolæ formulam ad plurimos destinasse, & sola nominum commutatione, eam per singulos sine meritum consideratione transmittere.

### ENNODIVS OLYBRIO. XIII.

**V**T tradit quædam eloquentiæ persona sublimis, lex est in Epistolis negligentia, & auctorem genij artifex se præbet incuria. In quo opere illud subducit gratiæ, quod cruciatuum testis sudor inuenerit. Caminis excocta fabrilibus verba non flagitat salutis suæ nuntius, & quæsitore alienæ. Melius si in his commerciis pura elocutionum fronte congredivimur: diademata simplex colloquij cultus abiurat: epistolaris communio, si quando affectatum decorem fugit, obtinuit. Sed magnitudinis vestræ diues & elucubrata narratio mendicis limitibus nescit includi; nec oris thesaurum quibuscunque artare confiniis: magnorum more fluminum riparum fræna contemnit. Nam dum compositum velamen occupationis locuples lingua transgreditur, his tantum se studijs militare significat, ad quæ vel occasione perducta est. Et nisi vobis, quietis nostræ testimonio, Reipublicæ gubernacula sentiremus fuisse commissa, & rem laboris vestri esse, quicquid ubique disponi-



tur, vel Italix curam didicissemus vnū pectus ingressam; pene vos sola putaremus paginalis styli cura & assiduitate macerari. Deo debentur hæc munera, qui & amatorem scientiæ sensum contulit, & limam studiorum ad oris fabricam non negauit. Non sic pernix æther acta neruis arundo proscindit: quemadmodum inuenta ingenij vestri sermo describit. Nulla languescit obice, nullis tardatur obstaculis: sit peruia, quæcūque se illi difficultas obtulerit: & mirum in modum per allegantis peritiam mutatur natura causarum. hoc facis in merito negotium habuisse, quod cupias: veritas est, quodcumque pro veritate narratis. Hinc cautis iudicibus non licet repugnare. minutissimi discussores opinionis lucrum æstimant, si sequantur quò per trahit oratio imperiosa captiuos. Huic ergo linguæ, his opibus reuerentiam, fateor, ad quam primus cucurri, debeo singularem. Et opto esse plurima, quæ mihi ad caritatis fibulam agenda mandentur. Sed quæ iniunxistis de religiosis feminis, Speciosa, & germanis eius, malè est animo quòd implere non potui. Nihil enim nunc mihi cum illis residuum est familiaritatis aut pignoris; maximè quia in diiunctis ciuitatibus degunt. Ad quas tamen missas ad me literas mox direxi; quæ responsum vsque ad illa, quibus se viderent, tempora protulerunt. Ego, ne magnitudinem vestram suspensam tenerem, scripta prorogavi: mox ad vos perueniet, siquid mandauerint, quod libeat indicari. Nunc honorificentiam salutationis

impertiens, rogo, ut mihi magis cum Ecclesia sublimitas vestra si quæ sunt agenda, committat. quia puto me in affinium vestrarum causa, vel matronæ, amici circa vos diligentiam pectoris non celasse.

## A FRIS.

## XIV.

**L**VCIVM forsitan putaret inimicus, si inter pericula, quæ Christianis indixit, credentium animos subegisset, & per diuersa domini grege disperso, non superesset vel inter paucos, à quibus possit fide perseverante calcari. Regnat adhuc ille in numero vestro, qui sibi non tam in multitudine, quàm in deuotione complacuit. Scriptum enim est, datam Sathanæ potestatem, ut seruos Christi cribraret: ut quod de tritico inueniri posset, horreis iungeretur; quod de paleis, ad ignium alimentum transiret. Ad vos specialiter dictum est, *Nolite timere pusillus grex, complacuit patri vestro dare vobis regnum.* Venit inter vos gladius perfidorum, qui marcida Ecclesiæ membra resicaret. & ad cælestem gloriam sana perduceret. Quot habeat Christus milites, certamen ostendit: qui triumphum mereantur, per bella cognoscitur. Nolite metuere, quod Pontificalis à vobis apicis infulas abstulerunt. Vobiscum est sacerdos ille, vel hostia, qui non tam honoribus consuevit gaudere, quàm menibus. Maiora sunt confessionis præmia, quàm nominatæ munera dignitatis. Ad illa plerumque etiam minoris meriti personas fauor humanus

Luc. 12.

Luc. 12.

adducit: ista nisi gratia superna non tribuit. Ipse enim in vobis & pugnavit, & vicit, quem fides meretur & inter hominum tormenta sociari. Prolixis non est opus feruorem in vobis caelestem animare colloquiis. Habet incrementa sua diuinæ virtutis incendium. Nec opus est eos in trophæo iam positos attolli laudibus, qui sine monitore vicerunt. Grauat conscientiam Christiani quicquid adferunt blandimenta præconij. Res quidem virtutis est, quam fecistis: sed summi præuii estimatione superanda. Quod tamen directis ad filium nostrum H. diaconum iteris sperastis, Beatorum martyrum Nazarij & Romani benedictionem poscentes, fidelibus non negamus. Accipite veneranda patrocinia inuictorum militum: & quia vestram iam fidem in prælijs imperator agnouit, feliciter confessionis munera consummate. Dabit Deus, cum ipsi placuerit, reducem Ecclesijs quietem, ut mærorem, quem indixit aduersitas, pacis dulcedine consoletur.

*EN NODIYS EYPREPIÆ. XV.*

**C**AELESTIS dispensatione mysterij, vno tempore mihi sororis Lupicino refusus est matris affectus: & geminæ copula necessitudinis peregrinanti recipere meruit post interualla pietatem. Reuixisti apud nos post dilectionis quem procuraueras obitum, beneficio literarum, vidimus amorem quasi de quadam sepultura surgentem. Inauspicato nobis



incolumitatis vestrae nuntius accessit auditu,  
 quam credebamus per contemptum nostrum  
 viventem busta complexisse. Credimus te dura  
 perpeſſam : sed confitemur irrogasse durissi-  
 ma. Quod sustinuisti , commune cum bonis  
 est : cum crudelibus , quod fecisti. Vbinam  
 gentium materna haecenus cura delituit ? vbi  
 quod fratri debebatur , errauit ? ad longiora  
 animus tuus quam corpus abscesſerat. Si te ad  
 vltima terrarum confinia peregrinationi so-  
 cia dispulisset aduersitas , illuc sequi debuit  
 germanae fides , & sollicitudo genitricis. Sed in  
 occasu solis , cui proxima fuisse narratis , fri-  
 gidum pij amoris pectus habuisti. Imitata fuiſ-  
 ses aetherei sideris circa debitam diligentiam  
 defectum feliciter renascentem , & feriatum à  
 gratia non perpetuò animum gessisses. Susce-  
 pisti mentem Prouincialium , quos adisti : mu-  
 tasti regionem , & propositum pietatis abdi-  
 casti. Nam abiurans Italiae communionem,  
 non solum circa amicos , sed etiam circa inter-  
 na pignora repulisti. Postremò animae tibi mu-  
 tatio accessit commutatione telluris. Quàm  
 timeo quod longis incuriam tuam incesso col-  
 loquiis ! quid offensa faciet , quae illaesa con-  
 tempsit ? Dedisti iustum dolorem studiis non  
 amantiſ : quae te innocentem faciant , causas  
 ingessi. Sed exprobatio ista , si per se respicitur ,  
 aspera est , si origo eius inquiritur , omni dul-  
 cedinis melle condita. Grauitur fert circa ca-  
 rritatem negligentiam , qui parentis silentium  
 liber accusat. Poteris errata corrigere , si prae-  
 ſentia non vales , ſcriptione multiplici. Salutis

ergo gratiam præsentans, quæso, vt mei memin-  
 neris, qui preces tuas circa communem fi-  
 lium, & voca præcessi. Antè enim quid debuiss-  
 sem consideraui, quàm quid velles agnosce-  
 rem. Tu Deum religione placa, & precum cir-  
 ca nos assiduitate compone: qui intentionem  
 meam in eius profectum, & cordis secreta res-  
 piciat, vt quod ego labore polliceor, ille præ-  
 stet auxilio.

### ENNODIUS FAVSTO. XVI.

**P**AR quidem fuerat sublimi viro Pamfro-  
 nio commeante ministerium paginæ ad  
 viui sermonis officia transferri: nec illum epi-  
 stolari fasce onerari, quem non tam verba mea  
 contigit nosse, quàm studia. Sed eius in his  
 officijs manus dantur imperio. Postulat ad-  
 iutricem paginam latentium scrutator animo-  
 rum. & ideo ne quid apud eum nostri deesse  
 contingat obsequij, scripta concessi, & si  
 comédationi non necessaria, præceptis eius ac-  
 cōmoda. Quibus enim sermonibus prosequē-  
 dus est, cui totum magnitudinis vestræ licet  
 sperare de gratia? Ita eueniet, vt angustiora sint  
 supplicantis verba, quàm merita perlatoris.  
 Quid enim præstes iuuaminis illi, pro quo  
 quantumvis poposceris, plus meretur? Ergo  
 ad styli exercitium iunguntur hæc, non ad be-  
 neficium commeantis. Inuat animum sub  
 quauis occasione vestri meminisse, licet nomi-  
 nato scriptione nihil tribuam. Ecce tamen  
 quia iussus sum, illa quæ præstantur extraneis

insinuationis dicta subiungo. Iuvate vos peccantius expetentem, fiduciam eius dignatione roborantes. quicquid spe præcipit, inveniat: ut si meritorum suorum angustus æstimator est, ad me referat quicquid fuerit consecutus. Osequium salutationis impendens supplico, ut crebris me relevandum ducatis affatibus; cui inter mœroris sarcinas nullum, præter oris vestri solatia, potest esse subsidium.

*ENNODIUS CONSTANTIO. XVII.*

**N**EMO peritiam pomposa elocutione cōdemnat; nec spernendum cum pudore dicit esse quod sequitur. Sui impugnator est, quisquis elacubratīs sermonibus linguæ cultum prædicat abiurari. Ego tamen in epistolis magnitudinis vestræ diligentiam semper non verba pensavi: nec adiutricem malitiæ facundiam maius pretium habere censui, quàm simplicitatem, quæ infucata fronte secretum mēis enūtiat. Hoc in sanctis hominibus & amari semper & colui. Ago nunc atque habeo gratias, quòd paruitatem meam literarij sermonis visitatis affatu: & inter occupationes & excubias, quibus unīversos Ravenna distringit, mei cura non ponitur. Reddo ergo effusissimæ salutationis officia, sperans ut præsentiam meam apud dominos meos amantis vestri, pro dignatione qua credentem foueris, faciat is optabilem.



## ENNODIVS IOANNI. XVIII.

**P**ROBABLES causas habeo, quibus vna-  
nimitatem vestram styli mei morfu, quā-  
vis rubigine sordentis, incessam: quas, cum sis  
abundans naturæ bonis, & ingenij facultatibus  
locuples, purgare non possis. Ego vnquam  
credidi ad alium reditus vestri citius indicia  
posse perferri? Ego curam mei inter quasuis  
occupationes, illud amicis censui consecra-  
tum pectus excedere? Ecce ante oculos meos  
redduntur aliis paginae, & amica expectatio  
sub omni credulitatis meæ despectione fru-  
stratur. Nolo literas maiori obiurgationis fel-  
le complere. Sufficit tristibus stricta narratio.  
In eo adhuc animus meus, quo magnitudinem  
tuam discedentem monuit, persistit statu. ve-  
strum est, si temporum mala contemnitis, pro-  
missam seruare concordiam. Salue, mi Domi-  
ne, & amantem tui releua communione ser-  
monis, vt scribendo deleas dolorem, quem  
vides amico per scriptionis abstinentiam con-  
tigisse.

## ENNODIVS CONSTANTIO. XIX.

**A**B VNDO gaudio, nec clauda lætitiæ meæ  
fides est, ideo aliqua per diabolicam ins-  
pirationem nasci certamina, vt tu, qui te vltra  
emendationem omnium protulisti, triumphii ho-  
nore gratuleris. Non est, vt video, effœta Li-  
guria: nobilitatem pariendi nec in temporum

extremitate deposuit. Inimicum vitijs adhuc  
 & in cineribus nutrit incendium : in cuius  
 fauillis vtrix criminum flamma non moritur,  
 nec hostis errorū ignis operitur. Quàm timui  
 ne velut exhausta cessaret, dum epistolæ vestræ  
 frontem alienis fuscata præstigijs sollicitus  
 trutinator aspicerem ! more parentis attoniti,  
 qui cū carum pignus ad bella transmittit, nec  
 de explorata esse patitur virtute securus. Ad  
 incrementa sollicitudinum triumphos filij nu-  
 merat, non quietis. plus expertæ metuit fel-  
 citati, cui formidinem ministrat affectio. quia  
 ignara cautionis est mens instituta victorijs ;  
 & in acie amor laudis salutis obliuio ; trophæi  
 gustus abdicari imperat lucis affectum. Sapor  
 vitæ illos tantū possidet, qui de conflictibus  
 venientia bona nulla didicerunt. semper ad  
 gloriā iungitur, quod de incolumitatis proprie  
 cura decesserit. Sed mihi in præsentiarum su-  
 perfedendum est huiusmodi scriptione. Non  
 sunt militis nostri plus prædicanda, quàm asse-  
 renda certamina. Vbi iaculis opus est, verba  
 nil conferunt. Licet promulgasse meam sen-  
 tentiam fuerit, dum vestram prædico, & hoc  
 sit respōdere, quod responsa laudare: Dei tamē  
 opem precatus, obsecutura fidei verba subiun-  
 go ; ad illum conuertens styli mei cultū, qui  
 quotiēs scribenda est infelix curuis terra vomie-  
 ribus, se famulis suis germina collaturum pro-  
 mittit esse, quæ iaciant, dicendo : *Ne cogitatis,*  
*quid loquamini: pater enim vester est, qui loquitur in*  
*vobis.* Ipse ergo ad sanciendam promissi verita-  
 tem veniat : ipse oris mei labantem confir-

Matt. 10.

met

met infantiam, vt alucinationis nostræ concinnatio non inhumana videatur. Sed quid diu replicanda circumloquor? vnum rogo, vt pro modulo meo rescripta taxentur: nec putetur aut legi, aut defensionem deesse, quod nescio. Ergo, vt scriptione testamini, inuentus est homo, qui seruos Christi, quemadmodum ipse promisit esse faciendum, sub hac occasione cribraret, asserens de arbitrij libertate homini in vna tantum parte, quæ deterior est, eligendi datam esse licentiam? O schismaticam propositionem, quæ iuxta Apocalypsin scriptas habet in fronte blasphemias! Quæ ista libertas est, si valet, edisserat, vbi hoc datur solum velle, quod puniat: aut quare electionem nominet, vbi vnâ tantum partem asserit fuisse concessam. Quod si veritate subsisteret, locum diuina iudicia non haberent. Quid enim boni à nobis Deus noster rectè quæreret, qui appetentiam eius de voluntate subtraxerat? Sed iuxta Apostolum, *Nunquid iniquus Deus? absit.* Inter homines à recti discordat affectu, qui à subiectis exigit, quod in potestate non tribuit. hoc de Deo qua conscientia sentiatur, aduertite. Vbi est illud Apostoli clamantis, & pro arbitrij libertate testantis, *Velle adiacet mihi, perficere autem non inuenio?* quid est aliud, nisi dicere, noui dextrum iter eligere; sed nisi ingrediētem inuerit gratia superna, lassabor? Nemo dubitat, nemo condemnat, quod auctore gratiæ præstante & ipse æquitatis hominibus callis aperitur. Dux

Apocal. 13.

Rom. 9.

Rom. 7.



enim bonorum & præcessor est gratia, quādo  
 cælitus multiplici ad requiem inuitamur hor-  
 tatu: quando nobis dicitur: *Venite filij, audite me,*  
*Venite benedicti patris mei, possidete paratum vobis re-*  
*gnum: Vbi ego sum, ibi erit & minister meus.* Sed  
 nisi talibus monitis, & voluntas nostra, quæ  
 libera est, & labor præstet obsequium, ad pe-  
 riculum & gehennam non imperio aliquo,  
 sed sponte deuoluimur. Itaque aut præmium  
 deuotio, aut pœnam contemptus operatur.  
 Alioquin non erit iusta retributio, quæ aut  
 per supplicia refertur necessitate peccātibus,  
 aut bonam mercedem offert operi, ad quod  
 trahuntur inuiti. Ergo debemus gratiæ quod  
 vocamur: debemus gratiæ, quod occultis iti-  
 neribus, nisi resistamus, sapor nobis vitalis in-  
 funditur: nostræ tamen electionis est, quod  
 beneficia demonstrata sectamur. Via enim  
 scelerum non imperatrix nostra esse legitur,  
 sed famula: cū de peccatis dicitur, *Sub te*  
*erit appetitus eorum.* Quid enim sibi vult vni-  
 uersa Prophetæ, quasi fertis redimita elocu-  
 tio: *Noli emulari inter malignantes, Nolite confidere*  
*in principibus, Nolite fieri sicut equus & mulus, et*  
*Apostolus, Nolite fieri serui hominum?* Toties  
*Noli* in superna admonitione, quod respicit, si  
 aliud velle non licuit? Deinde quamuis in  
 persona Christi, tamen pro arbitrij adstipula-  
 tur eiusdem Prophetæ nobis libertate testi-  
 monium: *Vt facerem voluntatem tuam Deus meus,*  
*Volui: et alibi, Voluntariè sacrificabo tibi, & vota*  
*mea Domino reddam: et iterum, Vouete & reddite.*

*Psalms. 33.*

*Math. 23.*

*Ioan. 12.*

*Gen. 4.*

*Psalms. 36.*

*Psalms. 145.*

*Psalms. 51.*

*1. Cor. 7.*

*Psalms. 29.*

*Psalms. 53.*

*Psalms. 115.*

*Psalms. 75.*

Illud autem B. Apostoli, quo se muniri credit, exemplum nobiscum facit, si quæ sequuntur aduertat, cum inimicus arrogantia dicit, *Gratia Dei sum, quod sum.* Mox enim, ne sic fugax gloria crederetur, ut longo interuallo à veritate descisceret, sapiens architectus adiunxit, *Abundantiùs omnibus laboravi, & gratia Dei in me egena non fuit:* quod dixisse est, Christus in me, quem dignè aut abundanter muneretur, inuenit. Non enim pauper est diuina gratia: sed meritorum nostrorum putatur quadam macie aut exilitate tenuari. Quæ tunc non suis æstimatur meatibus fluere, quando de eius cursibus ariditatis nostræ vena nil recipit. O si epistolaris pateretur angustia sacrorum voluminum arcana reserari! Sed timeo, ne qui nullam poterit, Deo inspirante, in fide nostra inuenire calumniam, de paginæ prolixitate causetur. Quid illud, qua mente suscipit: *Ecce aquam & ignem, ad quoduis porrige manum?* quid alia, quæ copiosus assertor ipse replicasti? Credo more aspidis clausa, ut aiunt, aure transiit. Video quò se toxica Libycæ pestis extendant, arenosus coluber non hæc sola habet perniciofa, quæ reserat. ad æstimationem occultorum facinorum ferēda sunt quæ fatetur. Vult enim ad illud pertingere, Neminem suo vitio aut negligentia perire, si homo vtriusque rei boni & mali per potestatem concessa electione priuatur. Hos tantum iactat potuisse saluari sine labore villo, sine mandatorum amicitia, quos peregrinantes à merito fauor tan-

Eccli. 15.

tum cælestis eripuit. Proinde, quod in ipsum referatur, illos perijsse intelligit, quos gratia noluit diuina liberare. Tu mi Domine, salue dicto, fac apud te vt fies: & si sanari mancipiũ mortis non potest, à contentione desiste: ne cum tu fidei radice fultus valida niteris, ille sub occasione huius controuersia, ante editionis tempus, diuini seminis ab aliquorum vtero partus excutiat.

### *ENNODIVS CONSTANTIO. XX.*

**D**Abis veniam quòd celer rescripsi, quia ætati adhuc debeo indocilem festinationem. Vos maturitas & pondus decet. Proinde credentem fouete, & nugas meas à publico rigore subducite: quia si pagina nostra res crepera, atque anceps est, iussione vestrae se tuetur patrocínio, ab hoc quòd nemo imperata fastidit. Vale ergo dicens, legenda commendo. fiet etenim, vt posthac bene accepti ad parendum de lenificæ obedientia stimulis incitemur.

### *ENNODIVS ALBINO. XXI.*

**Q**Vater ad magnitudinem vestram scripta prorogavi, & adhuc tanquam deses accutor: lingua militauit affectui, assiduitas diligentiam non meretur. Credo portitoris aut negligentia, aut inuidia, ad hanc me offensam fuisse perductum. Ecce tamen scripta multi-



plico, & pro voto vestro prosperitatis meæ indicia faciens, de vestra cupio felicitate gaudere. Salue, mi Domine, & amantem vestri sub omni dignatione releuate: quia Deo proximam rem facitis, patrocinio vestro credentem plena fide & communione releuare.

## ENNODIUS FAVSTO. XXII.

**S**Vperuacuis ad beneficia laborat impēdijs, qui solem certat facibus adiuuare. gratię plenitudo adiectione non indiget: nec vlla requirit commendationis augmenta, quem ad amicitiarum cumulum merita pertulerunt. Illustrem & patricium virum Albinum parentem vestrum styli mei cura prosequitur: cui per paginam non impendo necessaria, sed votiuā: & quamuis vtilitati eius nihil adiciā, amorem tamen mereor, quod prædicti iussa compleui. Venerabili ergo Domino salutationis obsequium impertiens, precor, vt circa diligentiam suam prædictus vir magnificus recipiat, quod mihi, dum vos colit, exhibuit. Noui enim citò amplissimum virum ad cordis vestri esse penetralia perducendum, quem innocens propositum suis erit apud vos dotibus adiuturum.

## DOMNO SVO FAVSTO.

*Ennodius Diaconus.* XXIII.

**S**Ine dispendio tutelæ orbantur, quos ad vos pertinere contigerit. non desunt illis

paterna subsidia, quos fouetis. Lupicinum Euprepiae nostrae filium loquor: ad ipsum pertinet praefata generalitas: de cuius substantia sublimis vir, venerator vester, Comes Tancila dixit mihi, à Domino nostro Rege, quod referri graue sit, impetratum. Nam vniuersas matris eius facultatulas à Torisa, vel alijs asserit fuisse competitas. Aliud quod infelicitati pupilli potuissem praestare, non habui: nisi vt vestram notitiam instruerem, & veriunger relatoris officio. Vestrum est, inspirante Deo, circa miserum providere quod adiuvet. ad me respexit, quae mihi resignata sunt, indicare. Domini verè mei salutationis obsequia praesentans, de clementia diuina postulo, vt laborem vestrum iuuamen caeleste comitetur.

DOMNO SVO FAVSTO.

*Ennodius Diaconus.*

XXIV.

**D**ispendiū credo esse diligentiae, nullas cōmeantiū manus literarū dote munerari, quae solent lectione etiam vultus ad longinqua portare, & carorum imagines officio praesentare sermonis. Ad ista iungitur etiam bene de vtrisque merentis sublimissimi Luminosi portitoris occasio, qui ad religionem meritorem vestrorum suae quoque gratiae fructus adiungit. Quis geminus pariat ut sub quacumque negligentia hebetetur affectus, si à paginis temperem, quas dignatio

vestra exegit, & si illas nominatus non accipiat perferendas? Deo gratias, quod in fronte epistolæ locandum fuit, quia felicitas vestra votiuis erigitur aucta successibus, quod tumida inimicorum ceruix Christo Deo non grauata succumbit. Spe præceperam quod effectus ostendit. Bene enim sententiæ cælestis finem prænoscit, qui nouit qualitatem eius de actuum humanorum serenitate colligere. Vale ergo longum, mi domine, & amantem vestri styli vsu releuate; vt quicquid subtrahunt interualla terrarum, tabellaria compenset oblatio.

FAVSTO QVÆSTORI  
*Ennodius Diaconus.* XXV.

PRo cælesti dispositione reditus mei indicia fieri nullo magis quàm amico Rauennam properante conuenit: cuius fidelis relatio etiam pagina cessante suffecerat. Sed vsu abstinere non potui: quo si sub quocumque neglectu temperem, videor damnassee styli frequentiam, quam amaui. Iungitur, quod prædicto obuias in negatione manus exhibere non potui, qui scit ab amantibus sui securus exigere, quod eis pro religione conscientiæ nouit fideliter exhibere. Rauennam ergo digressus, quæ quicquid in præsentī vita habeo dulce complectitur, Mediolanum salua corporis valetudine, Christo prosequente, perueni; malè ferens quam in redeundo,



hyeme impellente, optavi forsitan contra desideria celeritatem. Sed ad Deum cuncta referenda sunt, cui adiacet humana facta componere, & diligentiam corporalem æterni amoris sapore mutare. Nunc ad scriptionis causam dicta humili salutatione & commendatione me confero perlatoris: qui si promentis vestræ serenitate gratuletur beneficiis, agnoscit se aut recepisse, quod vestris præstitit, aut qualiter amare debeat, incitari. Quem si vel nolit festinum redire compellite: quia & affectui meo præsentia eius est necessaria, & si Deus promissionem statuerit, cum ipso iusserit, vtilitati expectatur accommoda.

## ENNODIUS LIBERIO. XXVI.

**A** Ut alitur, aut sustentatur scriptione diligentia. ministra affectionis est epistolaris confabulatio: muta caritas simulacrum repræsentat ingrati: depretiat genium suum, quæ in vocem non prorumpit, amicitia. Bene secretum pectoris reaseratur clauē sermonis: dignationem vestram iam patior. Hæc pro ingenij viribus paginalis commercij libamenta dedicaui, per quæ vsurpo vindicare mihi meritum plus amantis. Nemo enim taciturnitatis repagulo ora porrigit, quem decisi fœderis memorem proditor mentis loquela non deserit. Principem ergo locum in literaria communione possideo, & maiori cultura dignus sum, qui prior quid gestirem, patefeci linguæ

testimonio. Ecce religionem dirigendæ paginæ sine nube disserui. Vestrum est in me fouere quod recepistis; ne iudicia culminis vestri, meiacente, patiantur examen. Exponit enim censuræ sententiam suam, quisquis quod elegit, non tuetur. Domine mi, salutationis reuerentiam pleno dependens obsequio, deum rogo, vt beneficiorum circa vos suorum incrementa multiplicet: quia solus census est meorum plenissimè commodorum, qui celsitudinem vestram ad fastigia quæ debentur extulerit.

## HONORATO ENNODIVS. XXVII.

**I**N vicinitate vos degere moderna scriptio-  
ne signastis, iungentes ad dispendia gaudiorum, statum vestræ valetudinis imminutum. Non nego, sic mereor, vt semper mihi cum dulcibus amara socientur. Hactenus vos Ra-  
uennatibus occupatos excubiis aduersa tenuerunt. Vnde quia laxari contigit, corporalis in vobis est labefactata substantia, ne in totum liceret optata promereri. Quàm dura est humanarum rerum conditio, quæ quotiens desideriiis aliquo sapore responderit, mox & in foribus concessa permutat. Expauit tamen calumniam, quam oratoria, & nimis Dardala prouisione literis indidisti, vt iniuncta pro utilitate tua nolle me credas, si efficere non potuisse signauero. O artificis ingenii secretum, quod plus commoceri prospicit, quàm

de amore confidat ! Deus testis est , metibi non negaturum esse quod valeo. Tu Deum roga , vt actionem meam infeliciū , quas diligit , literarum non patiatur calamitatibus impediri. Nihil enim est , quod magis pro obice metuam actionis impositæ , quàm illud quod noui , accipere scholasticum nil mereri. Confer magis ingenium tuum ad squalentia iura : per quæ quicquid scabrida poposcit lingua , mox meruit , aut si non meruit , mox auulsit. Domine , salutationis gratiam soluens spero , vt effusis laborem meum precibus iues : quia cū non habeam docti aut eruditi meritum , sæpe in causis sustineo fata perfecti.

*AVIENO ENNODIUS. XXVIII.*

**D**Eo gratias , quod principis loco ponendum est , qui magnitudinem tuam , quæ à me erant offerenda , fecit exigere. Dedisti pretium garrulitati , quam vix hætenus intra verecundum penetrare continui. elicitū vtor styli genio , quem duriter ab importuna scriptione reuocaui. meritum coactæ vocis inusitata loquacitate possideo. Nam postquam me iussisti paginas destinare , animo meo , quod tacueram , commendasti. Euge frons diu prodiga. aliquando mihi contigit ad affectionis copiam sine tui dispendio peruenire. Discamus non odisse quod adiuvat. Silentii gratia fecit , vt te libera iam loquamur. expectantur à nobis sæpe fastidita colloquia. Non ibo lon-



gius. asseritur, vt video, linguæ officium raritate sermonum. In qua parte non clauda lætitiæ meæ fides est: sententia nostra veri ad stipulatione fulcitur. Ecce ille, qui doctorum epistolas grandi dotatas melle colloquij summis labijs vix libabat, tabellæ nostræ culmos non dedignatur accipere. Gemina, pudor, mihi hilaritate profuisti: cùm tu in statione certus es, & cùm frequenter contempti desiderantur affatus. facta est ecce melior eius sententia, quem amamus. Nobis ergo verecundiâ, Consuli nostro emendatione prospeximus. Sed ne in longum procedat pagina transcendens terminos præfinitos, & loquendo multa, quod tacuimus, demonstremus non fuisse consilij; vale, mi Domine, & amantes tui hac communione dignare. quia præcelsi honorum tuorum apices hæc sola recipiunt augmenta, quæ de humilitate nascuntur.



MAGNI FELICIS  
ENNODII  
EPISCOPI  
TICINENSIS  
Epistolarum

LIBER TERTIVS.

SENATORI EPISCOPO EN-  
*nodius.* I.



**P**RIMA res est sancto conue-  
niens sine dubitatione pro-  
posito, sponte pro iustitia  
facere, quicquid alij solent  
monitis exhibere: sed hone-  
stati proxima vel secunda, re-  
ctis suggestionibus non grauari. In qua parte  
& si principem locum non possidet qui mo-  
netur: habet tamen Dei gratiam, quod veri-  
tatis insinuationibus non repugnat. Causam  
ergo præfationis insinuo, ne & ego vtilitatem  
meam differre videar prolixitate sermonum.

Dudum per me suppliciter postulavi, vt de  
 mancipijs, quæ de casa mea à vestris sollicita-  
 ta constabat, vnum mihi, quod remanserat,  
 redderetur. Dedistis precibus meis sancta  
 promissione responsum, vt etiam si vobis  
 puer ipse iure competeret, vos tamen gratiam  
 commodis anteferre. regresso me de rauenna  
 (quod dictu nefas est) pro peccatis meis effe-  
 ctum sacerdotalis diffinitio habere nō potuit.  
 Adscribo meritis meis, quòd cuius ore dam-  
 natur mendacium, statuta violauit. Ecce ite-  
 rum me ad conscientiam vestram refero: ecce,  
 quod filium decet, exhibeo, vt per sublimem  
 & magnificum virum domnum Victorem ad  
 humilitatem conferam, quicquid mihi pote-  
 rat legum sæcularium auctoritate præstari.  
 Videte si reus sum, qui elegi virum Antistitum  
 moribus congruentem: qui vel contra æqui-  
 tatem repugnantium indomita posset corda  
 mollire. Effectum mihi negotij iam promisi,  
 qui legati meritum comprobauit. Prouidete,  
 si religionem deceat, si à Pontifice dignum sit,  
 illum qui potest cautibus imperare, cōtemni.  
 Duo sunt quæ mecum faciunt, negotij sinceritas,  
 & genius supplicantis. quicquid contra  
 hoc obstiterit, bonorum sententiam mox  
 meretur.

*EVGENETI ENNODIVS. II.*

**Q**uamuis commercia literarum magis  
 sint lætitiæ, quàm mæroris; nec



secretum pectoris, aut amicitia diligentiam  
benè in lucem digerat clauda recenti confu-  
sione elocutio: videro tamen, vtrum dispen-  
dium caritati inferat sermo rarior; monstrat  
tamen, si nullus prorogetur, infantiam. testem  
diuinitas gratia linguæ dedit officium. Sed di-  
cas, mi domine, hæc aliena esse ab eo, quem  
nouerim maximis doloribus occupatū. pres-  
sum pectus angoribus, ad amoris verba non  
erigi: nec quicquam delenificum lamenta sen-  
tire. res, quæ mentem premit, repudiat quod  
oblectat auditum. qui maior animæ fuit por-  
tio frater in superis, hanc transtulit ad sepul-  
cra: quid exigendum ab illo sit, cuius dimi-  
dium salutis busta clausurunt: in summis af-  
flictionibus quæri non posse vocem, gemitibus  
subiugatam. lacrymarum tempore dica-  
tur importuna narratio. Respondebo, quod  
par quoque meum pectus acerbi casus mæror  
intrauerit: nec diuidi me posse ab eius tristitia,  
quem mihi pro voluntatum similitudine non-  
numquam læta iunxerunt. Ostendo tamen  
sæpe grauioris mali in luctibus indicem fuisse  
sermonem; & intercepta taciturnitatis reme-  
dia proditore colloquio. Dicam, qui lamen-  
tationi suæ paginas denegat, in vna ætate vult  
perire, quod deflet. non meretur recordatio  
fratris, & docti, vt nobiscum quid de ipso sen-  
serimus, occumbat. à feriato ore in planctibus  
parcus est animus. amati commemoratio;  
quæ mandatur tabellis, viscera carorum acu-  
leis violenter irrumpit. nunquam patitur obi-

tum veterescere relatio funeris digesta per literas. Hoc studio magnitudinem tuam flens consolator appello, vt vicarii sermonis beneficio, & promissus sub inuocatione Dei inter nos nutriatur affectus, & persona facundia, quæ meritis suis occasum non patitur, nostra quoque confabulatione reuiuiscat.

DOMINO SVO FAVSTO  
Ennodius. III.

**C**VM scribendi occasio, & domestica, & amica suppeditet, quare à paginis temperem, tanquam indigus perlatoris: maxime cum sedulitas literarum responsa mihi soleat sæpe præstare? Huic se studio comitem dedit honorabilis viri, veneratoris vestri, fratris Constantii postulatio, qui industriam suam, qua apud vos Dominus, vt efficacem decet, innotuit, meis desiderat beneficijs subiugare. Trāscribit enim ad aliena iura sudorem suum, quidebere vult commendatitijs quod mereatur. Dedi tamen manus precibus, & pro eius desiderio sub occasione exhibendæ humilitatis scripta prorogavi: Deum rogans, vt sub omni celeritate nuntius me vestræ valetudinis & prosperitatis attollat. Nominatum tamen pro mei consideratione magnitudo vestra gemino, si indignus precator non sum, fauore comitetur.

ENNODIVS ABBATI STE-  
phano. IV.

**L**itterarum vestrarum quàm dulce negotium est, quod mihi spiritale munus exhibuit: quàm votiua perlatorum necessitas, quæ remedij sui studio desiderijs medetur alienis! Confiteor, nisi repugnaret proposito, inimica pene ad turbandam aliquorum securitatem vota conciperẽ. Ecce præstant aduersa, quod secunda non tribuunt. Sanctorum litteras tranquillis rebus vnde peccator acciperem, quas nunquam meritum meorum nitor exegit? Ecce quantum mihi contulerunt suffragium, qui à vobis obtinuissẽ se confitentur. Diuinam æstimò prouidentiam illa tribuere: multum iam credo, quod de malæ conuersationis fasce deposui. Proximus est innocentia, qui sanctorum meretur colloquia. Quare dum me sæcularis licentia immunda possedit, nunquã tanti viri apices merui. post etiam per longa interualla, nunquam huiusmodi bona suscepi. Deus magne, quam dignitatem seruientibus tibi tribuis, vt quos respicere cœperis, etiam amicis tuis reddas acceptos! Verè semper vos singulari cultura suspexi: semper venerandis moribus grauata peccatis colla submisi. Ecce iam quasi æqualis appellor: exexit me diu custodita subiectio. Foue me ergo orationibus tuis. ostendis enim paginis, fragile à vobis nõ exhiberi patrociniũ. Nam & isti suscepti sunt,



sunt, qui mihi bona, de quibus gestio, contulerunt. Ad rem redeo. Perditus ille clericus expauit causam dicere apud Episcopum, postquam defendi à me vidit eos, quibus meum deputastis obsequium. Suggesto, si iubetis, ut vnus de ipsis Rauēnam ambulet cum vestris ad filium vestrum domnum Faustum commendatitiis: ne in præiudicio ipsorum vanalis iudicium, qui Mediolani exuberant, sententia depromatur.

## ENNODIVS MAXIMO. V.

**G**Randes hiatus paterer literarum vestrarum eleuatus alloquio, si non mei conscius imperitiam pudore comprimerem, & iudicij lancem tenerem, etiam cum laudor immeritus. Vos dignatio censuræ fecit immemores: me propositum intra verecundum degere penetrare compellit. vos scripta mea tanquam amantes attollitis: me necesse est illos metuere, qui rancido despicientes cuncta neglectu, etiam edecumata condemnant. Ago tamen gratias, quod apud domnum Patricium talem me iudicari scribitis, qualem vestro testimonio reddidistis. Insinuationi ergo amor debetur iste, non paginæ, quam scaber stylus sine eloquentiæ dote signauit. Salutationem tamen magnitudini vestræ dignam referens, deo gratias ago, quod votiuis vos auctos successibus reduxit ad propria, quos mens mea pro connexionie caritatis nunquam sentit ab-

lentes.

## ENNODIUS LAURENTIO. VI.

**D**andæ sunt manus amoris imperio. vincit me tenet affectio: cui verba concessi, ut quod ad saluæ debitum pertinet non tacerem. Domestici perlatoris occasio mihi perire non potuit, nisi ad diligentiæ testimoniū scripta transmitterem. Salutans ergo reuerentia debita, precor, ut vicario me releuetis affatu; quia promitto mihi literarum proro-gatione responsum.

ENNODIUS ADEODATO  
Presbytero. VII.

**Q**vis vestræ affectionis immemor, nisi qui est inhumanus, existat? quis totius religionis personæ apud Deum nolit habere suffragium? Ego maximè, qui & grauius peccatorum sarcinis premor, & vestram gratiam obtinui: quæ res mihi absolutionem integram pollicetur. Salutans ergo veneranter, & debitè, spero, ut pro me per omnia Sanctorum loca vota facias. quæ consecutus, Dei beneficia sine mora dissoluam; quia compertum mihi est, quod mereris audiri.

## ENNODIUS AVIENO. VIII.

**S**i offensa præstat, ut magnitudinis tuæ scripta geminentur, quam vellem sæpe illa

sereni pectoris tui tranquilla turbari? & nisi aduersaretur proposito, causas indignationis ingererem: quando quod amor non meretur obtinui per culpas. Ego tamen errore vacare me nuntio in ea causa, in qua dum accusatis negligentiam, premium contulistis. Puerum turbatus direxi, per quē nihil aliud, quā quod opus esset ostendi. Libero pectore lingua vacat officijs: mens confusa gratiam salutationis abiurat. Ecce Deo in vtroque gratias, quia nec ego reus sum, & vos me reum esse credidistis. Beneficium mihi commotio vestra contulit, quod vix dedisset affectio. Ego quid tibi debeam explicare non possum. pauper est caritas in cuius narratione ~~se~~ non deficit. Domine mi, salutem debitam dicens, Deum rogo, vt quodlibet animo gesseris, semper scribas.

ENNODIVS MARCELLIANO. IX.

**S**Cio magnitudinem tuam grandibus Dei beneficijs abundare, & promissam circa amicos seruare constantiam. Nescit animus vester incerta polliceri, amorem sine aliqua immutatione custodiens. & ideo securum me post Deum vestris trado, & commendo manibus, & Dei beneficia in quibuscumque negotijs per vos mihi euenire non ambigo. Domine, vt suprā, salutationis honorificentiam soluens, rogo, vt frequenti me epistolarum vestrarum releuetis alloquio: quia



summum mihi à Deo munus conceditur, si de  
vestra meruero sospitate gaudere: quia fides  
& integritas omnibus, qui Deum timent, fa-  
cit acceptos.

*ENNODIUS LUMINOSO. X.*

**P**Osset amicitiarum religio, & adultæ inter  
nos planta gratiæ nulla discretarum sen-  
tire damna regionum, si quod negatur aspe-  
ctui, pensaretur alloquijs, & pigro corporum  
onere diuisi, per illam quam è cælo sumpsi-  
mus partem, animis iungeremur. Index meræ  
affectionis vota pectorum lingua signaret, si  
ad desiderij copiam militaret oris officium, &  
penetræ mentis resignatum teneretur in lit-  
teris. Tunc nullo caritas neglectu veteresce-  
ret: tunc diligenti mutuæ deuinctionis vsu  
polita fulgeret: nec scabro memoria vestri  
torpore læderetur. Sed quid faciam, quòd mi-  
hi in meritum meorum nebula serenitatem  
bene amantis obducunt, & obliuionem mei  
peccata mea conciliant? Facessat à propo-  
sito meo, imitari quod factum doleo, & per  
silentium sumere de vestra taciturnitate vin-  
dictam. Geminis ergo stimulis verba con-  
cessi. Negare non potui commercium epi-  
stolare, quod & causa poposcit, & gratia.  
Scitis optimè quæ à vobis & per me, & ore  
proprio sanctus pater vester dominus Epif-  
copus postulauit, vt expensa quæ pro neces-  
sitatibus domni Papæ Raueennæ facta est, red-

hibitione pensaretur. Certis enim potenti-  
bus, quorum nomina tutum non est scripto  
signari, nouit Dominus, quia plusquam qua-  
dringentos auri solidos erogauit. Hos me fi-  
dem dicente concessit. frons mea apud ipsum  
libera esse non potest, donec per vos, sicut  
confido, pollicitatio compleatur. Idcirco  
direxi præsentium perlatores, hominem re-  
ligionis & fidei, ut ab hac me, quam præfa-  
tus sum, conuentione & iniuria subleuetis.  
Vnde salutationis honorem tota humilitate  
persoluens, rogo, per illum contestans, qui  
communia circa sanctum Papam vota respe-  
xit, ut ordinetis qualiter ab huiusmodi in-  
quietudine releuer. Tamen, si verecundum es-  
se non creditis, indicate, & de propria facul-  
tate restituo, quicquid me spondente à san-  
cto Episcopo constat expensum. quia literas  
sancti Papæ habeo, quibus iussit, quicquid  
opus esset fieri, cum mea debere securitate  
compleri. Si mereor laborare, vestra erit pro-  
uisionis expendere.

## ENNODIVS SENARIO. XI.

**S**I diligentia memoria circa personam meā  
Sanimus vester non exueretur, si reuerti  
eum ad iudicium sublimitas tua non cogeret  
post fauorem, frequentia scripta prorogares.  
Sed quid faciam, quia non validis radicibus  
nititur amor indebitus. & citò ad examen re-  
ducitur, quicquid gratia aura subripuit? Me

solum noui prius debuisse diligere, quàm probari. hunc tantum fructum de caritate possedi, quem incognitus prouisione subtraxi. Sed vos conuenerat non citò ab eo, cui imposuistis amici nomen, abscedere: ne non semper ad meam culpam redeat, quòd promissa mihi non tenetur affectio. Solet enim esse ignara distractionis deuincti conscientia, & opus est ut perpetuò teneat quicquid semel fidum petrus acceperit. Salutem ergo debitam dicens, spero, ut despicientes rancida potentum fastidia, honorem vestrum, & quam Deus tribuit possibilitatem, humilitatis fascibus subleuetis. Cuius rei fidem interpres animorum lingua confirmet, & testimonium fidele mōtibz deferat caritas monstrata per literas.

## ENNODIUS ABBATI

Stephano.

XII.

**G**eminantur Dei dona sperantibus, & duplici exuberat superna gratia beneficio. Largis meatibus caelestium munerum unda procurrit. transeunt haurientis ambitum, quæ à Christo veniunt fluenta donorum. Sola vena est, quæ inarciem nescit, & defectus ab iurat, tantum cursibus suis suggerens, quantum meretur pectus sitiētis accipere. Cui aduertite quid occultus sapor infundat, quando ardorem lympa conciliat, & siccitatem labiis afluante animo irriguitas vini fluminis gignit. Talis est vestrarum ratio literarum: quæ



quantam afferunt desideriis satietatem, tanta pariunt & augmenta. quarum profunditas & bibitur, & optatur: & ita puro ditant gurgite, vt occulto ab eis viscera suffundantur incendio. In quibus cognatas video flammās, & pocula, & diuersitatem naturæ in peregrinam coisse concordiam. Domine mi, longum terris, Deo nostro tribuente, vitæ beatissimæ exemplum præsta, & per religionis sanctæ philosophiam non in hac vita tantum sperandum esse contemptu sæculi præsentis ostende.

### ENNODIVS APOLLINARI. XIII.

**Q**uam cura mea, quæ affectui vestro per necessitudinem militat, in dies suggerit, nulla comitantium essent damna contemptus, nisi ad vnicum illud solamen absentium, quod in literis inuenit prouidentia superna, concurrerent. Sed quid faciam, quando tanta est venientium confusio, vt nescias qui potissimum diligendus sit, cui reddenda sanctæ consciëntiæ vestræ possint scripta committi? Trahunt enim in occasionem compendij sui viliores, quicquid nos præstamus affectui. & graue est, vt seruiat cupiditati, quod exigit vis amoris. Idcirco animum vsque ad domestici perlatoris opportunitatem ab scriptione suspendi: ne diligentia ratio sparsa per immeritos perlatores aliena importunitate ranciscat, & ad me culpa redeat, quæ à me non sumpsit exordium. Necessitatem ergo procu-

rati silentii breuiter explicans, ad vsum me paginalem conuerto, per quod magnitudinis vestre mihi presentiam secretis animorum itineribus expectata per paginas verba concedunt. Vale ergo mi Domine, & illa, quam debes generi, serenitate frequentibus amantem fove colloquiis: quia nullum est tam venerabile munus sollicito, quam si saepe vos agnoscam vestram nuntiare, meam quærere sospitatem.

#### ENNODIUS PROMOTO. XIV.

**F**requentia & necessitudine & amor exhiberet colloquia pectus obnoxium, nisi desiderijs remedia subduceret discretarum consideratio sine medela terrarum. Quicquid enim caritate iunctum est, quicquid sanguinis catena sociatur, hoc distractum vix respirat per internalla regionum. Quæ enim possit habere subsidia, cui frequens denegatur copia & paginalis alloqui? muta inter absentes diligentia quo teste pandatur? Aut enim opportunitas comitantium expectata subtrahitur, aut inueniuntur tales, quibus non possint reddenda caris scripta committi. Vix tamen usque ad domesticum perlatores diu anxia vota suspendi: per quem honorem salutari exhibens, optata vobis patefaciam meæ prosperitatis indicia, & literarum mihi spondeam promulgatione responsum, quibus, si in portu est sanitas vestra, amplectendis referetur affatibus.

## EN NODIVS EUPREPIÆ. XV.

**R** Arum est vt. necessitati amor fultus necessitudine colla submittat. vix cōtingit vt seruiat qui imperator est. semper & suo iure dominatur affectus. quo vnquam regium diligentia nomen impeditur obstaculo? cui libera caritas mancipatur obsequio? Excusationem de aliquo timore non adhibet, nisi qui animam deuinctionis abiecit. Mens quæ pietate militat, & si sint dura principum iussa, non metuit. Nulla sunt tam barbara iussa populorum, quæ non reddi filio debita materna patiantur. quicquid in orbe genitum est, ab humanitate non discrepat quicquid in mundana luce gignitur, fructus vteri requirit & seminis: sola nobis cum cunctis animalibus causa & sollicitudo communis est. Cuius testimabitur esse mens illa feritatis, quæ erga curam sobolis posterior ab irrationabilibus inuenitur? Germanitatem tuam respicit præfata concinnatio. Tu vnici oblita pignoris, & miserationem orbat, & felicitatem eius cui mater superest, abstulisti. Verè fateor sub libertate propositi, modò maximè quando erā te & colloquia denegantur, pace Deo propitio inter regionum nostrarum dominos omni radice solidata, tigridem te immanitate superasse. Quando inueniri potuit, aut quod plus amare possis à filio, aut propter filium quod timere? facultatum cura debuit post



haberi : quia nunquam bene hæreditas quæ-  
 sita est hærede contempto. Ecce dico, ni Deus  
 per sollicitudinem meam serui sui maliuolis  
 obstitisset, omnis generis tui fuerat planta  
 succisa. Leuæ catulos tutis sylvarum aut  
 eremi commendant penetralibus, ne partus  
 earum præda sit hominum. Dicas forsitan,  
 quod hæc exprobratio grauitè me ferre im-  
 pactam de adolescente sarcinam monstret.  
 Nouit Deus hoc solùm me acerbè perpeti,  
 quòd & præsentia tua careo, & totius te per  
 silentium immemorem affectionis esse co-  
 gnosco. Beneficio tamen Dei paternæ puero  
 nostro non derogatur instantia. Imbuendus  
 liberalibus disciplinis limē nobilitatis ingres-  
 sus est. Ipsam quoque ad te dictionem, qua  
 commendatus est, destinaui: in qua non elo-  
 quentiam, sed vota cognoscas. Vale ergo, mi  
 domina, & si fieri potest, nostris te cum Dei  
 ordinatione redde conspectibus.

### ENNODIUS LACONIO. XVI.

**D**Iu est quòd animus meus illa, qua sole-  
 bat releuari, expectatione torquetur. In  
 longū traxistis silentia, nulla necessitate com-  
 pulsi. Non fui huius imitator negligentiae, ut  
 mea ego scripta prorogarem : sed ad dies  
 conticui, superuenturi spe illusio alloquij.  
 Nunc tamen vicit deliberationem meam iam  
 matura amplitudinis vestræ taciturnitas. De-  
 bet euelli silentium, quod duriter in quadam

radice conualuit. Geminis ergo prospiciunt scripta nostra compendiis: & perlatores Benenatum hominem propter fugaces suos venientem commendo, & desideriorum bona non differo. Ergo vale mi Domine, & pro voto tuo circa me geri prospera cognoscens, paribus me attolle sermonibus: quatinus & perlator de beneficio gaudeat, & ego subleuer de responso.

ENNODIVS STEPHANO  
Episcopo. XVII.

Postquam meritis vestris dignitas vestra restituta est, & honor quem exigit vita, collatus, nulla beatitudinis vestrae pro peccatis meis scripta suscepi. Aliena est à proposito, vel à moribus vestris circa supplices, quæ in me seruatur obliuio. Temeritatem meam Pontificalis non acuset auctoritas. vix est, vt diligentia quid iuris possit habere respiciat. Nunquam se metitur, quem stimulat caritatis imperium. Additur quòd perlatori praesentium obuias manus adhibere non potui, nisi vt Benenatum, hominem Gallias pro certis negotijs expetentem, ad coronæ vestrae notitiam mei perducerem sermonis officio. quem tota humilitate commendans, rogo vt per eum vicariis releuari procurer alloquiis. Domine mi, salutationis seruitutem tota deuotione persoluens, spero principe loco, vt precum vestrarum serenitas meæ quoque

mentionem non omittat facere, cum diuinitati supplicat sine intermissione, personarum.

## ENNODIVS EVLALIO

*Episcopo.*

XVIII

**A**D quantum me fastigium perduxerit donum spiritualis alloquij, angustia restaretur, si sermone valeret ambiri. Ad quod enarrandum idonea non est mentis exilitas, nec sufficit oris egestas. Vos enim mei memores extitisse quid aliud computabo, quam peccata superari? Memoria vestri omne quod actuum obscuritas, potuit ministrare, iam depulit, & per sudum respicere supernum munus indulgit. Domine mihi salutationis obsequia decenter impertiens, Deum rogo, ut circa paruitatem meam illa anima, in qua omne quod Deus mandat exuberat, dignationem pollicitam sine aliqua procuret diminutione seruare. Quam rem ex arbitrio mihi contingere, frequentium declarate testimonio literarum.

## ENNODIVS FAVSTO. XIX.

**D**Eo gratias, qui iuxta desideria, ne aliquando ab scriptione temperem, negotiosa facit esse colloquia. potest enim & utilitati prodesse, quod exigit ius amoris. Proinde, Domine, indicia meae valetudinis faciens, fugacem puerum vestrum, Germanum voca-



bulo, qui ante triennium lapsus est, me suspicor inuenisse. de quo indiculum destinaui. qui si verè vester est, maturè sequenda cognoscam.

## FAVSTO ENNODIVS. XX.

**M**ultiplicibus veneratoris vestri, affinis mei, Iuliani negotium Marcellini laborat infidiis: qui ad querelam tantummodo paratus, de iudicij integritate diffidit. vitæ quæ optat examina. Nam postquam nescio quod præceptum ad Geuicam exhibuisse perhibetur, prædictus supplex vester ad Mediolanensis fori audientiam mox concurrit, & per triginta aut quadraginta dies præsentiam suam publico, sicut oportebat, ingessit iudicis. Contestatus est ipsum Geuicam, qui ordinatus asserebatur impulsor: ut susceptum suum ad iudicia destinaret, admonuit. Dominum quoque Trasemundum, sicut ex litteris ipsius poteritis agnoscere, fecit scire. Sed nihil apud eum profuit, cui solæ latebræ in causa misera possunt esse remedio. Pro quo rogo, quanquā apud vos precibus opus non est, ubicumque veritas innotescit, quia omnia huius rei instrumenta transmisit, ut ordinatione vestra ab huiusmodi molestiis efficiatur alienus. Domine, salutationis obsequia deferens spero, ut à prædicto inquietudinem remoueri, qua soletis cura faciatis, & meam sollicitudinem de prosperitatis vestræ statu litteris subleuetis.

## ENNODIUS FAVSTO. XXI.

**P**Ancis asserendus est, quem & notitia senior, & opinionis bonæ lingua commendat: non indiget prolixitate sermonum, qui suis apud magnitudinem vestram dotibus adiuuatur. Sublimem virum Vitalem loquitur præfata concinnatio, quem os vestrum fecit sacri consortio gaudere collegij. Ergo extraneis muniatur epistolis, qui orationis vestræ beneficio curiam non peregrinus ingreditur? & cui reserastis libertatis penetralia, illi peccatoris arcana claudentur? Ego autem gaudeo scriptione multiplici: qui & si parum tribuam perlatori, nulla proprii desiderij damna sustineo. Domine, salutationem restituens, quam debeo, precor, ut & circa præfatum gratia seculminis vestri propius manifestet, & mihi prospiciat restitutione alloqui.

## ENNODIUS FAVSTO. XXII.

**I**lludit mihi spes, quæ exigit frequentiam literarum. Hac enim fretus, inefficacibus animum pascio colloquiis. Din est, quod sine intermissione scripta prorogans, silentium, quod expugnatum esse credidi, confirmatur. Sed quid faciam, quando vix ad consilium reducitur pio amore pectus obsessum? putat remedia, & quæ comperit nihil iuuisse. Salutatio ergo obsequium reuerentia exhibens con-

sueta, commendo præsentium perlatores ipsum Constantinum, cui suffragium honestas & pudor est: cui quamuis plura per affectum debeam, maiora tamen coactus soluo per iudicium.

ENNODIVS MARCELLIANO.  
XXIII.

**A** Pud amantes & honore pollentes beneficiorum affectus in promptu est: nec illa preces, cui præstandi mos est, tarditate depretiat. Virgilius sublimis vir, tam sanguine quam honestate præcipuus, imponi sibi ab illustri viro sacrarum Comite Rauennam excurrendi necessitatem plurimum deslet: cuius si hoc haberent desideria, obuias manus extenderet. Qui apud vos me precatore vtitur, ut ab eo huiusmodi sarcina fiat aliena: quia relationibus frequenter, quid egerit, instructam prædicti suggerit potestatem. Domine, honorem salutandi exhibens precor, ut consideratione mei in testimonium diligentis postulatis detur effectus.

ENNODIVS MERCATORI. XXIV.

**N** Quo me genio infucata pectoris vestri ornauit diligentia. elicitum vtor styli testimonio, qui doctis supra inscitiam garrulitate displiceo. Coactus sermo pretium quod non habet ex eloquentia, ab impacta neces-



state subripuit. Nunquam fuit digna ultione contumelia, quam iussus exhibuit. Nemo obedientem iuste condemnat. sibi debet illatas iniurias de eloquio rusticante, qui prouocat imperitum. Supercilium est, celsioribus non parere: maius, si quæ noueris descendisse ab oblequente, dispicias. Improbi desiderij putatur assertio, non amare quod exigit. Adstipulatur iudicio suo, qui censuram de obtemperante suspendit. Malè pertinax districtio est, quæ meritum in parente considerat. Pudorem ab statione non expulit, qui quod loquitur debet imperio. Itaque in nobis quod sordet eloquentia commendatur obsequiis: Vos videritis quale sit, quod iussistis offerri: ego vos sine frontis meæ dispendio meruisse æstimo, quod desiderastis accipere. Taceo inter ista, quæ principe fuerant loco narranda; Ecclesiasticam humilitatem, quod placere poterat, abiurasse; orationum pompam, qui orationem diligit, non secutum: propositi consideratione & illud me fugere quod ducit ad gloriam: quasi vitium declinare quicquid attollit: culpam putare, quod erigit aut sublimat: perdere iustæ laudationis meritum fauoris affectu. Excusationem veritatis coloratam peniculo non prætendam: dum repliquo, quod illud, quicquid studiorum dederat cura liberalium, iam reliqui: quod alueo quondam copiosi fluminis vix arentis gutta fundatur eloquij. Taceo, quod linguam, quam vsus mobilem fecerat, alter

vlus hebetavit. esse pro facundia silentium,  
 abiectiōem à nobis diligere pro coturno. Ad  
 illud redeo : quia mihi non licuit intra vere-  
 cundum penetrare delitescere, nec debilitas-  
 tem ingenij tegere taciturnitatis indumento  
 hoc ad defensionem integram, quod præ tuli,  
 computabo. Sed amorē prouocatus episto-  
 lares terminos inconsiderata loquacitate  
 transcendi: Vale, mi Domine: cui honorem  
 exhibens salutantis, probabo quid de episto-  
 la mea sentias, aut taciturnitate aut scriptione  
 multiplici.

### EN NODI VS EVGENETI. XXV.

**I**N statione apud vos non esse gratiam po-  
 test, qui fide claudus est, æstimare. volo ta-  
 men ad diligentiae testimonium prorogari fre-  
 quentiam literarum: ne animus de amantis  
 prosperitate sollicitus, dum salus in valetu-  
 dine est, suspicionibus ventiletur. Ecce habes  
 mi domine, vnde serenitatem pectoris mei  
 ex desiderij proditiōe cognoscas. Adesto par-  
 tibus tuis, & sicut me impetrati muneris præ-  
 rogatiua sublimat, ita vos exhibiti gratia ser-  
 monis attollat. Ergo salutem debendam re-  
 stituens, precor vt quid promoueat in me de-  
 siderium tuum, sub cuiuscumque significatio-  
 nis nube dilucides. Vale.

## ENNODIUS AVIENO. XXVI.

**A**dest magnitudo tua partibus suis, & allerit splendorem sanguinis testimonio puritatis. Caritatem nesciunt pia corda deferere: religiosam diligentiam mens generosa custodit. Gemina ergo luce fulgentia scripta suscepi, dum quod pectus sanctum reperit, dextera serena signavit. Deum precor, ut piam in vobis indolem, si Romam diligit, sub perennitate conseruet: & huiusmodi circa me studia sub ea, qua promissistis, cura multiplicet.

## ENNODIUS AVIENO. XXVII.

**N**escio utrum magnitudini vestrae grata sint crebra colloquia: ego tamen semper quod expecto ab amantibus, exhibebo. Patior aliis aliud esse propositum: mihi meo vivendum est more, ut amoris plenitudo referretur clauae sermonis. Ego in affectione carissimam subrepere taciturnitatem usu fugiente non perfero. Nunc si culmini tuo par cura est, mostretur assiduitate colloquij, patefcat frequentia literarum. Si aliis haecenus praecupatus studiis, in meam modò concesseris diligentia imperante sententiam; quantum de tuo iure submiseris, tantum de meis obsequiis possidebis. Ergo, vale, mi Domine, & munusculum suscipe, non vilitate sui, sed taxatum pretio destinantis.



## ENNODIVS EUPREPIAE. XXVIII.

**Q**uamuis caritatis vestrae paginam solen-  
 nibus tantum munijs accepissem obse-  
 cutam, nec affectui, nec necessitudini con-  
 gruenter: restamen postulauit, me vicariis  
 per styli similitudinem peregrinante diligen-  
 tia respondere colloquiis: ne subtracti sermo-  
 nis officium non vestram mihi innotuisse a-  
 stutiam, sed nostram reuelaret infantiam.  
 Nolo, soror Euprepia, quicquam de prouin-  
 ciarum malis, vel sicut dixisti, hominum im-  
 missione causeris. Quocumque abscesseris, qua-  
 tum res docet, mentem male credulam non  
 omittis. vitia nostra regionum mutatione  
 non fugimus. Circa propinquos tibi fuit tale  
 propositum, vt nec benefacta ipsorum iusta  
 interpretatione pensares; nec excessus debita  
 tantum reprehensione corripere. Sed quid  
 opus est doloris epistolam fieri longiorem? in-  
 genium vestrum nulla eloquij poterit muta-  
 re affluentia. Quod restat, vale mi domina,  
 & prout expedit, ordinem vitae, animique  
 compone. Me tamen Lupicino noueris, non  
 quod tibi debeo, sed quod animae meae con-  
 ueniat, impensurum; quia sola est, quae maio-  
 rem à Deo retributionem meretur, affectio;  
 cum nullis hominum dotibus prouocata con-  
 creditur.

## ENNODIUS EVGENETI. XXIX.

**Q**uotiens sensuum pignoribus verba famulantur, quasi in quodam speculo, ita in paginis sermo sibi amicam pingit effigiem, cum qua viva voce colloquitur, & dulci simulacro desiderijs obsequente gratulatur. Nulla quidem conceptum fœderati pectoris eloquitur oris affluentia: & cum sint facilia verba beneficijs, nec existat quod crescere nequeat ambitione dicendi; ego in explicanda circa vos diligentia arentem testor infantiam. Unanimitatem tamen vestram taciturnitatis incesso: quòd gemina scriptione donatus nihil de vicaria relatione cogitasti. Ecce iterum paginas mitto, sciens tribuere, quod expecto. Vale mi Domine, & amantem tui alloquere, nitore quo clarus es, fove integritate, qua praeualas.

## ENNODIUS AVIENO. XXX.

**M**iror fauis magnitudinis tuae iniucunda copulari, & serenitatem conscientiae verborum austeritate maculatam, dum scribis imperare me potius paginas, quàm diligentia exactrice promereri: putans vllum genus dominandi esse sublimius, quàm illud, quòd amoris nos subijcit. Nulla sunt, domne Auiene, culmina à iugo caritatis immunia. quicquid in orbe libertatis est, tali non sub-

trahitur seruituti. Ecce ego loco humilis, ignotus honoribus, vestris fascibus sic iubebo, parili contentus ordine subiacere. Nunc vale, & quantum tribui tibi senseris, tantum mihi, sicut fidelis restitutor affectionis impende.

## ENNODIVS AVIENO. XXXI.

**Q**uamuis epistolarum qualitas pro ingenijs componatur, & saepe solemnitati militet, nonnunquam affectionis testetur indicia: quas aliquando dictat sinceritas: plerumque fuci similis concinnatio; quæ candorem imaginata diligentia, vrbani- tate qua tegitur innotescit, dum fabricatis nudata tegminibus intra velamen aperitur: ego tamen in paginis speculum puto esse conscientia, per quas amicitiam discernere absentia vix praesumit. Clarum est tamen, quid in illis simplex, quid artifex sermo deferat. Scindit nubes eloqui mens dictationis interpret: cito ad intellectum peruenit falcibus suis verborum talle resecato. Ergo his valde delector officiis, quibus panditur sinceritas, nec occasio se interferit secunda fallendi. Gaudeo tamen mihi vel causas scribendi, vel perlatores accidere: ut sub hac frequentia meo voto satisfaciam, & pudorem vestrum onerem, nisi à vobis suscepta reddantur. Salue, Domine, & in sententiam meam affectu imperante concede. Vale.



## ENNODIVS PASSIVO. XXXII.

**S**I ad exequendam sufficeret sermo caritatem, si totum infantia explanaret affectus; cui magis quam vobis paginarum frequentiam præstaremus? & nisi artaret meritum pectoris, nulli dignius militaret sermonis officium. Alij affectum, quem mente nesciunt, ore testantur, & pingunt illecebrofis epistolarum momenta commerciis, quando feriatis penetrabilibus amor totus in lingua est, nec aliud ad interiora perducitur, nisi quantum in scriptione confertur. At meus erga vos animus, eloquij pressus macie, amicitiae vbertate contuit. Metuo enim, ne gratiae terminum ponat mendica confabulatio: ne idem modus putetur esse sermonis & fæderis. Melius est plus æstimationi per silentium dimittere, quam monstrare diligentiae damna per litteras. Ecce rarioris colloquij causas asserui, credens apud vos à sinceritate debita facundiam posthaberi. Quod superest, saluete, mi Domine, & diuinis vti beneficijs, procedente vita in longum, caelestia mandata complete. Inuenit enim apud vos, cum à cumulo cœperit benignitas, incrementum. Vale.

## ENNODIVS FAVSTO. XXXIII.

**P**roposito obsequuntur paginae, quibus commendatio præstatur afflictis. In his

enim clara est religionis integritas, quæ nullo potentioribus fūco blāditiæ asserunt lacrymas submissorum. Sed hīnc alias. cū perlatorem videritis, votum dictantis agnosceris. Vtinam illo apud magnitudinem vestram supplicationis euentu alleganda conciliet, quo à me litteras impetrauit. Mulierem religiosam, pauperem, de bono negotiō præsumentem sermo præsatus insinuat, æstimate si fragilitati, si iustitiæ oportuit verba subduci: si conuenit me vel officio deesse, vel moribus. Ecce ego reuerentiam salutis impendens, quid partibus meis deberem contestatus sum: vobis, quid remanserit, attendite: quia sicut personam meam pro supradictæ voluntate petitio, ita vestram affectus aspiciet. Vale.

## ENNODIUS SENARIO. XXXIV.

**N**ihil est equidem quod non à veritate in altum ambizioso tollatur eloquio. Sed ego ad diligentiam circa vos patior meam sermonis infantiam. Nunquam par fuit lingua caritati: semper subiacuit oris officium bonæ conscientiæ. Ob hoc vtor securitate monitoris. Non credidi, tanto tempore amplitudinem tuam mei immemorem sic futuram, vt etiam solemnibus colloquiis abstineres: vt illa, quæ solent affectionem imaginata fronte simulare, negarentur inter personas catenis fœderis obligatas. Hæc si valerem narrare,

poteram sustinere. Ecce iterum scribo, &  
 quæ verbis assero, sequenda testor exemplis.  
 Vos videritis, quale sit posthac desideria ho-  
 nestæ negligere: ego dolori patientiam vñ  
 institutus adhibeo. Vale.







MAGNI FELICIS  
ENNODII  
EPISCOPI  
TICINENSIS

Epistolarum

LIBER QVARTVS.

ENNODIVS SYMMACHO  
*Pape.* I.

**B**Oni Imperatoris est, probatam  
in acie militis animare virtutem;  
vt fortitudo laudis pabulis inui-  
tata, in secundis congressibus  
dediscat lucis affectum. Cuius  
robur ducis præconio non nutritur? quibus  
se denegent etiam minùs valida tyronis mem-  
bra conflictibus, quando rectoris testimonio  
videt sibi non perire quod gesserit: Sola via est  
qua ad præliandum crescat intentio, quotiens  
bene gesta non delet obliuio. Vtinam diuini-  
tas vestris mota precibus diabolicum certa-  
men interimat! vtinam deuotionem meam in

pace manifestet! ut cuius studium resignavit  
aduersitas, illius concordia commendet obse-  
quium. Ad Marcellianum Episcopum directa  
est à fratre vestro instructa Legatio: sed quid  
promouerit ipse rescripsit. Quod restat, por-  
rectis salutationis precor officiis, ut quicquid  
ægrum est medica oratione curetis: & inter  
latentium secreta morborum, qui in genera-  
lem necem seruat, ferro spiritali resecetis  
errorem. Vale.

## ENNODIUS ALICONI. II.

**V**enerabilis Amantius presbyter, dum ad  
vos paginas exigit, rem deuotionis meæ  
sui esse fecit imperij. Felix necessitas, quæ vo-  
tis præstat obsequium: libera præeminentis  
iussio, quæ seruit affectui. Debet mihi coactor,  
quod meæ præstitit voluntati. prospera est  
scriptio, quæ testimonium tribuit bis amoris  
dum & nouum in ius diligentia attrahit, &  
amici senioris pectus obligat. Qui dum ma-  
gnitudinis tuæ fidelis præco est, prius vos per  
astipulationem suam fecit eligi, quam agnos-  
ci. Raro notitiam præcessit affectio. cui con-  
tigit ante placere, quam inspicere. Quantum  
apud me pondus est perlatoris, aduertite, ad  
cuius nutum iudicia nostra flectuntur. vidi-  
mus quem didicit: quem laudat amplectimur.  
Sæpe in solido cōstituta mens propria amico  
cedit examini. Merito ergo suspicimus, quos  
probat, extollit. Nunc si vbertatem gratiæ  
ingenij macies explicaret: si ad fontem federis

aridi sermonis non lassaretur infantia; si epistolaris qualitas, quæ etiam copiosis eloquentia fratres imponit, progredi me ad longiora permetteret; assererem quanta nobilitas tua mihi debeat, quod ad epistolare commercium primus accessi, & ianuam diligentis referavi clauis sermonis. Baiulus tamen precor ut pro his quæ tribuit redametur. Ecclesiæ causas insinuo: quia quod spei meæ impenditur, vobis crescit ad meritum. Domine mi, effulgentissimæ salutationis munus impendens, quæso ut si vobis cordi est oblationem meam de libamine caritatis accipere, religionem amicæ conscientiæ referetis alloquio.

## ENNODIVS EULALIO

Episcopo.

III.

**T**RINITATI gratias Deo nostro, qui fascem, quo deprimor, peccatorum fortis apud se viti alacritate sustentat: qui memoriam mei in illo sancto pectoris tui templo, quo gaudet Christus, subtilis fabricator interfert: ut quod propriæ conuersationis nube fuscaui, splendida conscientiæ vestræ serenitate detergeat. Iam noui quia non ineffaciter funduntur lamenta peccantium. Hoc mihi principe loco oratio mea, hoc lacrymæ contulerunt, ut robustus pro me precator exurgeres, ut labantibus humeris cælesti munitam auxilio dexteram subrogares. Verum est quia sola apud Deum desperatio perdit erran-



tem. Ecce iam lolium nostrum, spinæ, vel tribuli, hordea, triticum, vineas pollicentur. Age, electe Dei, pro me humili quod cœpisti; & partibus tuis adesto, dum precum in me assiduitate diluis, quod ego collegi vbertate culparum. Frequētibus etiam susceptum pascere colloquiis: vt insulsum pectus, nec vlla virtutum stabilitate subnixum, admonitionis sale confortes. Ad obsequia salutationis reuertor, & epistolarem transgressus terminum, vnum velut garrulus, sed pro necessitatibus importunus adiungo, vt me sine cessatione tantum iuues precibus, quantum confirmas alloquiis. Vale.

*Exemplar Epistola quam ipse dictauit.*

FRATRI. SOROR.

IV.

**Q**uamuis summatim gratiam aliqui debeant etiam malis in affectione pignoribus; nec illud quod posteritati tribuitur beneficium, putetur esse debitum: cū malignus interpretes iudicium cordis naturæ subdit imperiis, & tollens saporem diligentia, sola viuendum putet obiectione pariendi: quando plus creditur filij vocabulum valere quàm obsequium, & non quæritur quid in amoris lance promoueas, sed quale ad præiudicium æstimanti nomen opponas: cū apud prudentes frustra sobolem dicimus, nisi exhibet quod vocatur. Nam qui in prole censuram negligit, conceptum magis designat sibi

placere, quàm meritum. Facessat in posteris hoc solum nos cogitare quod libuit. Etenim fructus vteri, nisi honestate respondeat, plus in testimonio lasciniæ videtur euenisse, quàm gratiæ. Fas enim est germanitatis semper fidele consortium etiam partibus anteferri. datur participem originis sic haberi, vt nec consideratio sanguinis negligatur, & descendens à merito laudetur, examen. Et ideo ne sinuosius in longum procedant verba præloquii, & quod re angustum est, crescat affatu. dono in fraternitatem tuam confero, & iuri tuo perpetuam liberalitate transfundo mancipium iuris mei illud, & cætera. Vale.

ENNODIVS FAVSTO. V.

**S**vblimis vir Dalmatius, animæ meæ portio non defraudata, sed solida, cui ad prærogatiuam sanguinis morum splendor accessit, hoc negotio suo credidit conuenire, si meis apud culmē vestrum iuuaretur alloquiis. Quod supersedendum eius conscius non putavi, faciens vrbaniatē quadam personæ tribui, quod vobis noui debere iustitiæ. In Sicilia enim prædicti prædium, bono hætenus iure possessum, à consortibus perhibetur iuuasum. nunc ad iuuamen ciuilitatis impenditur, quicquid ego promouero supplicando. Domine mi, salutationis obsequia plena humilitate persoluens, deprecor vt circa memorati nobilis viri compendia pudorem, leges, ac reliqua, quæ per conscientiam vestram subsistunt, reipu-

blicæ ornamenta muniatis. Vale.

ENNODIUS AGAPITO. VI.

**C**Redidi, postquam magnitudo vestra bonis est impensa generalibus, & otium migravit in gloriam; postquam Rauennatibus excubiis occupati, dum quietem vestram negligitis, nostram omni soliditate firmatis; & priuatus genius ad regni decora transiuit; quando nouam lucem, de domesticis abstractam sinibus, Palatinus sibi fulgor adiecit; & angustiolem fuisse regni sui pompam rerum Dominus cum vos non habuit, rectè metitus est; pro vicinitate regionum, crebris me releuandum esse colloquiis. Sed inefficacibus spei meæ luserunt peccata consiliis. nullas paginas ad diligentiam testimonium mens serena transmittit. Graue est, si amorem non merui: grauius, si quem exegeram fortè turbaui. Scio tamen hæc congruentibus veritati excusationum nubibus esse claudenda. In priuatis inueniri munera literarum: non rectè ab occupatis ista disquiri. Sed noui firmam in affectione conscientiam inter quæuis pondera & aduersa districtam debita sua gratia non negare. Nunc nolo esse prodigus in querelis. Salutationis reuerentiam soluens, deprecor, ut suggestionem, quam apud vos deposuerit præsentium portitor, ad votiuum perducatis effectum.



ENNODIVS IVLIANO  
V. I. C. P. VII.

**S**vscepi literas gemino splendore radian-  
 ter : quibus purpura dictatoris vestre iun-  
 cta dignationi creuit in pretium : gratias om-  
 nipotenti Deo restituens , qui votorum ma-  
 ciem beneficij vbertate transgreditur : vt quā-  
 do in desideriis, meritorum consciij, sectamur  
 angustiam , diuitis indulgentiæ copias non re-  
 frinet. Credidi satis esse , si me feceritis am-  
 plissima scriptione sublimem. Sed vos non  
 hoc tantum contenti præstare , quod habet  
 mendica postulatio, linguæ idoneas , & lande  
 locupletes paginas destinatis. magni more flu-  
 minis : qui quotiens ab alucis , vt ariditatem  
 finitimam temperet , ad obliqua inuitatur,  
 optanti tenuem riuulum totus illabitur , &  
 marcida profundo squalore terga per ebrieta-  
 tem vndæ salutaris infundit. Fortium tamen  
 seruans consuetudinem personarum magni-  
 tudo tua circa exiguitatem meam bene capta  
 non deferat : vt in testimonio diligentis cura  
 paginalis habeatur , & puri amoris adstipula-  
 tionem deferant blandimenta colloquij. Oc-  
 casum nesciat caritas , quam ante culmina  
 promissistis. tantum circa me crescat gratia,  
 quantum vobis inuicta sunt fastigia dignita-  
 tum : ne amicitiam, quam fouit mediocritas,  
 videatur abiurasse potentia. Nam qui fastum  
 in sublimitate castigat , docet se meruisse

quod adeptus est. Resignate per probitatem conscientiae, felicitatem submi ti posse amon-  
is imperiis. Illa libera procerum colla, dum  
formam tribuitis, subiugate diligentiae. Fas  
sit de vobis assuesci, vt amplissimus in socie-  
tate retineat, quem minor acquireret. Ludit  
de illis casus, quibus obliuionem suorum in-  
dicet, quos ad cella perducit. Apud scientem  
rerum relegere bona, non est admonitionis  
necessitas, sed laudis occasio. Noui fabrica-  
tam ad bona studia ingenij vestri tranquillita-  
tem: quam ideo speciatim commemoro, vt  
ostendam, vbi affectio solida est, honoribus  
nil licere. Sed epistolarem transcendendi termi-  
num, dum commendationi meae multus in-  
hæreo. redeo ad officia paginalis alloqui, &  
valere me nuntians, prosperitatis vestrae actu-  
tum secunda disquiro.

## ENNODIUS SYMMACHO

Papa.

VIII.

**V**Sque ad temeritatem me Apostolica di-  
gnatione promouistis. fiducia concessa  
exitit mater audaciae. Sed qui me humilitatis  
putat ignarum, obedientem probabit, si ius-  
sa consideret. Præsumptio est, si domino-  
rum beneficia famuli non sequantur: obse-  
quium æstimandum puto, quod pariturus  
impendo. Ecce causam scriptionis asserui,  
quia veritus sum, ne post imperatam styli cu-  
ram tacens præcepta respuerem. Huc accessit  
quod

quod in causa venerabilis memoriæ Marij, dum apud urbem essem, spem meis precibus vos dedistis. Cuius negotium cum sancta Ecclesia vestra legitima pactione decisum est: sed hæredes eius per annos plurimos, debitos sibi fructus deflent fuisse subtractos. Pro quibus vestri conscius precator accedo: quia cui mos est pia ingiter facere, iusta non despiciet; & qui largitur proprium, aliena non subtrahet. Errat qui Deo proximam conscientiam credit commodis inuitari: detrimentum est sanctæ voluntati, non exhibere beneficium. Sola putatis lucra, quæ vobis de liberalitate nascuntur; qui diuitias dum tribuitis, accipitis. Auara est dispensatio sanctorum, quæ nil reseruando, vniuersa proprium reducit ad meritum. nulla sunt potiora; quam quæ vobis eueniunt de largitate compendia. Ergo securus comprehensi superiùs, hæredibus laboris promissi vestra contemplatione iacturam. vos pollicitationem meam benigna dispositione complete: & illos effectum, me releuate colloquio.

## ENNODIVS FAVSTO. IX.

**S**Olet epistolaris concinnatio, quando fauore rapitur, iudicia non amare, & copiosius facere beneficium, dum attollit immeritos. Ille enim debet ampliùs asserenti, qui quod moribus non exigit, gratia scriptoris suffragante consequitur: quia nullis adiutus conscientix dotibus, iure ad allegantem re-



portat, si quid adipiscitur. Aliud est, in eo qui commendatur, tanquam nobile germen, ita peregrinantia bona verbis inferere; aliud innata vulgare; quemadmodum si rusticum pecus Tyria confirmes purpura sponte vestiri, & virus generosum, quod vellus aheni inebriante non sorbuit, dicas rura diffundere. Tinguunt alij linguæ murice, quæ nullus ad regalem usum fucus exhibuit, & discreti maris ignota cochleis lana solam lucem bibit eloqui. redditur dignum principalibus indumentis, quicquid in vili munere relatorum verba colorauerint. Sed ab huiusmodi me urbanitate vires pariter, & vota subducunt. Nulla clarioris fuci stamina per me splendore rutilabunt: nemo dictum de aliquo inueniet, quod in eius actibus non agnoscat. Hinc pudori meo vel proposito manum porrigo, quod illi præuium impendo oris officium, qui ad notitiam vestram rebus bene gestis occurrat. Venantium V. C. loquor idcirco à me paginale impetrasse obsequium, ut in se oculos vestræ magnitudinis inuitaret: ne eum inter curarum moles contingeret ignorari. Sunt illi suffragia sua, per quæ inter susceptos vestros mereatur adscribi. Exhibuit vobis modestiam, religionem, innocentiam, quibus penetralia serenæ mentis comitibus introiret. Exuberant, mihi credite, apud eum insignia, quæ fouetis. non laudatorem me continuo in eo probabitur fuisse, sed testem. Vos, mi domine, perlatori dignationem principe loco tribuite, ne vir bonus nouitate turbetur. liqui

EPISTOLARVM LIB. IV. Hij  
dò aderit partibus suis, & vitæ opibus pen-  
sabit damna verborum.

ENNODIVS TRASIMVNDVS  
V. I. X.

**N**on temeritas me ad paginale duxit of-  
ficiū, quando ad omnem communio-  
nem subditum suum regiæ stirpis germen in-  
uitat. Est enim hæc claritas dominorum in-  
serta natalibus, vt culmina sua dignatione  
subliment. Vultis quasi æquales tractare famu-  
los, vt ab ipsa vobis per amorem condicione  
plus debeāt. Vnde, piissime domine, obsequiū  
exhibens cum generalitate soluendum, signi-  
fico me ad aliqua suggerenda per latorem præ-  
sentium destinasse. vos effectū donatæ suppli-  
cem, quia spe fultus precator accessi.

ENNODIVS LVMINOSO. XI.

**Q**ui amicam conscientiam manifestis præ-  
dit indiciis, tollit otium, quibus gratiæ  
præstiterit dignitatem. Vix enim feriata sint  
ora eius, qui consuevit audiri: quia magnum  
dispendium pudoris est, verborum retinere  
beneficiū, vt dum linguæ parcimus, hone-  
statis prodiga frons laboret. Vos me garrulum  
fecistis, qui preces meas consuectis admittere.  
Sed ne præstanda circumloquar, & epistolæ  
prolixitate impetranda suspendam, ad rem  
redeo. Sublimis vir Laurentius redditus sibi  
debitos, quos Romana Ecclesia facta cum

autore eius est pactione pollicita, à domno Papa asserit sub nescio qua oppositione denegari. In quo negotio fauorem per me vestrae defensionis implorat: vt rem, quam debetis legibus, videamini exhibere diligentia, & illud crescat affectui, quod denegari non licet æquitati. Vos hanc rem iuxta desideria me tribuite: vt quantum nominato viro commoditatis accesserit, tantum me muneris accepisse confitear. Salutem ergo dicens, spero, vt circa munia literarum, nec sincerus amor vacationem accipiat, nec facundia totius orbis celebrata testimonio conticescat.

### ENNODIUS IOANNI. XII.

**N**atura partum est, vt cura migret in gaudium, & mutetur querela præconiis, quotiens cupita tribuuntur. Incertus animi fui, quid sibi vellet sublimitatis tuæ tam longa cessatio. sed cum potiri datur optato, ipse pro partibus tuis honestum exculationis genus inquiri. Vide quid faciant serena diligentia: quasi totum mihi ex sententia fluxerit, ita simplici munere placatus, errata concessi. Habes vnde pij amoris formam possis assumere, & circa amicitiam constantia exempla mutuari. Me si sequeris, nec plura te à coniunctione peccata retrahunt, & vnum benefactum sodalis tui culpās absoluet. Me silentii, frater, me obliuionis incessis? Vbi erat iste animus, quando nec promulgata colloquia meruere responsum; nec ad styli impe-



sandam sollicitudinem præuius existeras? ubi fuit in abstinentia tabellarum non circa omnes in Liguria custodita? multis à desiderio tuo peregrinantibus, in solatio doloris mei paginas exhibendo, & mihi taciturnitatem continuasti, & illis præbuiſti contra vota colloquium: quia est ista humanarum rerum ratio, ut pro magna cognatione par studium semper existat. Cuius ordinis immemor, voluisti sociare quædam imperita cum literis; putans coire posse in affectum toto calle distantia. Quid promouit suada oratio tua, elucubratis concinnata sermonibus, quando bonarum artium nescios appellabat amante posthabito? Sed hinc alias. nolo excessuum multitudinem relegere, qui breui satisfactione delinitus sum. Nam parcitate in eloquendis illis usus fueram, nisi nosse vos crederem, de offensis illud remanere, quod tegitur, & quod in vocem erumpit, amoueri. Domine mi, precor, ut posthac ad ea quæ malè haberi didicisti, non tanquam emendationis contemptor adspires; sed crebrò mihi dulces paginas dirige, ut crescat dos facundo, dum seruat sacramenta concordia.

EN NODIVS CONSTANTIO V. I.

XIII.

Seruat magnitudo tua circa amicos & seculares proprios illud quod sibi iungit ad gloriam. Dùm enim nos memoria dignos ducitis, vos probatis. Nam diu in con-

solationem scripta suscipiens, absentia vestra  
 clamma suspiro. O artificem scientiam bonis  
 caelestibus institutam! ne liceat aliquid pro-  
 lixa sequestrationi de affectu decerpere, prae-  
 sentantes sacram imaginem literas promul-  
 gatis. Nouit Deus discussor sensuum, me cul-  
 minis vestri recordatione macerari, & nullum  
 inuenire de optimi viri peregrinatione subsi-  
 dium. Reddo tamen epistolari cura salutatio-  
 nis obsequium, & dignationi vestrae gratiam  
 referens, fratrem quoque meum Ioannem  
 per vos mihi restitutum esse confiteor. Cuius  
 hactenus in obliuionem mei silentium quid  
 gereret non tacebat: is nunc vestro mihi re-  
 formatus affectu ad abiuratam styli curam re-  
 uertit. Rogo tamen vos, ut maturetis reditum,  
 aut si felix mora detinet, dilectionem manife-  
 stetis alloquio.

## ENNODIVS FAVSTO. XIII.

**Q**Uae saepe mediocriter gratis impensa  
 sunt. quotiens exhibentur verba cõiun-  
 ctis. quicquid fauori obsecutum est, sereno  
 mancipetur affectui. Non depictis amorem  
 mentitur alloquijs, qui perlatori caro red-  
 denda dominis scripta committit. In subli-  
 mis & magnifici viri Pausanij mei commen-  
 datione, ore feriato mens dictat epistolam.  
 Nescio enim in quale culmen merita apud  
 me viri, quem sum praefatus, extollam: in  
 quo linguae macies debitum pectoris nequit  
 exprimere. Sed abdicandum esset mihi, etiam

**N**on suppeteret, facundia lenocinium: quia pauper sermo vberem diligentiam rectius confitetur: & si eleuamus per effusas paginas illos, quos arcana nesciunt, iure tribuenda amanti-bus in artum tabella concluditur. Causam ergo modici sermonis elocutus, fœderatum fratrem quanquam paucis verbis insinuo; tamen multis obsequiis: vt iustus magnitudine vestra, in negotio suo circumstrepentium aliquando videatur superasse commenta. Quod restat, famulantem salutationem exhibens, me valere significo; si tamen prospera vestra certis iudiciis mihi dispensatio superna concedat.

## ENNODIVS FAVSTO. XV.

**P**rocliuior ad impetrandum via est, quotiens à religioso aliquid exigit abiectio deprecantis. coactus enim præstat affectum, qui miseriis supplicis inuitatur. non potest offerre obuias manus, cui imperat propositum afflictos audire. Perlator præsentium auito se cæspite deflet abiectum: qui spei suæ residuum in vestro ponit examine: ne aduersarij eius potentia de lucro & securitate gratuletur. Vos legum sacramenta, vos defensio respicit submissorum. Ego partes meas commendatione muniui. Venerabile ergo nomen eugete beneficiis: quia dum iusta tribuitis, nec illa, quæ ad misericordiam pertinent, posthabetis. Domine mi, reuerentiam salutati accipiens, ita precibus meis effectum tribue, vt



proprium desiderium, dum honestas asseritur, possit impleri.

*ENNODIUS AGAPITO. XVI.*

**I**vre responsum multiplicibus posceretur alloquiis, si non ingratas extitisse paginas meas magnitudinis tuæ silentium testaretur. Clamat enim taciturnitas vestra, garrulum displicere, & nouum vindictæ genus, ut opinor, inquit, quando se non videt promouisse quod siluit. Agitis epistolari abstinencia, ne ab imperitis ad vos scripta mittantur. Ademptus tamen est effectus. prouidentia vestra profutura tractate. crebrior factus sum, in scriptione contemptus. Sed breuem sermonem decet exhibere eum, qui magna doluerit. Cultorem vestrum, fratrem meum Panfronium, epistolaris apud culmen vestrum cura comitatur: cui quicquid gratiæ concessum fuerit, me quoque impensorum vinculis obligabit. cui etiam aliqua de Vicariæ dignitate suggerenda commisi. Vos petitionem meam ad effectum perducite: quia adsum partibus meis, quotiens apud emendatissimos hominum cogor subire testimonium, dum certis exhibeo.

*ENNODIUS DECORATO. XVII.*

**R**ecè creditur enuntiatrix lingua esse penetralium, quæ latentis secreta animæ ad lucem vocat eloquio. nesciretur amor peccatorum, nisi illum sermo proditor indicaret.

Iure, veterum sapientia epistolis vſa, quaſi clauibus, repositum per eas vulgauit affectum. Tracta eſt in testimonium ſcriptionis mens testata diligentiam: mutari caritatem non licuit, quam deſiderans pagina interueniente promiſſſet. Huic me ego conſuetudini, vel legi potius mancipaui, aſſerens literarum fide, quod de magnitudine tua ſenſibus inoleuit. Vos ſi mecum pari cura in deuinctionem conuenientes, ſi fida interpres amicitia ſe æſtimans votum videt alterius, reſponſum deferens tabella ſignificet. Ego munera ſalutationis impartiens, deliberationem meam non tanquam verborum auarus occului.

## ENNODIVS FAVSTO. XVIII.

**I**N aſſerendis quibus ſuum non denegat honeſtas plena ſuffragium, multiplicibus non vtor alloquijs: ne prolixus ſerimo tanquam à negaturo videatur impetraſſe beneficium. Soletis enim quæ poſcenda ſunt, precibus anteaſſerre. Ad ſublimem, & magnificum virum Opilionem, parentes eius in Africa conſiſtentes direxerunt certam diligentia inſpirante perſonam: qua ad patrium ſolum remeante, hoc mihi muneris præfatus iniunxit, vt ad magnificum virum Agnellum pro commendatione ſuorū à vobis ſcripta mereatur. Quam rem emendatiſſimi hominum non negabitis, non contenti benignitatem veſtram ſolos in Italia poſitos agnouiffe. Nunc obſequia mea literis reddens, cauſam ſcriptionis verborum

compendiis indicaui. Vos dicenti pauca præstate præcipua.

ENNODIVS APOLLINARI. XIX.

**P**roducendo circa amantem vestri silentia ad absentiam corporalem animum transfimistis: retinendo paginas, in immensum creuit, quæ hætenus diuisio nil valebat. Res eò redijt per abstinentiam tabellarum, vt vteris æui prouidētia conferat nil amoris. Rancellit caritas, quam verborum auarus despiciit ventilare. sine cultura est diligentia in vsum non reducta per paginas. styli frequentia viuaci pabulo insitam pectoribus nutrit amicitiam. Facilius, frater, fuerat desideriis meis te nullo tempore cupita tribuisse, quàm sæpe indulta subtrahere: quia otium corda nesciunt, quæ cibus dulcibus pastor artifex irritasti. Aliquanto enim tempore continuando scriptionem, immemorem me sequestrationis effeceras, dum effigiem venerabilem placido inferebas alloquio. at nunc commellantium vacuas manus nudus inquisitor inspicio. Ego tamen nolo errore meo alienas culpas asserere, vt quod factum doleo, admisisse conuincar. Accipe ergo, emendatissime hominum, desideriorum solatia, per cælestem gratiam absentibus attributa, & perlatores, si mei estis memores, subleuate, vt nesciant peregrinationis incommoda, dum nominatæ patriam commendatio amica contulerit. Qui-



bus remeantibus, nuntio me vestra valetudinis subleuate.

## ENNODIVS IVLIANO. V. l. XX.

**E**Xercetur diligentia bonum scriptione multiplici. lingua enim indicio animorum secreta panduntur. Assiduus curam impendit eloquiis, qui otium amore commutat. Hæc sunt officia, per quæ tacitus innotescit affectus. Familiaris perlator, nisi reddendas culmini vestro paginas accepisset, me oblitum reuerentia vestra testaretur. Nescio enim caritatis esse negligens, nec partam labore gratiam quieti seruiens effugare. Multa debeo verba fœderi: sed ab breuitate cogit epistola. Vale, mi Domine, honorem salutati accipiens, & circa me adultam serua dignationem. Sic bono in medium adscitus reipublicæ, de felicitatis tuæ diuturnitate gratuleris.

ENNODIVS CONSTANTIO  
Episcopo. XXI.

**V**igilius Subdiaconus vester experiri voluit, quanta mihi à vobis caritas redderetur; & ad occasionem profectus sui conjunctionem nostram conatus adducere, statum inter nos amicitia, dum augetur honoribus, vult metiri: quatenus ad ipsum fructus redeat, quem ex diligentia melle condidimus. Hunc si mereor, ad Diaconij sacramenta perducite: ut dignitas præfati ad spem mihi

proficiat maiora poscendi. Sed ne petitionem negatus frustretur effectus, sic concessum meritis vestris locum per longa temporum intervalla teneatis.

## ENNODIUS SYMMACHO

*Papa.*

XXII.

**Q**uamvis sublimi viro Laurentio assistat pro pignorum commendatione probitas sua, & patris prudentia causas sobolis exequatur: attamen sollicitudine genitili ad ampliora procedit, & vix credit pro filiis sufficere quod meretur. Adiutricem in adstipulatione germinis paginam quærit: & trepidante diligentia patrum ardorem nititur cum vniuersitate partiri. Cogitate si viro optimo negari effectus potuit, & pia & iusta poscenti. Tribuat diuinitas effectum precibus eius, & hunc beatitudinis vestræ nominatis conciliare dignetur affectum, vt erigat paruulos implorata coronæ vestræ miseratio: quatenus anxij circa ipsos genitoris vota superentur. Domine mi, spero, vt promissa dudum benignitas in ea parte testimonium ferat, si comprehensis superiùs geminatam impendi gratiam, qui per me precatur, intelligat.

## ENNODIUS DOMINATORI. XXIII.

**O**portuerat quidem defunctaria vestra, quæ fratris Agnelli patefecit allegatio, vt tabella referaret, & ad elicienda colloquia for-

nam sermo pravius exhiberet: quia potuit tibi restitui quod debebis: nec vlllo me colore defenderem, te loquente, à paginis abstinendo. In tuo iure fuit, linguæ nostræ ferias exercitio commutare, & rubiginem rusticantis eloquij fabrilibus studiis amouere. quia sicut damnum caritatis est primum cupienti non dedicare sermonem: ita promulgatæ scriptioni silentium reddere, nec amicitia suadet memoria, nec pudoris. Nunc tamen accessit ad genium meum, quod paginas imperasti, & si subtrahitur testimonio, quod nunquam in amore vires interrogo. Faceat ab ingeniis liberalibus, vt credas fascem esse intolerabilem, quem amicus imponit. Tu tantum exacta complectere, & censuram castigans rancida iudicantium depone fastidia. Absit à te eum non fouere qui paruit. In spem altioris meriti trahitur, etiam si veniat à moneta triuiali, qui tibi impositum oris mancipauit obsequium. Ergo vale, mi Domine. quia nolo fieri prolixa, quæ non sunt ad perpendiculum fabricata colloquia. Tu messem gratiæ iuxta fiduciam meam, tanquam vber solum restitue: quia in tuo posthac erit arbitrio, si crebro epistolas meas accipere volueris, his me munus inuitare.

ENNODIVS FAVSTO.

XXIV.

**Æ** Ger animus sicut silentia non patitur, ita processum narrationis abiurat: conestationi mororis nec taciturnitas, nec col-



loquia proluxa conueniunt. artatur pagina; cui vix inter gemitus verba tribuuntur. Sed quid assero linguæ ferias plus loquendo, & coactam necessariis epistolam terminis garritate polliceor? Deum quæso, vt anxietati meæ de manifesto prosperitatis vestræ succurrat indicio. Ille admittat lacrymas meas, cui clausa ora fabulantur: cui ad plenam legationem sufficit ex compunctione defluens imber oculorum. Ego labefactatam non solum quietem meam, sed & salutem, inimicorum valetudine, & rumorum procellis agnosco. Potens est diuinitas immensæ tempestatis incerta bono serenitatis amouere. Vos, si de Deo mereor, saluete: & amanti in vobis conscientiam, non Rauennates excubias, tabellarum promulgatione consulite.

## ENNODIVS BASSO.

## XXV.

**S**I vetus diligentia, quæ à parentibus meis erga amplitudinem tuam fructus vberes de gratiæ melle condebat, circa personam meam pro fidei memoria seruaretur, monstraret frequentia literarum, & insepultam caritatem testis pectoris sermo recluderet. At nunc oblitum mei te sentio; nec aliquam melioris sæculi retinere concordiam; quando nulla, quæ sollicitudinem tuam resignent, scripta diriguntur. Sed ego desiderij impatientiam ad verba conuerti; qui scio tunc nouellam amicitiam habere dulcedinem, si annosa seruetur; & illud esse in affectione purius, quod nostri

examinauere maiores: sciens quia si Camillum mente retines, Ennodium non omittes. Quia de re salutationis munera epistolari cura peritoluens, precor, vt baiulum presentium, clericum meum, quem ad Gallias & suæ utilitatis & meæ iussionis causa perduxit, susceptum habere digneris. Quo remeante prospera vestra scriptione signate: vt si quid in amore damni fecit obliuio, epistolaris sollicitudo restituat.

## ENNODI VSEVGNETI. V. I. XXVI

**F**Austum cælo omen adueniens auspicia vestra corroboret, & tyrocinia canæ dignitatis suis muniant diuina consilijs. Per vos supernus fauor regat dominum libertatis: vt ex pectoris vestri fonte ad aures principis defluat, quod in vobis æternus imber infuderit. Ecce quæ debui vota rudimentis, licet coactis in artum sermonibus, enarraui. Vos mementote promissi amoris & fœderis, vt sine mutationis dispendio debitum mihi quæstura dissoluat. Tenete circa me animum decessoris: dignitatis vestræ pollicitatio non frangatur variata personis. Domini mei, saluate pro desiderio supplicis, & in magna beneficiorum promulgatione suscipite parca colloquia. Talis enim est vsus felicium & naturæ meliorum, vt linguæ copias rebus & præstigiis antecellant.

*ENNODIUS SENARIO. XXVII.*

**F**estinatio perlatoris in artum coëgit epistolam: dolentem magna fecit pauca distare. Apud eum tamen ista non grauant, qui inter sermonum angustias interpretis est sensuum. Super tarditate enim Domni Fauſti & opinionum varietate discrucior. Vos post Deum anxietati meæ celeri rescriptione succurrite: quia deterius est incerta macerari spe, quàm manifestam desperationem indicio amantis agnoscere. Valete, mi Domini, & aduertentes quid cupiam, votiuæ vel necessaria promulgate colloquia.

*ENNODIUS AGAPITO. XXVIII.*

**S**i mihi ex sententia dies fluerent, non negotiosis operam paginis potius quàm obsequentibus exhiberem; nec munus caritatis ad officia peregrina transducerem. Sed coactus rem diligentis necessariis commutauim. Sublimis enim & magnificus vir pro dolosis inimicorum laborat insidiis. qui per me æquitatis vestræ implorat patrociniū; ne praua concinnatio opinionem eius permittatur inceslere, & fabricati rumoris ferat fortè compendium. Domine mi, salutationem largissimam dicens deprecor, ut ille, qui in vobis notus est, vigor assurgat, & quod a partibus vestris poscitur mei sermonis obsequio, ad impetrationem congruam perducatur.

ENNO-



## ENNODIVS PAPÆ. XXIX.

**C**elestis vtilitatem sequacium cura disponit. Inauspicata bene de Deo merentibus dona tribuuntur. Ingerit superna dispensatio etiam quod supplicare humanitas non præsumit. Agnouerunt aduersarij, sedis vestræ, quo propugnante vincatur, quod proximè de Aquileiensi redemptor noster persona reserauit. Et ideo inter excellentia munerum diuinorum peto, vt mei corona vestra meminisse non abnuat. Inuitat enim ad famulandum plurimos, qui quamuis longè positum diligit obsequentem. Vale.

ENNODIVS EVGENETI.  
V. I. XXX.

**P**ostquam prima spei mee effectum dedere colloquia, ad vsum sermonis oradiu feriat laxavi. Animatur enim successibus, etiam cui per conscientiam non suppetit Latinaris eruditio. Cessantibus studijs sæpe facundum gaudia reddiderunt. mœroris nubila hilaritas depellit, mox rutilantia per sudum verba discurrunt. Itaque aut perfectos nos lætitia monstrat, aut infantes facit aduersitas. Hæc, mi domine, vobis etiam adstipulantibus confirmantur. Ergo tempus prosperitatis amplexus, reddo debendæ salutationis affectum; sperans vt circa me nobilis promissio, quæ a plenitudine gratiæ sumpsit,

exordium, quasi incrementis egea gemitur. Vale.

*ENNODIUS AVITO. XXXI.*

**L**icet multam nobis, per literas magnitudinis tuæ occasionem gaudij lamenta pepererunt, cum ad hilaritatis obsequium index funeris sermo militasset: non tamen par lacrymis iocunditas contigit, nec mœroris turbidum ex toto colloquii serena depulerunt. Retinet afflictionem mens de tanti decessione Pontificis; etiam post desiderata colloquia: ab hoc, quia natura rerum est, ut quælibet lætitia vel modici angoris collatione superetur. Sed quid noua commemoratione facimus, quæ animam clandestina hæcenus iactatione domuerant? Votis vestris cum Dei adiutorio comitem me promitto: dummodo salua domini Papæ nostri incolumitate, talem vos elegisse cognoscam, quem eum, cui animæ cura est, laudare non pudeat. Nefas est enim credentem ad obliqua prouocare, & quæ affectu obligastis, per incerta deducere. Vale.

*ENNODIUS EVGENETI. XXXII.*

**N**on æstimo rem obsequii frequentia posse rancescere: nec culturam diligentiae vitio garrulitatis adscribi. Suppetat fortè de abstinencia tabellarum excusatio illis, qui publicæ utilitatis muniis occupantur. veniam non meretur, si à scriptiois assiduitate tem-

peret absolutus. Liquidò cōfiteatur amoris negligentiam, qui cū possit epistolas, in quibus est affectionis pabulum, non ministrat. error otiosi est, si benè comperta mens per linguæ ferias desideratis attenuetur impasta colloquiis. Sed sicut nos religionem gratiæ fouere conuenit, curis sæcularibus nil debentes: ita nisi magnitudo vestra partibus suis affuerit promulgatione responsi, damnatis probè facta reticendo: quia si tollantur virtutibus præmia, quem laborasse non pudeat? Ecce, quantum æstimo, breui elocutus vtrorumque propositum; animo meo malè esse confiteor, quòd remeante Montanario, cū dedissem paginas, non recepi. quod debitum posco lege restitui, pudore geminari. Nunc vale, mi domine, & vestram quærens, propriam nuntians sospitatem, Deum precor, vt si mei memor est, prospera vestra multiplicet.

### EN NODI VS SENARIO. XXXIII.

**S**I amor pudori acquiesceret, si caritatis impatientia verecundiæ lege teneretur, à paginalibus officiis temperarem, & silentii formam vestri imitator assumerem: non improvidus æstimator coniiciens illa, quibus remuneratio à vobis subtrahitur, non amari: nec suaderi facilius tabellarum abstinentiam, quàm tacendo: viros Comitatenſis exercitii per linguæ ferias clamare, quid respuant. Sed non ita est magnitudo tua lineis quadrata fabrilibus, vt quolibet recta velamine amantis ocu-



los possit effugere : quia sine obstaculo vestrum penetralia respicit mens amici. Nemo æstimet, quòd latentis interna consilii apud caros aulicis excocta fornacibus celet vrbannitas. Sed credo, querelis meis illud ordinis vestri aptum exculationibus genus opponas: Non rectè ab occupatis otiosorum munia postulari: Vix ad hæc officia posse descendere obsequiis principalibus adhærentes. Audiui quidem sæpe talia: sed confiteor, non recepi: quia frequenter necessitates desideria transcendunt, & sine intermissione timor cedit affectui. Voluntas in culpa est, quæ concinnata excusatione defenditur. Ecce, mi domine, quàm magna doleam, cum officio salutationis asserui, perlatorem vtrique carum, pro fide sua & nobilitate commendans, vt beneficio culminis vestri inimicorum insolentia technis suis oppressa subiaceat. Vale.

## ENNODIVS HORMISDÆ. XXXIV.

**P**ostquam votiua mihi necessitas vestra beneficio proximitatis desiderij cæpit spondere effectum, animo ad longiora transiitis; & cum Liguriam pene manu contingitis, linguam feriis deputastis. Minus licuit absentiam dum sanctitatem vestram prolixa viarum intervalla tenuerunt. pensabat confabulatio dispendia visionis, & in remediis prouisa diligentia literarum commercia præstabantur: per quæ officia inter habitatione discretos nil peribat affectui, Sed credo eligitis amicis diffici,

lora tribuere: non putantes beneficium, si pascar in tanta vicinitate colloquii. At ego casum meum versa æstimatione suspiro, ne beatitudo tua retulerit ad iudicium, quod exhibuit blandimentis; dum quod præcessit, ascribit tempori, non amori. Facessat à nostro in amicitiiis frons pieta proposito. nos ad hanc fabricam nulla præcedentium studiorum lima composuit; nudam scimus ad coniunctionem afferre concordiam: urbanitatem inter caros ut venena respuimus. Ergo, mi domine, salutationem accipiens, amantem tui in hac potius parte sectare, ut & culturam fidei per frequentiam sermonis impendas, & ex secreto pectoris infucata expectanti verba concedas. Vale.

*EN NODIUS APRONIANO. XXXV.*

**I**N vsu est viris morum claritate fulgentibus religionem amicitiae per culturam nutritæ colloquii: ut dum gratiae germina fotu confabulationis animantur, ad messem coniunctio foederata perueniat. Per hæc enim munia voluit senior prouidentia absentiae nil licere: Merito de vobis emendatissimus hominum dominus Faustus prædicat singulare testimonium. Sine nube datur agnosci, nihil de eo dubitandum, quem probatus attollit. Sed nunc ad epistolæ angustias me reducens, secretis debitam laudem claudio penetralibus, ne quod apud externos faciendum est, apud vos im-

portunitate rancescat. Vale, mi domine, salutationem obsequentissimam accipiens: deum precor, vt prospera vestra in longum producens, mihi quoque secundis amicorum successibus spondeat aucionem. Vale.







MAGNI FELICIS  
ENNODII  
EPISCOPI  
TICINENSIS  
Epistolarum

LIBER QUINTVS.

ENNODIVS LIBERIO  
*Patricio.* I.

**D**Vm pro venerandæ religionis conscientia verba dirigitis in Aquileiensis electione Pontificis, & diuinis initiata lingua cultibus militat consecrando, in ignoti nos diligentia sermonum vincula tenuerunt: quia nihil superat iudiciis, quotiens aliquid probatus extulerit. Quid enim sententia sequacium derelinquat, quando iustitia obsequitur, cuius in examen definitio non vocatur? Agitis bono conscientia quod vestro vix negaretur imperio. Exhibuit

inter arbitros marcellini venerabilis collegam  
 maximus hominum, humilitate sublimior:  
 & ne potestati fauor per obliquos adscribere-  
 tur interpretes, quod de proprio decerpfit ge-  
 nio, laudati iunxit ad pretium. Egistis medio-  
 crem, ne præcellsi esset suspecta prædicatio.  
 Clarissimorum testimonia vt vires accipiant,  
 culmina castigantur. Felix sacerdotium, cui  
 faciem prætulit plena mens luminis. Beata  
 conuersatio, quæ idcirco in discussionem de-  
 ducta est, vt tanto viro adstipulante supera-  
 ret: quæ non didicisset saporem victoriæ, nisi  
 subiacuisset incertis. Semper innocentibus  
 gloriam aduersa pepererunt. prouidet defen-  
 sores fortissimos mediocris impugnatio. Sed  
 quid epistola terminos loquacitate produxi,  
 coactas lege paginas in humana concinnatio-  
 ne transgressus? Iungo & ego, amplissimi,  
 partibus vestris pro modulo exiguitatis pro-  
 priæ, cælo vobis obsequente, consensum: &  
 quod mirabile inter homines habetur, consi-  
 deratione vestri attrahor ad amorem. Inspi-  
 rata mihi per alterum placet affectio; dum  
 manet caritas imis inserta visceribus peregri-  
 nante persona. Comitem se tamen caelestis  
 gratia desiderius iungat: & dum cupitis da-  
 tur effectus, aut inueniat bonum pontifica-  
 tus, aut faciat [Valete, mi domine, & aman-  
 tem vestri crebris releuate colloquiis: vt si non  
 exigat negotiosas frequentia paginas, præ-  
 stentur affectui.]

## ENNODIVS MARCIANO. II.

**D**Vm inter spem & metum animus meus  
 dete anxio iactaretur incerto, solida  
 profectus tui indicia colloquij melle resera-  
 sti: quia domesticam origini tuæ facundiam  
 fidelis doctrinæ hæres insequeris. Non dege-  
 nerat, vt video, vena linguarum; & peritiæ  
 successio illo, quo patrimonium, iure discurrit.  
 Putabam scientiæ dotes rem tantum inge-  
 niorum esse, non familiæ: nec duci per stem-  
 mata, quod labor continuus, & indefessus  
 sudor adipiscitur. Sed quantum apparer, or-  
 dines suos seruat eloquentia, & oris pompa,  
 quæ exundauit in veteribus, migrat ad poste-  
 ros. concordat scientiæ cursus & fluminum:  
 per consuetos alueos & dicendi vnda præ-  
 labitur. Venit ad te cum censu patris erudi-  
 ditio; & bono sobolis Asterium sepulcra re-  
 stituunt. Inuidi, fateor, hætenus annis seniori-  
 ribus, & ætatem, cui ille concessus fuerat,  
 suspiravi. Beneficiorum cælestium negligens  
 æstimator, quando potui desperare de togæ  
 fructibus, radicis manente substantia? Sed su-  
 perna dispensatio, vt det genium beneficijs,  
 improuisum facit esse quod tribuit: & dum  
 vota transgreditur, potentiam suam liberali-  
 tate manifestat. Non est bonis partibus in-  
 fœcunda Liguria. nutrit foro germina, quæ  
 libenter amplectatur & curia. Nota proxi-  
 mitate sociantur causidicus & senator. his  
 qui benè toga vñ fuerint, referatis susceptu-  
 ra sinibus palmata blanditur. Vale, dulcissi-



me, & ad hæc decora multus incumbere. totum te studia honesta suscipiant. festina, ut ad messem patriam venias, linguam lectionis sarculo, mores bonorum imitatione purgando.

*ENNODII OPILIONI. V.I. III.*

**D**Ebeo equidem prioribus responsa colloquiis, & in obsequio propositi vel pudoris, nisi pagina rusticante displiceam, accepta geminare; ne potioris dignatio ad penitentiam redeat de abiuratione fastidij. Nostro enim vitio in culmine constituti supercilij memoriam non amittunt, si illud mali genus sectari & humiles suspicentur. Cum enim eminentissimos attollat castigatio sua, & honorum plenitudo sæcularium hoc solo artificio patiatur augmenta; considerandum est quid abiectis detrimenti pariat status angustia non metiti. Ergo sufficiat magnitudini vestræ, quod post duplicem scriptionem sentio, quid per silentium erroris incurrerim. Sed timui, confiteor, ne ad vitium me duceret fuga culparum; & sermo deputatus ad gratiam, dum nulla peritiæ lima comeretur, inueniret offensam. Refugi horrorem, qui ignaris de parendi occasione generatur. Ecce asserui habuisse me & animam depositum continentis, & bene de viribus conscij in restitutione verecundiam. Restat autem, emendatissimi hominum, & illud placere vobis allegationis meæ inspectione cognoscam, quod

hactenus accepta non reddidi. Fida enim index est possibilitatis nostræ consideratio; & sicut in omnibus præcipua; ita fama muniens circa linguæ maciem custodita, quasi crescit eloquentium dos pudore. facile prudentiæ nomen adipiscitur, cum per ipsum conticescat infantia. Causæ tamen, quam iniunxistis, iacturam frontis exhibeo; & dum imperata exequor, opinionem ad incerta transmittito. Agnellus de casis per varias promissionum mihi illudit effigies, volens à nobis summam pretij designari. Sed mali hominis ardorem insatiabilem esse didicistis, qui nisi contemptu pecuniæ non sanetur. Domine mi, saluto & rogo, vt religio circa me pij amoris seruetur & fœderis,

## ENNODIVS HELISEÆ. IV.

**D**Iu' quæsitus desideriiis meis euenit effectus. vt detur genius beneficiis, transmissa in longum expectatione tribuuntur. Viuit in quacumque terrarum parte proximitas: sequestratione corporum sanguinis catena non rumpitur. per discreta regionum caritas damna non sentit; quando inter eos, qui habitatione separantur, præsentia vice tenetur affectio. Deo omnipotenti gratias refero, quia vos memores fecit esse pietatis, & profapie sub religiosa occasione reminisci. Teste Deo, postquam mihi domna Cynegia meritum vestræ conuersationis exposuit, visionem vestram speciali ardore requisui, si

votis copiam dedisset optata occasio. Domina, salutationis reuerentiam dicens, in designato literis vestris negotio ministerium deuotionis spondeo: quia tantum præstatur animæ, quantum sanctis exhibetur studiis. Verè dico, me nunquam dilexisse quem detestamini; & veritum ne ad diri hominis profectum vester quoque inclinaretur assensus. Adsit Deus, ne ad Ecclesiasticam dignitatem veniat nulla bonæ institutionis incude formatus.

## ENNODIUS AVITO. V.

**V**ellem produci causam, si propositum non grauarem, per quam frequentia amantis scripta promerui. Dum enim negotiosas paginas destinatis, ministerium præbetis affectui. Sed apud prudentes & animorum conscios sufficiunt parca colloquia. Urbanus in promissionibus esse non sapiò: nec eis, quibus animam debeo, fucata fronte blandiri. Vos tantum cæptis insistite, & mandatis cælestibus obsequentes, malum hominem quem dicitis, à desideriis deducatis. Me conuenit plus rebus ostendere, quàm sermone polliceri: quia quod tribuo, hoc mihi restitui incunctanter expecto. Domine mi, salutationem plenissimam dicens rogo, vt domnæ Helisæ communi matri pro me gratias agas; quæ dignata est literis suis vincula proximitatis ostendere.



LEONTO ABBATI

Ennodius.

VI.

SUp̄ra meritum meum summa circa me  
 beneficii cælestis adoleuit, dum qui po-  
 na dignus sum, iustorum præmia consecutus  
 exulto. Frustra delinquentes periculi mater  
 desperatio ad extrema præcipitat. In errore  
 maximo constituti, meo ad solidam spem re-  
 parentur exemplo. Nescio de quo opere mi-  
 hi, de qua innocentia epistolarum vestrarum  
 fructus accesserit: & animam peccati vbertate  
 locupletem cælestis boni melle satiatit: nisi  
 quia ille, qui vulnera nostra suscepit, & pro  
 nobis doluit, mutata meritorum conditione  
 quos flagellis dignos viderit, castigat mune-  
 ribus: & versa vice noxiorum animas, dum  
 secundis replet, pudore meliorat. Superni er-  
 go secretæ dignatione confabulationis vestræ  
 fruges elicui. Vos de corporis mei sanitate  
 sollicitos ille reddidit, qui animæ meæ cu-  
 ram per spiritales medicos ad statum indulta  
 valetudinis redire compellit. Quæ sit in me  
 substantia membrorum, religiosæ sollicitu-  
 dinis inuestigatione perquiritis: quorum sta-  
 tus animæ partem negligens, toto mundi  
 istius grauatur imperio. Agite me talē oratio-  
 ne fieri, qualem asseritis blandimentis: quia  
 luci nescia propositi vestri claritudo, quent  
 bonum esse prædicat ante tempus innocen-  
 tiæ, adnuntiat mox futurum. Fratribus meis  
 & conseruis, quos direxistis, quantum exhi-

bere solatij potui, voto potius quàm re idoneus, non negavi. Superest vt accipientes obsequia mea cum vniuerso, cui præestis, concilio, per Dei omnipotentis misericordiam coniurati, Deo pro paruitate mea precibus insistatis, vt cui deest per actiones suas fiducia, bonorum per suffragia vestra contingat.

### EVPREPIÆ ENNODIVS. VII.

**Q**uamuis sæpe ingenij mei maciem cognouisses, periclitari tamen ieiunia oris olim probati iussionis celeritate voluisti. Sed ego non abnuo obedire diligenti: vt si facundia deest meritum, gratia veniat obsequendi. Variæ sunt donorum cælestium, licet ab vno auctore progrediantur, species. Alium commendat perfectio, alterum insinuat, quod si ne tarditate aliqua vult parere. Domnæ meæ Cynegiae epitaphium vix vna hora habens tractandi spatium ineliminata velocitate composui. Vide necessitatem; vt illam tantorum meritorum fœminam verborum saltibus explicarem. Parcat sterilitati meæ venerabilis anima, suscipiens pro schemate dictionis studium sine nube dictoris, Tu, Domina, epistolam præsentia meæ vice complectens, ora, vt spiritus illius scabridis nequaquam lædatur officiis.

### EPITAPHIVM CYNEGIÆ.

**N**il sexus, nec busta nocent, nil fila sororum  
Vltima, fallaci pollice quæ tenuant.

*Mixta Deo mulier Viuit post funera factis,  
 Mascula fœmineo tramite gesta ferens.  
 Sanguis, honor, genius, probitas, constantia, Vultus,  
 Vicerunt tantæ exitium pretijs.  
 Moribus asseruit magnorum stemma parentum,  
 Indiciũ generis mens cui clara fuit.  
 Instruit natos Vitam seruare serenam,  
 Dum docet exemplũ semper amare Deum.*

## ENNODIVS PETRO. VIII.

**P**OST quam venerabilis iudiciũ Principis, periclitatis moribus magnitudinis tuæ, donauit te honorum germine pro melle virtutum; per linguæ ferias fouens irreligiosa silentia, & in eloquentia tua, & in meo amore peccasti. Quia naturalibus adolescit elocutio munita superciliis, quotiens prosperorum famulatur indicio: copiosior facundia honorum militat incrementis: profectus suos non imparibus significant peritorum ora successibus. Ecce inamabilis taciturnitas, & vobis dicendi abstulit genium, & mihi lætitiæ inuidit effectum. Referatis forsitan: Posses me, amice, de ignoratione culpare, si quid tibi de apice meo promiscuis dedicata nuntiis fama suppressit. Sed ego agnoscere carorum culmina rumore non patior, & manifesta gaudij colligere de opinionis inconstantia. Noueram quàm mihi deuinctionis spem simplex eruditi dudum fecisset allegatio. credebam frustra me in illa parte serenis animum aurbus committere, vnde tu me hilarem esse non



iubebas. Illam ipsam mille alarum fabricatam  
 remigijs scriptionis tuæ æstimabam pedibus  
 potuisse superari, ne amanti expectata bona  
 tibi fructum præripiens alter ingereret. Ecce  
 mi Domine, honorem salutati accipiens, agni-  
 tis dolorum causis, remedia præparata non  
 deneges. quia quantum præsumo, nec fides  
 in diligentia, nec ad vnguem ductus sermo  
 vos deserit in loquela. Non contentus tamen  
 vno dicendi genere displicere, carmen adieci:  
 vt post epulas Antenorei gurgitis, quas laua-  
 tra Aponi, coacta in artum carnis lege, casti-  
 gant, dum illud, quod aquarum fortibus di-  
 stenditur, aqua delectat, ego quoque, qui He-  
 liconis fluenta non tetigi, poeta nouus admis-  
 ceat. Accipe ergo risum motura poemata; &  
 Glouidenum tuum te solum agnouisse con-  
 tentus, à publico rigore me subtrahe: quia si  
 est quod fortè placeat, sententia mihi vestra  
 sufficit: si quod morsu dignum sit, secretum  
 puto, quod de amici culpis agnoueris. Dabis  
 etiam veniam, quia oculorum pressus angore  
 poemata fortasse clauda composui. Nō enim  
 possunt esse versuum solidata vestigia, luminis  
 officio destituta. Lege ergo aquas calidas, quas  
 inuises.

## V E R S V S.

*Tollitur adclius tellus subnixæ tumore,  
 Leniter elato fulsa supercilio.  
 Verticibus nullis caput admouet illa superbum,  
 Nec similis pressis Vallibus ima petit.*

*Humiger hic patulis Aponus fluit undique Venis,  
 Pacificus mixtis ignis anhelat aquis.  
 Unda focus seruat, non sorbet flamma liquorem:  
 Infuso crepitat fons sacer inde rogo.  
 Ebrius hic cunctis medicinam suggeris ardet,  
 Corpora desiccans rore vaporifero.  
 Hic pyra gurgitibus, scintillis fluctuat humar:  
 Viuntur aeterna mortis amicitia.*

*Ne pereat, Nymphis Vulcanus mergitur illis,  
 Fœdera natura rupit concordia pugnae.*

## ENNODIUS FAVSTO. IX.

SECUNDET desideria honesta diuinitas: felix  
 Auspiciū bonis non negetur studiis: in-  
 genuae intentiones prosperorum fructibus  
 conualescant. Votorum obsidem tradidit  
 honestati, qui ad liberales adspirat, superis fa-  
 uentibus, disciplinās. Bonarum, affectus ar-  
 tium dictum dedignatur ingenium: ad elo-  
 quentiæ ornamenta non tendunt nisi mori-  
 bus instituti. His Parthenius noster, germa-  
 næ filius, incitatus stimulis Romam, in qua  
 est naturalis eruditio, festinat inuillere, cui ma-  
 gnitudinis vestræ suffragia sum, paterna polli-  
 citus. Datur culmini vestro per supplicante[m]  
 genius, dum quod vltus exigit, precibus im-  
 ploramus: censi quis credat se ortum solis,  
 cursum fluminis oratione promereri. Non  
 est beneficium, vbi ordo seruetur: mori ob-  
 sequitur, quod obligat vniuersos. Ego tamen  
 supra cursum, à quo nequaquam disceditis,  
 aliquid accepturus occurro. Direxi personam,

in qua meritorum meorum status æstimetur.  
 Alios forsitan commendatio iuuat indebita:  
 parentibus minus est, quicquid superare non  
 possumus. Domine mi, seruitia salutationis  
 representans, portitorem paucis eiusque ne-  
 gotium elocutus, restat vt agnoscam, quid  
 mereatur persona, causa, proximitas.

S Y M M A C H O P A P A E

Ennodius.

X.

Esa. 37.

**D** Vm sedem Apostolicam coronæ vestræ  
 cura moderatur, & cælestis imperij  
 apicem regitis, blanditur profectibus paren-  
 tum, quod meis promissum tenetur officiis.  
 Spem sine labore obtinet apud constantem  
 virum fideliter obsecutus. Grandis est pom-  
 pa præstantis, quotiens quod vnus meruit  
 pluribus repensatur. Superiorum instituta se-  
 ctantur, per quos generatio recipit, quod  
 persona condiderit. Sic Israelitici delicta po-  
 puli propter David pœna non tetigit, dum  
 genti opitulata est præcessoris integritas, &  
 fides hominis aut eripuit de errore populum,  
 aut iuuat in gratia. Parthenius igitur præsen-  
 tium portior, germanæ filius, hac ad coro-  
 nam vestram fiducia animante directus est;  
 quem sollicitudo liberalis Romam coegit  
 expetere. Sancta sunt studia literarum, in  
 quibus ante incrementa peritiæ vitia dedis-  
 cuntur. Hoc itinere cana ad annos pueriles  
 solent venire consilia: dum quod ætas refu-  
 git, norunt instituta præstare. Fouete ergo,



veniendi causas patefacta consanguinitate didicistis. Habetis obsidem, in quo dilucidè meritòrum apud vos meorù qualitas innotescat. Domine vt supra, salutationis reuerentiam obsequiorum deuotione restituens precor, vt perlator presentium famulus vester felici sorte peregrinū apud vos nomen excipiat: quia quod attributum fuerit precibus meis, vestrū supra dotes suas ornat officium.

## ENNODIUS LVMINOSO. XI.

**V**idero apud quos plurimis asserendus est, quē instituti liberalis cura sollicitat: vos patronos meruit causa communis. Non ignari peregrinos suscipitis, nec erudiendos animatis. Expertis manus necessitati- bus frequenter adhibetur, dum ad eloquentiæ palmam feriato ore eos qui titubant inuitatis. Exemplis hortatur ex peregrino potens, ex incipiente perfectus. Vtraque Parthenio, germanæ meæ filio, pars conuenit: cui ad venerabiles disciplinas Romam potenti, pro ferratis calcaribus sufficit vos videre. Si ab humanitate non discrepat, sublimitatem tuam gerens ante oculos, rebus ad virtutem potius quàm mōitis excitatur. Magistra laboris est laudis ambitio, præcipuè quando in illo exuberat, quem similis retineas fuisse fortunæ. Sed si vobis cordi sumi, circa memoratū patrem reddite, vt amor mutus de vicaria impensione gratuletur. vt quicquid in magnitudine tua dudum laboris exhibui, mi-

hi per alterum reformetur. Domine ut supra, salutationis obsequia dependens, satis esse ad commendationem credidi, si qui esset portitor non lateret. Precum prolixitate virtutis de impetratione diffidens: argumentum est nil merentis, diu rogare. Facessat à moribus tuis, ut perdas beneficiorum genium, dum longa supplicatione producit de effectu celeri subleuandus.

ENNODIUS FAVSTO  
inniori. XII.

**D**Eo gratias prefatus, qui oculorum meorum, quas inexplicabilis dolor pepere-  
rat, nubes absterfit; iure ad ipsum beneficia sua referens, qui lumen dedit & reddidit. Vix enim post innumeros dies sanitatis fiducia animante respiro. Et hoc ad absentiam culminis vestri prolixior respicit; ut quem genius suus de vicinitate deseruit, nil videret. sed potens est ille, qui corporis tulit nebulas, rerum serenitate mutare tristitiam. Post elocutionem necessitatis, ad negotium redeo, quod coactum impetrauit alloquium. Amabitur, ut spero, baiulum, quem asserit causa veniendi. Parthenius sororis meae filius, per liberalis studij disciplinas ingenuus vult videri. optat, ni fallor, peculij vestri habere testimonium. Magnitudo igitur vestra praeteritorum tenax, memor praesentium, prudens futuri, per latorem pro mea commendatione suscipiat: & qui erit per visionem vestram scri-

bente felicior, peregrinationis non patiatur  
aduersa sentire. Domine mi, debitum serui-  
tium reddens precor, vt vel per hanc occasio-  
nem qua illinc Parthenius susceptas poterit  
paginas destinare, desiderati multiplicetur  
forma colloquij.

## ENNODIVS HORMISDAE. XIII.

**S**Cimus religiosi sacramenta propositi, ab  
obnoxia peccatis multitudine, innocentia  
& fide separari; & titulos venerabilis officij  
mores potius insignire, quàm corpora. Quis  
bonum conscientia inter homines quærat, si  
mundi adhibenda est circa Pontificum statu-  
ta necessitas? si sacerdotum promissio circums-  
pecta cautione seruabitur? Nunquam habuit  
in affectu constantiam, cui facere aliud de pol-  
licitatione non licuit. Sæculi conuersatio le-  
gum metu retinetur: Dei famulos quod bo-  
num est exhibere conuenit non formidini, sed  
amori. Dudum dum nobis metus instaret,  
& de clementia pij Regis dubio meritorum  
æstimatione penderemus incerto, camelos  
tot dando Domno Papæ tali reuerentiæ ve-  
stræ conditione tradidimus, vt si nobis ani-  
malia ipsa non essent necessaria, iustum pro  
ipsis pretium mitteretur. Et quia nouit opti-  
me sanctitas vestra, nos, dum potuimus, per  
allegationem tuam utilitates sanctæ Romanæ  
ecclesiæ subleuasse; nunc pro vicissitudine  
facite de veritate beneficium. Quæsumus  
etiam, salutatione præfata, vt quid super hac



parte deliberatio vestra habeat, indicetis: quia credimus nec præfatum sedis Apostolicæ Præsulem, nec vos, qui mediatores existitis, aliud cogitare, nisi quod & proposito & iustitiæ sine dubitatione conveniat.

## ENNODIUS SERVILIONI. XIV.

**D**E perfectione confidunt discipuli, quotiens magistrorum præsentiam præstolantur. Spes eruditionis manifesta est, ut fruatur genio suo, invitare doctorem. clara sunt ingenia, quæ instrumentum agitantur desideriis: monitorem requirunt, qui felici sorte didicerunt. Sic ego sanctitatis tuæ affectione possessus, quanquam me de peritiis iactare non audeam, vultum tamen præceptoris expecto; ne degeneri te credas. Ecclesiasticum germen filio commisisse. quia quamvis memoria mea ad centenos se non valeat fructus extollere; scit tamen semina multiplicata redhibere cultori. Veni ergo, ut coram positus segetem tuam boni agricolæ vice respicias. Deus procul auertat invidiam. Ita vomeribus tuis Ecclesiasticæ fecunditatis planta convaluit, ut nulla saevientis procellæ possit impulsione subverti. Nolo præiudicio laudis sanctitatis tuæ gravare consciëntiam: inspicias quæ literarum testimonio declarantur. Superest, salutatione prælata, ut ad gaudia tua iam properes: quia divina beneficia gradibus semper accedunt, & quibus bona conferunt, meliora pollicentur.

## ENNODIVS SENARIO. XV.

**N**Vnquam apud Deum fusa, deprecatio  
votino nudatur effectu, apud quem hi-  
laritas lacrymis obtinetur, & moeror transit  
in lætitiā. Affuit diuinitatis auxilium desi-  
derijs meis, & te, animæ meæ maior portio,  
de prolixis gentium finibus gratia dūce re-  
uocauit. Verè non possum epistolam in mul-  
ta verba diffundere, impeditus fletibus, quos  
gaudia in cumulum adducta pepererunt. Fac  
mi Domine, paruitati meæ cælestis doni ple-  
nitudinem non perire. Vnum vterque ha-  
beamus hospitium: nec de parietum angustia  
solicitude generetur; quando vnum pectus  
sufficiens animabus nostris præstat habi-  
taculum.

## ENNODIVS PANFRONIO. XVI.

**M**agna sunt gaudiorum imperia: expers  
est cōtinentiæ hilaritas, & in vocem ge-  
stit erumpere. Venit optatus desiderijs dies,  
& ille, quem nunquam de meritis meis, sed  
semper de superna pietate postulauī, magni-  
tudini tuæ splendor accessit, redditus est ge-  
neri & moribus tuis apex, per quem con-  
scientiæ fidelis in lucem prodire non formi-  
det integritas. Deus bone, indulta custodi:  
auge successibus quod dedisti: fac circa ser-  
uum tuum primum esse gradum, qui summus  
est. Præcipio spe futura, quæ deprecor: ne-

sciunt in foribus hærere, quæ cælo auctore  
tribuantur. Semper incrementis ad culmen  
ascenditur, vbi supernus fauor præstat exor-  
gium. Quis hoc in vita hominum, vel eorum  
qui conuersationem suam nulla custodiunt  
nube sordentem, accessisse sibi die vna gratu-  
letur; te honorum auspicia ingressum, &  
dulce meum Senarium ab vltimis terrarum  
partibus restitutum? Breuis horarum cursus  
interfuit, vt & tu palatio natus, & ille sit  
redditus. In veritate dico, & de Dei miseri-  
cordia mihi securus spondeo, fragilitati meæ  
præsidia cælo obsequente concedi. Sponde-  
tur mihi, quod vobis est prælitum. Domine  
mi, salutationis obsequia suscipiens, rogo vt  
si quid amoris meo tribuis, dominum animæ  
meæ Senarium, vt apud me maneat, exorare  
pleniter non omittas. Quod nisi obtinueris,  
multū mihi de hilaritatis cumulo decerpisti.

## ENNODIVS AVIENO. XVII.

**B**Enè magnitudo vestra, dūm origini &  
moribus præstat obsequium, emendatio-  
nem sine interuallo coniungit errori: & quod  
peccatum sapienter intelligit, priusquam al-  
tero denuntietur, auertit. Quis credat deli-  
quisse in correctione velocissimum? penè  
non vocandus est sectator excessuum, qui  
obuiam manum ponit in surreptione cul-  
parum. Hæc, mi Domine, ad ea quæ dignatus  
es scribere, gratia vestra duce respondeo.  
Cæterum humiliorem me proposito actum



meorum pondera reddiderunt: vix miseria remansi idoneus reformare colloquia. Domine mi, salutationis obsequia presentans, Deum rogo, qui culminibus vestris fructum pro hac, qua humilem non spernitis, consideratione restituat.

*ENODIVS FAVSTO. XVIII.*

**V**ix est, ut intentus rebus felicibus adversa prænoscatur. velut sinistrum enim animi omen repudiat, si quid de austeritate futurorum intellectu præcedente respexerit. certe ne & alieno tempore amaræ se misceant, ipsa molestiarum horret agnitio. Nullo credebam interuallo nunc inamabilem Ravennam, dum erat thesauris meis plena, distare. non me sic sitientem fons, æstuantem aura, ut illa ad se non lassum requies inuitabat. At nunc ipsa Roma puto ad longiora, pro peccatorum meorum fasce, translata est. Vbi est illa, quæ rara putabatur, frequentia literarum? vbi crebra visio? vbi tot solatia diligentæ? Verè pro meis partibus loquor, detestor vitam, quæ nec in ærumna constitutis est odio. Adlegat forsitan culmen suum, sibi pro superna dispensatione cupita contigisse. Non est plena felicitas, quando nostrorum aliquis miseriis duræ sequestrationis affligitur. Deo credite, non sunt fucata quæ desleo; nec ad explicandam cordis tragœdiam, aut epistolaris concinnatio sufficit, aut sermonis angustia. Chryste rerum arbiter, propriæ succurre

necessitati; ne humana fragilitas, ad immensū  
fascem doloris non sufficiens, pressa succum-  
bat. Domine mi, salutationis seruitia depen-  
dens, rogo ut paginalis circa me cura serue-  
tur: ut vel hoc remedio inter æstus mens  
constituta respiret.

## ENNODIUS PARTHENIO. XIX.

**N**ON in te admiror sermonis abstinē-  
tiam: quia qui exigua condiderit, nil  
producit. Credis sub hac occasione profectus  
tui latere substantiam? & taciturnitas impe-  
ritiam prodit, & infabricata confabulatio ma-  
nifestat infantiam. Interea autē inops gratiæ  
non fuisti, sciens quid diligentia, quid aman-  
tis sollicitudo flagitaret. factus es bonarum re-  
rum nescius, postquam te ad obtinenda, quæ  
putantur maxima, transmisimus. Quod re-  
stat, vale, & accipiens monitoris verba, me-  
lioratum te scriptionis assiduitate divulga.

## ENNODIUS AVITO. XX.

**D**VM remedia sua quærit affectio, &  
æstum sollicitudinis colloquio cupit  
mediante releuari, ardescit animus provisio-  
nis beneficio: unde extingui creditur, gemi-  
natum diligentiae surgit incendium. Sæpe mi-  
hi baiulorum copiam perquirenti inde agref-  
cere contigit, unde opinabar quod prodesset  
accidere. Ecce medetur desideriis meis, qui  
suorum ad vos causa properavit, sit adiumen-

tum necessitatis alienæ, quod propriæ consideratione suscipitur. Videro quid commendatione mea Bonifacius promoueat : interim opitularur studiis meis, quod prolixis à me precibus impetrauit. Hunc bonis ortum natalibus testis sanguinis mens designat Germanum suum præfatus in vicinitate Aquileiensis ciuitatis asserit esse captiuum : qui vt à vobis inuenietur, exposcit. Sanctæ domus vestræ consuetudo vulgata est : talem vitam bonorum actuum obsidem iam dedistis, à qua velut debitum poscat, qui calamitate deprimitur. Domine mi, accipientes plenæ salutationis obsequium, facite exorati, quod sponte consueuistis, vt qui vestris supplex est, alteri eum esse non liceat.

## ENNODIVS AVITO. XXVI.

**A**dstipulatorem me opinionis suæ magnitudo vestra ita supplicatione postulat, quasi ad amicitias recenti adhuc sim incude formatus : aut non genio suo defraudet, qui propositum diligentæ sub quacûque occasione committat. Facessat à Christianis moribus varia de amante sententia. qui officiû oris sui dedicauerit laudibus, liberum non habet inchoata deferere, ne deuenustet præfati mellæ præconiij vilitate sequentium. Videro, qui ingenium credat esse sectari nouitatem : ego vt tardè amicos eligo, ita in his indemutabiliter perseuero. Mihi adsum, quotiens opinionem vestrâ altris æquauero : quia apud quos igno-



ti sumus moribus nostris, de sodalibus estimamur. Verè fateor, splendorem conscientiar vestrar, famæ vice, copiosius effudi. Ante adventum culminis tui, obsequio sermonis mei in Liguria, quanti essetis, innotuit. Deo gratias, qui cum sententia mea generalitatem fecit habere concordiam. Utinam me non humiliaret paupertas eloquij! plus habent vota de meritis tuis, quàm proferat lingua de laudibus. inops facundiæ per quoscumque strepitus, quæ gloriæ tuæ potuerunt convenire, non tacui. Facta est lux genij vestri conscientiar meæ demonstratio. Procul auertat diuinitas, ne vnquā testimonio meo fragilitas claris moribus inimica subripiat. Nulla est, quam opimè texuistis, in vobis erroris causâ, quam recolam: & si pro meritis meis extitisset, bonorum veterū recordatione sopiretur. Quod restat, valete mi domine, & iter meum votorum benignitate prosecuti, caritatis recordatione absentiar meæ damna pensate.

### ENNODIUS PENANTIO. XXII.

**S**I proximitas sanguinis ad diligentiam mentes inuitat, pij amoris obsecutus imperis, gestio me præuium præstitisse sermonem, & orditum paginas amplectendis viam referasse colloquij. Diu quidem cassa expectatione maceratus, dum operior paginas, non emisi. Sed calcaribus suis animum meum fudit affectio, & ad tabellarum munia priorem facit accedere. Habes prærogatiuam, si bene

conicio, plus amantis: qui & post productum  
 silentij vestri studium loquor, & debeo vere-  
 cundia commendare quod tacui. Nunc ta-  
 men, ne epistolaris concinnatio transgressa  
 terminum deuenisset auctorem, salutationis  
 seruitia dependo, & si mereor, dignationi ve-  
 stræ conciliandus occurro: quia potiorum su-  
 blimitas communione geminatur, & facem  
 præfert eminentissimo gratia concessa subie-  
 ctis.

### EN NODIVS CONSTANTIO. XXII.

**S**I liceret cum magnitudine vestra æqua-  
 sorte contendere: si honores, ætas, meritum,  
 quod vobis facem prætulit, nos non in ym-  
 bram cogeret; ego potius culmen vestrum de  
 tabellarum abstinentia iure culparem; qui  
 postquam ad urbem Romam profecti estis,  
 nulla me recordationis fruge subleuastis. Sed  
 vide per rerum prouidentiam quam cauta est  
 seniorum dispensatio, & fabricatis plena ser-  
 monibus, præuenitur querelis innocentia: &  
 ne dolorem suum in lucem producat, argui-  
 tur. sit rea, ne faciat. Ergo hæc mihi digre-  
 diens promissa contuleras? hac deosculatum  
 fiducia subleuasti, vt credere mei immemores  
 vos futuros? an ad aliud attributa sunt paginae,  
 nisi vt secreta pectorum oris clauis manife-  
 stent? Sed abstineo prolixitate paginali, ne  
 grandiore generet confabulatio producta  
 rancorem. Ad salutationis obsequia me redu-  
 co, rogans vt pro me apud Apostolos Dei pre-

ces effundas, vt eorum beneficiis mortalis angustia superetur obscenitas, & de puro mandatorum caelestium tramite mens serena gratuletur.

## ENNODIUS LACONIO. XXIV.

**B**ene cupitis superna dispensatio dedit effectum, & de negotiosi occasione colloqui fraternam refouens diligentiam, quod putabatur necessarium, fecit optabile. Hinc caelestis cura nepti meæ procum non omnino à sanguine nostro peregrinantem iussit accedere: vt dum consulendi instat opportunitas sancto amoris pabula præstaretur. Vix sustinebam, fateor, procurati studia longa silentij: sed interpres mitior putabam applicandum timori, quod subducebatur affectui. Deo gratias qui ad vsum styii fraternitatem vestram reduxit, & gratia. Diuinis tamen legibus cognitionem indiculo comprehensam in matrimonio licere sociari, sine dubitatione noueritis. Sed continuò ad vrbein Romam homines meos dirigo, exacturus à venerabili Papa super hac parte responsum, vt animum vestrum potioris præcepti firmet auctoritas. Domine vt supra, salutationem plenissimam accipientes, sanctum quoque & communem patrem patris noueritis esse sententia: cuius ad vos per hominem meum, si diuinus fauor annuerit, cum sedis Apostolicæ apicibus literas destinabo.



## ENNODIVS AGAPITO. XXV.

**Q**uam sæpe aliena peccata nos ingrauant,  
 & quod à nobis non oritur iure nostro  
 imputatur excessui! Ex me didici fidē veterum  
 non perire, dum per nēgotia nouella cana poe-  
 rarum reparatur annuntiatio. De me dictum  
 æstimo, *Decidit infelix alieno vulnere.* Super ex-  
 pectandæ memoriæ viri Sabini filio exhibetur  
 præfata concinnatio: qui hætenus ægritudinis  
 tentus obstaculis, sine vitio suo constituta  
 violauit. Fateor, penè animum meum reum  
 fecerat magnitudinis vestræ diues assertio, &  
 credebam culpam esse propriam, quam cons-  
 cientia non habebat. Ecce, vt primùm in bo-  
 nam valetudinem reductus est, Mediolanum  
 cum summa properatione comueuit. Cæte-  
 ra apud vos alleganda esse non credidi: quia  
 qui commendat magnis viris iustitiam, obli-  
 uionem videtur æquitatis opponere. Domine  
 mi, salutationis plenissimæ munus exhibeo: &  
 quod superest quæso, vt status circa me gratiæ  
 vestræ, quamuis sit plenissimus, adhuc tamen  
 recipere cogatur augmenta.

*Æncid. x.*

## ENNODIVS AGAPITO. XXVI.

**R**esistunt peccata desiderii, & vt merito-  
 rum status delinquentibus innotescat, à  
 labiorum proximitate cupita subtrahuntur.  
 Acrius affligunt oblata, cum pereunt: potior  
 sitis est, quam vndarum gustus exaggerat.

non vrunt memoriam prima fronte negata beneficia. quis ferat ingestam oculis æquo animo se perdidisse dulcedinem? Sed rectè ista ad supernam remittuntur prouidentiam. quæ cælestis dispensatio mysterij idcirco humanis dispositionibus manus opponit, vt votorum præstet effectum. Sanctus pater vester libenter se pariturum iussioni magnitudinis vestræ fuerat de mea occursione pollicitus: sed animum eius in diuersam partem pro vtilitate, quantum dicit, Ecclesiæ superuenientia rapuere consilia; sicut præfati pagina ad vos directæ declarauit. Præstolatur tamen super negotio designato magnitudinis vestræ secunda colloquia: quo manifestius in fratris vestri Fauſti Patricij vtilitate me esse necessariū reſeretur: cuius gratiæ nihil sibi æstimat liberum derogare. Quod restat, obsequij mei humilitate suscepta precor, vt opifex, qui culmini vestræ paruitatis meæ curam est dignatus infundere; ipse per vos sequenda disponat.


## ENNODIVS EVGENETI. XXVII.

**S**Vpra modum me sollicitant procurati studia indefessa silentij: & licet animus in statione sit positus, contristat sermonis abſtinentia, quæ viuus imaginibus secretum pectoris oris clauē manifestat. Patior quidem interdum caritatem sub paginarum promulgatione simulari: nunquam tamen credo his munis abſtinere, qui diligunt; Referat fortè magnitudo

magnitudo vestra, publicæ occupationis curam locum scriptis familiaribus non dedisse. Sed idem status erat cū præcedente tempore colloquia culmen vestrum crebra præstabat: nec aulicis deputatus ita premebatur excubiis, vt promissi amoris memoriam non haberet. Quis fauis toxica, quis cœnū fontibus clandestinus susurrator admiscuit? aut fortè quod fuerat de affectione subreptum, ad iudicium retulistis? Sed ego occupare vos paginarum promulgatione non distero: vt ad vsum veterem, cessantibus promissæ dignationis stimulis, vel garrulitatis meæ prouocati fruge redeatis. Domine mi, salutationis obsequium plena humilitate persoluens, indico me vestris cupidum esse aspectibus præsentari; si tamen faciundum, perpensis quæ vobis cordi esse non dubito, rescribatis.







MAGNI FELICIS  
ENNODII  
EPISCOPI  
TICINENSIS  
Epistolarum

LIBER SEXTVS.

ENNODIVS PARTHENIO. I.



ISI te efflictim diligereim,  
& pij cordis soliditas inde-  
mutabili radice constaret,  
possem iniuriarum dolore  
prouocatus, vel cū puerili-  
ter irasceris, vel cū arro-  
ganter supplicas, commoueri. Nihil enim in-  
uenio, quod sit fabricata humilitate super-  
bius. Præfero contumelias fucatae frontis ob-  
sequiis: transit amaritudinem dulcedo simula-  
ta. Non opus est deprecationibus, si quæ te ca-  
tena nectat intelligis. Poscant pro excessibus  
veniam, quibus est liberum non parere. Ita  
famulos nobis cælestis iudicij claritudo depu-  
tauit, vt in quacumque mens parte deflexerit,

illorum necessitas inclinetur. Ille expectat clemens, qui destitutum, si velit, resutare possit imperium. Haud procul te ab hoc ordine euagari potestas mihi à Deo attributa patietur. Optare te conuenit, ne mansuetudinem, quam in me prædicas, meritum totum consideratio iusta deueniustet, & pietatis tramite culparum multitudo depretiet. Licet, ni fallor, misericorditer vindicta comitatur errantem; nec vlla est potior patientia, nisi quæ vitiis aditum non recludit: à te tamen facessat indignatio nostra: quia quod deliqueris, non inclusus dolor & gratia fallente seruatus, sed verbera castigabunt. Nunc vno modo in cicatricem cogere vulnere intemperatis sermonibus ingesta præualebis, si te per culmina liberalis studij ingenuum doctrina monstrauerit. Veniam, nisi peritiam suffragante, non exiges. mutata, qua notus sum, lege parcendi, circa desidem scuitiam sub perennitate seruabo. Quod restat, Deum precor, vt valeas, & de verbis tuis, cælesti fauore comitatus, spem augeas quam dedisti.

## EN NODIVS FAVTO. II.

**S**Vmma gaudiorum est opportunitas perlatoris, qui minister diligentiae per necessitates suas desideriis obsequium præstat alienis. Hunc quidem honestas commendat, & peregrinus ab officio mercatoris pudor insinuat. iungitur, quod ei notitia culminis veteri ad fidem probitatis accessit. Nam scri-

ptionis venerandæ frugibus ipso commeante  
satiatus sum. Refundo ergo depositum, offi-  
cij lege constrictus; & quem in Liguria posi-  
tum pro virium mediocritate sulcepi, ad po-  
tissima patrocinia tabella prosequente trans-  
mitto. Quod superest, reuerentiæ vestræ quic-  
quid habet humilitas deuotionis offerimus,  
supplicans, vt literas vestras vel pro mearum  
assiduitate iam merear.

## ENNODIVS EUPREPIÆ.

## III.

*Salust. in  
Casil.*

**R**erum omnium cursus obsequiis corpo-  
ris, animarum constat imperio. aliud  
nobilitat cælestis adfinitas, aliud abiectio ter-  
rena summittit. Nec liberum est, vt quò mens  
Deo parente conlata deflexerit, quod de vl-  
timis adsumptum est, non sequatur: nec licet  
militem obuiam manū decretis Imperatoris  
adferre. Hinc Crispus adseruit, aliud nobis  
cum Dīs, aliud cum beluis esse commune.  
Huius secreti ratione cum absentibus pere-  
grinamur, & salua membrorum valetudine,  
amantum febribus æstuamus. per hæc vincu-  
la nulla itinerum interiectione diuidimur, &  
segregati habitaculis, in vnum studiis conue-  
nimus. Nosti, soror venerabilis, & omnem  
apud me transgressa dulcedinem, quæ præ-  
fationem exegisset occasio. Nunc aperta  
tecum & prodiga pudoris fronte congre-  
diar. Vix quæ antè direxeras blandimenta  
sustinui. post admonitionem meam dupli-  
cia in literis mella fudisti; quæ tota pe-



toris secreta cōcuterent, & ad desiderium tui captiuam animam relictā corporis sede transferrent. Quā timeo, ne rursus ad incertum remittatur affectio; & cū tota mens diligentiae vela laxauerit, subducta periculum statione patiatur! Animus meus, quia fuci sit nescius, cognouisti; nec detestabilem inter amantes urbanitatem possit adsumere. Tua rursus diuersum sexus & natura pollicetur, vt dicit sapientissimus Salomon: *Anima quæ in saturitate est fauis inludit*. Scit verborum meorum testis & iudex, disposuisse me (nisi forte subdolo gratiæ sapore decipiar, & degustatæ caritatis sitienti pocula oblata submoueris) spiritalis coniugij non simulacrum, sed ipsam implere veritatem. Vt dum inter nos vnum velle, & vnum nolle constiterit, vel quod bonos ad imitationem stimulet, vel quod malos adficiat, omnium oculis & mentibus exhibere. Tutantum, Deo medio, aduersus omnem, quæ ex inuidia nascitur, impugnationem firmam promitte & indemutabilem seruandam esse constantiam. Quocirca, vale mi domina, & breui pro maximis admonitione contenta, quia nec epistolaris concinnatio plura patitur, nec ratio penetrantium paginis debere committi, si ad hæc quæ indicata sunt, voto & fide respondes, propriæ scriptiōis testimonio pollicere.

Proi.

## EN NODI VS FAVSTO. IV.

**N**on scripsi, vt amaro incommoditatis meæ indicio vos grauarem; sed vt solli-

citudinem vestram, quatenus insistat orationibus conuenirem. Male oculos meos, ante receptam valetudinis substantiam impositus labor accepit. omne à me vobiscum lumen abscessit. Satis sit significasse, quod patior. Vestrum est prosperitatem meam à Deo, quem precibus placatis, exigere, & referanti literarum fores crebris opem ferre colloquijs. Domine mi, Deum quaeso, vt illud à vobis indicari faciat, quod me delectet agnoscere.

### ENNODIUS AVRELIANO. V.

**N**on est fiducia mea præcognitis nudata successibus. Validus in affectione est, quem animo meo diligentem memorem iusta sum æstimatione pollicitus. Gratias tibi, superna dispensatio, quæ humanis rebus prosperorum fructum de aduersitatis occasione largiris; nec pateris in ordine suo tristia permanere. Nescio quid magnitudini vestræ hostilis malicia de patrimonij vbertate decerpserit: tamen sub hoc titulo inuictissimi Domini multum locupletem gratiam comparauit. bona est iactura substantiæ, si inclyti notitia Principis dispendiis inuenitur. Non est facultatum formidanda decessio, si per eam qui omnes vincat diuitias, summi Domini amor adquiritur. Huc accedit, quod nec illa imminutio, dum facta est lucri mater & honorum via, impactæ humilitatis potuit tenere substantiam. Sic reparata sunt quæ inimicus eripuit, vt adhuc gaudiorum cumulum præ-

toleris. Supersunt quæ in spe habeantur, cum  
culmini tuo contigerit maxima iam tenere.  
His beneficiis, cælo auctore collatis, notitiæ  
& communionis nostræ bona iungamus.  
Quando mihi tantum virum, nisi per illa quæ  
præfatus sum, contigisset agnoscere? Sed au-  
geant superna, quæ tribunt; & ad quæ de-  
sideria porriguntur, diuina nos cura perducant.  
Quod restat, vale mi Domine, & amantem  
tui crebris fove colloquiis. quia nisi episto-  
laris concinnatio teneret terminum lege præ-  
scriptum, gaudia me in multa verba dif-  
funderent.

## E N N O D I V S B O E T I O. VI.

**P**Ar quidem fuerat vnis literis magnitudi-  
nis tuæ respondisse simpliciter, nec gemi-  
nare debere colloquia semel obnoxium. sed  
cautione ad hoc, non inscitia deuolutus sum.  
De vtrisque enim epistolis, vna obsequitur  
debito, altera præstatur affectui. Credite, ne-  
fas putavi, non cum fanore suo restituere,  
quod mens venerabilis prima contulerat.  
Dulciora sunt ante exemplum bona diligen-  
tiæ: nec tantum habet virium aut genii, qui  
amicitiarum callem secundus ingreditur.  
Summatim sibi gratiam non potest vindi-  
care, cui in amore forma præstatur. impu-  
dentiæ est non respondere caritati, cum  
manifestet res bene orta virtutem. Hæc in  
festinatione perlatoris celer scripsi. Latius  
post hac verba diffundam: nec maciem in-  
genij mei, dum merita vestra respiciuntur,



adspiciam: si tamen desideriis meis tabellarum frequentiam commodetis. Domine mi, salutationis vberissima seruitia dependens, quaeso, vt memoriã proximitatis vos habere signent promulgata sine intermissione colloquia.

## ENNODIVS AVIENO. VII.

**D**Iu est, quod desideriis veracibus suspensus solo literarum pascor officio. dum enim magnitudinem vestram alloquor, votiuo me æstimo non deesse conspectui. Sed remediis suis animus ægrescit afflicti; & quod diligentia pabulum inuenitur, hoc magis macerat de amoris fruge ieiunium. Verè, Domine, sic vos lumina mea Deus seruet incolumes; quia si aut vires corporis mei fuissent, aut festinatio domni, Rauennam totis intentionis meæ viribus expetissem. Sed si Deus voluerit, salua vita domni mei patris vestri, & domine matris, post Pascha cum adiutorio superno veniam, vt vobis visis ad opem vitæ reualescam. Domine mi, salutationem vberissimam dicens, precor, vt omnes sanctos orare pro me instantissimè procuretis.

## ENNODIVS SENARIO. VIII.

**Q**uamuis pro peccatis meis etiam literarum vestrarum solatia subducantur, ego tamen memor debiti, quo me per gratiam vestram, vt Dei memores, obligastis, scribere non omitto sperans, domne Senari, vt

Deum, quem in me cogitasti, semper attendas, & frequenter mihi literarum vestrarum munus impertias. Domine mi, saluto plurimum reuerentia consueta, & imploro, vt per omnes sanctorum Basilicas pro afflictione mea Deum rogare non desinas.

## ENNODIVS FAVSTO. IX.

**Q**Vamuis ad tutelam Pontificis innocentia officii eius comes assistat; nec opus sit humanis solatijs ei, qui humanitatem professione superauit: scit tamen omnipotens Deus, me sancti Episcopi portitoris præsentium iussioni exactum impendisse colloquium. Diu enim renisus sum, ne arrogans videretur, si minister Antistitem, & apud sanctissimam conscientiam potissimum vix mediocris adfereret. Sed perfecta obedientia est, quicquid summus exigit, non negari. Et ideo prælato debitæ salutationis obsequio, precor, vt ad consolationem multis impugnationibus prægrauati subsidium conferatis: quatenus singularis boni rem facientes, non patiamini immeritum Sacerdotem diuturnæ subjacere mœstitiæ.

## ENNODIVS FAVSTO. X.

**D**Eus, qui bonorum operum in me vestro interuit affectum, ipse obsequentem sibi longa felicissimum ætate tueatur: quia quamuis innocentia quam fouetis, indefi-

nentes pro vobis ducat excubias; obligati tamen beneficiis vestris non possunt quæ pro vobis Deo debent vota comprimere: quia pro impensis gratias non referre & Deus in carne constitutus exhorruit. Utinam tantum valerem pro rebus verborum tribuere, quantum sentio me debere! His tamē, quod ad aliā mercedem vestram pertineat, suggerere non omitto, ut chartam, quam in causa Laurenti tabularij Comensis fecistis, impletam mihi transmitti iubeatis; & pro illa cæca muliere, quam Martinus conductor de Moditia opprimat, Comitum patrimonij literas tollatis; quibus iubeatur, quod ei abstulit mancipium, sine dilatione reformare: quia quod in præsentem in mandatis accepit, facere pro rustica temeritate contemnit.

## ENNODIUS AVIENO. XI.

**D**igressio de Mediolanensi urbe communi domino, sola in consolatione remanserunt solatia literarum. quia dum sermo ad vos dirigitur, aliqua præsentis vestræ desiderii meis imago blanditur. Quod & à vobis dominis meis, ut crebrò faciatis, expolco; cogitantes absentiam vestram hac sola posse assiduitate sustineri. Habeant felicissimi votivam præsentiam: mihi delicta mea cogitanti epistolæ cura sufficiet. Domine mi, salutē vberissimam dicens, precor, ut per sanctos Domini pro me preces fundere minimè desistatis. & Dominus gratias referte, cuius circa me beneficia etiam insperata tribuuntur.



ENNODIVS LIBERIO, EVGENETI.

*Agapito, Senario, Albino.* XII.

**V**erioribus opus est paginis, vbi fides claudicat perlatoris. per amantem mei cultorem vestrum Stephanum diaconum, sufficit parca collocutio: qui transgrediens epistolas in multa verba diffusas, præfert affluentibus necessaria, dum compendio fidelis arcani alleganda non suppressit. Quod restat, valere me, deo auspice, nuntians, prosperitatis vestræ bona disquiro, & plenum reddo salutationis obsequium, deprecatus, vt fiduciam meam incorrupta dignationis vestræ non denudet integritas.

ENNODIVS AVITO. XIII.

**I**mportunum me facit aliena necessitas, quia debeo pro deprecante sermonem. Lex propositi intercessionis refutat auaritiam. Nam ad conscientia meæ sarcinam iungitur, si respuam supplicantem. Expectandę memoriæ Sabini filius ad diem constitutum sententiam præstolaturus occurrit: sed agellum suū utilitatis ratione est coactus expetere; quia & fideiussor & executor defuncta die defuerunt. Abiurantem me de præfati negotio ultra vilescere baiulus impulit, vt ad eum nuntios, quatenus rursus occurreret, destinarem. quod me fecisse significo. Nunc salutationis meæ dicens obsequia, in potestate est enlmi-

nis vestri, in prædicti causa, quid iustitia quam fouetis, quid fiducia quam dedistis, mereatur, ostendere.

## ENNODIUS AVITO. XIV.

**S**Cio mea apud vos clamare silentia; nec quicquam fieri, quod non secreta interpretatione teneatur. Ego tamen à scriptione non destiti; nec sublimis memoriæ viri Sabini filium fabricato ingenio à iudicatione subtraxi, qui violentias in agello suo perpessus, hactenus operam dicitur nauasse cum barbaris. Credite mihi, aderit securus examini, & disceptationem vestram sine aliqua formidine veniet ingressurus. Domine mi, salutati reuerentiam dicens, precor, vt personam meam tanti habeatis insitæ dudum affectionis recodatione fulcire.

## ENNODIUS FAUSTO. XV.

**B**ene providentia superna disponit, vt dum à me beneficia postulantur, sic sollicitudo mea votiuios inueniat perlatores. Facessat negare aliis, quod mihi tribuo: & illud auaritia fordente continere, quod subleuat largientem. Simplicianus præsentium baiulus, adolescens nobilissimus, natalem scientiæ sedem Romam conatus expetere, hoc sibi credidit pro singulari euenire compendio, si ad notitiam culminis vestri duce pagina perueniret. Cui ego nequaquam volui capita sub-

trahere, sciens consuetudinis vestrae esse, quod reliqui faciunt exorati. Nunc, mi Domine, seruitia salutationis accipientes, facite, vt praefatum peregrinationis dura non onerent, meque crebra scriptionis vestrae per hanc impetratam frequentiam releuare munia non desistant.

## ENNODIVS LVMINOSO. XVI.

**N**on deberent esse negotiosa colloquia, quae pro remedio sibi amor inuenit, nec religionis stipendium ad necessaria nos oporteret euocare commercia: quia dulce esset epistolarum munia soli militare concordiae, nec rem diligentiae in aucupia transferre compendij. Sed res ad hoc rediit, vt nisi senior caritas, quae inter nos ab ipso vitae lumine sumpsit exordium, & per varias profectuum vires messem gratiae perduxit ad aream, compulsa pro meis partibus stimulo scriptionis adsurgat, grandi ingratitude & detrimento sterilitate percutiar. Meminit amplitudo vestra, quae de expensis, quae apud Raennam Episcopus meus fecerat, me ei redhibitionem promittente, pro sedis Apostolicae vtilitate, vobiscum fuerit collocutus. De qua restituenda celerem promiseratis effectum: sed pro peccatis meis nescio qui casus opposuit manus. De qua ad me praedicti Antistitis se conuertit intentio, vt vix inducias ad sacratissimam urbem tribuerit destinandi. Nunc post Deum in vobis cau-



sa est; qui potestis & personam meam offensione Pontificis mei & detrimentis eripere; ne officium fidei mihi vni peperisse videatur aduersa. Domine mi, salutationis munera persoluens, Dominum precor, vt animum vestrum ad vtilitatis meae considerationem incunctanter inuitet. Ego quid amplius facerem inuenire non potui, nisi vt cum allegatione manifesta fidum mihi dirigerem perlatorem.

## ENNODIVS MARCELLINO

XIX. *Episcopo.* XVII.

**M**agnifici viri domni Stephanioni filij vestri facit dignatio, vt beatitudini vestrae legendus occurram. cuius beneficio itineris caritas detrimenta non patitur, & quod praesentia non valet, sermone compenstat. His ergo seruitia Apostolatui vestro debita representans, quaero vt me orationum suffragio subleuetis: quatenus insertus venerabili conscientiae, de omni merear dignationis vestrae fruge gratulari, quia fiduciae meae coronam vestram non ambigo responsuram.

## ENNODIVS DOMINICAE. XVIII.

**F**ecit magnitudo vestra, quod & sanctis moribus suis debet, & sanguini, vt propinquitatis memoriam silentij non patiatur torpore languescere. In quacumque terrarum parte viuit affinitas: nec separantur regionibus parentelae catena sociati. Credite mihi, di-

lectio sancta non deperit: nec vllum patitur per diuisionis itinera natura dispendium. Nam generum vestrum tantum mihi noueritis caritatis impendere, quantum ad vicissitudinem nulla satisfactio existat idonea. Quod superest, Domina mi, accipientes debita salutationis affectum, Deum precor, vt in bono mutua felicitatis videndi vos occasionem conferre dignetur; quatenus sub confabulatione votiuia pia desideria subleuentur.

ENNODIVS FAUSTO. XIX.

Postquam desideriis meis videndi vos facultas elapsa est, iterum ad literas mens reuertitur. cogitur abiuratum poscere paginale subsidium, & institutam melioribus copiis animam, quasi vilioris cibi alere aut sustentare commercio. O quam graue est, quotiens variis necessitatibus obsequentem fugitiua libertas ad noua instituta transducit! Quae dura sunt, continuatione franguntur: multum de grauitate oneris vsus incidit. flebilis conditio ad optata, quae non sunt mansura, perducit. leuior sors est curis iugibus occupati. Hoc sum infelicioꝝ peccatoꝝum fasce, quod de bonarum rerum sapore gustauī. Sed hinc alijs. Deo relinquenda sunt, quae humano remedium nesciunt habere consilio. Vobis interim reuerentiam salutationis impendens, reditus mei facere iudicia non omisi, cupiens pari scriptionis vestrae hilaritate releuari.

## ENNODIVS FAVSTO. XX.

**I**gnoratur bonorū sapor in prosperis. vix dignoscitur superni qualitas beneficij, dū tēnetur. post migrationē cupita dulcescunt. desiderij pretia in manibus constituta nescimus. Verē fateor, quandiu Rauenna vos habuit, sinistrum omen credidi cogitare quæ patior; nec inter res secundas, quasi malignus propriæ felicitatis interpret, quæ per absentiam vestram euenire poterant, suspirauī. Non debui merita mea, si ab homine non separarer, agnoscere, nec intelligere fugitiuum esse, quod sectanti peccata blanditur. Sed quid epistolaris concinnatio castigatæ terminum dictionis excedit? Ferat his rebus medelā, cuius imperio vniuersa famulantur. Ego tamen propter quod adtributæ sunt paginæ, valeo substantia corporali, & per hæc munia, sub Dei ope, vt prosperitas vestra nuntietur expecto. Accipite ergo obsequia mea, & si quid inter hæc, quæ mecum geri didicistis, euentus dexter adtulerit, sine dissimulationis obstaculo nuntiate.

## ENNODIVS FAVSTO. XXI.

**I**N occasione rapui soluendæ humilitatis personam domestici perlatoris. Desiderijs meis militabit, quod in aliorum negotiorum efficacia prouidistis. Fateor, durum credidi vicinior literas denegare, qui nunquam potui



in longinquo cōstitutus abstinere colloquijs. Visus enim mihi sum, Rauennatibus occupatus excubijs, magnitudinem vestram quādam mentis dextera contigisse. Idcirco ad lenamen desiderij scripta prorogavi, vt quod viuis subtrahebatur affatibus, lectione pensarem. Ergo honorem salutati exhibens, rogo, vt me huiusmodi, quotiens opportunitas ingesta fuerit, remedijs subleuetis, in quibus absentia vnicum habet diuina prouisione subsidium. Agnouistis quæ sit curatio affectione languenti: vestrum est medelam ægris animis non negare.

ENNODIVS EVGENETI.  
XXII.

**D**iligentia est multiplicium causa paginarum. Reuerentiæ vestræ debetur, quod à scriptione non tempero. testis gaudij non patitur vox defectum: quia statum valetudinis vestræ lætus excepi. Valete.

ENNODIVS PARTHENIO.  
XXIII.

**D**Eo auspice dilectionis tuæ primordia conualescant. adsit desiderijs communibus, per quem vires studia sortiuntur. Declarasti te scriptionis luce urbem amicam liberalibus studiis iam tenere. præmisisti in foribus, puod auara parentum vota superaret. Non sum dictionis tuæ rigidus æstimator;

## 178 ENNODII EPISCOPI

nec respuo tenuitatem præsentium, cui secutura blandiuntur. Quotiens vomeribus terram scribimus, animus de spe venturæ frugis eleuatur. semper de herbis aristarum diuitias amicus rationis intelligit. diligens rusticandi adhuc in cano flore pomorum populos iam metitur. Facessat aduersitas, & quicquid pariunt peccata, discedat. Ductus mihi oratiuncula tuæ, & si eloquentiæ nitore non subsistit, Latiaris tamen venæ sapore radiauit. Fluxit sermo non absonus; lectionis tamen opibus ampliandus. Sed quid ego post tantum iudicem, cuius auribus operis tui concinnationem placere signasti, quasi post olores anser, strepui? Illi quicumque placuit, examen securus ingreditur. facundia ab illo prædicata præualet fauorem etiam ab inimicis exigere. Labora ego, vt felix bene cœpta euentus extollat. honestorum te obsequiis indefinenter impende. eos qui consortio se suo pollunt, debens monitis nostris reuerentiam, velut veneni poculum fuge. profectum tuum paginis scire cupido semper adnuncia. Quod superest, vale, & omnibus superni fauoris adiutus auxiliis, familiæ tuæ de peritiæ messe responde.

ENNODIUS ARCHOTAMIAE.  
XXIII.

**Q**uamuis ius affectionis, consanguinitatis lege constrictum, regionum prolixitate non pereat, nec catena generis, quæ ani-

mas nescit, terrarum separatione diuidatur: attamen pabulum caritatis est, aut videre, aut officio sermonis appellare, quem diligas. nescirétur secreta mentium, nisi prodicione linguarum. Hac in vsu vocauit antiquitas, vt illa, quæ pectoribus clausa sunt, non lateant. Ego Gallias, quæ totum me propter vos sibi vendicant, si oculis non inspicio, affectione non desero. Gratias tamen præsentium perlatori, qui necessitatis suæ occasione desideriiis meis præstitit, vt inter æstus animorum, quibus baiulus deerat, optatum præberet officium. Salutans ergo seruitio debito, precor vt portitor beneficij sui vicem recipiat, & qui in gaudio meo opitulatus est, suis votis restitutum per me credat effectum.

EN NODIVS. FAUSTO. XXV.

**S**Cit magnitudo vestra, quo me honorent præiudicio studiorum liberalium sectatores, tanquam rem sibi debitam commendationis meæ scripta poscentes. In vsu est, vos beneficia, me verba conferre, & magnitudinem rerum desiderium vincere postulantis. Si ab his muniis temperem, saluo munerum vestrorum genio, ego votum beneuoli non habeo. Perlator præsentium Pertinax teste apud vos naralium suorum pudore vulgabitur: qui in adstipulatione stemmatis vsurus est bono verecundiæ: per quem iudicijs valetudinis meæ pro vestro desiderio factis, precor, vt fiduciæ suæ fructum capiat ex dignationis



vestra melle locupletē; & quotiens votius  
commeantum cursus accesserit, ad subleuan-  
dum me, quas in amoris solatio accipitis, pa-  
ginas destinate.

ENNODIUS EPPREPIAE. XXVI.

**D**Ebentur quidem necessitati silentia, sed  
scripta diligentia. Exigit metus absti-  
nentiam tabellarum; sed interdum cedit affe-  
ctui. Vix aliquibus adquiescit obstaculis mēs  
amantis. feruet ad redhibenda gratia stipen-  
dia potius cum vetatur. Ecce praelocutus quē  
me causa ab his muniis suspenderet; relinquo  
conscientia vestra, quæ faciat obsequentem.  
Deum tamen precatus. in bona me valetudi-  
ne, vel Lupicinum nostrum esse significo: hoc  
de vobis cupiens, quæ à me sunt prorogata  
cognoscere. Nolo tamen curam vestram se-  
questrati pignoris fasce deprimatis. credite  
conscientia mea; plus illi per studium debeo,  
quàm ipsa exhibere poteras per naturam.  
Vtinam ingenium illius beneficia superna me-  
liorent! Verè dico, vobis ad longiora digre-  
dientibus, vtriusque parentis sollicitudo me  
respicit, quam potuimus in vnum positi cum  
ambitione partiri. Domina mi, salutationem  
plenissimam dicens, precor vt tantum mihi  
caritatis, & orationis suffragium concedatis;  
quantum me ad desiderij vestri effectum ten-  
dere comprobastis.

## EN NODIVS SENARIO. XXVII.

**V**er conscientiam vestram pro superna dispensatione vicissitudo comitetur, reddat pro paruitate mea altissimus, quod agnoscit à vobis, qui semper amantibus fideles extitistis, fuisse collatum. Certus portus est, pectoris vestri inuenisse diligentiam. estis hac conuersatione præditi, vt amicorum spem beneficij collatione vincatis. Secundam admonitionem desidero, vt iniunctum iter atripiam. Date felicem dexteram humilitati meæ, & prospera mecum vestra diuidite. Domine mi, salutationis obsequia præstans, quaeso, vt si rerum Dominus apud Rauennam feliciter commorabitur, indicetis, quatenus sine ambiguo præcepta vestra perficiam.

## EN NODIVS GVDILEVO. XXVIII

**S**olent quibus felicitas & potentia, Deo Sordinante, conceditur, humiles consolari officio literarum, & prospera sua paginarum promulgatione partiri. Ego multo tempore vt his subleuarer muniis, expectaui. Sed cessantibus vobis necessarium credidi non tacere, vt quod amor non exigit, iuxta Euangelicam lectionem mereatur importunitas. Domine mi, salutationem plenissimam dicens, quaeso, vt me antiquum cultorem vestrum illo foueatis, quo olim promissistis, affectu: & prospera vestra paginarum me faciatis directione cognoscere.

## ENNODIUS FAVSTO XXIX.

**Q**uamuis sublimi viro, & omni integritate predito, Sabino Romam properante, tunc paginarum officia commissem, ut resignanda per literas fidelis relator adferret: attamen sollicitudini meæ debui duplicibus magnitudinem vestram iudiciis informare, ut perlator ex literis securus principium narrationis adsumat. Hæc scripto degustata sufficiant. ad illud reuertor, propter quod epistola destinantur. Valere me corpore nuntio; Deo supplicans, ut statum animæ de vestra faciat prosperitate reparari.

## ENNODIUS FAVSTO XXX.

**N**on potest doloris magnitudinem eloqui oris infantia; qui mihi de illa re cōtigit, quod harum perlatoribus ad Liguriam destinatis à scriptione temperastis. quorum comitationem vos ignorasse non credidi, & præsentiam magnitudinis vestræ à petitionis qualitate deprehendi. datur enim inueniri à dispositis tractatorem. Me tamen vrunt epistolarum feriæ, quas ad leuamen mœroris mei etiam occupatissimi repulistis. Nunc ad vota redeo. Valete, mi domini, & cælestem circavos gratiam multiplici resignate colloquio. Partum est enim actibus vestris, quietis tempore de ea, quæ in laboribus lata est, innocentia melle gaudere.



## ENNODIVS DOMNO PAPÆ. XXXI.

**P**ervigil beatitudinis vestræ cura, quasi coram positos, in quocumque loci sint, obsequentes attendit, & sine ullis feriis, dum gratiæ suffragium præstat expertis, inuitat extaneos. Etenim plures de spectaculo fructus capiuntur laboris alieni: quia discit operam nauare, in cuius oculis redduntur præmia sudoris & fidei. Atque utinam par votis esset effectus! & quod didici pro religione, cuperem daretur implere. Domine mi, famulatus mei humilitatem exhibens, parca in maximis elocutione contentus, quid domnus Episcopus rater vester super directa legatione senserit, patefaciendum præfati literis derelinquo.

## ENNODIVS AVIENO. XXXII.

**C**um semper sint literarum inter amantes iocunda commercia, & ex his muniis, etiã si Spartana adhibeatur breuitas, gaudia propterea nascantur; sintque huiusmodi officia remedio absentibus, votiuâ sollicitis: attamen æger animus super eorum, de quibus pendet, prosperitate iactatur, & hac tantum curatione respirat, quam cum negat anxius, qui nullo labascit incerto, resignat se diligentiam non teneri. Pauerunt diu animum meum à magnitudine vestra destinata colloquia, & hilaritati congrua pabula præstiterunt. Quorum nunc abstinentia non affert tristitiam, sed cogit ad

exitium. Potuit enim saluti opem tribuere, quod ante militauit affectui abiurata est caritatis religio, quando profutura mea valetudini verba denegantur. Agnouistis quid fecerunt silentia vestra; quibus emendatione succurrite. nam apud vos si mei non dominatur obliuio, scripture mutantur. Domine mi, salutem largissimam referens, Deum deprecor, ut assibus meis superni dispositio fauoris occurrat, & in solatio mœrorum meorum illa à vobis indicari faciat, quæ delectet agnosci.

ENNODIVS HORMISDA

& Dioscuro.

XXXIII.

**S**Cio conscientiam religiosam grande æstimare compendium, si præstandi nascatur occasio, his maximè, quos deuotos extitisse meminerunt. Ergo quamuis prima reuerentia vestra causa sit scripta mittendi, & utilitatis allegatio sit subiicienda diligentia: attamen anxius animus sæpe necessaria præponit affectui. Retinet fraternitas vestra, domnum Papam de expensa, quam episcopus meus apud Rauennam pro eius utilitate me spondente fecerat, restitutionem fuisse pollicitum. Sed actum est, ut vix ad vos dirigendi præstaret inducias: & de mea sibi satisfaciendum esse substantia protestatur. Nunc quia grandis summa nō est quæ reposcitur; & summum est beneficium, me ab ingratitude eius, quæ videretur iusta, subtrahere; ordinate quod vobis retributio superna compenset. Domine mi,

salutem abundantissimam reddens, Deum  
 quaeso, quo animis vestris, quod me subleua-  
 re possit, inspiret. Ego autem ad sui partibus  
 meis, qui cum contestatione maioris per pa-  
 ginas indicati, direxi fidelissimum perlatores,  
 qui nobis perferenda sine imminutione susci-  
 piam.

ENNODIUS FAVSTO ALBO.

XXXIIII.

**Q**uamuis magnitudo vestra per longum  
 silentium obliuionem mei fuerit con-  
 testata, & dum ab epistolaribus munis tem-  
 perat, memoriam obsequentis abiecerit; at-  
 tamen prouidentia caelestis desideriis meis  
 prospera vestra non patitur occultari, & va-  
 riis indiciis successum circa vos resignat opta-  
 tum. Nunc tamen animus meus vsque ad hoc  
 deuinctione productus est, vt proprium ad  
 vos dirigerem perlatores, qui viuis pastus  
 aspectibus, bona ad me manifesta perducant.  
 Credite domini, magna me vobis esse obliga-  
 tione constrictum, nec vllas pectori meo fe-  
 rias dari, quibus visionem vestram non plena  
 intentione disquiram. Superest, vt reducta in  
 Ecclesia Romana concordia, occurrendi vo-  
 bis contingat occasio. Domine mi, salutatione  
 reuerentiae vestrae plenissimam dicens, depre-  
 cor, vt suggestionem portitoris, hominis mei,  
 grato suscipiatis auditu, & de felicitate vestra,  
 vel totius domus statu recurrenti nos in-  
 stitatis alloquio.



## ENNODIVS DOMNINÆ. XXXV.

**I**Nter curas & molestias, quibus pro peccatorum fasce subiicior, elegi singulare subsidium, ut ad vos domnas meas literas destinarem; quarum precibus omnia mihi secunda contingerent, & ad serena lætitiæ, depositis angustiarum nubibus, reformarer. Prima enim mœroris causa est, quod prospera vestra, dum in longinquo degitis, vix datur agnosci: ex quo nascitur circa personam meam omnis ædnerfitas. Adeste ergo supplici precibus vestris, ut per sanctorum Dei suffragia agro animo medela tribuatur. Domina mi, seruitium salutationis impendens, deprecor, & per Deum vos, quem colitis, obtestor, ut continuis me postulationibus, & lacrymis, quibus regnum cæleste vim patitur, Domino commendetis: quia hoc munus speciale computo, & omnibus commodis antepono.

ENNODIVS ADEODATO  
Presbytero. XXXVI.

**C**ælestis dispensatio religiosis desideriis nunquam negat effectum. nam quod pie cupimus, maturo præstat studio. Desideranti enim mihi per literas orationum vestrarum postulare suffragia, perlatores domesticum vota pepererunt; ut stimulo scriptionis admoniti, pro suscepti anima supplicetis: quia doctor gentium clamat, *Orate pro invicem.*

Nihil enim est quod Deum diligens, etiam pro delinquentibus, obtinere non possit. Laborate ergo promissis dudum patrociniis, & gaudia mihi per lacrymas comparate. Veniat ad me fructus innocentiae meritis ignoratus. Hæc sunt, de quibus sanctum Dei admonere præsumpsi. Timeo enim facere prolixa colloquia; quia res necessaria strictis est postulanda sermonibus. Nunc in Christo valete, mi domine, & sentire me deprecationis vestrae munera prosperis indicate.


## ENNODIVS IOANNI. XXXVII.

**E**Rgo falso creditur, amorem reddi diligentiae, & tacitis animas se interrogare colloquiis: fidem mentium sensus adserere; ut quod impeditur vicaria nobis relatione debeat? Vocem montium secreta restitunt, & in obsequio humanitatis muta famulantur. sed magnitudinem tuam in contemptu mei contigit silentium pro scriptione reddere; & in adstipulatione artificis genij, temperando à paginis, pertinaciam garrulitatis opprimere, naturæ lege calcata. Faceſſat à moribus meis, sequi quod admissum doleo, & subleuare culpas imitando. Ecce iterum appello linguæ fœrias fouentem, & in longioribus persequor, habens promissæ caritatis memoriam. Domine ut suprâ, salutationem largissimam offerens, quæso, ut debitum gratiæ vel nunc exigat importunitas, dum prouidetur quatenus ardorem desiderij prolixis satietis alloquiis.

## ENNODIUS FIRMINUS. XXXVIII.

**Q**uotiens votiua res repente contigerit,  
 pretium de ipsa temporis breuitate sor-  
 titur. Caelestis enim vt crescat beneficij ge-  
 nius, subitum facit esse quod tribuit; ne de-  
 uenisset sperantum prolixitas misericordiam  
 largitoris. quis enim affectum desiderij re-  
 pente suscipiens non auidius impetrata vene-  
 retur? Sic litteras magnitudinis vestrae sitiens,  
 tempore profectionis accepi. Dolebam, fa-  
 teor, & vehementer angebar, dum nec obse-  
 quiorum meorum perlator existeret, nec sos-  
 pitatis vestrae digressurus bona cognoscerem.  
 Ecce vtrumque frons bona concessit. accepi  
 pariter indicia optata, quae refero; & vno eo-  
 demque tempore regressum me de Alpibus  
 Cottis, & Rauennate significo iter arrepta-  
 rum. Orate vt variis laborum iactato incom-  
 modis patientiam supernae benedictionis mu-  
 nus infundat. Me autem quod ad custodiam  
 gratiae culminis vestri splendor hortatur, faci-  
 lius credo cursus fluminum in diuersa reuoca-  
 ri, & relictis fluentorum alimoniis aether va-  
 cuum pisces expetere, quam tantorum me  
 immemorem delicta restituant. Quod su-  
 perest, valete mi domina, & redemptori no-  
 stro pro persona suscepti incessabiliter sup-  
 plicate.






MAGNI FELICIS  
ENNODII  
EPISCOPI  
TICINENSIS

Epistolarum

LIBER SEPTIMVS

ENNODII VS IVLIANO. I.



RECEPTIS magnitudinis  
vestrae ministerium deuotio-  
nis exsoluimus; quia sit æ-  
quitati proximus, qui iusti  
viri monitis obsecūdat. Ne-  
gotiorum qualitas quæ ab  
amico veritatis agnoscenda committitur, cau-  
tione instruit animum cognitoris integri af-  
fectionem infudisset nobis magnitudinis ve-  
stræ consideratio, si studia non dedissent. In  
negotio igitur quod inter Bautonem regia  
domus conductorem, & Epiphanium charta-  
rium vertitur, dūm anceps in disceptatione

nostra euentus nutaret; & alterna se partes intentione colliderent; adferente Bautone, se sexaginta & quatuor solidos publicos, quos de reliqua indictionis illius emisso chirographo fuerat, debere confessus, idcirco non posse restituere; quia per manus sublimis viri Proiecti quadraginta solidos Epiphanio suffragii nomine contulisset, pro quibus nullum beneficium secutum fuisse doceretur; & replicaret ipse Epiphanius, se, si quid accepisset, labore meruisse; nec frustra sibi à Bautone quicquam fuisse conlatum, vel prolati testis fidem laudibus incessanter attolleret: statuimus, vt sub iureiurando mihi nominatus superius vir nobilis Proiectus & sperati genus declararet beneficii, & effectum, si ita esset, adfereret non secutum. quod cum fuisset impletum, Epiphanius acceptam pecuniæ refunderet quantitatem. Nunc in potestate est culminis vestri, decisionem nostram, si placet, auctoritate fulcire.

## ENNODIUS FAVSTO. II.

**Q**uantum ad fascem mœroris adiungit interrupta tribulatio, quando vt acrius vrat aduersitas, prosperorum mutatione blanditur! Ad cuius vnquam onus accessit, quod cōtinuatæ sarcinæ calamitatis abiecit? Quàm bene me ad patientiam absentiae vestræ longus temporum vsus aptauerat; dum hoc quod felicitas non habebat, didicerāt nec vota pre-

sumere! Ecce iterum de inueteratis doloribus passio nouella me lacerat, & obdurtam cicatricem rescindit ictus acutior. Imploraueram à discedente misericordiam, ut quod de præsentis confabulatione perdebam, literis pensaretur; nec hanc frugem omnibus desiderijs ieiunus emerui. Ego consuetudinis meæ non negligens, inter lacrymas scripta concinno: quibus de afflictione mea credidi nil potius indicandum, illustris viri domini Pamfronii relatione contentus. Nunc mi Domine, obsequia famuli vestri dignanter accipite, & animæ in angustiis constitutz remedia consueta præstate.

## EN NODI VS AVIENO. III.

**Q**Vibus magnitudinem tuam discedentem precibus imploraui, meritò retexerem, nisi memoriæ vestræ irrogare contumelias deuitarem. Nam qui amantem de his quæ recens sunt acta conuenit, fugiendam bonis obliuionem importunus opponit: cùm hoc sit peculiare coniunctis, ut sub quadam præscientia mutuò sibi cupita sufficiant; & ad substantiam caritatis efficaci dispensatione, quod votis poscendum est, effectu seniore concilient. Cælestis dispensatio facienda suggerit, si quid amor optat, inquiras. His iungitur, quod æstuantis animæ, dum iter arripes, multis in promissionibus subuenisti, dicendo sustentandum me esse paginis, qui propriæ lucis prius-



ret absentia. Ecce & pollicitatio fide claudicat, & spe irritatus ardesco. Egit veniens de remedij præsumptione fiducia, vt difficultius dura tolerentur, Sed nunc, mi domine, honorem salutationis accipiens, postquam apud vos, quod malè est animo, declaravi, curatio properata succurrat; vt qui salutis vestræ status est, vel gratia Principalis, expectatis referretur alloquiis.

## ENNODIUS AGNELLO. IV.

**S**emper famulâtes diligentiz paginas nunc in prodicione sui dolor exigit; & gaudiorum ministras in vocem referendæ traxit iniuriæ; nec contenta fūco dissimulationis verbanæ secreta pectoris aut taciturnitate vestiuit, aut in partem aliam transtulit blandimento. Noui quidem fabricata, sed fugio: & simplicitate contentus, cum amantibus serena animi fronte congredior. Vbi gentium fuit sub obtestatione, Dei inter nos promissa deuinctio; vt proficiscentes in salutatum me, velut incognitum, linqueretis, nec potestatem remanens sortirer necessaria suggerendi? Credo prouidistis, vt imbecillus oculis totum vobiscum lumen amitteret: nec diem meum sub amici præsentia clausis orbibus intuerer. Hæc si per negligentiam contigerunt, æstimationi relinquetis, quem apud vos locum obtineam: ferenda sunt acerbius, si intelliguntur accidisse per studium. Nunc vale, mi domine, & animo meo, quem in statione consistere

littere suadet innocentia, origo, propositum;  
potiorem gratiæ partem, quæ vobis sincerita-  
te patuit, imitare.

### ENNODIVS SENARIO. V.

**Q**uamuis te dominum meum per inte-  
meratæ documenta fidei principalis si-  
bi cura coniungat, & morum claritudo ita  
publicis rebus misceat, ut amabilis à te sapo-  
rem quietis excludat: non credo tamen ita re-  
ligionem amicitia posthaberi, ut non satisfac-  
iens, Deo adiuvante, regnantis imperiis de-  
bita sua refundas affectui. Nostis quid poscat  
aula, quid gratia: vno eodemque tempore nec  
rerum deestis domino, nec amor; quando  
Christianæ mentis integritas per has partes  
diuisa solidatur. His ergo sollicitudinem meâ  
credo releuari, quibus venerabilis consuetu-  
do servatur studiis. Tantum est, ut Dei nostri  
solatiis magnitudo vestra adiuta gratuletur.  
Domine mi, salutationis obsequia præsen-  
tans, spero ut de vestro, vel amici vestri dom-  
ni Fausti statu hilarem me fieri votivo litera-  
rum contingat indicio.

### ENNODIVS FLORO ET Decorato. VI.

**P**ermisi hætenus magnitudinem vestram  
mobilitatem Ligurum urbanæ fuco di-  
sputationis incessere: quia & me origo red-  
debat alienum, & vos ab eorum culpis con-

Matth. 5.

stantia promissa seiunxerat. Sed cū vna forte ab oculis vestris, & mente discessi; præconis voce contestor, neminem damnare posse, quod sequitur: nec saluo pudore sententiam excessibus dictare peccantem. Fas est liberos à reatu vitia detestari: quis æquo animo ferat monitorem, quod verbis destruit, actibus non vitare? Euangelij sententia est, *Qui fecerit & docuerit sic*, dignum Dei gratia posse iudicari. Vobis copiosus sermo est, quotiens error arguitur, & sub conuersationis negligentia puritas amplectenda verborum. Perdidistis lacrymarum mearum memoriam, quam discedentibus gemini doloris ictus effudit. Ecce quanti dies sunt, in quibus sub tanta frequentia commearum, nulla neque domni mei, amici vestri, neque vestra, quæ de illo rem voti indicent, scripta suscipio. Absoluistis imitatione culpabiles: non quòd Liguribus euenerit propositum, quantum vos dicitis, infidelitatis amittere; sed quòd eos contigerit inuenisse in his quæ sunt vitanda-confortes. Rogo tamen, seruitio salutationis exhibito, vt tandem aliquando, tanquam boni domini precum mearum memores, prosperitatem vestram, vel domni mei, amatoris vestri, reseretis muniis literarum.



ENNODIVS ELPIDIO  
Diacono. VII.

**P**erfecta caritas corporalis absentiae damna non patitur, nec animorum serena coniunctio itinerum sequestratione multatur: quorum animae Christo in caritate sociante conueniunt, nulla possunt separari interiectione terrarum. Hac ego spe vel securitate, de conscientia vestra securus, amantem mei alloquor, tanquam in amplexibus constitutum. Fone, domne Elpidi, quem Deo medio suscepisti. Habeat suas mundus astutias, & urbanitatem fallendi prudentiam damnandus appellet. Tu illi dulcedini, quam probavi, nihil admisceas, nisi quod gradibus ad perfectae caritatis nos bona perducatur. Domine ut supra, salutationem plenissimam reddens, quaeso, ut prosperitatem vestram, vel eorum qui nos diligunt, frequentibus mihi indicetis alloquijs.

## ENNODIVS EVPREPIAE. VIII.

**Q**uam bene animum meum ad patientiam sequestrationis absentiae vestrae usus aptauerat, dum prolixa silentia contemptum dulcedinis rerum suarum necessitate pariebant! rescissa est cicatrix, quae ad medicinam pij amoris accesserat. Confiteor, soror venerabilis, ad antiquum me desiderium litterae tuae nimis noto conditae sapore, renoca-

runt. Ecce vide qua arte contendis, cui nec satietatem de præsentia tua nec obliuionem de silentio pateris subuenire. Scit mentium discusor altissimus, lectione apicum tuorum animam meam intra penetralia sua non potuisse consistere, & ad præsentiam tuam diligentia euolasse melle compulsam. Habuit Arelatenſis habitatio, cùm Mediolanensibus muris includeret: & dum ad dulcem sedem libertas mentis excurreret, intra Italiam me corporis captiuitas includebat. Oſi ſuppeteret sermonis abundantia ad ea, quæ cupit animus, exponenda, aut ad illa, ad quæ lingua ſufficit non pudor eriperet! Paruus amor eſt, qui oris testimonio ſufficienter, aperitur. Confessio eſt tepidæ caritatis, quotiens in ea non cedit eloquium. Quod reſtat, Deum precor, vt valeas, & ad ſubleuandum mœrorem meum, quem ſcriptione tua nimis dædala arte geminaſti, bono proſperitatis mutua reſerueris.

## ENNODIVS AVIENO. IX.

**P**ompam, quam in literis fugitis, obtinetis: nec aliud eſt loqui veſtrum, niſi declamationum inſignia cuſtodire. hoc in vobis natura, hoc peritiæ mater indeficiens lectionis cura congeſſit. Sed miſeris meis euenire nulla conſolatio poteſt, quando ante oculos ſunt locata, quæ merui: & quantum prælatuſ indignior exiterit, tantum in aperto ſiunt peccata ſuperati. Quid animum meum, illuſtriſſime hominum, conaris attollere: quid

in vita, quæ plena mœroris est, reseruare liceat tribulationibus meis? pro bono dispensationis cœlestis finem vel cum vita constitui. Vobis tamen insufficientes refero gratias, qui illam circa me seruatis diligentiam, qua potior nec dignissimis præstaretis. Domine mi, salutationis reuerentiam soluens, spero vt orare pro me minimè desistatis, & ad calamitatum solatia ferentia opem scripta mittatis.

EN NODI VS FLORO ET DECORATO. X.

**C**ompulsoris functus officio, ad redhibitionem promissionis suæ vix aduocatum coegi, vt quod aduocatis debebat exsolueret. Genus duræ professionis, vt à vobis dicenda præueniam, ad verecundiam clericus inclinaui. Quale sit, quo molliuntur obstinatissimi, & quid sibi velit, qui raptores spoliât, æstimate. Argenti librâ, quam frater Epiphanius dedit, fratri Gaiano ad vos perferendâ tradidi, pactis tamè adhuc apud me, quæ suscepi, constitutis. Restat, vt si tradere debeam, designetis. Domine mi, salutationem plenissimam dicens, rogo, vt primùm pro me sanctos orare dignemini. Deinde domnis amatoribus nostris obsequia mea sub illa, qua me cupere scitis, humilitate reddatis.



## ENNODIUS AGNELLO. XI.

**M**Alè est animo meo, quòd de facundiæ suæ dotibus mihi abundantia vestra nihil tribuit: & ita eloquentiæ opibus incubat, vt partem ex eis facere, sacrilegium computetur. Turpis est equidem vniuersarum rerum auaritia: contigit tamen, si verba deneges, plus pudenda. Sæpe etiam euenit, vt frequenter scribentes minùs diligant: nunquam tamen accessit, vt aliquid caritati reseruet, qui in perpetua taciturnitate perdurat. Potest nasci de epistolaribus blandimentis ambiguitas: certa fides est, ab eo, qui seruat silentium, non amari. Hæc sunt, quæ in festinatione perlatoris celer scripsi, geminis stimulis incitatus, vel properationis baiuli, vel dolotis. Ergo tardio animi mei remedia in cunctanter adhibete: vt quamuis defuerint hætenus affectioni pabula sua, in statione esse tamen promissa caritas innotescat. Domine mi, salutem plenissimam dicens, quæso, vt expectationi meæ quod sufficit loquendi peritissimo non negetur.

ENNODIUS HORMISDA  
Diacono. XII.

**N**Vllus remaneret imperitis locùs veniæ, si plura loquerentur: sola breuitas commendat indoctos. Supra errorem est prolixa narratio rusticantis. quando ab igna-

ro extortum fuerit, quod diu legatur, sibi rancorem suum debet exactor. Quisquāne hominum in longum vult fastidienda procedere, & nullo sapore condita breues terminos non habere? Romana hoc, frater, & nimium artifici subtilitate flagitasti. Sed nos contra fabricatos munit simplicitas nullis colorata præstigiis. Etenim quamuis me delenifica epistolæ tuæ oratione produxeris, mei immemorem non fecisti. Scio artare paginam, cuius pretium promulgator intelligo. Noueris me tamen meis partibus non deesse, quamuis vocet in medium & vrbānus & clericus. Sed quid produco paginam, cuius superius angustiam pollicebar? Hæc mihi cum amante concertatio. talis fructus est literarum. Domine mi, salutem vberriam dicens precor, vt Dei nostri tribuente misericordia, crebrò salutem vestram votiuus mihi, dum meam quæritis, nuntietis affatibus.

## EN NODIVS BOETIO.

## XIII.

**S**I liberum esset imperata differri, concederetur adhuc mihi ornāmēta silentij non perire. Nā taciturnitatis munus est, quod non inhumanum loqui me posse credidistis. Videte quantū linguæ geniū vox pressa contulerit. Sed res est vacui pectoris, periclitata remedia nō tenere. Agit sermonis cura, ne promulgātis

celetur in scitia; quando otij labor gloriā in-  
 tercipit. Ecce ego ille ante probationem lau-  
 datus subdor examini, & ferias meas, ne vi-  
 dear prædicatione dignus, inrumo. Nam  
 dum humilitas reddit obsequium, impetrata  
 per silentium non habemus. Tu in me, emen-  
 datissime hominum, dignaris prædicare virtu-  
 tes, quem in annis puerilibus, sine ætatis præ-  
 iudicio, industria fecit antiquum: qui per di-  
 ligentiam implet omne quod cogitur: cui  
 inter vitæ exordia ludus est lectionis assidui-  
 tas, & delicia sudor alienus: in cuius manibus  
 duplicato igne rutilat, qua veteres face fulse-  
 runt. Nam quod vix maioribus circa extre-  
 mitatem vitæ contigit, hoc tibi abundat in  
 limine. Verè dedisti pretium loquacitati mee,  
 dum desiderantem colloquia primus aggre-  
 deris. Contigit noua res garrulo, vt vsque  
 adèò produceretur, donec exigerent scripta  
 responsum. Deo gratias, qui occultis itineri-  
 bus de propinqui vos necessaria affectione  
 commouit. Ecce geminæ causas iniuriæ iam  
 tenetis. nam postquam agrestis innotui, præ-  
 sumo me dicere patentem. Domine mi, salu-  
 tis officium dicens, spero vt circa litterarum  
 munia frequentiam comoderis: in quo ope-  
 re assiduitatem & amans exhibet & facun-  
 dus.



## ENNODIVS ARCHOTAMIAE. XIV.

**I**Ta supra claritatem generis morum luce profecistis, vt quos etiam vobis non nectit propinquitas, actuum vestrorum bona subii-  
 ciant. Quis enim non perfectam reuerentiam sit paratus impedere animæ in Dei cultura sublimi? quia peregrinum se facit à redemptoris gratia, qui Deo non suspicit obsequentes. Indicium enim est conuersationis præcipuæ, Christi nostri amare cultores. proximus est emendatissimis, qui diligit iam probatos. testimonium dat bonorum sine dubitatione meritorum, si studeas laudibus prosequi sub debita continuatione perfectos. sit sanctis proximus, qui in illis sine furo prædicat sanctitatem. quemcumque diligentia hortante præ-  
 tuleris, dispendium pudoris est, ni sequaris. Quis salua verecundia per spinosa gradiens, purgatum iter attollat, & viam salutis adspiciens, calles eligat noxiorum? professio cæcitatæ est, bona ante oculos in exemplum locata respicere, & vnde imitatione proficias, non tenere. Hæc, mi domina, de te non in-  
 cessis fama nuntiauit indicibus; non loquax vulgus per ignara iudicij ora iactauit; cui mos est de humanis actibus, dum scintillas in rogos animat, amplificatas fidelium flammæ extinguere. Hoc nostrorum relatione propinquorum, præcipuè tamen domna & sorore Euprepia referente, percrebuit: non

solūm vos dignas esse præconiis, sed instituisse celebrandum, & venerabili filio cum profapieradiis faciem conuersationis ingerere. Habet, quantum comperi, Lirinenſis habitator, quod de sancta matre discat, etiam quæ vrbana domicilia non reliquit. Si mihi credit pietas tuā, plus est in acie vicisse sæculum, quā vitasse. resignat timorem fuga certaminis, nec spes est vlla virtutis, quando ante congressionem declinatur aduersarius. Conscientia roboris paucis adquiescet ad latebrā: hoc est secerum eligere, quod ostendisse formidinem. Hæc ego non dominum meum, & familiæ nostræ iubar, Presbyterum arguens scribo: cui nec ibi credo impugnationes deesse, quas superet; in quo loci visus est declinasse conflictum. Tunc enim vniuersa sæculi blandimenta calcauit, quando ætatis, opum, natalium profectionem eius retinere catena non valuit. Sed vobis quantum sexus infirmior, tantum debetur potissima de palmæ adeptione laudatio. Prope est, vt etiam illius tu sis tutela propositi: quæ mala viduitatis & orbitatis patiens, de venerabilis filij meritis solatij tui occasione pateris nil perire. Ecce vbi femina fragilitatis oblita, castelli vice, & virum & iuuenem abhostili impugnatione subducit. Huius facti dux gloriosa perdures, & vsque ad illud in sæculo perseueres, quo illum, si ita res proposcerit, iam maturum mundi istius campus accipiat. Vellem, confiteor, si epistolaris pateretur concinnatio, in

longum verba producere, & de actuum vestrorum ornamentis pauca sub loquendi vbertate narrare. Sed hæc ad alios scribenda referuntur. Sufficit vos scire, quia quamuis à me nunquam sis visa, cognosceris, & adorandis inserta monumentis radice animi iam teneris. Scriptum est, meministi, *Laudent te proximi tui.* PROV. XXVII  
Verè sola mihi vellem causa existeret Gallias expetendi, vt cum domno meo Presbytero, vtrique osculantes manus & oculos tuos, beatam te in quauis afflictione temporis redderemus. Domina mihi, propter quod mittuntur epistolæ, corpore me valere significans, prosperitatis vestræ statum requiro: deprecans, & per Deum coniurans, ne vnquam mihi orationum vestrarum adiumenta denegatis.

## ENNODIVS AGNELLO. XV.

**D**Eo gratias, qui circa magnitudinem vestram licet protulerit cupita, non repulit. Etenim ne fides claudicet supplicantis desideria differuntur: quia deuenustat sequutura hilaritatis genium velox impetratio. Et vos quidem honores meruisse, non optasse, manifestum est: sed præcedens concinnatio eloquitur vota diligentium. Nouit omnipotens, & generis vestri luce permotus, & gratiæ, quam polliciti estis, inuitatus fiducia, præcessit in prosperis vestris



quicquid vos disciplina aut ratione cohibetis. Sufficiant in foribus stricta colloquia. responde de prosperitate vestra sollicito, quamuis de amore non dubio. Domine mi, salutationis plenissimæ obsequia dependens, litterarum portitorem commendo, quia mihi fide & honestate compertus est, volens vniuersis quid dignationis vestræ habeam, non taceri, ut sperantes de communis gratiæ melle pascantur.

## ENNODIUS AGNELLO. XVI.

**S**Olet prosperorum indicia dispergere sermonis iocunda festiuitas: dum quicquid boni facundis accesserit, germana gaudiorum per populos voce discurrit. Facilius est ignem in pyras animatum lingua comprimere, quàm silentium inter optata seruare. Humanitatis lex est & naturæ imperium, hilaritatem mentis opit uscriptionis effluere. Emanant enim vel si artentur secunda conclauibus. Sed in magnitudine vestra, sicut ætas cana est, pudoris & scientiæ dote maturescens: ita lætitiæ frænis moderationis adstringitis. Sed nunquid in damnum gratiæ disciplina debet excurrere; & hoc minui amicorum diligentia, quod ad morum ornamenta sociatur? Quamuis monetam Latiaris eloquentiæ teneas, non potes tamen inuenire quemadmodum iure factum adleras, quod expectanti mihi verba non tribuis. Decet ergo beneficia superna sola amantibus opinione nuntiari,

& de solida gratulatione trepidare gaudiis iam potitum? Hac ergo necessitate puerum direxi, qui non reposcat scripta, sed exigat. Nostis quæ sit fiducia simpliciter amantium; eorum præcipuè, quorum spem retinetis gratiæ promissione firmatam. Domine mi, salutationem plenissimam dicens, quæso, vè frequentes, & non in artum coactas epistolas destinatis. Videte animi mei securitatem prolixas posco paginas, qui adhuc nullas accepi.

## ENNODIVS AVIENO. XVII.

**S**I vobis de paruitate mea fuisset vlla cura. Stio, tanti temporis silentium non maneret: maximè cum inæqualitas domus meæ, matris vestræ, per varios rumores sine remedio affligat absentem. Scio enim hoc solo sanctam faminam fasce prægruari, quia immo dicam pietatem exhibet non merenti. Sed quid produco verba catenis obligata tristitia? si bonam valetudinem eius cælestis fauor refudit, properatò literis nuntiate. Expecto enim, vt tunc mecum prospera concilientur, quando cum illa esse comperero. Didicistis causam mœroris: indifferenter post Deum date remedij. Domine mi, salutationis obsequia præsentās, Domino pro me, supplice vestro, obsequia digna porrigite.

## ENNODIVS AVIENO. XVIII.

**S**i iudex vilium personarum laboret iniuriis, nescio vtrum possit ab hoc onere alios subleuare, cui ipse succumbit. Grauibus medica manus est adhibenda vulneribus, ne impunitate morbus adolescat. Sublimis vir Vicarius hæc à me, quamuis pro iustitiæ consideratione deberentur, tamen extorsit alloquia. quid pertulerit, ipse manifestet. Vnum scio, quia nisi succurritis, generale futurum est malum, cui ipse est disciplinæ tutor expositus. Hoc non est alienum à Christianitate, cum defero: quia impium est rerum ordinem sub hac permixtione confundi. Domine mi, salutationis honore prælato, vos vocem supplicis gratanter accipite, vt qui tanti fascem laboris arripuit, conualescat effectû.

## ENNODIVS SIMPLICIANO. XIX.

**D**iuini fauoris adiumento adolescentiæ tuæ rudimenta solidentur. Ipse det successum frugibus, qui contulit ornamenta principiis. vt quod in cano flore præmisiisti, in pomorum maturitate non subtrahas. Est propositi nostri prima curatio, vt de incipientis laude solliciti, ad Deum vota mittamus; quatenus quod in bonæ indolis eruditione præsumptum est, de superna ope maturescat. Ille ingenij segetem perducatur ad horrea, quia ltricem hominum herbam exegit è ces-



pite: ipse de terreno lacte expressam in tritum  
 cum formet effigiem, cuius imbre soli facies  
 maritata fecundatur. Tibi autem, erudite  
 puer, habeo gratias, quod quamuis dicendi  
 splendore nituisses, & in illa virbe literarum  
 scientia adstipulante lauderis, mei quoque  
 desideras adiumenta præconij. Accessit tibi  
 fructus diligentiae meae, & si nulla tribuuntur  
 rusticantis ornamenta testimonij. Libens dicta  
 tua cum facundissimis prædico, cum quibus  
 sententiam meam, ut bonorum ditescam so-  
 cietate, coniungo. Proximum est, ut non di-  
 uidantur meritis, qui in qualibet iudicatione  
 consentiunt. Vnus est, nec enim procul eua-  
 gatus ab arce sublimium, qui ad hoc quod illi  
 pronuntiant, non dispari admiratione concor-  
 dat. Ad epistolæ tuæ tamen, dictionisque mel-  
 la me refero. cui sic est blanda de præsentis, &  
 tenera ætate præfatio, ut non subtrahatur vir-  
 tus, & genius de futura. Constitit concuatis  
 Latiaris elocutio, dum per alueum suum Ro-  
 manæ eloquentiæ vnda prælabitur. Ad quæ  
 se porrigat, vix comprehendit æstimatio, qui  
 maximus appareseat in foribus. In matutina  
 luce meridiano fulgore rutilasti. Tueatur cir-  
 ca te cælestis gratia munus suum, & ut fre-  
 quentibus amantem epistolarum colas mu-  
 nis, salus nostra Christus inspiret.

## ENNODIVS MAXIMO. XX.

**D**VM prælorum famuli autumnii dotem complerent, & teneras vuarum tunicas properata calcee disrumpere; ego ad summam virum parentem, fratremque meum & oculos & verba reuocaui: iustum esse coniciens, dum vineta vberem tribuunt liquorem, me sobriam alloqui cum iocunda hilaritate personam. Solue ergo Pythagoricam taciturnitatem, & mecum peritiæ & facundiæ tuæ bona partire. sit inter nos feliciū vindemiarum vice colloquium: currant dulcia multa sermonum. Habes quæ cum Diacono sanctissimo de institutis morum nota dicendi vbertate communices. Nam qui Ecclesiastica, ut vos, probitate subsistunt, silentij apud illos iusta vitatio est: Scribite quæ aurea castitas distractione teneatur: per quem callem obscena fugiatur auaritia: quibus modis turpis fallendi declinetur obscuritas. In summa sine dissimulatione docete, quæ geritis. Illud præcipue scire cupidum dignanter instruite, quæ sponsæ, vel blandimenta sæculi religionis distractione respuantur. Domine ut supra, salutationis munera præsentans, precor ut gratanter accipias, quod inter curarum moles exigit fieri iocorum non respuenda subreptio.

ENNO.

## EN NODIVS MAXIMO. XXI.

**V**Bi est fides splendentis periclitata conscientia, quam & in annis puerilibus cana reuerentia non relinquit? quam per æui præiudicium obseruantia honestatis irradiat? quæ in tempore iuuentutis actibus maturef- cens infantiam ingressa prælabitur? Nunquid æquum fuit, amantis paginis tantum manda- ta restitui? aut par fides est liberæ scriptio- nis & famuli? Nunquid dignum probatis mori- bus censuistis, prouocantem ad officia reli- giosa non subsequi? vel nefas putastis episto- las reddere; quas vobis inter excessus conti- git non cepisse? Hæc igitur est tua disciplina? Non talem te probitas olim manifestata dis- seminat. Ego tamen loquacitate, qua notus sum, indurata nitor mutare silentia. Nunquid impar est tibi lingua natalibus? aut non testi- monium generis adnuntias flore sermonis? Nunquid ostrum loquendi deseret pectoris fecunda dictatio? Nihil nisi malitiam desi- gnat, qui cum possit desideranti verba non tribuit. Ecce inter ructationes Lyæo debitas, qualia Silenus alter, verba compono. Scri- bendum sciatis nomen vestrum ad genii mei purpuram, & libellis propriis inferendum: vt etiam si nihil tribues de responso, ego tamen arcem teneam, quod ad doctos viros dirigo sine trepidatione aliqua, quod lega- tur. Domine mi, accipe nostræ salutationis obsequia, reddens debita literarum.



*Sic tibi Virginitas mansuro constet in ævo;  
 Nec pereat, quicquid Vita beata dedit.  
 Sic tua non maculent migrantes membra puella;  
 Nec propter iaceas Tartaream faciem.  
 Ut cupidum sanctis releues per scripta loquelis;  
 Deque tuis fratri fontibus unda fluat.*

### ENNODIVS MAXIMO. XXII.

**F**idelius à sublimitate tua vocem susci-  
 piunt aut interrupta montium, aut se-  
 creta sylvarum. Præbent hominibus natu-  
 ræ institutione & muta responsum. redit  
 ad mortales vicissitudo clamoræ solitudinis.  
 non perit, quod linguæ acceperint vel lustra  
 beneficium. quare istud in magnitudine  
 tua laudis & philosophiæ genus est, ni-  
 hil dicere, & silentii tenere inter decla-  
 mantium incerta cautionem? Homo, quem  
 nec infæcundum natura protulit, nec infab-  
 ricatum doctrina dereliquit. Sed, credo,  
 me dedignaris affatu; opicis nolens pre-  
 tiosa dare verba iudicio. Quid quod si-  
 gnum est diuitis eloquentia viri, nec in-  
 doctis sermonum cupita subtrahere? men-  
 dicus fluminum cursus est, qui tantum  
 nobilissimorum satiare putatur ardorem.  
 vbertas imbrium & nihil paritura saxa  
 perfundit. Liquidæ rationis ordo est, ut  
 paupertatem relignet qui damna formidat.  
 quicquid non procurrit, exile est. De vo-  
 lucribus tamen munus singulare destinaui,

quod cepit accipiter. Nam progressi ad Bromium & Bacchi orgia, inter aues bel-  
commisimus. profuit quæstui nostro certa-  
men sociale pennarum. Memento quòd  
solam anatem direximus; scientes quia nu-  
mero *Deus impare gaudet*. Dona nostra insti-  
tutio est. sume si diligis, pro dogmate  
quod iocamur. Fac meam frugiferam es-  
se lætitiā. Si tibi perpetuæ diligentiam  
castitatis indixerit, laborabit in laudibus  
tuis lingua, quæ modo exercetur in moni-  
tis. Vale domine, & amanti, vt doctus,  
si mereor, sequestrata dissimulatione res-  
ponde.

E N N O D I V S M A X I M O.

XXIII.

**P**ROducit magnitudo tua nuptiarum fe-  
sta temporibus. dum rem, ad quam  
coactus es, sub diuturnitate prosequeris,  
subito necessitas tua facta est desiderium.  
Aliquis negotio illi perenniter iucumbat,  
ad quod descendit inuitus? Sic recessisti à  
custoditæ beatitudinis diligentia, quasi pro-  
lixis temporibus didicisses, qualiter instituere-  
tur vxorius. Triginta feliciter dies abierunt,  
& te cinitati adhuc meis oculis longa me  
macerans expectatione subducis. Verè  
quicquid vis facias, si vixero, qui tibi  
dicenda texui, non tacebo. tamen honore  
salutationibus accepto, gustum de guttulis

vt fratrem decet à fratre, directa suscipite. Erubescere tu, quia nec agrum requiris, nec de nuptialibus delitiis, quæ possent fastidium releuare, transmittis.

## ENNODIUS STEPHANO. XXIV.

**E**Xigit à me filij communis Marcelli adhortatio, quem natura vobis, mihi dedit affectus, vt ad scriptionis munia præuius adspirarem, & solatium literarum, per quod vultus voluit absentia nil licere, amore victus impenderem. Iam debes mihi duplicem gratiam, & si responsa restitueris, ob hoc quod primus incepti. Ille dilectionis ianuam pandit, qui in colloquiis præstat exemplum: propositam custodiunt formulam, qui scripta restituant. Ergo, auctore Deo, nuntiam prosperitatis nostræ epistolam destinamus. Illud ad gaudium vestrum, quo vberius paterna mens exultet, adiungimus, filium vestrum in studiis liberalibus ingenuitatis testimonium iam tenere, & talem se in hac cura præstare, vt auara suorum vota transcendat. Spes perfectionis est, honesta in adolescente inchoatio: nec ab erudito distat, qui inter exordia boni gloriam occupat instituti. Salutans ergo affectione qua debeo, spero, vt reparata opportunitate, de bono me faciat vestræ prosperitatis attolli.



## ENNODIVS SYMMACHO. XXV.

**L**Ex desiderijs scripta vix creditur. Impatiens rigidioris præcepti diligentia, non iugiter dignum facit reprehensione quòd libera est. Redditur sæpe amabilior de reatu, cum per effrænationem sortitur genium plus placendi. nam delictum suum quodam ipsius præsumptionis melle commendat. Ego à præfatione me tueor, quia ad epistolas primus adspiro. Restat in potestate celsitudinis vestræ, si sustinere eligetis garrulum, non tacere; & de originario Symmachi fontis lacte me pascere. Vale in Christo nostro, Romanæ gentis nobilitas, & me iam vt clientem, & famulum, pro morum & naturæ luce dignare.

## ENNODIVS AGNELLO. XXVI.

**P**Ro voto meo produxistis epistolam, dum res nulla fuscata nube purgatis. Felicissima defensionis sorte adsumus innocentie, & dextro semper omine per se splendentibus vsuram vocis impendimus. Facile eius lucem qui nitet affirmas: nec deest sermo qui commodetur absolutis. Sic de caballo promisso processistis affatibus, quasi vobis aliquando obscena mentiendi fuisset affectio. Verè per animam meam faciliùs sacros crederem labi in hanc foueam posse Pontifices. Vitia maturos nesciunt, nisi

quos primæuos imbuerint. Inficiatio in hominibus noua non germinat : quicquid in moribus nostris est, & sequitur, & præcessit. Proinde valete, ostrum Latiaris eloquii, & mihi vicissitudinem amando restituite : illud prouidentes vt pro compensatiōe tarditatis, dignus mihi munere, vestro equus succurrat.

ENNODIUS PROBO.  
XXVII.

**E**Ligo iacturam pudoris, ne subeam dedecus non amantis ; sciens facilius sarciri posse frontis damna, quàm fidei. Indoctum esse infelicitatis est : virtutes familiaræ vestræ odisse, res criminis. Potuimus disciplinis liberalibus defuisse non delinquentes. nulli sufficit, vnde mores excussit. Ego in amplitudine vestra tot coaceruata epistolari sermone bona non venerer ? ego non illud generis lumen amplificatum studiis & probitate suspiciam ? Videtur mihi non longè ab honestate desciscere, qui colit emendatos ; dum creditur quicumque sectari posse quod diligit. Proinde vale per gratiam Dei, & studium meum approbans amantem tui amplifica munus literarum.

ENNODIVS ADEODATO  
Presbytero. XXVIII.

**V**Oto meo obsequitur, quæ ministra  
ad vos scriptionis existit occasio. Nam  
& præsentiae vice blanditur alloquium, &  
promittit sibi de paginarum promulgatio-  
ne quod exhibet. quia emendatissimi ho-  
mines, sicut derogari virtutibus suis æsti-  
mant, aliquos in diligentiae testimonio præ-  
uios extitisse; ita ignominiam reputant,  
exempla negligere. Vixit inter sanctos  
viros ista communio, ut per intimi ho-  
minis providentiam nil noceret terrena se-  
questratio. Par est, domine, ut & votum  
meum sequaris & formam. Ergo salutans  
principe loco, ut mei memor sis deprecor;  
ut quod mihi per negligentiam subtrahi-  
tur, diuinæ gratiæ per vos suffragio con-  
feratur. Indico ergo non mentiens, no-  
cte tertia à profectioe mea, ingratham  
mihi domnam meam Cynegiam apparuisse  
in ipso lucis exordio, & multum ab ea  
me de itineris properatione culpatum, qua-  
re etiam nullis versibus sepulcrum eius esset  
honoratum. Hæc quidem ego non ad imagi-  
nem propheticæ veritatis accepi; nec noctur-  
nis fortè illusionibus operis mei sudore li-  
taui. Sed quia facilè suadetur amantibus,  
debitum opus non laboravit exigere, qui  
monebat. Salua est dominæ reuerentia. Ver-  
sus quos direxi, per diem iudicij te coniuro,



vt in pariete suprà ad pedes scribi mox facias. Gratum noueris & filio tuo futurum. vult enim merita illius multorum ore celebrari, sed in eo modo quo illos hîc inuenit. Domnam meam Stephaniam, & domnam Sabianam, sed & Domnam Fadillam pro me salutâ. Si scripti fuerint, mox rescribe. Domino Papæ dignare dicere, vt aliquid per secundias Hoscorum de mea causa ordinet. Quantum in festinatione veredarii potui, scripsi. dominum & fratrem Hormisdam satis pro me salutâ: cui dicite, vt clauem illam mittat.

### ENNODIJS BEATO. XXIX.

**N**On ego epistolam meam intra breues terminos, Spartana memor concinnationis, includo; nec formam tuam studio coacti sermonis irrideo. abest à me loqui pauca cum modicis. Urbanorum est exiguis producta subtrahere, & sine aliqua necessitate paginas, quales poscit hominum mensura, formare. Quod in me de his quæ præfatus sum subtile putaueris, festinatio non semper amica artis, & casus exhibuit. Magnum mihi est, si dederunt fortuita, quod mireris. Ergo causam scriptiōis insinuo, quam tibi prælata salutatione cōmendo. Digresso mihi vrbe procul domnæ meæ Cynegiæ occurrit admonitio, quare sepulcrum eius non honorassem laude ducti in carmen eloquii. Quod quamuis reuerentia viri ip-

sius facerem, tractavi, quia quod radiat luce  
 meritorum, styli vbertate celebrandum est.  
 Nam nec Deus officium respuit imperiti,  
 & contentus ipse quod tribuit, à rusticanti-  
 bus verborum diademata non requirit. His  
 ergo versibus scribendum Epitaphium de-  
 stinavi. De quo quid sentiatur, sic pater tuus  
 viuat, & Roma te, quantum ad illa quæ  
 in ipsa reprehenduntur, non suum faciat,  
 vt simpliciter & purè indices; nec auri-  
 bus meis, aut sensui fucò mentitæ gratiæ  
 blandiaris. Non erubescas, & etiam ali-  
 quibus, præcipuè tamen dominæ, & me-  
 rito dominæ Barbaræ paginam meam re-  
 censere; quia tecum locatur. Opto tamen  
 vt tantum tabella mea, quantum spes tua  
 sapiat: quæ in cano flore, & mea, &  
 parentum suorum, quamuis sint auara;  
 & vota transgreditur. Dominum Cethe-  
 gum, & Dominam Blefillam sororem eius,  
 pro me saluta. Fidelem, Marcellum, Geor-  
 gium, Solatium, Simplicianum pro me sa-  
 luta. quibus dic, si vobis cordi est discipli-  
 na domnæ Barbaræ, dominum, vel patres,  
 aut fratres eius, frequentate; quia est casta,  
 luxuque carens. qui aliud fecerit, ad me non  
 sperat se esse rediturum.

## EPI TAPHI VM CYN EG IÆ.

*Obtinui pretium votorum munere Christi:*

*Quæ mihi vita fuit crux, dedit hanc tumulis.*

*Dissoluens carni sobolem sine vulnere mentis,*

*Quod Fausto felix coniuge præmorior:*

*Dissecit lacrymas medela cordis.*

*Qua seruat meritis torum fidelem,*

*Exoptet similem matrona sortem.*

ENNODIVS FAVSTO. XXX.

**S**olida est spes adolescentium, quam magnorum cultura prosequitur: si cessat curatio, vbertas tritici transit in lolium. Parthenium, sororis meæ filium, diu circa diligentiam literarum, quantum patris ipsius referauit allegatio, culminis vestri metus attraxerat. Sed nunc per absentiam vestram venerandæ solutus legeformidinis, molitur obscæna. ætas illa peccatis amicior multos reperit ad errata ductores. Implorat fidem propositi mei pater, & incolumem filium loco deflet extincti. Sic faciunt, quibus de profectu suorum fiducia nulla responderit. Nihil mihi residuum fuit, quod remedij loco precibus victus ingererem, nisi vt eminentiæ vestræ conscientiam de excessibus antedicti inuenis festinus instruerem. Vos medicam manum, vos opem præstate consuetiam: ne vitiorum profectus vniuersa in eo, quæ boni aliquid potuerunt ferre, succidat. Commendate amicis quæ agantur: insinuate doctori, & quicquid potest subuenire, concedite: quia hæc sunt quæ præfatis salutationis obsequiis, consanguineo possim, professionis meæ memor, sine dissimulatione præstare.




## ENNODIVS PARTHENIO. XXXI.

**P**Ar quidem fuerat, silentio degeneri vicem taciturnitatis opponi; ut per ipsum callem vindicta, per quem venerat error, exiret. Numquid æquum est, ut in excessibus tuis vox, quid deliqueris, & non mutus dolor ostendat? Crede mihi, manifestatæ indignationi vicina curatio est. Te per longum ferire debuit inclusa commotio; si tamen non ex toto ab humanitate discessisti. Quid deliqueram, postquam primoribus litteris veniam fabricata humilitate poposceras? hæc est correctionis fida promissio, ut postquam delenifica oratione conceptam iram extorseris, erubescas te minora peccasse? Quantum video, post contestatam verecundiam, solas errorum vitas angustias. nefas æstimas circa parentem, & nutritorem tuum, non in tantum extolli supercilium, quanta debuisti pro tot beneficiis communionem summitti. Aut fortè putas quòd me puerilis ira sollicitet, aut vlla necessitas maturum expugnare possit affectum? nunquid genitori natorum non grata sunt verbera? aut creatores reptantium paruulorum non & mulcentur iniuriis? Nihil amarum putat, quibus inter desideria, quod votis pro parte aduersetur, efferbuit. Inuenimus inter triticeas segetes spinas, & loliū; & dū frugiferā herbam carpinus, infæcunda suggeruntur. Nunquid ideo culturæ respuenda diligentia est, aut cessandum est à vomeribus, si non in toto satisfac-

cerit terra cultoris? Deum precor, ut à te quod  
 detestor excludat. ego tamen nunquam, si cre-  
 dis, deferam monitoris officium. Audiuita, pa-  
 tris tui relatione, circa studia iam remissum,  
 & quasi arcem scientiæ adeptus sis, ita nul-  
 latenus esse de lectionis instructione sollici-  
 tum. Nosti, fili, istius rei summam, nisi  
 assiduitate nimia non teneri. Non profuit  
 in hoc opere laborasse aliquando hominem,  
 qui à laboris intentione destitit. pernicious  
 alis negligentes fugit scientia: & quicquid  
 mora, & sudore partum est, sub celeritate  
 transfertur. Te salutatum & vigilem volo; ut  
 profectus tui mensem quotidianæ catenis le-  
 ctionis adstringas. Ad me vel nunc, si quid te  
 deceat cogitas, rescribe. quia si credis, nun-  
 quam similem dictionum tuarum inuenies in  
 qualibet orbis parte fautorem.





MAGNI FELICIS  
ENNODII  
EPISCOPI  
TICINENSIS  
Epistolarum

LIBER OCTAVVS.

ENNODIIVS BOETIO. I.

**Q**UIMÆ spei plenus, cui fau-  
tum cupio, ad curam officij  
epistolaris adspiro. Decet enim  
vestris fascibus hac præfatione  
delibari; & inter purpuras, pos-  
sessoris luce crescentes, qualicumque non ab-  
stinere colloquio. Nunquid solius doctri-  
næ beneficijs amor agnoscitur? nec fas esse  
credendum est, prædire in medium desideria  
rusticantis? simpliciùs innotescunt vota nul-  
lo peritiæ velata præstigio. Ergo nos hoc  
sumus ore, quod pectore. non amara præ-  
cordiorum delenificis possumus mutare ser-  
monibus. pudens laudator est, cui in concin-  
natione blandimentij dicenda mens sugge-



rit. Deo ergo omnipotenti gratias, qui in vobis, dum vetera familiæ vestræ bona custodit, noua multiplicat, & quod plus est apice dignitatis, dignos facit esse culminibus. Redditur quidem vestræ gloria ista origini: sed quod est clarius, merito impetrante personæ. Fuerit in morem veteribus, curulium celsitudinem campi sudore mercari; & contemptu lucis honorum luce fulgere: sed aliud genus virtutis quæritur, postquam præmium facta est Roma victorum. Noster candidatus post manifestam decertationem, debitum triumphum, dum nunquam viderit bella, sortitur. Iudicio exigit laureas, & congregari non necessarium duxit armatis. Inter Ciceronis gladios, & Demosthenis enituit, & vtriusque propositi acumina quasi natus in ipsa artium pace, collegit. Nemo dissonantiam Atticæ perfectionis metuat & Romanæ: nec præcipua gentium bona in societatem dubitet conuenire. Vnus es, qui vtrumque complecteris, & quicquid viritum distributum poterat satis esse, audus maximarum rerum possessor includis. Eloquentiam veterum, dum imitaris, exsuperas. dicendi formam doctissimis tribuis, dum requiris. Est apud me epistolæ vestræ, quæ huius rei fidem faciat, veneranda compositio. Utinam quæ à vobis diriguntur, tam essent crebra, quam suauia! Dicatis forsitan: Par fuit propinquum laudare, in commune augmentum laborantem: quia non est proprium, quod

quasi singulariter videtur palmata conferre. Venit ad me equidem portio de curuli. sed, si mihi creditis, plus erigor de genio & studiis sublimati. Interdum accesserunt ista de casibus: soli contigerunt illa virtuti. Prope inops ad scipionem adducitur suffragii Consularis, qui tantum de parentibus gloriatur. Tibi utrumque in peculio est, Latiaris scientia, & vena purpurarum. O si mihi non styli epistolaris consideratio in longum equidem producta manus opponeret! quod alii relatione ditant, ego crudum, & si confusis ordinibus explicarem. Redeo ad tabellarum fidem. Valere me nuntio, & utrum valeatis, imploro: ad summam beneficii postulans, ut dignatio me reciproci sermonis attollat. hoc quoque deprecans, ut domum, quam in Mediolanensi ciuitate, & abundantia vestra, & neglectus propemodum iam reliquit, mihi quo vultis genere concedatis. Iustum est enim, ut parentes vestri habeant quod de patrimonii mole descendit. Credite mihi, Deo teste, quia si impetrare sine detrimento census vestri meruero, quasi dono obligatus, obsequiis potioribus respondebo. De qua parte, sic vobis feliciter vniuersa contingant, si securus esse debeo, plenarii mihi documenti dirigite firmitatem.

## ENNODIUS AVIENO. II.

**P**Ar erat magnitudinem vestram ingenij sui opulentiam, dum sancti patris lectatur instituta, depromere, & multo acquisitam sudore doctrinam pro diligentiae testimonio ventilare. Gemina vobis contingit antefacta concinnatione laudatio. quando crescente susceptorum deuotione fertur in medium palma sermonis, res quæ nobis amorem vestrum reseat, vos extollit. Vno eodemque usu & oris pompa multiplicatur, & fidei. In pace constituti illam subiectis affectionem putantur impendere, quam loquuntur. Hæc, mi domine, ille occupatissimus pater, & in humana locatus arce custodit. Nam contemptum manifestat, qui in otio degens verba non tribuit. Legisse me memini, *sermonis avari nullus honor*. Nunc ergo seruitijs salutationis exhibitis, indico me valere. Superest, vt suggestio mea elicit gaudeat vbertate colloquij

## ENNODIUS MESSALE. III.

**P**ost vnâ epistolam, quam victus crebris scriptionibus emisisti, in continua taciturnitate perduras; & credo necessitate, non studio, seruas philosophiam nil dicendi: non respiciens veteres, vt loquerentur melius, in præsentia nil locutos, & illam silentij curam nutricem fuisse sermonis. Tu videris mihi



disciplinas Atticas in muta fideliter parte sectari; nolens silentio acquisita vulgare. ostende post oris ferias, quæ tibi per aurium callem diuitiæ commearunt. Destinasti mihi dictiones tuas; in quibus & si non fuit optanda sublimitas, non tamen deprehensa est quæ sorderet abiectio. Egi Deo gratias, quia iam te de vinculo, in quo negligentia constringebaris, exemerat. Promisi sequentibus potiorum successum æstimatione principij. Sed vos inchoationem, quantum ad me, cui nihil dirigitis, cum extremitate iunxistis. Domine Messala, quotidie cuius sis filius, habere ante oculos cordis Dei nostri dispensatione contingat. Sed nolo prolixa esse, quæ aspera sunt. Vale, officio salutationis accepto, & correctū te suggestionibus meis, frequentibus resigna munis literarum.

## E N N O D I V S A R A T O R I. IV.

**A**D longinqua digrediens caritatis immemor extitisti, non licuit tecum piam diligentiam muros exire. Dum vrbis habitator es, fabricatas blanditias, non sine dædala arte custodis. at ubi rus petendum esse decreueris, quasi graues sarcinas amicorum memoriam derelinquis. Tu villares delicias expetisti, & nos apud te inter mœnium mala remansimus. Non habuit radicē affectio, quam velut curarum tormenta separasti. Dicas, vnde tam velox exprobratio? nec æquum esse parari ante delicta tortorem. Scripturum te,

mox fuisses ad optata peruectus, sine cunctatione promissisti. quantum pater tuus semper culparum tuarum vulgator exposuit; iam à te pueri paginis vacui commearunt. Timeo ne ista taciturnitas diuturnitate conualecat; & in usum silentij turpis crescat incuria. Domine mi, saluto ego, & promissi te memorem debere esse conuenio, quatenus inter cana nemora redimitus hederis efferraris.

*ENNODIVS FAVSTO. V.*

**D**irectos à sancto Episcopo artifices prosequi commendatione non opus est. Res enim plus suo placitura genio, de deuotione laudatoris abiurat iniuriam. Familia est, quam cum videritis, non possitis ambigere ab Ecclesia destinata, & de eius thesauris & gremio sub hoc studio processisse, vt tractata liberaliter pariat vobis in illa melioris sæculi commutatione mercedem. In quibus mancipiis, iuxta adnunciationem beatissimi Laurentij martyris opes esse maximas quis negabit? Sunt enim fœminæ, quæ quamuis exterioris hominis luminaperdidissent, mentium splendore radiabunt. quicquid enim corporibus de prosperitate subducitur, ad frugem crescit animarum. Nolite malè accipere, quòd nec videre poterunt, nec videri. procul à maturitate vestra illicitis decore formositas. Qui vitam suam, sicut vos in hac innocentiae calle disposuit, si tales pascat, in cælis est. crede mihi quamuis vobis gaudia pa-

fiat fusa ad Deum vbertas illa lacrymarum,  
 contēti eritis possidere sub cōtinuatione plā-  
 gētes. Inter ista bona, quæ præfatus sum, licet  
 magno vobis labore & pretio cōstitissent, ad-  
 iicio quæ sequuntur. Vna inter ipsas, & in-  
 genua, & sine filiis, & puto, quod sit sanctis  
 vicinum desideriiis, nec habebit. Est enim  
 in Christianis hominibus fœcunda sterilitas,  
 & maximum solatium sæculi adiutoria non  
 habere. Sed ne fortè animus vester in oc-  
 cupationes publicas debeat de anagnostici  
 prolixitate fastidium; quamuis bona in prin-  
 cipiis locata vos animent; & quemlibet  
 rancorem detergeat in exordio, iuxta orato-  
 riam disciplinam, locata dulcedo; tamen ne  
 desideria vestra fabricata dissimulatione su-  
 spendam, nulla ex illis documenta promerui.  
 Quia cōmemoratiōem mularum facerem,  
 Episcopo durum videtur. & quamuis famuli  
 vestri fratris Gaii institisset efficacia, & su-  
 pra modum nos pressisset importunitas, nihil  
 communi actione profecimus. Hoc tantum  
 volunt inferi. Multis sanctum patrem ve-  
 strum beneficiis vestris, & gratia inuitatum,  
 muneris vobis vicissitudinem prospexisse.  
 quod genus documenti si placet, sine cuncta-  
 tione rescribite; aut quæ eius forma esse de-  
 beat, intimate. Nunc ego ille periclitatæ uti-  
 litatis, & in obsequiis vestris annis pluribus  
 iam probatus, quantum egerim, quod vix al-  
 ter per infinita chartæ damna narrasset, perni-  
 cibus sum verborum saltibus eloctus.



## ENNODIVS AVIENO. VI.

**C**Redo ad iustitiam pertinere, vt quod a vobis expecto, primus exhibeam. Decet enim, vt qui bona opera præstolatur, inuitet exemplo. Expugnat calcaribus tarditatem, qui formam ministrat officij. His ergo salutationis munus impertiens, sanum me esse post inæqualitatem, quam pro peccatis sum passus, enuntio; & statum vestræ prosperitatis inquirō, sperans vt in huius rei solutione multus incumbas.

## ENNODIVS SENARIO. VII.

**A**Pud sanctas conscientias non negat caritati debita sua gratiæ principalis occupatio; nec eliminat pij amoris aula feruorem. Testimonium dat solidæ affectioni, qui eam inter impedimēta obliuione non obruit. Commendate mihi scriptione culmina vestra; quæ voto importunus emerui. custodia com munio vis, honor est dignitatum. His ergo obsequentissimè salutans, epistolas breuitate constringo, sciens posse productas horreri: faciens vt pro me Domino gratias referatis, qui molestiam, quam pertuli, antequam eam discere potuissetis, ab sterfit.

ENNODIVS ELPIDIO  
Diacono. VIII.

**Q**Vibus modis fraternitatem tuam adscribendum, quâue arte sollicitem, quâdo homo verborum locuples in me silentia peregrina custodis? Elegi vt te loqui loquendo faciam, & illam Atticam eruditionem ad epistolas alia garrulitate producam. Iustum fuit, vt tot diebus à promissione desisteres, & qualiter peruenisses, nulla paginæ directione signares? aut fortè contra me illam tuam cautelitatem æstimas esse seruandam? Dedignaris colloquio, quorum gratiam multo sudore quæfisti? Crede mihi, nisi ab hoc te vitio sub ea, qua ambulare soles, velocitate suspenderis; necesse est, vt ad alios nostra patrocinia transferamus, qui memores constituti amorem munerentur obsequiis. His ergo salutans, amico & medico indico, me graui corporis inæqualitate laborare: quam nisi te dictante pagina iocos exhibitura curauerit, distensam per tormenta ranulam longis hominibus coequabo.

## ENNODIVS MESSALÆ. IX.

**S**I iam te fauor diuinus à proposito negligentiae ad votiuâ ducit studia, si quò te vena, quò te dominus Faustus vocat, attendis: optata non taceas scriptione. Sed timeo, ne dum officiosum desidero, susti-

neam rusticantem : & incipiat hoc desideris  
meis resistere , quod cupiui. Cælestes diuitiæ  
illam inertiam stimulo pietatis exsuscitent,  
& mendicitatem oris tui superna ope locu-  
pletent. Ecce iniuriis prouocatus scribe. Sa-  
lutem ergo dicens , rogo , vt quid circa te  
agatur , tabularum promulgatione cognos-  
cam.

## ENNODIVS MAXIMO.

V. S.

X.

**B**Ene disponantur superno vota nostra iu-  
dicio. Ipse ad nuptias tuas veniat, qui pri-  
mo parenti, dum adhuc natiua immortalitate  
gauderet , supernæ benedictionis munus in-  
dulsit. Faciat tibi Christus noster, nec custodi-  
tæ integritatis fructum perire , nec munera  
nuptiarum. Sic virginitas prosit ad sobolem,  
vt castitati tuæ fecunditas nihil decerpit : &  
miro dispensationis arcano , nec sæculo dum  
pater es, pereas , nec Dei gratiæ, dum pudicus.  
Veniat super te, quod Isaac iuniori filio piè  
inductus optauit. Illis domum socrus auspiciis  
vxor introeat , quibus ad Tobix penetralia  
nurus accessit. Sit tibi causa perfectæ dile-  
ctionis in coniuge, in te virginitas custodita.  
Solam illam deputatam tibi noueris , cui te  
quasi non esses, ex mundi sæce seruasti. Ecce  
quia venire non potui , oratione non desum.  
Domine mi, spero , vt honore salutationis ac-  
cepto , quæ à me directæ sunt , dignanter ac-  
cipias.

Gen. 27.

Tob. 27.



## EN NODIVS ARATORI. XI.

**M**iror, cur deuenustes turpi silentio ad Romanum decorem politum in te bona colloqui: & coactas multo sudore diuitias fugiens dispensationem taciturnitate consumas. Quicquid dignis collatum fuerit, dum in usu est, ornat auctorem. ingeniorum elegantiam qui concludit, extenuat. vnus error est, prodire rusticantem, & dignum laudis honore delitescere. Nunquid non habuisti digna memoratu? aut ego tibi visus sum non colendus eloquio? Fuit aliquando materia, quæ sic omnium linguis & literis celebranda sit, quando ad nuptialem copulam perductus homo est, cui cum magna sit lux natalium, abundantia facultatum, disciplina & pudor vtrumque transgreditur? qui vitia carnis abiurans, pro blandimento turpi respuebat quicquid leges dedere pro remedio: & nolens vxoris corpus deputare seruitiis, putauit se addicere, si quicquam mundo impederet liberam castitatem? Hæc & si non diligis, debes tamen pro ingenij tui ostentatione laudare. Possumus credere te bonum fieri, si audiamus quæ honesta sunt prædicantem. Nunc salutem largissimam dicens, vt rescribas admoneo. & non me de epistola mea æstimes; quam, Deus testis est, dum de Basilica remearem, transcurfione dictaui.

## ENNODIVS FLORO. XII.

**Q**ua te deuinctione teneam, qua diligentia complectar, ex animi tui potes qualitate colligere. Vix enim amari continget, nisi quos sinceriter amare constiterit. Congreditur inter se celestis vigor animarum, & studia sua mutis sibi pandit affatibus. & ideo vicissitudinem mihi reddere disponis. Insiſte Domno, vt suburbanum illud, si dignatur, dato à me pretio comparari iubeat. quod dum in Liguria fuero, feliciter habeam, & post obitum meum, ipse, ſuique possideant. Mihi tamen post Deum libertatem, substantiam videtur ipse conferre, si hoc beneficii per ipsum fuero consecutus. Sed sic filia tua viuat; sic de illa quales optas filios teneas: sic Deus animam tuam sanctis suis faciat coæquari, & frater tuus viuat, vt insistas suppliciter, importunè, quatenus ad effectum petitionem meam perducas. Cogites Deum, cogites necessitates meas: quia nihil est, quod potètia ipsius, quod affectus circa me majus possit præstare.

ENNODIVS AVRELIANO  
Presbytero. XIII.

**A**ffectionem mentior, si vobiscum digrediens non remansi, & beatitudinem vestram mecum, quamuis locatam in statione, non detuli, & quia animus in me, vt in ceteris,

imperator est corporis, ipse circa diligentiam vestram est tota intentione captiuus. Ergo salutationis honorificentiam debita humilitate persoluens, nihil valetudini meæ de itineris contractione indico decessisse. Ecce qua sollicitudinem vestram benigni studij cura remuneror. facite quod scriptum est, accepta restituentes, de prosperitatis vestræ me significatione gratulari.

## ENNODIVS FAVSTO XIV.

**T**Acerem molestias meas, nisi intellexissem, quod sollicitudo vestra me subleuat. Nam dum cognoscitis, quàm varijs morborum fatigor incommodis, pro peccatis meis febribus frequenter addicor, & vires, quæ videbantur restitutæ, franguntur. Ergo vos remedia consueta præstate, & vsum illum sanctæ conuersationis impendite: vt quicquid medicina mortalium non valet, fuis ad Deum nostrum precibus impetretis.

## ENNODIVS EDASIO. XV.

**A**Nte experimentum amicorum fides occulta est. postquam in lucem processerit, eorum qui aliquid saporis habuerint, sibi mentes obligat. Est tamen minùs libera seruitus, quæ caris exhibetur. Confiteor magnitudini tuæ: latebat me ante relationem hominis mei, quid in sublimitate tua, & saporis & gratiæ, sub nobili humilitate delitesceret.



didici hominem, qui canam in fide beatitudinem, dum amicorum absentiam bene tractat, exsuperat. Plura quidem discedens promiseras: sed ad genium conscientiae tuae maiora praestitisti. Domine fili, salutationis effusissimae munus impartiens, ago atque habeo insufficientes gratias de his, quae mihi in prima potitiae fronte collatae sunt. Quod restat deprecor, ut residua illa mancipia teneri iam facias. Ecce fiduciam de bonis praecedentibus descendantem, qui ante ignoto preces metuebat offerre, iam non dubitat imperare.

## ENNODIVS BARBARAE. XVI.

**N**on ego debiti immemor ab officiis temperavi; nec constituta despiciens garrulitatem meam ab obsequij exhibitione suspendi. Sed postquam ab urbe regressus sum, continuo me variae aegritudines, & quicquid ad mortem vocat, artauit. Verè domna mea, sic vobis, vestrisque laeta contingant, quia ad testimonium veteris mysterij Christus noster iterum quamuis peccatorem, nec ut illum, qui amicus dici meruit, sed rursus vocauit Lazarum de sepulcro. Est facti vnitas in distantia personarum. & nunc amplior magnitudo diuini operis; quia quod ille meruit, mihi cessit indebitè. Haec causa me ab officij promulgatione reuocauit. Postquam tamen ad vitam reductus sum, continuo me ad seruitia vobis soluenda conuerti: rogans deum, ut vos, vestrosque superno tueatur auxilio. Promitto

mihi etiam, & desiderijs meis, quòd cum felicitate vestra & gaudio, ad Comitatenſes excubias, quæ votis meis ſatisfaciat, dignitas adepta vos euocet. Noli, domna, huic te labori, huic oneri ſubmouere. Videant bona Romanæ ciuitatis prouinciæ, & quæ monitis vix inſtituuntur, per bona quæ vobis Deus contulit, formentur exemplis. Rogo tamen reuerentia ſalutationis exhibita, vt expectatiſſimo me releuetis alloquio: ſed nec alterum dictare patiamini, quæ ad me ſcribetis: ſic nunquam ab impetratione oratio veſtra pellatur.

ENNODIVS STEPHANIAE.  
XVII.

**C**Redo vos & ignorantes meis periculis ſubueniſſe, aut quare conſidam nescire quicquam, quos per Deum contingit vniuerſa prænoſcere? Poſtquam enim ab vrbe redij, reparata ſunt in me diuina myſteria: & quod ſenuerat temporibus, nouellis reſurrexit exemplis. Iterum vocatus eſt Lazarus de ſepulcro: non quidem illius par merito, qui amici redemptoris nomen emeruit; ſed in diuerſitate actuum vnius conuenit forma myſterij. Deductus per ægritudines multiplices ad ſepulcra, ſed cæleſti voce reuocatus, ad hæc primū, quæ vobis ſoluuntur, officia me cōuerti: credēs placere Deo, ſi cultoribus eius per linguā, quā ipſe reddidit, principe loco exhibeātur obſequia. Ergo reuerētia ſalutationis impēſa, deprecor vt pro me, ſicut popoſci, orare attētiūs procuretis

vt per meritum vestrum diuina clementia dignetur confirmare quod tribuit: & frequenter me pia literarum vestrarum promulgatione subleuetis. Rogo vt nullum alium dictare facias, per domni Asterij animam & professionem tuam. Sic ei nitor, quem optas, vsque ad consummationis tempus adsistat.

## ENNODIVS FAVSTO. XVIII.

**C**Oegit me ad studia mea portitor presentium literarum, & quod volebam, propè importunus exegit. Sic contulit beneficium, qui exigebat. Iste in negotio suo probatum mundo iustitiæ vestræ poscit examen: nec ab aliquo veritatem causæ suæ discerni æstimat, si cessetis. Pro hoc precator accedo, vt dum adestis mandatis cælestibus, & veritatem tota intentione perquiritis, afflicti hominis necessitatibus succurratis. Spero etiam salutationis officio impenso, vt indicio me prosperitatis vestræ, non neglectis, quæ frequenter se ingerunt, occasionibus, subleuetis.

## ENNODIVS FAVSTO. XIX.

**Q**uamuis omnis frequentia literarum videatur rara sollicitis; nec sufficiat pro uidentia pro pietate suspensio: tamen pars ista, cui impenditur, nisi responderit, ab humanitate seiungitur. Ergo salutationis officia præfatus, Deo tribuente indico, mecum sancto-



rum suffragiis, & vestris precibus iam melius  
agi, & illam desperationis & febrium inte-  
puisse valitudinem. Nunc, quod restat, spero  
vt petitionem meam, quam per consulum  
meum fratrem Florum destinaui, suscipere  
solita benignitate dignemini. quia & si mihi  
ad præsens res videtur esse compendij; vobis,  
quibus magis futura cordi sunt, vtilitas ex hac  
parte summa respondet.

## ENNODIVS AGNELLO. XX.

**S**I valerem corpore prosequi, verbis absti-  
nerem. at cum illa res valitudini deficit,  
ista succurrit. Scit secretorum discussor, me &  
diuisum præsencia à vobis abesse non posse.  
Proinde sollicitudinem vestram nuntio meæ  
prosperitatis releuo: & propter quod conces-  
sum est epistolare commercium, vestrum re-  
quiro. indicans, honore salutationis impenso,  
puerum me ad suscipiendum caballum dire-  
xisse. Tantum est, vt talem mittatis, quem &  
vos dedisse clareat, & ego pro honoris summa  
me gaudeam suscepisse.

## ENNODIVS BEATO. XXI.

**S**I possem scribendo delere paginam meam,  
multiplici hoc facere intentione procura-  
rem. Sed quia non est fas hominem non er-  
rare; ego ille canus, sed pater tuus, ne vnquam  
prioris epistolæ meæ sis memor, exposco.  
sic te pater & patria talem, qualem per sin-

gulos dies omnibus protestor, excipiat. Alienis scriptis credidi, vt styli mei importuna festinatione morderem. Tu feceras, quod sapiens; qui soli domno Probo, artem tenenti inter doctos, versus meos relegeras: quod facere decuit. Ego importunus, qui alteri credere non debuisssem, quantum video, frustra commotus sum. Vade ergo ad domnum Probum; (sic pater tuus viuat: sic me, quem semper amasti, viuentem audias: quia ista pene mortuus dictaui) & osculare illi genua pro me, & dic illi, de illo extremo versu, Terentianus me induxit in illo exemplo, *Sic futur lacrymans, clasique immittit habenas.* omnia tamen quæ fuerunt digna correctione, præuidit. Saluto, amore quo debeo. Si euasero, versus ipsos emendo, & sic dirigo. Nam literas tuas, quas per infantem Rufinum direxisti, Iulio mense suscepi. Vnde me contigit nescire quod actum fuerat, vt taliter mouerer.

### ENNODIUS FLORO. XXII.

**Q**ui iustius prosperitatis meæ cognoscit indicia, nisi qui sinceriter & indefinenter optauit, nec conuenit prius alterum desideria aliena cognoscere? Ergo seruitio salutationis exhibito, indico me, cælesti beneficio, postquam cessauit humana curatio, mox sanatum. reuocauit ad spem prosperitatis res illa, quia medici destiterunt. Nunc gaudia vestra, sicut de me æstimo, cognoscentes, mecum laudibus prosequimini tanti beneficij

largitorem : & si adhuc vos longior mora detinet, quàm benè valeatis, literis intimare.

## ENNODIVS FLORO. XXIII.

**S**pectabilis vir Euthenius in negotio suo, quod à domno Præfecto audiendum Vicarius susceperat, ad amplitudinem vestram à me commendatitias sperauit: credens, saluauit ita, opem sibi integram posse suppeteret, si meis apud vos inuaretur alloquiis. Rogo ergo honore salutationis exhibito, vt ei, si vere contra æquitatem laborat, manum medicam porrigatis: quia nefas est, vt in præiudicio bonæ causæ prodelle sibi calliditas videat, quod molitur.

## ENNODIVS FAVSTO. XXIV.

**V**sum suum benignitas vestra supra homines locata custodit. Verè medicina est cura sanctissimi. nam venerabilis conscientia Deo semper insinuat, quod requirit. Digressis vobis, acrior me calor exussit, & ad omnem desperationem præcipitante diabolo vela patuerunt, Venit ad me medicus, & dixit se quod faceret non habere. Hinc mihi maior spes, quando homo cessauerit. Continuo me cum lacrymis ad cælestis medici auxilia conuertij; & domni Victoris oleo totum corpus, quod iam sepulcro parabatur, contra febres



Ioan. 4.

armaui. Scit Deus meus: mox affuit magni militis imperator, & quod per testem eius idoneum poposci, incunctanter obtinui. Mox feruor ille aeterni frigoris procurator intepuit, & hora nona, sicut legitur, Domino meo mandante discessit. Scio orationis vestrae tempora: scio lacrymarum copiam in illo quoque momento iuuissse laborantem. Ecce indicia votiuæ non tacui: sed portitorum raritas desiderium commune suspendit. Nam me multum inuat releuatio vestra, quæ à vobis minimè, qui læta respuistis, optetur.

## ENNODIUS FAVSTO. XXV.

**M**Ox ubi me gratia superna respexit, & animam de iudicij cælestis vicinitate trepidantem, concesso, vt melioraretur, viuendi laxauit spatio, magnitudini vestrae beneficia per literas diuina non tacui. Verè, celsantibus medicis, illius, qui innocentia & lacrymis emitur, medicina non defuit. Credite, nisi mihi subuenisset destitutio curantium, nil valerem. Nam quia ægrescebam hominum studiis, cœpi negligentia iam sanari. Hæc quidem prioribus intumata sunt: sed ne occasio præteriretur adieci: sperans obsequio salutationis oblato, vt me de prosperitatis vestrae, de qua pendeo, subleuetis alloquiis.

ENNODIUS

## ENNODIVS AVIENO. XXVI.

**N**Ecesse est, vt qui desiderat scripta vestra, non taceat: nec silentij exemplum tribuat, qui cupit alloquium. Iuxta orationū vestrarum suffragia, quos innocentia & deuotio Deo nostro facit acceptos, meliorem me esse iam sentio: desiderans honorificentia salutationis impensa, quā benè valeatis agnoscere: quia post receptam salutem, vnitum est solatium bono vestræ prosperitatis attolli.

## ENNODIVS BARBARÆ XXVII.

**Q**Vamuis adhuc inter extrema sim positus, & pro peccatorum meorum mole, somni mei beneficia, dum mereor in longum conteri, non sequantur: reuerentiæ tamen vestræ obsequiis quod debet pendens anima nō omisit. Penè iam vocatur ad iudicium, & adhuc suspicit in hac luce quos coluit. Quā vera est illa sententia, quod sanctus affectus nec morte pereat! Ergo, domina mea, seruitiis vos debite salutationis prosequens, rogo, vt agnitis quæ circa me geruntur, pro illo quo omnibus eminentis & sanguinis nitore, & conuersationis radiis, domno meo Apostolo, & ceteris eius fratribus supplicetis: vt per vos exorata Dei potentia clementiæ suæ, quæ tarda esse non solet, beneficia non refrænet.

## ENNODIVS BEATO. XXVIII.

**Q**ua mihi vicissitudinis, qua obsequio-  
rum cura pensabitur, quod te & in fre-  
quentibus paginis alloquor, & officio sermo-  
nis tui in lucem exire publicam non detestor?  
Non me aetas tua, non ingenio meo potest  
reuocare par formula. Eligo benignis plius  
credere, quam peritis; vt bona originis ante-  
ferant studiis. quod fidelis es, diuini est mune-  
ris: in natura: eruditio per Deum veniet res se-  
cunda. Necesse est vt totum tibi amor inte-  
gritatis exhibeat, primarum partium insignia  
iam tenenti. Ergo honore salutationis acce-  
pto, noueris me iuxta petitionem vestram,  
epistolam ad vos admonitionis, quamuis sub  
festinatione, dictasse. quam ad domnum pa-  
tricium Symmachum idcirco dirigere pro-  
curau: vt quod in ea emendatione dignum est,  
corrigatur. Sed propter surreptionem negli-  
gentiae, te quoque eius exemplaribus infor-  
maui. Qua de re tu apud te esto: & caue, ne tibi  
ad te perlatam manifestes comprehenso su-  
perius eminentissimo viro, ceu rem nouam  
postulans. quia si eius eam magisterio placuisse  
cognoueris, ad notitiam eorum perferre,  
qui sapiunt, non timebis.



## ENNODIVS BEATO. XXIX.

**N**on mihi tuus error illudit, nec retrouersa decepit affectio : tu ætatis, naturæ, propositi ordinem custodisti. ego deliqui, aliter de te, quàm poscebat veritas, iudicando. Ad hoc redeunt, quos diligentia insulsa captiuat. proinde iam sine circuitione loquendum est. Quò te immemorem tui duxit insana præsumptio, vt sancto Presbytero diceres, in versibus illis, quamuis in temporis momento compositis, aliquibus videri affectum coniugalis gratiæ non expreßum ? Aut ego diffamare volui, quod scripseram ? aut epitaphia hoc poscebant, aut ratio ? Quis hoc imperitus, quis tecum sanitate vacuus dixit ; vt carmen, quod in summam gratiam domnus Faustus excepit, te & participibus tuis rodentibus læderetur ? Fortè de tertio Phaleucio, qui Terentianum nesciunt, habuerint, quod de vna syllaba quærentes occasionem loquerentur. Verè dignus fui ista quæ pertuli, quia scriptum est, margaritas ante immunda animalia non esse mittendas. Quamuis dictionum, & imperitiæ meæ bene sim conscius, te tamen nec scire aliquid, nec sciturum antè didiceram. Vale, & ad alios te, quibus debeas loqui, conuerte.

Matth. 7.

ENNODIVS ADEODATO  
Presbytero. XXX.

**A** Cerbo ægritudinis impetu, & valida febrium nimietate contritus, cum ut fidem veteris testimonij Christus noster in me, quod in Lazaro fecerat, ostendisset, & Evangelij fidem præsentibus declararet exemplis; literas vestras accepi. Ordinavit ille, qui potuit, ut diebus, quibus vitam restituerat, amicorum quoque suorum eam & confirmaret, & fulciret alloquiis. De versibus, vnde tibi portentum illud dixit, risum mihi stulta iudicia fecerunt. Scias illos in summo pretio apud Dominum habitos: quamvis in temporis angustia, & viridarii transcursione conscriptos. Sed si eos non scripsisti, nec facias. Mihi sufficit, dum feci, vota complexisse. Nunc ad eam partem me confero, quæ specialiter à sanctis poscenda est; ut pro ægro & amante attentius ores, si mereor, crebra mihi & instructionis, & consolationis præstes alloquia.

## ENNODIVS BOETIO. XXXI.

**C**onsideratio magnitudinis vestræ exegit epistolare commercium; sed festinatio portitoris epistolam breuitate conclusit. Non potui morari properantem: sed nec his vacuum munus propter res necessarias emisi. Crebras super domo, quam popolci, literas

destinaui. Si possibile est cupita tribui jam referte, quia omnia ædificia eius sub negligentia consenescent, Domine mi, salutationis obsequia dependens, rogo, vt vos iuuetis sine vestro dispendio supplicantem.

ENNODIVS SYMMACHO

[Pape.]

XXXII.

**R**em necessariam prouidet, qui parenti omnium orbatos & peregrinos insinuat. vnica via est Apostolatus vestri solatium, quæ medetur externis. Absit afflictos dicere, quos ad vos cõtigerit peruenisse. creatoris patriam, opes alibi non requirunt, quos cõronæ vestra cura susceperit. Presentium baiulus, ortus nobiliter, profutura ad testimonium ingenuitatis studia Romana requirit. Nunc beatitudini vestræ mea supplicis vestri commendat assertio, vt salutationis seruitiis dignanter acceptis, quod vsu facitis, pro mei consideratione geminetur.

ENNODIVS HORMISDE

Diacono.

XXXIII.

**E**T quod es, miseratione ornatur; & quod futurus es, pietatē conquiritur. & Diaconum his studiis extulisti, cuius rei promittit cura Pontificem. Præsentium baiulus, honestus moribus, natura sublimis, gemini solatij orbatos præsidio, Romam pro honestis artibus, licet peregrinaturus exierit. Vide si



mereantur à religioso, bene nato, locupletè  
inuari ista, quæ prætuli. Nunc officio saluta-  
tionis exhibito, rogo, vt si me, si bonam quam  
coemisti, opinionem diligis, impensis portitor  
adulescat auxiliis.

ENNODIVS PORTIANO  
Abbati. XXXIV.

**D**Iuinis declaratur exemplis, nisi per Dei  
gratiam visitationem hominum cæle-  
stium non venire. Quæ enim recordatio po-  
test esse peccatum, nisi occultis itineribus fa-  
uor cælestis operetur; & per viam mentibus  
inspiratam, quæ propter peccata surrepere po-  
terat, eliminetur obliuio? Impetratæ iam  
diuinæ misericordiæ fiducia est, cultorum Dei  
animis non deesse. Ergo gratias refero Trini-  
tati Deo nostro, qui vt me reuerentiâ vestra  
alloquiis visitaret, exegit. Suscipio obedi-  
entiam vestram. nec enim exiguus cultus debet  
ur obsequentibus, cum Christi gloria ma-  
neat imperantem. Orate pro me, qui humani-  
tatis inbecilla, dum adhuc estis homines, cui-  
tastis: quos contigit, necdum corpore seque-  
strato, ponderibus carnis absolui. & seruitiis  
salutationis acceptis, frugem circa me gratiæ,  
dum sermonis adolescit cultura, conce-  
dite.

ENNODIVS AVRELIANO  
Presbytero. XXXV.

**I**Namabilis quidem desiderijs meis militavit occasio, & votis aditum necessitas vix ferenda patefecit. amplexus paginam præfatione blandientem, sequenti eius elocutione confusus sum. Nam dulce principium, & sereni mella colloquij, relata calamitas, quasi veste noctis, obnubit. Verè loquentibus vobis ingesta sunt oculis, quæ legebam. Nam dum absentia felicitatem pagina sapientis intercept, coactus sum illam Ætheriam nimis vidisse terrenam, & à sublimitate vocabuli in Tartarum duce culpa depositam. Taceo quid debuerit parentibus, quid pudori: ex qua domo infelix processit ad scelus: quod secuta est, relictis Dei cultoribus, lupanaris vice coniugium. Credite mihi, ultionem criminis, dum admittit crimen, exsecuta est: & turpi mersa contubernio, & flagitium & pœnâ flagitij reperit in marito. Secum rei personam portauit. & iudicis mulier, dum elegit indignum. Producerem litteras, nisi memoriam infauitæ scæminæ desiderarem obliuione sepeliri. Vos, vt Gallia expulsiōe illorum subleuentur, eligetis. nos, ne Italia coinquiretur. Expetant potius Libycas Syrtis: & ab humanitatis consortio diuidantur: quia si inde domum Aurelianum fugerint, hinc Ennodium, ad quæ loca declinabunt? Domno Præfecto

quæ iussistis, pressius intimaui. qui præcepta regia mox exegit, per quæ credimus viros bonos & amicos occasionem inuenisse præstandi. & vos tamen animum ab anxietate remouete: quia cælestis sufficiet ad vltionem malorum vigor examinis. Domine mi, salutationis obsequia præsentans, precor, vt crebrò me prosperitatis vestræ, quia commeantium oportunitas ingeritur, releuetis alloquiis.

## ENNODIUS BOETIO. XXVI.

**P**erdiderat eruditionis pretium lingua, dum retices. quia dum venustatem eloquentiæ taciturnitas includebat, credebatur non esse, quod nuper efferbuit. Produxisti in lucem nouum iubar eloquij; & dum diem in epistola facis, splendorem recens adeptus crederis iam maturum. Gratias ago, quod me ad amicitie custodiam paginæ tuæ flore compellis. Sed si fidei meæ esses conscius, dubitationem de rebus constantibus non haberes. Timeo, ne ambiguitatem, quam credis, exhibeas; & dum amantis teporem metuis, in affectione frigescas. Domine vt supra, salutationis gratiam persoluens, spero, vt crebrò ad n.e. epistolarum commercia dirigas, quia in his muniis & diligentia te admonet, & perfectio, vt multus incumbas.



## ENNODIVS BOETIO. XXXVII.

**Q**uamuis tenui effectu petitionis surgit eloquium . & conciliant , & dotant facundiam res secundæ . in qualibet verborum saturitate paginæ si repudientur , ab impetratione ieiunant . plûs felicibus epistolis debetur laudatio , quàm peritis . Iure loquitur verbis nitore sublimibus , qui summates viros dicendi venustate captiuat . quoduis oratorium schema sinistra fors dissipat . ditescit enim linguam nutrita beneficijs . Dudû ad eminẽtiam vestram direxi qualicumque audacia producẽte colloquium . quod ita responsi genio subleuastis , vt crederem me perdidisse digni fauoris tempora per quietem ; quando modicus sudor iudicium arcem tenentis illexerat . Promiseratis etiam domum , quam poposceram , non negandam . Geminis eleuatus successibus incedebam : si & opinio perfecti ad stipulatione , & census locupletissimi creuisset impẽdio . Sed detestor moram , quàm sterilia quidem peccata pepererunt . Nam & homo culminis vestri quem prestolabar aduenit : & nihil sibi mandatum esse , quod desiderijs meis prodesse posset , asseruit . Vide meritorum meorum fusca commercia . quorum contra me nitentia fidẽ frangere nequeunt , exigunt tarditatem . Absit à conscientia mea , de vestra claritate diffidere . obscenæ mentis est , putare constituti memoriam non manere . Sed rogo , vt dum

propositi vestri lucem asseritis, eorum quæ mihi debentur, obscura superetis. Ergo præstationi vestræ genium dono celeritatis infundite. Domine mi, cultum salutationis impertiens, preces adjicio, vt Consularem sportulam cum responso præfatæ petitionis accipiam.

ENNODIVS SYMMACHO

[Papa.]

XXXVIII.

**N**on ineffaciter poscit, qui parenti omnium peregrinos insinuat. nobilebus generalis debetur assertio, maximè apud eos, qui beneficia tribuunt non rogati. Beatum sublimem adolescentem, præsentium bajulum, si corona vestra dignanter accipiat, præclarum iuxta morem Pontificis ornat officium. Est enim, qui gratiam vestram & natalibus & moribus mereatur. sufficit dignis stricta laudatio. Nunc seruitijs salutationis exhibitis rogo, vt me amantem vestri crebri releuetis promulgatione colloquij.

ENNODIVS HORMISDÆ

Diacono.

XXXIX.

**S**i dignatio circa me promissa duraret, assereretur frequētia literarum. vix respiciunt humiles, quos ad arcem euentus prosper eue-  
xerit. graue est, si spes secundarum rerū caritatis nexus incidat. non debet præiudicare diligentiae, cui secundum vota blanditur.

Si tamen aliquid citca me gratiæ custoditis; si viuit amoris polliciti scintilla, Beatum commendo nobilissimum adolescentem, præsentium portitorem; cui iustum est vt consideratione mei, & parentem beatitudo vestra impendat, & patriam. Esto specialis tutor, omnium mox futurus. Domine frater, salutationis humilitate depensa, rogo, vt sub celeritate quàm benè valeatis, scriptione signetis.

## ENNODIVS BOETIO. XL.

**P**Recum iteratio bonam conscientiam, obliuionis accusat. Sed facessat stimulare currentem, & constantem virum ad memoriam promissionis impellere. Hæc de his, quæ à me dudum culmini vestro sunt scripta, perstrinxi; vt domum, de qua iam paginali indicio voluntas vestra est patefacta, percipiam. Reliqua epistolæ salutationis nuntio mancipau; vt sicut apud nos valetudo in statione est, ita de culmine vestro cælestis faciat fauor agnosci.

## ENNODIVS AGAPITO. XLI.

**I**nsolabiliter amantum ferretur absentia, nisi opem darent remedia literarum, quæ ieiunas desiderantium animas pascunt esca colloquij. Benè enim per stylum dilectio amicam sibi pingit effigiem; cum qua sine laboris patientia misceat mella sermonum. Ad hoc magnitudo tua artifex ne impastam



gratiam linqueres, scripsisti. Debeo vicissitudinem, quia memorem mei te esse cognoui. Honore ergo salutationis exhibito, rogo, ut quod scis apud caros, & affectione præditos esse pretiosum, sub continuatione facere non omittas.

## ENNODIUS AVIENO. XLII.


**A** Egritudinis vestrae indicium, in mea contigit incrementum. Nam talis semper est usus, & pene natura solliciti, ut vix credat transisse, quod metuit: & quæ fecit redemptor noster cælesti benignitate præterita, quasi sint in occultis locata suspirat. Verè domne Auiene, iam in me nihil de usura lucis istius, nisi vestra tantum, post amorem Dei, remansit affectio. quando melius mecum agitur, talis sum, qualem me in desperatione dimisistis. Superest, ut precibus vestris, & peccatorum remissio concedatur, & si ira Deo videtur, pro vice remedij obitus celer eueniat: ne amarius sit morte quòd viuè. Domine mi, salutationem debitam tota humilitate persolvens, rogo, ut per vos, quid in causa vestra de Roma nuntietur, agnoscam.

## ENNODIUS MESSALÆ. XLIII.

**N** Unquid aliquando ab effectu destitit, qui Deo cum fiducia supplicauit? Si animus in fide non claudicet, & vota & votorum copia coniunguntur. Ecce egit apud vos si-

lentium meum, quod tanti temporis non  
valuit obtinere loquacitas. Quantum video,  
scripta vestra, nisi taciturnitas, non meretur.  
quos mutos putatis, alloquimini: ab his, qui-  
bus lingua esse creditur, abstinete. Fecisti ta-  
men, quod decuit domnum, & vt ipsi dicitis,  
& parentem: vt me graui ægitudine depres-  
sū dignum puteris alloquio. Rogo, vt hoc sub  
continuatione faciat. Domine mi, saluta-  
tionis reuerentiam soluens posco, vt pro me  
per omnes Dei sanctos supplicare non desi-  
nas, quatenus vitæ redditus, de visione vestra  
gaudeam.





MAGNI FELICIS  
ENNODII  
EPISCOPI  
TICINENSIS  
Epistolarum

LIBER NONVS.

*ENNODIVS ARATORI. I.*



ELIMitalabori meo faueas, vt  
ieiuno veniam præstes ingenio,  
quia nefas est in deuotionibus  
despici amabilem discendi cupi-  
ditatem: quando quod gratiolus  
obtulerit, durus rerum interpres euacuat.  
Laudandus est in studiis, vel qui facundum  
æquare non putatur eloquio. Inter benignos  
& eruditos, quid eligatur, incertum est: cum  
pars vtraque det pretium. Ergo crede diligen-  
ti, & amaritudinem tēporibus legitimi amo-  
ris amolire. Nolo rem voti facias necessita-  
tem: & desideria quibus humanum genus na-



tura peperit, digeras in mœrorem. Non habiturus continentiam, nisi nuptias optet, in culpa est. cōiugalis copulæ vitans remedium, electurus est aut virtutes, aut crimina. Tu te vt metiaris, imploro: vt nec supra hominem plenum casibus iter arripias; nec intra hominem, quæ sunt plectenda mediteris. Vix delinquit, quia natura; & lege non deuiat. Ergo post Musarum castra, & inanes ætate nostra cantilenas, ad curam te ferendæ sobolis muta. vita, quod viluit. quia inter imperitorum exercitus furor est nolle rusticari. iuuat sapientem, hoc esse, quod plurimos. Facebat philosophia in nostrorum nota conuentibus. ego donasse curis cupio, quotiens infelicem incitiam sequitur, qui præcedit. Ergo honorem salutati accipiens rescribe mihi, quid cum animo tuo pagina mea egerit. Nam si quæ mihi sit sentētia flagites: ego ipsa studiorum liberalium nomina iam detestor.

## ENNODIVS FAVSTO. II.

**S**Tat apud conscientiam culminis vestri, quid sublimis viri Faustini voto debeam & generi. & ideo quamuis apud vos credat sufficere, quod pro filio parer rogauit: per me tamē, quia parum putat eius sollicitudo quod egerit, preces frequentat: sperans vt noster adolescens ad maturos, Deo auspice, mores erigatur. vos detis præcepta, quid sequi debeat, quid cauere. vos apud quos necessarium credideritis, scriptione prosequamini.

Hoc scio culmen vestrum, etiam si taceam, esse facturum. sed nec debui tanti viri precibus deesse, nec potui. quæ de re permotus lacrymis superius comprehensi, & ego flens supplico per illam, quæ vobis à Deo concessa est, conscientiam, (sic petitiones vestras pia martyrum saluatori nostro commendet assertio) vt efficaciter apud vos & creator pro filio & dominus Faustinus pro Ambrosio supplicet. & ordinate prædictum iuuenem, & orate pro ipso, vt adolescentem Roma nec vitiis possit, nec moribus extinguere. Scio vos plura apud homines, sed maiora apud Deum præualere. Et ideo securus iam effectum illis polliceor, quos commendo. Ergo reuerentiam salutationis exsoluens, paucis multa contexui. Sufficit Deo placentis viri instructam esse pietatem. & causa, & persona, cum Dei solatio, vestro disponatur studio.

## ENNODIUS MERIBAVDO. III.

**Q**uasi solem facibus adiuvet, & mare exiguo humore locupletet, ita superfluis laborat impendiis, qui per se placitura commendat. Sed stultum est perire occasionem beneficii, quando auxilium fortis implorat. opum largus supra copias ditatus est, si credit subsidium, quod pauper obtulerit. Regale munus sit, cui insigne pretium præstat accipiens. Dominus Faustinus de prolis suæ profectu, supra quam poscit paternæ cura, sollicitus, Ambrosium nostrum hac apud vos credi-

credidit prosecutione communiri. æstimans quod sanguis eius, quod prudentia, quod census, intra Liguriæ angusta delitesceret; & quod artis fama nobilis artaretur obstaculis. alieno præsidio claritatem suam in Romanam lucem putat erumpere. Faceßat ab studiis meis negare testimonium, quod plùs opitulatur auctori. qui enim bonos asserit approbatur. Videte quæ de vobis fiducia sit; cui quicquid præcipuum habet, nobilis terra, commisit. Nolo putet apud nos, quod hac sit familia potius, inueniri. Sufficit honorum cupidis sic plures vincere, vt potissimis comparentur. Honestatem iuuenis vulgatus natalium pudor ostendit. faciat diuinitatis dispensatio, vt per vos principia eius hîc benè locata solidentur. Ergo honorem salutationis accipite, & petitioni meæ paterna, sicut præceptores vocauit antiquitas, pietate respondete.

#### ENNODIVS PROBIÑO. IV.

**S**I apud eminentiam vestram supplicatio mea recordatione sublisteret, crebra scriptione patuisset: nec quos apud Liguriam vestros dignatione vocabatis, sepeliret obliuio. Sed quia loco & opibus diuisi, nec diligentia lege comparantur: ideo perfectam subiectis caritatem, si digni sint allocutione, præstatis. hac in amicitiam discretionis coeuntes, vt vos cogamini tantum respicere, nos amare. Erit vilius superba con-



ditio, si plus à potentibus, quàm verba præstolantur. Ad querelam descendi caritatis imperio. debuistis me post periculum quod videratis, dignum putare colloquio, vel quia recentis mysterij reuiuiscntem commendabat assertio. puto quòd digni sint bonorum gratia de sepulcris redemptoris nostri potentia restituti. Ego tamen, quamuis sim prodigus frontis & garrulus, nec dum de me fiduciam gerens, propinquos insinuo. Præsentium portitor, domini Faustini filius, sufficienter bona pollicetur merita de parente. hunc vt vos foueatis, imploro. quia bene nostis qua sit creator eius morum luce conspicuus: nec debet ad alios festinare, nisi ad vos, quemcumque vitæ auctoritas armat & generis. Ergo, domine mi, obsequio salutationis impenso, rogo, vt prosperitatem vestram epistolaris cura manifestet.

ENNODIUS HORMISDÆ

*Diacono.*

XXV.

**C**Alestis dispensatio epistolaribus beneficijs iunctos caritate consociat: dum quos discernit itinerum prolixitas, in remedio sollicitudinis iungit affectio, si sit cura sermonis. Silētium tamen vestrum nimis admiror, quòd post depositæ sarcinas ægritudinis nulla me allocutione subleuastis. Sed quia loquēdo opportunè cogimus, vt loquaris, vel garruli imitatione responde. Bene enim res desiderij & poseitur & impetratur exemplis. Ergo honorem salutationis impendens, indico me, Deo propitio, iam valere: supplicans, vt vicaria

EPISTOLARVM. LIB. IX. 259  
mihi styli promulgatione benedicas.

ENNODIVS BEATO. VI.

**S**I proferenda temporibus de eruditionis  
smesse pectoris horreo condidisses, ieiunæ  
ab epistolis tuis commeantium dextera non  
venirent. Sed quia negligentiam & sterilita-  
tem tuam sermonis prodit abstinentia, nos  
necesse est iterum ad culturam admonitionis  
assurgere, & terga iactis infœcunda seminibus  
recidiuis ad vbertatem sulcis vrgere. Vbi sunt  
monita, quæ apud te asserebas esse victura?  
vbi studium colloquendi, per quod & scientia  
patefcat, & caritas? Clamant silentia tua, te  
non assecutum, quod boni dignum possit esse  
iudicio. Nam sicut rara doctos, ita con-  
tinua prodit taciturnitas imperitos. Ergo  
erubescere, & tandem aliquando rumpe  
vincula, & impedimenta sermonum. Osten-  
de quid valeas, ostende quid promoue-  
ris; si tamen te iuxta votum nostrum gratia  
superna non deserit. Nunc salutationis hono-  
rē accipe, & breui contentus epistola, agnosce  
patri tuo, quæ longa correptione reserentur;  
fuisse mandata.

ENNODIVS AVIENO. VII.

**B**enedico Dei nostri triplicē in maiestatib.  
vnitatem, quæ me inter angustias meas,  
perfectæ sanitatis loco, de cōiunctionis vestræ  
munere subleuauit. Venit ad me sera quidem  
relatio, sed votiua. adsit redemptor noster,

& impleat, quod inclinatus supplicatione concessit. Domine mi, salutationis reuerentiam soluens; rogo vt actionis vestrae summam de suburbano illo cum parente vestro domino Liberio, Christo vobiscum adnitere, compleatis. quatenus si euenit commutatio, pretium dignetur accipere; ne diutius sub promissionis nutemus ambiguo. quia vos nostis, nihil plus esse, quod in hac supplici vestro mundi conuersatione praestetis.

### ENNODIUS VICTORI. VIII.

**D**Vm inscitiam sublimitas tua praeloquitur, eruditionis secreta patefecit. impugnas perfectione, quod asseris. Nam dum te saluo pudore illiteratum esse confirmas, quid naturae vigor, quid studiorum lima contulerit, declarasti. Credat mihi sublimitas tua, imbuendum liberalibus disciplinis iam suis bonis ditauit. Si talis lingua prosequitur fratris Pauli filium, facunda adstipulatio & commendat, & edocet. Nihil longè degentibus magistris opus est, quando digna laude loquitur, qui dirigit ad docentem. Erubescio insinuatum minus inuenisse, quàm detulit: Deum rogans, vt quod de me per affectionem praesumitis, ingenij valeam virtute complere. Vos tamen honore salutationis accepto, quibus libet officium sermonis impendite; dummodo sollicitudini meae de prosperitate multiplex scriptionis cura respondeat.



## ENNODIVS CAMILLAE. IX.

**I**ntercepisti nostrum, nescio quem secuta, consilium. Nam paruulum tuum, quem studiorum liberalium debuit cura suscipere, ante iudicij convenientis tempora, religionis titulis insignisti. Veneranda quidem Ecclesiastica forma seruitij, sed quæ ad duas partes animum non relaxet. vnum & difficile iter est, quo itur ad Christum: nec occupatos multipliciter aliquando vita arcta suscepit. Prope rantes ad se de disciplinis sæcularibus salutis opifex non refutat; sed ire ad illas quæquam de suo nitore non patitur. Iam si eum mundo subtraxeras, mundi in eo schemata non requiras. erubescō Ecclesiastica profitemtem ornamentis sæcularibus expolire. Adnueram quod per Patricium Diaconum, quantum ipse asseruit, postulasti. quid oportuit eum aliter ad me, quàm diebus ipsis inuentus est, destinari? Si iudicium meum conlulis, volo ad me pertinentes magis merito sanctos esse, quàm titulo. Verè animum meum de quietis statione ad cogitationum pelagus expulisti. Suscepi tamen, Deo auspice, sanguinis mei vernulam. Nunc restat vt conatibus meis fauor cælestis arrideat, & negligentias hominum piæ moderationis vbertate componat. Domina vt supra, salutem debitam dicens, precor, vt nunc geminam sollicitudinem pro vtrisque suscipias, & Deo nostro commendare assiduis precibus non omittas.

## ENNODIUS CELSO. X.

**L**Enocinium est, non gratiæ sacramentum, quod tantum præsentibus exhibetur: amicitia sinceritas & longè positos non relinquit. Quid possit vera fides intelligat, qui tunc adipiscitur beneficia, quando desinit supplicare. ego mihi debeo, quod ad stationem precum trans Gargara positus peruenisti. Tu luce conscientiaë amicos & literas vno à te tempore diuisti; sectans non solum longinqua, sed abdita: ita ut nusquam te sagacis boni persecutor inueniat. Semper & hic quidem latentia inter lepores cubilia diligebas; sed sæpe latebram tuam, qui pressò ore vestigia rimatus est, inuenit. Nunc altiori consilio credo, ut maiores accenderis, te hominum cæcibus submouisti. Ergo solam pueritiam debuisti Mediolanensibus tuis & virum te tenere debuerant, qui puerum possederunt; & quos lætificasti de amplexibus, debuisti iunare consiliis. Sed hinc alias. tu tibi prouisionum tuarum aut gaudia debebis aut lacrymas. Ego interim salutationem præfatus, memor debiti, donationem de puero destinavi, hoc apud me reputans, ut nec importunus in tempore diffidentiaë suæ vinceret, & cessans inter desperationis mala gauderet.

## ENNODIUS FAUSTO. XI.

**S**uscipi literas multiplici gaudiorum dote locupletes, & gratia circa vos Dei quam

noueram nuntiantes. Protinus testibus Christi nostri cum lacrymis, quas suggerebat hilaritas, indicata patefeci. & quod per ipsos impetratum fuerat, gratias referens, quasi nouus relator asserui. Verè, domne Fauîte, simpliciter in hac causa vulgatum est, quid haberet meriti, quid virium in precibus illa sancta anima, quæ præcessit. Nam & si sit spes nostra adhuc cæca mundi luce vestita; sed quod conueniens esse nouerat sine nostræ actionis labore promeruit. cū à nobis diuideret res in manib. collocatas, obtulit longa statione distantes, felicius tribuens necessaria, quàm cupita. Ergo mundus iste veri aliquid habet: aut si non habet, non de eius ditioe mox rapitur. Mentiti sunt homines, qui se iurabant accipere beneficia, si dedissent. etiam superna dispensatione coniuncti sunt, à quibus nec accepimus blandimenta, nec dedimus. certa de desperatione confidentia, & nebulosum de publicata promissione constitutum. Verè dicerem, si dole-ret ista discissio, quòd tales homines nec illa, quàm dicitis nutricem mendacium esse, Liguria potuisset mittere. Quid arguam prius in illis? fallaciæ, aut fatuitatis obscena? perdiderūt duos, qui inter se sanctorum impetratione sociantur, per quos potuisset diu iacentis, & in ymbra coactæ familiæ scintilla reparari. Memores estis, domnum Auienum vobis in Ecclesia dixisse, Deum se de illa puella specialiter non rogare. Vide progeniē sanctis creatoribus ad vsutam vitæ procedētem. Intelligebat plūs se parentum fletibus, quàm actione promotu-



psal. 24.

Y  
rū. Gratias tibi omnipotēs Deus, gratias rector  
fidelium, qui ancillæ tuæ vota respiciēs, prophe-  
tiæ in ea pollicitationes implesti, dicētis: *Ani-  
ma eius in laudibus deprecabitur, & semen eius hereditabit  
terram.* Perfice, pie arbiter, quod remansit, & in  
alterius serui tui copula serenus adspira. Mihi  
si hæc videnda morbus, qui iam vitalem  
præoccupauit substantiam, non relinquit;  
videat de illis bona pater; & au, proauque  
ante transitum suum nomen accipiat. Me  
tamen, quamuis peccatorem, adhuc gratia su-  
perna non deserit; qui admonitionem cau-  
tione præuenio. Nam desideria mea ne le-  
gati Provincialis nomen acciperem, licet  
cum dolore, suspendi. Timui ne aut rerum  
Dominus, vobis disponentibus hæc à se  
exigi crederet, quæ cogit necessitas postula-  
ri; & ego redderem officijs onerosus, & actio-  
nibus infæcundus, quamuis nec exequi, nec  
initinctis par esse sufficerē. Rogo vt supplice-  
tis Deo, vt me, vel vsque ad votorum commu-  
nium tempora, in mundi istius seruet incerto.

## ENNODIUS MESSALÆ. XII.

F Ero vestrarum absentiam literarū, si sic ad  
incrementa gaudij mei pertinet, quod ta-  
cetis. Non est molesta paginalis intermissio,  
si cum splendidis dictionibus iunguntur rara  
colloquia. Quod de gratia circa vos Dei,  
quod de sanctis parentibus præsumatur, ac-  
cipio. Iam suffragijs amicorum Dei, qui ti-  
bi pater & frater est, agnouisti. Verè dicti-  
onem tuam sine lacrymis, quas dabant gaudia,

non relegi. Nolo apud te, quæ de te sentio, verborum importunitate producere. Labora vt quod suggerente in sensibus vena inuenis, componas eloquentia. Nihil tibi à domni Fausti, & domnæ meæ matris tuæ filio minus est; nisi quod ipse studiosè subtraxeris. Parcat tibi tamen Deus, vt credas me inmemorem esse tui, dum impredientibus morbis frequenti te scripture non veneror. debes nosse dignum esse venia, quicquid necessitate delinquitur. Domine mi, salutationem plenissimam dicens, benedicere me Deum in operibus eius de domni Auieni conjunctione significo; & de te, quod eius pietas pollicetur, exspecto.

## ENNODIVS PANFRONIO. XIII.

**P**Eregrinari me in solo patrio vobis absentibus crederes, etiam si valerem. At cum ægritudo mihi & quorundam insistat infirmitas, inter vtraque quid faciam? quis vno tempore, & morbos ferat, & perfidos? Scias nulla cautione, nulla innocentia, in ciuitate nostra, quæ Deo medio promissa sunt, custodiri. totum felicitati tribuitur, nil amoris. circa humiles rara dignatio; optimus ille, qui celsior. Sed hæc ego non pro mei, cui nihil superest quod sperem, consideratione suspiro. dolet mihi illos perire, quos diligo. Pleniùs vobis rem omnem, & quam propter studium vestrum inuidiam contraxerim, homo vester insinuabit. Ego honorem salutationis impertiens, rogo, vt scripta mea, &

domno Auieno, & domno Liberio protinus contradatis; & per ipsum, qui vobis Pamfroniam nostram sanam contribuat, coniuro, vt vos me quid responsi dederint instruat. quia si regius occupatione aliqua negatur aduentus, ego ad vos, Deo meo suffragante, sub quauis membrorum meorum fragilitate venire festino.

ENNODIUS ELPIDIO  
Diacono. XIV.

**D**Eus sanctitatem tuam misericordiae suae & gratiae prosequatur insignibus; qui de humilitate mea, rem amici faciens, dignaris esse sollicitus, & me, meosque promittis peculiari affectione te colere. Scio quia Deus propitius tibi sic gratiam inuicti Principis contulit, vt humilitas Ecclesiastica non periret. Verè, domne Elpidi, si dignatur pius rex de seruo suo esse sollicitus, tu fecisti: cuius animo nullus amicorum vicem poterit repensare. Scias me tamen quotidie diuersa affligi qualitate morborum; ita vt de vita desperem. Rogo tamen, honore salutationis accepto, vt domnum Faustum, & filios ipsius, memor animae tuae, sinceriter diligas; & pro anima mea, quantum praeuales, orare non cesses: quia non remansit in luce quod sperem. Rogo etiam, vt me frequenti digneris alloquio, & si dominus noster ad Liguriam venturus est, intimare procures.



## ENNODIUS STEPHANIAE. XV.

**B**ene est animo meo, quòd grauatum peccati fasce meministis; & inter illas sacri pectoris curas, quantum epistolæ ad domnum Auienum destinatæ manifestât, personæ meæ non emergit obliuio. Deo gratias ago, qui per indebitam delinquentibus clementiam solita miseratione succurrit, dum eos sanctarum animarum intercessione sustentat. Non credo, quòd inter orationes deseratur, quem nobilitatis alloquio. Saluto ergo humilitate, qua dignum est, & rogo, vt illi assidua orationum donetis suffragia, quem commemorationis pascitis vbertate.

## ENNODIUS ADEODATO. XVI.

**O**lim ad beatudinis tuæ scripta responderam, si facile fuisset Romam pergentium itinera deprehendi. Ecclesiastica humilitas à mundi potentibus, quasi res peregrina, transitur. Vt primum tamen domnus Dioscorus Romam perfunctus pij laboris remeauit officio, ad restitutionem debiti, reuerentiam vestrâ suspiciēs, adspirauit. Vos filios vestros, domnū Paulū, vel sanctam progeniē ipsius redire Romā cupitis, nos manere. dispar sentētia ad vnū affectionis callē sine errore reuertitur. Deus tamē optimus dispēsator, quod felicitati eius scit cōuenire, disponat. Mihi domni Faustī, suorūq; prosperitas præsētię vice blāditur.

Domine mi, salutationis cultum pleno amore dissoluens, codicem, quem dedistis, filio vestro domno Præfecto remeante, transmittito, vos meum, aut illum, quem promissistis, si placuerit, destinate. Illud tamen specialiter conferentes, ut orationum vestrarum nunquam me propugnatione nudetis: quia nullus mihi murus potior esse aduersus peccati arietem poterit, quam si illarum me tutela defendedit.

## ENNODIUS APODEMIAE. XVII.

**N**on clauda fides opinionis antiquæ, quæ perhibet, quod propinquitas generis non defrudetur longinquitate regionis. Manent familiarum suis iura cardinibus; nec quæ sunt diuisa habitaculis, dissociantur animabus. percurrit ætherius vigor, ubicumque carnis cognatione producitur; & illa celestis portio vnius patriæ non continetur angustijs. Sic tu, domina mea, longè à corpore degentem Ennodium perquisisti, efferendo desideratis nobile munus adspectibus. Accepi cucullam, qualem debuit dirigere religionem profitenti. Sanctissima, ora, ut dignum me humilium indumentis, & si non inuenerunt dona vestra, tamen meriti sui nobilitate perficiant. Domina mi salutem largissimam dicens, rogo, ut crebrò venerandis releuetis alloquiis. Lænam & racanas, cuius vos volueritis coloris, rubei, aut fusci, mihi sub celeritate dirigite.

## ENNODIVS STEPHANIAE. XVIII.

**S**ufficeret equidē pro epistolari cōmmercio meritum portitoris, cui & vena sua quod loquendum est, & pura circa me ministrat affectio. Sed animus meus ad duplicatum festinat obsequium, nec simplici, quam reuerētia vestra exigit, humilitate contentus, domno Anieno scripta cōiungit illi, quem de stirpe vestra procreatum & vita prodit & oratio. Grauit̃er tamen fero, quod rusticas voces nimis vrbana, & subtili elocutione narratis. Non ita circa familiam vestram gratia cælestis innotuit, vt aliquem in ea liceat maioribus suis aut lingua esse, aut actione dissimilem. nisi fortē quod vos supra claritatem seniorum sanctæ viduitatis in vobis fulgor irradiat. Nempe illius domni Fausti germana es; in cuius Præfectura, quod monachos instituat, inuenitur; quem plus est actione venerabilem esse, quàm titulo. Rogo vos seruitio salutationis exhibito vt nunquam scholasticorum indociles compositiones sanctis dictationibus misceatis. sufficit mihi quod admiret, quod si mereor sequi debeam, in vestris sensibus inuenire.

## ENNODIVS AGNELLO. XIX.

**L**ongo animus meus pependit incerto, Lvtrum pro diligentia notitiæ vestræ iagam scriptiōis amabili præsumptione pul-



sarem, & excellentissimi hominis per hunc callem pectus ingrederer, an per homines vestros vaga salutatione contentus, secreta quibus oblidebar irrumperem, quia visum mihi est non esse in hominum numero computandus, quem hominū potissimus ignoraret. Et planē illi nec mores suggerunt fiduciā, nec natura, qui in arce locatis absconditur: vobis præcipue, quos vterque orbis amica & socia diuersitate complectitur: quod Dei timor gratiæ suæ comitate firmatos fecit iam honorum summa largiri, & ad quos vix præcipui perduntur, ad opinionis gloriā dare subiectis. Laudandi sunt apices: sed ad eos sudore maximo vix venit. Quod tamen feliciter dictum sit, & inter mūnera vestra sunt culmina. Ergo salutans reuerenter, epistolam breuitate concludo; ne ante dignationem vestram videatur importuna laudatio. Latius post responsum paginale, quod moribus, quod potentiæ vestræ conuenit, eritis mūdo mecum attestante lecturi.

*ENNODIUS MASCATORI. XX.*

**E**T me sperare quod pium est, & vos decet annuere. Nam disparibus vijs ad vnum finem remuneranda tendit intentio. Vos solatia rebus impenditis, à me tenui sermonis præstolatur auxilium. Sic fit, vt cui incumbit per officii considerationem præstare potiora, vix possit exigua. Reddat ingenuitatem homo palatij; quia Ec-

clesiæ nihil amplius sufficit, quàm præcari. Scitis pro ascinis à quo veniat retributio; si inuentur. Succurrite his, quos & patria terra captiuat: quibus & inuidia est cum originariis, & conditio dolenda cum profugis. Pluribus Christianum & sapientem non decet admoneri; ne longa deprecatio fructum sibi videatur adscribere laboris alieni. Saluto ergo humilitate qua dignum est, & vt præfatos cum gaudio ad me remittatis, imploro.

## ENNODIVS ELPIDIO. XXI.

**E**T si te immemorem mei Pontica facit inhumanitas, me tamen imitari non decet, quod accuso. Sic de ciuitate Mediolanensi quasi Icarus auolasti, & nec mandati me salutatione dignatus es. Sic faciunt quos potentium lateribus iungit inopinata sodalitas. Musca moritura, iustum est, vt si per naturam non potes, ad effectum meo inuiteris exemplo. possunt tibi alii pro abundantia facultatum vtiliores existere; esse tamen non valent dulciores. Sed redeo ad considerationem patriæ; cui debes bonorum obliuionem & miseriam qua laboras. Nunc ergo, honore salutationis impenso, seruum tuum ad hoc direxi, vt filio tuo domno Præfecto & tibi nuntiaret in Christi nomine, me de suburbano illo documenta legitima suscepisse, vt vos cum filio vestro domno Triggua, quod necessarium videris, agere non omittas.

## ENNODIVS FAVSTO. XXII.

**S**pero in Trinitate Deo nostro per suffragia veneranda Sanctorum, quod seruos in quocumque loco positos, quemadmodum munitur oculi pupilla, custodiat, & ad bonam valetudinem reducat, quicquid inimica fregit inæqualitas. Ego tamen & si corpore nequeo, sequor officijs. Nam imperio sollicitudinis verba congesi, deprecans, ut quàm sani sitis edocear. Ecce vix fero breuem, absentia longa fatigandus. sed potentes sunt & amici domni, quibus vos anima sancta commisit. Ego memores, ut depositum seruent, sine cessatione conuenio: aderunt partibus suis, & quod ab eis susceptum est, sine imminutione seruabunt. His addo, præstante omnipotentis Dei misericordia, seruos vestros de Venetijs iam regressos exhibuisse documenta confirmata de legibus. hîc introductionem solemnem illico fuisse confectam. Nunc vtrum amico a vobis dici aliquid debeat, illa qua soletis maturitate consulite.

## ENNODIVS LIBERIO. XXIII.

**D**atum est mihi, cælestis infusione mysterij, libera habere iudicia, etiam cum sim beneficijs obligatus. Est enim superni muneris, ut ingenuam sententiam ferat obnoxius; nec delectetur immanitate gratiarum vi-



gor examinis. Diuinum est, quando sine corruptione de te loquitur cui multa contuleris, nec iniquum ponit aliquid in lance veritatis donorum tuorum opibus subiugatus. Nam ubi de potissimis sermo est, & in aures mundi itura formantur, publicum testimonium priuata actio cur obumbret? Debeo, quidem celsitudini vestrae plusquam vniuersitas; sed nolo majus aliquid, quam vniuersitatis possunt ora depromere: & epistolaris angustiae lege contentus, satis modicum de illa meritorum messe praelibo. Felicissime hominum, hoc totis hostilitas virium suarum laborat impendijs, vt per totum orbem tu solus dissipata componas. Aestimationi remanet, qualis sit ille cui militas, quando lapsa, exusta, perdita, cum te aspexerint, conualescunt. Vix pascebatur Italia publici sudore dispendij, quando tu eam sine interuallo temporis, & ad spem reparationis, & ad praebitionem tributariam commutasti. Lati coepimus te moderante inferre arariis publicis, quod cum maximo dolore solebamus accipere. Fuit semper vbertas nostra dispensatio tua. Iuuerunt venerabile superna consilium. Nam vires vectigalium tu vel nutristi pro bono publico, vel dedisti. Culminibus omnibus sublimior, tu primus fecisti regales copias sine malo priuatae concussionis affluere. Tibi post Deum debetur, quod apud potentissimum dominum, & vbique victorem, securi diuitias confitemur. tuta enim tunc est subiectorum opulentia, quando non indiget

Quid quòd illas innumeras Gothorum cæteruas, vix scientibus Romanis, larga prædiorum collatione ditasti: nihil enim amplius victores cupiunt, & nulla senferunt damna superati. Taceo, consideratione paginalis eloquij, communionis & blandimentorum tuorum mel-la præceptis cælestibus instituta, non minùs rebus nobilitata, quàm verbis. orationem meam ad ea, quæ eminentiæ tuæ debentur, vota transduco. quia mecum Galliæ in hac adstipulatione conveniunt, vt Christo Deo viuo disponente, ordinatis illis, quibus ciuilitatem post multos annorum curriculos intulisti, quos ante te non contigit saporem de Romana libertate gustare, ad Italiam tuam, & poscentibus nobis, & illis tenentibus reducaris. Sic vtriusque orbis per sanctas actiones indigena, venerabilem domum, & summates filios cum vniuersis Italiam possidens videntibus, felicitis præsentia tuæ dote sublimes. Ego autem seruitiis salutationis exhibitis, valere me nuntio, & de vobis, quod voto meo satisfacere possit, expecto.

## ENNODIVS AVIENO. XXIV.

**B**Ene erat animo meo, si vel ad scripti-  
onem frequēs portitorū suggereretur oc-  
casio. quia in remedio desiderij senior prouidentia munus literarum comparauit, in quo ad vicem præsentia formato æstuantibus blanditur alloquio. & licet de ipsis remediis mens ægrescat absentium, & de medicina sol-

licitudinis cura geminetur: attamen non sunt deferenda, quæ sola sunt. Ergo infante Valentinio Romam petente, quantum sub celeritate potui, de his quæ erant loquenda, subripui; breuiter significans valetudinem corporis mei fuisse turbatam. Satis est tamen, si nuntio prosperitatis vestræ, dum sit hilaris anima, conualecam. Domine mi, salutationis munis, sicut reuerentia vestra postulat, exsolutis, rogo, vt iam me de votorum effectu, & de bonis vestris epistolaris subleuetis promulgatione colloqui.

## ENNODIVS AGNELLE XXV.

**G**Ratum mihi est ad magnitudinem vestram literarum munera promulgare; quia & generi, & conscientiæ vestræ, non tam exhibetur honor iste, quàm redditur. Iustum est, vt religiosi homo propositi sanctam viduam, & nobilem veneretur ingenuus. Ago Deo meo gratias, quia bonus opinionis vestræ ad nos odor emanauit. Ille vsque ad consummationem vitæ fructus tribuat, qui bonam radicem in hac sæculi conuersatione plantauit. Bene fecisti, domna Agnella, mundi istius blandimenta respuere: & dum celsiora sequeris, etiam quæ potuerunt venire à legitimis remediis, non habere. scisti non solum veniam querere: sed coronam. Gaudeant de medicina languentes. propè est, vt proximior sit integritati, cui conceditur, vt feliciter dedicat illecebras. Ergo, domina mi, salutationis



gratiam, honorificentiamque perfoluens, rogo, vt pro me amico & parente tuo Apostolorum liminibus non desinas supplicare, vt merear seruare, quod prędico, & quod in aliis extollo, ipse non negligam.

*ENNODIVS MESSALE XXVI.*

**S**Cio equidem vos pro desiderio meo fuisse subtractos. sed aliud spei de sollicitudine vestra pręceperam. Nam & qualiter dominus Deo pręstante valedixerit, & qui vobis itineris ordo fuerit, si mei memor esses, agnouerā. Sed quid facio, qui negligentiam vestram, nec suggerendo formam affectionis expugno? Ergo si te; Christo Deo nostro tribuente, spes nuptialis afflauerit, Ennodij memoriam non fugabis. quando nulla sic cessit maior diligentia. & pius amor exclusus est, tantum a pectore tuo, quantum ab oculis submouebor. Sanus esto, salua vita patris, & fratris tui, Deus vobis beneficiat. agnoscant quod pascat auditum, quale vultis circa me exhibete propositum. Vnum te rogo, honore salutationis exhibito, vt apud dominos Apostolos pro me digneris preces offerre; vt ipsi miseras meas medicinaliter curent, nec patiantur me quicquam velle, quod non de ret: castigent pręsumptiones mētis, & corporis. Quod si facias, credo pro innocentia & puritate tua te melius pro me, quā si essem coram positus, audiendum.

ENNODIVS AVRELIANO.  
Episcopo. XXVII.

**D**Ebeo equidem dolori meo vocem, sed reuerentiæ vestræ taciturnitatem. Et fortè melius mœrorem de abstinencia sermonis vestri sequeretur muta dissimulatio. urbanū enim & subtile erat, vt eisdem lineis, quibus in me delinquitur, potiorum delicta ferirentur; vt secum haberet culpa vindictam. Sed quò me vertam, qui immemorem mei, & humilium notitiam respuentem, pertinaciæ amoris insequi non desisto? Nunquid non repudiati importunitas mater horroris est, cū placendi per assiduitatem desiderium materiam exigit displicendi? Nam quicquid mente fugimus, ingestum oculis vix videmus. O si mihi liceret adhuc æquali cum beatitudine tua fortè contendere! sed dormiunt apud coronam tuam propinquitatis priuilegia, postquam pater esse meruisti. Retinet quiscquam hominum perire suis iura necessitudinis incrementis; & accessione piæ dignitatis & generis, & diligentia vincla dissolui? Ergo decuit euectionem meriti vestri instabili mihi esse rumore compertam; & de communibus gaudiis adhuc pendere opinione contentum? Electus sum, cui bonum generale taceretur, vt rem aurei sæculi solus pro conscientia meæ obscuritate nescirem. Nobilis vita & genere apicem Ecclesiastici honoris ascendit, & me dedignatur alloquio. Verè tale factum aut

studio, aut negligentia euenerit, non probatur, Ego tamen seruitia salutationis impendo, & Italica simplicitate, vnde tristitiam habuerim, sine dissimulatione manifesto.

[ ENNODIUS AGAPITO.

XXVIII.

**D**Vriter officium gestientis animi ad memoriam tristium mens recordatione stimulanda reuocauit. Nam semper remedium obliuio doloris est; quia quod ratione non possumus, temporum prolixitate sepelimus. Bene est, quia diuturnitate senescit afflictio, & magni doloris consolatio per silentium procuratur. Nam in huiusmodi negotiis plus agitur, nil agendo. Sed quid facio, quia epistola nostræ lectio iam obducta cicatricis penetralia rescindit, & sepultam immaturi funeris recordationem amara sorte viuificat? Ergo ego communi fratri consolationem dare poteram, cū, si quid humanitatis in me esse creditur, sic dolerem? aut vnquam flens placuit consolator? ergo expectatur medicina de morbidis? Non de me, domne Agapi, bene iudicas. si & in germani tui mœroribus, & in obitu spiritualis filij, ego, quasi opinionij tuæ disputator occurro. Sana pectora iter curationis inueniunt: nemo alterum vnde ipse laborat, absoluit. Sed hinc aliās. potens est Deus, qui solus ad ista valet occurrere, & communis mali subleuare pressuram. Vos tamen honorificæ cultu salutationis imper-



tiens rogo, vt crebrò mihi epistolaris commercij munera conferatis: ad quæ studia pigrum esse nec amantem conuenit, nec facundum.

EN N O D I V S L I B E R I O.  
XXIX.

**S**I poëtarum spiritus disciplina paginalis admitteret, centena ora, & vox ferrea vix, quod celsitudini vestræ à me debetur, verborum vbertate referaret. Sed quia magnis obnoxius, vix ad pauca sufficio, prouidi post Dei misericordiam vestræ gratiæ repensorē. Nam frater vester domnus Faustus, dū debere se beneficium, quod mihi tribuistis, eloquitur, ab imbecillis ceruicibus grauis oneris sarcinas amolitur. Sunt inter duos præcelsos ista communia. vos vobis & dare digna nostis, & reddere: me sub fasce vestri muneris constitutum sola manet de obnoxietate confessio: dum præuentum gratiæ vestræ mole quod voti compotem fecit, hoc imparem. Adsum tamen partibus meis, & inter orandum, quāuis peccator, Deum, vt pro me quoque vobis reddat, imploro. Ecce duo ista sufficiunt. nam & de cælo pro me expectatis, quod vos exhibuisse meministis: & est æqualis, qui se debere fateatur in terris. Expecto tamen beneficij vestri celeriter supplementum, vt litteras, quales per sublimem virum Tranquillinum sum precatus, accipiam.

His tamen aliam vobis miserendi viam bene morum vestrorum conscius exhibebo. Camilla parens mea, intra Gallias & viduitatis miseria, & gemine iam captiuitatis succubuisse fertur incommodis. Nemo est, qui tam multiplices necessitates præter celsitudinem vestram possit auertere. generis mei patronus, quod in Italia positus præstitit, non neget in Gallia: vt de casellulis ipsius, ordinatione vestra, dum ab eis fisci onera deriuantur, ad præfatæ alimenta sufficiant. Domine mi, salutationis seruitia dependens, rogo, vt portitorem presentium, hominem meum, quem ad hæc exequenda destinavi, Deo vobis inspirante, ad meum effectum eminentia vestra iubeat commeare. Nunquid dubitare de postulacionibus suis eum conuenit, qui se nouit, & illa, quæ non poposcerat, impetrasse?

[SYMMACHO PAPÆ.] XXX.

**N**atura rerum est, vt etiam idoneus ore vel pectore possit de præsumptione culpari. quia omnis verborum commoditas humilitatis terminos egressa calcatur. & sicut habenda sunt quæ exiguntur in pretio, ita ingesta vilescunt. Importunitas cum facundos opinionis nobilitate dispoliet, dedecore vestit indoctos. Sed hac me ratiocinatione sustento; quia est quidem audax, sed amabile præuium præstitisse sermonem: & sicut vicinum temeritatis, ita proximum diligentia ad caritatem

pertinens iter aperire Inter Ecclesiarum homines nunquid reatus est, si pari amore contenderint dispare dignitate? aut excedunt modici honoris angustiam, qui desiderant suffragio gratiæ summatis comparari? Non habet superbi conscientiam, qui se tantum in affectionis munis non metitur. Præsumo dicere, directus subditorum error est, qui in hac re præcedentes antenemit. Ecce sic partes meas, quasi voluntariæ allocutionis fulcatas nube purgaui. Sed dico, quod ad defensionem spectat vberriam. Filius vester domnus Rhodanius coegit à me in vsum styli præsentis erumpere. Fateor tamen, in studio meo fuisse quod iussit: quia qui volentem coegerit, non laborat. DEO GRATIAS principe loco, & tota epistolæ concinnatione referamus, quia in societatem capitis sui aliquando Romana membra coierunt. Iustum erat, vt & B. Petrus Apostolus sedi suæ Ecclesias, & senatui liberiori per Dominum partes debitas reformaret. Dignus regnator, dignus in quo cum ætate votorum summa contigerit. Nam & si futura ad posteros felicitas perseveret, litandum illi est laudatione præcipua à quibus sumpsit exordium. Deo efficaciter supplicatis, vt illius vos virtus erueret, cuius potest seruare clementia. Didicistis eius euentus prosperos, quem videtis dum mandat secutam bella victoriam. Parum superest, vt mansuetudinem mentis illius ita profundam teneatis, quasi sit ignara procinctuum. Deo tribuente, nec pax eius turbari dubiis potest,



nec fortitudo qualibet obiectione confringi. Nihil apud illum tutius supplicante. solus enasit præliares acies, qui rogauit. vicit armorum impetus qui obtulit deuotus obsequium. Quod vix veteres Principes præsentia suæ sudore potiti sunt, hoc semper regis nostri breuis procurauit epistola. Per excursus dirigitur felix exercitus ad triumphum. Quis credat militem eius in labore & perfectione habere quidem superantis gloriam, sed continentiam subiugati? Consummatis congressionibus de iræ hæreditate nil remanet. vno tempore, quos perniciosos aduersarij viderint, blandos sentiunt tributa pendentes. Et hæc quidem cælesti præparantur pro hac repensione suffragio. quia fides nostra apud eum, [cùm] aliud ipse sectetur, in portu est. Mirabilis patientia, quando tenax propositi sui, claritatem non obumbrat alieni. nam & Ecclesiarum nostrarum patrimonia relabi, nisi aucta fuerint, ingemiscit. Sic factum est, vt & statum suum locupletes pauperum substantie teneant, & mediocres ad supremam opulentiam conualescant. In sacerdotibus virtutes & innatas colit, & non repertas inspirat. Sed cur beatitudinem vestram præiudicio diffusi sermonis anticipem? Continuo experientia vestra & spiritalis illa perfectio ieiunum me fuisse in filij vestri laudibus accusabit: & cùm soleant amplificari facta colloquiis, sterilem me relatorem de virtutum eius messe causabitur. Iam sæculares apices, curules & trabeas, patricias etiam dignitates qualiter aut naturæ reddat, aut moribus, domestici

perlatoris ad stipulatione vulgetur. Nam & veteres in antiqua generis luce durare facit, & novos splendore inopinati fulgoris irradiat. facilius respublica eius bono dispensationis in priuatam migrat opulentiam, quàm famulantum census in Palatina lucra commutetur. Nunc quod superest, meæ seruitiis salutationis acceptis, prospicite vt Christus redemptor noster quæ in præfato clementissimo Rege seruiantibus sibi contulit, longa ætate conseruet. Det etiam regni de eius germine successorem: ne bona tanti hominis in vna ætate veterescant, & antiquata temporibus pro sola aurei sæculi commemoratione nominentur.

*EN NODIVS AV IENO. XXXI.*

**D**Vm iocundis adhuc, Deo dispensante, fruier de præsentia vestrae vicinitate conspectibus, & amabilia colloquiorum mella venerabili mendacio retineret auditus, occasio mihi scriptionis oblata est. Fateor, diu nolui medicinam desiderij, dum altera procuratur, irrumper. delectabat series animo meo pia ludificatione blandita. nolebam conscius deprehendere, quæ pascebat in amore fallaciã. Benè enim sapit studiis nostris obsequuta seductio, & pro vero libenter admittimus dulcium imagines nuntiorum. grata semina quoties sugatur vigiliis, ingemiscimus: & illud mortis simulacrum de placidis deceptionibus plus amatur. Ergo nunc mihi, quia illud quod præfatus sum stare non licuit, exequendum est quod remansit. Aliquis hominum pro peccati sui onere sic laborat? affligeret, nisi vos viderem: ad cupita perductus mæceror, quia quæ

poscebamur, Deo tribuente, concessa sunt. Nunquid alicui accessit de lætitiæ occasione, quod torqueat, aut de messe gaudiorum egressa est planta tristitiæ? Gratias inseparabili Trinitati, Deo vero, qui vt vota impleat, aliquotiens vota contemnit. Ipse ergo coniunctionis tuæ copulam respiciat: ipse vnum faciat ex duobus, qui in primi hominis corpore, dum adhuc natina & intemerata immortalitate gauderet, vtrosque formauit. Iungatur tibi vxor, vt Abrahæ Sarra, vt Isaac Rebecca, vt Iacob Rachel cælesti benedictione sociata est. Habeas continentis præuiam frugem, & dulcedinem coniugati. legi Dei pareat solutio virginalis, dum quod in se subtrahit, reddit in sobole. Nesciat externam diligentiam bene in vobis solidata communio. illa matrem tuam moribus & conuersatione restituat, tu parentem, Non pereat mundo maiorum tuorum, dum in te renascitur, amplectenda formatio. Nequaquam peregrina vitæ exempla; nec non aduentitia postulantur, in oculis locata sectamini. Ecce ego, qui hymenæis tuis interesse non potui, hac te precum mearum prosecutione conuenio. vos ad vicissitudinem exhibere crebra colloquia. Salutationis amorem & reuerentiam persolvens, rogo vt si memoriam mei de illa locupletati recordatione non truditis, & orationibus me, & colloquiis subleuetis.



*E N N O D I V S A D E O D A T O*  
*Presbytero. XXXII.*

**Q** Vantum à me merito, quantum actione sis clarior, orationum tuarum reserabit effectus. Ecce domni Fausti filij tui abstractam de solatio meo partem maximam tu tenebis. Ego quidem sanctis & legalibus desiderijs precum impedimenta non attuli: sed tanta me domni Auieni perculit pro eius caritate discessio, vt lacrymis prosequerer & ad optata tendentem. Patuit humanarum rerum in hac causa de diuersitate formatio. Illum euocant, Christo duce, votiuæ; me feriunt. Illi blanditur de coniunctione vicinitas, me de sequestratione compungit. Ecce de precum mearum fruge sollicitor: & adeptos nos, si quid in hac parte postulatum est, quod cum Christi pace dici liceat, ingemisco. Sed inter hæc tali diligentia curatione sustentor: quia domnum Auienum superantem vota reddidimus. Habet de origine eius Roma iactantiam, Liguria de profectu. ibi domino Fausto filius naturæ lege concessus est, hîc eruditione paterfactus. Minus fuit cum generalitate hominem nasci, quàm quod inimitabile videbatur, Fausti sobolem comprobare. Referamus ad Deum beneficia sua, & ipsi pro illo redhibeamus gratias, à quo poposcimus quæ tenemus. Vos salutationis meæ obsequia pro sancti pectoris vestri puritate suscipite; & codicem

recipientes meum, cum illo, quia vobis promissus est, destinare.

ENNODIVS CASARIO

*Episcopo.*

XXXIII.

**Q**Uod spe præceperam, literis indicastis. Nam venerandi promulgatione colloquij, quid cælestis imperator domnum regem circa vos facere compulisset, agnoui ego sum, cui postquam meritum vestrum paruit, nequaquam se felicitas actionis abscondit. Qui hominum nobilissimo in Christi servitute Pontifici terrenas dominationes nesciat esse subiectas, & minacem reis potentiam innocentiae obiectione superari? quando principalis purpura aut cilicia despexit, aut pallium? quando libertas illa potissima credidit, sibi ante Christianam humilitatem licere, quod voluit? aut quando ei licuit velle, quod læderet? Quod si inter hæc cætarum ætatis exempla recolantur, & seuitiam circa cultores Dei tyrannicam reducas in medium, scimus quia ab illis nostri dogmatis sectatores, ne vnquam morerentur, occisi sunt. Tunc militibus suis vitam, æternitatem, obsequente gladio perpetuus ille dux contulit. Illi inimicorum suorum ministerio perdiderunt originariam vilitatem. Te, mi Domine, in orbem Christiano diua lex peperit, & Apostolici vberis lacte nutriuit. tu cæteros velut solis magnitudo astris minoribus com-

parata transgredieris. te qui interioris hominis oculis inspexit, instructus est. Nam & cum facie ipsa foveas puritatem, delinquentes feriato ore castigas. Boni de conuersatione tua, quocumque processeris, imitanda inueniunt: malis fugienda demonstrantur. Beatus tu, cui à Deo tributum est, vt & monitis doceas & exemplis. qui ad pij itineris directum semper existens prauis inuitasti. quis non optet, te loquente, vt sciat plura, non legere? Tu dum libris genium relatione concilias, & magistros informas. tibi debet quicumque ille scriptorum maximus, quod eum dote elocutionis amplificas. In te lux conuenit sermonis & operis. Vnde hæc prerogativa Transalpini? vnde parentibus meis inauspicata sublimitas, vt talem virum miserint? Sed cur inter terrena quæritur res cælestis? Potuit ergo ante te quodlibet palatii supercilium non iacere? potuit tibi cupita subtrahere, quem mitiorem ouibus sola faciunt errata pugnam? Latius me & meritum vestrum vocat, & diligentia: sed loquacitatem meam lex epistolaris includit. Quod superest, benigni seruitutis meæ munus accipite, & me Deo nostro orationum suffragijs intimate; frequenter de his quæ vobiscum aguntur, vel acta sunt, informantes. Deprecor etiam, vt quid apud vos promouerit Rustici supplicatio, qui quantum audio, fornicationes suas nomine vestit vxorum, & vocabulo legis putat excusari posse rem criminis, mihi manifestes ministerio literarum.



*ENNODIUS AVIENO. XXXIV.*

**V**bi sunt, qui dicunt inter habitatione discretos diligentiam non durare, & affectionis calorem terrarum diuisione topecere, nec longiùs procedere mentes posse, quàm oculos? Ecce amoris mei plenitudo violentia sequestrationis exastuat, & colloquij medicina languidior corporis sedibus non tenetur. Deum tamen, qui circa vos respexit vota nostra, benedico, qui vos non solum nobili, sed quantum fama nuntiat, sancta moribus vxore donauit. Cultores Christi perfecta omnia promerentur, ipsis solis in coniunctione, opum, mentium, & sanguinis claritas non negatur. Ipse precipiebam, quòd possit talis effici, qualem ad te audio iam venisse. Transit æstimationem meam quid de eius hominis profectu sentiam, quem audio ab optimis inchoasse. Domine mi, gratiam salutationis imperitians, spero vt petitionem sancti Episcopi patris vestri dignemini incunctanter efficere: & homini ipsius classici illum, de quo securus sum, gratè animum condonare.

*ENNODIUS MESSALÆ. XXXV.*

**S**olent inauspicata felicitate superbarum mentium colla mollescere, & rigidioris propositi nouo gaudio supercilia temperari.  
Nam

Nam benignitatem seminat quicquid votis obsequitur : nec plus aliquid humiliat potissimos, quam optata sublimitas. Indicium communionis & obsequij est, ad apicem peruenisse. Tu postquam ad cupita prouectus es, ignorato hactenus tumore me despicias : & quid in melle tuo respicias oblitus, de sola amicos veteres futura vxoris opulentia contemnis : nesciens sarcinam venire, vnde æstimas commeare rem præmij. primum quod mobilem esse non decet, qui originis suæ radios non obumbrat : deinde, quia vnde despicior, vindicabor. Ergo ad vsum promissionis benignè reuertere, ne videar manifesta suspicatus. Ego, quia hactenus ab scriptionis munere temperastis, in hæc verba prorupi. vos aut factum diluere, aut affirmare innocentiam conuenit nobilitate sermonis. Domine mi, salutationis plenissima officia persoluens spero, vt qui diligentem neglexisti, saltem alloquiis facias dignum arguentem.

MAGNI FELICIS ENNODII

EPISTOLARVM

FINIS.


INDEX RELIQVORVM  
operum Ennodij.

OPVSCVLA MISCELLA X.  
DICTIONES XXVIII.

Id est { *Sacra* VI.  
          *Scholastica* VII.  
          *Controuersia* X.  
          *Ethica* V.

CARMINVM LIBER I.  
EPIGRAMMATVM LIBER I.





MAGNI FELICIS  
ENNODII  
EPISCOPI  
TICINENSIS

OPUSCULA  
miscella.

PANEGYRICVS DICTVS  
*clementissimo Regi Theoderico.*

**I**LLVM, princeps venerabilis, in  
laudibus tuis proscibat professio,  
illum à præconiis propositi repel-  
lat consideratio, quem à defensione  
tua aliquod subtraxit officium. Refundat tibi  
generalitas rebus obligata sermonem; dum  
inæqualis vicissitudo compensat laudibus,  
quod adepta est de sudore. Armis tuis libertas  
obnoxia, quod solum potest, hilaritatem di-  
dicit annuntiare præconiis. Tuum est, inclyte,  
deuotioni pretium dare, quam intelligis vi-  
res subditorum non posse transcendere, esse

dispensationis sacræ, de famulis æstimare quid  
 oxigas, in quibus cognoscis totum tibi milita-  
 re, quod prævalent. Propriis maiestas tua  
 oblationem litterariam dignetur altaribus;  
 quia ne senescat claritudo operum, aduocan-  
 da sunt linguarum exercitia. quid egeris, ne  
 vetustas sibi vindicet, obliget catena referen-  
 tum. disciplinarum enim quietem vos tribue-  
 tis, per quas vobis continget æternitas. Nihil  
 amplius cælestis dispensator arcani ab huma-  
 nis pollicit ingenii, nisi vt intelligant, quo ve-  
 niat auctore quod sapiunt. Inter Deo proxi-  
 mos agnouisse qui præstitit, reddidisse est be-  
 neficium. quod descendit à superis, sola hym-  
 norum licet mercede taxari. fabricator mun-  
 di ad potiora mûnera modulatis inuitatur  
 eloquiis. Dicite, si non præmij loco opifici suo  
 lingua blanditur. Iungitur, quòd de sacrario  
 mundi pectoris landatio debet principalis ef-  
 fluere: nec solum linguæ nitorem postulat  
 commemoratio numinis tui, bono adserenda  
 conscientiæ. In diuinis obsequiis feriato ore  
 peragit mens serena sacrificium. actuum mu-  
 nitus claritate, in ætherio cultu etiam mutus  
 obsequitur. Ergo & me titulus, qui obstare pu-  
 tabatur, inuitat. vtinã mundior professio ha-  
 beat concordiam cum secretis, ne dissentiat  
 splendor cordis à corpore.

Salue nunc, regum maxime, in cuius domi-  
 nio saporem suum ingenuitatis vigor agno-  
 uit. Salue status republicæ. nã nefas est, sepa-  
 ratim à te simul collata narrare, & vnius bona  
 temporis verborum diuisione discernere. Si

bella regis mei numerem, tot inuenio, quot  
 triumphos. congressui tuo nullus hostium, nisi  
 qui laudibus adderetur, occurrit. militauit  
 trophæis, qui restitit voluntati. nam semper  
 aut pietati tuæ peperit subiectus gloriam, aut  
 qui præsumpsit tela, virtuti. Qui te in acie  
 conpexit, superatus est: qui in pace, nil timuit.  
 nec promissio venerabilis claudicauit inter  
 prospera: nec passus est moram vigor in  
 præliis. Callis tuus multo vallatus obstaculo,  
 & cotidianas victorias vidit, & profectionis  
 detrimenta non attulit: sic inimicorum in-  
 terclusus agminibus, vt negaret accessum:  
 sic tuo patefactus impulsu. quasi hostium  
 prouidentia nil noceret. Hæc si felicitati  
 tuæ adscribenda sunt, est plena dos principis:  
 omni honore augustior, si labori. Prima  
 dextris omnibus contra naturam certamina  
 suscipiens, ne resistendi spes relinqueretur  
 inimicis, varias tibi loco principe cæli leges,  
 terrarum munimina, fluminum superbia sub-  
 didisti. Mentior, si vnquam dispositis tuis im-  
 pedimentum exhibuit ardor, aut frigus: si tu-  
 more gurgitum, si bibendi necessitate constri-  
 ctus es: si Alpium iuga, connexis poli sublimi-  
 tate sociata, cursibus tuis attulere tarditatem.  
 Nescierunt resistere, quos deuictis locorum  
 munitionibus inuenisti. quia securos faciunt  
 interrupta, quos protegunt; & laxatis in otio  
 animis viuunt, qui tutiora possederint. Ad-  
 uersus te nec campestris habitatio pares pro-  
 tulit; nec quos amplexa sunt inuia, nisi ex-  
 titerunt supplices, à deprædatione subduxit.



In possessione tua positus sine formidine diuitias indicauit: nec rebellem inuit, si pauper innotuit. nemo indignationi tuæ nisi humilitate subtractus est; cum in sociorum profecisset numero, qui rogauit. Non tibi ignotus est alior Scythiæ: non Meroem, aut anhelum æstibus Cancrum, ut alterius possessor orbis, ignoras. didicisti vniversa subigendo, quæ nobis vix auditu patuerunt. Hæc quidem maiora sunt homine: sed qui ad mundi paratur gubernacula, necesse est ut vniversis veniat cardinibus institutus. Nimis velociter tempus maturæ laudis arripui: & quasi non in primordiis fluuius etiam torrentis fatiscat ingenij, sic per narrationis famem fruges perfectæ ætatis inuasi. Laurearum ordines quærit, qui & celeritate earum superatur, & numero. Citiùs à te, inuictissime, insignia quæ reteximus impleta sunt, quàm dicantur. Quis ferat in gestorum suorum elocutione torporem, quem in actione non per tulit?

Educauit te in gremio ciuitatis Græcia, præsaga venturi. quem ita ingressum vitæ limen erudiuit, ut dum adhuc de puero haberet hilaritatem, mox eam sequeretur securitas de tutore. Adhuc in cano flore degebas adolescentiæ, nec virtutum messem lætæus ante experimentum culmus attulerat: adhuc blanda erat imago pubescentis, nec tingens faciem lanugo vestibat: quando æui purpura & flosculus supernenientis imperij promittebat sollicitis de gratiæ commutatio-

ne terrorem. cū in probationem roboris & clementiæ tuæ ruptis vinculis furor emicuit: & euisceratas diuturna quiete mentes occasionis pabulo subiugauit. Pulsā est ex-templō principalis vrbe reuerentia, & in vacuam possessionem nullo adscitus sanguine tyrannus accessit. qui aula potitus, definiuit, postquā metui hostes suos debellauerat, nihil superesse quod gereret. cū animos tuos sine annorum suffragio impulit lux naturæ, ne aut causa melior te corā posito subiaceret: aut non beneficium necessitatis tempore redderes, quod pacis acceperas. In ipsis congressionis tuæ foribus cessit inuasor, cū profugo per te sceptrā redderentur de salute dubitanti. Ventilemus historias, interrogentur annales. apud quos constitit, refusum exuli, quem cruore suo rex genitus emerat, principatum? Castrensis gloria turmarum participatione dispersgitur: nec ad vñum referri potest quod venerit collatione multorum. Singularis boni fructus est, ambitionis refrænatio. illo maxime tempore, quo sine opinionis damno possis adquisita retinere. Par te, inclyte domine, laus respicit donati diadematis, & defensi. Si te illarum rector partium non amauit, percussus præfuit reipublicæ: si dilexit, obnoxius. vsus es in tuorum fide meritum teste purpurato.

Iam tunc in ius tuum se palatia ipsa contulerant. nemo credidit, non te posse ad quem voluisses transferre, quod reddideras. Sed parous in exigendis præmijs, quā

Iussicerent ad vicissitudinem operum tuo-  
 rum, fasces accepisti. non quo tibi accederet  
 genius de curuli; sed vt de te pretium palma-  
 ta mereretur. Quis hanc ciuilitatem credat  
 inter familiares tibi viuere plena executione  
 virtutis? Ille annus habuit Consulem, qui  
 rempublicam non tam sollicitudine, quàm  
 opinione tueretur. quo in segmentis posito,  
 quæ ab hostibus sumpta fuerunt arma, tre-  
 muerunt. Quando talis contigit sorte licto-  
 ris, qualem dedit ab ipsa mundi infantia re-  
 gum examinata claritudo? Nolo per casus  
 errare dominatum. in tuo stemmate probati  
 sunt, qui reperti. Serranum scipionibus aratra  
 pepererunt: qui dum grandia sulcis semina  
 commendaret, honorum ei messis oborta est.  
 Sed minùs diligo prospera, quæ sumunt à de-  
 speratione principium. vix paucos contigit  
 degenerare nobiliter, cum familiæ tuæ debeas  
 actus generis nobiliter custodire. Quid mihi,  
 vetustas, obliuiscas agrestia membra paluda-  
 mentis decorata? Ego tibi, quod admira-  
 tionem vincat, oppono Principem meum, ita  
 ornatum, vt eum non liceat improbari: ita  
 agere, quasi inter imperatores adhuc prece-  
 tur adiungi.

Sed quid faciam, cui fecunda actuum tuo-  
 rum seges occurrit, vbi vniuersa eligentem  
 superant? nescio quas aristas horreis inferam,  
 quas relinquam. Stat ante oculos meos Bul-  
 garum ductor Libertem dextera tua ad-  
 ferente prostratus: nec extinctus, ne peri-  
 ret monumentis: nec intactus, ne viueret



arrogantiæ : in gente indomita domesticus  
adstipulator superfuturus roboris tui. qui si  
sufficiens leto vulnus excepisset, personam  
viceras : quod in luce substitit, submisit ori-  
ginem. Hæc est natio, cuius antè te fuit omne  
quod voluit : in qua titulos obtinuit, qui emit  
aduersariorum sanguine dignitatem : apud  
quam campus est vulgator natalium. Nam  
cuius plùs rubuerunt tela luctamine, ille pu-  
tatus est sine ambage sublimior. quam ante  
dimicationem tuam non contigit agnouisse  
resistentem : quæ prolixis temporibuss solo  
bella consummauit excursu. Hos non mon-  
tanæ strues, non fluminum obiectio, non ne-  
gati egestas alimenti in artum necessitatis le-  
ge continuit : dum credunt satis esse ad deli-  
tias equini pecoris lac potare. Quis ferat  
aduersarium, qui pernicious iumentis beneficio  
currit & pascitur ? Quid quòd & illis anima-  
libus indicunt studiosæ famis patientiam, per  
quæ esuriem vitare didicerunt ? quemadmo-  
dum sit, vt ieiunæ cornipedis sessor visceribus  
cibosextrahat, quos illa ne conderet, diligen-  
tia instruente prospexit ? His antè mundus  
peruius esse credebatur. nunc illam sibi tan-  
tum orbis partem interclusam æstimat, quam  
tueris. Cursim multa transcendendo ; ne pigrio-  
ris stellæ vitio serus aduenias. ne Romanæ fax  
curiæ diu in vmbra coacta tardiùs elucescat.  
Inter vitæ tyrocinia, & triumphorum matur-  
ritatem, pectori sacro affectum nostri cale-  
stis fauor infudit, Iam diuturnæ quietis dis-

pendio, per gubernantium vilitatem potens  
terra consenuerat: iam attulerat publicis opi-  
bus pax intemerata defectum: cum apud nos  
quotidianæ deprædationis auctus successibus  
intestinalibus egeret populator: qui suorum pro-  
digis, incrementa ærarij non tam poscebat  
surgere vectigalibus, quàm rapinis. sauien-  
tem ambitu pauper dominum odia effusione  
contraxerat: sed nec defrudatis viribus, quod  
minuebat opulentia, iungebatur affectu.  
Tunc enim aulae angustia in artum res priva-  
tas agitabat: nec micare vsquam scintillas fa-  
mulantum extinctus tyranni fomes indulse-  
rat. Metuebat parentes exercitus, quem me-  
minisse originis suæ admonebat honor alie-  
nus. nam ire ad nutum suum legiones, & re-  
meare pauore algidus imperabat. Suspecta  
enim est obedientia, quæ famulatur indignis:  
& quotiens prælatos conuenit conscientia  
stirpis vltimæ, & illud metuunt, quod timen-  
tur. Nata est felicitis inter vos causa discordiæ;  
dum perduelles animos in propinquorum tuo-  
rum necem Romana prosperitas inuitauit.  
Generata est ab inualidis causa certandi, &  
ne vel à negotio perituris veniret fiducia, pars  
fugacium prælia concitauit. Tunc à te com-  
monitis longè, latèque viribus, innumeros  
diffusa per populos gens vna contrahitur mi-  
grante tecum ad Ausoniam mundo, nullus  
præter parentem iter arripuit. Sumpta sunt  
plaustra vice tectorum, & in domos instabi-  
les confluerunt omnia seruitura necessitati.

Tunc arma Cereris & soluentia frumentum  
 bobus saxa trahebantur, oneratae fœtibus ma-  
 tres inter familias tuas oblita sexus & ponde-  
 ris, parandi victus cura laborant. Tunc in cam-  
 po hyems & iugi pruinarum candore velata  
 cæsaries barbâ stiris implicuit crine possessio.  
 nam quod diligentius indumentum matrona  
 neuerat, durante gelu, vt adhereret corpori,  
 frangebatur. Pastum agminibus tuis aut inde-  
 notæ nationes, aut educata lustris fera sug-  
 gessit.

Inter hæc, quæ tibi cum glacie aut ardore  
 cesserunt, vnâ certaminis tui lineam sum-  
 motenus libet adtingere. Vlca fluuius est tu-  
 tela Gepidarum, quæ vice aggerum munit  
 audaces, & in iugorum moremlatus provinciæ  
 quibusdam muris amplectitur, nullo ariete  
 frustrâdis. Ad hunc te callis tui rigor adduxit:  
 vbi pro legatis & gratiæ postulatione, obsi-  
 stendi animo gens diu inuicta properauit. cum  
 penè cohortes tuas ante inimicos famis ne-  
 cessitas obsideret. Dic quæso, clementissime  
 Domine, quid præter te spei erat residuum in  
 populo arenæ aut sideribus comparando? In-  
 stantibus Gepidis, amne, pestilentia, iter quod  
 declinasset fugiens, contra nudatos vagina  
 gladios tranuolasti. nullius insciij mersa  
 cœno hædere vestigia. nullus vitæ prodigus  
 periculum ignarus incurrit. Vincitur huma-  
 næ mentis auctoritas præuisione discriminis:  
 labascit fortium conscientia, quotiens formi-  
 danda oculis ingeruntur. Stetit ante indo-



mitam iuuentutem certa de mortibus optio,  
 cùm nulla videretur securitas de salute. Quid  
 Catonem extulistis prisca monumenta, quod  
 per Libycas Syrtes duxit exercitum, dum hu-  
 manas neces ludibria faceret esse serpentum:  
 vel cùm sine virtutis pretio educatum celi  
 vaporibus veneni frigus expertus est? Nemi-  
 nem contigit chelydos antè videre, quàm exi-  
 tium: dum per flamē prodigiosum & corporis  
 fabrica, vt adsolent animæ, in auras euolaret.  
 Non cum viri fortis laude perimitur, qui vnde  
 venit nescit occusus. Nec illius militis cuneis  
 tuis fortitudo comparanda est: nec par est in  
 duce sapientia. Illum civilis belli furor agita-  
 bat: te orbis domina ad status sui reparatio-  
 nem Roma poscebat. Sed quid dissero, quod  
 tibi euentus dexter exhibuit? Cesserūt confer-  
 tissimis hostium tuorum turmis, quos vltè-  
 rior ripa susceperat. Urgebantur telis, quos  
 vorago aut irruptio non tenebat: ieiunas pe-  
 ctorum crates acta validioribus lacertis lan-  
 cea transmeabat: cùm inter naufragia terre-  
 na, & cruoris vndas, inuictissimus ductor ap-  
 paruit, tali muniens adstantes alloquio. Qui  
 » in hostili acie viam desiderat, me sequatur.  
 » non respiciat alterum, qui dimicandi poscit  
 » exemplum. Virtus multitudinem non requi-  
 » rit. ad paucos vadunt bella; bellorum fru-  
 » ctus ad plurimos. De me æstimabitur exer-  
 » citus: & in his quæ gesserò, gens triumphat.  
 » Attollite signa, per quæ ne lateam, prouidetur.  
 » nouerint quem petant, aut cuius iugulis ac-

quiescant. Qui congressui meo occurrerint, nobilitentur exitio. His dictis, poculum caussa poposcit auspicii, & laxatis in prælium habentis, effusus est. Vt torrens fata; ut leo arma, vastasti. nec concurrens quisquam substitit, nec euadere potuit insequentem. Portabaris per vniuersa, iam deficientibus tellis, adhuc ira crescente. Extemplo Gepidarum versa conditio est. palantes visi sunt mutata sorte victores. Nam tu, venerabilis, qui in comitatus gustum luctaminis arripueras, vallatus millibus incedebas. Cæsa est multitudo aduersaria, donec paucos eriperet nox vicina: dum ad vaga horrea copijs urbium referratur: quæ non solum satisfacerent necessitati, sed subleuarent inter deliciarum secunda fastidium. Ita prosperis tuis militauit aduersitas: & contra famem tuorum esuriens pugnavit hostilis. vicit in edjam inimica congressio: nec redisses ad valetudinem, si certamina defuissent. Hæc de innumeris actibus in ordinem digesta sufficiant. Transeo Sarmatas cum statione migrantes, & plebem conflictuum numeratam sileoe atrophæis.

Tibi cum rectore meo, Odonacar, occurro. qui vniuersas contra eum nationes, quasi otibus concussor, exciueras. Tot reges tecum ad bella conuenerant, quot sustinere generalitas milites vix valeret. deprehensum est varias effementes coaceruatæ multitudinis, nec spem victoriæ venire de numero. Ad huc tuorum

dextrâ de præcedenti tabe titubabant; nec  
 peragebat votiuios impetus membrorum im-  
 becillitas: sufficit tamen vnum velle pro viri-  
 bus, & indiscretum consilium de inimicis lo-  
 co roboris attulit ultionem. Non te castra  
 longo munita tempore; non fluminis pro-  
 funda tenuerunt. datum est hostibus tuis val-  
 lum construere, non tueri. Repentè æquora  
 fugacium discursus obnubit, per quæ supe-  
 randam domesticam tempestatem abeunti-  
 bus indixisti. interea acies tuæ ad spectu con-  
 summant prælia, non labore. Illic tibi fores  
 referauit felicitas, manifesto detegens, quòd  
 qui primote loco cesserant, secunda eos lu-  
 ctamina non manerent. Sed instruxit rursus  
 in deceptione sui mens vaga conflictum: dum  
 apud Veronam tuam apparatus nubeli laxis  
 manibus pugna instruebatur impendiis. Nihil  
 fortius aduersariis tuis ante aciem: sed cùm  
 belli cecinerunt classica, nihil infirmius. ma-  
 xima in luctaminis promissione virtus, & si  
 sufficeret lingua pro dexteris, còpia summa  
 verborum. Electus est locòrum situs, non tam  
 congressui utilis, quàm pauidi: prouidentes  
 ne adscriberetur casui prima etiam discessio  
 perfugarum. & tamen rei publicæ candida for-  
 tuna perurgebat, ne cœpto desisteres. Itineris  
 tui permensus interualla, conspexisti ignes  
 hostium astrorum more rutilantes: ut si ali-  
 quando tibi fuisset nota formido; in abruptum  
 te pendere didicisses. nunquam animi tui  
 status, aut secundarum rerum timore elatus  
 est, aut dubiis acquieuit. Instabat certandi:



dies multis tenebras allatura. Cum primum  
 aurora bigis in croceis ortum iubaris indica-  
 uit: cum de Oceani lymphis solis flamma  
 surrexit: iam rancum buccinæ concinebant,  
 iam te sui oblitus quærebat exercitus. Qui  
 dum munimentis chalybis pectus includeres,  
 dum ocreis armare, dum lateri tuo vindex  
 libertatis gladius aptarerur, sanctam matrem  
 & venerabilem sororem, quæ ad te diligentia  
 causa conuenerant; dum inter spem & me-  
 tum faminea sollicitudo penderet, dum de  
 euentu attonitæ vultus tui sidere pascerentur,  
 talibus alloquiis confirmasti. Scis, genetrix,  
 partus tui honore vniuersis nota nationibus,  
 quod natalis mei tempore virum fecunda ge-  
 nuisti. dies est, quo filij tui sexum campus ad-  
 uinct. telis agendum est, vt auorum per me  
 lecora non pereant. sine causa parentum ti-  
 tulus nitimur, nisi propriis adiuuemur. Stat-  
 ante oculos meos genitor, de quo nunquam  
 ecit in certamine fortuna ludibrum: qui dex-  
 tros sibi ipse peperit valitudine exigente suc-  
 cessus. hoc oportet duce contendere, qui om-  
 nia incerta non timuit, sed ipse sibi secunda cō-  
 sciuit. Vos tamen elaboratæ vestes, & liciorū  
 tormēta deuehite. cultiorē me acies suscipiat,  
 quàm festa consuerunt. qui me de impetu non  
 cognouerit, æstimet de nitore. Inuitet cupido-  
 rum oculos honor indumēti: pretio for species  
 ferendos exhibeat. habeat laboris solatiū,  
 cui iugulum meum fortuna præstiteris. in-  
 hient iacentis splendori, quos non contigerit:

videre pugnantem. His dictis, excepit te tergo  
 sonipes, lituorum desiderijs inquietus. Sed  
 dum indulgisti affatibus, inimica legiones tuæ  
 premebantur instantia. Dedisti inertibus fiducia,  
 dum moraris. & hoc credo prouisione  
 calicolum, ne deberetur multitudini, quod  
 vicisti. Protinus aduentum tuum indicauit  
 hostibus populus occisorum. executorem  
 prodidit cordis enormitas. Sed nec illis remedia  
 defuere consueta. Continuo alas, quas tri-  
 buit formido, sumpserunt: cursu præpeti in-  
 teritam metu mortis eligentes. Qui me veri-  
 tati nescit obsecutum, Athesis vndas videat  
 tua vice opulentas extitisse cadaueribus: &  
 dum tumefaceres gurgites de cruore, in par-  
 te alia sistebatur impetus fluentorum. Itaque  
 ne ensibus non sufficeres, pro te & lymphæ  
 militauit. Salue fluiorum splendidissime, qui  
 ex maiore parte sordes Italiæ deluisti, mundi  
 faciem suscipiens sine dispendio puritatis. Ec-  
 ce ille tectus armatis campus enituit huma-  
 norum ossium candore nobilissimus. habemus,  
 quotiens vetusti doloris virgemur memoria,  
 quod tueri. Scenam pulcherrimam seruet  
 terra. Sublimes tandiu maneat quod passi sunt,  
 quandiu deleat obliuio quod fecerunt. O uti-  
 nam voracibus abripere aliquid bestiis non li-  
 ceret! Perit desiderabili spectaculo, quod ad-  
 quisierint furta bestiarum.

Illic vellem ut ætatis immemor, Roma,  
 commeares. Si venires lapsantibus tre-  
 mebunda vestigijs, æuum gaudia com-  
 muta-

mutarent. Quid semper delubris immersa concluderis? hinc actum est, ut plures habeas Consules, quam antè videris candidatos. Agnosce clementiam domini tui. saporem te voluit haurire triumphorum, quam dubia elegit nescire certaminum.

Ecce iterum ad deditionem sibi cognitam hostium leto debita pars cucurrit: & cum excessissent occumbentes numerum, ad sermiciu[m] tamen armis instructa radiantibus agmina conuenerunt. Flexus est animus tuus pronus semper ad veniam. Credidisti quod fidem adfuescerent magisterio necessitatis, quam numquam exhibuerant studio conciliante principibus. Seruauit te, regum principue, quod abiecisti sacramenti confidentia cautionem. Pependimus anxii, ne mereretur, quos de hostibus tuis receperas, non perire. Gratias tibi, mundi arbiter Deus, qui conscientias veterno errore possessas ad ultores gladios impulisti. Puderet me recedere leuitate originariam, nisi eam viderem tuis laudibus obsequentem. quid dissimulo gesta persequi? Libuit eos rursus tendenti inermem dexteram Odouacri regna polliceri. Innotuit illico rebus in luce deprehensis hostilium error animorum. Aduocasti prouidentiam actuum tuorum comitem: & ne impunita esset libido discurrentium, ultionis vexilla concutiens, fecisti consiliorum participem in secretis populum iam probatum. Neminem aduersarium agnouisse contigit, quod tecum pars mundi potior disponebat. Mandata



per regiones disiunctissimas nex votiua. Quis hæc præter supernam voluntatem præstitit, vt vnus ictu temporis effunderetur Romani nominis clades longa temporum improbitate collecta? Hic quò me vertam nescio. Gradum referam, qui suscepi officium laudatoris; an atreptum præconiorum tuorum iter ingrediar? Consumpta res est prospero, fatalique bello. succisa est Odouacris præsumptio, postquam eum contigit de fallacia non iuari. Quid Herulorum agmina fusa commemorem? qui ideo aduersus te deducti sunt, vt hîc agnoscerent, etiam in propriis sedibus quem timerent. egit causas longæ quietis tuæ furor alienus. Taceo vbi tibi iniuncta est pax diuturna, Burgundio: quando sic fæderibus obsecutus es, vt deputetur, quòd viniis feriat, constantiæ, non paori. Illud quoque quis patiat,ur notitiæ perire, quòd bono felicitatis tuæ concurrentia inter se vidimus tela perfidorum, & inimicas acies te occupatum in aliis pia congressione cecidisse? Quotiens tibi vicit qui contra te sumpserat vota pugnandi? Dicat Fridericus, qui postquam fidem læsit, hostes tuos interitu comitatus est, contra illos arma concutiens, quibus fuerat errore sociatus; quando nata est inter sceleratos de hoc quod intelligebant se vnum velle discordia. Adsit diuinitas, & beneficia sua in æuum producat: qua disponente votiua inter reos euenere litigia. Nam Fridericus, postquam tibi de aduersariis tuis po-

regit triumphum, de se præbuit.

Trahit me ad aliam partem venerabilium  
pars magna meritorū. Video insperatū deco-  
rem urbium cineribuseuenisse, & sub ciuilita-  
tis plenitudine palatina vbique tecta rutilare.  
Video antè perfecta ædificia, quàm me conti-  
gisset disposita. Illa ipsa mater ciuitatū Roma  
inuenescit, marcida senectutis mēbra refecan-  
do. Date veniam, Lupercalis genii sacra ru-  
dimenta: plus est occasum repellere, quàm  
dedisse principia. Huc accedit, quòd coro-  
nam curiæ innumero flore velasti. Nul-  
lum de honoribus tetigit desperatio, quem  
iuuerunt deprecantem bona conscientia.  
nescit de effectū petitionis dubitare, qui  
splendidis inops meritis non rogauit. Aut  
boni sumus proposito nostro, aut tuo  
informamur exemplo. Creuerunt reipu-  
blicæ opes cum priuatorum profectibus.  
nusquam in aula tua ambitus, & opum  
vbique diffusio est. nemo indonatus ab-  
scedit, & nullus incommoda proscriptio-  
nis ingemiscit. Legationibus tuis inest vi-  
gor immortalis: mandatorum ordinem di-  
geris, priusquam legatos adspicias. nec re-  
plicationibus tuis reperiuntur contraria;  
nec obiectionib. facilis occurrit resolutio. Ex-  
cubat pro armis opinio principalis: otia no-  
stra magni Regis sollicitudo custodit. nec ta-  
men desistis castella propagare, curas tuas  
in longum producens: nec viri fortis in te  
deest securitas, nec cautela metuentis. O

geminam in vno principe virtutum plenitudinem ! quæ dominum resignat auctorem : quia non habet inter homines, à quo videatur sumpsisse quod exhibet.

Sed ecce rursus post quietem solidam ad acies verba reuocamus. iterum ad se tuba vocat eloquium. Sirmiensium ciuitas olim limes Italiæ fuit : in qua seniores Domini excubabant, ne coaceruata illinc finitimarum vulnera gentium in Romanum corpus excurrerent. Hæc postea per regentium neglectum in Gepidarū iura concessit, hinc cotidiana insultatio, & incomposita legationum frequentia mittebatur. Vrebant animum principis dolosi blandimenta commenti ; & circa alios Gepidas, quorum ductor est Gunderith, in tempestiua Trasferici familiaritas. Credebas in tua iniuria perire, quia diu licebat Italiæ possessionem te dominante retineri. Nec sufficebat consolatio, quod eam tu non perdideras : cū immensus esset dolor, cur illam retentator non inter dominationis tuæ exordia reddidisset. minui æstimas quod non crescit imperium. Postquam tamen liquidò Trasferici patuere commenta, Gothorum nobilissimos Pitzia, Herduic, & pubem nullis adhuc dedicatam præliis destinasti ; vt si oblati pactationibus adquiesceret, semel inuaso locorum potiretur arbitrio. Sed vsus inconstantis felicitati tuæ obsecutus est. fugit sponte aliena, & sine impulsu exercitus tui deseruit quod debebat. Continuò Pitzia, qui & de



te euentus viles sumpterat; & consiliorum  
momenta librabat, non adquisitam esse ter-  
ram credidit, sed refusam: nec rapinis vt lu-  
cratiua populatus est; sed dispensationibus  
seruauit ut propria. Quibus ibi ordinationem  
moderantibus, per fœderati Mundonis adtre-  
tationem Græcia est professa discordiam,  
secum Bulgares suos in tutela deducendo;  
quibus inter Martios conflictus castelli vice  
vsa minitatur. Tunc Mundo credens ad præ-  
sidium sufficere, si cohortes tuæ quid pate-  
retur agnoscerent, pernicipibus nuntiis pericu-  
li fidem commisit. qui ante defensoris  
inire pro partibus suis conspexit certamina,  
quàm moliri didicisset: tamen emi-  
nus Pitzia indomitam Bulgarum iuuentu-  
tem speculatus est, ardentes adolescentium  
impetus potioribus verborum armauit incen-  
diis. Meministis, focii, cuius ad hæc loca com-  
meastis imperio. nemo absentes credat re-  
gis nostri oculos, pro cuius fama dimican-  
dum est. si calum lancearum imber ohtexe-  
ret, qui fortiùs telum iaceret, non lateret. Fer-  
ro pectora immergite, vt veniat de horrore  
vitæ spes manifesta victoriæ. Credo regii te-  
stem roboris iam defunctum; nec superesse  
qui illis, quem habeamus dominum, consue-  
uerat indicare. aut fortè gentem nostram de-  
dignatur æstimare de principe. Intelligant ab  
eo fluxisse quod gerimus. nec liceat illis, quod  
rector noster transmisit ad originem, vni tan-  
tùm debere personæ. Hæc eloquia lituis com-  
mutauit. continuò vt adsolet ater nimibus

tectis crepitantibus procellarum mugire  
 discursum : sic se præcipitem plebs Martis  
 immiscuit. Incerta diu conflictus lance ti-  
 tubauit : dum par ex utroque latere pu-  
 gnandi surrexisset asperitas. Concurrerant  
 duæ nationes , quibus nunquam inter  
 gladios fuga subuenerat. miratæ sunt mu-  
 tudò sui similes inueniri, & in humano ge-  
 nere. vel Gothus resistantem audere, vel Bul-  
 gares. Interea dum anceps esset fortuna cer-  
 tamini, & pennatæ mortes sibi æthera vin-  
 dicarent, superauit nostri memoria prin-  
 cipis, dum agerent, ut singulorum apud eum  
 merita campus adfereret. Versa est in fu-  
 gam natio punita grauius, quòd euasit.  
 tellus excita tremuit concussione corni-  
 pedum. cum ingenti lamentatione prope-  
 rabant, postquam viderunt non esse se du-  
 bios de salute. Cæli arbiter Deus, mune-  
 ra collata multiplica. Illi nunquam dubi de  
 triumphis; illi, quos suspexit vniuersi-  
 tas, perditis bellorum signis, & perculsi in-  
 columitate discedunt; terque & quater  
 beatos esse clamitantes, quos oppetere  
 contigisset. Quid strages militum reuol-  
 uam, & Sabiniani ducis abitionem tur-  
 pissimam? cum à ratione diuidatur, re-  
 texere exterminatis patrociniis quid euenc-  
 rit indefenso. Tunc ne videretur celebra-  
 ndus sæculis Pitzia non tam militasse glo-  
 riæ, quàm cupiditati, liquit feris aut au-  
 bus campi laborem, cum ieiunum militem  
 opulentis detrahare cadaueribus nihil iu-  
 beret. Sed hæc quibus linguis sufficienter ex-

uplicanda sunt? qua poterunt facundia dote referari? Diu tu vicisti in vniuersis congressibus tuis, nunc incipiens in obsequio habere victores. Interea ad limitem suum Romana regna remearunt. dicta more veterum praecepta Sirmiensibus. de suis per vicinitatem tuam dubitant, qui hactenus nostra tenuerunt.

Quid castigatas Vandalorum ventis parentibus eloquar deprædationes, quibus pro annua pensione satis est amicitia tua? Euagari ultra possibilitatem nesciunt, duce sapientia. affines esse meruerunt, quia obedire non abnuunt.

Hæc de gestorum tuorum cumulis, maior voto quam eloquentia, strictim digesta replicavi, melioribus intacta derelinquens. Videro quis me vincat facundia, nemo circa te transcendere valebit affectu. Habes hanc, Deo inspirante, mansuetudinem, ut te plus credas posse diligentia, quam timore. Excellentia bona sunt gloriae tuae inserta monumentis, ut cum te reges metuant, famuli ament. nam quaecumque tibi, metitis subiectorum viribus, dari imperas, credis posse denegari. O regem omni tranquillitate compositum, qui deuotioni nostræ imputat, quod impendimus seruituti!

Quid quod à te Alamanniæ generalitas intra Italiæ terminos sine detrimento Romanæ possessionis inclusa est? cui euenit habere regem, postquam meruit perdidisse. Facta est Latiaz custos imperij semper nostrorum po-



pulatione grassata. Cui feliciter cessit fugisse patriam suam. nam sic adepta est soli nostri opulentiam. Acquisistis quæ nouerit ligonibus tellus adquiescere, quamuis non contingerit damna nescire. Sub te vidimus euentus optimos de aduersitate generari; & fieri secundorum matrem, occasionem periculi. Vluis liberata gratulatur, terram incolens quæ hæcenus dehiscensibus domiciliis solidiori chænicem mergebat beneficio.

Par fuit etiam, vt eloquentiam laudis præmiis incitares; ne adoreas tuas silentio perderemus. Nullarum artium cessat industria. solers, vbicumque latet, inquiritur. magistratum, etiam si longè deguerit, exigit qui meretur. nunquam absconditur, quem prodiderit innocentia: dum subtilis arbiter non placaris voce, sed actibus. Parentum nostrorum, qui occubuerunt, apud te bene acta seruantur. cuius mansuetudini tuæ fides innotuerit, hæreditatis iure quod auctori debueris, soboli mox refundes. Habemus de maiorum obsequiis fructum; & tamen de excessibus supplicia non timemus. Finitur indignatio moderata cum homine; cum propter retributionem quærat tua pietas successorem. Restant adhuc multa, quæ dicerem: sed inter plures actuum tuorum præcones conuenit illibatum aliquid reseruari. Debent tibi veneranda studia, quod loquuntur. Amauerunt præcessores tui incitiam, quia nunquam laudanda gesserunt. Sordibat inter aratra facundissimus, & quod peri-

tia dederat, vis negabat. mutò mœrebant auctore tribunalia; nec ulla concedebatur palma dicenti. In casum negotiorum nutabat euentus, quando literis genius non dabatur. vnus vbique ingenia mœror oppresserat; quia atterebant otia eloquentium facultates. pompam seniorum edax negligentia possidebat; nec accendebatur tyro æmulatione sectanda. Vide diuitias sæculi tui. tunc vix fora habuere perfectos: nunc Ecclesia dirigit laudatorem.

Eat nunc, & coturnatis relationibus Alexandrum iactet antiquitas; cui famæ opulentiam peperit dos loquentium; vt per adiutricem facundiam videatur crescere rebus mendica laudatio. Regis nostri merita solatium non postulant adserentis. minora sunt eius veris actibus, quamuis aucta sint veterum gesta mendacijs. Simulastis, poëta, grandia; sed fateri vos conuenit præsentem dominum gessisse potiora. Pellæus ductor præconiorum suorum summam Chærii voluit constare beneficio: ne fallendi votû multitudo deprehenderet; & fieret testis impudentiæ, qui adscisceretur in adstipulatione victoriæ. Nihil detraho senioribus, quos præcipuos habuisset antiquitas, nisi Romani nominis erectio te dedisset. Illum veræ religionis ignarum obtinuit erroris mater inscitia: te summi Dei cultorem ab ipso lucis limine instructio viralis instituit. Nunquam applicas laboribus tuis, quod euentus dexter obtulerit. Scis in te curam penes Deum perfe-

ctionis esse substantiam. agis ut prospera merearis adipisci: sed potius vniuersa adscribis auctori. exhibes robore, vigilantia, prosperitate principem, mansuetudine sacerdotem. Quid frustra maiores nostri Diuos & Pontifices vocarunt, quibus sceptrum collatum est? Singulare est, actibus implere sanctissimum, & veneranda nomina non habere. Rex meus sit iure Alamannicus; dicatur alienus. Ut diuus vitam agat ex fructu conscientie: nec requirat pomposæ vocabula nuda iactantiae, in cuius moribus veritati militant blandimenta maiorum.

Vellem, fateor, ad orationis terminum, victus gestorum tuorum enormitate, descendere, & nouellas adoras hebetatus priscorum luce transire. Quemadmodum si ætherii axis in numerum redigere ornamenta voluisssem, & Trionum fulgore comprehenso, cœli decorem impotenti lingua describerem, cederet diuino splendore mortalis obscuritas; iubaris lampadi non sufficeret humilium scintilla sermonum. hæc me conditio resignat imparem, quæ testata est obsequentem.

Nam illud quo ore celebrandum est, quod Getici instrumenta roboris, dum prouides ne interpellentur otia nostra, custodis; & pubem indomitam sub oculis tuis inter bona tranquillitatis facis bella proludere? Adhuc manent in soliditate virium victricia agmina, & alia iam creuerunt. durantur lacerti missilibus, & implent actionem fortium, dum iocantur. agitur vice spectaculi, quod sequen-



ti tempore poterit satis esse virtuti. Dum amentis puerilibus hastilia lenta torquentur: dum arcus quotidianæ capitum neces dirigunt, Urbis omne pomerium simulacro congressionis atteritur. agit figura certaminum, ne cum periculo vero nascantur. Ad hæc quis credat vnum pectus posse sufficere, vt per procinctus indomitos vincat in præliis, & agat consilio, ne dimicandi causa contingat? Rutilium & Manlium comperimus gladiatorium conflictum magistrante populis providentia contulisse, vt inter theatrales caueas plebs diuturna pace possessa, quid in acie gereretur, agnosceret. Sed tunc feriatis manibus frustra sociæ mortes ingerebatur ad spectui. Numquam bona sunt, quæ à crudelitate veniunt instituta, vt armarentur contra inimicos animi, prius videre exitia suorum. Interea illa congressio (quod docuit exitus) non tam peperit incrementa robori, quàm pauciori. inter secundas res didicit imbelliū animus, quid timeret. Vide adinventionū diuersitates pleno calle distantes. illis vera cruoris effusio animos à dimicatione submouit: hinc adolescentium vigor de imagine mentitæ concertationis incanduit. quos præcox ætas tot mortes aduersariorum repositas docuit habere, quot spicula. non per exoticos discursus aduerti pharetrarum dispendia negligenter effundere; nec in auras exitia manifesta torquere, tot exacturi animas, quot tela vibrauerint.

Sed inter præliares fortè successus, quibus omnes instruis, & concilias omina

secunda vincendi, ciuilitatis dulcedini nil reseruas. Quis credat heroas tuos peregrinam non respuere, dum sint tranquilla, formidinem? Nam indomita inter acies ingenia lex coërcet: submitunt præceptis colla post laureas; & calcatis hostium cuneis, quibus arma cesserint, decreta dominantur. Solus es meritis & natura compositus, cuius magnanimi iussa sectentur. Origo te quidem dedie dominum, sed virtus adleriuit. Sceptra tibi conciliauit splendor generis: cuius si deessent insignia, eligi te in principem mens fecisset.

Sed nec formæ tuæ decus inter postrema numerandum est, quando regij vultus purpura ostrum dignitatis irradiat. Exhibete, Seres, indumenta, precioso murice quæ fuca-  
tis, & non vno aheno bibentia nobilitatem tegmina prorogate, discoloribus gemmis sertum texatur; & quem vehementior vipera custodit, lapis adueniat. Quæcumque ornamenta mundo obsequente transmissa fuerint, decorata venerandi genio corporis plus lucebunt. Statura est, quæ resignet prolixitate regnantem. nix genarum habet concordiam cum rubore. vernant lumina serenitate continua. dignæ manus, quæ exitia rebellibus tribuant, honorum vota subiectis. Nullus intempestiuè positum iactet. quia quod agunt in aliis dominis diademata, hoc in rege meo operata est, Deo fabricante, natura. Illos faciunt tot diuitiarum adiumenta conspicuos: sed hunc edidit simplex, & indemna-

tabilis figura meliorem. Quid cultu laborant, qui cupiunt peregrinam obtinere pulcritudinem? Italiae rector in amicitiam colligit duo diuersissima: ut sit in ira sine compactione fulmineus, in lætitia sine nube formosus. Feriato ore legatis gentium, aut pacem blanda promittit effigies, aut bella terribilis. Tantis constas insignibus, quanta facerent viritim distributa perfectos. Sed utinam aurei bona sæculi purpuratum ex te germen amplificet! utinam hæres regni in tuis sinibus ludat! ut hæc quæ tibi offerimus verborum libamina, sacer paruulus à nobis exigat similium adestatione gaudiorum. Ecce satisfaciens debito, & oblectus officio, orationem meam oratione conclusi.

## II.

LIBELLVS  
ADVERSVS  
EOS QVI CONTRA  
SYNODVM SCRIBERE  
præsumpserunt.

## PRÆFATIO.

**S**olet dicendi affectum multarum rerum  
ardor exigere: si avarus laudis est animus



& fauorem desiderat sudore mercari; & per blandimēta gloriæ crucem narrantis ignorat: aut lucri adstrictus compedibus, linguæ vendit obsequium; vt dum animus habendi cupidine subiugatus præsumptum æstimat iam tenere compendium, sic ingruentia per styli exercitiū nescit timere discrimina: aut necessitate conclusus profert eloquiū sine quacūque lima captiuū & nesciam pudoris frontē monstrat in mediū, vt dū intentioni famulatur, diligentia decoris abiuret. quia dicēdi ornamenta nō sunt negotii, sed quieris; nec militiæ sunt picta verba, sed otii. cāpus fortē postulat, pax profunda redimitum. qui profutura asserit, loquelam, quæ peniculo artis est colorata, contemnit. His ergo ita se habentibus, causam narrationis insinuo, & coactam vocem prauorum latratu religiosis mentibus commendo: scriptum esse reminiscens, *Tempus tacendi, tempus loquendi*: vel post fidem Prophetici oraculi, cuiusdam oratoris exemplum, qui refert, nisi cū necessariam, dicendi nimis ineptam esse conditionem. Oris ergo ministerium pro ingenij valitudine sacerdotibus dedo, aduersus quos sibilantium effusa sunt venena linguarum: licet scuto munita fidei spiculorum imbrem patientia religiosa non timeat, & ad auctorem redeant tela, quæ sine bellādi arte diriguntur. Quibus enim pro lorica Christus est, vim non metuūt, & inimicos lōga expectatione prosternt. Quisquāne tamen in hac acie præliū putet esse formidini, in qua Deo & Pontificib. infertur sine viriū æstimatione certamē? quisquamne fluxum, & la-

*Eccles. 3.*

essentem hostem videat, & præliorum causis  
aduersarium debilem expauescat! Inuidet sibi  
ipse victoriam, qui conscientia vulneratum  
aggredi cessat inimicum. Ad lucrum hostis sui  
procedit, qui in conflictibus non prius causas,  
quã aliud expedit. dat vires iaculis innocentia,  
& mucronẽ acuũt ex æquo veniẽtia vota bel-  
lãdi. percutiẽdi imperũ plus iustũ dolorẽ scim⁹  
dedisse, quã brachia. Inde paucorũ telis multi-  
tudo non substitit. Dicente ergo mecum pro-  
pheta, *Plures nobiscum sunt, quã cum illis*: placitu-  
rum bonis, quantum æstimo, opus incipiam.

4. Reg. 6.

**S**UFFICERET quidẽ schismaticã imperitiam  
propositione cecidisse: maximẽ cũ secum  
habeãt obiecta respõsũ, & mereatur titul⁹ sine  
lectionis discussione cũ auctore damnari. cùm  
in prænotatione ipsa significantia operis in-  
notescat immundi, dicentium **ADVERSUS**  
**SYNOÐVM ABSOLVTIONIS INCON-**  
**GRVÆ.** Ego tamen nunc sic agam, quãsi  
opus sit alieno enſe perire mala proponen-  
tem. Istud præloquium potest, dementissi-  
mi hominum, tantũ inscientiæ adscribi? Est  
ne aliquis præter vos, sic inter oues vlcerosas  
deputãdus, & erraticas, qui magnum regem  
potuisset laceſſere pastorũ? dicente propheta,  
*Filios nutriui & exaltaui, ipsi autem spreuerunt me:*  
& Domino de Apostolis, *Qui vos spernit, me*  
*spernit.* quos Episcopos fuisse propheta testa-  
tur, de Iuda dicendo, & *Episcopatum eius acci-*  
*piat alter.* Apostolo æquẽ Paulo proclamante,  
*Obedite præpositis vestris, quoniã ipsi exorabũt pro vobis.*

Esa. 1.

Luc. 10.

Psal. 103.

Hebr. 13.

Sed redeamus ad grauem, & venerabilem non solum ex ala productam, sed mysticam propositionem. Non omnes, inquiunt, Sacerdotes Regis ad Concilium adciuit auctoritas, nec omnes in iudicatione senserunt. Mancipia Tartari, & liquidò Satanæ ministri, quoscumque non euocauit scriptum Principis, nouis nexibus, & actuum vestrorum spiritus causa pertraxit. Nolo dicere, in quo fuerint voto, in qua deliberatione discedentes: quibus tadium illa peperit expectatio, cum viderent venerabilem Papam longas in vita contra fas suum inducias accepisse. Videbant æther tantum directis à se iaculis verberari. His ne liceret infelicibus in malorum actuum consolatione secreto delitescere, libris vestris nudantur absconditi, & per vos in turpi facto habere solitudinem non sinuntur; dicente Domino in Euangelis, *om-*

*Ioan. 3. nis malus odit lucem.*

Post hæc asseritis, aduersarios Papæ Romani dici non debuisse, qui prædictū prolatis petitionib. accusabāt. Dolosè videlicet hoc agentes, eo quòd aduersarios, suspectosque, canonica Synodalibus clamāte in decretis auctoritate, in suā recipi accusationē Episcopos minimè oportuisse, vos non latuisset. ad asseritionis fidem iungentes, quòd eos isto nomine præcepta regia non vocassent. ò homines omni artissima compositos, & caminis fabrilibus excoctos, qui ad stipulationē dictorū defudata inuenere testimonia! Amamus, reuerendi viri, sententiam vestram, &, vt aiunt, in ipsam pedibus



dibus inus. cognoscimus errata, quæ dicitis.  
 Inimicum vocet aliquis accusantem, & tragi-  
 co nomine appellet contumeliam non me-  
 rentem? Dehinc subiunctam quæstionem  
 rhetorica fibula momordistis, allegando: Te-  
 stis est Romana ciuitas, si omnes Episcopi se-  
 nes & debiles conuenerunt. Ecce orationem  
 veri neruis nitentem, & ipsi Cepasio præfe-  
 rendam nitore sermonum. Ergo quia se-  
 xuate valentes & corpore imbecilles esse di-  
 xerunt, ipsi se ineptos iudicio esse testantur,  
 quoniam membrorum se dixerunt iam susti-  
 nere dispendia. maximè si hoc ingerere cle-  
 mentissimi Domini auribus præsumpserunt.  
 Vos putatis, ab vniuersis Dei conspectibus  
 pulsi, illo vestrorum more congressuum ubi-  
 que narranda confundi, & apud Principem  
 de collectione Pontificum alios protulisse  
 sermonem, nisi quos ætatis maturitas or-  
 diendæ loquelæ fecit autotes; quibus anni  
 veteres reuerentiam contulerunt, qui puta-  
 bantur bonorum meritorum suffragio in  
 longum fuisse seruati. Ipsos ergo de gravidæ  
 ætatis fatigationibus queri decuit, quos ætas  
 iusserat allegare. Viri optimi, subdidistis, ex  
 præceptis regis euocationis causam fuisse  
 iam cognitam, & Italiæ summa moderantem  
 non fuisse, quasi de nouo negotio, consulen-  
 dum: plus chartæ & scriptioni religionis de-  
 bitum, quàm præsentia principali. Nullus  
 ergo in prædicto negotio titulus remanserat,  
 ad cuius inquisitionem pergentes illud iure  
 præloquerentur exordium. Exhinc digressi

„ bonarum rerum in regelaudatis affectum,  
 „ & colitis verbis innocentiam, quam actibus  
 ignoratis. Si tamen cultus est in loquela ve-  
 stra, quam scabro vomere, velut agentes per  
 denium aratra, proscinditis, marcenti solo lo-  
 lia commendantes, recepturi pro tali impen-  
 dio paleas, quibus gehennæ in perniciem ve-  
 stram ignis animetur.

Virg. 4.  
 Aenid.

Sed nunc, ut quidam fertur dixisse, *qua quibus  
 anteferam?* Contra Apostolum dicitis impu-

„ gnatores summi Pontificis non auditos, qui

„ caelestis mandati memores partem suam à

„ consortio adulteri subduxerunt. Hic non in-  
 cello ignorantiam: rimosam memoriam non

accuso. Nolo dicere, quod prophetae verba

Apostolo contulistis: quia noui & ipsos Apo-

stolos rectè vocitari, quos missos esse non

nescio. David enim dicit, *furem videbas & cur-*

Psal. 49.

*rebas cum eo, & cum adulteris portionem tuam pone-*

*bas.* Deinde quis se de illa vestra enodem fa-

„ ciat quaestione, qua dicitis: In criminibus ob-

„ iectis, quod non excluditur, approbatur? En

vocem Romanæ Ecclesiæ militibus congruen-

tem. in qua nescias vtrum prius nitorem præ-

dicēs, an saporem. Putasne, audistis legi: *Quod*

Deut. 16.

*iustum est, iuste exequeris?* Audistis, de malefactis

hominum, si tamen aliquando conuersatio

humana vos tenuit, quicquid non suis ordini-

bus approbatur, excludi? Vbi est illud Pro-

phetae, *Dominus ad iudicium veniet cum senibus*

Esa. 3. 14.

*populi sui: & de vobis dictum: Peccatum suum quasi*

Esa 3. 9.

*Sodoma predicauerunt: Va animabus eorum.* Sed

quid facto opus est, quotiens nulla desperatis

medela succurrit, nisi implorandus est do-

minis, qui promissit per prophetam, futurum Esa. 1. 12.  
 te super omnem superbum & excelsum, &  
 super omnem arrogantem, vt humilietur. Sed  
 fœtidum opus vestigiis insequar, & ferrata, si  
 valeo, calce contundam. Vt verè dicam, res  
 cum re, causa cum causa, ratio cum ea quam  
 putant, ratione pugnabit. Oblocutos sacerdo-  
 tes præceptionibus regiis allegatis, & quod-  
 dam sacrilegium creditis, mali aliquid, cum  
 cœlestem nesciatis, de terreni domini iussione  
 sentiri: opponendo, quis regi debuit dicere;  
 Papam oportuisse Synodum cōvocare? certè  
 quod in hac parte constat exemplum? Illum  
 præcipuè, qui criminosis multorum propo-  
 sitionibus iam iacebat, quem hoc fuerat dam-  
 nare, quod argui; cui prærogatiuam cœlitus  
 adscriptam hostium suorum oblocutio iam  
 tulisset? Ad hanc vos dementiam malorum  
 actuum per gradus suos incremēta traxerunt;  
 vt hoc credatis esse laceßere, quod conuince-  
 re; nec apud vos habeant à veritate differen-  
 tiam odia, quæ plerumque contra meritum  
 impetiti, studiis, non rationi obsequentiã vota  
 concinnant? Vbi est illud, *Priusquam agnoscas, ne* Eccli. 11. 7.  
*adiudices quemquam.* Olim vos accepit grex po-  
 situs in sinistra collegas: apud quos ex præiu-  
 dicio excepiße sententiam creditur; qui me-  
 ruit ad examen adduci, & hoc est reum existe-  
 re, quod libram disceptationis intrare.

Prælocutioni tamen optimè diuinū subdi-  
 distis exemplū: quod ita quadratis cōstat allo-  
 quiis, vt ipsū in eo Archilippū tenere lineā pu-  
 tes. Pec̃atori dicit, *De<sup>o</sup> Quare tu enarras iustitias* Psa. 49. 16



*meas?* Huic dicto cōferētes, quasi ad sacerdotē apostrophem, quia B. Petri Apostoli vicarius æstimatur. Prohibetis archiatrum eius corpori afferre medicinam : quomodo vos animæ  
 ” eius curationem exhibere renuetis? Magnum  
 ” per diuina ridiculum, an maxima lamēta sint, nescio. Vos alienæ febris curam quæritis, vos fatiscenti animæ medelam adhiberi cupitis, & in leti proximitate positi, vestri immemores de alterius salute tractatis. Quid si illud  
 Esa. 7. 13. verè vobis à propheta dictum, *Nunquid parum est, quod molesti estis hominibus, molesti estis & Deo meo*. & iterum, *Medice cura te ipsum?* Sed hinc aliàs. Nouimus, quia sanari non potest conclamatus, & improbus in profundum deueniens mira temeritate contemnit. Sed credo viuitt in istis, & in malæ conuersationis suæ morte, consilium; & potest optare quis alteri, quod ipse iam perdidit. Nunc rectè vobis  
 Esa. 8. 12. cum propheta dicam, *Omnia quæ loquitur populus iste consuratio est, & timorem eius nē timeatis, nec formidetis*. Facessat à nobis, qui in vobis est, pruritus iste linguarum. quos verè idem propheta arguit; *scribentes iniustitiam scripsistis*. Non nos  
 Esa. 10. 1. B. Petrum, sicut dicitis, à Domino cum sedis priuilegiis, vel successores eius, peccandi iudicamus licentiam suscepisse. Ille perennem meritum dotem cum hæreditate innocentie misit ad posteros : quod illi concessum est pro actuum luce, ad illos pertinet, quos par conuersationis splendor illuminat. Quis enim sanctum esse dubitet, quem apex tantæ dignitatis attollit, in quò si desint bona acquisita

per meritum, sufficiunt quæ à loci decessore præstantur? aut enim claros ad hæc fastigia erigit, aut qui eriguntur illustrat. Prænoscit enim quid Ecclesiarum fundamento sit habile, super quem ipsa moles innititur. Sed hinc actibus, vestris cælestem potentiam putatis esse suffragio, quòd ad præsidium B. Apostoli adiutricem, vt dicitis, dexteram commodatis. Nescitis, stolidi, solem facibus non iuuari, nec ad præsidium diurnæ lucis lychnos accendi? Scriptum enim est, *Scrutatur corda, & renes Deus.* psalm. 7. 10.

Sed in illa parte quis audeat argumentis vestris respondere, nisi quia sine arte dicitur verum, & fides mendacio sermonum technis alluitur? Cur, inquiunt, ad Principem conuenistis, si audiri non licebat impetum? Sic vos in stuporem pecualem peccati nebula, aut diuinus horror oblimat, vt verecundam excusationem, aut fraude mens vestra transeat, aut belluarum pressa hebetudine non agnoscat? An fortè aliud putatis fuisse, quòd dictum est, ipsum debuisse Synodum conuocare, cuius opuserat officio? vt vos videlicet per pontificale examen sententia percelleret, quos à capitis sui compage in salutis detrimento insanus feruor absciderat.

Pòst, Esau mentionem operi vestro, nescio verbis, an latratibus indidistis, comparantes ei Antistitem nostrum, qui senioris naturæ beneficium vnus cibi commutatione perdiderit, & primogeniti carnem dignitatem amiserit faucibus obsequen-

do. Ad ista quid referam, qui ex omni ob-  
 icctorum parte concludor? Quis rogo ve-  
 strum Symmacho benedictionem, dum patri  
 plus deseruit, eripuit? cui tantorum mune-  
 rum Iacob vice est collata nobilitas? quis  
 ex vobis cæci parentis desiderijs pariturus oc-  
 currit? quis vestrum deuotione sua genito-  
 rem venerabilem captum oculis nulla fecit  
 lucis damna sentire? Nonne collatione te-  
 nebrarum vestrarum nox putatur per sudum  
 rutilans iubar ostendere, & omnis obscuritas,  
 actibus vestris collata, decorem solit adsumit?  
 Præterea tunc Iacob quamuis congruentem  
 moribus filij, benedictionem tamen contulit  
 iam promissam. Nunc quid his longius im-  
 moramur, cum docendi non sint, qui calces  
 stimulis intulerunt? Credite mihi, pacis inimi-  
 ca sunt, impugnationi non sunt idonea, quæ  
 profertis.

Sed sequitur vinculum cum ænigmate,  
 quod nescio qua replicationis arte soluamus.  
 Tullianæ enim profunditatis pelagus ingressi  
 cymbulam nostram quæstionum flatibus per  
 litorum incerta transmittunt. In qua tamen,  
 Christo clauum tenente, portum ingrediar, &  
 sigillatim de turbinibus vestris vniuersa dif-  
 cutiam, habiturus in ductu illorum facultatem  
 non meam. Aiunt enim, si vera est Episcopo-  
 rum assertio, sedis Apostolicæ Præfulem mi-  
 norum nunquam subiacuisse sententiæ; cur  
 ad iudicium districta conuentione productus  
 est? Multum quidem annosa hîc in nobis la-  
 borat infantia: cui ille aduocandus est, qui in-



eluctata nobiscum semper pondus propo-  
 sitionis exsuperat. cum manifestè pro sacerdo-  
 tibus cum propheta clamitem, *Nunquid gla-* *Esa. 18. 15.*  
*riabitur securis contra eum, qui secat in ea? aut exalta-*  
*bitur serra contra eum, qui trahit eam? ut sit mihi il-*  
*lud suffragio diuinum oraculum, Quomodo si* *Esa. 14. 4.*  
*cessauit exactor, tributum quiescit, ita contriuit dominus*  
*baculum impiorum.* Tribue, domine, quod præ-  
 dixisti in illis: ut sicut errat ebrius & vomens,  
 ita pereat incredulus, qui infideliter agit.  
 Propter hoc, propheta vobis insultans voci-  
 ferat: *Audite verbum domini, viri illiusores.* Quis- *Esa. 3. 14.*  
 quam ne causarum ex præcognitione lan-  
 cit euentum, & rabidis terminum positura  
 conflictibus sic metitur, ut pernix decisio,  
 dum inquisitione esse senior innotescit, fauorẽ  
 censentis accuset? Nunc paulisper ore, acti-  
 bus, annis indignus, pontificali voce vos ar-  
 guam. Nos, qui statuta nostra non vna apud  
 vos volumus lance constare, quibus de impu-  
 gnatorum qualitate lati sunt canones, apud  
 quos nefas est cana patrum diffinita transcen-  
 dere, quibus scriptum est in Carthaginensi  
 Concilio, quod Apostolicæ sedis per Fau-  
 stinum Episcopum, qui tunc ab ea missus in-  
 terfuit, approbavit auctoritas, Accusatoribus  
 de inimici domo prodeuntibus non creden-  
 dum; in quibus odio succensa vicinitas per  
 nutrimenta arida flammam persecutionis  
 excuscat, & vniuersam doli fabricam sum-  
 ptu, & machinis coherentibus secreta dispo-  
 sitione componit: istos quæ domus euome-

ret, qui scire potuisset nostra collectio, nisi  
 presentes? & impugnationis qualitatem vn-  
 de nisi ex scripta propositione didicisset? in  
 quibus sentinam criminum, dum simulato  
 ferunt persecutionem se debere criminibus,  
 agnouisset?

Post illa, quæ de accusatoribus prolata sunt,  
 „ addidistis: cur personæ iustæ sint præsentari,  
 „ quas sæpè imperialis flagitasset auctoritas, ad  
 „ defraudationem genij pertinere eius, qui nunc  
 „ in sede Apostolica, quasi in quadam arce  
 consistit. Verè vobis dicit Sapiencia, *Homo*  
*infirmus, & exigui temporis ad intellectum non per-*  
*ueniet, sed laboret, ut sciat quid acceptum sit apud*  
*dominum.* & iterum dicunt Proverbia, *Odis se*  
*qui negligit studia, imperit enim oburat mors.* Quid  
 enim illam, quæ ex viperina scientia descendit  
 ignorantiam fingitis? quid adhibetis mira  
 latrocinandi arte præstigia, simplicitatem fron-  
 te monstrando? De vobis verè dictum est: *Qui*  
*loquitur mendacium, ex propriis loquitur.* Istam læ-  
 titiæ faciem, ex iudiciorum censura venien-  
 tem, vestra prouisione sacerdotis nostri oculis  
 abstulistis: vt eum talibus aduersus acies ve-  
 stras instructum munitionibus, & innocentie  
 in testimonio orbis tela deferentem, ab ipsis  
 iudiciorum adytis pelleretis: prouidentes  
 vt nec sine impugnatione insons viveret,  
 nec haberet solatium de incorrupta iudi-  
 cum inquisitione pulsatus. Vos præfato  
 & dedistis & inuidistis examen, cum vno eo-  
 demque itinere à vobis disceptationum dubia  
 subire & prohibetur, & cogitur, & per singula-

Sap. 9.5.

Prov. 15.  
 & 10.

Joan. 8.

rem callem ad causam arcendus euocatur; ne manifestam salutem aut non laceffitus obtineret, aut subriperet absolutus. Adolescentiæ meæ memini me legisse temporibus de quodam dictum: *Exuli exilium imperas, nec das. Vos impetit Prophetæ sententia: Isti sunt viri, qui conturbauerunt terram, & qui concusserunt regna. & iterum, Excidentur ramusculi eorum saleibus, & quæ derelicta fuerint, alseidentur. & rursus, Dum non speratis, veniet contritio vestra, & comminuetur multitudo vestra, sicut lagena figuli. Nec non propheta ad hanc causam specialiter locutus intonuit: Dominus inelinabit manum suam, & corruet quis fert malis auxilium, & cadet cui præstatur auxilium, simulque omnes consumentur.* Redeo tamen, post vetusta exemplorum suffugia, ad nouellas canonum definitiones. Clamat in alio loco Carthaginense Concilium: Quascumque ad accusationem personas leges publicæ non admittunt, his impugnandi alterum & nos licentiam submouemus. & Nul-læ accusationes à iudicibus audiantur Ecclesiasticis, quæ legibus sæculi prohibentur. Quæro à vobis, viri quibus indita est ad vnguem polita perfectio, cuius conditionis fuerunt ista mancipia, quæ postulata scriptis principalibus intimastis? Si ea seruilis adhuc in potestate alterius catena retinebat & nulla ab obscenæ obligationis compedibus vestigia in libertatem missa laxabant, vel vobis disceptantibus fidem aliquā prædictorum verba portassent? Sed, credo, replicabitis: veritatem, quam sponte prolata in illis vox habere non

Esa. 14. 16.

Esa. 18. 5.

Esa. 30. 14.

Esa. 31. 3.



poterat, hanc diuersis cruciatibus à latebris suis religiosus tortor exegerat; vt dum pœnis corpora soluerentur, quæ gesta fuisse nouerat anima non celaret. Sed quæso, primum ad leges publicas, deinde ad iudices ora conuertite, qui possunt in defensione sua sic eloqui: Nos, quos Dei seruitium post istarum rerum abiectionem fecit ingenuos; qui seruulorum insultantium contumelias, aut despiciamus, aut ridemus; quibus scriptum est de famulis per Apostolum, *Mementote quia Vester & illorum in calis est dominus*, ad hæc sæculi mala reuocabimur? faciendum à nobis est, quod facientem alterum profanum esse contendimus: quod per ministerium iussionis & manus alienæ incestaret aspectum, nostro peragetur imperio? Nolite hanc ad vniuersas Ecclesias mentem rapacium luporum more & natura seruare: quia postquam nos maculasset fortè pro desiderijs vestris cruenta discussio, effectum in his, quò tenditis, non haberet. Sed dicente vobis propheta; *Ponamus circulum in naribus Vestris, & franum in labijs, & reducamus vos in viam qua venistis*. qui eodem propheta asserente impugnaminus, qui dicit: *Erunt quasi non sint, & peribunt viri, qui contradicunt vobis*.

Hoc etiam nouo aduersus nos subdidistis inuento, ipsum dominum & redemptorem nostrum, seruorum subiisse iudicia; & cæli operatorem particulæ cuidam sponte subiacuisse terrenæ: dum testatur, & loquitur, *Homo Iuda, & qui habitas Ierusalem, iudicate inter me, & vineam meam*: hoc etiam B. Petrum; hoc Paulum Apostolum non

horruisse narratis; & illam vestram elegantiam adius pertrahitis, exemplorum nexibus præcedentem, quasi vobis in hac parte remanserit cum renitente contentio, & validis facundia vestrae digitis exigantur oblata. Samuelem etiam prophetam mirificum de cōscientiæ suæ serenitate vulgi dicitis implorasse testimonium. Quid enim Samuel dixit? scire dominum, quòd nullius vnquam substantiam, nullius pecus abegisset, aduersatum se muneribus, & , quod est supra hominem, sponte venientia dona vitalis: providens scilicet, ne per suspicionum præiudicia, opinionis damna pateretur. Postremùm sub diuina attestazione patefecit innocentiam, ne humanum subiret examen. Redemptor noster iudicium, quod inter se, & vineam suam optat euenire, dum vestra in præsentī negotio mala respicit, magis implorat. S. Athanasius Alexandrinæ vr̄bis Episcopus, dum participum vestrorum argueretur inuidia, agnoscens sibi per contumeliarum multitudinem exercitium contingere, non timorem, verè ad coronæ pretium iunxit, quod de dignitate submisit: & ante cælestem de absolutione sententiam, personam rei innocentia bonus æstimator impleuit. Sic enim Christi milites sudore suo honorū sibi incremēta parturiunt, dum cōcessa fastigia celsiore humilitate castigāt: inde laudum cumulos mercaturi, vnde indepta culmina sublimi parcite moderantur. Sed quamuis B. Athanasium Romano Antistiti, quantū nosse datur, imparem locus ostendat;

facto tamen in negotijs comparantur. Ille præsto fuit iudicibus : iste, quantum & vos dicitis, aduocauit. Ille intentatâ discussionē vt Dei famulus non refugit: iste triūphi sui spē in discussoꝝ collectione cōstituit. Sed quid his longiūs collationibus immoremur? Iudicia & iste voluit, amauit, attraxit, ingressus est: & quod posset fideli corda doloris iusti aculeis excitare, venerādo Concilio auctoritatem etiā contra se, si mereretur, indulgit. Quis in hac allegationis ipsius fronte nesciret fultum ad coepiscopos puritatis testimoniis conuenisse, qui hoc quod distractionem eorum minus licebat, exhorruit, æstimans illud magis quolibet modo labefactandum, quod statuisset censor inualidus? Quid præfatum incessistis canina loquacitate: quid læditis non merentem? Votum eius est, quod vestrum putatis esse terrorem. sed astutior in vobis, quā in Athanasij aduersariis nouelli virus serpentis insibilat. Illi nescierunt, quod vos optimè callitis, qualiter triumphus tolleretur impetito. Illi prouocatum, ne audiendus nō occurreret, formidabant: vos moram quam habebant examina non ferentes, venientem iaculis repulistis; & tadium vobis de sententia præparatum armorum vlticium assumptione commutastis. O malorum commemoratio, quæ vocem & præstat, & subruit; dum illos quos in clamore coegerit, eorum etiam grauitate facti verba confundit.

Quis patiatur vos æquo animo garrientes? Ergo nos secundum assertionem vestram, nouellæ utilitatis commoda non aniamus, dum



Definitis senioribus præstamus obsequium? Hic tota ingenij vela suspenditis: hic resupine ceruicis ex secellu pectoris quicquid habuit flammis ructus euomuit. Aiunt enim: Moyſi, & Eliſæi miracula quæ egit, dum mortuum ſuſcitauit, ſi annosa tantum ſe-  
ſtaminis condemnantur. Quid hic rationis in-  
uenit ſcrutator idoneus? non ſi auri pallidus in-  
quiſitor occurrat, in ſenſibus veſtris laten-  
tium venarum motus inueniat, & inſuetis lu-  
cem latebris ſermonum tollor admittat. Id-  
circo, ergo, cana miracula non probamus, ſi  
iuuenilibus conſentum non præbemus exceſ-  
ſibus? Si ſeruum domino, diſcipulum magi-  
ſtro Euangelij memores ſubiugamus, qui-  
quid potuit prodeſſe negligimus? Alia ſunt,  
improbiffimi hominum, quæ ad vſum recen-  
tem ſine iniuria vetuſtatis adhibemus.

Nouam deinde culpam, & quam inueſti-  
gatio noſtra tranſierat, recluſiſtis: quare Papa,  
ſine exempli inſtituto præcedentis, Synodum  
conuocauit, vt de criminum eius obiectione  
cognoſceret. Poſt hæc nos falſitatis arguitis  
cur à Principe, quæ in præfato negotio ſcrip-  
pta ſunt, dicimus poſtulata. Præſta, Domine,  
vt labyrinthi huius ſine errore ſinuofos ſupe-  
remus anfractus. dirige ſemitam, quam flexi-  
lis coluber iuxta fabricam proprii corporis  
aut mentis operatur, vt verè dicamus: *Domini-  
nus virtutum nobiſcum, adiutor noſter Deus Iaco-  
& cum Salomone exultemus dicente: Equus  
paratur in die belli, apud Dominum eſt autem omne  
praſidium.* Superforaneum quidem eſt abſur-  
dis reſpondere propoſitionibus, dicente pro-

*ſal. XLV. 8.*

*Pro. XXI. 11*

*eius.* Sed si quid contemptus transierit, vereor ne quasi validum putetur non tetigisse formido. **2. Cor. XII.** Melius est nobis cum B. Paulo insultationis causas incidere; & plena voce testari: *factus sum insipiens, vos me coegistis.* Hocce ergo nullo constabat exemplo, vt sacerdotum Papa Concilium conuocarēt, cuius arbitrium est collectio synodalis? aut parua erant, quæ de vestris cum hac multitudine facinoribus damnarentur? Nonne directæ verba sunt canonum: **VIII. q. IV.** Quicumque Clericorum ab Episcopo suo, ante sententiæ tempus, pro dubia suspitione discesserit, manifestam in eum remanere censuram? Ad huius rei ministerium deuotum Deo oportuit agmen occurrere, vt perditī & profligati gregis vlceribus medicorum exercitus subueniret. quia quotiens morborum violentiā celeri gressu ad animæ secreta festinat, obuias manus asferre non potest salutare consilium, nisi ex collatione multorum. Nam & hoc à Rege nostra poposcit allegatio, vt abscissis Clericorum præiudiciis de accusatorum Papæ merito per humanum os supernum indicaret imperium. Videamus tamen si placet, & illas didascalici libelli vestri relegamus argutias: habentibus etiam nobis ante oculos patrum sanctiones, quibus excessuum vestrorum sentina ponderetur. Lex Ecclesiastica Pontificem ab alijs accusatum, priusquam sub lucem obiecta constiterint, exigit non relinqui. Vos verò diuini, vt puto, iuris memores, qui leuia errata despiciatis, qui peccati nobilitate gaudetis, ne vni

vos ex desertione sacerdotis culpa respiceret, accusastis cum incrementis delictorum. Ad hanc vos valitudinem ille, qui est prauius vester, adduxit, vt post desolatum, post impetritum Pontificem, sine vllius vigore sententie, totius pene Italiæ improbandam Antistitum crederetis esse censuram. quomodo quidam dixit de cohorte vestra, *Festinantem animam morti non credidit vni*. Potestne mens indocilis, criminum iam ditata successibus, a detestabili proposito, velut effœta feriari? Ille vos locupletes malis effecit, cui elatiouum copię opes Angelicas sustulerūt, & diuinū cœsum nocendi, quo exuberat, thesaurus inuidit.

Sed promissi memores vniuersa, quæ operi ipsorum recolimus inserta, tangamus. Arguitur stylo splendidissimo Papa Symmachus, quare conuentionem præueniens, cum populoꝝ cœtibus examē intrauit, & postea iudicia, cum euocatus quater fuisset, spreuit. Sic a vobis veri discessit affectio, vt mendaciorum nebulis vrbis testimonium putetis inuolui, & fallaciæ peniculo depicta verba plūs virium credatis habere, quàm veritatem Roma quam retinet? Ergone ille disceptationem vel importunus adiit, vel expectatus aufugit? Ergone illam multitudinem deuotæ deo plebis, non pro fidei diligentia Christiana magis expectatio, quàm furor euocauit? Quisquam ne ad inferendam violētiam currens lacrymas comites habet, & qui studet esse formidini, vultū mentis ostendit? Multitudo illa iuncta sacerdotis officiis atrulit ad nos lamēta, nō iacula: nec venit telis minax, sed fletibus miserabilis:



vna tantū intentionē vestrā ostētatione grauitura; quia vberibus oculorū fluminibus demōstrabat, quā esset per acerbitem vestram conditio dolenda pulsati, & in sobrietate venerandi examinis afflictione propria commendabat, quem voce non poterat. Sed habetis manifestum ex hac re qui bilem furor accendat: quia penē absolutus ad iudicia venit, pro quo orbis illacymat, & dum rebus extraneam in prædictum inuidiam sermone colligitis, paulisper reuerentiæ nostræ diu ceruix superba submittitur. Sacram enim congregationem tunc vocatis, quando extinctorem nostrum Symmachum vultis asserere: & crudeli pietate honori nostro putatis accrescere, quod residens in Ecclesiarum arce perdidit. Nos ista non solum non sensimus, sed diuersa sentimus. ad alios magis tutelæ vestræ venena conuertite. Non habet testimonium defensoris, qui repugnantī impendit oris obsequiū. perdit quam esse putat beneficij gratiam, qui aliquid præstat inuito: quia non est munus nisi quod velis accipere.

Nunc longa non opus est admonitione iam perditis. odium debemus operi, de cuius iam non superest quod damnetur auctoribus. Mulierum turbas asseritis vrbani coloribus cum præfato ad iudicia conuenisse: & illa vestra subtilitate ostenditur sexus, qui maiorem Antistiti debuisset affectum. Profanissimi hominum, scriptum retineo: *Aliud est maledicere, aliud accusare.* & prophetam dixisse: *Re-*

*Isa. 30. 12, probantes verbum sperastis in calumnia, & in simul-*

*tu, & estis in eo. propterea erit vobis iniquitas hæc sicut interruptio. quia pro nobis dicit Dominus : Eos qui indicant vos, ego iudicabo : & iterum ad seruos suos dicit : Nolite timere opprobrium hominum, & blasphemias eorum ne metuatis. rursus etiam vobis clamat : Accedite huc semen adulteri, & fornicarii : super quem lusistis, super quem dilatastis os, & eiecistis linguam ? nunquid non vos filij seculi estis, semen mendax ?* Esa. 49. 25. Esa. 57. 4. Esa. 51. 7.

Quæ quibus copulatis aduertite, dicentes, Indicta causa, derelictis defensoribus, Papa decessit : fori nobis in negotio præsentis, & platearum, quarum estis hypocritæ, exempla proponentes. Nobis scriptum est per Paulum Apostolum : quibus crucifixus est mundus, quid illis cum foro ? sed ista nescitis, aut quod est grauius, nota contemnitis. Peregrinum credo aliquid, & à ratione separatim postulans Papa discessit. Nonne hoc sperauit pro statu labentis Ecclesiæ pastoralis cura contritus, quod & religiosa prouidentia, & causæ ipsius ordo flagitabat ? Quæ enim iudiciorum forma præcellerat, vt vobis hostiliter disruptis, etiam per suggestionem vestram sublatis Ecclesiæ opibus, qui diu fuerat cibus esurientium, famis mancipium videretur effectus ; dum alimentis distributor egebat, vt fieret in dominatu seruitus, & in seruitute dominatus ? Quæ hoc qualitas præcedentis rei per memoriâ in medium transacta reddebat ? Qualis habuit effici ex censura conuictus, in quo causam adiudicatio præcedebat ? Non fuit priuilegium, quo spoliari potuit tamnu-

datus. Vnum vobis putastis residere in sacra collectione subsidiū: vt ad tuendorū immanitatem criminū sacerdotes vobis comites iungeretis, & fieret impunitum facinus pollutione multorū. Nunquā conuenienti tempore cēsor adsciscitur; qui ad decisum penē negotiū conuocatur. criminosi & si est meritum tollit accusator, qui in eo plus furori suo vult licere, quā iudici. Dicit enim vos impetēs propheta: *Hæc est pars eorū, qui vastauerūt nos, & sors diripientiū nos. Ite Angeli veloces ad gregē conuulsum & dilaceratū, & populu terribilē. Ad vos Angelus miss⁹ est, scilicet per sacerdotes, quorū voce atque merito perferēda Christo dona suscipiunt, & placato dominante impetrata mortalibus vota cōcedunt per quos vobis oblata sunt munera repudiata concordia: qui pœnam merentibus dilectionis prēmia detulerūt, qui dum se considerant, in nullo, quod merebamini, respexerunt.*

Quis eum, inquiūt, vidit cum accusatoribus suis aperta, vt aiunt, pugna cōfligere? Impudētissimi hominū, quem cum quibus vultis decertare, respicite: & vtriusque partis, si quid salutis in vobis resedit, loca, tempora, personas attendite. & si vos nefariē congesta cordis adhuc prauī non subegit opulētia, oculos ad Deum paulisper attollite, & vel breui tempore sinistri monitoris iussa cōtemnite. agnoscitis summi regis præceptionibus vos, in his quæ meritō plectenda sunt, non muniri. Quia quāuis responsi qualitatem dicent dogmata postulati, & petitio dum existit præuia, quæ sint secutura, describat: nunquam tamen cassibus vestris libera regnantis verba cepistis: nunquā

Esai. 17. 14.  
182.



desideriis per aucupia calliditatis imperialia  
vobis scripta militarūt. quotiēs vanis hiatibus  
nocēdi inefficax morsus increpuit? quotiēs de  
accusato quicquid spe tenuistis, effugit, & va-  
cuos imago pręsumptione occupata deseruit?  
Deo gratias, qui hanc prouidentia indidit ei,  
cui rerum humanarum summa commisit.  
Spes certa quietis est, & salutis, perfecta in  
gubernatore sapientia. Puppis, cuius magister  
ad clauī regimen intellectus dote pręparatur,  
vbique stationem, vbique portū habet in flu-  
ctibus. Certa est generalitatis securitas, quādo  
republicam nobilibus regit artibus institu-  
tus. Scit imperatoris nostri cęlo infusa dispē-  
satio obuiam manum famosis in fallendū in-  
geniis exhibere. Labore apud eum non opus  
est, quem sortita est olim nuda veritas defen-  
sorem. Cessent impij commētitia apud illum  
simplicitatem fraude mentiri: quicquid se ad-  
uersus iustitiam mouerit, mox tenetur. nihil  
apud prędictum tutius innocentia est. legatio-  
ne valida vtitur, qui æquitati res congruentes  
insinuat. quę grauis est plerumque principi-  
bus impugnatio, minūs fidelium blanditiis  
non legatur. Sed hæc Deo melius narran-  
tur, à quo frugis huius planta descendit.

Ad vos me reducit propositi operis non  
amica conditio, qui melioribus hætenus ope-  
ram volui nauare sermonibus: dum captiuam  
orationem exigit imperiosa necessitas. Dixi-  
stis enim: Quomodo de causa, vel qualitate  
eius primitus tractabatis, cū necdū haberet Sy-  
nodus firmitatem? O frontē dictionis immū-  
dæ, & faciē libelli, quā non sola maculauit im-

perita. Tractatus nostri prouinciam & narratis & quæritis. Hinc eramus nempe dubij, quia quemadmodum loquimini, non habebat Synodus firmitatem. transibat negotij qualitas audituros, & plus adhuc remanserat in reuerentia pulsati, quàm esset in nostri integritate collegij.

Deinde pro quæstionum tormentis venerabilem Laurentium, & Petrum Episcopos, & communione Papæ se suspendisse replicatis, & quicquid prouidit cautio conuocatorum, ducitis ad crimen impetiti. Vllone ergo tempore, dum celebrarentur ab his sacra Missarum, a nominis eius commemoratione cessatum est? Vnquam pro desideriis vestris sine ritu Catholico, & cano more, semiplenas nominati Antistites hostias obtulerunt? Aliquando, quod capiti vestro adscribatur, facta est apud Deum offensa per gratiam, & extitit nutrix veniæ, peccati mater oblatio. Fuerunt quidem corporis tantum conuentione separati, quos loqueris: animarum tamen præsentiam non vitarunt. Si eos putas à consortio mutuo dissociatos, quos sibula religionis pio mordens dente coniungit, procul te ab æstimatione catholica culparum duxit affectus. Mandati cælestis habitatio nos aut miscet, aut separat. non intereît quæ intervalla nos segregent, si vno in supera mansione conclaue retinemur. Verè hinc conijcimus esse vos seruos ventris & corporis, & per hanc sententiæ vestræ vilitatem declaratis mancipia vos esse terrena. Scriptum est enim: *Animalis homo non percipit quæ sunt spiritus.*

Post hæc, versis in fugam ordinibus, lym-  
phatici more sermonis addidistis: Ergo Con-  
cilia sacerdotum Ecclesiasticis legibus quo-  
tannis decreta per prouincias, quia præsentia  
Papæ non habent, valitudinem perdiderunt:  
Legite, insanissimi, aliquando in illis præter  
Apostolici apicis sanctionem aliquid consti-  
tutum, & non de maioribus negotiis, ad colla-  
tionem si quid occurrit, præfatæ sedis arbitrio  
fuisse seruatum. Sic enim habes: si quis Episcopus  
cōporum iudicio prouinciali depositus fuerit, *Syn. Sardie.*  
Romanum Papam, si placet, rursus appellet;  
& ipse, si videtur, reparet iudicia in opitula-  
tione damnati. Ecce enode est, quod ad la-  
queum præparastis: nisi forrè artissimis in illa  
parte nexibus adstringamur, & replicationum  
nobis itinera non patefiant; dum callis antè  
peruius dumetis nouella interclusione ve-  
stitur.

His enim nos eloquij vepribus, dum gradi-  
mur per plana, retinetis, cū dicitis, læsum  
principem, quare attributum Visitatorem,  
contra Ecclesiasticas regulas prima volumus  
fronte discedere. & nihil amplius liceret hunc  
vitiis, ne duresceret lolium, ne profana messis,  
nulla disciplinæ ante maturitatē succisa falce  
decumberet, & putaretur licere quod iudices  
non vetabant. Vnde ex aperto constat, nulla  
vos, extra præstantiam piissimi regis, quam  
frustra desideratis noxæ copulari, exēplorum  
auctoritate fulciri. Superest, vt & ipsum doceā  
in his excessibus, quod bono vniuersitatis cō-  
tigit, non teneri: quia directū non occasionem



Pro. 14. 18.

litis, nec fomentum iurgij, sed causam voluit  
 esse concordia. præuidens scilicet, quòd nisi  
 simplicem iussionum suarum tutela vallaret,  
 citò in escam discidij toxica vestra subrepe-  
 rent. Scriptum est enim, *Vir simplex credit omni*  
*verbo.* Idcirco mandati limitem fixit, quem  
 nullaliceret transgressione violari. Præfatum  
 ad B. Petri Basilicam, mox Romam perdu-  
 ctus fuisset, mandauit occurrere, faciens de sa-  
 cerdotis voto regis imperium. Quis enim non  
 putaret Pontificem sponte pariturum in ea  
 parte, quam licere sibi Princeps non credidit,  
 etiam si vetaret? Ibique Papam ab eo saluta-  
 tum suo ore iussit affari, vt traderet Coëpis-  
 copo mancipia, nullis subdenda tormentis;  
 seruanda profectò ad disceptationem Syno-  
 dalis examinis. O castitatem præcepti, quæ  
 dum facem præsentibus præfert temporibus,  
 in vmbra cogitantiqua! quæ rapit lumen ve-  
 teribus inauspicato splendore nouitatis! Quis  
 taliter commentitiis laudibus locupletauit  
 fama dominum actuum suorum veritate  
 mendicum? Non derogo vobis de scriptori-  
 bus, quorum beneficio contigit ornata ad nos  
 maiorum gesta perducì: sed Dei beneficia  
 non tacebo, quia Princeps noster rebus superat  
 decora sermonum. Obnoxia linguis glo-  
 riam venerabilis causarum trutinator inspe-  
 xit: vt cùm petitioni vestræ effectus arti-  
 fex præstaretur, in omnibus tamen iura  
 Ecclesiastica custodiret. Quæ ad hanc æsti-  
 mationem, quamuis acutiora cæteris cor-  
 la, sufficiunt? vno tempore, vna scriptione,

sine æquitatis detrimento, desideria vestra  
 suppleantur, & eadem charta ad ministerium  
 religionis, & vestrum destinatur ad gaudium.  
 Boni enim principis præuidit inquisitio, ser-  
 uilem assertionem innocenti examine non  
 probandam. In electione enim venerando-  
 rum iudicum ipse accusantes extra ordinem  
 repulit, ipse ad spem retulit accusatum.

Videamus tamen ista si facta sunt: si Dei  
 inimici, etiam terreni domini non fuistis, dum  
 Christum & Regem parili temeritate des-  
 picitis, & vnus vobis ad vtramque contume-  
 liam ductus est criminum. Destinatus Anti-  
 stes ab ipso complendæ iussionis confinio  
 oris vestri spiritis abripitur, & ad incentiuam  
 confusionis aptatur, qui paci militaturus ad-  
 uenerat. Inuisis Beati Apostoli liminibus ad  
 vsum furoris vestri iam nescius sui aduocatur;  
 & illud, quod ex omnibus orbis cardinibus  
 deuotos attrahit, positum in vicinitate tran-  
 situr. Ecclesiarum fundamentum adire non  
 permittitur structura mediocris. tunc spem  
 bonorum fructuum perdidit à radice separa-  
 tus. Dicatis forsitan, Apostoli genio decerpi,  
 si putatur cæli cinis terrarum locis includi.  
 Tamen quamuis benedictio poscentibus vbi-  
 que præstetur, & exigit præsentiam mar-  
 tyris fides & deuotio supplicantis: nega-  
 ri non potest, diligentia natali solo plus  
 tribui, & maiorem affectum loca impe-  
 trare, de quibus ad superna transitur.  
 Quam fidem allegationi curationum mul-  
 tudo iam præstitit; & vtimur post obli-

dionem diabolicam testibus iam sanatis. Hec licet per redemptorem nostrum in toto orbe celebrentur: est tamen non modica monumēti illius per frequentiam comparata nobilitas, quia per eum qui hominem mutauit in Angelum, illustrari potuit natura telluris. Hanc Visitatori vestro inuidisus gratiam, assimantes quia errorum vestrorum sectator esse desisteret, si reuerendæ passionis penetralia contigisset. Ecce non habetis in regia auctoritate subsidium. ecce post caelestem commotionem iussit vos & principalis, quam sperni fecistis, censura percellit.

Videamus si superest aliqua de regulari propositione defensio. Visitatores, inquit, & aliis Episcopis ipse dedit, & iustum est, ut facti sui lege teneatur. Non vos in hoc titulo falsitatis incesso: diu mendacijs adhærentia verba non arguo. Dico tamen, latorem iuris definitionis suæ, nisi velit, terminis non includi: & nisi Princeps fastigij summa moderetur, frustra ad illud, quod dederit, ius vocatur. Lex probitatis & mentis est, quæ hominem viventem sine lege castigat: propriè moribus impendit, qui necessitati non debet disciplinam. Aliorum fortè hominum causas Deus voluerit per homines terminare: sedis istius præfulem suo, sine quaestione, reservauit arbitrio. Voluit Beati Petri Apostoli successores calotantum debere innocentiam, & subtilissimi discussoris indagini inuiolatam exhibere conscientiam. Nolite assimare eas animas de inquisitoribus non habere formidinem, quas



Deus præ cæteris suo reſeruauit examini. Non habet apud illum reus de allegationis nitore ſubſidium, quando ipſo factorum vtitur teſte, quo iudice. Dicaſ forſitan, omnium animarum talis erit in illa diſceptatione conditio. Replicabo vni dictum : *Tu es Petrus, & ſuper hanc petram ædificabo Eccleſiam meam : & , quæcumque ſolueris ſuper terram, erunt ſoluta & in calo. & ruruſ ſanctorum voce Pontificum dignitatem ſedis eius factam toto orbe venerabilem, dum illi quicquid fidelium eſt, vbique ſubmittitur, dum totius corporis caput eſſe designatur. de qua mihi videtur dictum per prophetam, Si hæc humiliatur, ad cuius fugietis auxilium? & Vbi relinquetis gloriam veſtram?*

Matth. 16.  
& 18.

Eſa. 10. 3.

Quid ſi immunda mihi labia habenti, & nullis ſuccenſi carbonis, vt Iſaiæ conſeſſum eſt, vndis abluta, ipſum ad poſſeſſionis ſuæ tuenda priuilegia Petrum Apoſtolum liceret euocare, & quod agit precibus, humana voce loqueretur? quem ſi audiretis, hoc diceret:

Pſal. 4. 3.

*FILII HOMINVM* Vſquequo graues corde, vt quid diligitis Vanitatem & queritis mendacium? Scitote quoniam mirificauit dominus ſanctum ſuum. Quid ſtabilita Chriſti manibus cupitis fundamenta ſubruere? quid canum poſſeſſionis genium illius, qui per culpas iuuenefcit, ariete pulſatis, & diuiſione Eccleſiaſtici gregis nouis me & poſt carnem paſſionibus ſubiugatis? Inauditum ſacrilegij genus eſt, quod mentitæ religionis honore coloratis. dehoneſtat venerandi reuerentiam nominis, qui adiutorem ſe in his, quæ in Deum iactat commiſſa, polli-

cetur. Contumeliæ genus est, quasi in solatio  
*Rom. 14. 4.* adesse sublimi, iuxta Apostolum : *Tu quis es,*  
*qui iudices alienum seruum ?* Quid auribus  
 imperitis illuditis, & grauiorem vindictæ spe-  
 ciem facitis esse, quàm culpæ? Si odium debe-  
 tis excessibus, vos mundate. cur liberiùs con-  
 demnatis scelera, quàm vitatis? Sui impugna-  
 tor est, qui fornicationis officiis vrget adulte-  
 ria, & per animarum stupra carnis accusat.  
*Psal. 72. 27.* Scriptum nempe retinetis, *Maledicti omnes qui*  
*fornicantur abste.* Fæda ergo à nitore Domini sui  
 obligatione dissoluitur, qui statutis cœlestibus  
 minùs mera fide dependit officia. Possessionis  
 nostræ vobis, vt video, claritas mouit inui-  
 diam; quam simulata in mali possessoris in-  
 dignatione transfertis, dum defudatis impen-  
 diis. Arcem, qua fuistis conspicui, crebris la-  
 befactatam ictibus, nisi obliterem, propo-  
 fuistis obruere; & cælo stabilitam machinam,  
 quanta sit, ostendere per ruinam. Nolite præ-  
 stolari de clade vestra victoriam: nolite trium-  
 phum superando perdere, meis laboribus,  
 meo sudore quæsitum. Quicquid ad tro-  
 phæum ducit, obtinui: quicquid vos illustres  
 faceret, in sede congeffi. vobis tribuit clari-  
 tatem fax ista quam viperino liquore pu-  
 tatis extinguui. In perniciem propriam ac-  
 cenditur, qui sic læuit in gratiæ suæ ger-  
 mina, vt plantas abscidat. liberior iu-  
 sto iracundia plusquam alios laceffit aucto-  
 rem. Symmachi quos vocatis excessus, si sunt,  
 illa, qua & vos, expectatione sustineo. nefas est,  
 peccantem patientiam iudicis non amare.

Quid nisi ultionem flagitat, qui dum reus & ipse sit, vindictæ in altero moras accusat? Hæc illis à me vox debetur studiis: quia deum dixisse teneo, pronum esse hominem in malitia, & omnem carnem amicam esse peccatis. Nolo occasione personæ innumeris datura dignitatem fiat in abiectione possessio: ne dum homo incessitur, lex diuina frangatur. Mihi credite, si sunt ista, quæ dicitis, respicio: quia & in illis, quibus nihil tale dicebatur, quid fuisset inspexi. Errat, qui falli Deo proximum credit: *Mihi vindictam, & ego retribuam, dicit dominus.* Vos potius olim filij, de quibus spiritalis ventrem partus onerabat, ad abiuratam redite concordiam. pio vos sinu, sicut habuit hætenus, Ecclesia mater accipiat. Nunquam est sera correctio: scit diu expectare immodico labore quæ sitos: nescit pro vilibus despicere magno pretio comparatos. Multis gradibus recursus est ad salutem. præter desperantem nullus excluditur: fructus veniæ proximus est coronæ. Nolite Symmachum Papam pressuris vestris iuuare. si reus est, mihi credite, cum cessauerit humanæ impugnationis ministerium, diuinum mox succedit arbitrium. Nonne in splendidißimi cognitoris lance predicto aut pœna debetur, aut præmium? Syllogismos à me sermonum, & schemata non quæratis. Antiquo adhuc vtor reti post hominem: & irrisam à sapientibus sæculi cymbulam non reliqui. Illa me per mundi freta sustentat:

Deu. 32. 35.



ditat probatum in captione hominum rete,  
quod cernitis. Redite ergo, quia fuga vos nec  
dum elletis agrestes eripuit currite ad ouile,  
ne luporum vos exponatis insidiis: ne per mo-  
ram amittatis gratiam sponte venientum;  
quia contemptam inuitationem gehenna  
subsequitur. Ego, si quid dulcedinis vt pater  
debui; si quid distractionis, vt attributus a  
Deo magister, impleui. Prouidete ne diutius  
qualemcumque crucis meae angulum rara Le-  
uitarum corona circumdet: ne dolenda etiam  
extraneis in longum solitudo dominetur: ne  
labor vteri mei sterilitatis vice hostilem pepe-  
risset familiam, & numerosa proles per sini-  
stros actus infæcunditatem parentis ostendat.  
Pauca sunt quæ asserui, sed quanta ex his  
pendeant, æstimate. Venite filij, audite me, ti-  
morem Domini docui vos. Romam respicite,  
quam ab idolorum seruitute sine auri, sine ar-  
genti pretio liberam sanguinis Christi fecit  
effusio: cui etiam meam seruuli sui mortem  
iussit impendi. Quæ per multa tempora fa-  
mosis cultum delubris exhibuit: quæ diu vene-  
rata est in imaginibus dæmonum, quem la-  
borante censu indiderat manus magistra ter-  
rorem: quæ suspexit potestatem numinum  
emptam pretio metallorum. cui sublimiores  
deos peperit exercitior manus artificis: & di-  
uinitatem, quam homo per fabricam contu-  
lit, apud homines Dei habuit forma maiorem.  
Ecce iam, Christo propitio, ad nouas fornaces  
simulacra redierunt. ecce iam de obsoleta su-  
perstitione vsus vester accipit, quod lætetur:

dum de veteri Tonante noua merito vascula  
 præparantur. Quid hanc adnitimini inter-  
 rumpere quietem? quid ludere vanis intentio-  
 nibus felicitatem? excusationem non habet  
 furor iste, si creditis. non interest quibus iti-  
 neribus ad mundi principem currat, qui à  
 à sancta vnitatesciscit. pingues hostias litat  
 Diabolo, qui contristat Ecclesiam. Vanas er-  
 go repudiate tendiculas: simplicem habet de-  
 fensionem pacis affectus. nimis armatus est,  
 qui illa, quæ aduersarius concordie ministrat,  
 tela contemnit. sufficit contra omnia iacula  
 iurgiorum fidei nuda oppositio. Quid Eula-  
 lij & Bonifacij tempora, dum malorum sola-  
 tium quæritis, reuocatis in medium? quid  
 incrementis excessuum præsentatis vetusta  
 contagia, & per iniquam voluntatem senectu-  
 ti in operiendis delictis facitis nil licere? Alia  
 tunc fuit causa discordie: & nisi narrando  
 cogeret sustinere transacta, ostenderem vobis  
 nullum euenire solatium de comparatione fa-  
 ctorum: quia illos, quos ad Pontificale fasti-  
 gium intentioni obsequens feruor euexerat,  
 vtrosque repuli; hunc elegi: quia de illis, teste  
 exitu, nemo mihi placuit: de istis, contra re-  
 gulas nitentem profugum feci; prouectum le-  
 gitimè mundo impugnante seruauit. Scitis ista,  
 non noua sunt: quia dum ille truditur, iste fir-  
 matur, vester mihi militauit assensus. Deinde  
 cur in perniciem vestram læditis sacerdotale  
 Conciliū? cur laceratis sententiam, in qua in-  
 spirante Christo oracula superna patuerunt, &  
 inter Deum atque homines interpres extitit

lingua Pontificum? quid generalis Ecclesie  
dolorem facitis, quamuis in principali, ta-  
men in vna commissum? Illa enim cæli cu-  
ria, variarum dotibus aucta curulium, & mul-  
to redemptoris nostri auro, ostrôque decora-  
ta, nihil in illa discussione auctore se protulit:  
sed per humanæ linguæ ministerium diuino  
militauit imperio. Intellexit non esse suum,  
quicquid impulsa constituit. nihil habet in  
illa sententia, nisi vnde de sola deuotione  
gratuletur. peregrinum stylus sensit eloquiū,  
inde sumens solam gloriam, quod infusa sibi  
seruauit & coluit. Quid his de exemplis Euā-  
gelicis præparastis calumniam? sicut de vo-  
bis scriptum est, *Errauerunt in ebrietate, nescierunt*  
*videntem, ignorauerunt iudicium.* Nam dum pro-  
fanis memoratos verbis cæditis, & inscitiam  
proditis, & liuorem. Isti ergo resurrectionem  
coporis quam, prædicant, non credentes, hæ-  
reticis se miscuere contagiis? Isti quod abiur-  
rant linguis, corde sectantur? Ergo quia di-  
xerunt, eum timendum esse, qui potest corpus  
occidere, & animam mittere in gehennam;  
ideo à fide aliena texuerunt? ecce profundam  
imperitiam. En beatum Lucam, cuius pote-  
stis assertionem conuinci, qui clamat: *Timete*  
*eum, qui postquam occiderit corpus, habet potestatem*  
*animam mittere in gehennam.* Quis hîc locus er-  
roris, vbi congruentia pari ductu exempli &  
historiæ verba concurrunt; nec diuersum est  
ab intellectu catholico, & lectionibus quod  
profertur? Nunquam benè nodus in scirpo  
quæritur, non inuoluit nebula prædicatæ lucis

*Esa. 28. 7.*

*Luc. 12. 5.*



auctores. Resurrectionem ergo carnis non credunt, quia posse corpus continentur occidi? quia peccatricem animam gehennę mancipari? Denique cor vestrum vepribus suffocatur, & interna vitia aliis certat adscribere. Ioannis etiam Apostoli iactatis scripta violari, quia ex verbis eius dictum est, *Si dicamus, quia peccatum non habemus, mendaces sumus, & veritas in nobis non est.* De codicum diuersitate nil queror. Ideo ergo corrupta sunt Apostoli monita, quia non iunxerunt, *Nos ipsos decipimus*, & quia iunxerunt, *mendaces sumus*? Non solum diuinę, sed etiam humanę rationis ignari, qui veritatem non habet, mendax recte censetur: nec alia re nisi falsitate plenus est, qui integritate vacuus innotescit. Sed hæc in vobis non curanda sunt linguę oratione, sed gemituum: nec magis sunt vobis exhibenda verba, quàm lacrymę: quia liquidò nocense est, qui inscitis aut meritum culpabilis, aut nomen opponit. reliqua obiectionum vestrarum capita non reuoluam. præstat silentio damnanda sepeliri. Nobilitatē dat facinoribus, qui ventilationem ipsorum multiplici ad aures posteras relatione transmittit. B. Pauli est sequenda sententia, qui monet per discipulum cunctos, & clamat, *Inanes quæstiones evita.* Multa enim sunt in propositionibus vestris, quę ita faculentis vlnis peccandi amor amplectitur, vt fiant indigna memoratu. plura leuitas dehonestat, dum subductis euiscerantur verba vestra ponderibus, & de religionis causis elocutio

I. Ioan. 1. 8.

2. Tim. 2.

*Psal. 75. 6.*

ventosa componitur, auris congruam sortita  
grauitatem: quæ in palearum abundantiā nihil  
est horreis illatura de tritico, dum infæcundā  
frugibus culmorum parturit vbertatem, &  
spem de herbarum luxuria mentitur agricolis: de  
quibus nihil lucri ventilabra reperiūt, igni de-  
bita, incendiō que peritura. de his scriptum est  
*dormierunt viri somnum suum, & nihil inuenerunt.*  
Nihil est, carissimi, pace dulcius, si tamen sa-  
porē eius non plenum amaritudine pectus ex-  
cludat. Breuiorem quidem admonitionem  
debueram, quam prolixam non parua vestri  
consideratio, & diu in vobis iurgiis exercitata  
frons protulit. Vsus est multa peccantium, stri-  
cta allocutione nō corrigi: & effusionem plu-  
rimi, quam in delictis habuerunt, in monito-  
ris sermonibus hanc requirunt. Me satis est &  
diligentiæ vestræ, & iussis cælestibus obse-  
cutum. In his quæ secutura sunt, locum ser-  
monibus non relinquam: quia hæc refero;  
Mundi caput Romam per vestras intentiones  
esse prostratam, & nutricem Pontificij  
cathedram, quasi vltimum videre sedile des-  
pectam.

Cuius vocem Beatus Paulus excepit, &  
illa quæ semper vtilis est eloquij insonuit  
libertate: Apostolorum principem lenita-  
tis incescens, quod fluxis & profligatis  
mentibus parentis adhuc seruaret affectum:  
nec in profundum ductis vlceribus ferro me-  
dicante succurreret. reicienda docens lani-  
enis secreta morborum, & manifestæ despera-  
tioni salutiferum esse vulnus adhibendum. ne-  
dum

dum manus medici per pietatem à sectione  
 carnis corruptæ suspenditur, de abſtinentia  
 teli inuitetur exitium : quia dum parcit ægris  
 dextera, curandos interficit ; nec grandis eſt  
 differentia, vtrum letum inferas, an admit-  
 tas : mortem languentibus qui cùm poſ-  
 ſit non excludit, infligit. His ergo aduerſus  
 eos oris ianuam patefecit alloquijs.

*OMNIS QUI IUDICAT*, in quo  
 alium iudicas, te ipſum condemnas. eadem enim  
 agis quæ iudicas. Scimus autem quia iudi-  
 cium Dei eſt ſecundum veritatem in eos, qui  
 talia agunt : & iterum : Beatus qui non iu-  
 dicat, in quo probat ſeipſum. Quæ, malum,  
 ratio eſt, vt prædicet non furandum, qui fura-  
 tur : & prodigam verecundiæ frontem nube  
 veſtiat impugnationis alienæ ? Nemo rectè  
 monitoris perſonam ſuſcipit, niſi qui actibus  
 ſuis errata condemnat, & amorem innocen-  
 tiæ conuerſatione demonſtrat. Nam adiacet  
 etiam publicanis, amica moribus vitia dam-  
 nare ſermone, & ſcleratoribus linguæ of-  
 ficiis punire quod diligant. Quasi non quod-  
 dam genus ſit maiorum exceſſuum, dare rei  
 affectum labijs, quam mente deſpicias, & in-  
 genij virus colloquij melle veſtire. Hæc ſic  
 ago, quaſi ſi vobis eſſet pudor, pudicitia, ve-  
 nuſtas affectui; liceret accuſare doctorem, &  
 aduerſus electum oris liuidi morſus aptare :  
 cùm antè futuri præſcius per epistolam ad vos  
 datam plena voce monuiſſem, *Quis accu-  
 ſabit aduerſus electos Dei ? Deus qui iuſtificat : quis  
 condemnet. Et iterum : O homo, qui iudicas eos,*

Rom. 2. 1.

Rom. 14.  
22.

Rom. 8. 3.



Rom. II. 3.

qui talia agunt, & facis illa, putas quoniam es-  
fugies iudicium Dei? An diuitias bonitatis eius,  
& patientiæ, & longanimitatis contemnis?  
Accusatis malitiam repleti iniquitate, forni-  
catione, auaritia, nequitia, intidia, homicidiis,  
condemnatione, dolo, malignitate; superbi,  
elati, inuentores malorum, parenti non obe-  
dientes, insipientes, incompoti, sine mis-  
ericordia. Docetis fornicantibus neminem  
esse miscendum, adulteri Laurentij aut se-  
quaces, aut præuij. per quos ille aut exe-  
ruit quæ habebat toxica, aut quæ effun-  
dens monstrauit, accepit. Post illam ille-  
cebrosæ communionis maculam, & pe-  
stem toto orbe execrabilem, sacerdotes  
Dei, quasi obsoleta comparatos commu-  
nionem, culpatis: reos putatis esse, qui  
subiere consortium nullo teste conuicti: &  
sectamini hominem toto Ecclesiasticæ in-  
scriptionis, non dicam stylo, sed ense perfos-  
sum. Quod licet, non licet; & quod non licet,  
licet. Quemadmodum Iamnes & Mambres  
restiterunt veritati; sic & vos mente re-  
probi, circa fidem proditores, proter-  
ui, inflati, amantes voluptatem magis  
quàm Deum; habentes speciem quidem  
pietatis, virtutem autem ipsius abnegan-  
tes. O vim doloris interni! qui nequit  
expedire quod concepit; qui profundis in-  
gestum visceribus loquendi affectum, quem  
imperauit, irrumpit. Nihil vobis ultra  
plus eloquar: quod de oratione remanet,  
lamenta supplebunt.

Post hæc si inter manus medicorum curatione agrescitis , nec aliqua à cæpto salutis consideratio vos reducit, saltem orbis parentem urbem vestram respicite. ipsa vos post defensores suos Apostolos mœrens aggreditur, ipsa compellat, & si quid est pietatis in reliquum , orditur impetratura sermonem.

ME QUAM DEI summi templa , repudiatis sanorum cultibus , & nouæ lucis nitore gaudentem , fecerunt esse conspicuam; quam post sacella sordentia; & multo peccudum tabo polluta , ab hostiarum cruore, Dominici & Apostolici sanguinis effusio purgauit : quam reducta post longum sanitas febrium fecit delubra contemnere ; quam à victimis liberauit oblatio ; quæ pacem Christi per idolorum inimicitias acquisiuit; cui non fuerunt penè numerosiora dona, quàm numina ; quam religiosus reddebat varia deuotione mendicam, quam egestas oppresserat frequentia à Diis suis beneficia postulantem : quæ Curios, Torquatos , Camillos, quos Ecclesia non regenerauit, & reliquos nisi plurimæ prolis infæcunda mater ad Tartarū, dum exhaustis emarconi malefæta visceribus: quia Fabios seruata patria nō redemit, Decijs multo sudore gloria parata nil præstitit, profligata est operū sine fide innocētia: criminosis iunctus est æqui obseruātissimus, quia Christū ignorauit, Scipio. Per totā vellē stylū ducere, si orbate pectus pateretur, infantia. Sed quisquis lamentationis transacta relegit , lacrymarum tempora videtur optare. Nemo creditur non

odisse, quorum relatione non læditur. qui sic-  
cam faciem de filiorum funeribus referens ser-  
uat, certo teste crudelitatis arguitur. Illa po-  
steritas plus maioris attulit perdita, quam iu-  
cunditatis acquisita. Relegamus tamen qui-  
bus mutata sunt ista successibus. Ecce iam in  
illo sacrario libertatis nihil seruire de idolo-  
rum cultibus inuenitur. ecce honorum coro-  
na, orbis genius, flos Romanus, quæ diu ve-  
nerata est, plena sanctitate calcat altaria. Ecce  
iam curia mea ad cælum vocatur, laudatur,  
accipitur. nec possum dicere, perdidisse me  
sobolem post gratiam baptismi, quam vel re-  
pentina mors abstulit. Multos trabearum  
vel curulium possessores supremus regnator  
sine dispendio cultus, aut dignitatis amplecti-  
tur. Penè iam terreni munificentia triumphi  
diuinum mercatur affectum; & hoc ad Chri-  
sti gratiam proficit, quòd mundo studeatis esse  
venabiles. Mentior, nisi gena agmina Con-  
sulatus vestri in subsidio miseriarum præsto-  
lantur aduentum. Etenim purpura vestra, qua  
anni vocabulum nobilitatis, subripientem mi-  
seris vestimentorum largitate pellit algorem.  
Prope iam iterum necessitatibus ferunt auxi-  
lium decora fastorum; & veteri infidelitate  
deposita, in tali præparatione census dispendia  
efficiuntur lucra animarum. Ecce nunc ad ge-  
statoriam sellam Apostolicæ confessionis vda  
mittit limina candidatos, & vberibus gaudio  
exactore fletibus collata Dei beneficio dona  
geminantur. Quis tempore, quo pretiosis lie-



eamus vbera partibus, quo prolem nostram  
 æterna genitrix rursus paritura nunc suscipit,  
 cuius post primam natiuitatem grandæuis  
 fatibus alius impletur, quæ mihi prolem  
 regenerando dulcem facit esse, quam peperit,  
 quæ ad se venientes senium facit exuere, & ad  
 vitæ principia redire confractos, quis hanc fe-  
 licitatem, rogo, interpellatione commutat?  
 Quis per discordiam viperina mēte compo-  
 sitam aurei mihi sæculi iubet perire beneficia?  
 quis in renouatione mea occasum clandesti-  
 nus inspirat, & per blādæ frontis speciē inimi-  
 citijs vires acquirit? Generosam in tali nego-  
 tjo profapiē non agnosco. Si qui sunt tamen  
 summorum, quos vilibus tempestatis huius  
 procella sociauit, aliis auctoribus facinorum  
 participatione maculantur. Splendor langu-  
 nis, & si communionem criminum incurrit,  
 nescit tamen ducem se præbere peccatiuis.  
 Habet forsitan reatum de neglecta cautione:  
 non habet dignum supplicium de scelerum  
 principatu. Sub quadam verecundia iungitur  
 delinquentibus, qui ad adulta iurgia conuoca-  
 tur. non meretur desperationem perdit, in  
 quo facilis tantum credulitas improbatur.  
 Vos potius video, triuiorum germina, vos  
 agnosco: in quibus naturæ vilitas conuenien-  
 tes sibi mores peperit. quos degenerasse cla-  
 ritas fuerat: qui per mentitæ titulum religio-  
 nis gaudetis impunitate vitiorum: quorum la-  
 bia nunquam aut honorum sapor tetigit,  
 aut quietis: qui fas omne origini paren-

do violatis : quos de latebris & specubus productos prælens causa monstravit. Quis ante concinnationem mali huius, qui essetis, agnouit? diu fouistis secreta, quib. vos nox generationis abdiderat. Redite potius ad amicam cœcitatē : nobis serenam, & diurnam lucem relinquire. concordiam Ecclesiæ, aut absentia, aut correctione præstare. Si tamen vultis vos numerari inter splendidas prosapias, actuum emendatione cognoscam.

## III.

VITA BEATISS. VIRI

EPIPHANII

EPISCOPI TICINENSIS

Ecclesiæ.

**Q**UAMVIS me urgeat suscipiendi operis anceps necessitas, & ÷ regione impositus sit, nec meo labore vacuus, nec maledicorum disceptatione tractatus; in quo gemina cautio dictionis, hinc vbertatem expectet ingenii, inde etiam lingua diuitibus narrandi frenos imponat; cum ipsas eminentissimas, ut putantur, in sæculo vana inflatione personas si quis ventoso nimium studuerit elevare præconio, aut intra gestorum terminum inopia eloquij continere, utrumque apud eas iudicetur ingratum. In laudibus enim ipsis turpe est illa

audere, quæ nec ille, de quo narrantur, agnoscat: sic iniuriosum, & dolore dignum putatur, illud præterire silentio, quod relatio vera possit attollere. Etenim res bene gestæ veterum nostrorum pro referentis apud nos accipiunt facultate virtutem. Nam veræ aut perit notitiæ, aut attenuatum transit ad posteros, quod ad explicandum pauper verborum vena susceperit: & illa haud iusto liberior laudatio tantum decerpit gloriæ, quantum falsitatis adiecerit. Fit verò plerūque, vt fide carens cumulus minuat probè facta multorum, & sit vana narratio, quæ crescit ex mendaciis: intempestiua & mendica nimium, quæ non pertransit ad terminum. Quocirca vitam beatissimi Epiphaniij Ticinensis Antistitis narraturus, inuoco Spiritū sanctum testē actuum eius, & comitem, vt ipsius auxilio gloriā conscientiæ serenissimæ, quam eidem concessit, tradā chartis victuris in sæculo; vt exemplum præbitura virtutum nūquam fama moriatur. In quo tamen opere, si me angustia non coarctauerit eloquentiæ sub certa lege currentis, vt saltem cruda per ordinem digerā facta meritorū: nihil tamen de laboribus eius tam mediocre, vel humile inueniam, vt necessariis illud bullis, vt plerique solent, viuidi sermonis amplificem. Testes etenim calentium citabo negotiorum, & trophæa illius adhuc fumantia, & exornata de manubiis diabolicæ nuditatis ostendam. Nemo enim sub oculis præsentia penè & nimium nota commemorat, nisi qui de veritate confidit: vt quos



forſitan ſiſta dicturus, velut impudentiæ meæ conſcius, evitare, eorum auribus relegam illa quæ cognouit adſpectus.

IGITUR præfatus vir inſignis Epiphanius oriūdo Ticinenſis oppidi indigena fuit, patre Mauro generatus & matre Focaria editus, quæ ſancti etiā Mirocletis Cōfeſſoris & Episcopi tãgebat proſapię, hominibus ex liquido ingenuitatis fonte veniētibus. Sed quid illorū retexam ſanguinis prærogatiuam, quorum familiæ & nobilitatis caput eſt filius? Qui ſub deceſſore ſuo, viro integerrimo, Crispino Pontifice cæleſtis militiæ tyrocinium ſortitus, annorum ſermè octo Lectoris Eccleſiaſtici ſuſcipit officium, ſigno ante cælitus demonſtrato. Nam dum eſſet in crepundiis lætentiſ infantię, fulſiſſe eius cunabula ſuperno lumine videre complurimi: vt futuram mentis claritatem luſtrans eum & præcedens fulgor oſtenderet, ſecuturūque ſplendorem in moribus iam tunc typica luce ſignaret. Notarum in ſcribendo compendia, & figuras varias verborum multitudinem comprehendentes breui aſſecutus, in Exceptorum numero dedicatus enituit, cœpitque iam talis excipere, qualis poſſit ſine bonorum oblocutione dictare. Igitur proceſſu temporis & laboris ad ſextum & decimum ætatis annum diuino fauore perductus, cana conſilia in annis puerilibus meditabatur. Vernabat in illo præ ceteris mater bonorum operum verecundia. Ita famulabatur Antiftiti libens, vt ſi quid operis gereretur ab altero,

grauius ferret subreptum sibi. fuisse seru-  
 tiū. Accipiebat senes grauius, iuuenes comi-  
 ter, & coërcebat iam tunc facinorosos auda-  
 cter. erat prius subiectus, prioribus sancta  
 iniungentibus obsecundans; æqualibus blan-  
 dus atque officiosus; sequentibus mera cari-  
 tate communis: nulli se præferens, cum re-  
 ligioso cursu per cælestem tramitem omni-  
 bus anteiret: laudationis amore vacuus, cum  
 quotidie in eo laudanda adolescerent. cum-  
 que res gloriæ dignas per horarum momen-  
 ta consummaret, perire fructum gloriæ opi-  
 nabatur atque mercedem, si prætulissent ho-  
 mines, quod soli Dei exhibebat absconditè.  
 In summa Apostolici memor oraculi, ad sen-  
 tationes respuens, in semetipso, teste con-  
 scientiæ, pro boni operis recognitione plau-  
 debat.

Illud verò libandum esse non abnuo, quòd  
 formositas in illo lucis corporeæ index ani-  
 mæ fuit, & tantum contra studium illius for-  
 mæ decus enituit, vt nec forti viro posset op-  
 pugnanter subuerti. Ridebant genæ, etiam  
 cum animus mœstitudine torpuisset. nitida  
 simul labia commendabant dupliciter mella  
 sermonum: nec non quocumque vertisset  
 oculos, serenitatem mentis nuntiabat adspe-  
 ctus. frons ceteræ pulcritudinis, & candoris il-  
 lius, quæ solis passa radios colorem traxit ab  
 æthere: nares in tanto naturaliter splendore  
 formatæ, vt illas nequiret imaginibus cor-  
 pora repræsentans pictor æmulari. manus te-  
 retes, prolixi digiti, de quibus aliquid & alie-

nigena gauderet accipere. Staturæ proceritas decens, quæ eminentiam secuturæ dignitatis præfiguraret in membris; nec tamen modum ornatissimæ prolixitatis excederet.

Sed ne quis forsitan malitiosus interpres intempestivè positum iactet, inviro tantarum virtutum de lepore carnis factam esse mentionem: cùm in illa veteri mandatorum cælestium radice sit insitum, sacerdotum corpora sagaci debere insinuatione lustrari: ne quid debile, vel deforme, ne quid plus, minusve esse contingat, neque inolitam maculis cutem superficies fœda dedecoret: ne fractura manus, aut fractura pedis, aut gibbus indignum altaribus reddat Antistitem. & clamet doctor gentium, & electionis vas, hominem mundum ad eiusmodi debere officium peruenire: quod non solum de animæ, sed etiam de corporis creditur nitore dixisse. Qui deformem ac debilem à libaminibus suis mandat arceri, inuenitur eos, qui multipliciter grati sunt, admittere libenter: præsertim in quo lucem membrorum animæ fulgor exsuperat; nec naturaliter illud terrenum decus aliquibus artificijs adiunatur.

Præstrictis ergo his, quæ oportuit non omitti, ut cui innotesceret opere vir immensus, præsentaretur & vultu: transeam ad illa, quæ de cultoribus Dei non mediocriter laudanda fronte narrantur. E-



rat in eodem sermo ad doctrinam congruus, fabricatus ad blanditias, ad intercessionem iam tunc artifex, ad corripiendos singulos auctoritate plenus, ad exhortandos quosque necessario lepore dulcissimus: vox sonora, succo virilis elegantiae condita, nec tamen agrestis, ac rustica, nec infracta, gradatimque à mascula soliditate deposita. Illum quicumque vidit, cum necdum dignitatum aliquod limen intrasset, omnia eum transisse credidit, quæ sequebantur insignia.

Talis iam ad decimum octauum ætatis suæ peruenit annum. In quo, secundo à Leuitis numero dedicatus, senum cœtibus puer adiunctus est. Stupuerunt plurimi, sed externi, qui mores illius cum ætatis immaturitate iungebant: seram credebant dignitatem hanc redditam esse, qui nouerant. At ille venerabilis Crispinus Episcopus, fauoris nescius, pertinaci tenens districtione censuram, & quem nunquam nisi bona conscientia duxit ad gratiam, sic eum mulcebat sensibus, vt morderet obtutu; & sub specie frontis rigidæ clandestinum circa discipulum nutriebat affectum. Pascebatur alumni sui optabili conuersatione pater, & omnibus eius actibus oculos amœnabat. In quo tamen ille Subdiaconi ordine nihil ampliùs quàm biennio commoratus, meritum suorum saltibus euectus exsiluit. nec se diu

intra angustias modici honoris anima est di-  
nes passa refranari. Festinabat ad Leuiticam  
dignitatem conscientia, quam nunquam vota  
presumpserant: exigebat conuersatio, quod  
desideria penitus ignorabant.

Circa metas tamen praefati honoris & ter-  
minum, vnum eius opusculum summotenus  
libet attingere. Summi vocitatur ager, qui  
in eo loci situs est, in quo terrenum margi-  
nem gulosus Padani gurgitis morsus arrodit,  
& flexuosè serpens fluuius largitur in com-  
pendio alterius quod furatur ab altero; simul-  
que sit lucrum finitimi aliena calamitas. De  
huius praedii finibus antiqua cum Clericis  
Burco quidam lite certabat. ad quod iurgium  
dirimendum senile nimis, & praeter quam  
coniici possit annosum, adhuc puer iste diri-  
gitur. Electus est enim, qui & fortiter illas  
intentiones exciperet, & maturitate consilij  
inferendas temperaret. Attulit tamen, quod  
solet omnium criminum mater intentio.  
Nam processu sermonis, & scandali, ipse  
Burco, qui malitiae suae sordido lenocinaretur  
assensu, summum facinus sine aliquo timore  
commisit. nam sanctum virum ita fuste per-  
cussit, vt sanguis protinus ebulliret. At ille pa-  
ratissimus iram repressit, nec vindictae spe pro-  
uocatus efferbuit; turbatumque potius & at-  
tonitum percussorem blandissimo delinibat  
affatu. Illico miseram se clamans, & orbatam  
filio ob atrocitatem facti, Capraria Burconis  
mater occurrit. Crederes eam circa funus  
pignoris sui illa, qua fugatur omne confi-

lium in carorum mortibus , lamentatione iactari. Lambebat vestigia sanctissimi iuuenis eiulans mater , & Parce clamabat illi , quem nunquam ad indignationem vis vlla compulerat. At ille supplicantem prohibebat, ne sibi inuidiam rogando concitaret, ne se non merentem, delati honoris sarcinis impediret. Turbata est repente ciuitas : omnium Christianorum in furorem versa mentes. Burco ad exitium poscebatur , & in tanta hominum multitudine nemo placidus, nisi qui iniuriam fuerat passus, inuentus est. Flebat egregius Pontifex , de infirmitatibus suis & molestiis gaudente discipulo. Nam ita satisfaciebat pro eo, qui putabatur inimicus, singulis , vt nec gloriam parcendo iactanter quaereret, nec vindicando mandata caelestia praeteriret.

Breui post ad Diaconij euectus insulas, vicissimum annum aetatis ascendit, facie nec dum bene barbata. Turbatur suscepti honoris tyrocinio homo qui iam ducem poterat implere Christianum. singulorum pro pudore declinabat aspectus, quem vniuersa ciuitas, quasi salutis signum aliquod attendebat. Interea supradictus Antistes omnem Ecclesiasticae conuersationis substantiam , & diuitias pauperum suorum in eius potestate committit, volens ante Episcopatum cognoscere, qualem futuris temporibus prepararet Episcopum. Et cum vix sit, vt ab eorum personis, de quibus successionis scribitur quantulacumque suspicio, inuidia temperetur, in istius gra-



tia sibi credebatur perire sanctus pater, quidquid fuisset minus exhibitum. quædam in illo sua, quædam volebat esse maiora. At iste quotidianis profectibus, etiam cupidissimi in oratione genitoris vota transcendebat. Erat enim genitor, cuius eum per Euangelium conceptum verbi cælestis semine facta alius effuderat. Nam de pudicitia iuuenis mei quid loquar? in quo domum sibi statuerat castitas, & continentia radices fixerat in profundum? Virum se esse, nisi per laboris patientiam, ignorabat: carnem habere, nisi cum moriturum se esse meminerat, nesciebat. Quoties tamen illum corporeus appetitus, sicut ab ipso didici, ludebat imaginibus somniorum, illico ad vigilias sanctas, continuata ieiunia, standi diutissime necessitatem plena auditate curebat; talemque bellatrix dextera animæ suis certaminibus reddebat carnem, ut illi opus esset postea pro necessitate succurri. Nec tamen resecto corpusculo indulgebat otio. utebatur lectione pro requie, librorum venerabilium pro blandimentis instrumenta suscipiens: memoriter semel transcursum reddebat: & ne crederetur scripturarum diuinarum tramitem verborum tantummodo celeritate transuolasse, pingebat actibus suis paginam quam legisset. Si propheta fuisset in manibus, prophetantem videres codice amisso lectorem: si testamenti veteris recensisset volumina, Moyse dignus æmulator incedebat; taliter ac si illum Israelitica per desertum agmina sequerentur. Si Apostolicum lac verborum

& mel dominicæ passionis feueritatem legis  
condiens scriptura index reuelasset, continuò  
ex ore ipsius dulciora fauis verba fluxerūt. Po-  
stremò quid libri docuissent, vita signabatur.

Domum taliter regebat Ecclesiæ, vt nec  
profusione immoderata commissam penum  
exauriret, nec odia sordenti parcite con-  
traheret. Intercessionum etiam tunc certa-  
mina proludebat. Nam vbicumque pro re-  
mediis miserorum Episcopi mittebatur im-  
perio, tanta exigebat beneficium arte suppli-  
candi, vt sentirent sibi in causis profuisse com-  
plurimi, ipsum per se Episcopum non venisse.  
Augebatur circa eum per dies singulos popu-  
laris affectus, & magnis successibus cumula-  
batur amor, qui ex iudicio descendebat. De-  
siderabatur in eo sacerdotium, cum nemo nu-  
tritoris sui optaret interitum. Ipsum tamen  
ne odor quidem huius opinionis afflauerat.  
arbitrabatur ad profectum suum sufficere, si  
cum bona semper æstimatione seruiret. Post-  
quam tamen inualida senectus, & semper  
de infirmitatibus querula venerabilem virum  
Crispinum Pontificem occupauit, istius su-  
stentabatur manibus, in huius nitens erigeba-  
tur amplexus, pes illius erat, oculus, dextera;  
cuius ministerio, quidquid optasset fieri,  
ante iussionem suam videbat impletum.  
Præsentunt enim bonæ mentes eorum de-  
sideria, quibus cum integritate famulantur.  
Talis in Diaconatu, à vigesimo incipiens, octo  
annos expleuit. & quidem tunc status Ecclesiæ  
Ticinensis bona Clericorum fruge pollebat.

Erant caelestes viri, quos iste à perfectione incipiens amabat. fuit Siluester Archidiaconus ea tempestate, homo in vetusta disciplinarum instructione probatissimus. fuit vir insignissimus Bonolus presbyter, tam nobilis sanctitate quàm sanguine; Gallus quidem prosapia, sed caelestis indigena. fuere alij & numero plures, & virtute praestantes: quorum idcirco facio mentionem; quia parua laude dignus est, qui tantum miseris antefertur.

Circa finem tamen vitae, quem spiritu praeuidebat sanctus Antistes, Mediolanum vicinam expetiit ciuitatem, vbi nobilium gmina melle quadam munda ingenuitatis creuerant. Quos visitationis gratia requisiti, talibus vir Dei sermonibus appellauit.

» Ecce, filii, iam me ætas compellit ad transi-

» tum. Iam originariam ad ius suum reuocat

» terra particulam. Commendo ciuitatem,

» commendo Ecclesiam, commendo hunc, cuius

» labori & gratiæ debeo, quod vsque ad hoc

» tempus vixi, & grandæuus & debilis. Corpora

» soliditas & virtus animæ imbecillitatem

» meam portauit sine fastidio: cuius ambulauit

» pedibus, tenui aliquid manibus, vidi oculis,

» ordinaui sermone. duo videbamur in-

» tuentibus, cum vnus vnus per concordiam fieret ex duobus. Hæc Rustico illustri viro dicta penitus infederunt, qui in omni dicendi genere exercitissimus, tali est orsus elo-

» quio. Scimus, sancte Pater, scimus, & profunda consideratione per speximus, iuuenem

istum



istum non oportere pro ætatis immaturitate  
cenferi; nec debere grauis consilij hominibus  
teneros pro quadam obice annos afferri. vir  
namque cana morum integritate probabilis  
geminata laude dignus est, si illi ad venerabile  
mentis imperium puerile corpus obtempe-  
ret. Viue tu tam eniue, exemplum & forma  
bonorum operum, & vberiores in eo, si ad-  
huc possunt crescere, lucida conuersationis  
fructus adiunge. His dictis conticuit. At ille  
piissimus Pontifex beneuolentiæ eius impen-  
dens gratias, quòd secum pari de discipulo  
existimatione sentiret, dicto vale, discessit; at-  
que Ticinum quasi ad sepulcrum festinans  
regressus est. qui aliquantis diebus emensi;  
morbo regio perfusus, lucem sæculi nostri  
superna habitatione commutauit.

Exemplò in istum bonorum omnium con-  
sensus adducitur. magnus illico in tota vrbe  
concurfus: rapitur à lamentatione funebri  
in gaudium populi consecrandus Antistes. Fle-  
bat iste intemperanter dolore mortis paternæ,  
cui reddi debitas aliquas lacrymas promiscua  
multitudinis læticia non sinebat. Resistebat  
in quantum poterat, & indignum se iam Apo-  
stolica imitatione clamitabat. sed tantum  
magis surgebat in eo dilectio cunctorum;  
quantum in multitudine magna solus erat;  
qui se vocitaret indignum. Nunc quid pluri-  
bus utar, qui omnia explicare non valeo? fini-  
tinarum ciuitatum iunguntur studia, & attra-  
hitur tanta collectio, ac si initiandus esset to-  
tius orbis Episcopus. Ducitur Mediola-

num adhuc reluctans, & magna si dimitteretur munera promittens, qui, ut fieret, noluit spondere vel minima. Consecratur cum omni celebritate cunctorum. Exultabat mundus de tam sanctæ ordinationis insignibus. Extraneorum habitatores urbium tanto se tripudio iactabant, quasi ipsis propriè profuturus insulas sacerdotales exceperit. Aliquos tamen magnarum urbium incolæ edax consumebat inuidia, quòd tantum oppidi Ticinensis angustia habere meruisset Antistitem, cum apud ipsos sola Pontifices Metropolitana iactantiæ vocabula tuerentur.

Exacto ergo dedicationis suæ die, Ticinum rediit, conuocatisque vniuersis presbyteris & ministris, talibus eos instruxit, & confortauit alloquitis. Quamuis me, fratres carissimi, inter primordia immatura titubantem iudicij vestri & susceptæ dignitatis pondus opprèsserit; memini tamen quid gratiæ vestræ debeam, cui maxima contulistis. Et licet parendi vobis magis quàm iubendi habuerim voluntatem, mutauit tamen per officium personam seruiendi, animum non amisi. Estote pacifici, estote vnanimes; onus meum mecum diuidite. sit enim ad portandum facilis sarcina, quam multorum colla sustentant. meam vobis communionem seruadam cum omni humilitate polliceor: neque futurum esse quèquam, qui me, nisi cum Deo nostro, possit offendere. auctorem bonorum omnium seruate pudicitiam, &

ne iniuriosum putetis, quod grandæuos & presbyteros de continentia & integritate seruanda puer appellat. conuersatio, non anni, aut adolescentiam aperit, aut senectam. Speculamini meæ conuersationis interna; & si indignum aliquid agnoscitis, coërcete. Nemo ut Ecclesiæ principem admonere timeat, si probat errantem. His ita dictis, conticuit. Surrexerunt omnes; & consona, quasi ex pristina meditatione, sub momentanea tamen voce dixerunt. Ave, Pater probatissime, ave Pontifex singularis. bonum te quidem vniuersorum sensit electio: sed optimum etiam tua testantur alloquia. crescis sanctis meritis apud cōscientiam nostrā, & aperitis luce operum, supra quàm porrigebatur opinio. Quibus breuiter perstrictis, suscepto omnes munere discesserunt.

Mox sibi Beatus Antistes proprio ore leges, quibus se posset tenere, dictauit. Primùm statuit non lauandum, ne nitorem animæ, & interioris hominis fortitudinem balnea magis sordibus amica confringerent. Deinde decreuerat nunquam esse prandendum. sed ne propositi sententiam superuenientium vis vlla temeraret, & aut iactantiæ nebulis, aut auaritiæ fama laderetur, diffiniuit nunquam sibi cœnandum: vt commutatio horarum, ac per hoc semel in die reficiēdi tempus afferret. Cibos iussit sibi placere viliores, nihilque in apparatione ferculorum nates, saporemque suum posse offendere, nisi quod aromatibus condiretur. Olerum & leguminis pascebatur



epulis; sed neutrum horum vsque ad satietatem capiens: vini quiddam parum, quam tamen exiguitatem Apostolicæ admonitionis memor sumebat ob stomachi cauendam debilitatem. Procedendum censuit omnibus in quolibet aëris terrore maturius: ita vt vigiliarum formam lectoribus antecedens ad Ecclesiam præberet Episcopus. Postquam verò ad altaris confinia peruenisset, nullam deliberauit futuram esse necessitatem, qua inde nisi impletis solemnibus posset abduci. Iunctis pedibus vsque ad consummationem mystici operis stare se debere constituit: ita vt humore vestigiorum locum suum depingeret, & longè adspiciētibus indicaret. Intercessionum tantam sibi proposuit curam, vt ipsum se miseris inferre crederet molestiam, quam per negligentiam à quibuscumque permisisset inferri. Ad patientiam laboris tempore otij, necessitati vt sufficeret, corpus aptauit. Hoc sibi viuendi pragmaticum vel disciplinæ dogma proposuit, aggressus est, seruauit, impleuit.

Mox verò per vniuersum mundum sanctam illius conuersationem illa, quæ licet in gloriosis actibus tardior esse solet, fama non tacuit. Sed ad aures Ricemeris, qui tunc secundis ab Anthemio principe habenis Rempublicam gubernabat, detulit. Nam imperatore Romæ posito, seminarium inter eos iecit scandali illa, quæ dominantes sequestrat, inuidia, & par dignitas causa discordiæ. Surrexerat enim tanta rabies atque dissensio, vt mu-

tuò bella præpararent; & præterquàm origo  
 irarũ proprios suggerebat stimulos, lis ista cir-  
 cūstantium consilio nutriebatur. Nutabat  
 status periclitantis Italiæ, & affligebatur ipsis  
 discriminibus grauius, dum expectabat futu-  
 ra discrimina. Interea apud Ricemerem Pa-  
 tricum, Mediolani ea tempestate residentem,  
 fit collectio Ligurum nobilitatis: qui flexis  
 genibus, solóque prostrati, pacem orabant  
 Principum, & vt ab scandalo vtræque partes  
 definerent, occasiones gratiæ ab vna preca-  
 bantur offerri. Quid plura cõtexam? mulcetur  
 Ricemer, & velle se reparare concordiam per-  
 motus multorum fletibus pollicetur. Sed quis  
 ait, potissimum huius legationis pondus exci-  
 piet? quem tantę molis cura maneat? quis est,  
 qui Galatam concitatum reuocare possit, &  
 Principẽ? Nam semper, cūm rogatur exube-  
 rat, qui iram naturali moderatione non termi-  
 nat. Tunc vno omnes ore responderũt. Vester  
 tantummodo ad pacẽ declinetur assensus. Est  
 nobis persona nuper ad sacerdotium Ticinen-  
 sis vrbs adscita, cui & belluæ rabidę colla sub-  
 mittunt: cui ante preces offeratur beneficium,  
 quod à quolibet petiturus aduenerit: cui est  
 vultus vitæ similis. quem venerari possit qui-  
 cumque, si est Catholicus: & Romanus; amare  
 certè, si videre mereatur, & Græculus. Iam si  
 ad sermonem illius veniamus, nunquam sic  
 diras aspides verborũ digitis incantator Thes-  
 salus violentis poterit euocare carminibus;  
 quomodo ille effectum petitionis suæ à nega-  
 turis extorquet. Pendet in arbitrio eius, cūm

„ loqui cœperit, sententia audientis. Perdet ius-  
 „ suum, qui excusare disposuit, si illi allegandi  
 „ copia concedatur. Tunc patricius Ricimer  
 „ ita respondit. Detulit ad me hunc hominem;  
 „ quem exponitis, fama gloriosum: & in hoc  
 „ magis admirationi mihi est, quod omnes ha-  
 „ beat laudatores; nullos eius, quibus per inui-  
 „ diam abundare solet nouitas, prodit inimicos.  
 „ Ite ergo, & rogate hominem Dei, vtambu-  
 „ let. iungite etiam meas preces. Egressi de con-  
 „ silio, statim Ticinum perunt, causam narrant,  
 „ fusis, vt istum laborem susciperet, Beatus Epi-  
 „ phanius rogatur lacrymis. qui ne extenuaret  
 „ beneficium, si filios diuina supplicatione tor-  
 „ queret; antecessit desideria postulantium:  
 „ quos tamē taliter allocutus est. Quamuis tan-  
 „ tæ rei necessitas. probatissimæ personæ pon-  
 „ dus inquirat, & titubet sub graui fasce portit-  
 „ tor immaturus, affectum tamen, quem debeo  
 „ patriæ, non negabo. Quibus breuiter narratis,  
 „ quomodo erat loquendi parcus, ad Ricime-  
 „ rem patricium perrexit: a quo simul visus &  
 „ electus est.

Mandato ergo sibi legationis ordine, Ro-  
 mam petiit. In quo itinere quid molestiarum  
 sustinuerit, quidue virtutum gesserit, festinans  
 ad maiora prætereo. Mox tamen vt supradic-  
 tæ vrbis portas ingressus est, fama, quæ ab-  
 sentem illum notum fecerat, digito cœpit  
 ostendere. Conuersi illico omnium oculi, stu-  
 puerunt mentes attonitæ, quòd tantam sibi  
 exhiberi reuerentiam imago eius index san-



citatis requireret. Inexplicabilis se culpæ  
 reum fatebatur quilibet potentum, si tan-  
 tùm genua eius amplexus est. tollebatur cla-  
 mor in cælum: nemo illum in mortalium nu-  
 mero computabat, cui omnia cælestis gratiæ  
 videbant bona constare. Perfertur ad Princi-  
 pem Antheminum, studio legationis Episco-  
 pum venisse Liguriæ, hominem, quem nullus  
 possit etiam diues eloquio sufficienter expo-  
 nere. At ille, Callida mecum Ricimer & in le-  
 gationibus suis arte decertat. tales dirigit, qui  
 supplicatione expugnent, quos ille laceffit in-  
 iuriis. perducite tamen ad me hominem Dei:  
 qui si possibilia precatur, admittam; si diffi-  
 cilia, supplicabo ne excusationem meam gra-  
 uetur accipere. Dubito tamen, an Ricimer  
 apud me, quod poscit, obtineat: cuius scio vo-  
 torum intemperantem esse personam, & in-  
 conditionibus proponendis rationis terminũ  
 non tenere. Sed veniat directus Antistes, &  
 laudatam iampridem præsentet effigiem.  
 Egrediuntur officia vrbe tota palatina. Iube,  
 rogaris. audiebat Episcopus.

At venerabilis, & sæculis omnibus proba-  
 tus Pontifex, posteaquàm introgressus est, &  
 proferendi sermonis donatus licentia, quam-  
 uis fugitiuæ potestatis insignia, ostrum, gem-  
 masque rutilantes reuerendæ imaginis ful-  
 gore compresserit, (etenim quasi absente Im-  
 peratore, ita in se oculos traxerat singulorum)  
 tali narratione incipiens, ianuã oris reserauit.  
 Summa cælestis domini, venerande prince-

ceptus, est ordinatione dispositum, ut cui tan-  
 ta Reip. cura mandabatur, per Catholicæ  
 fidei dogma Deum, & auctorem, & ama-  
 torem pietatis agnosceret; per quem bello-  
 rum furorem pacis arma confringunt, &  
 calcans colla superbiæ concordia superat,  
 quod fortitudo non praualeat. Sic namque  
 David prædicabilem parcendi magis inimi-  
 co animus reddidit, quàm intentio vindican-  
 di. Sic perfecti sæculorum reges & domi-  
 ni, supplicantibus indulgere cælesti arte di-  
 dicerunt. Supernæ namque dominationis  
 instar possidet, qui imperium suum pietate  
 sublimat. Hoc ergo Italia vestra freta iu-  
 dicio, vel Ricimer patricius, paruitatē meam  
 oratu direxit; indubitanter coniiciens, quòd  
 pacem Romanus Deo munus tribuat, quam  
 precatur & barbarus. Erit enim triumphus  
 vestris propriè profuturus annalibus, si si-  
 ne sanguine viceritis. Simul nescio quæ spe-  
 cies fortior possit esse bellorum, quàm di-  
 micare contra iracundiam, & ferocissimi  
 Getæ pudorem onerare beneficijs. Grauidus  
 enim percellitur, si postulata impetret, quē  
 puduit hætenus supplicare. Tractandus dein-  
 de anceps bellandi euentus. in quo tamen  
 si ita præualuerint peccata certamine, ve-  
 stro regno defraudabitur, quod partes utræ-  
 quæ perdididerint. Nam quæcumque apud  
 Ricimerem, si amicus est, salua sunt, cum  
 ipso à vobis Patricio possidentur. Cogita-  
 te pariter, quia benè causæ suæ ordinem di-

rigit, qui pacem primus obtulerit.

Haftenus admirandus Pontifex profecutus,  
loquendi finem fecit. Tunc Princeps erigen-  
s oculos, desertum se omnium vidit aspectibus,  
atque in eum inuitatos vultus esse cūctorum:  
quem admirari nec ipse desinebat. Tunc alto  
trahens verba suspirio, ita orsus est. Quamuis  
inexplicabilis mihi, sancte Antistes, aduer-  
sus Ricemerū causa doloris sit; & nihil pro-  
fuerit, maximis eum à nobis donatum fuisse  
beneficiis. quem etiam (quod nō sine pudore  
& regni & sanguinis nostri dicendū est) in fa-  
milix stemma copulauimus, dum indulsimus  
amori Reip. quod videretur ad nostrorum  
odium pertinere. quis hoc namque veterum  
retro principum fecit vnquam, vt inter mu-  
nera, quæ pellito Getæ dare necesse erat, pro  
quiete communi filia poneretur? Nesciuimus  
parcere sanguini nostro, dum seruamus alic-  
num. Nemo tamen hoc credat propriæ causa  
factum esse formidinis. nam in tanta circum-  
spectiōe salutis omnium, solūm pro nobis  
timere non nouimus. Bene enim apud nos  
compertum est, perire Imperatori laudem  
sux virtutis, qui pro aliorum cautela non me-  
tuit. Sed vt tuæ venerationi ad liquidum co-  
natus illius aperiāmus; quotiens à nobis ma-  
ioribus donis cumulatus est Ricemer, totiens  
grauior inimicus apparuit. Quanta contra  
Rempublicam bella preparauit? quantas ex-  
ternarum gentium per illum vires furor ac-  
cepit? Postremò etiam, vbi nocere non po-



„ tuit, nocendi tamen fomenta suggessit. Huc  
„ nos pacem dabimus ? hunc intestinum sub  
„ indumento amicitiarum inimicum sustinebi-  
„ mus, quem ad fœdus concordia nec affini-  
„ tatis vincula tenuerunt ? Grandis cautio est,  
„ aduersarij animum cognouisse, etenim ho-  
„ stem protinus sensisse, superasse est. perdunt  
„ semper deprehensa odia stimulos, quos occul-  
„ tata conceperant. Sed si in his omnibus reue-  
„ rentia tua, & vadis, & mediator accedit, qui  
„ potes spiritali indagine consilia nefanda in-  
„ uenire, & inuenta corrigere ; pacem, quam  
„ & tu poscis, negare non audeo. Postremò si  
„ solita calliditatis astutia etiam te fefellerit,  
„ certamen iam vulneratus assumat. me tamen,  
„ statumque Reip. tuis committo & commen-  
„ do manibus, & gratiam, quam supplicanti, &  
„ profuso per se Ricemeri negare disposueram,  
„ per te primus exhibeo. Profunda enim deli-  
„ beratione compendiis nostris in hac parte  
„ consulimus, si in incertis procellarum errori-  
„ bus nauem ex veri gubernatoris ordinatione  
„ flectamus. Quis enim tibi excusare præsumat  
„ beneficium postulanti, cui oportuerat ante  
„ preces offerri ? Hæc Imperator. At vene-  
„ rabilis sacerdos, Gratias, inquit, omni-  
„ potenti Deo, qui pacem suam principis  
„ menti inseruit ; quem ad instar superni do-  
„ minatus vicarium suæ potestatis voluit esse  
„ mortalibus.

„ Quibus breuiter narratis, accepto etiam  
„ pro concordia firmitate ab Anthemio sacra-

mento, discessit, festinans ad Liguriam  
reuerſi, quando reſurrectionis Dominice  
tempus inſtabat: per quod maceratis iei-  
uniorum cruce corporibus, carne frigida  
ſpiritus hiliaris recaleſceret; dum à redem-  
ptore noſtro moriendo mors vincitur, & fide-  
lis ſpei cibus anima ſaginatur. Viceſimo à ſe,  
cū Romam egreſſus eſt, futurum Paſcha  
dies promittebat: tanta tamen iter celeritate  
conſecit, vt quarto decimo die improuiſus,  
& famam præueniēs, Ticinum ingrederetur,  
comitibus ſane plurimis in via dereliſtis, quia  
nec abſtinentiam eius ſuſtinere poterant,  
nec laborem. Ecce concurſus præſtolantium  
tanti Antifitiſis aduentum, domi poſitum vi-  
dere, quem nondum Romam egreſſum  
fuiſſe cognouerant. Latæ vrbis tripudia  
attonito Ricemeri indicantur: pacem fa-  
ctam conſono omnes ore clamitabant.  
Exultatio infinita prouinciarum: & ſicut  
hominum mos eſt, gratius habere quod  
redditur, quàm ſi omnino non pereat,  
dulcior erat concordia, quæ poſt litem reuo-  
cabatur, & pax, quæ iam pene deſpera-  
ta contigerat. Et vocabatur reuerendus  
Pontifex, vt diu expectatum Mediolanen-  
ſibus præſentaret aſpectum. At ille, ne  
velut debitas gratiarum actiones præſens  
videretur exigere, viſitationes eorum ſub  
colorata ſpecie declinabat. Igitur proces-  
ſu temporis, & laboris, quotidianis ſucceſſibus

vitæ in eum meritum geminabatur. Erat illi  
 germana natu minor, religione non impar,  
 Honorata nomine, cuius vitam per singula  
 virtutum genera longum est eloqui. Sufficie  
 tamen ad laudum eius cumulum, dignam  
 tanti viri sororem dixisse. Hanc in ipso, quo  
 de legatione rediit, consecrauit anno. quam  
 tamen imbuendam disciplinis cælestibus,  
 quasi sancta illi natura non sufficeret, Lu-  
 minosæ cuidam fæminæ stupendæ sanctitatis  
 & singularis exempli commisit: cuius oport-  
 teret fortassis natalium culmina relegi, nisi  
 insignior fuisset vita, quàm sanguine. Hæc  
 enim fuit talis, de qua se crederet habere &  
 ipse quod disceret, qui erudiendam confor-  
 tem vteri committebat. Nam breui apud  
 hanc depositum antistitis pignus effloruit, &  
 ad maturitatem bonæ frugis plantaria onusta  
 perduxit. Interea per propositum sibi callem  
 vitæ cursu præpeti sacerdos venerabilis ince-  
 debat. eleemosynis sine retractatione ope-  
 ram dans. quod munus accipientibus vultu  
 & animo blandissimo commendabat: ita ut  
 cuicumque sermonis solius gratiam præsti-  
 tisset, nequaquam se indonatum putaret ab-  
 scedere, erat enim summum præmium, ta-  
 lem saltem vidisse Pontificem. Crescebat in  
 dies singulos fama gloriosis successibus, &  
 totum penè mundum illius prædicatione  
 complebat. Defuncto tunc ri-  
 cemere, vel Anthemio, successit Olybrius: qui  
 in ipsis exordiis diem clausit extremum.  
 Post hunc Glycerius ad regimen accitus



est. apud quem quanta pro salute multorum gesserit, studio breuitatis incido. Nam supplicante sancto viro, inlatam matri à ditioris suæ hominibus concessit iniuriam: cùm apud illum reuerentia præfati sacerdotis esset etiam decessore sublimior. Post quem ad regnum Nepos accessit. Tunc intereum & Tolosæ alumnos Getas, quos ferrea Euricus rex dominatione gubernabat, orta dissensio est: dùm illi Italici fines imperij, quos trans Gallicanas alpes porrexerat, nouitatem spernentes non desinerent incessere: è diuerso Nepos, ne in vsum præsumptio malesuada duceretur, districtiùs cuperet commissum sibi à Deo regnandi terminum vindicare. Hinc vtrimque litium cœperunt fomenta consurgere. Et dum neutra partes conceptum tumorem vincendi studio deponunt, sic exsuperabat causa discordiæ.

Attigerat iam beatissimus vir octauum in sacerdotio annum; cùm repente Nepotis animum summouendæ dissensionis amor infudit: vt repulso simultatis veneno seruaret inter reges caritas, quod tueri arma vix poterant. Euocantur ad consilium Liguriæ lumina, viri maturitatis, quorum possit de liberatione labans Reip. status reuiuiscere, & in antiquum columen soliditas desperata restitui: tantique ad tractatum coiere ex iussu Principis, quanti poterant esse rectores. Seritur de ordinanda legatione sermo, in beatissimum virum Epiphanium mentes om-

nium & oculi diriguntur. fiunt cunctorum sententiæ, quasi vnus & ore proferrentur & pectore. Quid plura? cum lætitia Christi miles occasionem laboris amplectitur, & spe effectum præcipit. de negotij æstimatione confidens, agen di speciem melioraturus inquiri: actionem pene conclamata, & valde difficilem cælestis potentie præsidio percunctatus est, suscepit, impleuit. Cuius itineris molestias, necessitatesque nõ valeam per ordinem digerere, nec si mihi centum linguarum fluminibus per meatus irriguos verba fundantur. Nam egressus Ticinensi oppido, donec ad destinata loca pertingeret, tali viæ suæ fatigationem arte geminauit, vt si temperius, iumentorum defectum considerantes, in futura mansionis diuersoria successerunt, præter psalmorum continuationem, præter lectionis perseverantiam, quorum nihil nisi stando faciebat, eligebat secessum nemorosa fronde conclusum, vbi connexis arborum brachijs nox domestica texeretur: quod solum refugus per vmbracula opaca sol nesciret, & torum viridanti cespite gratia naturalis sterneret. Ibi profusus, in oratione continuis fletibus exortem pluuiarum terram oculorum imbribus irrigabat. Reddebantur arua illa fœcunda orationum copia, quæ frugum essenon poterant.

Tali exercitio se macerans Tolosanam, in qua Euricus tunc Rex degebat, urbem ingressus est, quem iam præuia optio

Gallorum auribus, qualis esset, intimauerat: sacerdotibus præcipue eiusdem regionis, quos attonitos de aduenientibus inquisitio profunda sollicitat. Erat præterea ea tempestate consiliorum Principis & moderator & arbiter Leo nomine, quem per eloquentiæ meritum non vna iam declamationum palma susceperat: qui cum summo gaudio aduentum pontificis indicauit notitiæ publicæ. Euocatur ex tempore regi præsentandus Antistes, ad quem illico ut ingressus vidit, salutauit, aggressus est. Quamuis te, stupende terrarum Princeps, multorum auribus reddat virtutis fama terribilem, & gladij, quibus finitimos continua vastitate premis, segetem quandam inimici germinis metant: nullam tibi tamen superni gratiam numinis dira bellandi præstat ambitio: nec ferrum fines tuetur Imperij, si cælestis dominus offendatur. Regem te habere memento, cui oportet considerare quid placeat. qui cum susceptum hominem portaret ad cælum, pro immensæ hæreditatis munere pacem discipulis iterata sæpius admonitione commendat. Cuius nos præcepti necesse est esse custodes: præcipue cum nouerimus virum fortem dici non posse quem vicerit indignatio. Deinde perpendere nos conuenit, quòd nemo diligentius propria tuetur, quàm qui aliena nō appetit. Quocirca Nepos, cui regimen Italiæ ordinatio diuina commisit, ad hæc nos impetranda destinauit; ut reductis ad fidem mentibus, terræ



„ sibi conueniæ dilectionis iure socientur. Qui  
 „ licet certamina non formidet, concordiam  
 „ prius exoptat. Nostis in communi, quo sit  
 „ dominorum antiquitas limitata confinio.  
 „ qua sustinuerint partes istæ illarum rectores  
 „ famulandi patientia. Sufficiat quod elegit, aut  
 „ certè patitur amicus dici, qui meruit Domi-  
 „ nus appellari. Hæc vir insignissimus Epipha-  
 „ nius.

At Euricus gentile nescio quod murmur  
 infringens, mollitum se adhortationibus eius  
 vultus sui serenitate significat. Leo verò no-  
 minatus superiùs tanto allocutionis ipsius te-  
 nebatur miraculo, vt crederet verbis huius-  
 cemodi expugnari posse mentes, si fas est di-  
 ci, etiam si contra iustitiam postularet. Tali-  
 „ ter tamen fertur ad interpretem Rex locutus.  
 „ Licet pectus meum lorica vix deferat, & as-  
 „ siduè manum orbis æratus includat, nec non  
 „ & latus muniat ferri præsidium; inueni ta-  
 „ men hominem, qui me armatum possit ex-  
 „ pugnare sermonibus. Fallunt, qui dicunt Ro-  
 „ manos in linguis scutum, vel spicula non ha-  
 „ bere. Norunt enim & illa quæ nos miserimus  
 „ verba repellere; & quæ à se diriguntur, ad ca-  
 „ dis penetralia destinare. Facio ergo, veneran-  
 „ de Papa, quæ poscis: quia grandior est apud  
 „ me legati persona, quàm potentia destinan-  
 „ tis. Accipe nunc fidem, & pro Nepote polli-  
 „ cere, quòd seruet intemeratam concordiam,  
 „ quando te promississe, iurasse est. His dictis,  
 „ inito etiam pactiois vinculo, verendus Pon-  
 „ tifex vale dicto discessit. Ad quem statim  
 „ precató-

precatorum Turba dirigitur, vt secuturo die Regis epulis interesset; quem ille iam compererat iugiter per sacerdotes suos polluta habere conuiuia. cui excusauit, dixitque sibi non esse in more positum alienis aliquando prandiis vesci: perendie se magis velle proficisci. quod constitutum maturauit implere, & Tolosam tantis comitantibus egressus est, vt penè deserta vrbs discedente nostro Pontifice cerneretur. Tantos enim in breui deuinxerat sibi caritate sincera, vt captiuitatem flerent, quos apud patriam remanere necessitas constringebat. Inde tamen regrediens singula sanctarum habitationum loca visitauit. Medianas insulas, Stæchadas, Lerum, ipsamque nutricem summorum montium planam Lerinum adiit. Vnde singulos vitæ flosculos decerpfit ex omnibus, quos in se boni germinis fomes insereret, & ad maturitatis tempus grauida pomis cælestibus arbor adduceret. Interea expectatum Italæ lumen redditur, & reuertente singulari sacerdote per sudum rutilans iubar aperitur. Ticinum diu desideratus ingreditur: Nepoti effectum peractæ legationis insinuat. & crescēte laudum cumulo, humilitas in eo pariter sentiebat augmentum.

Igitur dum talibus se disciplinis & laboribus Christi & Dei nostri operarius exerceret, ecce ille quietis nescius, & scelerum patratof inimicus, magna dolorum incrementa conglutinat, & inquit quibus virum integerri-

mum passionibus lacesseret. Exercitum ad-  
 uersus Orestem Patricium erigit, & discor-  
 dia crimina clandestinus supplantator inter-  
 ferit. Spe nouarum rerū perditorum animos  
 inquietat: Odouacrem ad regnandi ambitum  
 extollit. Et ut hæc perniciēs in Ticinensi ci-  
 uitate contingeret, Orestem ad eam fiducia  
 munitionis inuitat. Episcopus cum omnibus  
 ad se pertinentibus præsens inuenitur: fit ma-  
 ximus in vrbe concursus, prædandi rabies in-  
 ardescit: vbique luctus, pavor vbique, & mor-  
 tis imago plurima discurrebat. Ille sollicitus  
 poscebatur ad pœnam, cuius substantiam no-  
 tiorem fecerat amicitiarum fides antiquior.  
 Alij flamas ruituris ædibus supponebant:  
 alij ad exitium poscebant dominum, pro cu-  
 ius conuenerat salute pugnari. Currunt ad  
 Ecclesiæ domum, totis direptionis incendiis  
 æstuant, dum quem videbant errogare plu-  
 rima, perimmenta suspicabantur abscondere.  
 Pro nefas! thesauros cruda barbaries quære-  
 bat in terra, quos ille ad cælestia secreta trans-  
 miserat. Diripitur etiam sancta eius germana,  
 & seorsum ab eo captiuitatis sorte deducitur:  
 omnes nobilium à suis familiæ sequestrantur:  
 Luminosa gloriosissima fœmina parili neces-  
 sitatis conditione cōstringitur. O dolor! utre-  
 que Ecclesiæ flammis hostilibus concreman-  
 tur: tota ciuitas, quasi vnus rogos, effulgorat.  
 Cunctorum voces sacerdotem requirentium  
 audiuntur. nemo periculi sui meminerat, dū  
 maior ab illis salutis portio diuideretur. Cui  
 quamuis confusa in singulorum exitium tur-



ba fremeret, honor tamen & inter gladios impendebatur. Nam illico non fuerunt, quos potuit videre captiuos. venerabilem germanam suam, priusquam in vesperam diei illius lux funesta laberetur, eripuit. Plurimos etiam ciuium absoluit precatu suo, antequam durissimæ conditionis vincula sentirent: matres familias præcipuè, quas immanior in hac necessitate poterat manere commoratio. Postremo status ciuitatis, quem multitudo barbara succidebat, vnius fortissimæ columnæ sustentatus resurgebat auxilio: nec tantum ad delendum sufficebat exercitus, quantum ad reparandum vnius persona Pontificis. Sublato tamen Oreste, & propter Placentinam urbem extincto, deprædationis impetus conquieuit.

Post quem adscitus in regnum Odonacris tanto cultu insignem virum cæpit honorare, vt omnium decessorum suorum circa eum officia præcederet. Interea ne diu fauillis domicilia diuina premerentur, antè gloriosus Antistes reædificandi sumpsit animum, quàm expensas aut substantiam præparandi. Ingentis pretij fabricas sine nummorum attollere condito non expauit, Apostolicæ admonitionis haud inscius, quòd cælestia regna quærentibus indeficiens iugiter census exuberet, & de pleno semper impertiat, quem non opprimat largiendi voluntate paupertas Dicebat enim, Vix est vt animum diuitem possibilitas deserat, & difficillimum vt sequatur abundantia hominem mente mendicum. Iam iam que

tamen fastigia perfectionis maioris Ecclesie opus attigerat, ædificio & dedicationis insignibus adornato. Ex templo alterius Ecclesie tum columnatus repente paries impulsu calidi serpentis eiectus est. Voluit experiri, si multiplici eius possit vexatione subuerti. At ille violentior, ne malis eius cederet, assurgebat. & continuo, sine alicuius passionis indicio, ad reparationem ipsius plena se auditate succinxit. Nimio tamen vniuersitas tenebatur miraculo; quod ab ipso templi tholo artifices cum ingenti machina corruerunt: nullus tamen eorum aut crure debilis factus est, aut aliqua membrorum parte truncatus. Quod orationibus Episcopi contigisse cunctorum sensibus patuit; vt molem propriam ruina sustineret, & à casu suo lapides suspenderentur. Stupendo tamen ordinationis eius cursu, supradicti operis perfectionem labor accepit. Nam consummato maioris Ecclesie præparationem orditus, raptim ad fastigia prisce incolumitatis surrexisse conspexit domum Dei, qui nec dum compererat inchoatam. Quibus tamen ab eo celeriter exactis, mox se in illum diuinus fauor ostendit. Nam in eiusdem anni curriculo summa dæmonum turba de obsessis cœperunt clamare corporibus, flagris se & cruciatibus nimis, vt fugerent, sacerdote Epiphanio imperante compelli. Quos ille modica cū fletu oratione profusa, ad extrema terrarum confinia trans mittebat, ac diuersis vocibus eiulantes meritorum suorum vrgebat imperio. Sed cū ta-

lia per Christi gratiam iugiter faceret, nihil sibi de præsumptionum flatibus assumerebat. Tollitenim illis boni meriti potentiam, quibus supercilium fiducia benignitatis attulerit.

Interea ne solis ciuitatem templorum ædibus videretur ornasse, fessis eiusdem vrbis habitatoribus remediorum vtilitate prospexit. Nam directa legatione ad Odouacrem, quinquennij vacationem fiscalium tributorum impetrauit. ad quæ beneficia per singulos dispartienda, tanta se castitate continuit, vt nemo ex his minùs acciperet, quàm is, quo fuerant impetrante concessa. Dum hæc tamen gererentur, in perniciem Liguriæ possessorum Pelagij, qui ea tempestate prætorio Præfectus erat, repositus malitiæ ardor efferbuit. Nam coëmptionum enormitate grauissima tributa duplicabat, reddebatque onus geminum, quod simplex sustinere non poterat. Vnde mox ad sanctum virum oppressorum turba confluit: qui latus succurrendi occasiones amplectitur, & pro cunctorum necessitate alacer ambulauit, poposcit, obtinuit. Sed quid frustra gestio singulorum species laborum eius vel formas eloqui, dum quod non explicat possibilitas, præsumit affectus, datque terminum latiora opinantibus sermonis angustia? fuerunt tamen ista sacratissimi vatis desideria, vt cum innumerabilia faceret, optaret de laudibus suis aut nulla, aut pauca perstringi. Vnde si quid minus lingua pauper aperui, audientium



& legentium sensibus derelinquo.

Post multas tamen, quas apud Odouacrem regem legationes violentia supplicationis exegit, dispositione cælestis imperij ad Italiam Theodericus Rex cum immensa roboris sui multitudine commeauit. ad quem vir integerrimus, dum Mediolani iam positus esset, excurrit. Quem cum ille regum præstantissimus cordis oculis inspexisset, & solita iudicij sui sacerdotem nostrum libra pensaret, inuenit in eo pondus omnium constare virtutum, cuius integritatem velut fabrilibus lineis ad perpendicularum mentis emensus est.

qui tali apud suos de illo sermone vsus est.

- „ Ecce hominem, cui totus Oriens similem  
 „ non habet: quem vidisse, præmium est; cum  
 „ quo habitare, securitas. Fortissimo muro Ticinensis ciuitas incolumi isto vallatur, quos  
 „ impugnantum nulla vis possit obruere, quos  
 „ nequaquam Balearis fundæ transcendant excursus. Si qua necessitas inter vndas certaminum accesserit, tutum est apud istum matrem familias deponere, & expeditum excursibus militare bellorum.

Interea perduelles animos dedititij exercitus mutationum incendit ambitio. quorū caput Tusa fuit, homo in perfugarū infamio notitia veteri pollutus: qui cōcepit mente, vt se desperatis partibus cum ingenti multitudine redderet. quod dum Theodericus rex principali sollicitudine cognouisset, continuo omnem illam, quam totus Oriens vix sustinuit, contraxit manuum, atque ad Ticinensis ciui-

ratis angustiam contulit. Videres urbem familiarum cœtibus scatentem: domorum immanium culmina in angustissimis resecata tuguriis. cerneret à fundamentis ædificia imensa migrare; nec ad recipiendam habitantium densitatem solum ipsum posse sufficere.

Inter hæc ille in bonis vir exercitatus, in quo animorum amplitudo cunctis pandebat accessum, opportunum sibi coniiciens tempus offerri, quo benignitatis suæ pleno Austro vela laxaret, & portum gloriæ per variarum notitiam gentium & actuum celebritatem secunda nauigatione pertingeret: primo in loco, quod nullæ chartæ veterum, nulli librorum de quocumque loquuntur annales, quod cum stupore relator affirmet, vel cum admiratione lector admittat, ut cum sagacissima gente habitans, & quam nulla suspicionum aura præteruolat, in rebus dubiis, quando metus periculi etiam mitia contra quoslibet corda sollicitat, sic illis fidelissimus extitit, ut inimicos eorum toto deuinctos teneret affectu, & inter dissidetes principes solus esset, qui pace frueretur amborum. Applicabat enim ad compendium vnius, quidquid præstabatur ab altero: & reuerentia personæ suæ atque dulcedine sic largientis temperabat animum, ut nullatenus accenderetur, si aliquid à se beneficij per Episcopum & inimicus acciperet. Ille fuit, circa quem concordiam & pugnales seruarent, & cuius quietem bella non læderent.

Iam si ad illud veniamus, quòd cotidiana & ipsos pascebat humanitate raptores, & illis intra ciuitatem sumptuum necessaria ministrabat, qui foris prædia illius continua vastitate deleuerant. Nam tot millia hominum vno eodemque tempore, cum diuersa poscerent, reficiebat blanditiis, humiliabat alloquio, pascebat muneribus. Si cuius liberi, vxorque, inimicis à qualibet parte fuissent intercipientibus occupati, illicò supplicationis illius pretio reddebantur suis, quos auri redimere non potuisset effusio. Regi aptissimus, & præ sanctis omnibus venerabilis existebat, vt quoscumque Romanorum bellandi licentia hominum eius fecisset esse captiuos, mox illi restitueret, quem sola intelligebat aliorum libertate ditari. Deinde enumerare nequeam quanta ille subiugatorum agmina solo proprio reddidit; quanta, ne vexarentur, imposuit. Iam si illa retexam, quas inimicorum sustinuit insolentias, quibus laborauit immissionibus, quali procellas pessimorum virtute contempsit, ad hæc enarranda lingua non sufficiet. Iuuat enim certa quæque decerpere, vbi sunt omnia admiranda quæ referas. Sub tali cruce triennium duxit, soli Deo dolorum suorum secreta manifestans, à quo ministrari sibi clandestinum poscebat auxilium.

Post hinc digressis Gothis, ciuitas Ticinensis Rugis est tradita, hominibus omni feritate immanibus: quos atrox & acerba vis



animorum ad quotidiana scelera sollicitabat. diem putabant perisse, qui illos sine facinore casu aliquo interueniente fugisset. Quos tamen beatissimus Antistes sermonum suorum melle delinibat, ut effera corda auctoritati submitterent sacerdotis, & amare discerent, quorum pectora odiis semper fuisse dedicata cognouimus. Mutata est per meritum illius peruersitas naturalis, dum in honoris intentibus radix peregrinae apud illos affectionis inseritur. Quis sine grandi stupore credat dilexisse & timuisse Rugos Episcopum, & Catholicum & Romanum, qui parcere regibus vix dignantur? Cum quibus tamen integrum pene biennium exegit taliter, ut ab eo flentes discederent, etiam ad parentes & familias regressuri.

Postquam verò perfuncta res est misero, exitiisque bello, & vicitis, cuius post triumphum spoliatum vagina gladium nullus adspicit: qui praesumptionem exercitus sui cum praelio terminauit: illicò aggressus est venerandus Pontifex de urbis suae reparatione tractare. quam ut primum dignis compleret habitatoribus, spiritalis prospexit deliberatione consilij. Et licet eam, precatu illius faciente, nullus in vastitatem temporalis procellae turbo dispulerat; parum tamē credebat posse sufficere, si post ruinam omnium Liguriae ciuitatum Ticinus suis tantum contenta indigenis exultaret. Cœpit vicinarum urbium finitimos quosque de ciuibus flosculos legere,

atque ad suos hortos cultor diligenter plantaria iam probata portare, de quibus frugis & idoneus aptissima caperet poma possessor.

Interea subita animum præstantissimi regis Theoderici deliberatio occupauit, vt illis tantum Romanæ libertatis ius tribueret, quos partibus ipsius fides examinata iunxisset: illos verò, quos aliqua necessitas diuiserat, ab omni iussit & testandi, & ordinationum suarum ac voluntatum licentia submoueri. Qua sententia promulgata, & legibus circa plurimos tali lege calcatis, vniuersa Italia lamentabili iustitio subiacebat. Itur rursus ad illum, qui manu medica publicis consueuerat subuenire vulneribus: cuius fonte ærumnarum sæpe fuerat ardor extinctus. Qui dum se diceret solum ad tantam sarcinam sustinendam non posse sufficere, rogatur pariter venerabilis Laurentius Mediolanensis Episcopus. qui profecti vnâ Rauennam etiam pariter peruenerunt, suscepti reuerenter. Postquam illis agendi aditus reclusus est, beatus Laurentius necessarium duxit illi potissimum perorandi copiâ dari, cuius vestigia frequentium legationum laboriosus callis attriuerat, & per tramitem huiuscemodi itineris cursitantem non semel hispidum castrensis puluis effecerat. qui tali publicas periones est orditus eloquio. Quantus, inuictissime Princeps, per innumerabiles successus felicitatem tuam fauor diuinus

euexerit, si per ordinem relegam, agnoscis te  
 votorum parcum, maiora semper à Deo no-  
 stro beneficia accepisse, quàm optasse me-  
 mineris. Sufficit tamen hoc vnum narrare, sed  
 maximum, quòd apud te principem ibi ser-  
 uorum tuorù causas agimus, vbi solebat ini-  
 micus tuus huius solij possessione gaudere.  
 Habes plurimum Christo redemptori nostro  
 quod debeas: pro quibus rogamus, ipse  
 largitus est. Cauendum nobis est, ne offenda-  
 tur auctor muneris, si quod præstitit non  
 amemus. Diu suspendo fiduciam meam.  
 placet ire per singula, quæ fando comperi,  
 quæque perspexi accessisse tibi diuinitatis  
 auxilia. Scis quæ te pollicebaris acturum,  
 quando confertissimis inimicorum cuneis  
 vrgebaris, & circa muros Ticinensis ciuita-  
 tulæ hostis tuis clangor streperet, quando  
 armis numero aduersarij præstantiores sub-  
 sistere, sola tecum dimicante cælitus inuisi-  
 bili virtute, non poterant. Audebat te aggre-  
 di, qui exercitus tuos nuda æstimatione pen-  
 sabat: solationum tuorum pondus omnis  
 bellandi apparatus sustinere non valuit. Quo-  
 ties vtilitatibus tuis aër ipse seruiert, si re-  
 censes, tibi cæli serena militauerunt, tibi con-  
 nexa pluuias pro voto fuderunt. Quis resistere  
 dextræ tuæ ausus fuit, & cū gratia superna pu-  
 gnanti? quoties inimici tui ceciderūt mucro-  
 nibus sodalium suorum? quoties tibi vicit, qui  
 pro hostium tuorum vtilitate certabat? His  
 ergo donis cælestibus vicissitudinem impensa  
 circa homines pietate restituit. Mysticæ obla-



tionis holocausta sunt, supplicantium lacry-  
mas non sperni. Illud certè perpende, qua-  
libus in regno successeris: quos si, vt liquet,  
malitia expulit, casus illorum necesse est, vt  
sequentes informet. Ruina præcedentum  
posterios docet. cautio est sēper in reliquum  
lapsus anterior. Non sine exemplo militat,  
qui respicit qua causa decessoreiectus est. His  
freta Liguria vestra nobiscum profusa sup-  
plicat, vt legum vestrarum beneficia sic tri-  
buatis innocentibus, vt noxios absoluat. Exigua est apud Deum nostrum misericor-  
dia, si illos tantum læsio non sequatur, qui  
reatu carent. culpas dimittere cæleste est;  
vindicare terrenum. Post hæc siluit.

At eminentissimus Rex insit. quo loquente,  
attonita de voluntate eius corda pavor ar-  
tabat. Quamuis te, venerabilis Episcopo, pro  
meritorum tuorum luce suspiciam, & mul-  
ta apud me confusionis tempore reposu-  
isses beneficia, quibus frui te conuenit tran-  
quillitate reuocata: regnandi tamen neces-  
sitas qua concludimur, misericordiæ, quam  
suades, non vbique pandit accessum. & in-  
ter res duas nascentis imperii, pietatis dulce-  
dinem censuræ pellit vtilitas. Exemplorum  
cælestium testimonio affectio mea nititur.  
Offendisse legimus principem, qui cœlitus  
destinatum nec inimicum subduxit exitio.  
pœnam meruit lenitas, quam potuit in-  
tulisse districtio: ultionem suscepit, qui  
detrahat inferre. Vim diuini iudicij aut at-  
tenuat, aut contemnit, qui hosti suo, cum

potitur, indulget. Iustitia coercendi sunt, quos constat gratiam non secutos. Vicia transmittit ad posteros, qui præsentibus culpis ignoscit. Nam quod de Redemptoris nostri patientia loqueris, illos verè amplectitur lac gratiæ, quos austeritas legis informat. Nunquam à medico ad plenissimam curationem æger adductus est, nisi ab illo qui primum putria ferro membra desecuit, & latentem penitus è sinu viscerum produxit illuuiem. Qui criminosos patitur impunitè transire, ad crimina hortatur insontes. Tamen quia precibus vestris, quibus superna assentiunt, obsistere terrena non possunt, omnibus generaliter errorem dimittemus. Nullius caput noxa prosterneret, quoniam potestis & apud Deum nostrum agere, ut sceleratæ mentes à propositi sui peruersitate discedant. Paucos tamen, quos malorum incentores fuisse cognoui, locorum suorum tantum habitatione priuabo; ne fortè exurgens necessitas vicinos inueniat nutritores, & malorum adiuta successibus bella consurgant. His præcellentissimus Rex dictis, virum illustrissimum Urbicum acciri iubet, qui vniuersa palatii eius onera sustentans, Ciceronem eloquentia, Catonem æquitate præcellerat: cui præcepit, ut generaliter indulgentiæ pragmaticum promulgaret. quod ille ad omnem benignitatem paratissimus illicò tanta breuitate & luce contexuit, ut & illa culparum genera cognoscerentur

abolita, quæ putabantur fuisse reservata.

Interea secretius rex præstantissimus sacerdotem venerandum Epiphanium imperat euocari : quem tali compellat affatu. Iudicij nostri ex ipsa sententia , gloriose Antistes, pondus intellige, vt cum tot in regni circulo Pontifices esse videantur , tu potissimum in tanta re quasi vnicus eligaris. nec eneruata per meritum tuum huiusmodi æstimatores illudit opinio. Solus esse iustè crederis, cuius splendore, tanquam globis lunaribus minorum syderum lumen obtunditur, & modicæ lucis radij præfulgida conscientia tuæ luce fuscantur. Quis quærat noctis lampadam, vbi solis iubar effulgorat? quis candelæ præsidium, vbi caminis indefinentibus fidei pyra succenditur? Postremò talem à me oportet dirigi, qualem suscipiens libenter auscultet. Vides vniuersa Italiae loca originariis viduata cultoribus. In tristitiam meam segetum ferax spinas atque iniussa plātaria campus apportat: & illa mater humanæ messis Liguria, cui numerosa agricolarum solebat constare progenies, orbata atque sterilis ieiunum cespitem nostris monstrat obtutibus. Interpellat me terra, quocumque respicio vberem vinetis faciem, cum aratris impexa contristat. O dolor! nullus humor illorum labris infunditur, quos à vini copia Oenotrios vocauit antiquitas. Hæc quamuis Burgundō immitis exercuit, nos tamen, si non emedamus, admisimus. Populatae patriæ cen-



famus succurrere, & aurum apud nos habetur in conditis? Quid interest, pecuniis an ferro aduersariorum animos inclinemus? obtulisse quod mentes capiat hosti, vicisse est; occuluisse, superari. Suscipe ergo, Christo adiuuante, huius laboris sarcinam, ex qua communem habeamus in cælesti re promissione mercedem: quia nouus iste propriis insignibus titulus laudis ad crescit, per manus tuas de oppugnationibus nostris sine sanguine triumphare. Princeps eorum Gunduadus est, cui reuerentiam tui vetustas inseruit, quem videndi te nimia cupido stimulat. Mihi crede, pretium captiuitatis Italicæ erit vester aspectus: redemptos esse putabo, quos cupio, si ad terras illas talis redemptor accesserit. Quàm magno suffragio vincuntur oculi quibus te offerimus! Sed quid demoror manus arua poscentia? polliceor tibi rediuuium statum Liguriæ: polliceor soli lætitiâ, & post Transalpinam peregrinationem reducem fecunditatem. ex accidenti aurum tibi cõmodatur, pro qua talis legatus acturus est.

Ad hæc Episcoporum lux Epiphanius. Quãto, venerabilis Princeps, pectus meum tripudio repleueris, si sermone possit ambiri, pro diuitiis meritorum tuorum immeditata & continua verba profunderem. Sed quàm sermõni meo interceptus denegetur successus, monstrant lacrymæ gaudiorû, quas dolorum alumnas nûc parturit exultatio. Proinde intellige, ad referendas regi tam pro nobis, quàm pro seipso gratias, plûs me sentire posse quàm

eloqui. Iustitia prius, an bellorum exercita-  
 tione, an quod his præstantius est, omnes  
 retro Imperatores te pietate superasse com-  
 memorem? Habes vnde gentis nostræ recto-  
 res accuses: tu redimis, quos illi persæpe aut  
 permiserunt fieri, aut fecerunt ipsi captiuos.  
 David legimus, pro singularis laudationis ex-  
 emplo, idcirco maximè cælorum proximita-  
 tes indeptū, quod oblato manibus suis Sauli  
 pepercit inimico, & in testem concessæ po-  
 testatis exuiarum eius particulam rapuit; per  
 quam & licentiam probaret, & votum. Deus  
 bone! in quanta remuneratione huius factum  
 suscipis, pro tot millibus oppressorum liber-  
 tate tractantis, qui illum pro vnius seruati  
 hominis sanguine sublimasti. Perage ergo  
 cepta festinus, & fœlicitatis tuæ oblationem  
 lætus apporta: meque, quamuis sim paratus,  
 stimula, ne in offerendo tam odorato sacrifi-  
 cio tarditatis obice refræneris. Christi re-  
 demptoris nostri erit concedere, sicut ex  
 operibus futurum conijcimus, vt verè ho-  
 locausta tua per manus meas possis offerre.  
 Precor tamen, vt indultu clementiæ tuæ Vi-  
 ctor, Taurinatis vrbis Episcopus, comes mi-  
 hi & particeps huius itineris adiungatur, in  
 quo clarum est epitoma omnium virtutum:  
 quo socio adhibito, de Deo nostro securus  
 respondeo, nullum effectum proprijs peti-  
 tionibus abnegandum. Quibus auditis, rex  
 eminentissimus annuit. At tremendus Ponti-  
 fex dicto vale, discessit.

## EPISCOPI TICINENSIS. 401

Ex tempore portandæ pro redemptione pecuniæ destinantur, suscipiuntur. egreditur, Ticinum impiger venit. Et quamvis adhuc hyemali tempore Martius mensis glaciales fluminibus frænos imponeret, & cana niuibus iuga Alpium transituris minarentur exitium: led mortiferum frigus, & concretas algore glebas fidei ardor exsuperat. nunquam in gelu labitur, cuius fundamentum petra solidauit. Ordinato ergo itineris sui viatico, profectus est. diceres quod vniuersa impelleret, quæ poterat retinere necessitas. nec cibi ipsius capiendi mora sustinebatur. & cum singulos cum ipso positos ille plenus discriminibus callis turbaret, solus inter pericula timere non nouerat, quem spes vitæ certa comitabatur. Interea illa, quæ itineris eius fuit semper præuia, & in apparatu diligens, præcessit fama; & tanta Gallos insignium eius relatione compleuit, vt quasi superni numinis aduentu præsentia turbarentur. Concurrerat omnis ætas & sexus, & quos à vicinitate viæ ipsius longa intervalla seiunxerant, ardor animi proximabat. Quidquid habuit quisque pretiosum obtulit, & si non habuit, aliunde mercatus est. patria vbique opulenta diffusio. Inemptis dapibus mensæ cumulabantur peregrinorum: & illis, quas nisi comparatas incolæ habere non poterant, escis sine pretio utebantur externi. Tunc quoscumque indigentium reperit, illis quæ erant donata dispersit. Domi, forisque patebat miseros: neque fieri potuit, vt quod



ad ipsum delatum est, pauperum visibus subtraheretur.

Hoc ordine mira celeritate Lugdunum ingressus est, ubi Rusticius tunc Episcopalem cathedram possidebat, homo qui & in secularis tituli præfiguratione sacerdotem semper exhibuit, & sub prætexta fori gubernatorem gessit Ecclesiæ. qui trans Rhodanum fluvium aduentui ipsius spiritualis lætitiæ copia repletus occurrit, causam commectionis inquit, quæ essent astutiæ regis, edocuit. quem ne inopinantem obiectionum aut responsionis calliditas inueniret, intra penetrabile pectoris certaminum se prolusione formabat. Quem postquam Gundobadus terræ illius dominus venisse cognouit, Ite, inquit ad suos, & videte hominem, quem & meritis & vultu semper ego Laurentij martyris personæ coniunxi: qui quādo nos velit videre inquirite, & cū iusserit inuidete. Mox ad eum omnis Christianorum principis assistentium turba confluxit. qui affatim admiratione capiebantur, quod illa tot linguarum fama tam minorem se in isto, quamvis esset ampla, monstraret: cui nunquam sufficeret paupertate sermonum, quamvis ditior iusto esset in reliquis. Constitutus ergo videndi regem dies. ad quem cū ingressus est, salutauit, & sua vterque visione lætati sunt. Dedit summo viro Victori licentiam, si iuberet ipse, principium legationis ordiri. qui ad illum omne pondus reulit, ut fuit ad cunctam humilitatem paratissimus.

E vestigio decus Italiæ Antistes noster talib.

verbis regem caput affari. Inexplicabilis mihi  
iãdudum, probatissime Princeps, vestri amor  
imposuit, per iter istud cõtra naturam & tem-  
pus bella suscipere, & crustati montis pericula  
non timere. quibus dum in metallum aquas  
artauerit, coagulatum ex liquore minatur exi-  
tiũ. Trãscendi alienis mensibus ninguidos sal-  
tus. posui gressus, quos in suis locis vis frigoris  
obligabat. Postremò mortem nõ timui, vt tibi  
celer præmiũ æternæ lucis afferrẽ. Inter duos  
optimos reges testimoniũ in cælestibus dictu-  
rus adhibeor, si quod ille misericorditer postu-  
lat, tu clementer accommodes. Munus repro-  
missionis dominicæ æqua lance diuidite : &  
cũ ambo amplius habueritis, damna nemo  
lugebit. Certate, duces inuictissimi, & alteru-  
trũ vos exequẽdo præcepta mystica superate.  
In qua cõflictatione sic brauiũ victor accipiet,  
vt victus præmiũ non amittat. Sequimini cõ-  
siliũ meum, & ambo superiores, ambo pares  
extabitis. Redimere cupit ille captiuos: tu sine  
pretio redde genitalibus glebis. Mihi credite,  
nemo vberius in hac causã, nemo majus acci-  
piet, quã qui nihil acceperit. defrudabitur præ-  
mium partis illius, atque ad tua cõpendia lu-  
crũ transit alterius, si quos & vendere glorio-  
sum est, donare disponas. Prò quãtum dispen-  
dij de pollicitatione diuina offerenti aurum in  
hoc negotio, si remittatur, infliget; vel quantã  
pauperiẽ, si suscipiatur, apportat! Diuites exer-  
citus tuos faciet contempta pecunia, adqui-  
sita mendicos. Audi Italorum supplicum  
voces, & de te præsumendum preces serenus

„admitte. Audi Italiam nunquam à te diuisa  
 „sam, & multum de animi tui elementia con-  
 „fidentem. quæ si vna voce vteretur, hæc di-  
 „ceret. Quoties pro me si reminisceris, ferra-  
 „tum pectus hostibus obtulisti? quoties pu-  
 „gnasti consilio, ne bella subriperent? ne ali-  
 „quis eorum duceretur in quacumque orbis  
 „parte captiuus? quos nunc detines, tu nutriti.  
 „dolosè mihi virtus tua beneficium præstitit,  
 „si quos ab extraneis tutatus est, custos inua-  
 „sit. Quis catenarum nexibus impeditus dura  
 „sorti non vberiores lacrymas exhiberet, cum  
 „se ad conditionē liberator impelleret? quis se  
 „subduceret, cum armorum tuorum crepitus  
 „audiretur, in quo in necessitatibus tutissimum  
 „habuere præsidium? Elisis collo manibus ma-  
 „trona sublimis, cum traheretur ad vincula,  
 „promisit sibi vindicem te futurum. Virgo ab  
 „stupratoris insidiis pudorem suum tibi crede-  
 „bat displicere posse, si perderet. In summam  
 „capti sunt, quos nemo fugientes inuenit. Agri-  
 „colarum laboriosæ stirpes, & duris exercitatus  
 „ligonibus soboles, quos per terrā suam pascit  
 „infabricata simplicitas, cum loris colla nece-  
 „rentur, & palmas vinciret arta commexio, ni-  
 „hil pro defensione sua aliud clamitabant:  
 „Scimus, & euidenter agnoscimus. nonne  
 „vos estis Burgundiones nostri? Videte, ne an-  
 „te pium regem quæ facitis, excusetis; & illa  
 „urbanorum consuetudine crimina supprima-  
 „tis. Quoties istæ, quas ligare prælumitis,  
 „manus domino communi tributa soluerunt?  
 „Novimus quia ille fieri ista non iussit. Hac



auctoritate miseri pro solatijs utebantur. „  
 Multos tamen integritatis tuæ fiducia fecit „  
 interimi, dum capti superbius responderunt. „  
 Redde ergo residuos patriæ, redde origini, „  
 redde gloriæ tuæ. Antiquus dominus prouin- „  
 ciam diligit, quam & modernus amplectitur. „  
 Remitte quamuis ad alienam ditionem, qui „  
 se & ibi positi tuos esse cognoscant. Parum „  
 enim gratiæ impendimus illius imperio, cuius „  
 misericordiæ nihil debemus. Vacua sentibus „  
 illam, quam bene nosti Liguriam, & reple „  
 culturis. Quantum obnoxia sit muneribus „  
 tuis intelligit, si faciem suam aliquando co- „  
 gnouerit. Domesticum tibi semper est indul- „  
 gere supplicibus, sicut superbos opprimere. „  
 Sic in vtroq; fortissimos, ibi per gladium, hîc „  
 per tēperantiam triūphos adquires. Nostris „  
 nostrorum commouere fletibus. Sic in suc- „  
 cessione regni istius legitimus tibi hæres ad- „  
 crescat, & per spem adultæ progenies ad Bur- „  
 gundionum gubernacula reuiuifcas. Et li- „  
 cer hoc Deo tribuas, adijce & illud; quod „  
 nec hominibus externis istud impendis. Iam „  
 tibi Italiæ dominus & necessitudinis affini- „  
 tate coniungitur. sit filii tui sponsa Latia largi- „  
 tas, absolutio captiuorum. offerat pactæ „  
 suæ munus, quod & Christus accipiat. Hæc „  
 eū dixisset, commonito sancto collega Vi- „  
 ctore surrexit, & vsque ad pectus regium la- „  
 crymantes, & cum omnibus propter adstanti- „  
 bus capita submiserunt.

Tunc rex probatissimus, vt erat fando lo- „  
 quax, & ex eloquentiæ diues opibus, & fa-

cundus assertor, verbis taliter verba reposuit.  
 „ Belli iura pacis suator ignoras: & conditiones  
 „ gladio decidas concordie auctor euisceras. lex  
 „ est certantium, quem putas errorem: fratrum  
 „ nesciunt inimicitia, quem tu, Christiana lucis  
 „ iubar, ostendis. Præliis temperantiam nullus  
 „ annectit, quæ oris tui nitore egregie modera-  
 „ tor, attollitur. Statuta sunt dimicantium, quic-  
 „ quid non licet, tunc licere. Ista fortè quies vin-  
 „ dicet, quæ narraſti: hostem suum qui non læsit,  
 „ adiuvat. Paulatim aduersarius à regni sui mo-  
 „ le succiditur, cuius imperij radices viribus am-  
 „ putantur. Reposui regi partium illarum cõtu-  
 „ meliam, quam putas illatam. Ludificatus spe-  
 „ cie fœderis nihil egi studiosius, nisi vt quod est  
 „ cautelæ apertos inimicos agnoscerẽ. Conce-  
 „ dat tamẽ diuinitatis assensus, vt solidatũ inter  
 „ nos fœdus lōga ætate seruetur. inuenient par-  
 „ tes illæ constantẽ in amicitia, quem senserunt  
 „ sibi perniciosum fuisse dum litigatur. Vos ta-  
 „ men, sancti viri, ad domos, in quibus manetis,  
 „ sine tribulatione discedite: dum ego animæ  
 „ meæ & regni vtilitate discussa, quæ me con-  
 „ ueniat præstare pronuntiem, His auditis Pon-  
 „ tifices abcesserunt.

At ille vocato Laconio, cui & rerum & ver-  
 borũ fides ab illo semper tutè mādāta est: quẽ  
 & prærogatiua nataliũ, & aurore curules per  
 magistrẽ probitatis insignia sublimauere: cum  
 quo confert quoties & pia & religiosa medita-  
 tur: & sicut non est cū vitijs sociata nobilitas,  
 nec adstringitur ad illecebras lux naturæ; si  
 quid ille benignè facere voluerit, duplicari iste

hortatur adhibere. Cui princeps, Vade, inquit, „  
Laconi, & tota votorum tuorum vela suspen- „  
de. Et sacerdos à nobis, & beatus Epiphanius „  
libèter auditus est: cuius te precibus fuisse per- „  
motum, cum apud nos verba faceret, animorum „  
indices lacrymæ testabantur. Vade, pleno pe- „  
ctore dicta sententias, per quas pactionis illius „  
durissimæ nexus irrumpas. Liceat Italis omni- „  
bus, quoscumque Burgundionum nostrorum „  
metus captiuitatis fecit esse captiuos; quos fa- „  
mis necessitas, quos periculorum timor „  
aduexit: postremo quoscumque concessit „  
aut addixit consensus principis sui, noster „  
absoluat. at paucos, quos quasi ardore præ- „  
liandi tunc ab aduersariorum suorum domi- „  
natione rapuerunt, pro illis pretij quantu- „  
lumcumque percipiant: ne detestabiles apud „  
illos fiant certaminum casus, quorum cum „  
discrimina sustinuerint, lucra non sentiant.

Post præceptum venerandi regis impiger il-  
le verborum saltibus indulgentiæ species aut  
formas exposuit, & chartas ad insignem An-  
tistitem detulit. quas ille cum expectatissima  
deditione suscepit, & portitorem tanti do-  
ni ambièter amplexus est. Qui postquàm rumor  
innotuit, tanta istius iam liberæ multitu-  
dinis frequentia subito adstitit, vt desolatâ  
crederes esse etiam incolis rura Gallorum.  
Nam testis huius rei ego sum, per cuius  
manus pictacia ad clusuras iussio sacerdo-  
dotis elicuit, quadringentos homines die vna  
de sola Lugdunensi ciuitate redituros ad Ita-  
liam fuisse dimissos. Identidem per singulas



urbes Sapaudiae, vel aliarum provinciarum factum indubitanter agnouimus. Ita ut istorum, quos solae preces beatissimi viri liberarunt, plus quam sex millia animarum terris propriis redderentur. Eorum vero, qui redempti aut sunt, numerum ad liquidum agnouisse non potui: quia inter eos etiam multos fuga eripuit. Sic factum est, ut tunc ad liberationem omnium subiugatorum transendi occasio concessa sufficeret. Postquam tamen pecuniarum ille cumulus effusus est, continuo ad expensas redemptionis suggessit necessaria illa, quae ibi est thesaurus Ecclesiae, Syagria, cuius prolixam quaerit vita narrationem: sufficit tamen, ut ex operibus agnoscat, quam verba transcendunt. Dedit etiam praestantissimus inter Gallos Avitus, Viennensis Episcopus, in quo se peritia, velut in diuersorio lucidae domus inclusit. Quid pluribus? aut illorum ex maxima parte actum est, ne Gallis diutius seruitum pubes Ligurum duceretur. Nec in vno loco summus vir in illa regione se continuit, ne forsitan in longinquo degentes dominorum feritas impediret. Fuit Genavae, ubi Godigisclus germanus regis laudem statuerat, qui famam fraternae deliberationis secutus, bonis operibus eius se socium dedit. Breui tamen tanta liberatorum phalanges emissae sunt, ut videres longè, latèque agminibus seruentia itinera cum laude Dei, tum etiam splendidissimi Sacerdotis Epiphani, cuius ministerio atque labore erepti fuerant, redeuntium. Et ne rati lux nostrae trophae muneris

privaretur, atque ab oculis ipsorum pulcherrimum spectaculum tolleretur, ipse cum his remeavit. Videres duci in triumphis caelestibus vulgus liberum, pro mactandorum sanguine terram inadesieri lacrymis exultantium: cum Heliae currum istarum cohortium ductor scanderet, & quadriugum ad caelestia pro merito suo raperetur excursu. Non sic Pellaeus princeps Alexander, quem pacatorem orbis vocavit vana laudatio, captum gentium duxit examen, ut iste reuocavit. Ecce hinc comperimus armatorum mentes sanctitate superatas, & cessisse precibus electi Principem, qui obuium semper lanceis pectus ingessit. Quātum fuit acutior verborum, quā ferri lamina, hinc lector agnosce. expugnavit sermo, cui se gladij subduxerant. Dum ergo tertio mense cum tali trophæo Ticinum remearet Antistes, ut Tarantasiā venit, (sic enim vocitatur oppidum Alpibus vicinum) ibi quādam mulier gravi immundi spiritus vexatione laborabat. quae continuo percepta benedictione absoluta discessit. Ipse tamen suis inopinatus nec suspicantium oculis adstitit. Visus est subito, de quo vix credebatur aliquis posse rumor audiri.

Mox tamen ut redijt, curis ex more animi fatigat, ne fortè quibus absolutionem Deus per illum dederat, proprii census possessione turbarentur. praecipue ob nobilium considerationem personarum: quibus immānior apud suos poterat constare calamitas, si

vitam inopem reduces sustinerent; & de peregrinationis incommodis sola misericordiae solatia perdidissent. Ad regem inuictissimum Theodericum per se mox ire noluit: ne forte laboris sui vicissitudinem in relatione gratiarum, aut in exhibitione munerum coram positus videretur exigere. flagitat enim quasi debitam retributionem, qui profligatis Principum iussionibus, ipse quid actum sit auctor annuntiat. Hoc ergo ille totius acuminis vir prospiciens declinare gestiebat. Scripsit tamen, & quae gesta sunt, loqui commisit epistolis; ne aut tacendo contemptor, aut occurrendo per arrogantiam pronuntiaretur intemperans. Quantum tunc, admirande Pontifex, tua plus egit absentia, quantum imperavit humilitas deprehensa; dicat illi, quos de exulibus ditissimos reddidisti. Igitur omnia, quae à piissimo rege pro miseris per paginam petiit singularis antistes, incunctanter obtinuit. Serenus praestitit copiam supplicanti, cui pro compensatione laboris sui hoc credebatur posse sufficere, quicquid per illud beneficii redemptis & pauper acciperet.

Postquam tamen omnes, qui reuocati fuerant, indultu praeferendi principis iure suo donati sunt, perfunctam molestiarum suarum molem admirabilis censebat Episcopus: cum necdum biennio exacto, à deliberata quietis gremio, tanquam à portu cymba, aliis inlata tempestate propellitur. Nam infirmis Ligurum & labantibus humeris vix ferenda tributorum sarcina mandabatur. Rursus ad te, afflictorum consolator, adcurritur. Doceres frustra reddidisse patriae ciues, si illis in solo aui-



to periclitantibus non adesse. Et quia apud te nunquam fatigatus est qui rogauit, suscepisti causas infeliciū, & te protinus ad recidua onera præparasti. Rauennam pro nobis regem rogaturus excurris: quam, ne te ibi quisquam post Gallicana insignia laudaret, effugerat: Minas cæli, procellarumque discrimina, adhuc quasi cui integer, aut valētia corporis munitus, ex superas. Nunquam tibi ad officium animorum se membra quamuis inualida subduxerunt: frigus, pluuiæ Padus ieiunia, nauigatio, periculum, tonitrua, sine lecto mansio in ripis fluminis, incerti penè sine terrâ portus, virtuti tuæ dulcia fuerūt, & grata successui. Contristatus est de præsentia tui, & ille eminentissimus rex, qui te videre ambienter oprabat. Exposuisti necessitates nostras aduentu tuo, antequam diceret, & quales tecum habitantium lacrymæ te compulerint, docuerunt superata discrimina.

Ast ubi ad principem rament ingressus est, ita loqui cœpit. Solita, Rex venerabilis, mentis tranquillitate famulorum preces intellige. & me ad postulanda necessaria, & vos ad tribuenda vsus informat. Lex tua est, ductor inuicte, misereri iugiter. tu semper nutristi spem intercessionis in posterū, dū præsentibus non resistis. viâ supplicationi nostræ patefecit ad reliqua, semper apud vos beneficij fides impetrati. Liguribus tuis largire quod proferas: tribue quod reponas. futurū quæstus est, temporalis indulgētia. Boni principis mos est, cū virtutibus amare famā, & regnū ita ordinare, tanquā ad stirpis suæ posteros transiturū. Nu-

21 tates domini hæc tantum, quæ accipiunt, di-  
 22 ligunt: firmissimi illa potius, quæ dimittunt.  
 23 Sic terris semina parua committimus, vt mul-  
 24 tiplicata capiamus. scæus sine crimine sit  
 25 triplicatum. boni Imperatoris est possessoris  
 26 opulencia. Concede immunitatem anni præ-  
 27 sentis Liguriæ, qui eos externis, qui suppli-  
 28 cant, reduxisti. Quam vberem præsentem  
 29 natiuitatem habuerimus, clementia vestra  
 30 adstantes interroget. Nemo illi mentitur, cui  
 31 seruiunt qui conuincant. Ad hæc Princeps:  
 32 Licet nos immanium expensarum pondus in-  
 33 licitet, & pro ipsorum quiete legatis indefi-  
 34 neter munera largiamur: tamen ius merito-  
 35 rum tuorum tractatibus nostris reuerenter in-  
 36 teruenit. Opus est fieri quidquid iniunxeris.  
 37 iuuat omne, quod præcipis. æstimamus  
 38 enim compendijs nostris adijci, quod ipse  
 39 decerpseris. Nihil tu quasi ex accidenti de-  
 40 preceris, qui habes à nobis plurima quæ re-  
 41 poscas. Duas tamen præsentis indictionis fi-  
 42 calis calculi partes cedemus; tertiam tan-  
 43 tummodo suscepturi, ne aut ærarij nostri an-  
 44 gustia Romanis pariat maiora dispendia, aut  
 45 supplicatio tua expectata patriæ gaudia non  
 46 reporter. Taliter præfato regi egit gratias  
 47 summus Antistes: à quo vale dicens abscessit.  
 48 Heu dolor atque gemitus! omnibus quasi su-  
 49 premi officij, vel vltimæ visitationis studio  
 50 impiger occurrerebat. Et cum domus ipsius  
 51 Christianæ multitudinis turbas emoueret, ip-  
 52 se tamen omnium penetralia adibat: nullum  
 53 humanæ mentis crassitudine heberatum tan-

gebat tam funesta suspicio, quod instaret trans-  
itus eius, quem ille spiritus reuelatione cerne-  
bat. Ninguido aëre, & quali solent homines  
ad tecta confugere, Rauennam egressus est,  
& per omnes Emiliae ciuitates celer venit,  
tanquam ad sepulcri receptaculum properans:  
omnibus sacerdotibus in itinere positis mu-  
nificus, communis, affabilis, & quasi exa-  
gellam relinquens, seipso præstantior. Vt Par-  
mam tamen eiusdem viæ ingressus est ciui-  
tatem, continuo eum coagulatus in vitalibus  
humor infudit, quem catharrum medici vo-  
cant, qui se medullitus inserens in ruinam pu-  
blicam seruebat. Sed quid formidas oratio?  
quid velut naui fragos scopulos perhorre-  
scis? Velis, nolis, & si strictim, cuius vita  
dicta est, narrandus est obitus: quoniam  
nulla protensione libelli, nullis dilatationi-  
bus promulgatæ laudis, transitus ipsius poterit  
occultari. Et quamuis velut Scyllæos canes, &  
patulas Charybdis fauces, fragosa discrimina  
murmure minitantes velificans carina diffu-  
giat, obitus eius naufragiū non omittit. Quid  
fletus narrare meruo, quos continua sem-  
per necesse est vt monstret effusio? Ergo  
dum se oppido Ticinensi, nunc misero, pro-  
pinquauit, quasi alacer, & sanus apparuit.  
quod licet cum omnibus exultationibus ob-  
reditum suum introisset, illico gaudia vertit  
in lacrymas, ægrum se esse ipsa die significans,  
altera grauiorem. Et cum grandior per dies  
singulos appareret infirmitas, adiuta est im-  
peritia medicorum. Stabant musicantes &



Philip. i.

Psal. 88.

Psal. 30.

I. Rex. 2.

attoniti populi, casum in vno homine totius  
prouinciæ considerantes, & funus mundi  
metuentes. Septimo tamen die inopinatum  
scelus, ineffabilis calamitas, inexplicabilis lu-  
ctus accelsit. Sed cum beatissimus cerneret  
Pontifex, sarcina carnis abiecta maturius se  
ad purum ætheris euolare fulgorem: cuius  
vox illa semper fuit, *Mihi viuere Christus est, &  
mori lucrum*, læto animo ac vultu sereno illos  
versiculos Dauidicos sæpius repetebat, *Mise-  
ricordias tuas, Domine, in æternum cantabo. In  
generatione & prognie pronuntiabo Veritatem tuam  
in ore meo, & illud, In manus tuas Domine com-  
mendo spiritum meum. Nec non adiciebat de  
perfectione securus, Confirmatum est cor meum  
in domino, & exaltatum est cornu meum in Deo  
salutari meo: vt hymnis & canticis & in  
morte resonans ad sedem suam cælestis ani-  
ma remearet. quæ quinquagesimum octauum  
ætatis annum duxit ad tumulum: triginta in  
hac sacerdotali, qualem, & si excerptim, lector  
attendis scalpam conuersatione exemit.*

Illud namque silentio præterire non debeo,  
quod eius sanctæ reliquæ vsque in diem ter-  
tium, quo cum summa veneratione reco-ndi-  
tæ dinoscuntur, tanto lumine ac decore vesti-  
tæ cunctorum visæ sunt oculis, vt splendorem  
vitæ vultus signaret defuncti & depositâ glo-  
riam iam nunc percepisse gloriosum vas crede-  
retur, in quo verè fuit thesaurus magni regis  
inclusus. Quæ ibi fuerunt flumina lacrymarum,  
quanti planctus, silebo, ne post annos ac cur-  
ricula nouellum dolorem scriptor incutiam.

Quæcumque ibi mater venit, liberatum clamauit ab illo filium: quæcumque vxor, maritum: quæcumque soror, fratrem: qui celebs, seipsum. Postremò in illa tanta hominum multitudine & conuentu, vt audenter dicam, totius orbis nemo fuit qui beneficijs illius aliquid non deberet.

Sed quæso iam temperemus à luctibus: contractam tristitia resoluamus frontem. Excelsa cum Deo possidet, ob cuius obitum mœremus in terris. Sed quid faciam, quòd remediatoris vestri singultus verba difficiunt? lacrymæ ora perfundunt? mugitum resonat omne quod eloquor? & intelligo quòd nunquam ad flentem flens bene veniat consolator. Hæc sancto Patri & doctori peritissimo idoneus affectu non scientia impendi, vt aliquos de conuersatione illius flosculos relegerem: vt est longum iter agentibus in vsu positum, qui non omnes obuios consalutent. Tu mihi, anima apud redemptorem nostrum præpotens, tribue, vt cura vacuus, & pectore liber, munda tibi sicut debetur præconia mundus exsoluam. De cætero habentem in te post Deum fiduciam non relinquo, & quem religionis titulis insignisti, religiosorum in diuinam re-promissionem redde participem.

MAGNI FELICIS  
ENNODII DE VITA  
BEATI ANTONII.  
Monachi.

P R Æ F A T I O.

**V**T præliantes assurgunt buccinis ; vt equorum celeritas ad potio-rem cursum ferrata calce prouocatur : ita dum maiorum virtus sollicitat , ingenia nouella confortat . Qui cana exercitia , & veterum gesta relegit , ad disciplinarum frugem propositis laudum præmiis inardescit . Imago præcedentis gloriæ , vt ad posteros veniat , linguarum catēna retinetur . non licet per atates perire , si quid lectio serenis actibus amica suscepit . Itaque eloquentiæ diuturnitas , mortalis naturæ sine congressionis periculo vincit angustiam ; per quam optimorum conuersatio , ipsis decidentibus , nescit occasum . Restituetur quidem corpus origini , & destinatus à superis spiritus ad proprium recurrit auctorem : quorum tamen probitas libris mandata fuerit , eorum vitalis est obitus . Dicat forsitam interpres austerior , Abiurat prædicationis dulcedinem perfuncta mens sæculo , & carnis vinculis absolutus non desiderat quæ inter incerta mûdi gessit , agnoscit : sed illos  
humanus



humanus carcer, sine libertatis dispendio, refudit opifici: dum inter polluta gradiens, nitorem suum anima Deo nostro intenta geminavit; & per mandatorum cælestium lineas lenocinantem huius lucis non sensit errorem. Nobis verò ista reuiuiscant, nobis profutura seruentur; quibus si à studio deest sectari meliora, de illorum, qui faciem conuersationis suæ præferunt, venire debet exemplo. Tu autem, venerabilis Abba Leonti, qui id mihi operis iniunxisti, adiuta oratione titubātem, & siccitatem styli sanctarum precum imbre locupleta, facies enim, ut confido, meritis præcipuum, quod adgredi me ipse iussisti. Pronū est, beatitudini tuæ ieiunam eloquentiam fœtūdis innocētiæ ferculis ampliare. credite mihi, vos respiciet extortæ aut culpa, aut genius dictionis. cuius nisi substantiam religiosa auctoritate firmaneris, videbitur iudicij tui clauda fides delegisse minùs idoneum, cui venerandi laboris prouinciam commisisti.

IGITUR B. Antonij narraturus insignia, primū Spiritus sancti mihi maiestas inuocanda est, ut qui illum rebus diuitem fecit, me in his explicandis per linguæ fræna moderetur, & labiorum sordes Prophetici carbonis diluere maturaet incendio, ne conscientia nebulis lucem conuersationis illius, aut amplissimis pauperem faciam laudibus, aut infantia arente deuenustem. Benedicatur indiuisa Trinitas Deus noster, qui seruum suum Antonium, tanta virtutum dote sublimem, circa Danubij fluminis ripas in ciuitate Valeria, Se-

cundino patre lucis huius ianuam iussit intrare. Qui quamuis de splendore natalium conscientia inbar hauserit, tamen fulgorem stirpis præcipuæ morum radiis obumbravit; vincens decorem sanguinis ingenij claritate; dum coruscantem germinis sui lampadam ætuum serenitate transcendit; & factus est victor stemmatis sui, per quod vniuersos nascendo superauit. Qui dum adhuc de matris penderet yberibus, quem præsciuit Dei gratia, non reliquit: nec passa est inopem fauoris existere dispensatio cælestis, quem remunerandis plenum studiis approbavit. Qui ne sancti instituta propositi per parentum blandimenta frangeret, annorum ferme octo genitoris, tutela nudatus est, mox tamen ad illustrissimum virum Severinum ignara fuci ætas euolauit: qui dum eum mulceret osculis, futura in puero bona quasi trāfacta relegabat. Fuit enim, cuius meritis nihil esset absconditum. Ille hunc sibi futurum participem, pia vbique voce prædicabat: credo, vt incipientis tyrocinia spes annuntiata solidaret.

Sed postquam beatus vir humanis rebus exemptus est, Constantij Antistitis, ea tempestate florentissimi, iunctus obsequiis, gloriosis operibus vitæ rudimenta dedicauit: qui eum inter Ecclesiasticos exceptores cælestem militiam iussit ordiri. erat enim venerabilis sacerdos Antonij nostri patruus. Sed nunquam ille magisterij rigorem consanguinitatis lege molliuit: nec fecit securum de necessitudine discipulum non timere, cui gratiam do-

toris nisi censura non præstitit. Tantus fuit circa sectatorem diligentiae modus, quantum iudicia contulerunt. meritum suum in facie monitoris agnouit. Sed iam peccatorum consummatio Pannoniis minabatur excidium. Nam succisa radice substantiae regionis illius status in prouum deflexerat. Per incursum enim variarum gentium cotidiana gladiatorum seges messem nobilitatis absciderat, & fecundas humani generis terras ira populante desolabat. Iam Franci, Heruli, Saxones, multiplices crudelitatum species belluarum more peragebant. quæ nationum diuersitas superstitiosis mancipata culturis, Deos suos humana credebant cæde mulceri: nec unquam propitia se habere numina, nisi cum ea æqualium cruore placassent. cessare confidebant iram cælicolum innocentis effusione sanguinis, qui ut in gratiam redirent cum superis suis, propinquorum consueuerant mortes offerre. quocumque tamen religiosi titulus declarabat officij, hos quasi sereniores hostias immolabant; æstimantes, quod piorum iugulis diuinitatis cessaret indignatio, & fieret materia gratiæ locus offensæ. Inter quas temporum procellas Constantius Pontifex, ne quid in mundo haberet subsidij, terra hostilibus deputata, humana lege liberatus est.

Post cuius resolutionem, Antonium nostrum famuli ad Italiæ partes, quibus cælitus fuerat deputatus, Christo duce perducunt.



Principe loco Tellinæ vallis, quæ id sortita est vocabuli, limen ingreditur: quam montium ex utroque latere brachiis fabricata naturæ ditat amænitas, & de verticibus sæcundis amnium plebe locupletat vber solum: quod auaris respondet iuxta desideria immoderata cultoribus: non tamen ita aristis prægravidum, aut dotatum pascuis, aut arbutis compositum, aut fluminibus lætum, ut non plus superuenientis personæ gratia præstaret, quam ipsius originis variata & distincta formositas. Illic Mario presbytero, qui spiritibus immundis dominabatur, adiunctus est. quia hæc est rerum conditio, ut novi hominis mores diuulget inuenta sodalitas: & qui ignoratur per originem, similium clarescat affectu. Deprehenditur mens secreta per socios, & cui non licet ad liquidum superuenientis æstimare conscientiam, conceditur, ut de suis deprehendat externos. Nam cum eum beatus Marius illis oculis, quibus mentes videntur, inspiceret, & interioris decorem hominis absconditis percontaretur obtutibus, voluit eum clericorum sociare collegio, & inter Ecclesiasticos cætus præstantem meritis dedicare personam. Sed fugit honorem, velut veneni poculum, qui semper potentiam credidit subiacere, & seruire patienter prætulit regali dominatui.

Ne tamen diu humanæ conuersationis mixtus illecebris, societatem contagionis hauriret, elegit secessum haud procul à beati martyris Felicis sepulcro, vbi Larius

Ionij marmoris minas deponit; quando, ne euagetur longius, obiectis ripis reuſtunt fræna telluris. Illic inferto nubibus vertice mons coruſcat, qui ſublimitate ſua vincit aſpectum. Sed quàm ſuperbus eſt magnitudine, tam difficilis aſcenſu. Nam nullis ante monachum noſtrum patuit grefſibus; nec per prærupta ſaxorum humani generis admittit, formidine repugnante, veſtigium. In præciſis cautibus tuta ſetis longum præbuit nullo exterrente cubilia; eo beſtiis blandior, quo terribiliùs agricolarum minatur excuſui. In hoc Dei famulus ſedem diligit; in quo ſola fuit placendi cauſa, quia nequaquã lenocinabatur adſpectibus. Nihil ſecum amplius, niſi parum leguminis, & lignonem, quo terram ſollicitaret, de mundi beneficiis aſſumens dedicauit callem ſubiecta aſperitate neſcitum. Iuga illa indomitam naturæ legem Antonio congregiente perdidderunt: reſerata itinera poſt ingreſſum eius patuere cupientibus. Inuenit illuc tamen duos ſenes, quos iam ita inter luſtra belluarum habitatio longa miſcuerat, vt nihil de illis mundo fama nuntiaret. quorum vitam, ſcientiamque plenè videor elocutus, cum expetitam pro Dei timore habitationem ſine nube vulgaui. Breui poſt horum vnus aſſumptus eſt, & terreni carceris mole depoſita, ætheriam valitudinem felix anima reſumpſit. nam abſolutionis eius tempore columna ignea Beati Antonij oculis eſt in

gesta, ad cælum vsque pertingens : credo, vt venerabilis viri fides, & ardor ille vitiorum decoctor typico monstraretur incēdio. Tunc dum ibi Dei cultor tota disciplinis cælestibus virium suarum vela laxaret, & per sinus animæ corporisque extrudentia paleas flabra fusciperet. cuius vigiliæ, ieiunia, lætionis assiduitatem iure replicarem, nisi haberem digniora memoratu. Nunquam ille cibum sumplit, nisi fatiscēte corpusculo, nunquam nisi exemptis officij muniis, sollicitudinem quiete laxauit. Sed quid retexam, quæ perfectionis habuerit instrumenta perfectus, aut per quos gradus ad cella cōscenderit, quem liquidò declaratum est obtinere sublimia? Sciuit ille sic per labores varios disciplinarum lineamenta sectari, vt nunquam assumeret arrogantiam de labore: & cū omnia essent digna præconiis, quæ gerebat, dispendium virtutis credidit, fuisse laudatum. Sc totum de eius actibus opinionis luce radiabat, vt nihil præberetur ostentui: præminebat censura mentis in corpore, & iracundiam, quam contra culpas animæ eius susceperat, facies infucata pingebat. Videres aduersus flagitia mundana toruos oculos, & indefessa contra sæculi blanditias Christi militem bella tractare. Quando illa imago statum suum resoluit in risum, & ab ordinis proprii rigore lætitiæ debilitate confRACTA est? Interea dum velut obsignatum monachi in vniuersis implet officium, vir quidam quem sponsæ suæ amor in facinus impule-



rat, & ad effusionem humani sanguinis affectu & indignatione prouocarat; dum conscientiam se credidit fugere mutatione terrarum, & in aliis prouinciæ partibus innocentiam reperiri, quam furore duce perdiderat, velatum simplicitate ad secreta eremi portauit homicidam, putans in Dei obsequio constitutis de actibus suis præter effigiem nil patere. Artifici humilem simulauit obtutu: & per dolosi commenta consilij, fabricata subiectione compositus, cautioribus scelerum sordes texit obstaculis. Difficile est præter Deum deprehendere, quicquid obsequendi argumentis inuoluitur. proindè flagitium celatabiectio: rarò in lucem erumpunt crimina, quæ auctor obtemperandi scierit furo sepelire. Protinus tamen adfuit ille index consuetus, & latentis secreta conscientia diuinæ vocis claue referauit; in his sermonibus adorsus Antonium, quando eum plusquam homo possit docuit cognouisse; illum denudans, qui crasso indumento latronem tegebat: Caue, inquit, ne tanti criminis reum sancto velis miscere collegio: ne lupum ouibus, agnis viperam negligens æstimator adiungas. Iste animam Dei manibus concessam per elisi fragmenta gutturis effugauit, & interneciuo fratris furore constricti vitam è sedibus suis, dum infert faucibus vincula, dissoluit. hunc debitum exitium sequitur, nec à iugo supplicij erit alienus, qui hu-

33 mano sanguini non pepercit. misericor-  
 33 dia est, circa facinorosos seruata districtio.  
 33 Ergo sopori terminum ponens, mandatorum  
 33 celestium hostem depelle, ne candida conuer-  
 33 satio tecum habitantium fusca superuenien-  
 33 tis contagione violetur. Illicò diuinis obse-  
 cutus imperiis hominem vocat, mentientem  
 conuincit, seriato ore malè conscij omnia  
 eius gesta persequitur. Expauit deprehensus,  
 eum flagitia sua recenseri videret ab homi-  
 ne, quæ sine teste humani generis commise-  
 rat. viaticum poposcit, fugam tremens appa-  
 rauit. continuo tamen pedisequa reum vltio  
 comprehendit, & expiatum scelus patratoris  
 morte nuntiauit. Ita sermo iusti viribus care-  
 re non potuit. Interea sanctus vir per regio-  
 nes finitimas insidiatricis famæ linguis inno-  
 tuit. quæ ne pareret de celebritate iactan-  
 tiam, antè prouisa sunt remedia, quàm  
 morbus adolesceret. qui enim grandæuus aut  
 debilis, duce diligentia, non itineris illius  
 transmeabat abrupta, cum dantibus valetu-  
 dinem desiderijs etiam ægritudines corpora  
 non tenerent? Hac perterritus frequentia, ad  
 secretiora eremi Beatus Antonius credidit  
 euolandum, ne singulorum deuotio inama-  
 bilis arrogantia mater existeret, & de mul-  
 tiformi gratia rigidioris propositi ruina nas-  
 ceretur. Mox tamen secessus, quem pendu-  
 la rupes commendabat, electus est. in quo  
 annis pluribus solus, & verè monachus  
 vitam sine humani generis consorte transe-

git. Dabat feras pro sodalibus montana solitudo: mugitus vrsi, aliarumque belluarum minax immurmuratio, pro blandæ confabulationis communione ponebatur. Denique ea tempestate vrsus petulantior, gloriæ plus daturus, caules ipsius puberibus foliis latiores, & quadam domino hilaritate gestuantes, immani ingrediens contritione vastauit, ita vt nusquam de simplici fruge spes residua linqueretur. quem ille baculo mulcatum districtius abire præcipiens, testem virtutis suæ, & nuntium passionis ad alias ire bestias mox coëgit. vt impleretur Domini fidelis pollicitatio, quæ sectatoribus suis totius veneni & omnium ferarum promisit obsequium. Rursus tamen gradienti ei per destinatum callem rugiens se fera suggessit: quam ille sola iussione turbatam iter fecit aperire, & occupata viæ claustra deferere. Sed ecce iterum alis pernicibus, per' proditiōis suæ ordinem, Dei seruum in quo loco degeret fama vulgauit; aliud de ipso, pro sententiarum varietate, diuersis opinantibus. Tunc liquidò patuit per occurſus multiplices nihil obſtare cupientibus: planari ardua, solidari scissa, pendentia non timeri. Sed potioribus insidijs, ne per arrogantiam hostis surriperet, fortiori consilio manus opposuit, ne iam grandæus perderet, quod inter tyrocinia virtute seruasset. acrius enim circa robustos diaboli certamen est, & maioribus co-



pijs illos adgreditur, qui conflictus eius experti roboris sudore domuerunt. Vniuersa tamen secum ipse pertractans, breui animum suum allocutione firmavit. Quid agimus, mens adhuc mundani oneris fasce depressa, quam nondum ad auctorem suum corporeus carcer euomuit? non tibi certa est de perfectione fiducia, dum adhuc includeris fragilitate carnali: periculis plena sunt, quæ videntur esse tutissima: lenocinia hostis tui intelligis, dum vniuersorum voce laudaris. Vide quantis labores insidiis. absconditum esse non licet, quod adimus: latebram nostram persecutio manifestat hostilis. Sanctorum petamus exercitum, & illam Lirinensis insulæ cohortem irriguo inquiramus ardore. quem solum hætenus pulsauit aduersarius, timebit inter inimicam sibi multitudinem constitutum. Instructa præliis acies illa semper inuigilat, & variis perfossum ictibus abigit infestantem. quot bella illis diabolus intulit, numerant tot triumphos. non metuunt quotiens adesse Satanam, vt dimicantes acuant, classico fuerit stridente nuntiatum. semper eruditos & fortes reddidit quotidiana decertatio, quomodo prolixior pax solutos. His dictis dimissa fratribus cellula, quos ibidem prædicti amor congregauerat, apud Lirinum improuisus apparuit. Nuntiauit virum insignium meritorum, facies ieiunij pallore decorata. Nam dum secreti nitorem hominis splendidissima macies indicaret, non defuit actuum eius præco consue-

tus, immaculatam conuersationis ipsius speciem, sub verborum abundantia, & relationis vbertate describens. Mixtus grandæuis & præcipuis gestorum suorum lampadam non minori intellexit igne rutilare: metitus est fomitis sui lucem, dum vidit alieni. Quasi inter ornamenta cæli, & sidera pleno fulgore micantia, superuenientis astri claritudo societur; certant sine inuidia geminare radios, & per augmenta luminis speciem superare nouitatis. Alia prolixiori crine facem suam stella commendat; alia puriore: vnam ditat potior flamma, nobilitat alteram per spatia nocturna sincerior. Sic Antonium nostrum per vniuersas locorum mutationes à Christo veniens disciplina comitata est. Prouidit tamen, ne cui in illa nutrice sanctorum Insula, cùm præstaret meritis, præferri videretur honoribus. sciens in humilitatis radice plantatum ad centenos fructus assurgere. Blandus inuenibus, grauis maturis, doctus peritis, submissus existendo simplicibus, totam illam dominici gregis legionem, distinctam actu, variatam gentibus, quasi vnam animam in sua affectione collegit. Ibi biennio, seipso potior, mundi istius sarcinam deponens, victor insidiarum, quas antiqui serpentis parat astutia, diem nostrum & lucem præsentis sæculi perpetui luminis adeptione commutauit. Taceo qualiter vitam ipsius mortis claritudo signauerit, ne vniuersa digerens, non tam veritatē narrasse, quàm prædicti laudibus videar immoratus.

Veluti si quis consitum lucum frondium densitate repererit; ex quo coronam ferro stringente subripiens, genium sylvarum, dum præsumit parua, non amouet; melioribus equidem de Antonij nostri factis, quæ stylo non attingi, narranda seruauit. Vincat fortè eloquentiæ flumine: nemo me circa illum superabit affectu. Habeat qui securus fuerit, de peritiæ mese iactantiam: mihi gratiam beati hominis nemo præripiet, qui ad explicanda eius bona primus accessi.

## V.

EVCHARISTICVM  
DE VITA SVA.IN NOMINE PATRIS ET FILII  
ET SPIRITVS SANCTI.

**O** Raculū est scientissimi Doctoris gentiū quoddā pariat infirmitas nostra potentiam, & quoddā terrena contritione anima conualescat. Cū virtus, quæ de substantia carnis fluxerit, currat ad spiritum; & dum labefactatio nostra cælestem hominem, & in diuina locandum arce componit ad frugem spiritus; si quando sine cultura, aut messe sunt corpora, dulce est, & cū accesserit propter augmenta diminutio. ad diuinam Dei gratiam peruenitur ieiuna & sterili paupertate membrorum. Ergo tibi debetur post Deum, imbecillitas nostra, quoddā de rerum sublimium



affectione surreximus. Votiuæ febris meæ necessitas, & exultio amplectenda medullarum, dederunt mihi & timere Deum de abitione sospitatis, & in ipso gaudere de reditu. Lætatus nunc in auctore nostro mentis sanitas procurata languoribus. Vbi est superbia diuinæ salutis quæsitæ ludibrio? vbi supercilium, per quod omnium munus credebas esse rem propriam? repente deseruit te constantia roboris tui, & ægritudinis subiecta pōderibus elisa ceruice iaculisti. postquā fugit prosperitas tua, feram meditata pænitentiam, quod præualueras, Dei nostri fuisse cognoscis. Gratias tibi, cæli moderator & conditor, qui dispensatione subtili, & occultis miserendi itineribus, vias nostras & de afflictione componis, & ad virtutem perfectam pia laceratione nos reparas. Ad medicinam tuam venire, nisi suffragio vulneris, non valemus: cum duritiam cordis assuescimus te percutiente mollire, & suggestionem terrenæ vilitatis nobili & dulcissima molestiarum nostrarum passione comprimere. Ecce ego ille, qui in longum ducta mihi alacritate plaudebam: qua dum perpeti fruerer, quasi nulla intermissione solueretur, quærebā qualiter peccati stipendium mors veniret. Nā eleuatus insanis successibus, poëtarum me gregi, ignarus venerandæ professionis, indideram. delectabant carmina quadratis fabricata particulis, & ordinata pedum varietate solidata. Angelorum choris me fluxum aut tenerum poëma miscebat: & si euenisset, vt essem clarorum versuum seruata lege for-

mator, sub pedibus meis subiectum, quicquid cæli tegitur axe, cernebam. Ineptum diu volutavit vita mortalis, & certa miserationum cæcitas de falsa dicendi felicitate perextulit. Quotiens acclamantium flatibus propter religionem vertex nudatus intumuit, & mendacibus labiorum lusus illecebris, credidit amorem sui habentium pectoribus imperari? Tu autem, qui in cælis habitas, irridebas me: tu quem non deliniunt verba, sed puritas: tu apud quem sæpe muti loquimur, & clamantes tacemus. Sic dum me concinnationis superflua in rhetoricis & poëticis campis lepos agitaret, à vera sapientia mentitam secutus abcesseram, nihil aliud cupiens, nisi auris vanæ laudationes aucupari. Erat orandi fastidium, dum perorandi tenebar cupiditate mercari. Infelix ego homo! quis me repararet de corpore mortis huius? gratia Dei, medicabilis morbi concessa ministerio. Nam ecce repente ad sedem animæ formidantis dolor ingressus, & secreta cordis hostili pavit incendio. tunc quicquid homo est iugi consenescebat ardore, & per aditus naturales coctio se interna reserabat. Nam dum è latebris suis pelleretur arrogantia, quamvis adhuc aliqua de superstitioso, tamen iam de superstitie nihil habebam. Hoc solum remanserat de conscientia viventis, quod à te, Deus meus, sanari me posse confidebam, quem ad

commotionem errore perduxeram. Nec tamen vastatrix illa, & magistra pestis latebat, viscerum inmissa conclauius: nec contenta yelamine, totum me luridi coloris nube vestierat; ut quicquid in cæteris passionibus medicorum quæritur digitis, hoc propositum pro correptione sui vulgus videret. Vrebat amantes mei longa calamitas; vrebant inimicos alios desperatio obitus mei, alios angebat instantia. concors erat ciuitatis in studiij diuisione sententia. Interea me edax ignis interno vastabat officio, & continuis curantium nutriebatur studiis. Nam quasi morbos aleret, ita quicquid contra ipsos providebatur, accessit. Tunc illa sæcularis pompæ philosophia Hippocratis & Galeni contrita subsidiis, ad adiutorium fidele se transtulit, aliquando sentiens mundi blandimenta vanescere, & humanis hominem præfidiis non iuuari. Iam duorum fermè mensium curriculis cladis huius me sibi pressura submisserat. Iam remedij vice transitum præstolabar, & nihil suaue de vsura lucis istius recolens, abrumpere moras, & si cum peccati iturus fasce, cupiebam. Expendite legentes, quæ hîc flagella, quæ tormenta me manserint; ut suppliciorum præsentium metu, gehennæ pœnas expeterem, & ut ad illa immortalis camini, & dirum anhelantis piacula festinarem. Sed non defuit mihi Dominus, qui mortificat &



I. Reg. 2.

Esa. 48.

viuificat, deducit ad inferos, & reducit, ma-  
 iestate sua ille, cuius est promissio, Adhuc  
 verba in ore tuo & ecce adsum, dicit Dominus.  
 Nam cum vnus se ex his, qui assidebant  
 mihi, & per singulos dies ditabant inæquali-  
 tatem meam dispendio facultatum, lassatum  
 se fuisse testaretur, nec aliquid remansisse,  
 quod fieret; illicò mihi spem vitæ detulit des-  
 peratio curatoris. Nam illuc promptiora sunt  
 cælestis bona iuuaminis, vbi se subtraxerint  
 obsequia infaulta languentibus. Continuò  
 me ad B. Victoris martyris præsidia sæpe ex-  
 perta transexi, & opem fortissimi precatus,  
 Deo per ipsum cum lacrymis alleganda com-  
 misi. Satis esse ad promerendam clementiam  
 eius, si semper ante oculos suos statuatur, vnde  
 nos sumpserit; nec facile ad sublimitatem  
 mandatorum illius cum velocitate extremam  
 migrare posse materiam. Quamuis per secun-  
 dam pij naturam baptismatis ablutum sit  
 quicquid de limbo parente sordimus: tamen  
 quia dum inimicus salutis nostræ inclusum  
 blandimentis fucat interitum, dulci vitia sa-  
 pore condiuit, & dum pruritu aurium, dum  
 gustandi oblectatione producimur, mors per  
 fenestras ingreditur; quò fugiendum est ab ira  
 ipsius, nisi ad misericordiam eius, qui redu-  
 cem filium, & concessæ prodigum portionis,  
 quem postquam cum porcis per obscenum  
 siliquarum cibum addixit immunda commu-  
 nio, ad stolam candidam, ad anulum pretio-  
 sum, ad diuitias illas paternæ possessionis,  
 quasi semper seruasset iussa, reuocauit? Pre-  
 catus

Luc. 15.

catus sum per electum eius, vt debita mihi  
plura dimitteret, vt plus diligentia absolutus  
exhiberem. Et hoc eum promissionis sue  
chirographo, & casta sponfione conne-  
niens, poposci, vt daret etiam per præce-  
pta sua amabili deuotione me currere. quia  
cum sit illius, quod vocamur, illius quod  
vocati acquiescimus, à nobis tanquam sint  
orta munerantur. & velle recta, & perfi-  
cere ipse suggerit: tamen ceu pro nostra  
obnoxius deuotione dat præmium. Pro-  
misi etiam, si clarioris studij me per gra-  
tiam suam donaret affectum; de manu lin-  
guæ meæ confessio ista procederet; de mu-  
neribus ipsius ingenioli mei eidem adipem-  
litarem; vt nunquam styli cura de sæcula-  
rium rerum ventosa executione lassaretur;  
reliquas etiam quibus suggillabar fœdita-  
tes abnuere; si tamen ipse, quod loqui inspi-  
rauit, velle me faciat. Supplicavi vt adesset  
in me beneficiis suis; nec auerteret se ab  
eo, quem genuini præsidij tutela destitutum  
fouisset misericorditer, & illis, qui parentum  
latabantur defensione, prætulisset: & vt hæc  
tribuerentur non vicem innocentia meæ  
reddidit; sed quantum gratia eius deberet  
felix & eruditus peccator, ostendit. Nam si  
recti custodiam pietatem secutus non lin-  
queret, & nos terreret vt arbiter, & non  
vt pater foueret; nusquam via salutis, nus-  
quam euadendi aditus pateret. Deus meus;  
redemptio mea, quæ mihi occurrunt de

his quæ fecisti mecum : quæ de illis , quæ  
 gessi aduersum me ! quæ si conferantur,  
 nullum tempus aut ope tua , aut delicto  
 meo sit vacuum. Libet ex innumeris in  
 me collationibus tuis vnâ libare, & præ-  
 tereundo populos largitiorum tuarum, sin-  
 gularem summotenus attingere. Tempore  
 quo Italiam optatissimus Theoderici regis re-  
 suscitauit ingressus, cùm omnia ab inimicis  
 eius inexplicabili clade vastarentur, & quod  
 superesset gladiis, fames necaret : cùm ex-  
 celsa montium, castrorumque arces penu-  
 ria perumperet ; & in culminibus loca-  
 tos armis læuior egestas obsideret : ego  
 annorum fermè sedecim, amittæ, quæ me  
 aluerat, ea tempestate solatio priuatus  
 sum, remansi solus, inops re & consi-  
 lio destitutus, cui sola remedium tribue-  
 re possit aduersitas. Ne inter parentes,  
 quod est captiuitatis sorte amarius, sub-  
 sidia viuendi liber poscerem, extemplo  
 porrexisti consuetam dexteram, defensio  
 mea ; & domum censu & religione prædi-  
 uitem, vt solatium meum non respueret,  
 compulisti. Poposci in matrimonium cu-  
 iusdam nobilissimæ & tibi bene comper-  
 tæ paruulam filiulam : protinus, te vt ad  
 te veniret procurante, quasi hoc à me spe-  
 rari debuisset, exceptus contulit mihi pla-  
 centium tibi consortium, & vt alimen-  
 tis adfluerem, & ad culturam tuam fu-  
 giens infidelitatis obscura commearum,



penè ante agnitionem desolationis meæ,  
exceperunt mihi largienda suppetere. Tunc  
primùm ex mendico in regem mutatus,  
afflictorum orditus sum mala deridere, &  
quasi debita mihi fuisset prosperitas, sic  
illorum negligere auctorem. Non tamen  
perduellis animus, & duræ cervicis con-  
tinuò à te tumor elisus est. produxisti vl-  
tionis tempora, ne fortè compungerer, &  
hoc tantum, quis esset præstitor, sanatus  
sentirem. Sed quia homo non corrigit ex in-  
iusto, nec faciliè ad candidum post maculas  
sedetur; steti in sententia mea illa, qua  
caderem, vici patientiam tuam continua-  
tione peccati. Et quia, cùm sis clementis-  
simus, non semper iustitiam reponis, nu-  
datus præsidio tuo, vocem illam, quæ di-  
recta est ad aures primi parentis, accepi,  
*Adam Vbi es?* In confusione mea, quan-  
tos amiserim clementiæ tuæ thesauros, &  
qua nudatus sim dote, numeravi. rerum à  
te collatarum æstimatio tunc concessa est,  
cùm mihi periret. redij ad me, atque ad  
ærumnas meas, & propter gaudia produ-  
cta lacrymaui. Statim quidem alio itine-  
re, non tamen impare, subuenisti. Or-  
dinasti, vt per officium Leuitarum coa-  
ctus sanarer, & impacti honoris sarcina  
quod premebat à me pondus amoueret.  
Sed postquam venerandæ me pressura  
dignitatis absoluit, habui de titulo ge-  
nium, non de actionis nitore conscientiam,

ô mens rigore inebriata venefico, nec exemplis instructa, nec monitis! Si desunt tibi venerabilium magisteria librorum ad profectum, informare suppliciis: & nisi te cæno perditionis immergis, habere potes de pœna doctrinam. Sed hæc faciat in nobis ille, qui præcepit, & ut pares eius existamus imperiis, ipse nobiscum quod iniungit, operetur. Hæc & alia plura, sicut præfatus sum, per testem probatissimum beatum Victorem intimanda suggessi. nec requies, nec mora procuranda lentauit. petitionem meam suscepit, replicauit, obtinuit. Hoc amplius suffragator meus emeruit, quàm poposci, ut illa, quæ mecum matrimonij habuit parilitatem, religiosæ mecum habitudinis decora partiretur, & fieret præclari dux fœmina tituli. Sed utinam sexum fragilem in animi virtute sequeremur, & actione nobili non tantum excelleret merito, quantum fæmineæ imbecillitatis sequi videretur obtentu. Illa pretiosæ vigore constantiæ mala carnis vota perdomuit, & affectuosam seruauit pudicitiam, non coactam. Illa recti obseruantiam, dum obstinatè diligit, ire compulit in naturam. Utinam non mihi in illa districti proponatur hora iudicij; & dum in infirmitate sua fortis apparuerit, ego in naturali virtute sim fragilis! Ecce Domine, recensui ipsa quæ noueras, & in ea tantum fui fidelis parte, ut non raperem, quod tenebas. Adesto, rex gloriæ,

PARÆNESIS DIDASCAL. 437  
adeſto ſupplicanti, & ſecundum benigni-  
tatis tuæ conſuetudinem, ſecutura diſpo-  
ne. GLORIA PATRI, ET FILIO,  
ET SPIRITVI SANCTO.

---

VI.

## PARÆNESIS DIDASCALICA

AD AMBROSIVM ET BEATVM.

**D**Eo obſequimur, dum eius conue-  
nientia monitis imperamus. nam quod  
petitioni veſtræ ſtudio caritatis adquieſci-  
mus, myſtica ſunt præcepta. Multis et-  
enim ſupplicationibus exegisti, vt pagi-  
na vobis concinnationis didaſcalicæ ſin-  
geretur. Volens me in multorum iura ſub-  
miſi: quia videbo, quid in verbis adhibea-  
tur examinis; ſufficit ſi me in voto præ-  
dicetis. Ego tamen in ſoribus ſcriptio-  
nis quod viuificat non tacebo. Deum  
tota mentis intentione mundis tenete viſ-  
ceribus, & circa vos precum frequenta-  
tione mulcete, nullis ab eo animarum  
fornicationibus, nulla tranſactione dedu-  
ci. Fouete etiam proximos, quos facit

Ee iij



naturale collegium; & ne quod vobis factum dolori esset, vos fecisse gaudeatis. Huius boni fructus est, quicquid optatur. Me tamen diu tenuerunt anxium deliberationis incerta, vtrum ad vos per carmen, an epistolari lege verba promulgarem. Elegi affectionem meam circa vos vtroque dicendi calle patefacere: quia & præcipientem decet fortis elocutio, & pressis admonitione mētibus mollioris styli cura subuenitur. Ergo benignè exacta suscipite.

## LAUS VERSVVM.

*Quamuis sit tenerum madore mellis,  
Quodcumque strepuit parens Camæna,  
Et fictum lepido nitore carmen  
Captiuæ docilis momenta cordis.  
Nec semper deceat pœma Virtus,  
Quod lex præcipiens tenere fluxum  
Resoluat studio iubente fortes.  
At nos Pieria modum loquela  
In tantum sequimur, monente cura,  
Quantum dat genius, vigorque veri.  
Christi militis insitum rigorem  
Elumbem patimur cauere ductum.*

**E**Rgo dictorum aliquotiens amœna fugientes, materiam solidam suo ore celebremus, ne sentiat virilitas operis eneruati damna sermonis. Non refugit professionem meam monitoris officium, quia decet præcedentes emendatio. & sicut post tergum relictis par est facem de innocen-

tia proferri: ita ratio flagitat, vt etiã ver-  
bis iter, quod sequantur ostendas: cùm diui-  
ni voce constet hortamini, *Argue sapientem*  
*& amabit te*: & non reticeat sæcularis as-  
sertor, Qui præceptorem sancti voluere pa-  
rentis esse loco. Iure enim in affectionis su-  
percilio collocatur, quem benignitas cor-  
rigendi promptius asserit, quàm ipsa natura  
generis. Genuisse etenim libidinis testimo-  
nium est, erudisse pietatis. Ergo ad discipli-  
narum arcem properantes, matrem bono-  
rum operum amate verecundiam: quæ ita  
ex se variarum species virtutum fæcunda &  
virgo parturit, vt impudentia procax, & cor-  
rupta vitiorum. Hæc vos hac voce, vt ad eam  
tendatis, hortetur.

## VERECUNDIA.

*Tinguite candentes roseo de murice vultus,*  
*Atque fidem morum pandite de facie.*  
*In niueo spargens maculas sis pulchrior ore,*  
*Cùm sudans tenerum roscida colla feras.*  
*Nil tibi plus lingua tribuas, quam schemate frontis:*  
*Quidquid amare libet, hinc tibi concilia.*

**N**Efas est huic tam sacro manus negare  
consilio: quando & ipsa, quæ loquitur,  
quæstiosi decoris dote redimita, nobilitatis  
vel amplificat bona, vel suggerit. Pudori  
ergo cognatam semper sociate pudicitiam:  
quæ ætatis præiudicium cana moderatione  
temperans, annis feruore tumentibus peregrini-  
æ frigus dispensationis admisceat: & edo-

mita erroris appetentia, carnem sapo-  
re sanctæ conuersationis illiciens, recti dili-  
gentiam studiosam in vobis videri faciat, non  
coactam. Hæc tamen ventris castigatione  
procuretur, nec inimica eius ferculorum po-  
pulosi nutriatur erroribus. Exigit enim co-  
niessatio, magno quæ sita dispendio, etiam bo-  
norum damna meritorum, & vno calle mo-  
rum veniunt detrimenta, vel censum. Hæc si  
ad vos gressum protenderit, his eam tonare  
oportet eloquiis.

## C A S T I T A S.

*Nil moror afflictos constanter prodere Vultus,  
Dum mihi præniteant casti monumenta decoris.  
Pinguia nam tenuem suffocant corpora sensum,  
Et male facta suas conculcant viscera mentes.  
At mihi crux cuspis, crux scutum, cruxque choraca:  
Hæc tegar, hæc feriam, hæc pacis fœdera firmem.  
Hæc mihi dux belli est, quo victrix lubrica calcans,  
Dira cupidinei detestor mella veneni.  
Ad me currentes puerum seponite factis,  
Deque meo iuuenes canam præsumite vitam.*

**H**anc admittentes fidei ornatu confor-  
tio. quia sicut in emendatis moribus  
principem locum obtinet, ita suis spoliata do-  
tibus non tenetur: nec fas est quasi singulare  
occupari, quod constat ex pluribus. Nobilia  
fœta nisi multiplicibus pratorum non com-  
ponuntur spolijs: ex variis gemmis vna dia-



dematis solet constare formatio. Semper admirabilis electri corpus numerosa metallorum membra pepererunt. Proinde, quia nihil est, quod fidem possit anteire, foueatur, & ita in diligentia messe coalescat, ne lacteus alimenti diuitis culmus importuna demessus falce moriatur. Ergo recedat ab instituto vestro clauda pollicitatio, & per usum in naturam transeat res sequenda. Hæc tamen his vos conuenire putetur affatibus,

## F I D E S.

*Qui cupit calo sociare terram,  
Linquere & luxæ vitium parentis,  
Me petat, certum decus, & coronam  
Muneris alti.*

*Ille nec dirum metuit tribunal,  
Nec per Vrbanos volitat potentes:  
Conscius reſti tenet inter Vndas  
Stagna salutis?*

*Barbarum quamuis tumeat Gelonus,  
Parthica & latret Morinus figura,  
Omne quod mundi rabies susurrat  
Despicit, arcet.*

*Intrat excelsi penetrabile regis,  
Diuitum tutis manet in ruinis.  
Ille nec legem patitur sepulcri,  
Nec mala Vita.*

**D**E præfatis virtutibus facessat studiorum liberalium deesse diligentiam, per quam diuinarum bona rerum quasi pretiosi monilis

luce sublimentur: quia non multum à scdita-  
 te seiungitur imperfecta formositas: & qui  
 non sufficienter magnorum tetendit ad cul-  
 mina, miserorum infima vix reliquit. Ista ta-  
 men præ foribus quasi nutricem cæterarum  
 anteponunt Grammaticam, quæ adolescen-  
 tium mentes sapore artificis & planæ locu-  
 tionis illicit, & ad Tullianum calorem scin-  
 tillas præfigurati vaporis adducat. Fabricatum  
 Martius campus militem suscipit, quem si-  
 mulacrum mentis dimicationis animavit:  
 nec pedem retorquet à classicis, cui buccina-  
 rum clangor, & ministeria belli inter pacis  
 blandimenta crepuerunt. Vsu enim virtus nu-  
 trita grandescit, & de institutione nascitur  
 periculorum tolerantia, consummati roboris  
 viros principia viderunt timentes. Bene est,  
 si rhetorum dextera, & libertas illa linguarum  
 formatos Grammaticorum fornace enses ac-  
 cipiat: quine manifestis cedant ictibus, fre-  
 quens contulit imago ferendi. In hac cautio-  
 ne opus est, vt supra ætatis immaturæ natu-  
 ralem penelicientiam artis crescat affectio: &  
 de continua per pedagogos, & indicta neces-  
 sitate clari operis spontanea cura profiliat.  
 ostendit tamen ad bonam voluntatem se ten-  
 dere, qui vt cogatur adquiescit. Iam penè in  
 studio habet honestatem, quem non offen-  
 dit sollicitudo monitoris. Tamen sectatoribus  
 ista sic loquitur.

## GRAMMATICA.

mentibus damus saporem, dum polimus fabulas.  
 Iudicem tenemus equum, si quid errat paruulus.  
 Abstinent manu, pudorem aure & ore verbero:  
 Quidquid ars habet pauendum, ars loquendi temperat,  
 Cum pusillus & iocamur inter ipsa dogmata.  
 Nam iubet rigor magister, ne per omne terras.  
 Nos parentes dixit etas illa maior optimos.  
 Quod fauore computamus esse nostra pignora,  
 Quæ dedit venter tumescens litterati seminis,  
 Nec libido subiugauit iura clari pectoris.

**H**Oc vos digredientes iam instituto, rhetoriciis lituis euocat Maiores eloquentiæ, & quasi lorica hamis, ita componit variis & connexis causarum munimenta particulis. Nam nodosis orationis artubus in solidam & simplicem formam coactis, vnā sermonum pingit effigiem. in qua ita quadratis sociantur diuersa mensuris, vt nec diuisio deroget conjunctioni, nec viritim aggreganda valeat, cum opus est, segregare partitio. Vos præmisso laudis sapore mascula dictio, & humani saporis Latiare supercilium sic adhortatur. Post apicem diuinitatis ego illa sum, quæ vel commuto si sint facta, vel facio. quantisuis actionum tenebris inuoluto lux sufficit, quam loquendo contulero. Ego sum, per quam expectant homines reatum de turbida, & innocentiam de serena: per me fusca splendorem conscientia, per me luce



„ sua radians aduentitia nocte tegitur. vel si sit  
 „ ignara tenebrarum, est quod nec confidit  
 „ puritas, nec culpa suspirat. Ad meum compē-  
 „ dium vbicumque est Romanus innigilat. fas-  
 „ ces, diuitias, honores, si non ornaueris, abie-  
 „ cta sunt. nos regna regimus, & imperantes sa-  
 „ lubria iubemus. Quid quod declamationum  
 „strarum oblectatio vincit vniuersa, quæ  
 „ sapiunt, & opinionem quam conciliamus,  
 „ æterna est? Ante scipiones & trabeas est pom-  
 „posa recitatio. de virorum fortium factis,  
 „ quod volumus creditur. actum nemo æsti-  
 „ mat, quod filemus. nobilia germina, ex nobis  
 „ fusa, orbem totum sole claræ perfectionis ir-  
 „ radiant. Poëtica, Iuris peritia, Dialectica,  
 „ Arithmetica, cùm me vtantur quasi genitri-  
 „ ce, me tamen asserente sunt pretio. Audite ta-  
 „ men & carmen, alieni quod nobis suggerit  
 „ ludus officij.

## R H E T O R I C A.

*Sit noster tantum, non strigunt carmina quenquam.*

*Nos vita maculas tergimus artis ope.*

*Si nunc constet merito quis, teste senatu,*

*Cogimus hunc omnes dicere nocte satum.*

*Et reus, & sanctus de nostro nascitur ore:*

*Dum loquimur, captum ducitur arbitrium.*

*Lana Tarentina laus Urbis, gemma, potestas,*

*Quid sunt ad nostrum iuncta supercilium?*

*Qui nostris seruit studijs, mox imperas orbi.*

*Nil dubium metuens ars mihi regna dedit.*

**H**Æc ergo, dulcissimi, & assequi contēdite, & adepta custodite. Sed replicetis, quibus ad ista magistris, quibus utamur institutoribus, quorum erigamur exemplis, cū Faustum & Auienum, sæculi nostri beatitudinem, & Latiaris flumen eloquij, aulicis districtum teneat fors secunda consilij? quos dum manet cura, à generalitate nescitur: quorum tentare præconia idem est, ac si lucem solis, & potentiam velis diuinitatis asserere. Sed istis in bono publico desudantibus, Patricij Festus & Symmachus, omnium disciplinarū materia & constantes forma sapientiæ, ab vrbe sacratissima non recedunt. In ipsis est nobilis curiæ principatus: quos vidisse, erudiri est. Non apud eos sermo de ludicris, nec Pantomimorum vix ignoscenda commemoratio. Illi auram popularem per pudoris detrimenta non capiunt: contenti rectis magis placere, quàm plurimis, sortiuntur de innocenti actione testimonium. Istorum quamuis in omnibus iussa sequenda sint, est tamen in illis, & magistra taciturnitas, & eruditi forma silentij. Est etiam Probinus Patricius, placidi germinis examinata claritudo; quem eruditorum familiæ mores ad vnguē ducti contulerunt: qui & de patris, & de soceri hausit fonte, quod mundus est. Est Patricius Cethegus, eius filius vir consularis, qui canam prudentiam minor transgrediens, sine ætatis præiudicio habet & prouectorum saporem, & mella pueritiæ. Est Boëtius Patricius, in quo vix discendi annos

respicis, & intelligis peritiam sufficere iam docendi: de quo emendatorum iudicauit electio. Est Apapitus patricius, & honestate diues & sciētia. Est Probus V.I. quem si sequamini, illum Faustum, & Auenum, quos prædixistis, præsentēs, etiā cū defunt, habebitis. Cæteros claros viros, quos tantum ad me opinio detulit, silentio relinquo. per vos, si vobis iam cordi est maturitas, aut per eos quos sum præfatus, agnoscite: manifestis enim patet indicijis amicus bonorum: nec in altero mores quiquam hominum, nisi quos in se formauit, amplectitur. Iam si matronarum delectat aditio, habetis domnam Barbaram, Romani flos genij, quæ testimonio vultus patefaciat lucem sanguinis & saporis: in qua inuenietis & verecundam securitatem, & de bono actionis confidentem verecundiam: sermonem naturali & artifice simplicitate conditum, vt nec lepos deuenisset alloquij, nec duris splendor faminarum rigescat affatibus. in qua sic in naturam transijt honestatis diligentia, vt si vel mentiri velit, non possit errorem. Sonat pudicam lingua dulcedinem; nec mentis nubilum tecto sereni sermonis operitur. hoc est pectoris, quod loquelæ. Det veniam feminarum diadema præsumenti, quod eius inuideo quieti. velim illam omnibus Italiæ partibus imitationem præferri, vt quæ non acquiescunt monitis, formarentur exemplis.



Est illic etiam Stephania, splendissimum Catholica lumen Ecclesiæ, cuius natales ita maiore luce fuscantur, si mores intelligas, ac si facem mundi oculus sol obumbret: si ingenuitæ conuersationis radios seponas, plus eius sanguine nil lucebit. Istorum, quoscumque præfatus sum, cælestis vos dispensatio iungat obsequiis. Ecce habetis gratiæ meæ oblidem paginam, quam velut pædagogum sectamini. Det autem vobis Deus, quod decet, & velle semper & facere. Ergo si pomposa oratione non valui, oratione vos, memor professionis, adiunxi.

*Per te, per qui te talem genuere parentes,  
Symmache, ne nostram maneat fors dura tabellam,  
Da dextram tenui; Et tecum me tolle per vndas.  
Non facit ad mores credentem fallere sanctos.  
Nil moror, en supplex venio: miserere precanti,  
Filia diuitibus commendans dicta patronis.*

*Germine clara*

*Sumite fidei*

*Verba parentis.*

*Nobile dictum est,*

*Quod bona monstrat.*

## VII.

PRÆCEPTVM,  
QUANDO IVSSI SVNT.

OMNES EPISCOPI CELLVLANOS

HABERE.

**N**VLLI dubium est, hominem qui carnalis concupiscentiæ illecebras sacri amator instituti, magistra viuendi arte domuerit, & præceptorum falce cælestium erraticos palmites de conuersationis suæ radice sustulerit, vitali traditurus incendio, fructuosa plantaria ad supernum fouere valitura compendium, vnde annuas diuina iussa capiunt pensiones, & eum sicut sinceritate innocentiae, ita opinionis luce gratulari. Nec bonorum facem meritorum maledicentis credendum est extingui posse conflatu. quomodo & si dēte tangatur inuidi splendor vitæ, vmbra venenatæ oblocutionis excludit. Auctorem repetunt tenebræ, quæ ad inuoluendum iubar aptantur: nitorem siderum nox intusa non obruit: ad genium claritatis proficit cum obscuritate conflictus: lunaris globi ministerium die recedente plus rutilat, & placet suo lumine, dum fugat alienum. Sub externum ius non mittitur, qui lucem facere,

auctor, assumit. Sed quomodo noxia mentes definitis se æstimant senioribus non teneri, putantes prophetarum præcepta dicentium, Os detrahentis eradicabitur, cum ætate veterescere; & valetudinem non habere per tempora? quasi nouellistantum timor debeatur statutis, & ad pœnam reos lex annosa non teneat: cùm temporum operator Deus, prophetæ vsus officio, & antiqua iusserit, & moderna disponat; & vnus atque idem boni fabricator instituti, circa homines, quod præmisit in parentibus, seruet in posteris. Sed ad propositum reuertamur. Exercentur quidem sanctæ animæ sermonibus æmulorum, & ad gloriæ augmenta deputant, quicquid contra earum meritum accusator ingesserit: sicut Doctor gentium clamat, homines oblocutionibus exerceri. Vt solent arbores, quæ ad terræ penetralia validis radicibus peruenerunt, despiciere flabra ventorum, & certamina procellarum stabilitate propria animante contemnere: sic illi repudiantes supersticiosi quæ impacta fuerit caligo figmenti, per sudum radios bonæ conuersationis ostendunt. Nam dum quis illorum obiectis, conscientia teste, congregitur, ad triūphi spem interna æstimatione percurrit. Nos tamen, quos pastoralis cura cōstringit, quibus tuendarum commissa est animarum diligentia, ne summorum quispiam, minimorumque dispereat; maximè cùm mali ipsius recens oculis offeratur exemplum, cùm Apostolicæ sedis Præsulem, & omnium penè Ecclesiarum gubernacula tractantem;



per proximi tumultus incendium inimicorum rabies tali ore momordisset, & in ruinam suam aliquorum furor sine iusta indignatione surrexerit. Hanc ergo volētes morborum desecare perniciem, ne in locum iniquæ assertionis nostrorum aliquis negligentias aucupetur, & similitudine veritatis ad impugnationem fultus occurrat: qui, vt aiunt, viua hominum testimonia non formidāt, dum, quod nefas dictu est, conuicti loco deputatur incautus, & fecisse scelus creditur, qui potuisse facere perhibetur. Nemo Dei oculos, quā hominis, iudicat plus timeri. errorem sceditur fouere solitudo, & profundam nequitiam incomitatus admittere: quasi cœlo facinora penetralibus inclusa non pateant, & vindicari malum non queat, quod homo nō respicit. credētes quod rem studii possint deputare necessitati: & dum homo homini custos est, alio maledicendi ordine, pudicitiam valeāt accommodare formidini. Nos quidem vel ex vna parte carpendi occasiones incidimus. nos supernæ memores disciplinæ, qualemcumque sacerdotalē dexteram volentibus perire porrigimus; & à ruinæ præcipitio diabolicis actos stimulis retardamus: vt discant loquaces, vel post decreta præsentia religiosum amare silentium.

Nullum ergo sacerdotum, antiquis & modernis legibus obsequentem, nullumque Leuitarum, sine bene probata volumus in quocumque loci manere persona: vel quem substantiæ exilitas non permiserit habere consortem, ipse concellaneus fiat alterius. Publi-

cum sit apud religiosos omne quod geritur clandestina repudietur obscuritas; multos habeat actuum conscios, qui Deo debet innocentiam. Videant æmuli, quia qui testes adhibet, vult probari. malè deprehensa iudicetur conuersatio, quæ non optat agnosci. Certè vel si mens sit recti conscia, vindicta dignus est, qui alii existit causa periculi. dum enim suspicionibus patefacit accessum, sit fraterni origo discriminis: & qui peccandi fomenta tribuit, ipse iugulum mortis impingit, vt ait diuinus & beatus præco, *Noli detrabere, ne eradiceris.* Confessor Ambrosius: Multi non dederunt errori locum, & dederunt suspicioni. Suspicio ista est interitus suspicantis, & quam non caret peccato qui dederit. Vnde mansuro cum Dei & redemptoris nostri ordinatione constituto sancimus, Apostolicæ sedis B. Petri, vel præfulis eius auctoritate Papæ subnixi, quæ vitia desiderat radicitus amputari, vt nullus religionum de memoratis ordinibus aliter, quàm præfati sumus, audeat conuersari; vel quicumque præsumpserint, cum amissione pudoris honorum damna sustineant. Quomodo grande malum est, dicatam Deo personam salutaribus monitis non parere. Nullus secum extraneas habeat mulieres, præter personas Canonibus designatas; ne agendo taliter, etiam si vita sit innocens, damnum opinionis incurrat.

# PETITORIVM

## QVO ABSOLVTVS EST

### GERONTIVS PVER

### Agapiti.

**D**EVS arbiter vniuersitatis & conditor illa res humanas lance dispensat, vt & fideles præmium & pœnam rebelles accipiant. Lassis enim deuotorum obsequiis valetudinem tribuit, dum muneris oblatione succurrit. perdit laboris memoriam mens terrenis obligata carceribus, quotiens illi vicissitudine subuenitur. in antiquum sudoris iuuenescit affectum, qui necessitatem gratiæ melle commutat. Sanctorum pœnæ, dum corona quæritur, abiurantur. Cui dubium est, quod nec ad cælum sine fiducia remunerationis acceditur? Imitanda sunt mortalibus duce sapientia illa, quibus æternus ordo componitur. secuturus est animus actibus, vnde sumpsit originem, dum Deo deuotè famulantes quod præstolamur, offerimus. A superna enim conuersatione non discrepat, qui talem obsequentibus impendit dominum, qualem sibi vult esse salutis auctorem. Gerontium itaque, cuius à me comperta fides, pudor, integritas, & exigit libertatem, & suis dotibus innotescit, per præsens petitorium à beatitudine vestra Romanæ deprecor ciuitatis gau-



dere consortio. cuius ego absolutionis non tam largitor, quàm testis existo. abiecta enim esset natura designati, nisi moribus vulgaretur. Hunc quidem sum dudum interueniente commutatione mercatus. sed quia nulum est maius commodum, quàm illud, quòd serenum examen assequitur; elegi palmam iudicii, quàm de acquisito habere compendium. ostendit mihi iusta prædicti seruitus personam non esse seruilem. Ergo nominato non tam cupio ingenuitatē tribui, quā refundi. scio quod rectè vile nomē expulerit, qui antè ingenuus credi meruit, quā vocari. Remissio ergo ab eo, quod mihi debebatur, obsequio, quam suā esse conuersatione docuit, eidem restituo libertatē: supplicans coronæ vestræ, vt gestis Ecclesiasticis ex omni obnoxietate soluatur; vt perpetuo Romanæ vrbis possit exultare collegio, omni peculio suo sine aliqua imminutione concessio. nec fas est enim de acquisitis quicquam minui, quem polliceor donis etiam potioribus subsequendum.

## IX.

## BENEDICTIO CEREI. I.

**D**ignum & iustum est. Verè dignum & iustum est, vt quod à te, Domine, accepimus, prece saltem & voce soluamus. Et licet nostra lingua auctoris sui beneficiis digno nequaquam respondere pos-

sit affatu: vult tamen diuino mysterio profecisse, quod facta est. Nam cum cæteris animalibus hebetata caligantium crassitudo sit sensuum, vernat in hoc dispositione Dominica hominū factura præstantior, quod sola vberius potest sentire factorem. quæ tamen cernuis est socianda rectè pecudibus, si cælestis ignara muneris, velut elinguis, beneficia diuinitus concessa concludat. Nam vt absoluit à crimine in holocaustis mysticis, non habere quod offeras: ita digna piaculo res est, offerenda subtrahere. Parili namque iudicio censendus est, & qui nunquam loquitur per naturam, & qui quod loquitur, non reddit auctori. Idcirco, Domine stupendi huius opifex elementi, aliquam tibi à nobis reddi credimus humilī satisfactione particulam, quod totum cognoscimus nos debere. Quis enim alius præter te mundi fabricam perpendiculo repentinæ iussionis exactam bifida auctoritate solidauit; cū primū præcepti tui miraculo terra coagularetur in pelagus; & deductis deinde aquarum impressionibus illa naufraga post sitiret? Cuius etiam, nisi tuæ inuestigabilis fotu iussionis suscepta germina nutriuntur? qui calorem gignit infusis, qui humorem stillat arentibus? Qui, nisi Deus noster, succidua iungit temporibus tempora, quorum terræ fetus nunc igne feruescant, nunc glacie temperentur, nunc tepore animentur, nunc bibulo liquore conspergātur? Quis hæc omnia & fecit ex nihilo, & per lucis ianuā à perpetuæ noctis furua

densitate discreuit; fecitque perēniter laudanda dispositione piissimus, post lucis claritatem non horreri tenebras reuertentes per dierum dies? Quis te vel dignus aut facundus laudator eloquitur, cuius terminata distributio succedente varietate fit gratior: quo iubēte dulcior lux est, quæ aliquando desinit, quàm si iugiter permaneret? Ecce illa nox, quæ mundū hætenus iugo crudelissimæ deditiōis oppresserat, populos à nexibus violentæ cōditionis absoluit, & fit libertatis altrix, quæ mater fuerat seruitutis. In huius tibi, Domine, sanctissimæ noctis ministerio hoc cereū lumē offerimus, per quod caligo vetusta pellatur: in quo species trino cōpaginata consortio, societatis prope modū mysticæ glutino cōiungatur. quarum cerā parauit nectareis partub. sætaviroginitas, papyrus ad alimēta ignium lympa transmisit, lumen adhibetur è cælo. Nihil hîc habet vox humana, quod consecret, vbi totū dirigit superna cognitio. Agnoscit hîc odorē suum salutiferæ virginis filius, vbi sinē coitu nascitur quicquid offertur. Non enim hîc turicremis Panchæus adoletur ignis altaribus; non ad triste ministerium extremū mugies bos percussalitur; nō bidentū fatus carnificis potiùs, quàm sacerdotis mucro defecuit. Sufficit ad reparationem æternitatis perditæ, quòd non à nobis, sed pro nobis, agnus occisus est. Procul hinc aberit lanista Iudaicus: qui per cicatrices inguinum animas sibi acquisitas tot solet numerare, quot vulnerat. Christi nostri libamina infucata simplicitate com-



plentur. Peragit dedicationem corporis nostri, crux, vnda, confessio. Te ergo quæsumus Domine, vt sicut typico prisca mysterio, ita renouanda agmina ducat hæc columna trans gurgites. æstuet nobis semita præparata per maria, & sitiât callis puluerulentus in fluctibus. Nihil hîc est, in quo discrepent antiqua nouis, aut moderna veteribus. Tu semper idem Dominus & sacerdos, memoratus per prophetas. Hîc est, ad cuius precatum fluentia siccentur, vt Hebræus transeat, Ægyptius deprimatur, & mer sis in aqua corporibus, sola sentiat culpa naufragium. Hoc autem tibi, Domine, castæ operatricis munus, & hanc intactæ matris sobolem commendamus; per quam meretur habere terra quod cæli est: quæ per domos cereas diuino, stipant mella compendio: quibus causa est numerosæ progeniei nescisse coniugium: ne dum copularum nexibus occupantur, laborandi tempus effugiant, & expectent, vt prolem suam turgida aluus effundat, quam herbarum lucro diligentius possunt ore profligare, quàm semine. In huius autem cerei luminis corpore te, Domine, postulamus, vt supernæ benedictionis munus accommodes. & si quis hinc sumpserit, aduersus flabra ventorum, aduersus spiritus procellarum, tua iussa faciens, sit illi singulare profugium: sit murus ab hoste fidelibus. Simule etiam quæsumus te, vt quia ad vernantis anni faciem passionis ac resurrectionis tuæ tempus aptasti, cùm post coneretas hyemali torpore gle-

bas, & infrænata glacie flumina, nouellas frondium tunicas gemma conscendit, & cum auctore germinum Domino nobis omnia reuiuiscunt: da multiplices fructus in terris, nostrum effice quòd ostendis, & sacerdotis nostri, vel totius cleri incolumitate seruata, ueritatem temporum sine aduersa tempestate concede.

---

## X.

## BENEDICTIO CEREI II.

**D**ignum & iustum est. Verè dignum & iustum est, ut principe loco fores beatæ noctis, adhibito præsentis ministerio, digna quasi clauē referentur: ut nobilis nuntius uitæ testetur aduentum, ut præconis merito secutura ponderentur, sacris fidem mysterijs venerandus præcessor accommodet. Iustum est, ut proximitatem salutaris aquæ flamma manifestet: elementorum diuersitas in peregrina pace conueniat: lympharum in promptu esse remedia sacer ignis ostendat: agnoscatur non esse naturæ, sed redemptionis, quòd concordat vnda cum lumine. Lætetur in operibus suis fabricator ille cælestis, cum benedicit ipse quod tribuit: cum illud quod secreti sui producit origine, nobilitat sacramento. Intelligat linguæ nostræ ministerio specialem quàm nobis concessit distantiam. Mancipetur laudibus eius quicquid à cæteris animalibus

iussit in homine esse prestantius. Quia optimi conditoris aperta sunt beneficia; & ira à pietate non discrepat, quādo & artem nos supplicandi docuit, & suis muneribus vult placari. Ipse enim hominem sibi templi vice dædala prouisione formauit. Ipse penetralia cordis nostri sancto eruderata pandit introitu, nisi per propositum libertatis sædo obstruantur interna contagio. Quare vniuersis rerum liquet arcanis, vitalem per sapientiam factoris machinam, nisi per suum studium, non perire. Qui nos & ad meliora formauit, & quibus itineribus salus peteretur ostendit. Cum enim ex humo hominem fingeret; cum terra victuram migraret in formam; cum putre solum nouam transiret in faciem; cum insufflatione spiritus sui mouerentur arua vestigijs, & tellus respiceret possessorem ex proprijs abstractum sinibus inopina dote præstantē, habentem quod ipsa, quæ mater putabatur esse, non dederat; cum referret gloriam nobilitata per sobolē; imperfectio erat, si actū callem non suo iure disponderet. Cotidianus tamē, Domine, beneficiorum tuorum successus munera seniores transcendit, & æstimatione sequentiū vetusta superantur. Ille enim perpetuā destinatus ad vitam, ille de parente limo cæli ciuis effectus, ad originem voluntario errore detrusus est. Et quia dum liceret, noluit sectari meliora, sublimitatem perdidit, quam feliciter degenerans dono conditoris acceperat, & ad pro sapientem duce culpa reuocatus exilium fleuit. Hunc nisi omnipotentia tua, Domine, regeneraret perditū, parū posset prodesse quod



feceras. & nisi opēferret & numero & prosperitate secunda natiuitas, prima, in qua mortē error peperit, non iuuaret. postremo, nihil esset quod ad fabricam nostram materiā humus præbuit, nisi vnda succurreret. vnicum nobis sacramenti huius solatium contulisti, quòd aquæ diluunt peccata telluris. Ergo iam typus recedat, & qui imaginibus adnuntiauerunt sequentia, conticescant. In veritate teneamus quicquid colorata legis vmbra promiserat. Tempus est quo corpora nostra, vel animæ redemptori Christo feriato mucrone dedificentur: quo salus per vulnera nō quærat: quo sacerdotis dextera lanistæ opus abiuret: quo consecrationem impleat fides, lympa, signaculum: quo humanū genus vnde decedit, fons reducat. In huius ergo suspiciendæ noctis officio, venerādis compactā elementis facem tibi, Domine, mācipamus: in qua trium copula munerum primū de impari numero complacebit. quæ quòd gratis Deo veniat auctoribus, nō habetur incertū. vnū, quòd de fœtib. fluminū accedūt nutrimenta flammarū: aliud quod apū tribuit intemerata fœcūditas, in quarū partib. nulla patitur damna virginitas: ignis etiā cælo infusus adhibetur. Redemptor enim proprio aquas dedicauit baptismo: integritatē diligit, quā & nascēdo in matre seruauit: vt à propheta posset inspicī, innocui corp⁹ suscepit incēdii, cū frōdib. in rubo crepitātib. nulla frutex detrimēta sētiret; cū arida pabulū flāmis, dū lāberētur, ligna nō fierēt. Ergo propriū tibi est, Domine, quicquid in hoc cereo seruatorū

# 460 MAGNIFEL. ENNODII.

tuorum præparauit obsequium. Serenis in isto respice oculis, quod contulit cælū, fluentia, pudicitia. Tu ad tribuendam benedictionem euocatus ministerio humani sermonis, inlabere. Tu resurrectionis tuæ tempore, quo vernat anni reuiuifcentis infantia, sumptam ex hoc contra procellas, vel omnes incurfus, fac dimicare particulam: vt sacerdotis nostri votiuā omnibus, vel totius cleri eius incolumitate concessa, vbertatem terrarum, cum actuum innocentia, & prosperitate concedas.

## ENNODII OPVSCVLORVM

MISCELLORVM FINIS.





MAGNI FELICIS  
ENNODII  
EPISCOPI  
TICINENSIS  
DICTIONES.

I.

DICTIO IN NATALI  
*Laurentij Mediolanensis Episcopi.*



VOVSQUE me iners diffi-  
dencia intra angustum patitur  
penetrare delitescere? quous-  
que nimia cautio, terminos  
honesti pudoris exsuperans,  
dispendia opinionis quæ eui-  
tat, incurret? Vsu enim rerum venit inter  
homines, vt quantum famæ decerpitur per  
audaciam, superfluum non minus pereat per  
timorem. Non enim debet notari velut aua-  
ræ laudis assumptor, non ei adscribi cupi-  
do affectatæ deuotionis ostentui, apud  
quem res obnoxia pudoris stimulis adacta

SACRA  
I.



completur. quia sicut in umbram cogit gloria appetitus, oratione dum quaritur: ita non reddere quod deberi noueris, proximitatem noctis indicit. Superflua scribere, res iactantique est: necessaria reticere, cōtemptus. Sæpe vituperationis nostræ mater est doctoris occultata laudatio. Dicat forsitan aliquis animo cōsulendi, quòd operis pressa magnitudine exhausti macies arelcat ingenii, & destituta dicendi valitudine gartulitas defectum meretur ex copia. ceu si in alueū magni fluminis stillantis guttam fundas eloquii, n̄ equaquam ad cursum proficis liquoris impendio, & vix humorem parturit, quod ad vndas aptatur. Sed æstimamus animo quæ dicantur ad pretium meritum dictionis: & vena, quæ est per naturam torrida, frequenter currit à themate. eloquentiæ exilitas propositione pinguescit. Sæpe pro eorum meritis, quibus se mancipauerit oratio, dicenda tribuuntur: maximè si mera affectione laudando militet narraturus. tunc verborū abundantiam transmittit affectio: tūc amor suggerit, quod negat ingenium. Sancti Laurentij aliquatenus pro mea mediocritate bona dicturus, plenū quidē laboris opus aggredior, sed plenum caritatis. Faceſſat ergo formido venerādo inimica proposito. fugitiua est gloriæ mens subiecta terrori: clamante Paulo Apostolo, *Perfecta caritas foras mittit timorem*. hoc est dicete & indicio certo monstrare, quia non diligit, qui p̄uescit. Sine culpa vincitur oneris immensitate, qui ad portandam sarcinam & si

impar, tamen deuotus occurrit. His ita se habentibus, festa nascentis anni cur non votiuo sermone con celebrē? cur lucidi natalis exordia silentij fœditate dehonestem? Manca est sine sermone hilaritas, & simulacrum mœoris est, occultare quod gaudeas; & afflictioris imitatio, vocem in lætitia non habere. Erro tibi, sancte pater, officij conscius verba nō gribuam? Libet tamen dicendi principia conrecreationis tuæ deriuare de tempore, & cum anni renascentis infantia, florulenta, si valeo, dictione vernare. Nunc cūm terræ succus per venas arentium virgultorum currit in germina, & aluus sicci fomitis humore maritata turgescit: cūm in blandam lucem nouelli præseginis comæ explicantur arboreæ, & omnis ramorum plectura diffunditur, vel quæ intra tunicam natura artauerat frondium decora soluuntur: cūm auium cantilena comitur sapore modulato: cūm vita segetum glebis sepulta hyemalib., quasi algoris repagulo emissas & tepore fota concipitur. Nūc in cano flore spēs fructuū metitur agricola, cū mutuis palmittū brachiis vinearū textitur aprica formositas, & ante maturitatis tēpus vultū frugiferū cultura cōponit, dans venustatē falce domitrice, & luxuriā infœcundā ferro fructificante compescens. Cūm profundi gurgitis rabies blandum transit in sibilum, & eneruata tepore ventorum ferocitas migrat in delicias nauigantis. dum tutum est cymbam sallo laxare, & ancorarum morsus absoluerē: dum fractura procellarum, quæ nautas

hactenus terrebat, inuitat, & per vda æquoris spatia somnum gubernantis admittit. cum colore distincta geminato verni opibus prætaditescunt; & in ordinatione summi Pontificis naturæ gaudium elementa testantur. Tibi ergo, Antistes, nunc non reddam, quod alijs præstare iam didici? quem ad pontificalem apicem grauitas, pudor, pudicitia, venustas adduxit? qui tot dotibus velut in aceruum coactis, canam dignitatem præsentis officii suscepisti, habens tantarum honestamenta virtutum, quantarum singulæ probatum facerent species sacerdotem? Taceo vniuersitatis in electione tua consonantiam, & discretarum nationum concordem sententiam non reuoluo. statuati ista loco laudis, cui non suppetit, quod possit prædicare de moribus. Momentis enim plerumque incerti fauoris aura popularis impellitur, & nescia examinis turba Quiritum, dum studijs rapitur, amat incognitos. In te libram tenuit, qui petitionis tuæ aut socium se præstitit, aut auctorem. Imperitæ cætus multitudinis meritum tuum expendit lance perfecti; & dum in te ornamentorum varietas placet, quasi vnus hæres diuersissimi fueris instituti; sic singuli hoc de claritate tua censebant sufficere, quod probabant: quia bona omnia nequaquam omnibus nota esse potuerunt: & speciatim ad fauorem sideris tui vniuersos illexeras, alteri ostendendo quòd pius es, alteri quòd seuerus, alteri quòd bene acquisiti distributor patrimonii, alteri quòd scires rectè



parta seruare. Id studij sumpsit vniuersitas, vt cum de proposita laude vnusquisque vinceret, collatione tamen in præconiis tuis melioris tituli ab altero vinceretur. Nolo istis diutius immorari. Veniendum est ad laboris tui exercitia; quia ego, qui non sum in laudatione tua idoneus maximis, nescio esse parua contentus. Nouellis te adhuc impositæ dignitatis labantem vestigiis ineluctati temporis suscepit aduersitas: & tyronem Pontificij exercitatissimum militem aduersus libertatem impacta bella reddiderunt. Tu prædonis nescisti timere sæuitiam; tu blandimentorum, quod in malitiosis nocentius telum est, scuto constantiæ venena respuisti. Quotiens te qui certamine non potuit, insidiosa honorificentia lacerauit? Quotiens in damno bonæ opinionis seruitij tui te credidit figmenta suscipere, hoc à te postulans, vt adhibito hostem colludio intra vrbis muros concluderes, & ouium tuarum dissipanda lupis membra præstares? paris facti, quod dictu nefas est, multorum exempla suggerens. Quæ quidem tu vitanda despiciens, & ad vindictam sereni temporis seruans memoriæ commisisti, detestabilia retinens, ne per obliuionem impune transirent, & maiorem horrorem excessibus debens, dum ruinam metuis aliorum. Sed remotis dicēdi obstaculis, veniamus ad illa, quæ religioso sunt digna memoratu. Cum hostilis irruptio more pecorum Christianum populum per diuersa distraheret, tu variorum

2 Cor. II.

generibus cruciatuum capiebaris in omnibus. tu paterna conuentus pietate sustinebas tormenta multorum, vt ait Apostolus. *Quis vestrum cruciatur & non ego?* Inter ista tamen fractum te non vidit aduersitas. hoc triumphis suis decerpi sensit inimicus, quod capti sacerdotis animum non subegit. Pugnabas adhuc pro absolutione plurimorum, & tibi nihil metuens, de plebis tuæ anxietate pendeabas. Nolo diutius tristibus immorari: nolo tragœdiam maligni temporis aperire. libens de illustri conuersatione tua aliquanta præteruolo, ne te narrando cogam denuo sustinere quæ passus es. quanquam Doctor gentium in tribulatione exercitum se fuisse commemoret, vociferans, *Cum infirmor, tum potens sum.* Taceo in ediam, frigus, & iniurias, & illa, quæ tibi inimici animus prouidit, augmenta morborum. Sed credo, hæc puerilia, & succo antiquæ valitudinis robusta membra tolerabant. Nonne emortuis per compages artubus, & à possibilitate propria longaiam ætate distractis, sola anima flecti nescia sustinebat, & imitanda intentione aduersus impugnantes muro constantiæ stabilita certabat? Post hæc ad rediuium statum libertatis optatæ nunquam pia vota despicens Christus redemptor noster occurrit, & fractas Romani nominis vires artificii medela solidata in vigorem salutiferum res contrita remeauit. Cum ex alto benignis oculis cælestis dominator adspexit, Mediola-

2 Cor. 12.

nensium vrbi lux est proprij reddita sacer-  
 dotis. Tunc cū rarus habitator, tunc cū  
 error in domibus, & per dulcia cubiculorum  
 limina confusa discursio; tunc cū vbique  
 pauor & luctus, & Dei templa ferarum ha-  
 bitationi deputata sordebant; cū mar-  
 cens incuria splendidissima dudum atria situ  
 vetusti humoris obnub erat, lætitiā cæteris  
 tuo dedisti de reditu, tu regressus ad lacry-  
 mas. Tunc more auium, quibus, dum ter-  
 ra niuib. vestitur, & alicuius loci in spem  
 cibi spoliatur angustia, videres quæ rema-  
 nere potuerunt plebis reliquias conflu-  
 xisse, & ad boni pastoris præsentiam vn-  
 dique fatigatis balatu nemoribus greges  
 accurrere. Alios tunc, multiplici susten-  
 tandi genere, mulcebas affatu; alios refi-  
 ciebas impendio; alios hortabaris exem-  
 plo. Breui post in antiquum statum, qui  
 tibi post Deum debetur, vrbs iam sepul-  
 ta reualuit, & quæ non credebat in se  
 reparari posse quod fuerat, cœpit iam melio-  
 ra æmulari. Tunc qui vitæ vsus est, iam cer-  
 nere erat omnia ad latiore profectum  
 bonis successibus inuitari. Curro per sin-  
 gula, strictim referendo, quibus opus est  
 larga narratio; ad agonem vitæ tuæ, ad  
 summi celebritatem propositi peruenturus.  
 Secunda post dubium temporis nata est in  
 Ecclesia Romana captiuitas, quæ te quasi  
 iam diu desidem, & laboris fugacem de  
 longæ sinu quietis abstraheret; cū vix



spe pacis laboris tui, arma deposita resumuntur. Deberetur quidem, nisi me laudis tuæ censura pertraheret, in lugenda causa silentium, ut in vna ætate memoriæ pereat res nefanda. Senatus ille curiæ cælestis accitus est. ibi ex variis prouinciis Episcoporum turba confluit. ubi cætus ille, quot hominum genera, tot sententiarum varietates aduexit. Sed quibus inerat spiritualis sapor intelligentiæ, quasi ducem te principalis deliberationis caritate tenuerunt. Tunc quo minantium impetus blandimentorum melle domuisti, qua superbiorum corda veneranda humilitatis erectione fregisti, qua labantium animos consilij radice fundasti, explicare non valeo. Rei gestæ notitiam scire cupidum ex facti contemplatione compello. Vnum te secuti sunt tot electi, & in sententiam tuam reciderunt tantarum principes ciuitatum. Coquitur lamentationis æstibus, qui à te cruda obstinatione desciiuit; & nihil habet in solatium præter calamitatis lacrymas, qui diuisus est. Dicat aliquis forsitan, rerum gestarum malignus interpretes, quam sortita est de huiusmodi constantia præsens causa decisionem: quærat, qui fines de laudato sudore contigerunt. Huic ego fidens replicabo; te præfule factum, ne sacerdotes ministros acciperet furor alienus: ne cruentæ indignationi Pontificum sententia militaret: ne in usum malè commoti traherent euenire posse quod vellent. Postremo improborum

loquacitas obmutescat, huius saltem æstima-  
 tione secreti; quia odiorum incendia, quæ  
 non ex impugnati merito, sed ex studiorum  
 fomentis arserunt, nec sanctæ deliberationis  
 potuerunt fonte restingui. Tibi ergo debet-  
 ur venerabilium custodia canonum. Tibi  
 quod sine Episcopali nota contigerit, quic-  
 quid in præsentia sævit improbitas. Tibi pa-  
 tuit, quod aliis accusantes clandestina fraude  
 texerunt. apud te compertum fuit, non sa-  
 tisfaciendum odiis, quotiens fide deseritur,  
 qui laceffit. Sed hæc meliùs aliis seruantur  
 narranda temporibus. Salve, Ecclesiarum  
 fidus, & ad senectutem bonam Abrahamæ æmu-  
 lator accede. quia testimonium probitatis  
 est, diu hominem in Ecclesiastica arce ser-  
 uari; vt scriptum est: *Viri sanguinum & dolesi* Psal. 54.  
*non dimidiabunt dies suos.* Tu æuo maturus,  
 & ad religiosum sudorem primæuus exsu-  
 pera. Tu pietate laudabili bonis discipli-  
 nis exempla suggere; malos seueritate com-  
 pesce; & boni vtriusque fibula operis in  
 testimonio summæ gloriæ siue labe per-  
 dura.

## II.

## DICTIO MISSA

HONORATO EPISCOPO

NOVARIENSI, IN DEDICATIONE Basilicæ Apostolorum, vbi templum fuit idolorum.

SACRA  
II.

**C**Redo ego vos, fratres carissimi, tota mentis cura venerari, quòd in loco hoc, manente templi nomine, vetus perierit pro religione cultura: quòd delubri reuerentia fugatis instituatur libaminibus; quòd sacrarium appelletur meritò, postquam seniores hostias abiurauit, & in adolendi mutatione sacrificij diuinæ ædis nomen assumpserit. postremò quod in alium statum inconcussis migrauerunt fundamenta culminibus: & cum ad structuram parum humanus sudor adiecerit, quæcumque fuerunt innouata sint, dum persistunt. In summa, cuius æstimandum est miraculi, vbi dum modum teneat machina, adhuc non desistit ascendere, & in antiquis constituta vestigiis attollitur incremento? Requirendum sanè, quis huius operis, quis innouationis auctor extiterit. prædecessor nempe paruitatis meæ Victor antistes. Futuræ annuntiatrix innocentiae diuini-



tas nomen imposuit . nam qui de his , quæ  
 suscipiuntur aduersus vitia mundana , certa-  
 minibus prædicto euentus accesserit , cū  
 vocabulum didiceris , gesta cognoscis . Iste  
 per spiritalem dimicationem , vt victo-  
 rem decuit , de criminibus triumphauit :  
 & quicquid portio sinistra mortalibus in-  
 gerit , de eo casum non requiras , cū no-  
 minatum intelligas fuisse quod dictus est .  
 Cuius merita orationis campum postulant ,  
 si me ad latiora progredi aut ingenij ma-  
 cies pateretur , aut meriti . quædam enim  
 actuum nobilitas est dignum inueniri lau-  
 de magnorum . Hunc mediocritas nostra in  
 ædificationis cura dum sequitur , ad con-  
 summationem , Deo auspice , vota perdu-  
 xit . Nemo æstimet arrogantia esse , quod  
 dixi . fas est cum eo vota coniungere , cui  
 par esse nequeas actione : quia assertio con-  
 scientia est , meliorem in quacumque parte  
 sectari . numquam tenebrosam callem , si-  
 cut æstimamus , incurrit , qui eum , quem  
 nouit prætereire vitæ lumen , insequitur .  
 Luculentius tamen gestarum fidem rerum  
 sermonis pandamus officio . Hic antè fal-  
 lacibus dedicata præstigiis , & turpi pecu-  
 dum cruore persusa veteres simulacra co-  
 luerunt . hic in diuinitatis iniuria , per al-  
 tare infaustis cumulatum muneribus , res  
 cælo debitas dæmoniis obtulerunt . hic  
 iunicum exta semiuiuis palpitantia motibus  
 misero inquisitori futura cecinerunt hinc fu-  
 mus sordidis aërem ipsum polluit sparsus per

multa contagiis. Ad vltima, hinc mactata per lanistas hostiarum multitudo, quicquid Deus est effugauit, dum farra, sanguis, tura, veruinae idolis exhibentur: dum simplicem ritum aras Christo inimica non recipit, & multifariis censura laborante oblationibus supernam mercatur offensam. Liberet ire per singula, & funestorum secreta linguæ clauue referare, ni meritò æstimemus oris iniuriam narrare sordentia, & quod illos actione perculit, nos loquela contaminaret. Explicemus interim, quibus sint ista mutata successibus, quanto præuenta nox splendore fugerit. Vbi sunt sigilla numinum votis imaginata facientum? quorum facies in potestate pependit artificis? quibus pretium, aut sollicitudo peperit operantis, aut metallum? vbi sunt Dij, quibus potentiam dederunt homines fulgore gemmarum? En video, omnia ista, vt credo, fugerunt: Christus ingressus est. respiciamus quibus fultus auxiliis. Venerunt cum eo cælorum radij, Apostolorum diademata, Petrus & Paulus. Qui enim in restauratione ædis essent necessarij, nisi architectus & petra? nisi lapis & superædificans? nisi fundamentum & opifex? Quid trepidatis pericula mortalium? quid anxio fugam paratis excursu? ille est, cui nullus versutiam vestram lapsus abscondit: qui cum loco non moueatur, quocumque abieritis insequitur. Veni ergo, piissime Domine, & ad cōsecrationem operis tui plenus illabere, vice humani per baptisma pectoris purgentur hæc tem-

pla turpi hæcenus dedicata patrocínio. Insti-  
tue, Domine, vertendo sacrificia: & dum pu-  
ris cumulamus altaria sancta donariis, præsen-  
tiam tuæ maiestatis interfere, euocatus san-  
ctorum merito sacerdotum, electi seorsum  
præsentis patris nostri Laurentij conscientia:  
qui tot plenus dotibus ad Ecclesiæ fastigia  
creuit, quot fecissent summum singula quæ-  
que Pontificem. In quo vernet princeps boni  
operis, & mater honestatis verecundia, re-  
ligionis sanctæ nutrix patientia, Deum sem-  
per placatura pietas. qui Ecclesiasticis mem-  
bris non sermone vitæ instituta tribuit, sed  
exemplis: qui omnem callem, quo ad Deum  
itur, dum præuius incedit, ostendit. adiu-  
uante se Domino nostro Iesu Christo, cum  
patre regnante in sæcula sæculorum. Amen.

## III.

D I C T I O D A T A

S T E P H A N O V . S .

V I C A R I O D I C E N D A

M A X I M O E P I S C O P O .

**P**R O D I T religiosa votum conscientia SACRA  
mens laudibus deuota Pontificum. as- III.  
sertio ingenij est, Deo obsequentibus man-  
cipare quod loquimur. In quorum præco-



niis fortè angustus sermo vulget imperitiam: manifestat tamen, si abstinence, infantiam. Quis mendicam narrationem æstimet, quam vota locupletant? Sæpe in facundiæ dotibus pauper inuenitur vena prædicantis, & è diuerso thesaurus cordis irradiat in egestate verborum. Qui vice Dei iudicat, non desiderat picta colloquia, sed quæ infucatus commendat nitor ingenij: quia in his eiam sine amore blanditur eloquentia, in illis splendorem suum veritas nuda commendat. Sine phaleris est omne quod dictat affectio: ad vnguem fabricantur illa, quæ volumus non tam speciem recti habere, quàm similitudinem. Ad te, venerabilis mihi Antistes maxime, sermo est: cui in meritorum testimonio virtus cæpit à vocabulo, in quo actus eloquitur, qui nomen appellat. prouida parentum tuorum diligentia prius te eligi voluit, quàm probari. te olim secularibus inhærentem titulis castrensis sudor excoluit, & ad ecclesiæ gubernacula pars aduersa solidauit: sicut Deus loquitur per Prophetam, *Qui in modico fidelis, & in magno fidelis est.* Te sacrarum Iudex & consilij comitem meruit, & laboris. Bene venerandis initiandus altaribus & in laica conuersatione quod sacrum esset elegisti. Tu pudicitia in illa ætate custos inuentus es, in qua & lex obsequitur desideriis. Satis enim est pueritiæ ambitum, quem licentia fulcit, horreri. Christus milites suos, quos in per-

sonam ducis attollat , inter acies quarit  
hostiles . Adscitus Ecclesiæ , Pontificem acti-  
bus implesti ante tempora dignitatis . Non  
fuit aduena benignitas , quæ naturæ inni-  
xa radicibus , de cano flore germen osten-  
dit . Temporale est omne , quod fingitur  
perpetuum , quod cum ætate maturescit .  
Non tibi sacerdotium rem doni credimus  
euenisse , sed præmij . Alius vulgi aura , gra-  
tia lenocinante , commendatur : tibi rigida  
circa culpabiles districtio dedit affectum .  
Manet te singularis sapientia : quæ licet ge-  
neraliter optanda est , tamen existit in ma-  
gistro necessaria . Frustra monitoris personam  
inscipit , qui impacti non præualet æstima-  
re pondus officij , vilissimis comparandus est ,  
nisi præcellat scientia , qui est honore præ-  
stantior . Dedit tibi apicem res iudicii , non  
fauoris . dignus Pontifice amor est , quem  
censura conciliat : deuenustat institutionis  
genium , qui per solam gratiam vult pla-  
cere . Tu his conditus & formatus cali be-  
neficiis , plus agendo populum instituis , quam  
loquendo . Illa monita discipulorum conscien-  
tiam eruderant , quæ præbentur exemplo .  
sine pudore inuitat ad innocentiam , qui il-  
lam non fuerit ipse sectatus . Te inter secreta  
penetralium quasi testem metuunt , qui pecca-  
re disponunt : nascentibus culpis metus , & re-  
uerentia tua negat effectum . Qui inter exordia  
occurrit vitiis , & occasione lapsus adimit , &

476 MAGNI FEL. ENNODII  
concupiscentiæ purgat auctorem. Hæc be-  
atitndi tuæ quasi strictim pro linguæ meæ com-  
mendatione dedicaui. Si precibus tuis vitæ  
successus arriserit, gestorum tuorum plena  
me relatione consecrabo: vt quæ vniuersis  
nota sunt, mansuris in posterum literis, qua-  
tenus gaudeat ætas secutura, seruentur.

---

IV.

DICTIO IN DEDICATIONE  
MISSA MAXIMO EPISCOPO.

SACRA  
IV.

**N**Vnquam pauper vena timeatur ingenij,  
vbi diues est causa dicendi. Transit ho-  
minem, quotiens cælestibus militat mens  
nostra culturis: nec in angustum redigitur  
narrationis exilitas, si opifici suo obsequium  
referat narraturus. Potest enim linguam  
facundiæ dotibus ornare, qui contulit;  
& dare verbis genium, quem fatemur dedisse  
sermonem. Nam Prophetici dudum maciem  
iuuit eloquij, dum ad perfectam magistri  
eloquentiam, & fortissimi monitoris tubam  
imbecilla Moyse erigeretur infantia: qui nullis  
gradibus dum peritiam meditatur effloruit,  
nec per ætatis alicuius scientiam ad messem  
perfectionis adscēdit: qui diu militem in fabri-  
cato portauit ingenio: officium ducis iussus  
arripere, quia verecundè renuuit; constanter



impleuit. Sic nos dedicationis festa celebrantes, inter spiritualis lætitiæ bona præstolamur gratiam, dum paremus. Absit formido debilis: remoueaturs fiducia inaniter concepta per studium. Nos de humanæ perfectionis schemate nec præsumimus aliquid, nec timemus. Deinde quis in beati Ioannis prophetæ, cuius templum hoc sanctificauit ingressus, vel muta dubitet ora laxari? cuius senior gratia, quàm natura, dum ante lucis ingressum pij varis impleisset officium, limen vitæ huius virtute signauit. Nam vno eodemque tempore, & matrem fœcunditate nobilem fecit, & inofficiosa genitoris labia in loquelam pristinam vsu remeante commouit. Nemo Ioannem nominans, post exempli præcedentis miracula, pristinam linguæ habiturum se suspicetur imperitiam. Post sacratissimum Zachariam, cuius faucibus eliminata per istud vocabulum remeauit humanitas, ab vniuersis iure creditur Ioannes Apostolus clavis esse verborum. In huius comitatu Antonius, vetusti heros sæculi, & beatissimi Cassiani iuncta claritudo, faciunt de æde sacramentum, de terrena habitatione cæleste collegium: de manu factis quod nulla possit senectute violari. Occasum enim Deo oblata non sentiunt: nec ad vetustatem tremulam pietate fulta mittuntur. Stat soliditas machinæ, quam Christus ingreditur: & originariæ oblita fragilitatis, adipiscitur de possessore virtutem. Tecta vilia de consecrantis nobilitate deco-

rantur, dum rei caducæ pretium tribuitur habere de Domino. Tu autem, frater sanctissime, huius oblatoꝝ ædificij de mercedis retributione gratulare. Nescit spes titubare, cui bonæ fructus promittitur actionis: ab exercitio descendit retributionum fiducia, nec vlllo nutat incerto, qui laudanda meditatur.

## V.

## DICTIO INCIPIENTIS

EPISCOPI.

SACRA  
V.

**P**AR quidem discipulis incipiens magister est, & inter exordia doctor nulla est ab auditoribus sorte sublimior. expertis honor debetur ingenijs: vix mediocrem cultum exigunt non probati. Illa sunt vera præconia, quæ longus sudor elicuit: blandimentum est, non iudicium, quotiens laborem gloria ingesta præcesserit. Inter maculas numeret, quoscumque triumphos ante discussionē campi miles adquirit. Qui properatis subeunt Olympiaca bella vestigijs, nunquid eis ante consummationem certaminis suppetit spes coronæ? dicente Apostolo, *Non coronatur, nisi qui legitimè certauerit*. Ecce nec illos decet antemeritū prædicatio, à quibus iustè poscitur post laborem. Nostra è diuerso prolixo distat calle conditio: quibus tantū decerpitur de fruge innocentie, quantum accesserit de fauore. Nā sicut

2. Tim. 2.

positi in tyrociniis estimam<sup>9</sup>, plenū necessitat-  
 tis & periculi iter est, in quo & lectāda est vita  
 laudabilis, & sit probis vberima, si desideret  
 ab humanitate laudari. Actio nostra, si de  
 bonis suis fuerit elata, sordescet, protestanti-  
 bus diuinis eloquijs, *Qui vos laudant, seducunt*  
*Vos, & subuertunt semitas pedum vestrorum.* Splen-  
 dorem Pontificis res, non lingua testetur. plus  
 lucet claritas huius officij veritatis indicio,  
 quā loquelæ. Ecce cernitis quā tuta sit  
 causa subiecti; & quantis discriminibus so-  
 ciata præpositi. Munia mea plus poteritis  
 fulcire gemitibus, quā clamore. Nemo  
 quod auribus lenocinatur credat eximium.  
 sermo noster, nisi animæ medetur, abiectus  
 est. illum præferte, qui spiritali falce sentibus  
 purgat interna. Tunc pretiosum pastoris dia-  
 dema est, quando suasioni eius grex Eccle-  
 siasticus, dum ad probitatem graditur, non  
 repugnat. Ille sine fuce monitorem & feriato-  
 rem diligit, qui eius instituta sectatur. Ad-  
 ditur, quod imperitia nostra iustam iustinet  
 de ipsa nouitate formidinem. qui nuper de  
 ouilibus ad custodiam præparati, assuescimus  
 de vniuersorum fieri necessitate suspecti; &  
 cui vix fuit pro se fida cautio, suscipit officium  
 cuncta metuentis. Scimus quantum erit hu-  
 milior famulantibus, qui ad religiosum voca-  
 tur imperium. Necesse est, vt etiam extrema  
 conditionis personis obtemperet, cui immi-  
 net siciubere. Ait enim doctor gentium, *Om-*  
*nibus omnia factus sum, vt omnes adquirerem.* Modò  
 diuinitatis operatio adsit muneri suo, & quem  
 dignum apice tanto non inuenit, efficiat.

E/a. 3.

I. Cor. 9.

I. Cor. 9.



## PRECATIO MISSARVM.

**D**ignum & iustum est. Verè dignum est, vt inter exordia dignitatis tibi principiorum Domino supplicemus, qui mudi ipsius in nouam lucem prodeuntis infantiam, quanto bonorum tuorum secreto orditus es, tanta potentie virtute solidasti. Stabat in admiratione sui ternera orbis inchoatio, & pene decoris proprii concussa stupore titubabat; ante agnitionem ordinis solam sortita de auctore substantiam. requirens quo esset rotanda lux adtributa moderamine; qualem finem diei tempus exciperet: si per assiduos semper renasceret occasus; si nox mundum fuscis ambitura complexibus, quasi rem originariam perenniter non teneret. In hoc ambiguo, vt certis famularentur per longum confusa temporibus, Dei nostri extitit lex voluntas. Omnis dispensatio statutis præfixa limitibus tantum potuit, quantum præstitit qui creauit. Sic nos, pie opifex, inter sacerdotalis tituli auspicia, sole conuersationis irradiat. per sudum de meritis nostris fulgeat dies officij. nulla subreptione, nullis diaboli blandimentis pereat quod vocamur. non liceat admisisse, quod non deçet. recti studium, te imperante, transeat in naturam. adsit muniis nostris æqualis operatio. composita seruitute beatum crescat imperium, nec subiaceat moribus, qui præminet dignitate. per dominum nostrum Iesum Christum.

ORATIO

ORATIO ANTE MISSAM.

**C**ollator bonorum Deus, cui effectus in voto est: qui de medio populi Moysen in Prophetæ persona dedicasti. nam dum queritur de imbecillitate, te auctore conualuit: sumpsit meritum Pontificis, dum iustus sui arbiter se vociferat nil mereri, cui apicem actione sublimem conciliauit humilitas. da parem nostris exordiis gratiam, quia propensio- rem deberi actibus declaramus offensam. Non sunt inusitata quæ poscimus: benignitas tua testimonio tenetur exempli. eo circa nos eris bonorum largitione clementior, quo substantia nostra facta est de peccati fasce procliuor. Da, bone imperator, dignam tua electione virtutem: quia sub pio principe nulla militem decolorat abiectio. per dominum nostrum Iesum Christum.

VI.

DICTIO DE HÆRETICIS

ET SYNODO.

**P**ro ratione soluendum est, quod pro ratione tacuimus. nam vt pateat, & linguæ nostræ officia & silentium ordinatis seruisse temporibus, fide hortante in officium sermo-

SACRA  
VI.

Hh

I. Cor. 9. 16.

nis erumpimus. Idem enim est superuacue loqui, quod necessariè non locutum. dicente enim Apostolo, *Vae mihi est, si non euangelizauero; & alibi, Tempus tacendi*; nos præcipuè, quos prælati cæteris hortatur pondus obsequij, decet aut bona facientes eleuare, aut mala comprimere. Et quidem vos docere non aliud est, quàm stimulos admouisse calcaribus. nam quod ex proposito facitis, superbi sumus, si nostris debendum credimus institutis. sed qui bona studia probat, amplificat. Stat apud conscientias vestras, quanta Nestorius & Eutyches, gemina diabolicæ informationis ostenta, diu castam Ecclesiarum Orientalium disciplinam perfidiæ fornicatione corruperint. qui iuxta Apostoli sententiam, dilectionem veritatis non receperunt, vt salui fierent. & ideo misit illis Deus operationem erroris, vt crederent mendacio: dum per surripientem scandali occasionem Christi milites ille contentionum

I. Cor. II. 19.

campus examinat: sicut scriptum est, *Oportet esse certamina, vt probati manifesti fiant*. Apud quem Calchedonensis non viuit commemoratio veneranda Concilij, in quo Dioscorus cum sectatoribus suis stylo piæ districtiōis addictus est; & sanctæ memorię Flauiani adoranda monimenta exultans Constantinopolitana ciuitas recepit, cuius iam pridem firmauerant cælestia decreta sententiam? Vbi gentium Timotheus ignoratur, qui propter suscipiendæ recordationis Proterij cædem fieri plusquam patricida non horruit? nam



Iacri persecutione Pontificis, & genera criminum vicit, & nomina. Scitur Petrus, & Cyrus, & Timotheus; qui dum iacenti manum Dioscoro porrigunt, corruerunt. hi de præcessore suo, & studiorum hæreditatem adepti sunt, & ruinæ. Proinde, fratres, manentem in supernis patrum, & adherentem B. Petro tenete sententiam. quia nos mundæ Ecclesiæ, & non habentis inaculam optamus vnitatem. Patienter sufferre non possumus vana in Christum nostrum. & blasphema ructantes. scimus quia qui in putribus membris non vitur ferri medicina, serpentibus morbis præstat obsequia. nam nisi secentur tabefacta, contaminant. Pacifica est cum his, qui rectum nituntur impugnare, congressio. quis à bellis talibus timoris reuocetur obstaculo; de quibus vitali possit morte gaudere? quibus mundi huius potentibus, vel si minentur, acquiescendum credimus, quando aliud imperat qui regna moderatur? dicente Apostolo, *Non sunt condignæ passionēs huius mundi ad superuenturam gloriam, quæ reuelabitur in nobis.* Fluxa Ecclesiasticorum corda aut turbant quæ in præsentī vita sunt, aut delectant. quibus Acacius, qui diro diaboli à sententia sua motus imperio, erubuit diu propugnatorem se fuisse veritatis; & clari deserens oruamenta certaminis, triumphum suum, quē sub Basilisco pio sudore meruerat, debellauit. qui solis præmiis suis penē tempore adeptionis inuidet; spem bonorum fru-

Rom. 8. 18.

ctuum perfidiæ falce succidens. Grauius enim est, degustata bona quàm intacta calasse. Nihil defensionis superest homini, post dulcem iustitiæ saporem, ad mortifera schismatum venena redeunti. De his quæ præfati sumus natum est, quod in Constantinopolitana nuper Ecclesia fertur admissum. Inde patimur sine vocis vsura tristitiam. qui enim oblatis remediis non obediunt, meritò nihil consolationis tempore, quo premuntur, habuerunt.

## VII.

## DICTIO IN DEDICATIONE

AVDITORII QUANDO AD  
forum translatio facta est.

SCHOLA-  
STICA I.

**V**T campus militem, mare navitas, fora  
causidicum, sollicitant incerta raptorem; ita auditoria linguas exercent. Nam quæ malum ratio suadebit silentium in loco, in quo sunt præmia constituta verborum? ubi orationis palma, si hic gratia taciturnitatis? Benè soluuntur sudoris pretia, ubi sunt templa victoriæ. bene effugatur seruitus inter atria libertatis. Vincita hinc ora teneat mens captiua. non agnoscit forum Romani populi, non liberalis erudi-

tionis gymnasium, qui adhuc quasi in secessibus conticescit. Sint muta fortè diuersoria: hîc nihil est tam familiare, quàm pompa dicendi. Fescenninos sales hymenæis dare genium consuetæ professionis plausus hortatur: eriguntur lituis bellatores: virtute debiles grauis buccinarum cantus attollit. data sunt vniuersis amica incitamenta propositis. Quid ego faciam, doctorum optime, te loquente? si infabricata verba intra verecundum penetrale contineam, instituti me esse similis non agnoscas. Amicitiarum religionem in gratia parcus offendam, si nec translationis festa, nec debitæ tibi laudis munus exsoluero. Salue ergo, nutritor profectuum, fax & splendor ingenuitatis: qui nobilia germina laboriosis purgando sarculis in fructibus facis agnosci: qui in cano flore nouellæ posteritatis, quantum horreis paretur, ostendis: qui de ferarum cubilibus, & bubonum habitaculis ad fora nos reuocas, vnde maiores penè iam longa ætate discesserant. Non enim patent eruditæ loca ista, quibus scientiam non primoribus labris ipsa contulerint. Cuius enim tuba cognoscitur eloquij, nisi cuius puerilia innotuerint rudimenta sermonum? Tibi ergo debentur hæc beneficia, quòd citaturus reum causidicus inter atria iam probata dictionem metuendus incipiet. Tibi spes vnica honestæ professionis adscribenda, quòd nobilitas decursis breui temporibus liberali sudore placitura est. Sed quòd me ignarum virum tui rapit affectio, narra-



tionis pelagus non pendentem? sufficit in loci amici & diei celebritate vota testatum. Ad vos reuertor, quibus paterna conuentus affectione vocem debeo commonentis. Reddite vos studendo origini, reddite natalibus lectione. naturæ lucem iubar dictionis ostendat. multiplicare suffectu scientiæ parentum titulos: ornate eruditione decora maiorum. Fului nobilitatem metalli nisi ad vnguem manus ducat artificis, maternis pene hebetatur tenebris: & si non magistra politione venustetur, nihil ei prodest sublimitas, quam vena concesserit. Adiuvatur quidem doctoris instantia dotibus sanguinis mundioris; sed nisi limata non rutilant illa, quæ se erigunt prærogatiua nascendi. Incrementum rusticum matris mammas inter sulcos euacuat; & per pascua pecus agere, dum ab vberibus pendet, assuescit: patris brachiis, dum inuencos fatigat, adiungitur: prensat dexteram grandia terris semina committentem; & sudorem originis suæ in ipso lucis lumine meditatur. Quid vos faciatis, quos liberalibus pepererunt matres optimæ disciplinis? peregrinandum vobis est à germine ditiori, nisi vos nobiles instituta monstraerint. Habetis præuium eloquentiæ, morumque doctorem. currite pro sapientie stimulis incitati, & cum vos ad agonem præmia promissa perduxerint, mei meminisse dignamini: quia sunt quæ à vobis post cælestem retributionem suffragia hortator accipiat. Hæc sunt, quæ vos nostris licuit vocibus admoneri. Vos diligentiam pectoris mei expendite confide-

ratione verborum. non phaleratus sermo,  
 non illecebrosa tantum, & depicta fucis nar-  
 ratio delectet. quærite apud me non blanda  
 sed necessaria; non delitiosa, sed fortia. Nun-  
 quid iuuat pompam texere præcepta datur-  
 um? qui probari non magis sensibus, quam  
 sermone disponit, affectum monitoris eua-  
 cuat. Ponderibus ornetur dictio castigantis.  
 lancem in exhortatione teneat, qui gestit au-  
 diri. Institutor virtutis plausus excludat. benè  
 morata oratio imperat quod suadet. Hæc  
 si explicare nequeo facultate dicendi, amare  
 tamen didici consideratione propositi, & le-  
 ctione consilij. Pars quædam probitatis est,  
 si implere nequeas, nosse meliora. Sequitur  
 examinatam intentionem effectus operis: pro-  
 ximus magistro est, qui diligit ornamenta do-  
 strinæ. Deus tamen voti se comitem iungat.  
 & quod nouellis præceptor commendo ce-  
 spitibus, in pomis tanquam de hæreditaria  
 possessione decerpam.

## VIII.

PRÆFATIO DICTA  
 LVPICINO, QUANDO IN  
 auditorio traditus est  
 Deuterio V.S.

**Q**Uotiès amomi flosculus, aut messis cas-  
 siæ per deprædationem lasciuæ pollicis  
 viduantur, & ad dotem manuum humanarum

Hh iij

SCHO-  
LASTICA

II.

nobile germen adiungitur, meritum cespitis odore significat, & naturæ genium prima visione testatur. occultari se non patitur satyra sublimis: decus clari sanguinis non tenetur abscondito: vox mundæ originis, licet in recessibus, semper auditur. Sed quamuis ita se res habeant, humanitatis interest, nō tacere quod gestias. parum suscipit oneris, qui quod scit amore dignum esse, commendat. feritatis maculam non euitat, qui non festinat asserere, quod meritis nouit esse placiturum. Diem laudare quis abnuat? attollere solis radios quis metuat qualibet nocte sermonum? si themati obsequium præstat oratio, ab ipso suscipit dignitatem. Proprij ergo macie non turberis ingenij, quando eloquij vilitas pretio susceptæ dictionis eleuatur. erigere mens fasce depressa imperitiæ: dextera impacti oneris subleuaret. Sed cur longis inuoluimur? Præsentī adolescentulo militat præfata narratio, quem rediturum ad proauos, non denuntiatione augurum, sed post Deum fultus spe mihi vestræ perfectionis spondeo: nec futurum ambigo, splendorem te isti suorū posse reddere, quem aliis contulisti. Potest enim facilè veterum decora suscitare, cui fas est noua cōstruere. Non credas, hæc esse solius incitamenta facundiæ. Tibi vni concessum est, claritatem aut dare, aut reparare maiorum. Stant ante oculos tuos non annosa pueri monumenta, sed recentia. Peritiam tuā Firminus & Licerius, ætatis suæ sidera, hac voce conueniunt. Suscipe, doctissime hominum, vtriusque plantam familie,



& culmum, in quo grauidas aristas parias, secundus attende. Scalpe sarculis vberem terram, quæ si nostri est germinis fibula, sit tuis profecto laboribus reponsura. Doce vdo libro adolescere maritata plantaria. nouelli dentibus virgulti fructum surculi melioris accommoda. veniat pomorum successus, dum ore tenero sublimior ab illo te docente planta mordetur: quia nisi edomitam terram terque & quater agricolæ ligonibus scripserint, triticeam messem paliurus superabit & lolium. Munus Palladium, & cana nemora bacis plurimis cultura locupletat. India multo sudore, quo se iactat, hebenum nutrit. Sabæi virga cespitis manu cessante nō proficit. Industria fecit, quod Pæstaneis rosas dumeta pepererunt; quas de spinis, ceu terræ sidera, labor exigit. Felix est operantis instantia, quotiens glebis vberibus manus adhibetur. Tunc fessa brachia succo effusæ valetudinis intumescunt, quando integrum scœnus ruricolis arua dissoluunt. nascitur exercitij desiderium de fertilitate telluris. vomeribus agendum est, vt per palmites exuberet dos autumnii. Nunquam spumantia labris musta meruit, nisi qui vitium luxuriam curua falce resecauit: & in diuersis cultibus plusquàm vini acciperet, liquoris effudit. Talis est natura mortalium. ritè comparantur arbutis rudimenta paruulorum. Quos postquam parentum sollicitudo à matris radice decerpserit, prouidendum est cui solo iuxta vota commendet. Post deliberationem doctoribus iura nostra transcribimus.

Tunc sunt institutione vestri, quos nobis natura concesserit. tunc incipit sibi tantum studiorum lima vindicare, quantum origo vix præualeat. Pene enim non iniurium est, vinci profapiem collatione doctrinæ: quia patris officium habet luxuriam comitem; præceptoris, sollicitudinem: genitor sit delitiis, institutor laboribus: libertatem origo tribuit, dignum libertate monitor facit. Ergo magis vestrum est, quod laudatur in homine. nemo enim, si desit testimonium facundia, poterit prædicare quod nascimur. Splendorem familiæ prodit lingua, quam tribuitis: sit præco generis, magistri beneficium: inerudita nobilitas cæleste munus abiurat. Adstringite ergo artioribus vinculis per ætatem erratici palmitis lapsus: sine sobole ramos ferro castiga: nouellum cespitem fotu, quo cuncta frutificare soles, attolle. Habet adolescens noster, quodcumque de suis respexerit, quod sequatur. nobis crede, actus tot stimulis peruolat, quodlibet scientiæ fuerit æquor ingressus. fodietur profapiæ suæ calcaribus: per tot ordines nihil nisi quod ad literas inuitat, inuenit. Stat ecce ante te paruulus noster felicibus initandus auspiciis: & sicut iusti hostia deuotionem sacerdotis expostulat. Paternam conuenit ore pietatem, ut qualibet oratione constitutam in vitæ limine commendet infantiam, quam de parentibus non sermone exigit, sed quid desideret error ostendit. cogimur subuenire in necessitate paruuli, quam formido manifestat. Sponde tuis adolescentule digne primor-

diis. spem solidam de tua perfectione concipimus. bonum ingenium doctori optimo mancipamus. Sacri iam rudimenta venerare collegij. ad Latiaris curiæ proficiunt sidera, quos vides scintillis modicis futurum lumen ostendere. Hoc auos dixisse sufficiat: mihi remanet stricta insinuatio. Propinquum ad te consanguineus, orbum parentibus religiosus exhibui. Quæ res mihi affectum pueri faciant, iam tenetis. Si necessitudo respicitur, liber ab amore esse non possum: si pietas amica proposito, nostri sunt filij, qui parentum suorum præsidio denudantur. Vnum ergo vinculum venit à prosapie: alio nos adstringit officium. Respice, venerabilis magister, tot pro isto supplices manus, & in spe paruuli maiores eius, me, teque considera. Genus est singulare laudis in doctoribus, discipuli eruditio. Achillis lingua Chiron innotuit: fecit sequacis meritum opinionem illius plus amari, cuius per se fortè facundia in lucem non potuisset exire. Maro vester tantis institutores suos commendauit, quantis ipse notus est. & certè illos per merita sua fama non prodidit. Hieronymus noster, nisi præceptorè suum Gregoriū diceret, illo melior cēseretur. sed illi applicanda sunt bona nominati, à quo sūpsisse videtur originē. In sūma, vt dixi, cælum pulsat magistri opinio perfectione discipuli. Apud scientē rerū nō obliuio obliuionē, quia nota cōmemoro. auara sūt vota diligētū. Deū precor, vt studiis vestris gratiā suā comitē iūgat, vt quos à me limādos accepisti, doctissimos reddas: & illorū eruditio vestra quidē gloria, sed meū efficiatur obsequiū.



## IX.

PRÆFATIO  
 QUANDO ARATOR  
 AUDITORIVM  
 INGRESSVS EST.

SCHOL.  
 III.

**N**Otum cunctis bene mortalibus, quoddam dicendi laborem negotiorum feriæ pari-  
 riant, & eliminatis curarum procellis oratio-  
 nem serena plus rutilent. Diem suum ingenia,  
 nisi occupationum nebulis fuscata, non per-  
 dunt. sententiæ iubar cura vacuos respicit,  
 & expeditus animus declamationum pom-  
 pam commendat. Qui cæca remis temerarius  
 freta proscindit, nudum sollicitudine guber-  
 natulis pectus accommodat: & clavi regimen  
 sola, qua magistrum navis convenit, inquisi-  
 tione perpendit. Tunc stuppea in vêtos ex voto  
 fræna laxantur. tunc rudentum vinculis diu  
 libera maria vinciuntur; & imperiosis vndarum  
 cumulis homo dominaturus ingreditur, via-  
 rum incerta astris recludentibus agniturus.  
 Tunc Phosphorum, Pleiadas, Cynosuram,  
 & quicquid iter monstrat inspiciens, ad cæli  
 ductum callis hominis ordinatur; si tamen  
 mens nullo extraneæ occupationis mordeatur  
 ambiguo; nec peregrinantem notitiæ magi-  
 ster inertiae mœror affligat. Quod si aut pi-  
 gro torpore hebetatus animus dormiat, aut

diuersis excitatus stimulis per deuia distraha-  
tur, nescit ad propositum suum totus occurre-  
re, cuius membra prudentiæ lanista anima-  
rum cura discerpit. Inefficax semper est, & à  
molis suæ valitudine dissociatus ostenditur,  
qui non potest, quantus est, vna tractatum  
forma monstrare. Est tamen boni doctoris  
expendere origine serpentis riuuli, qui scal-  
pente ad ipsam terram vngue perducitur,  
quid sit eius in vnum collectus alueus,  
quid sit vbi nascitur æstimare, & vires  
fluminis non de his quæ accepit, sed de il-  
lis, quæ potuit accepisse, colligere. Quor-  
sum, venerabilis magister, libertatis index, bo-  
ni testimonium sanguinis, ingeniorum lima,  
fabricator sensuum, hæc verba præmiserim,  
si requiras; me me locutus sum, fateor, me  
digessi: quem inter inscitæ dormientis in-  
fantiam occupationes variæ, & tristitia for-  
tis imperitiæ mater oppressit. cui non datur  
duris soluere colla laboribus, vt studiorum  
lupatis ora decorentur. Meus sermo quod  
scaber est, & nullo splendescens dictionis at-  
ritu, intelligentiæ est, & exercitij quod de-  
disco. Te inter palæstra tua originaria linguæ  
palma sollicitat. te inter ciues, mei imme-  
mor, superba Delus adnumerat. Tu Casta-  
lii gurgitis lautus possessor incedis; & ego vix  
arentibus labiis stillantem guttam marcidi li-  
quoris infundo. Te sudore continuo, nulla  
diuersitate interpellante, vt pote colonum  
suum, doctrinæ messis amplificat. At mihi vix

de magnorum horreis pauper faseli esca por-  
 rigitur. Tu in sustentationem ruituræ liber-  
 tatis felix dextera subrogaris: me Ecclesiæ  
 angulus etiam bona metuētem sæculi præsen-  
 tis includit. Quid rogo visum est dudum in-  
 signia eloquentiæ tuæ in me tam longè posi-  
 tum oculos destinare? Fuerunt magis alij,  
 quos dictionis tuæ ornamenta componerent;  
 quibus verborum phaleræ per Latiales elegā-  
 tias acquisitæ victurum & apud posteros no-  
 men offerret. Me tacito teneri tantum conue-  
 nit affectu dictis imparem & officiis sequestra-  
 tum. Quid erigeris animos quos alter iam sibi  
 vitæ ordo subdiderat? Quid ad te reuocaris  
 per longa iterum interualla distantem homi-  
 nem, apud quem sicut nefas est non meruisse  
 laudari, ita crimen fuisse laudatum? Tua sunt,  
 tua, ne dubita, aut eorum si tamen inueniri po-  
 tuerint, qui sequuntur. Ad adolescentulum  
 tamen, quem præsentis diei auditoriis tuis  
 auspicia dedicarunt, cum quo mihi parili in-  
 fantia conuenit, si venia me donatis verba  
 conuerto. Cuius primordia quamuis infabri-  
 cato sermone commendem, imperiis amoris  
 excusor. Sub iugum mittimur dilectionis ne-  
 cessitate constricti: & dum caris prospicimus,  
 quid nos deceat non videmus. Hunc licet pa-  
 terna debuisset oratio prosequi: non est ta-  
 men à patre aliena, quam porrigo. Debit  
 tibi, macæ, orationem professio & mea.  
 Felix istud nominis apud doctos auspiciū, di-  
 tando scientiæ frugibus laborem circa studia  
 necessarium promittit & nomine. Finde, ad-



lescens egregie, pinguium dorſa terrarum, im-  
prime dentem vomeris nouella adhuc incude  
formatum. exerce in ſtudiorum ſolo quicquid  
optimū cōuenit aratorē. Si ſcrutatus penitus  
fueris latentium ſecreta camporum, inuenies  
illū Deuterium, qui vbertate linguarum ger-  
mina tibi multiplicatis ſeminibus, & ſudorem  
remuneretur impenſum. Diſce iam nunc ver-  
borum luxuriem artis falce truncare; vt no-  
uellus ceſpes ſub ferri diſciplina proficiat.  
Reſecetur quicquid infæcunda palmitum  
vmbra tranſmiſerit. ad ſolam vuarum ſpem  
vites tuæ ramos extendant. Talis ad genium  
tuum redeas neceſſe eſt: talis ad vota noſtra  
reſpicias. & cū te grauidis ſcientiæ culmis  
ornaueris, tunc te magnum dici conueniet  
Aratorē. Quocirca ſpes inte præmij nutriat  
laudis ardorem. Legi quia non eſt fortunæ luſus  
ſi quando inter ſeculentos, quorum ego pri-  
mus ſum, imperitorum greges profecerit li-  
teratus. Non metuas preſſuram, qua grauan-  
tur inſtructi. magis laudis habet iacens peri-  
tia, quàm culmina ruſticantium. Erigit doctos  
conſcientia ſua, & ſi quando incertis temporū  
flatibus opponūtur, ſuſtinent mala, quæ ſæcu-  
lis magis ſunt adſcribenda, quàm meritis.

PROSECVTIONEM meā, quam verè ruſti-  
cā in Aratoris cōmendatione contexui, felici-  
tantū dicunt aliqui perſonæ blanditam; cui  
fauorem de patris poteſtate cōciliet dilectionē  
mentita neceſſitas. In cuius laudis miniſterio  
viuis & præſentibus, tantū ſeruiens, tem-  
poralē exhibet lingua famulatum. Quæ quo-  
ties in aliquorum præconio ſucatis verborum

imaginibus ludit, fortiori studio conceptū men-  
 tis abscondit. Nonnunquā enim doctis tribuit  
 stylus profundiorum cogitationum latebram,  
 si dulcibus aures non bene merentium fo-  
 mentis illexerit. Sed sequestrentur à nostro  
 talia instituta proposito. Nos & scire hæc  
 conuenit, & odisse. Cautius enim à prudenti-  
 bus nota quàm inopinata fugiuntur. Mihi ad  
 laudationes amicorum nisi amor verba trans-  
 miserit, quæ in penetralibus conscientiæ ca-  
 ritate magistra dictantur, inter relationum  
 vias sub falce suscepti oneris palpitabo. Ergo  
 classico meo, cui proprium sine fraude serui-  
 uit ingenium, indices animi mei dictiones  
 attuli; quia sine adulationis suspitione est  
 inter æquales amicitia personas: & tunc fida,  
 diligentum sinceritas approbatur, quoties nō  
 venit à potestate quod metuas. Mihi classicus  
 non meretur imperijs, quicquid non imponit  
 obsequio. Ferunt tamen aliqui, orbo parenti-  
 bus fideli, auspicato gymnasia literarum,  
 personam religiosam debuisse magis verba  
 præsentare. Orbem parentibus dixi, cui per  
 felicia naturæ damna communis pater & Epi-  
 scopus factus est proprius. Ille afflictorum  
 consolatio, ieiunorum cibus, cæcorum ocu-  
 lus, pes claudorum, tot pietatis suæ species,  
 tot misericordiarum gradus ad huius conuer-  
 tit personæ profectum. Et illud domni.  
 Laurentij, quod mundi necessitatibus suc-  
 currit, ingenium, in ministerio huius excer-  
 tur infantuli. Cui talis non sit, vt verè dixerim,  
 gratiosa calamitas: quem non inuuet amisisse  
 patrem,

patrem, sublucrosa commutatione si talem cōceditur inuenisse? Tāti viri insignia, quę implere nequeo, per profana verba non temero. Ipse est, cuius est dulcis auctoritas, aut horrida dulcedo. qui magistrum in Ecclesia, magistrum in domo, magistrum in conuiuio, magistrum implet in iocis. qui nunquam facit, quod sequentes nolit imitari. Cuius ad vnguē polita conuersatio cæleste iter discipulis dum incedit ostendit. minor enim laus est docere bene, nisi opere docenda monstraue-  
ris. Huius viri suscepto adolescenti quid mea prætistillet oratio; quem euentus dexter de institutoris meritis manet, & de orbitatis prosperitate perfectio? Huic sufficiunt patroni preces: per quas merebitur institutis optimis imbutus degenerare sublimiter.

X. *recitauit.*

## GRATIARVM ACTIO

GRAMMATICO, QUANDO

PARTHENIVS BENĒ

*recitauit.*

**Q**Uando debitas beneficijs reddimus gratias, credo quod abiuramus iactantiam necessarijs obsequendo. nullo enim arrogantia tumor honestatis velatur indumento, cum non gloriae militant verba, sed sanguini. Aliud est enim, vt lauderis dicere; aliud dice-

SCHOL.

IV.



re, ne carparis. Ibi mens auara famæ est subiecta iactantiæ: hic seruata ratione iure in locum gloriæ redigit, quod ex dictionis sudore contigerit. Iustis namque & superfluis declamationibus, & si pari fauor sermone, discretis tamen mentibus exhibetur. vno quidem tyranni laudationes, & bonorum principum ore celebrantur, nec est aliqua inter eius, qui meretur præconia diuersitas, & illius qui usurpat. Quod nisi graua iudicantium ingenia dicendi causas expenderent, nullum daret hæc, quæ etiam indignis contingit, acclamantium aura discrimen. Susceptorum secreta dictionum ab audientibus non examinantur lingua, sed pectore. In summa, aliud est recitantem blandè & libenter audire: aliud affectum, quo recites, approbare. Sed iam omissis thematis commendationibus, rem potius mediocritatis nostræ eloquatur. Parthenium quoddam ad studia tua properantem, optime magister, sub oratiuncule meæ insinuatione perduxì, tunc cum liberalium disciplinarum limen intraret: tunc cum incertum esset, vtrum pro sapie nitorem eruditione loqueretur. nullo enim teste nobilitatis vtitur, cuius sanguinè non prodit instructio. Tunc ergo prædictum prosecuti sumus eloquio, quando fas non erat sermone nostro, qualis esset natus, ostendi: quia bonorum semper meritorum labes est habere lucem sanguinis, & nocte rusticitatis includi: prodi stemmatum vocib., & imperitia fuscate delitescere. Aurum nihil est, nisi manu componatur artificis, & fuluo pretium metallo lima fabricate iungatur. cessante industria, exigua est claritas, quæ venerit à natura. Fabr.

lib. debet studiis, quod in partu suo terra laudatur. fornacis beneficio de latentium facibus venarum quod in solidi traxit specie ferro dominatur; & effera hominum corda, domitrice affectione captiua, victum, nisi exercebantur, mortalibus non praeberent. Artis est, quod liquidum maris elementum homo securus ingreditur; & paruo discrimine per ingenia iter mortis exsuperat. magistra agricolarum simplicitas telluris faciem dum brachiis distinguit, vineta componit, & de prole arborum liquorem, quo salus nutriatur, extorquet. Multis manifestatur indicijs, operantium diligentia, aut infundi quod origo non tribuit, aut quod bona tribuit custodiri. Et si talis est rerum vniuersa conditio, quanto, doctor eruditissime, sollicitudo tua est eleuanda praconio, per cuius dexteram libertas iam iamque ruitura releuatur? per cuius peritiam aut instituuntur nouella, aut seruatur decora maiorum? Verè fateor, nisi esses, breui succumberet quidquid monstrat ingenium. Sed quid obligor maximis, qui sustinere parua non valeo, & generale facio gratiarum relationem, qui vix pro persona sufficio? Vberes tibi coram multis, emendatissime hominum, grates refero, qui agnoscere à me Parthenium institutione fecisti. Tu de eius pectore scientiae sarculo paliurum, & loliū submouisti. tu triticeā menses, quā propinquos pascit, eleuasti: felici in eo euentu per familiarum dissonantiam, vnum quod sequeretur, & aliud quod fugeret, demonstrando. ô laudanda supra hominem tui virtus ingenij! In vna, eade mque persona,

qua arte, quod vtrumque descendebat à sanguine, quid disceret, & quid dedisceret, indicasti. Læto Deus gaudia nostra disponat euentu. procul sit quodcumque minatur aduersitas. plus in te laudandum est, quia discipulus tuus scit prosapiem vitare, quàm quòd prosapiem certat imitari. Ecce Parthenium propinquitas sua ex vtroque generis calle descēdens, alia agnoscit feliciter, alia feliciter nō agnoscit. Quā timui, ne præfata permistio dum ipsa diuersitate discordat, in deterioris iura melior vita concederet, & pro vilitate temporum facilius in ipso pars indocta regnaret! Sed ostendisti mihi, ætatis tuæ ornamentum, quia plus in consanguineo obtinui, quàm poposci. Cælestia imitatus es vbertate beneficii, quando impensione multiplici commendantis vota vicisti. Ecce iam ex hyemali pectore, & corde algido dictionum flosculi vernant, & ridentia verborum germina depingunt calathos exhibentis: ecce post gentile murmur de ore eius, quæ humanitatem significant, verba funduntur. His ergo muneribus tuis nisi reddam vicissitudinem, præstitisse te æstimes non merenti. Quisquis enim feriata lingua successus meliores suscepit, ostendit se quod attulit prosperitas non amare.



XI.

DICTIO QVÆ DICTA

EST, QUANDO EVSEBII

FILIUS TRADITVS EST

ad studia.

**L**icet sicut nouitas, ita habeant intermis-  
sa formidinem, & hoc sit cum de attri-  
to fauoris publici frons refugit, quod fuit an-  
tequam disceret, dum ad eluctatam reducit  
vsu dicendi pereunte senectus infantiam. Exer-  
citus Olympicis certaminibus de palma con-  
fidit eculus, & si non otio debilitetur, in suo  
iure credit esse victoriam. semper ei coronam  
blandimentis efficacibus spes promittit, nisi  
velocitati præmium desidia languor excutiat.  
Artifex iaculandi de triumphis securus optat  
incerta: & cui occurrit semper in acie gloria,  
longa pace superatur. poetarum hederas no-  
biliores corymbis & viridanti specie nutrix  
ingenii comit assiduitas. cessante frequenti  
probatione mutescunt ora cauidici. educatus  
in puppibus æquor liquidum sine terrore  
nanta perlustrat: qui si ad terrenam vitam  
ducat officia, nec itinera astris, nec euentus  
deprehendit auspicijs. Agricola si aliquando  
vomere illectus vrbaniitate contemnat, in  
deuium bobus dum scribit terga rapietur.

Ergo sicut artium in suo quæque opere inuenitur mater instantia; ita nouerca eruditionis est negligentia. Talis est nostræ, quam post temporum interualla producimus, conditio dictionis. non notum schema deferens, non pōpam, quam ætate mercari debuisset, ostendit, totam fiduciam de auditorum benignitate concipiens, sufficere credit veniam pro fauore; satis esse pia vota pro merito. Absiste procul, debilis timor, insinuandum orbitatis miseratio, orationem religiosum commendat officium. Quid faciat sermo peritiæ splendore dotatus, vbi causa etiam sine insinuatricis linguæ placet officio? res impetrauit gratiam; sufficit vt verba mereantur affectum. vtraque secundis ad audiētiā vestram omnibus conuenerunt. Dicam sanè quod restat, quia tantum defrudo laudibus meis, quantum remanserit in præsentī causa silentijs. Huic Eusebius nobilissimus genitor, patribus quàm natura, dum extremis pressus, humanitatis sortem profuturo in longum velit superare consilio; dum vitalis animæ vigore terreni carceris angusta calcaret, ac se spiritalib. habitaculis, cū a Deo vocaretur, refunderet; nihilque in mente eius esset de homine residuum, nisi immaculata filij diligentia, illud, quod nec inter cælestia vlla delet obliuio: hunc mihi quasi bene cōsciū fouendum, prout vires tribuunt, dereliquit. confusa sunt supremis deponentis verba suspirijs. Videro quid alijs reliquerit: mihi sub Dei obtestatione dimisit heredem. Cui saporem vitæ

labris primoribus contingenti gustum depre-  
cor vbertatis infundi: vt prouocatus discipli-  
narum melle & fauis scientiæ, de domibus ce-  
reis ipse sibi liquentis elementi nectar assu-  
mat. Habet, doctor venerabilis, laus tua per  
hunc ad cumulum perducta, quod capiat. ex  
talium profectu, meritorum tuorum plenitu-  
do non refutat augmenta. quia discipuli ele-  
gantia assertio est sine labe doctoris: eius ma-  
ximè, cuius prosapiem splendidam tempus  
postulat scientiæ tuæ radijs adornare, vt decus  
originis in diem serenissimum procedat,  
quando oris in ipso iubar effulserit.

XII.

DICTIO DATA ARA-  
TORI QUANDO AD  
LAudem PROVECTVS EST.

THEMA. LAUS LITERARVM.

PRÆFATIO.

*Litera de proprio laudetur splendida censu,  
Aduena nam cultus nil tribuet genij.  
Ebria Vestito plus lucent Vellera Sere:  
Persica candentes colla decent lapides.  
Nil iuuat externo componere membra nitore,  
Lux naturalis sidera nobilitat.*

SCHOL.  
VI.



## NARRATIO.

SCHOL.  
VI.

**O**Mnibus rebus, quæ æstimantur præconiis, exhibenda est pro dicendi facultate laudatio: ab eloquentiæ dote radiantibus reddenda sunt literis quæ debentur, quia sicut gratuitum munus, & opes, & animum indicat largitoris: ita accepta denegari, auaritiam, & impudentiam reſerat ſupprimentis. Libemus literarum numini quod de ipſarum fluxit altaribus. quantisuis enim materia iſta copiis prædicationis honoretur, qualibet efluat vbertate dictorum, de poſſeſſionis ſuæ frugibus paſta ſatiatur. quia dum inter virecta, quæ diſpoſuit, propria oculos amœnitate captiuat, habet quidem ipſa iucunditatem de graminibus ſuis, ſed maiora capiunt meſſes ingeniorum incrementa per dominam. Itaque qui ſcœnus literis ſoluerit, plus ditescit: dum per ſecretiores meatus, quaſi per magnos alueos, quæ ad illas directæ ſunt fluentia, reducuntur: nec quod per guttas emiſeris, aliter quàm ſi relabentis Ioni ius habeas, poſſidebis. Quis peritiæ depoſitum negget, niſi qui deſiderat mendicus effici dum reſeruat? Iſtius rei fructus (quod mirum dictu eſt) in abundantiam reſuſus exæſtuat, dum ieiunos faciat incubantes. Ergo poſt opem cœleſtem, poſt ſuperni fauoris auxilium, miſtra quibus vtaris, ars veneranda, præconiis; & inuentionis tuæ bono de his, quæ à te fuerint directæ, gratulare. A te orta in uſu

landis amplectere. nos nihil manet in hac parte, quod dignum sit ultione vel præmio. Fideli oris nostri famulatu si parum in eleuatione meritorum tuorum suggerimus, hoc dedisti. nos horum annuum fistulæ sumus, nec quicquam de copiis commissi liquoris ebibimus: tu ut per nos meritis tuis satisfacias, quasi Ægæum pelagus, ut Pegaseus gurgis illabere. Ante oculos vestros sunt morum vestrorum, si bene exempla retinetis. Saluæ sunt quascumque de censu vestro ad usuram gemmas ad mouemus. Ecce verticem meum coruscans luce vestra diadema nobilitat, & pretiosorum lapidum fulgore variato, crescit ex genio, dum competenter ostenditur. A vobis radicem sumunt instituta sapientiæ, per vos informata proferuntur. Nullus sine vobis pectori sapor est, nec libertas eloquio. vos ingenui testimonium sanguinis, vos materia pudoris. per vos, quod cor bene dictauerit, lingua proloquitur. ad inuestigandam iter iustitiæ vos præbetis; dum oppressum callem dumetis quo expetitur superna, purgastis, vos triticeam de lolijis segetem, vos fecundas de sterilitate ingeniorum glebas efficiatis, & grauidas aristas ad scientiæ horrea, ne famines infantiae possit præualere, portatis. Mundæ nitorem familiæ seruando, obscenam pro sapientem peregrina luce perfunditis. Deo proxima res est vestro infusa beneficio, dum percursus elucubrationis traditur, ne optimi degenerent, & ut mali degenerent, salua stemmatum veritate præstatur. Per vos de innocen-

tum actibus, quæ ad instructionem sequentium pertinebant gesta non pereunt. vestris in medium catenis transacta reducuntur, & sepulta reuiuiscunt. vos instrumenta memoriæ, vos causa pietatis. vestris vomeribus humani pectoris tellus ad fecunditatē præparata describitur. vos religionis auctores, vos hostes criminum: vobis ducib. quæ per vsum subripiunt, dediscuntur scelera, per quas bona discuntur. aut ad directum homines augetis propositum, aut mutatis obliquum. Vestro exules ornantur indicio, & à mudi culminib. sejunctos vos cælo sociatis. malas consciētias aut intrare contemnit, aut in sacrariū ingressæ dedicatis. Facessant à literis vel mutare quod dignū est, vel nō mutare quod noxiū. vestris vulnerib. nulla per chalybem vestitos subducit instructio. ad penetralia, illorum, & quos ferrum texerit, peruenitis. vestris vmbonibus directæ ab aduersarijs tela repelluntur: nec spiculis peritiæ vestræ vlla clypeorū crates opponitur. Vos in afflictione constitutos erigitis: vos positos in corporū cruce mulcētis; sic gaudijs augmenta tribuētis, vt modum hilaritas & producta custodiat: si à vobis veniāt blandimēta dulcescunt. Non licet contra imperiū vestrū vel defunctū flere quē diligas. vos nuptiis, vos aptæ funeribus. scientiæ istius studiū diuersissima in concordiam tenet, & utrāque partē amplexa gratulatur: vtinam vos longioribus coli liceret affatibus, & non vestris legibus deberetur breuitas, à quibus copia votiua suggeritur! Per litterarū species in lōgum itura vox tutò committitur, & sine imminutione sui relegēte so-



lidatur. Ante vos ignara ordinis vixit humanitas, & ructantia glandē pectora sine modis verba vomuerūt. vos inter vnus naturæ homines distantiam facitis, dum cælestibus nōtia vestri, pecudibus similes reddit ignorantio. In propatulo est, qualis ante hāc frugem fuerit mortalium deserta prosapies. cum illis enim quibus nobiscum par aduentus in luce est, per discretionem vestrā non est conditio vna sapiendi. Valete, ornamenta melioris sæculi, & mundum, quem eruderastis concessæ à Deo, in temporum remedio possidete.

XIII.

DICTIO QUANDO

PATERIVS ET SEVERVS

TRADIDIT SVNT

ad studia.

**S**I nauta secundis flatibus feliciter humidi directum transit itineris: si bellatorem ducit successus melior ad triūphum: si per rhetoricos cāpos literarū miles iudicis sit fauorē sublimior: nostrum est hodierno die momentis paribus gaudere de themate. Quid mihi est cū ingenij mei publicata & degeneri paupertate? ecce de susceptæ dictionis messe ditescimus iucūda sorte, quando relatorē meritum relationis amplificat, & actorē causa commēdat. Vbi est pavor, qui nos sibi propter imperitiæ conscientiam subiugabat? vbi frontis trepidatio, vsu & exercitatione fragilior?

SCHOL.  
VII.

obliuiscimur meriti nostri, dum claritatem loquimur alieni. Nūc discimus potentes & alios esse, vos facere, quando tantum & fama nobilis dat præconi. Nihil mihi cum dubiis: splendor laudantes illuminat: & immersos tenebris, si eius meminerint, sol recludit. Sed rursus hilaritas iungitur cum pauore, & sit sociæ exultationis trepidatio. quando impar in modicis sufficit in supremis: nam qui claritudinem non styli luce commendat, obnubilat: & sicut ingenio facundorum crescunt modica; ita siccitate deueniunt amplissima; & nisi æstimatis viribus aggrediaris sarcinam, subiacebis. Ecce Paterius & Seuerus, ornamenta curulium, & parentiua vocabula purpurarum, eruditionem originariam in ipsis vitæ præstolantur exordiis: dedignâtes non studiorum diligentiam cum sapore haurire lucis, quos indiscretis tēporibus Dei natura donauit & literis. Pro quibus, quid parētum decora, quid insignia vetusta nouis mentibus relator insinuem? Leuabor hoc onere, si fastos pro me, auditor, interrogas. mecum campi solemnis illa vociferatio, mecum Seuerum, & Paterium & aula veneratur & curia. quorum quamuis familia meruit scipiones & trabeas; seposita tamen ad tēpus dote sanguinis, quod occasum per dignitates & post sepulcrum nesciunt, moribus exegerunt. Mentior, nisi uiuit Paterius in opinione doctorum, & perenni ære formatus, illam eloquentiæ palmis nobilem inter peritos præsentat effigiem. Horum prosapiæ adhuc quidem parua, iam

maxima, gemmata pubescentis flosculi ora  
 præferens, vocis præsidium, quod exhibe-  
 bit, implorat, hoc taciti poscens allega-  
 tione colloquij. Iuuate paruulos, quos habe-  
 bitis patriæ mox parentes. impendite præsidia  
 defensoribus, & pugnate pro teneris, ne  
 maturiores æuo succumbamus pro vniuer-  
 sitate bellantes. Scitis quæ domus pro ge-  
 nerali calamitate desudet, cui debeatur pro  
 cōmuni securitate litatio: à qua fluxerit quòd  
 inter aduersa inter vos ciuilitas non vacillat.  
 Debet vobis origo nostra hanc tubutariam  
 functionem, vt semper nutriat patriæ suæ  
 sine intermissione custodes. Ergo si nota  
 sunt vobis bona germinis nostri, inseren-  
 da suggerite: vt quod nitet in semine, cul-  
 tura melioret. habeat cespes radici obse-  
 cundans poma, quæ tribuat. Non sunt pe-  
 regrina, non fugitiua quæ poscimus. Si  
 Elæis & Olympicis conflictibus nutritur  
 eculeus de parentibus æstimatus: nos ad-  
 huc proficientium creatorum muniamur  
 exemplis. Vobis tantum præbuerunt obse-  
 quii res secundæ, quando propugnatorum  
 vestrorum & adolefcit posteritas, & adhuc  
 patris, auique tutela non deficit. Ergo  
 his stimulis incitatum, doctor venerabilis,  
 suscipe vniuersorum voces afferentem, &  
 eleuatus consideratione meriti parem te  
 multorum forma sententiæ. labora vt mu-  
 nitio nostra te sustinente solidetur & ne  
 inimica arietum vincat impugnatio, tu  
 muris patriæ studiorum arma coniunge.



Scimus quorum tibi soboles committatur, ut quod natura validum peperit, confortet industria. Ducis erit, non originis, si de viri fortis stirpe editus habeat inter bella formidinem. Sufficit te sic instructionis tuæ sudore crescere, ut præsentis pueros formam veterum facias obtinere. Sed dicas forsitan: licet te professio sanctior urgeat, me in istis non habet cura postremum. Ego sum cui. Paterium filiū mater & virgo sacri fontis aluus effudit. ego in animæ eius secunda natiuitate, aut recreatione sum genitor. ergo peculiaris eruditionis eius me prouisio respicit, cuius pater & inter cælestia sum vocatus.

## XIV.

IN LEGATVM, QVI  
PATRIAM HOSTIBVS  
PRODIDIT.

CONTRO.  
VERSIA.

I.

**S**I excellentius crimen est, quod digna veneratione persona commiserit, habetis, iudices, in vno homine duo diuersissima, & proditoris meritum, & sacramentum legati. Sed vincitur in ipsis vox superata primordiis. facinus vix credo, quod arguo. quis æstimet in vocabulo integritatis consummatam cecidisse perfidiam? Cogimur dicere, quia nil mali aut proditor metuat, aut verus legatus admittat. Quid accusationi meæ pro innocentia

nomen opponis? insequentem posses effugere, si esses meritis quod vocaris. Nemo cautiùs malus est, quàm qui absconditur sub appellatione pietatis. tutum est iniquitatis exercitium, quod honestatis tegitur indumento. Facessat propositum præstigijs potiùs quàm mète constare. enervata defensio est, quæ nudi honoris nititur nihil valitura testimonio. Ut nocentior contra patriam existeres, viam tibi consilia nostra pepererunt. nos egimus, ut fortior hostis, dum propugnatorem quærimus, appareres. non sentiremus quæ irrogasti patriæ inimicitarum pondera, nisi sumpsissent ab amicitiarum religione principium. Externis aduersariis sine labore congregimur. inerte pectus inuenit, qui de gratiæ fruge in affectum prorumpit inimici. egimus fœderis tempore, ut generalem aduersarium, quid grauaret patriam, non lateret. Iste enim, cognitorum splendidissimi, si negligentius in suscepto functus officio, per animi tedium sociorum cōmodis institisset, capitale mereretur exitium: quale est enuntiasse hostibus interna patriæ, pro quibus segniùs certasse sacrilegiū fuit? quib. sunt expianda tortoribus, quādo illud perdidideris, quod nefas est non iuuisse? quantis colorum varietatibus, & vrbānitate letali ad hoc perductus æstimatur, ut legati personam putaretur implere? Solet virtus, quæ innata non fuerit, cura & nutrimentis institui, & trāsire in affectū, quod feceris studio falsitatis. vsu honestatis robur adipiscitur, qui bonū sub diuturnitate mētatur. Seruasses adhuc benevolentiam captiosam, nisi inspexisses læ-

dendi callem legationis claue reſeratum. Tale eſt, ac ſi ægris ſub februm iactatione languentibus allaturus ſalutem curator adueniat, & animam in penetralibus ſuis ſub medicinali ſpecie excluſurus inquirat. quis rogo huic non pandat ſecreta vitalium, & in quibus adhuc locis vigor ſubſiſtat, adnuntiet? facilis extinguenti miniſtratur occaſio illi, à quo ſanitas poſtulat. Sic te, impuriſſime hominum, aduerſus nos intimorum reſeratione munimus. Ex veſtro nunc, cognitores, pendet arbitrio, ſi qui peccatis vicit vniuerſos, non debet omnes reos ſuperare ſuppliciis. Naſcituras in poſterum culpas incidite. eueniet ex vnius cruciatu generalitatis emendatio. Genus pietatis eſt, circa hoſtem patriæ eſſe diſtrictum: ne dum perſonæ parcitis, ad incrementum vitia prouocetis.

## XV.

DICTION IN NOVER-  
CAM, QUÆ CVM MARI-  
TO PRIVIGNI ODIA  
SVADERE NON POSSET,  
vtriſque venena porrexit.

CONTRO-  
VERSIA  
II.

**A** Deſt. iudices, nouerca; quæ vt ſatisfa-  
ciat odiis, non parcit affectibus: quam  
ne priuignus euaderet, elegit miſcere eius ca-  
ſibus



Abus, quem dilexit: quæ sæuissimarum more belluarum, de confusis mortibus tesseram fecit, dignos leti sorte æstimans, quicumque cum inimico illius potuere trucidari. Ruptis repagulis accepit furor eius exercitium, quasi neci deputatum perimens quicquid occurrit. Generalitati pernicioſa esse deſiderans, niſi defeciſſent toxica, adhuc ira creſcebat. hauſta ſunt à duobus vènera, quæ repperit: quod in aliorum ſeruaretur exitio, non remanſit. Heu! quemadmodum genuit defectum poculi, cùm cadauera pauca conſpiceret; indignata ſibi, quòd de funeſto liquore plus defunctis, quàm quod occideret, dedit. Quæſiuit de extinctorum viſceribus pretium mortis alienæ, ſi licuiſſet, abſtrahere: vt plurimis per guttas fata diſpergeret, vt animarum penetralia virus nobile poſſideret. Ante experimentum pernicioſus effundebatur humor in poculum: fecit eam, quid perdiſſet, agnoſcere, poſtquam de ſuccis abundantibus paucos extinxit. Vbinam gentium fuit animus coniugalis diligentia: vbi maritalis ſacramentum copula: plus egit priuigni, quam tori recordatio: dum immanitati obſequitur, effugatus eſt viri præſentis affectus. credidit in quocumque, viuente priuigni remanere poſſe ſubſtantiam. Lucem voluit profana confundere, & humani generis meſſem mundo labente ſuccidi: quidquid in occaſum potuit ire præcipitans; veterniſ Erebi legibus diem noſtrum cupiens ſclerata ſubmittere: ne illam vel poſt inferna odioſus inſpiceret. Quantis

gradibus & profectu scelerum ad venena descendit? Diu exitium distulit, quod aliquando in tormentis constituto ingessit vice beneficij. Antè flagris, fame, frigore inimicum corpus afflixit: postrema est in nouercali indignatione necis executio. Vellem in accusatione, iudices, diutiùs immorari, nisi facinorosa pœnâ prolixior lingua differret. Nolumus quas peroranti conceditis, vt addicēda in luce mereatur inducias. Quotiens, scelestissima fœminarum, subdolis priuignum fouisti complexibus matrem mentita? quotiens innoxiiis potionibus egisti vt de manu tua mortem securus acciperet? Captata sitis, tempus & bibendi necessitatem, fortè vt citiùs letum porrigeres, exorabat. habuisti misericordis opinionem priuigni desideriis obsequendo. quotiens matrum loca tenuisti, vt nouercam tutiùs exhiberes? Solet. libertatis præsules, in coniugali consortio, vnius sobolis vt commune pignus attendi, dum affectio, quam pater obtinuit, transit ad filium. decedentibus matronis, virorum prouidentia, dum ad educandam posteritatem curarum participes quærunt, sic nouercas inueniunt. Sæpe tamen sub hoc vocabulo mater accedit, eo cautior circa germen alienum, quò sollicitiùs nomen tragicum vult vincere. Genitricem munit securitas, & sacramentum nominis sui: quæ etiam misericorditer creduntur irasci. Vestras, infaulta, blanditias iure respuimus, quibus per fucum malitiæ interna vestitis. Erubescō, cognitores sanctissimi, damnatam meritis suis diuturna impu-

gnatione sustentare. non est anceps sententia,  
quam labore suspendo. Vtinā exquisitis effu-  
getur de luce cruciatibus, & lentis lecta vulne-  
ribus existat superstes corpori suo ! non vno  
tempore de propriis sedibus nocens anima  
uellatur. In affectum reducit puritas, quo-  
tiens generalitatis oculos expiaueris cruce no-  
xiorum.

## XVI.

IN EVM QVI PRÆMII  
NOMINE VESTALIS VIR-  
ginis nuptias postulauit.

**C**Reditis, iudices, per hunc victoriis la-  
menta misceri, & triumphorum sapo-  
rem displicere de præmio ? æstimatis offendi  
Deos in effectu rerum, & deduci ad pæniten-  
tiam numina, quæ vota iuuerunt ? Adest ho-  
mo nequissimus ; qui gemere nos imperat,  
quod patriæ nostræ vicit inimicos. qui con-  
summatis præliis, dum laboris pretium flagi-  
tat, & hostes & bella commendat. qui ex-  
hausta putat laboris esse suffragia, nisi quæ  
iratis cælicolis conferuntur : vt possit ciuitas  
eius perdere, quod per ipsum creditur acqui-  
sisse. Confidit genium bellatoris pictis tabulis  
& imaginibus non teneri ; nec requirit vt ser-  
uetur sæculis ære formatus. sola opinatur esse  
gaudia, quibus euenit munus adulterij. Si  
ad hoc te casibus obtulisti, vt pro sudore

CONTRO-  
VERSIA  
III.



tuo nominari pudeat quod requiris, nos non possumus scortis debere, quod vicimus. Non pro amore bella gessisti, qui post aduersarios in ciuitatis medio cum pudore congrederis. sine causa hostes depulisti, qui eorum vicibus fungeris in triūpho. Habuimus statum honestatis liberum, dum casibus subiaceamus. fugienda est virorum fortium felicitas, per quam iungimur miseris subditorum. Etenim, curiæ lumina, per minutias scelerum hunc opinamur ad immania vota perductum? quantis gradibus exercitatum facinus peruenit ad hoc, vt vitia laudibus mercaretur? Credebamus eum, dum vitam in tentoriis ageret, & ad insignia roboris duris corpus successibus inuitaret, ciuico amore constringi vt per militiam eius, nec incendium vrbis, nec sacras corruptela virgines possideret. Iste enim emit tot vulneribus, ne alter facinorum fruge potiretur. Quid tibi debeam, crudelissime hominū, datur intelligi, per cuius beneficia superati exitum victor ingemisco. Dicite, præsules libertatis, quem potius habuimus, qui animos nostros possedit, in tubarum clangore terrorem, dum ferri seges equorum fremitu minaretur exitium? Credo, ne libera patrum colla cætenarū rigor adstringeret: ne inuiolabilis matribus pudor ciuitatis excidio deperiret: ne votiua virginitas sacris mancipata culturis prædonis igne raperetur: ne famula castitas hosti pretium fieret insultanti: ne corporibus ex humana conditione liberatis, vis inimica subriperet, & aduersariæ pudicitia libidini ad

ultimum deducta, seruiret. Quæro à te, heroa magnanime, quid de patria tua mali depuleris, si hæc quæ timui victor optasti, dum mortes hostium ictibus tuis numinum fauor addiceret. Percunctor, vtrum poposceris superos in illa necessitate fautores? Si fecisti, perfunctus periculis sacerdotibus eorum pro debita oblatione minitaris? si non adhibuisti pia vota certamini, quid tibi debeo, quem sine precibus suis generalis prosperitas comitata liberauit? Si intelligis, multum est quod debes numinibus, si studuerunt supplici: maius, si dederunt victoriam non petenti. Credo, digressus è prælio, loco principe delubra veneratus es, & ibi gratiam retulisti, vnde prædam feriatis manibus certas abripere Vereor, ne templis nulla face consumptis, ducat Vestalem virginem fors secunda captiuam.

XVII.

IN EVM QVI SENI  
PATRI CIBOS SVBTRAXIT.

Data Aratori.

**N**escio, iudices, vtrū inueniatur pœna, quæ criminibus satisfaciat impetiti. Interim deest linguæ copia, quando facinoris nouitas superat arguentem. Iste est filius, qui gran-

CONTRO-  
VERSIA  
IIII.

dæuo patri, cū posset præbere alimenta, denegauit: id genij sceleribus suis aslocians, vt esset patre incolumi parricida. Putas euasisse te debitum de non illata genitori morte supplicium? vt esses innocentior, pepercisti. Potuisses cruciatus, quos intuleras, vltimo patris sine concludere, si manum iugulo medicam præstitisses. prima est malorum tuorum adinuentio, creatoris proprii exitium nec remouere vt pium filium, nec vt crudelem decet inferre. Quid est quod inter vtramque viam, exquisiti inuentor periculi, neutram selectatus pasceris promulgata tabe genitoris? vixit, te procurante, eo infelicior pater, quod mori, te procurante non meruit. Nemo, sanctissimi, dubitat mundi istius mala aduocata nece sepeliri; & communem sortem votum esse inter aduersa constitutis. necesse est optari, quod modum ponit amaritudinis. Rogo, quibus est belluis comparandus, qui procuratione sua infert dura sine termino? cuius doli, dum manus abstinet ab auctore lucis, leto commutanda pepererunt? Iam erat genitor istius annorum fasce contritus: iam per tremenda senis membra æui depopulatio vestigia olim robusta subuerterat: iam diuturnitatis morsibus in rugas, quæ declarabat hominem, forma vergebat: non tamen sine spe subsidij ad maturitatem peruenerat, cui iam maior soboles arridebat. Potiori fiducia ad victum congregata dispersit, quem semper sciimus horrea sua in pignoris alacritate posuisse. Omen putauit cogitare de substantia, cui exi-



tebat natus incolumis: ad gelidam canitiem  
hoc putans posse sufficere, quod reparatus in  
prolapie annis viridioribus non peribat. cū  
repentē egregius iuuenis tali patrem securita-  
te nudauit. Vellem paulisper, venerandi co-  
gnitores, ad hunc verba conuertere: sed reor  
perire monita, quæ profligatis moribus exhi-  
bentur. Putamus, venerandi hominum, ad  
hos vltus prolem cuiuspiam magisterio perue-  
nire? sufficit germini institutio naturæ, quan-  
do, quod solent facere doctores, infundit co-  
rum pectoribus lex humana. Non est ex acci-  
denti bonum, debita complere: nec deesse po-  
test ratione præditis, quod auibz probamus  
insertum. Versa vice, aquilas legimus sætuum  
ministerio pasci: & beneficium parentum,  
quod implumes nati, quando ouorum tunicis  
exuuntur, indepti sunt, quadam districti æqui-  
tate restituunt. Non putant volucres esse li-  
berum, accepta denegare. quale est ingenium  
quod circa diligentiam suorum alites nescit  
imitari? Transeo multiplicibus exemplis lupo-  
rum rapacitates. ieiuno escas parentibus ore  
deferunt, & impasta visceribus fera ad creato-  
res suos currit ore locupleri. Vos perpendite  
conscientiam rei, quali pœna digna sit, quæ  
inuitata commisit. quia propagantur impu-  
nitate vitia: & nisi iudicantium censura suc-  
curreret, peccandi vis per generale corpus  
exiret.

## XVIII.

IN TYRANNVM, QVI  
PRÆMII NOMINE PARRI-  
cidæ statuum inter viros fortes dedit.  
Data Aratori V. C.

CONTRO-  
VERSIA V.

**Q**uamuis, iudices, virorum fortium effi-  
gies mansuro perenniter ære seruentur,  
& per hæc simulacra nesciant obitum vel se-  
pulti: quamuis in æternitatem migret per has  
artes imago mortalium, & angustam huma-  
næ naturæ legem vincat industria: tamen vir-  
tutis pretium nec parricida aliquando me-  
ruit, nec tyrannus exsoluit. Quando mu-  
nus innocentum aut sceleratus elicuit, aut  
oppressor libertatis ingessit? Statua, vene-  
randi præsules, sudoris fructus est, iudicio  
reddenda purissimi: ut in utroque congruus  
nitor nec suscipientem deuenisset, si indi-  
gno auctori prouenerit, nec, si conferatur  
im merito, maculet largientem. Si libera  
aduersus tyrannum vox est vitia detestan-  
tis, si licet sub tutore criminum culpas  
utgeri, dicam quod sentio. Inter duos ne-  
farios res honesta volitauit, & neutro mu-  
nita præsidio, nec à quo procederet, nec ad  
quem deflueret, cognoscebat. Res du-  
dum decreta fortibus, & sanguinis com-  
paranda suffragiis, ad quorum peruenerit

iura, respicite: vt eam tribuat vsurpator imperij, & accipiat patris extinctor. Quo me vertam, nescio. inter virtutum tuarum, venerande princeps, deprehensus abrupta, nescio vtrum accusem, quod tyrannus es, an quod honoras præmio parricidas. Vtrique digni crucibus, & de præsentī vita culleis effugandi. Non creditis sufficere, vos debitum vitasse supplicum, nisi & tu quod non licet tribuas, & ille quod non meretur, acceperit. Iam dudum à te ista per audaciam præsumpta sūt, cum arcem iustitiæ profligator intrasti, his ad dominatum euectus suffragijs, quibus in altero statuum cōtulisti. Neesse est, amplissimi hominum, vniuersos fouere quod fuerint: nec vtiliter, nisi ab emendatis, corriguntur excessus. Prodigus frōtis est, qui punitorem mali credit facinorū sectatorem. Iudicis conscientia constringitur necessitate secreti, & non putat liberum condemnare in subiectis, quod ipsa non dubitauit admittere. Quantis successibus aut quā varijs incrementis ad hæc sentina criminum peruenisti, vt tibi liceret ad sublimia peruenienti in tantum peccare, cum velles, vt probrosos ad potiora statuis inuitares? Tu libertatis saporem felle seruitij commutasti: ille obsequia patri debita vertit ad gladios. Quantum laudanda sint quæ læsis, aduertite: & feriato ore accusantis quid mereatur pater & iugenuitas æstimate. Tu absoluta colla iugo miserrimæ conditionis adstringis: apud illum nihil preualuit lex naturæ. hoc tu circa patriam geris, quod intulit hic parenti:



in eo fortasse crudelior tu credendus, quod dura imperia sub vitali quadam morte dispensas: nec illis quibus est desiderabilis obitus, quasi medica manu præstas exitum: ille non passus genitorem in mundo subistere, pernici ictu eripuit vitam lucis auctori. Nescio quæ sunt criminum diuersitate discreti: interim si liceat, pœna iungendi sunt. Si te circa ciues alicuius supercilij tumor eleuasset, reum te designaret læsa communio. & priuatæ abiuratore dulcedinis immoderata nuntiaret erectio. Si ille creatorem toruo lustrasset aspectu genitore incolumi, habuisset meritum parricidæ. Videte, quid dignum his sit, qui ad delictorum fastigia peruenierunt. Nihil est quod residuum aut afflicta credat patria, aut pater extinctus. Facessat à nobis, principes viri, argumentis acerbare commissum. Sufficiunt nuda reorum vocabula, nullo defensionis munienda priuilegio. Addam sanè delicto quædam, quæ sunt præcelsa reatum, ne vlla res videatur actione subtracta, quam sagacibus, ut æstimo, vestigijs inuenistis. Ambitur parricidæ statua, fortium vailata lateribus, & simulacrum, quod aut literaris cura peperit, aut Martius campus refudit, huius imaginem posthabetur. Duriter, si creditis, serunt tot eneæti titulis, nulla ab effulore se paterni sanguinis retributione distare: & si qui animatus reliquus vigor est, deslent præmia sua, quæ annis roboris exegerunt. Vbi honestas, vbi studij liberalis efficacia, vbi munus pro patria dimicantis, si æreas

formas artis possessor exhibet, & qui genitoris funus procurat, obtineat? Vos tantum digna meritis exhibete tormenta: ne si impar pœna impetitos addixerit, nec vobis debeatur laudatio directa censendi. Vno itinere vitæ pellantur quibus pene par existit fors delicti.

XIX.

DICTIO DATA AMBROSIO, IN ALEATOREM QUI AGRVM, IN QVO PARENTES eius erant positi, pro ludi pretio dedit.

**P**ostquam, iudices, deforme aleatoris studium deductus ad exilitatem census euaserat, & crescentem certandi curam facultatum defectus addixit, cœperunt à turpi premio nec parentum sepulcra subduci: cœperunt expectari dubia casuum de fauillis, & ridenda proponi contentionum momenta de lacrymis. Vbi sunt, qui dicunt perfundas luce animas nihil cum huius mundi cultoribus habere commune, & post sæculi segregationem diem suum habere translatos? Ecce iam maiores istius prope quæ obtinuerant sepulcra senuerunt, & de ipsis per diuturnitatem sunt busta iam tumulis:

CONTRO-  
VERSIA. VI.

& tamen apud comessatorem improbissimum adhuc creduntur in illis intentionis pretia non perisse. Post longa vitæ curricula fortuito nil debentes, euentum manes iubentur expectare de tesseris: post profligatas, quas parentes tui per longam parsimoniam opes collegerant; post multa argenti, aurique pondera, quæ iutura hæredem parcitas sub dimensione seruauit: urnas veterum, vt essent in præmio tabulæ, sterilitate deterior proles honorasti. Si mausolea præcedentium minor posterius cultus ornaret, esset plectenda negligentia, & spectaret de illis pœnam iudicibus, qui filiorum suorum mores in alienis cupiunt emendare commissis. Pro festiuitate certa temporum lege redeunte, pro fertis, & quibus animæ pascuntur muneribus, credidisti nefas, si genitorum tuorum sepulcra dominos nō mutarent. Non tibi licuisset domos vltimas pro abducta ab hostibus pignoris tui redemptione distrahere. quæro quæ sit necessitas, quod alienum video in parentum tuorum cineribus possessorem: & nihil mihi aliud nisi ludus opponitur. ô misera mortalis conditio, & cùm denegantur desideria, & cùm infelicius conceduntur! Quotiens creatores tui sollicitis Deum mouere suspiriis, ne de huius vsura lucis, quod infautissimum creditur, sine legitimo hærede transirent? Editus, institutus, eruditus, ad hanc messem, iudices, ieiuna pudoris mentem peruenit, ne in iure suo patiatur esse, postquam vniuersa perdidit, patrimonij



largitores. Damnamus in scelerato voluntatē turpissimam. nam contigit forsitan, vt ad probos dominos priorum tuorum ossa beneficio leuitatis emiseris. Cōmunis est vniuersis defunctorum reuerentiā, & circa religionem forte vltima conditorum dignam polcit humanitas vniuersa culturam. excellentius tamen maioribus nostris debita suprema redduntur, quos ita sibi veneratio proponit ante oculos, vt Diis credamus exhibitum, in quibus defunctorum mandata peraguntur. Seruamus vniuersa quæ iusserint; non credentes impunē contingere, quod de eorum fuerit præceptione violatum Non inuenio; nouum facinoris genus qua explicem nouitate sermonum. Quibus fuit sacrilegium non parere, quale est eorum suprema domicilia pro ludicris vendidisse? Credite, cognitores, stare ante oculos vestros tot istius atavos vindictæ tempora præstolantes: quorum placatione mansura in posterum circa parentes diligentia poterit sine labe sanciri.

## XX.

IN EVM QVI IN LVPANARI  
STATVAM MINERVÆ LOCAVIT.

**S**emper venerādorū iudicū ancipitem **CON TRO-**  
S credimus fuisse sententiā de confusione **VER SIA.VI.**  
peccati. Ibi cognitoris, quo potissimum ver-

geret, hæsit deliberatio, ubi dubia extitit scire delicti. Nam definitionem æquitati congruam sicut vitia manifesta exigunt, ita obscura suspendunt. Quando in luce est facinus, quid spei remanet addicendo? Percipite, quæso, animis, & interna æstimatione tractate, qualis sit, qui & virginitatis oculos, & lupanaris secreta violauit: & in utroque sacrilegus, nec flagitia veneratur, quibus inimicam testem adhibuit; & castitatis profligat ruborem quam indignis adsociat. Expostulo à te, humani generis ostentum, qui lenitatem tuam ad erigendum Minervæ simulacrum religionis cultus adduxerit, dum integritatis hostem illata de loci fæditate monstret iniuria; nec reuerentiam te exhibere Veneriæ pollutioni clamat publicata corruptio. Nesciunt peccandi terminos, qui ad transgressionem sceleris excessum amore prouocantur: mo dum in erroribus ignorant, qui crimina excelsa moliti sunt. Dum Dionem & Palladem, diuersissima numina, peregrinantibus mancipata sententiis, in vnum fabricata deridens arte coniungis; fecisti religione tua acerbius quod delinquis. Res summo digna piaculo, miscere discordantia, & in vnum colligere, quibus nisi secretum præstiteris, contumelias irrogasti. Creditis inueniri hominem de hac mundi gemina conuersatione neutrum tenentem, & nec amicis virtutibus existere, nec fidum vitiis inueniri? Solent aliquos erigere ad despectum boni operis patrocinia culparum, & qui de sapore laudis alieni sunt, de licentiæ fruge gratulari. At

te quæ istarum rerum inuenit sectatorem? meliori ordini contrarias manus attulisti: nec improbis sinceriter obsecutus colla submitteris. Odi, principes viri, morum suorum remissos iudices: condemno, qui per negligentiam serenorum actuum in dubium trahuntur. execrabilius tamen detestor, qui in utroque comprehensi, nulli exhibent stabilem conscientiam. Pollicentur enim prænitentiæ tempore honestatis affectum, quos fidē videris exhibere peccatis. Si te, scelestissime hominum, ante Veneris delubra positum stimulasset mineræ recordatio, vtramque potestatem malè diligens ingenij tui memoria læsisset? fugisses illius domicilium, cuius aduersariam mente retinebas. qui honor est ibi eius statuam collocasse, vbi dea pudicitia potuisset commemoratione violari? Nesciendo, infauitissime, gradibus ad fastigia execrandi erroris accedere, penè postliminio bellum inter cælicolas excitasti. Vident illi oculi semper turpia, detestati iunctos quadam obscenitatis lege complexus. Dum procurante te interest lupanaribus captiuum numen; solus es, qui ostendisti seruire humanæ libidini superiorum potentiam; & illis eos constringi locis, quibus fuerint à mortalibus deputati. Quàm dissona erit in adolendis impensa sacrificiis? vnus oblatio numinis alteri dabit iniuriam. Nam dum per prouidentiam tuam simplex puluinar gemina superiorum potestas obtinuit, & in vna æde pudor & luxuria conuenit, neuter deuotionem nostram fauor adspiciet. quas tu habita-



328 MAGNI FEL. ENNODI  
ratione miscuisti, nos propriis habebimus  
offensas sacrificiis. qualia erunt munera, quæ  
gregatim portanda sunt per incestas & virgi-  
nes? vna offendenda est hilaritate, & lasciuiæ  
placanda altera. Inter verbenas & tura ho-  
stiarum erit causa certamen, & inde efficien-  
dæ sunt irata numina, vnde mulcentur. Sub-  
mouero sacrilegis prolixam narrationem. mo-  
ras, quas in lucereus accipiet, inter supplicia  
consumat: quia deuenustat referentem &  
alienorum actuum turpitudine.

---

XXI.

IN PATREM QVEN-  
DAM, QUI CVM FILIVM  
à pirata captum redimere non di-  
gnatus esset, ab eo tamen ali pe-  
tebat.

CONTRO-  
VERSIA.  
VIII.

THEMA. LEX. Liberi parentes alant, aut  
vinciantur. cuidam duo filij, frugi & lu-  
xuriosus: piratas vtrique incidere: scripserunt  
patri de redēptione. Pater verò venditis facul-  
tatibus piratas expetiit. cui optio data est,  
quæ vellet, redimeret, quia parū pretii detulisset.  
Ille elegit luxuriosum, quia æger erat, redi-  
mere. qui cū reuerteret, in via mortuus est.  
frugi piratas euasit. pater petit vt alat. ille  
contradicit. Actio contra Quintilianum sus-

scenre

cepta. Ille enim patrem tuetur, nos filium. Rogo, ne arrogantiam putes, qui legeris.

PRÆFATIO. Nunquid fas est aduersus Quintilianum nisi pro veritate dicere? aut immemorem sui loquendi facit auiditas, qui tribuit verba iustitiæ? Fallentes decet urbanitas, dum peniculo fucata mendacij peregrinum decorem laudanda verbo tenus sumit elocutio. Sanè solatio oratoriæ artis æquitas adferatur. eligo pompam, quam probitas defensa parturiet. Procedat contra eloquentissimum virum caelestium fauore munita simplicitas, de fiducia partium nostrarum oritur quod audemus. Vos tantum, principes viri, benignitatem vestram, salua aurium, animorumque cautione præstate: ne coturnus ille sublimior, oris facultate qua præualet, in possessione sua credat esse victoriam. Quid est aliud aduersus eius impetus nos iuuare, nisi peregrinantem reducere post internalla iustitiam?

PRINCIPIVM. Gauderem, cognitores amplissimi, euasisse me pedorem carceris, vincla piratarum, nisi regresso mihi myoparonû loco pater existeret. Quærit à me alimenta, quem nec auro ab hostibus, nec lacrymis liberasset. Putat quod illi debeat regressus eius proficere, quem cum potuit non redemit. Frustra partum beneficio legis imploras, qui factis tuis naturæ iura soluit. Exhibesi victum patribus ius decernit. non est tantummodo sacramentum istud in nomine. Dicat vel pirata, si pater es. Meliorem me fuisse mortuo sæpe cum loqueris, nunquam ostendis esse, cum

iudicas. Viam culparum germani decedentis attendite. ipse magis genitoris moribus paruit, qui prælatus est. ego quo omine vitam meam per extraneos ab istis actus exegerim, declaratum est, cum me pater prædonibus sponte dereliquit. Valida sibi videtur aduersus sobolem argumenta proponere, cum propensio-  
 tiorem gratiam meruisse iactet culpabilem filium, & proximum sepulturæ. Quæso, iudices, pronuntiate quid debeam. Interim clarum est, me & cineribus vitiosi fuisse postpositum. Non erubescit quicquam ab eo auctoritate parentis exigere, in quo esse noluit quod vocatur. Vtinam mihi ad hos usus valetudinem piratarum catena reseruasset! facerem præbitione indebiti alimenti patrem meum pudore captiuum: vt iniustus arbiter de propriæ gemeret iniquitate sententiæ. Cibus enim, qui ab illo præstat, cui nihil boni mereris, exhaurit. ieiuna sunt saturitate sua viscera, quæ non habent conscientiam beneficii antè collati. Nescio quid de duobus filiis homo ille spei suæ residuum putet, qui vnum terræ reddidit, alterum passus est in perpetua raptorum dominatione seruari. Accipiat, nisi confunditur, quicquid exhausta suppliciis mēbra gemuerūt. Nō noui quid senex à debilitato flagitet. interea quod aduerto, sumus ambo passendi. Quid mihi rationem modicæ facultatis adducis in medium? qui vnum redimere voluit, sic substantiam suam vendidit, ne pretium pro utroque sufficeret. Quis infelicitatem meam, quis misérias possit exponere? cui post Cilicas & ipsa, quam resumpsit, esse fer-



tur libertas obnoxia? Dicite quæsumus, iudices, si & in patria mea debitores pronuntiabimur, quid euasi? Addidit creator sanctissimus, dolere me, quòd emisissent vincla germanum. Quasi verò tantum à nobis exigat natura seruitium, vt compenſet erepti fratris hilaritas quòd remansi. Amorem debemus carnis sociis absoluti. credite dicenti manifesta: nesciunt intrare de altero gaudia hominem pro se timentē. Illud enim improbatum more clamat examinis, ditioſorem eſſe quodammodo à quo aliquid poſcitur. Talem technam in supplicationibus fucata ſeruat vrbaniſas, vt vtatur composita humilitate pro iaculis; quatenus commento ſuperbæ abiectiōis nihil ei relinquatur liberum, qui rogatur. Licitatum pro ambobus cenſum teſtatur, quem pro vno conſtat expenſum. expectat geminam gratiam de beneficio ſingulari. Neſcio vtrum querendum ſit, quid cogitauerit; cū apud vniuerſos liqueat, quid fecerit. Exhaustit partium tuarum deſenſiones pirata, qui de nobis præſtitit optionem. teneat quæ ſola deſiderauit ſepulcra de filio pater, qui tantum moriturum redemit. nam qui ſano languentem præpoſuit; denuntiavit ſe horruille victurum. quid de ſuperſtite poſcas, neſcio, habens in conſolatione lacrymas, quas emiſti.

**NARRATIO.** Perpetuò, iudices, honeſtatis culturam & in ætate peccatis amica ſeruaui: ſubtrahens impenſas deſideriis puerilibus, vnde poſſet æui gaudere maturitas. Huius rei frugalitate fecimus, vt remaneret patri,

quod pro luxurioso filio posset offerre. Quid de patrimonij exilitate caularis? si par moribus extitissem, vsque eò perducta res fuerat, vt neuter potuisset absolui. Inæqualis est arbiter, qui proficere voluit alteri, quod nostro pudore condidimus. Quantum adserit paterna districtio, causa nobis diuturnæ captiuitatis probitas fuit. Sanus, diligens, patri fratrique sedulus, talis reduci non meretur in patriam. & nisi extitissemus vna sorte captiui, sorduisset suspitione nostra regressio. æquales calamitate fuimus; sed patris amore distantes. Felix luxuriæ suffragio iuuenis, & antè magnam partem communis exhausit substantiæ, & ipsi profuit quod remansit. Me miserum, & semper paterna iudicatione captiuum! Pro-lusi in pace antè, quod pertuli; & dum recti iter tenzo, indicio parsimoniæ, qualiter inter hostes viueretur, agnouì. Hinc est, quòd cibo, quem ministravit feritas illa, contentus, vixi inter vltima solatio consuetudinis, non humanitate raptoris. Quæro cui me seruauit vsus ille frugalior, si æqui obseruantia patrum meretur offensas?

OBIECTIO. Quid quòd barbarus dixisse se perhibet, Vnius pretium pertulisti debitum semper accipiunt obiecta, responsum. De nulla pependisti auctione sollicitus, aurum quod exhibueras, ante preces inimicorum oculis obtulisti. Dum sic tibi vniuersa procederent, à nullo potuit ambigi, quod sufficeret desiderijs tuis vnius liberatio. Mox tamen vt illa antra repleta squalore mortis intraſti,

quid esses electurus, antequam optionem tribueret pirata, cognouit. non descendit ista de amore trepidatio. nihil ostēdit ambiguum, qui de duobus filiis per omnia signa diligentia, quasi ad vnum venisset, annuntiat. Post egressum tuum fortiores me artauere custodia. diuinitati gratias, si libertatem meam & hinc tuta-uerit, quod euasi. Tua interim ad inimicos vocem videtur emisisse sententia, Nisi studiose quem relinquo seruetur, elapsurus est. Diis ducibus fuga nostra ante oculos hostium locata efficax fuit.

EXCESSVS. Præterea, vt est fandi locuples pater, & viuendi diuturnitate didicit præsentare quod loquitur, callens imponere necessitatem mentibus per auditum, dicit, omnibus in humanitate degentibus cibū esse communem, & ab vno flagitat quod non licet quæquam negare: generaliter allegans, deberi vniuersis quicquid terra produxerit. Sed quando in communem vsum leges triticeam sobolem, & liquorem vineta fundebant, nec viritum tel-  
lus erat distributa cultoribus; nullus inter hostes filium sic reliquit, vt crederetur gemitus prætulisse seruitiis. Ignoro, iudices, postquam elegerit lacrymas, de superstite quid requirat. Sed metum nobis legis obiecit, & quod inter parentes & liberos scriptum est, sibi deberi vult, qui nihil exhibuit de parente. Voluntatem nostram dum cogimur, quærit: & desiderat hoc nos exhibere pietati, quod ipse professus est excusantem non posse negare formidini. Nunquid misericordiae locus est, vbi in-



stat imperium? quod non licet subtrahi, non possumus dicere liberalitate cōferri. clementia nisi ingenua non vocatur. quicquid non dare preualet, ceu intermunus computa, si dedisti. At frequens nobis naturæ iteratio & sanctum creatoris nomen obsistet. Quasi vsura lucis, dono parta cælestium, inter illa, quæ ab hominibus tribuuntur, possit adscribi. sacrilegium est, superiorum indulgentiam semen dixisse mortalium. de sola habet libidine testimonium pater crudelis. Iungit etiam oneribus meis, dum. reposcit solatia destituti; dicens sibi ciuitatem potuisse succurrere, ni redissem. Quid aliud voluntas ista manifestat, nisi vt rursus me pirata suscipiat? si grauis est inempta vsio prolis tuæ; certè vel quod soles magno comparare, meum bustum sine pretio possidebis. ætas quidem pollicetur vitam: sed tormentorum magnitudo, quam acerbiorẽ te digressio pertuli, promittit exitium.

EXEMPLA. Deinde protulisti exempla paterno digna proposito: sed interpretatione viluerunt. quasi ætas cana desiderijs tuis formam, & non imitationem sanctis præstiterit institutis. Quid magni Æneæ humeri ponderis de creatoris fasce senserunt? aut pressit filium corpore, cuius ipse fuit sæpe baiulus actione? Vis scire quia eripi de hostibus meruit ante oculos locatum est quod noluit, ne grauaret, credens sibi sepulturam procumbentis Ilij ruina præstari: & ne procedentem natum vita digniorem senilia membra retinerent, occasum ciuitatis dixit satis esse pro tumulo.

Ille prædonibus euadente filio remanere voluit, remeasti ad patriam tu relicto. Quid nobilia Scipionis pro genitore suo facta commemoras? cum ille pro auctore sedulo dum se obtulit, totum dedit; sed non consumpsit vniuersa quæ debuit. Semper votorum bonorum est causa consimilis; nec discreta sunt studia benignitatis. Pronuntiat quid de filio mereatur, qui eum ad officia naturæ, nisi coactum, æstimat non venire. Vincla, nisi paream, lex minatur. quid refert? Ad hanc me consuetudinem suppliciorum à te procurata formauit diuturnitas; quamuis longa pœnarum tolerantia non faciat contumacem. Miror tamen, nisi quòd effugi de barbaris, pater intulerit. nihil est, vnde declinentur prædones, si fors ipsa sequatur in patriam. vna est, quantum video, genitalis soli & peregrinationis aduersitas; nec dispar amaritudo redeuntibus & captiuis. Nequaquam tamen quid intersit inuenio, nec quæ potissimum ceruices meas catena necet, inquirō. rigentis ferri nexus incurram, aut gulæ vectigal exhibeam, vna conditio est. Ieiunus epulas portabo satiato, & quod est deterius, non amanti. Quantis oblata à me proiciet alimenta fastidiis? quo deuotionem meam iancore calcabit? homo, quem misericordem habere, & dum essem inter extrema, non potui. Ex æquo me & germanum meum redemptionem literis poposcisse denuntiat: paribus absolutionem implorasse lacrymis; in simili epistolas constitutos sorte dictasse. Non renuo, non refuto: habeat

de hac obiectione victoriam. Illud tamen flagito; quæ causa fecerit, vt quod duo poposcerunt, duobus est debitum, vnus acceperit? Pro vtrisque maria intraſti, & liquentis elementi minas, quantum adſeris, pietate duce tranſiſti. Quis de gemina caritate credat homini cum vno redeunti? Nunquam miſericordia niſi periclitata laudatur. quo pudore ceſſante eſſectu prædicatur affectio? Nunquid ſemper ſecretum pectoris innotescit veraciter clauſe ſermonis? pietas, quæ non etiam muta rebus tenetur, oſtentum eſt. Inter omnes homines inconuulſa amor radice ſubſiſtet, ſi valet iſta iactatio. Lex dicit, *Aut alat, aut vincitur.* clamat pater, *Paſtus iſte parenti, vel ſi non redimat, iam debetur.* Ad has te equidem partes, cum ab officio cui eras per naturam obnoxius ceſſaris, armaſti. proficit ventoso munimini, quod genuinæ negatum eſt turpiter puritati. Crede mihi, lex cum parentem locuta eſt, non tacuit redemptorem. hortata eſt, iuſſit, extorſit vniuerſa ſufficienter impleri religioſi operis ſacramenta per nomina. Calamitas mea ſenſus tuos ad huius rei intellectus obnubit. redemptio filij, quæ eſt in diligencia neceſſitudinis, eſſe non potuit in præceptis. Impietatem meam, & in liberatione fratris inuidiam, dum Ledaæ pignora laudas, accuſas. Neſcis, quia ſi inter illos tuæ distributionis proceſſiſſet æquatio, generafſet errorem. nam vnum in perpetuo decore lucis, alterum in iugi noctis poſſeſſione damnaſſet. Mentior, ſi alia iudicia tua ex-



titere de filiis. Quidnam esse censuisti, cum  
vnum nunquam habiturus pirata dimit-  
teret, alium nunquam relicturus quasi pa-  
tre tradente retineret? quicquid post oculos  
tuos in illa ferali terra sustinui, à te pro-  
cessisse non dubito. Spes mihi vniuersa con-  
sumpta est, postquam sine me de solo bar-  
barico redemptor abscessit. Quas naves ad lito-  
ra inhumana tendentes non primus inspexi,  
& quicquid vanescente visione nō sequeban-  
tur oculi, mente comprehendi; quia sagaciùs  
inspiciunt aliquid, qui promptiùs præstolan-  
tur. Quotiens ante aduentū tuum, si quando  
nos lustrare aerem pirata permisit, in extra-  
neis mihi personis pater occurrit, & vidi  
has, quas sibi amor sine mentiendi dedecore  
pingit effigies. His imaginibus diu sollicitata  
corda feriuntur? Heu quotiens renuenti mihi  
cibos, quos pirata præstabat, hac barbarus  
consolatione subuenit, Nil metuas, nil de hac  
afflictione suspires: si creator tuus superest,  
parum à libertatis statione seiungeris! Ecce  
aliquando adfuit fors cupitis. alacer mihi  
aduentum istius & prædo nuntiauit. Non  
longè fuit ab integræ amore clementiæ, qui  
redemptorem latus excepit. Non habuimus,  
iudices, dominos inhumanos: fuerunt qui  
potuissent & prece molliri. si auri inopiam  
compenassent lacrymæ, vno tempore  
vtrosque reduxerat. testatus est noluisse fieri,  
quod non est magno precatus impendio. Ex-  
pendite, quæso, quid à me iure postulet, qui

mihi in vltimis nec supplicatione subuenit. Adiecisti, quòd priuilegijs naturæ munitus sis, & quod in me deliquisti, non liceat vindicari. Sed non habet innocentia prærogatiuam, qui defensionē suam locat in apice. Insons actionis luce niteat. citra dissimulationem crimina confitetur, qui in hoc tutelam suam æstimat quod præcedit. reos nulla defendit auctoritas: in facinorosis sacramenta nominis euanescent.

EPILOGVS. Et hoc, sanctissimi cognitores, ita post custodias latronum alio labore pectoris allegaui, quasi & si essem debitor, valerem exhibere quod poscitur. Non considerat spoliata carnibus ossa, dominorum inhumanitate sordentia, & patefacta per carnifices naturæ secreta non respicit. In corpore meo in lucem quicquid homo est protulerunt tormenta: & penetralia viscerum instante cruciatibus barbaro, cūm pater mihi dedignaretur adesse, vulgata sunt. Modum transit atrocitas, quæ vel in debitis exigendis nō principe loco vires interrogat. Tu cūm videas ætatis in me valetudinem miseriarum fasce mollitam: cūm æui robur multiplicium calamitatum varietate contritū; cūm & necessitates senectæ habeam, & inuidiam iuuentutis; non à me desistis poscere, quod & hostis remisisset exhausto. Tu accipies tributariam functionem; & adhuc me magnitudine nominis, & genio parentis incessis: cūm miserationem, quam debes cuicumque homini, despicias exhibere vel pignori. Superna dispensatio hac intentionem

tuam mercede locupletet, vt rursus proliſtue funera votiua respicias; & qui grauaris de viuaci præſentia, deſideriorum ſummam capias de ſepulcris.

XXII.

PRÆFATIO.

**C**Opioſè quidem egregius adoleſcens inuentorum ſuorum diuitias in ordinem digerens, verborum quoque vbertate ditauit, & quæ pro religione eſſe credidit digno reuerentia ore deprompſit. Sed procul opinionis inſidias. ceſſent malignorum commenta tractatuum. Nos contra Aratorem dictio- nis pectus opponimus. Sed nec erumpentem in lucem laudis palmitem inimica falce trun- camus: ſed quem verborum callem ſequi debeat demonſtrantes, ſcimus in illo nobis clariùs, ſi eum præferri contigerit, triumphan- dum: quia de noſtris hauſit, quicquid Deo amplificante de ſcientia opum largiùs effu- derit.

**THEMA LEX. DE CAPTA  
CIVITATE HOSTIVM SACER-  
dotes & Vefiales virgines liberi di-  
mittantur.**

**P**oſt ſecundos bellici certaminis euen- tus, inter triumphos & laureas vi- res habere non poteſt lex ad reſiſtendum

CONTRO-  
VERSIA.  
IX.



recitata victoribus. Quid gladiis per affectionem mortis egimus, si erit quod post praelia formidemus? Iacet ante oculos meos quicquid hactenus minabatur exanimus: & postquam fusa est inimica congressio, nescio quid nobis afferunt defunctorum Principum decreta terroris. Nescit probatae qualitatem virtutis expendere, qui de chartarum frano superbit armatis. Acquiescant istis inertia corda repagulis: ego quicquid mihi licentiam tollebat, ense dispersi. Illud tantum potest nobis quisque negare, quod nolumus. Illum contentus sum habere terminum, ad cuius me transgressionem desideria non vocarunt. Mihi quicquid praevaluerit habere lex tribuit. Otium & toga denegantes aliquid ferant: mihi totum natura peperit, quicquid in procinctu constitutus extorsero. Sola nobis scripta iura sunt, nil timere. Et haec quidem auribus vestris, quasi bona esset formula, quae obiectabatur, asserui. Nutrix tamen viro- rum fortium lex, vindex libertatis, patriae munimentum, iubet post certamen heroas suos recidiuam intentionem habere de praemio; & gestis non contenta felicibus, dum tollit sudoris pretium, frangit studia dimicandi. Ergone bona sint praecepta, quae ne boni efficiamur occurrunt? Quaecumque fructum adimunt laborum, censores prudentissimi, de aliena nos facultate castigant. Nun-

quid æquum est habere valetudinem, sanctiones de externo iure conscriptas? aut videtur rationi vicinum, spem de futura possessione præcidere? Quid nobis religionis in sacerdotum personis opponitis? Deo duce, quem in illis veneraris, obtinui. Cuius intuitu desideras eos de iugo nostræ feruitutis euadere, ipsos noueris teneri illo imperante captiuos. Contra superos nititur, qui quoscumque illorum sententia prosternit, extulerit, quos festinas eripere, nequaquam fuerant effecti hominum, si meruissent ministri esse cælestium. Ecce tecum de sapore legis, quasi non habeam quæ responsi loco obiciam tela, contendo. Quam iustitiam putas in illa iussione, quæ ut hostem fulciat socios imperia propagantes addicit? Tolle spem prædæ, tuisti vota certaminis, & si defrudatur genius laureati, ad poenitentiam rediet, quicquid contemptu lucis expetiit. Facessat à prudentibus equitatem huiusmodi non dico lege, sed tyrannica inscriptione requirere, quæ ingrata numinibus, inimica virtuti, contra fas & iustitiam pugnat mentito colore pietatis. Nescis, loquacissime hominum, quam iustus dolor de amissa laboris fruge nascatur. Hoc est dicere, quicquid Diis ductibus acquisitis, eripimus. Vbi urbem inimicam quasi vno incendio senescentem, & illas cælicolum sedes desertas & spoliatas diuinita-

te prosterni: & putas remansisse quicquam, quod non debeat esse victoris? Quid quod ipsa friuola et inanis constitutio obscuritate confunditur? Dicit enim; Sacerdotes vel Vestales virgines debere libertate gaudere. Credo illos nominat, in quibus domicilium suum esse cæli habitator ostenderit, quos maiores esse hominibus ætherius fauor sua luce signauerit. Indicit eorum reuerentiam, quos agnosci volunt diuina Pontifices. Vidimus miseros, quos tuetur iste, inter fauillas lapsæ urbis de sola expectantes lamentatione præfidiū; & nihil habentes fiduciæ de proposito, inter turbas captiuitate pressas errare. Non illis erat diuinus splendor in vultibus; non quæ officium nunciaret hilaritas. Nesciunt inter aduersa turbari, quibus in sæculi tēpestatibus de innocenti conscientia portus occurrit. Vidimus afflictiores cæteris trepidantibus, quibus nuda nomina lex ridēda cōcedis. Quis remansit locus in meritis, si sacramentum istud solo restat in titulo? Dicit credo aliud, aliud esse Pontificem. Vidi sæpe ante confectas ieiunis facies directa in iugulum tela cecidisse, et retusos ab inermibus gladios rigentem perdidisse naturam. Si creditis religiosa dicturo, non fuit templorum minister, qui inter qualibet discrimina humano eget auxilio. Scit supremus arbiter possessionem suam noua luce vestire. Non latet cælestis illa permissio; & quamuis humanæ fragilitatis tunica vestitur, effulgorat. Quid quod ipsi parati ad famulandum veniunt, qui trahi ad seruitia non



merentur? Hac extremitate qui in dignus est, non rebellat. Occurrunt ad obsequia, quorum mens est digna culminibus: et peruicaciam mortalitatis eliminant, quos nefas est ad inhonestam constringi. Isti tui pericula, si nequaquam absolui mereantur, intendunt. Non possunt subtrahi hominibus, quos non intelligimus quicquam amplius habere de hominibus. Iuuate me, socij, iuuate consortes: & garrulitatem impugnatoris mei auxiliante veritate comprimite. Agitur res, de qua quid senserit superiorum sententia, iam tenemus. Addicantur immeriti, vt bonos possimus habere Antistites. Instituantur per istos, quos suos esse non conciliatrix fabula, non incerta defensio, sed ipse summi Dei fulgor enunciet.

XXIII.

IN ABDICATVM, QVI  
PATRE NECATO MATRI  
quoque insidiabatur.

**P**ostquam, iudices, abdicatus filius in iusti executionem doloris, patris factum, matris consensum, gladio vindicauit, turbare se æstimat innocentiam cognitorum, & aliquid de manifesti facinoris absolutione surripere.

CONTRO-  
VERSIA. X.

Nescimus quæ in defensione sui verba commentatitia sceleratus inueniat, ad cuius nos confutationem vulnus ostendimus. Malo perseverantiae perditus filius, postquam necauit patrem, opinionem matris contendit extinguere. dolens quod euasimus pugionem, telo famam insequitur, cui pro sexus verecundia plus timemus. Nos ruptum patri nos scelerati iter ostendimus. Ille contra verba non pœnitet. Ne quod nobis fidum videatur extitisse subsidium, ad sententiam suam traxit paruulum nostrum, quem fuci nescium fabricata verborum arte subuertit, faciens & illum perire, qui putabatur esse residuus. Quid prestigiis nudam desideras velare iustitiam? nec odiosus parcere potuit, nec quem mentiris amasse, percutere. Nunquid argumentis opus est, ubi factum suum propria voce veritas testatur? perdidisti spem defensionis, cum genitricis ferro membra describeres. Sed licet procurator formosus & nitidus, nos ad hæc inspicienda oculos non habemus.

## XXIV.

DICTIO EX TEMPORE,  
 RE, QVAM IPSE DE VTE-

## THEMA.

*Persuadens pelago Diomedes, tutus in armis  
 Naufragum deslet, quod sine lymphis fuit.*

*Quam*

*Quam propter Varios contendens vicerat astus,  
Vxor ad alterius transfierat cōpulam.  
Causa querelarum simulato nomine vera est.  
Huius Verba, precor, comite vos placidi.*

ADLOCVTIO.

**O** Numina, si vobis non eueniunt cuncta disponentibus, diuisa potestas est, aut & malorum estis auctores. Quod si humanarum rerum quenquam ex numero vestro cura sollicitat; felicitatem mihi redeuntis tribuite, aut errorem, quem finistis ingrati. Si cælum vocanda piorum possessio, si propter momenta lætitiæ mortalibus orata tribuuntur; nolite beneficijs vestris sociare vindictam. Cur taliter ad affectum vota tetendimus, vt pararetur cælitum suffragio de occasione prosperitatis aduersitas? Reddite, quæso, propitij incommoda quæ tulistis. restituantur pelagus, ne terreno pereat fama naufragio. Secundis rebus proximum est, quæcumque accesserint mala nesciri. Ignominia, quæ me in facie perculit, non tetigisset absentem. Vxorem, pro nefas! nisi ad eam rediissem, amisisse non crederet. inflexit statum meum abiurata calamitas. Stationi propior fuit liquentis error elementi. portum in genitali solo perdidit, quem sæpe in vasti gurgitis sinibus adquisiui. Hæccine est domus optata, cuius desiderio periculorum promittebarur obliuio? cū spe sequentis gaudij præsens male-

ETHICA I.



rum poterat forma nesciri? Cui vnquam de miseriarum terminis sunt nata principia, aut de perfunctis casibus euenit exordium? Aliquando optata contigit non amari? aut accessit, vt hominem læderet fuga discriminis? Me nouis semper pessima iētibus fortuna perculit. cuius si in deterius vergit mutatio, simplicem nocendi seruet speciem, ne successionebus insolescat. Vxorem, malorum comites, habui ad pudicitiam naturæ luce transmissam. cui splendor oriundi creuerat institutis: vt gemino defensa propugnaculo nullatenus facinorum crederetur iētibus subiacere, nec dura castimonix obscenitatis euisceratione mollire. Illa nunquam fuluum metalli quæsiuit ornatum; nec pretiosorum candore lapidum niuem corporis imitata est. non vlla habuit decoris adiumenta, dum placuit. sciuit coniugalis iura sacramenti fucatis studiis non iuari: nec obligatum tenuisse coniugem, quando alium præter eum, qui descendit à moribus, quæsiuit nupta fulgorem. Mansit illa educandorum pignorum seruitus libera, dum talem se præbuit, quæ & desiderari meruerit, & virum nunquam putaret absentem. Illa sexum mentis firmitate durauerat; dum illa muliebris imbecilla consilij de virili ceperant auctoritate substantiam. Iam lapsibus ordinis sui doctrina medicante repugnabat, & translata in vsus alteros fœminarum ridebat excessus. In summa, talis perijt, quales solent à maritis lacrymas impetrare. Circa, vt

aiunt, poculo à se translata est, & in votum  
migravit adulteri. Sed quid agamus inter an-  
xia & incerta deprehensi? Recipiat nos pro re-  
mediis exosa nauigatio: lassatæ manus ruden-  
tibus stuppea rursus vincula meditentur. hæ-  
reat clavis dextera, vt frænata puppis per gu-  
bernaculum iura moderetur. depictus sideri-  
bus axis reddatur aspectui: dispositionis no-  
stre itinera noctium dirigantur indiciiis. Sit so-  
latium luminibus meis, si profanati non  
videatur terra coniugij. fugiamus patriam, in  
qua tale effectum est matrimonium nostrum,  
quod & amisisse pudeat, nec audeant vota  
recipere.

XXV.

VERBA THETIDIS,

CVM ACHILLEM

videret extinctum.

**I**Ntercepta est pio quæsitæ fraus materna  
consilio. Inuenerunt Achillem nostrum fata  
& ab alia natura subreptum: nec profuit  
quod sexum, quem ei origo dederat, astu-  
tia commutauit. fœminam diuturnitate non  
didicit, & viri fortis animû mollis consuetu-  
do seruauit. Quis credat inefficacẽ fuisse pro-  
uisionẽ, quã & Dea & mater inuenit? Non est  
præmiû immortalitas, quã nec genitrix trans-  
mittit ad sobolẽ, nec per eã quod filiû casibus  
furetur occurrit. Vt nunquã dolorib. subduca-

ETHICA  
II.

mur, numina sumus. Quæ est ista conditio quando de penetralibus viscerum nostrorum quod leto seruiat exhibemus? Cælicolũm potentiam aut liceret posteritati conferre quod possidet, aut caris decedentibus pro lamentationis termino daretur occumbere. Inferiores hominibus sumus, quibus similes paremus: in hoc deterius Parcarum ludibrio subiacentes, quia nescimus exitia pignoribus obligatæ. Superiorum maxime, aut profapiem nostram subduc fortuitis, aut nos pro beneficij collatione submitte. Liceat pro caro, si non vincimus interitum, vel subire. Stat ante oculos meos orbitas, idcirco deterior, quia illam pro æternitatis meæ sublimitate præsciui. ô lugendam numinum felicitatem, cum illud, quod de aduersis ignorari non licet, non donatur auertere! Recordor præteriti sollicitudinem temporis, & curas meas, quibus nequicquam inuigilaui, reminiscor. Quid profuit Stygiæ paludis auxilio nati corpus armatum, dum illud quod à nobis sumere debuit, quæreremus à gurgite? In membris prolis nostræ, quem Dea tenuit, locus est vulneris. Cur non laxioribus digitis lympa se miscuit, ut ex toto exclusisset ictus superis vnda sublimior? quid etiam iuuuit Chironis elegisse magisterium, qui ætatis lubricum doctrina solidaret? Credo diuersis institutionum callibus, ut bellum filio placeret, inuenimus. apud monitorem fortissimum actum est, ut vires quæ sequebantur, consilia non haberent. Quis miscendum seminarum late-



bris virum saporem vellet haurire certaminis, & inde prouideat pignori, vnde facit perire, quod prouidet? Iam duratas spiculis manus ad calathos frangebamus, & illos humeros, quos spoliati leonis terga calefecerant, auro distincta vel murice palla claudebat. Non facilis transitus fuit, iuuenem nostrum puellam post gustum laudis imitari: nec astutè componitur, quod non in teneris ætatis primordiis imperaui. Sed quid transacta recolo, cùm animum futuræ calamitatis pulset immanitas? Video Troiæ fumantis excidia, & statu eam manente subuersam: video Hectoris prælia acerba Graiugenis. qui idcirco creuit opinionibus, yt soboli meæ, dum occumberet, triumphus crescat ad pretium. raptatum quadrigis adhuc bellaturi corpus agnosco, & Achillis mei minui commodis, quod de pondere decrescit extincti. video, quod iræ proficit, perire compendio. Sed quid his laudibus pascor orbanda? reliqua silentiò tegam, ne ante doloris tempus narratione cõficiar. Habeat consolationē de taciturnitate æternitas nostra, quā non habet de natura.

XXVI.

VERBA MENELAI, CVM  
TROIAM VIDERET  
exustam.

ET si grauibz dolorem meum raptor inflammavit incendiis: & si pertulimus fa-

M iij

ETHICA  
III.

ces iniuriæ: debito tamen rogo immensi auctoris sceleris cum coniuncta sibi vniuersitate consenuit. Pene felix contumelia est, quæ talem meretur, & si cum maximo sudore, vindictam. Quis respuat suscipere necessitatem, triumpho termino concludendam? sapor sequentium amaritudinem rei præcedentis excludit. dulce sit quod dolumus, quia doloris nostri pœnitet prouocantes. Abductæ mulieris turpiter occasio, nostri extitit mater augmenti. peperit à nobis sequestrata vxor imperium: & de adulteri complexibus nobis edidit patriam, quam tenemus. quiriferunt cælibem, videant superba hostium colla calcantem. Habuimus coniugem honestis per longum moribus institutam, alieni ignaram contubernij, quæ non optaret desiderare, quod non licet. Non illam vsus præcipitavit in vitia; sed scelerati prædonis impulsu secuta est Paridem voluntate captiua. Nunquam ad hoc illam erexit forma conscientia, vt se crederet adamari: quia vt confidimus, turpissimis sunt moribus quæ pulcras se esse meminerunt. Talis ultio decuit magna peccantem. funditus procubuit, qui sibi venerandæ sumpsit culmen vxoris. Talibus vttere, adulter hyemeneis. His te Aleæto pronubum sectatur insignibus. & placari nos sic conuenit, & Paridem sic perire. Dictauimus matrimoniorum iura non sermone, sed gladijs: præsumptionum segetem vltrici falce vastantes. Multis ad conseruationem proderit, nos perdidisse

coniugium. Dicite, quæ vbiicumque accepi-  
stis nomen vxoris, si non quotiens vitia subri-  
puerint, Menelai & nomen, & virtus occurret.  
Quibus non est in studio pudicitia, erit, ni  
fallimur, in necessitate: & par per omnes di-  
sciplina seruabitur, vbi vnâ formam &  
volentes custodiunt, & coactæ.

XXVII.

VERBA IVNONIS

CVM ANTÆVM VIDERET

PAREM VIRIBVS

Herculis extitisse.

**T**Andem aliquando qui iudicio nostro  
responderet inuentus est: qui de inimi-  
co nostro, & dum vincitur, triumpharet.  
Herculeæ vires, nisi eliserint, non iacebunt:  
quem prouidimus, & de casibus est super-  
bus. Stat propriis magnus viribus: sed  
erit maximus per ruinam. Nescio vtrum  
Hercules valeat par esse, vel si An-  
tæum non liceat vlla ratione prosterni:  
at si hosti nostro blanditur aduersitas,  
nos ad laureas peruenimus. Scimus fu-  
tura, sed conuenit superos loqui quasi  
humana mortalibus. Prouideat Hercules,  
quid eligat esse faciendum. Vincendus est  
congregiente inimico: vincendus est & ia-

ETHICA  
IV.



cente. Qui venena lufit in cunis, qui pacauit Erimanthi nemora, qui ceruam velocitate præceffit, optionem habeat, quid fequatur. aut hoſtem periturus deiiciet, aut ſi certamen metuerit, cum ſuis cautibus iam ſepultus. Lernaum periculum, niſi fallor, oritur de conſummatione certaminis. Quis non credat nihil ſuperelle. quod peragat, cum humi fuſus adſpicitur? At noſtræ partis intentio de oppreſſione ſuſcitabitur: & augmentandi roboris cauſam feliciter pro inimico perfuncta res ſuggeret.

## XXVIII.

## VERBA DIDONIS CVM

ABEUNTEM VIDE-

RET ÆNEAM.

Nec tibi diua parens generis.

ETHICA  
V.

**Q**uantum docet inclementia, perdidisti testimonium generis, quod opinione mentiris. Conſtat Veneris non eſſe filium nil amantem. ordo rerum eſt, vt proſapiem mores adnuncient, & quo quis auctore in lucem venerit, eius facta ſequetur. Diua Idaliæ neſcientem reſpondere beneficiis non agnoſcit. Non fama filios, ſed conuerſationis monſtrat æqualitas. ſi diuerſa ſit conſcientia, vix credenda eſt eſſe ſoboles quæ vocatur. Te potiùs Caucaſei rigoris prærupta genuerunt, aut

conceptum, in recessibus montium saxea al-  
uus effudit: & ne dira nutrimentis natura  
mollesceret, eripientes salutem Cytheris  
Hyrcaenæ tygrides alimenta præbuerunt. nu-  
triuisti te illa feritas, quæ trucidat. Nam quid  
mihi dissimulatione pollicitor? aut quid spe-  
rando meliora sustentor? Non reddidit fletibus  
lacrymas, quas eius amore torta fundebam:  
non gemitus meos proprijs mens cruenta est  
consolata suspirijs. In doloribus meis,  
quod vnicum est remedium, non exhibuit pari  
dolore collegam: quia pene solus est in ætate  
terminus inuenisse participē. Sed quæ elo-  
quar nescio, quæ relinquam. Hæc nec dexter  
Iunonis oculus, nec summi tonantis patietur  
adspectus, ut pro tot impensis sequestratione  
consumar, nec aliud pietate promouerim, nisi  
ut merear non amari. Heu fides ab vniuersis  
proturbata mortalibus, & quod hætenus nu-  
minibus homines iungebat expulsum! Su-  
scepi miseranda naufragium, & eius ditioni  
reginam subdidi manente felicitatis sorte ca-  
ptiuam: feci ut ageret dominum profugus im-  
perator. Nunc furore succensa discrucior,  
quare possessor me deferat, ingemisco. Ergo  
Apollinis vocatus auguriis abscedis, & sortis  
Lyciæ casum certis & apud te iam manentis  
præponis imperiis? Scilicet cælestibus cru-  
delitas ista procuratur auctoribus, & inter-  
pres superiorum ad hos hominem compellit  
excessus, ut diligentis litora quasi solum ho-  
stile diffugiat: ut per tempestates salutem  
prodat, qui solum fugit affectum. Vade, vltē-

rius non morabor. Habet vindictam mei via,  
 qua deferor. habebit pelagus in furore iudi-  
 cium. raucos tumentium procellarum æstus  
 exaudiam. vocabis inter pericula Didonis  
 nomen, quæ & fuit portus, & præbuit. aut  
 certè, quod timeo ne dum vindicor me vi-  
 uente moriaris, euentum expetita naviga-  
 tionis post vsuram lucis agnoscam. Vide sce-  
 leribus indebitam mercedem. perire innocens  
 antè cupio, quàm merentem.

*Durus & indomitus Veneris se semine cretum  
 Iactat, & abiurans collaudat stemmata Diua.  
 Edidit ergo Venus fugientem nomen amoris,  
 Pectoris & rabidi fudit clementia virus.*





MAGNI FELICIS  
ENNODII  
EPISCOPI  
TICINENSIS  
Carminum lib. I.

---

I.

ITINERARIUM BRIGAN-  
tionis castelli.



Elfior astringerum Titan con-  
scenderat axem,  
Lampade cū plena totus  
in orbe patet.

Flammiger ardenti sorbebat  
flumina Cancro,

Cū segetē messor falce domat propriam.  
Siccatur dū fōte bibens, dū mundus anhelat:

Iussus in occursum Gallica lustra sequi,  
Torrida non timui quæ vincunt arua Syenem.  
Pulvis, flamma, sitis, dos fuit obsequio.

Quid iubar, & validos renouas mihi, Musa,  
vapores?

Plus erit argentes me superasse vias.

Quidquid plana calēt, quidquid sublimia rīgent  
Frigo ribus, passum dic sine lege poli.  
Bellum naturæ, quod discors fecerat annus,  
Æstatem atque hyemem detulit vna dies.  
Indutum nebulis canas superare pruinas  
Edocuit Vates feruidus imperio.  
Presserat æstiuo corpus sub fasce lacerna,  
Vestitus tenui tegmine nudus eram.  
Cū fugit ex oculis constanti tempore tempus.  
Lampada nam Phæbi dux fuit ad glaciem.  
Optanti brumam deuoto contigit horror,  
Quæsitusque calor nil dedit indicij.  
Matronas taceo, scopulos atque inuia dictas,  
In foribus blandas, cætera difficiles.  
Illexit miseros facies depicta viantes,  
Calcatae diras mox peperere neces.  
Nominibus proprijs nil fallit sacra vetustas,  
Tot leti formas sic vocitare volens.  
Scrupea descissis pendebat semita plantis,  
Nec visu facilis, credite, callis erat.  
Quid labyrinthæos priscorum fama recessus  
Inuoluis linguis, quod timeat relegens?  
Illic artificis laudandus constitit error,  
Cū torsit rectum Dædalus ingenio.  
Hic natura homines per summū portat Olympi,  
Quò liquidum tranans ire columba valet.  
Parcite, Pierides, pelagus fluuiale silendo,  
Ne reparet sermo, fors bona quod pepulit.  
Duria nam Sessis, torrens vel Stura, vel Orgus  
Marmoris Ionii sæuitiam superant  
Dulcia cū variis succedunt læta periclis,  
Effectus rerum cor solidare solet.

Nil mihi cum dubiis, profunt obliuia tristi:  
 Ebria lethæo pectora fonte fero.  
 Limina Sanctorum præstat lustrasse trementem,  
 Martyribus lacrymas exhibuisse meas.  
 Ecce Saturninus, Crispinus, Daria, Maurus,  
 Eusebius, Quintus gaudia magna parant.  
 Octaui meritis da Aduentor, redde Solutor,  
 Candida ne pullis vita cadat maculis.  
 Hostiles laqueos scindat mens conscia recti:  
 Hoc semper placeat quod decet, hoc liceat.

II.

DICTIO DATA DE VTERIO

V. S. GRAMMATICO.

NOMINE IPSIVS

EVGENETI V. I.

mittenda.

**G**Audia transcendunt vires, vox lata superbit,  
 Ingenij maciem prospera non metuunt.  
 Dulcia temporibus famulantur fila secundis:  
 Quod felix meruit, nobile carmen erit.  
 Vox iusti Quæstor, legum substantia, nobis  
 Ceu Phœbus mittet tympana, plectra, lyram.  
 Docta Camænarum coeat pia turba sororum,  
 Offerat arguto pollice quod loquitur.  
 Turgida fatidici vix possint pectora vatis  
 Virtutum species enumerare tuas.  
 Tu decus Italiæ, spes tu fidissima recti,  
 Fax, tuba causarum, purpura nostra vale.



Luminibus locuples solem te Roma vocant

Celsa, Quirinali suscipiens gremio.

Eloquiolyncem, tu subdes voce leonem,

Melle tuo serpens gutturis arma premet.

Fœtibus orbata ferrent tibi munera tigres,

Quæ dolor & feritas aure pauente daret.

Te pene demissum ceu florem dextera fati

Dum lacerat, Christus perculit exitium.

Reddita se melius nunc vincit vita beati,

Actibus asseritur quod venit à superis.

His fretus, non legatos, nec verba precantum,

Callida fucatis artibus elicui.

Ipse ego, mendicæ transmittens verba Thalix,

Donum more Dei te precor vt tribuas.

Hortulus exigua sociatus parte retardat

Spem solidam, fieri ne merear dominus.

Hanc mihi largiri non spernas, lumen honorum,

Sic voti compos sæcula nostra colas.

Sic te regnantis sublimet celsa potestas.

Sic currant meritis aurea fata tuis.

Amphion Dirceus tetigit quod pectine, vixit;

Nulla mori rerum tunc animata potest.

Commoda de Musis nunquam fluxere tot annis;

Affectu pretii quas mihi concilia.

## III.

## PRÆFATIO NEPOTIBVS

## PROCVLI DICTA

SVB DIE XV.

kal. Mai.

**E**Xprimit in spicam tellus iam fœta papillas,  
 Lacte maritatis turgida cespitibus.  
 Stringitur in prolem sparsus per gramina succus,  
 De guttist faciens progeniem solidam.  
 Vestitus gemmis protendit brachia palmes,  
 De gremio ligni pampinus ecce viret.  
 Inssa per augmentum nunc syluam perdere vites  
 Frugibus vt crescat, vulnera conciliant.  
 Euocat, inquit gaudens infantia mundi.  
 Nutricem, tepidi quam dedit aura poli.  
 Ludit per faciem camporum rustica pubes,  
 Respiciens duri dulce laboris onus.  
 Annus reptat ouans tractus per murinura veris,  
 Fracta locuturis mella ferens labiis.  
 Cum rebus noster balbutit carmina sensus.  
 Aurea principiis dextera portet opem.  
 Blandior ad falcem messor perducit aristas,  
 Si rastris segetem pectere continuet.  
 Nunc stirpẽ Proculi dans vernũ suscipe, Doctor;  
 Ne feruor teneros decoquat immodicus.  
 Seruentur leges; ceu census littera currat.  
 Horum Pindareus flumina vicit auus.  
 Docta Camænali cecinit qui carmina plectro:

Cuius Apollinei nil tacuere chori.  
Phæbus in auxilio repetat mox fortior illum,  
Artis nobilitas Marsia si veniat.

## IV.

## EPITHALAMIVM DICTVM

MAXIMO V. S.

## P R Æ F A T I O.

**A**Nnus sole nouo teneras dum format aristas,  
Natura in thalamis orbe repente sedet.  
Pingitur & vario mundus discrimine florum;  
Vna soli facies, gratia, cultus, amor.  
Arbuta vitali coalescunt vda vapore;  
Ignea concretus semina succus alit.  
Erigitur genio tellus tumefacta marito;  
Torrida lasciuis sylua viret spoliis.  
Lactans cespitibus in nodum truditur herba,  
Vitea gemmatos brachia dant digitos.  
In rerum cultu lex iungit pronuba tædas;  
Aura poli vt sponsum germina cuncta facit.  
Ergo pari voto lux, cælum, flumina, Nereus,  
Montes, prata, feræ gaudia concipiunt.  
De te quod vernat sortitur, Maxime, mundus;  
Et naturalem dos tua comit opem.  
Cui sanguis, census, genios, mens, vota superstât,  
Musarum primo sulca supercilio.  
Sæcula te fidei monumentum nostra dederunt,  
Corporis & cordis virginitate parem.  
Vincentem meritis spon'am dat candida vita:  
Quæ cum te superat, sic tibi palma venit.

Huic



Huic niueis concors arridet flamma labellis,  
Alba vere cundas spargit in ora notas.

**A** Dsit oro fons loquelæ voce, mente, pectine;  
Ars, nâtura, Musa, Phœb' quæ tumet faciûdia.  
Vile nil decet sonare in Maximorum laudibus:  
Conterunt Phœbeia celsum sæpe dicta verticem.

**O** Rbe captiuo Venus alma fufis  
Dotibus florum per amana ludens,  
Dum facit vernum pretio & micantis

Sidere formæ;

Sptenit aurati decus omne pepili,  
Aduenæ pompam nôluit metalli,  
Ditior cultu stetit effugato,

Sparfa capillos;

Nobilis si quod bibit arte virus  
Lana, mentito potior colore,  
Dic & algentis pelagi lapillos,

Nuda superstat.

Fulserant raro sub hiante filo  
Pectoris gemmæ in roseis papillis.  
Inuidum membris abigens amictum

Altera lûx est.

Proditum risit sine nube corpus,  
Carcere irrupto nituit serenum:  
Quôdque seruabat malè tuta vestis,

Proditur arte.

Aliger laxo remeabat arcu,  
Marcidam damnans otij pharetram,  
Sanguine in nullo madefacta latus

Spicula geltans.

N n

**T**Vnc sic alloquitur matrem fluitantibus armis.  
Perdidimus, genitrix, virtutis præmia nostræ,  
Iam nusquam Cytherea sonat, ridetur Amorum  
Fabula, nec proles nascenti sufficit æuo,  
Frigida consumens multorum possidet artus  
Virginitas feruore nouo: sublimia carnem  
Vota domant: mundus tenui vix nomine constat.  
Primæui tremulos fractis imitantur ephebis.  
Rara per immensos sæclorum, respice, campos  
Coniugij, messis. per flores sola vetustas  
Exerit albentes iciuna & pallida canos.  
Vna fides rerum nulla dulcedine flecti,  
Et si quid teneros potuit transducere mores,  
Præceptis calcare malis. seruator vbiq̃ue  
Iustitium: culpa est thalamos nominasse pudico:  
Tu remissa iaces, & tanti nescia iuris  
Nuda per effusos respectas membra capillos.  
Surge, age, & obstantē properanter discute somnū.  
Nec te, quod turpe est, captinum numen habere  
Iura pudicitia, vel lex male suada putetur.

Talibus arsisent dictis & viscera ponto.  
Colligit in nodum passos lux aurea crines,  
Et naturalem concludens veste decorem,  
Mutauit formam. Tunc quicquid fulget iaspis,  
Quæ viret in pretio pasturæ ficta smaragdus,  
Et latet in conchis melior custode veneno  
Alba venit, niueum sumptura ex corpore lumen.  
Palla per accinctos decrescit splendida lumbos,  
Et zona teneras compressit dura papillas.  
Affatur natum, Quem, spes mea, figere tentas?  
Quem sequimur? quoue ire iubes? post otia maior  
Flamma decet. discant populi tunc crescere Diuam,  
Cum neglecta iacet. Superos nil perdere somno.

Ostendant geminis reparata incendia curis.  
Maximus ecce, vides, generis spes vnica summi,  
Dulcibus illudit per longa obliuia tædis.  
Sectatur matrem, quæ cælo purior ipso est  
Fœmina, quam scimus mulierem vincere mente.  
Hic domuit puerum, inores fortitur auorum,  
Quod pudet hæu, longò nobis nescitus in æuo est.  
Huius ad abstrusas veniat mea lampada fibras:  
Suspiret, cupiat, discurrat, ferueat, oret.

Hæc ait, & sobolem fotu complexa benigno,  
Mollia mellitis artauit ad oscula labris.

Ille volat celeri tranans per nubila vento,  
Omnia lasciuo socians elementa furore.

Vt stetit, & iuuenem formæ conspexit in ostro,  
Tunc Dionæum tumefactus despiciens inquit.

Huc Venerem culture veni, qui tardiùs arsit,  
In multum calet ille rogos, celeresque fauillas  
Restituet quæcumque pyræ subducitur arbor.

Deprompsit iaculum, quo Diuos fixerat omnes.  
Tum pulcher teretem flexuram perculit arcus:  
Singula diuerso traxerunt brachia calle.

Pennigeri vultus præsentet dextera fatum.  
Moxque ferit, læto factum clamore salutans.

Ille ego, qui trepida semper contemptus adhæsi  
Visceribus fugitiue tuis, hac victima matri

Litamus, multis quam tu non suspicis annis.  
Ecce iterum magno rimatus sanguine cretam

Quam thalamis iungat, cernit sublime puellæ  
Sidus, & attonitus ad matrem lumina flexit,

Germaniam credens collaudat nobile furtum.  
Sed teneram leuiore ferit puer ille sagitta,

Inque virum totos contorsit fortior ictus.  
Post hæc digrediens permulcet pectora dictis.



Nostra tuas, iuuenis, confortent vulnera vires.  
 Nam quicūque mea est percussus cuspide, crescit.  
 Hæc faciunt multos, si credis, bella nepotes.  
 Sis felix, semperque feras mea vulnera tecum.

**N**Vnc me Pierio favore iutum  
 In læta, proceres, locate fronte.  
 Sustinent gracilem per omne carmen,  
 Qui doctum faciunt benignitate.  
 Quod nunc ingenium premunt pruina,  
 Distendat refouens decore verum.

## V.

## ITINERARIVM PADI.

**I**ngenij cultor, fons oris, copia linguæ,  
 Humor Castalius veniat, quo Thracius Orpheus  
 Naufraga diffusor succendat pectora fluxu.  
 Adsit, & arentis coniungat cordis hiatus.  
 Eridani dicturus aquas, nisi flumine largo  
 Sicca Pegasæo pertundam membra liquore,  
 Torrida ieiuno vix stillant verba relatu.  
 Vndarum cumulos vt narrem, suggere lymp̄ha.  
 Quā bene pādīt aquas, cui blādus inurmutamnis  
 Anni tempus erat, quo vernat mitibus vuis  
 Palmes, & autumnī proponit dotes in orbe.  
 Imbribus externis madida cū veste Lyæus  
 Distendit tunicas vuarum carcere multi.  
 Vberibus pluuiis petrarum lege subacta

Tunc sibi fortè Padus captiuos texerat agros,  
 Canebant spumis & turgida dorsa minaci.  
 Currebant stantes per fluctus culmina villæ.  
 Seruauit raptum pelagus tunc lictore tectum,  
 Et mutans terras mansit fortuna casatum.  
 Respiceres sylvas stationem perdere iussas  
 Ad flammæ properare Pado ducente voraces.  
 Tunc ego serpenti germanæ tractus amore  
 Cui natum Parcæ demessum pollice diro  
 Sustulerant, viduamque domum constante marito  
 Reddebant, vrbis peperit quæ semper Auerni.  
 Hanc vt solarer vel vitam prodere legi.  
 Regnator Ligurum fluuiorum maximus ille  
 Sub iuga transmissus genuit sub pondere cymbe.  
 Intumuit, rursusque minas, flatulque remisit,  
 Quique polos vicit, soli mihi cedere iussus.  
 Sic pietas elementa domat, sic cuncta coerces.  
 Cuius grata Deo tenuit miseratio mentem.  
 Ecce iterum thadidis coniectus nubibus æther  
 Haurit aquas, quibꝰ omne riuës sit mergeret arua.  
 Non cæli faciem conspexit naufraga tellus,  
 Et stellis viduæ mieuerunt dira tenebræ.  
 Errant piscis sed non captiuus in ardes,  
 Et populus flumij per mœnas lambit escam.  
 Buonuit pelagus hominū penetræle profundum,  
 Humida pulueribus clauserunt æquora campos.  
 Perfunctus primis recidiua pericula vidi.  
 Ille triumphator tyro ad certamina Nerei  
 Frigida per liquidas gestabam pectora lymphas,  
 Nec siccis oculis respexi marmoris iras.  
 Cum subito absorptum vidit vetus accola potum,  
 Risit & obiecti restantia signa pavoris.  
 Ditia permixto fulgebant arua metallo.

Eridanus claris radiabat comptus arenis.

Nauita me latus suscepit protinus alno,

Sarcina cui felix dudum concesserat on. en.

Indoctus clauum rexit de pondere tutus,

Et me festiuus, Christo duce, pertulit oris.

## VI.

## DICTIO ENNODII DIACONI

QUANDO ROMA REDIIIT.

**A**MICA est homini ad genitale solum reuer-  
tenti semper hilaritas; dum metus quoscum-  
que ei peregrinanti mens anxia peperit, quasi præ-  
finitos & cælo grauante dispositos se euasisse con-  
fidit. Debetur ergo vox serena lætitiæ, ne muta  
gaudia mœroris imaginem sortiantur. Cui enim  
pateat exultantis animi secretum, nisi oris clauē re-  
feratur? Reduces etiam cynos alis ludere Man-  
tuanus asseruit. Quid ego faciam in medio de-  
prehensus abrupto, qui & regressui meo debeo  
dicendi fidem, & proposito tacendi necessitatem?  
Secede, quæso, ad tempus officij censura grauioris.  
nunquam te opportunè gaudiis miscuisti. Pro-  
phetarum insignissimi sub legem versuum verba  
redigentes, carmine desideria sua & vota cecine-  
runt. diuino pectora dedicata colloquio plectris  
Ecclesiastica per populos iura diuiserunt. Cur  
ego in ordinis & meriti constitutus infantia æmu-  
lari summorum facta non studeam: maximè cum  
narrandi simulacrum altaris militem ad excipien-  
da, quæ contra fidem eueniunt, bella corroboret?  
Nec dubitabo dicere quod præsentī constat exem-



plo. Didicimus iam quo turbine pro amore fidei  
hasta iacienda sit: neque nos virtutis pretio vel ti-  
tulis mediocris conflictus eleuauit. Dicam ergo li-  
bens musico stylo gaudia mea: quorum perfectio-  
nem maximis promitto me, Deo adnitente, elo-  
quij literis nuntiaturum. Pulsabunt me oblatran-  
tium venena linguarum. sed professionis & inge-  
nij exercitiis aggregabo quicquid contra accusati  
meritum maledictor ingesserit. Vsus iste est bene-  
nitentis conscientie, opinionis lucro iungere mor-  
sus æmulorum, & famæ compendia de inuidia au-  
cupari. Malè pertinax dens linoris infringere; &  
qui oblocutionis fomitem de loco gloriæ quaris,  
obmutesce. Dic vnde fructus eueniat meritis, si ia-  
ctantiæ deputas quod sudori nostro placemus. La-  
bor est disciplinæ amicus, & religioni quadam co-  
gnatione sociatus. Velut vda præsegmina peregri-  
nis maritata fomitibus nobilitatem fructuum ra-  
mis tribuant, quam parturientia diu nesciere plan-  
taria: ita dotatus liberalibus institutis bona men-  
tem cura grauidam ad spem germinis melioris at-  
tollit. Pelluntur animo consiliorum toxica huma-  
nis præparata necibus, humor succi letalis abole-  
tur, quotiens huiusmodi occupationibus ingenia  
se submitunt. Hinc ad clariora digredientibus di-  
uinorū patefcūt secreta librorum: quorū ianuā sen-  
su pulsante dū relerat, populis se duce peruiū facit  
iter ignoratū: dum fastidiosos eloquij splendore, parū  
doctos fabricata latinitate, & vt aiūt artificii rustici-  
tate perducit. Quis talē salutis nō diligat indicē, nō  
sequatur, qui necessariis dulcia, dulcib⁹ seuera mil-  
cēdo amare vitę dogmata, & velle cogit inuitos? Sed  
istinc aliās. cœpti cōpleātur honesta vota propositi.

Apud scientes rerum loquimur, res virtutis est gaudium continere : secundæ diligentia per elaboratum tramitem luculentæ dictionis ostendere. hodie maximè, cum mei portio limen ingressa facundia dat parenti exultatione eloquentiam, quam negat ingenium; cum donat causa, quod natura non præstitit. Maeste insignium adolescens virtutum, qui in cano flore pomorum numerum monstras. Das pellere afflictionis glaciem, & ad vernum me dictionis inuitas. Nam dum quod tu debes studiis, ego impendo lætitiæ, puto ambobus proficimus. Simile est enim, rudem instituere, & ad declamationis affectum reuocare iam desidem:

**P**ost canas hyemes, gelidi post damna profundi,  
Tranquillum quotiens nauita carpit iter:

Mœret, & infidi desperat prospera ponti,

Quamque videt faciem non putat esse salis.

Sibilat aura levis, validas timet ille procellas,

Fluctibus & blandas æstimat esse minas.

Lintea si crispant Zephyri pendentia malo,

Et dulci ludit spiritus obsequio;

Confusam ventis naturam perdere leges

Iurat, & antiquum credit adesse chaos.

Gaudia sic tollunt placidis discrimina rebus:

Nulla fides lætis integra, nec dubiis.

Non aliter variis tenuit quos Roma periclis,

Littoris optati reddidit ad gremium.

Permulcent pelagi numerum venerabile cantu,

Ancora quod proprium mordet obunca solæ.

Flamina sed lassis tenerum factura soporem

Perturbant mentem militis æquorei.

Arma tatis subigit, remos & lintea vibrat:  
 Sic mens naufragium suspicionis habet.  
 Adueniat siccis qui pressit carula plantis:  
 Nam portus felix ille salutis erit.  
 Qui latices vinxit fundens in pocula saxum,  
 Qui lapides soluit, qui solidauit aquas:  
 Quem genitrix fudit sacris sine semine foeta,  
 Ad matrem iungens virginitalis onus.  
 Qui mortem propria superauit munere mortis,  
 Dans vitam mundo, funere quem peperit.  
 Ille per excelsum videat me dexter Olympum.  
 Tunc patriam teneam, tunc stationis opem.  
 Nubila laxati verrant licet æquora venti,  
 Rimosam puppim nil nocturna petunt.  
 Dulcia compositis quatiã tunc tympania chordis;  
 Floribus & pingam carmina nostra nouis.  
 Vt fatear, dictis constat bene dicere latum;  
 Tristia nil capiunt pectora versiloqui.  
 Sed redeat verum, celsset iam bruma timoris:  
 Stringite quæ nectant frondea ferta comas.  
 Cantem quæ solitus, dum plebem pasceret ote,  
 Ambrosius vates carmina pulcra loqui.

## VII.

## AD FAUSTVM DE

## CARMINIBVS SVIS.

## PREFATIO.

**N**isi didicissem quod serenitas conscientia ve-  
 stræ huius mali scabiem abiuraret, inuisum



mihi eloquij vber adstruerem. Faceſſat à bonis actibus res amica perfidiæ. Me tamen nocitum cautela veſtra denuntio. Suspendiſtis haſtenus ab ingenioli mei ariditate imbrem fructuum nutritorem. Deus bone! quàm peregrinas in me & ex veſtri oris diuitiis acquiſitas dicendi opes intelligo. Adacer dictis locupletibus, quantum ſentio, rutiginofos lingua & ſenſu hebetes peritiæ lima componere. Eſt vobis quoddam cum hominum factore collegium. Ille finxit ex nihilo, vos reparatis in melius. Gratias ego refero de ſuſcepto carmine, cùm de dilato mœream beneficio. Ad Camænalem ignominiam, quibus nunquam gluuidenus deeſt, verſus adieci; & perituræ, vt dictum eſt, chartæ prodigus non peperci. Legite iocunditatem motura poemata, & familiari ſtupenda, vt aiunt, decora comprimite.

**F** Luminis in medio ſuccendis viſcera, Fauſte,  
Cuius alit magnam carminis vnda ſitim.  
Quis ferat ardorem laticum, flammæque fluentis  
Cognatas ſicco ſorbeat ore potans?  
Fonte vaporiferum pariunt tua verba calorem:  
Æſtuat vnde iecur, pocula proſpiciunt.  
Ingenij quiſquis feſtinus tendit ad amnem,  
Non putet ambiguum, ſic bibit, vt ſitiat.  
Nobilis occultum conditum lympha ſaporem,  
Computat & damnum, ſi minus inde feram.  
Lubrica Cecropio confidens lingua coturno  
Nil iacet priſcos nobilitate ſenes.  
In veterum morem pangit noua carmina Fauſtus,

Qui per membra suum defecat arte melos.  
Doctus ad incudem verba infabricata referre;  
Quosq; facit versus, térque, quaterq; probat.  
Ætas cana refert digitis animasse Maronem  
Quod fingeat opus viuificante manu.  
Tu verbis faciem tribuis, modulamine membra.  
Quod natura Deo, hoc tibi dant studia.  
In vetulum dexter si vertas plectra cadauer,  
Primæuum facias ædificante lyra.  
Si flores simules gelidi per plaustra Bootis,  
Mox Helicem vernis sibilat aura modis.  
Ninguida lustra rosas, fundât tibi frigora mustum,  
Feruenti Pallas sidere dona ferat.  
Piscis in æthereo quem portas vertice tranete  
Si iubeas versu, marmora ceruus amat.  
Faucibus è mediis impasto viscere prædam  
Ore potens tollas, quam tenet ore leo.  
Iam scio Castalij quo me traxistis amores;  
Accedunt culpis munera vestra meis.

Sutiles ad tumidas rapitur mea cymba procellas,  
Hybernos passura Notos. quam nauita pauper  
Rimosam tenui fingens de cortice puppim  
Composuit, nomenque dedit sine laude phaseli.  
Illa nec Ægæum pelagus, nec littora Phryxi,  
Nec quæcumque valet trux æquora verrere fundo  
Æolus, agnouit: placidos sed gurgitis alti  
Prælegit bene cauta sinus, vbi seruiat Auster,  
Non vbi regna petat: quotiens ibi remige lento  
Sibilat in tremula discurrens aura carina.  
Linteæ nam summis dum crispant nexa ceruchis,  
Quæ portât mortes, præstât mihi flamina somnos.

Huc vertam puppim, certis mea carbasia ventis  
 Commendans, cursus artis opisque mez.  
 Flecte viam velis, clauumque ad littora, Phœbe.  
 Ancora proficissum mordeat vnca solum.

**M**Vsa dictorum caput optimorum.  
 Herbidam fingens hederis coronam,  
 Quam per exactos numeras poëtas,  
 Nec te capillos.

Sulcat immensum pelagus carina,  
 Nescit ad clauum manus apta ferri,  
 Quò vocat dextrum regimen per vndas  
 Artis amicus.

Pergis ad Faustum trutinam loquelæ,  
 Ore qui vastum valet vt profundum.  
 Lucē quem mundus veneratur ipsa  
 Dexteriolem.

Aurum libram tenet in Camanis:  
 Illius ferrum secat omne vulnus,  
 Quodquod internis latet in medullis

Carminis ægra.  
 Si meos vellet modicos thyrambos  
 Mente qua cunctum moderatur orbem,  
 Inter infantum triuiale murmur  
 Pendere, laus est.

Lux mea, Fauste,	Germina Christus
Spesque, salusque,	Lucida sernet.
Litterularum	Porrige dextram
Munera parua	Nominis almi.
Suscipe lætus.	Grata tonanti
Sic tua summus	Farra piorum.



## VIII.

AD OLYBRIVM, DE  
EIVS ELOQVENTIA.

## PREFATIO.

**N**ON canit fistula, quotiens rusticum pecus  
agrestis pastor inspexerit. Muta nemora for-  
midololam solitudinem pariunt; & vbique metus  
est, quando nullus in solatium deserti sonus audi-  
tur. Sed si aurarum sibilis arborum comæ linguæ  
speciem mentiantur, & ridente frondium motu ap-  
pellet hominem iocunda concussio; putabitur am-  
bientibus latera cætibus interesse. nec aliquam  
ærumnam gemit, quem inter secreta sua ipsa natu-  
ra quibuslibet alloquitur. Inuat tunc exultationis  
comitem fistulam labiis admonere; & flatibus per-  
testudinis rimosa dispersis quandam de spiritu &  
aura componere rationem. Tunc Palæmonem  
suum rudis & infabricata lingua compellat. tunc  
numerat quantis seruare caulas sit opus excubiis.  
tunc multiplices luporum insidias, quas acuit fa-  
mes magistra, suspirat. tunc in sermonem cadit  
quicquid efflauerit. huius se solari, huius nititur  
mulcere collegio. Cui talia agenti si quis sermocin-  
antem fidibus citharam doctus admoneat, & lo-  
quacia fila irisor urbanus apportet; in ancipiti est  
quid eligat nuda simplicitas, dum lyræ tactis, licet  
errantibus digitis, dulcem & qui animam frangat,  
crepitum reddit: nefas tamen putat, si alieni tra-

ctus amore propositi, auitam discat scientiam non amare. vt dum infrænis ambitus rusticantis doctrinæ terminum non metitur, superiorum affectu, & ipsa se possibilia intelligat perditurum: cum nescientem quid valeat mapalum alumnus, ipsa paternæ institutionis mediocritas quasi externa contemnat. Non aliter me, vir amplissime, inter maxima curiæ sidera computande, iubar facundia, ingeniorum flamma, splendor eloquentiæ, dictionum census, per nemorum inuia ad instar pastoralis fistulæ quæ viliter narrantur oblectant, metuentem citharam tuam, laudantem plectra, quæ, vt superius textui, agrestibus digitis meis urbanus adiungis. Amoue, quæso, quam adhibes ad inuitandum me, elucubrati sermonis illecebram. Absint quibus etiam apud peritos vteris vincula colloquii. Compesce verborum digitos, quibus soletis renitentium animas ad desideria vestra compellere. Liceat me aut silentio inscitiam tegere, aut per stridentem stipulam alijs triuiale carmen afferre. vobiscum fabulari, res est meriti veteris, & nouæ felicitatis. Quod si mei inmemor ego tentauero, adeptus contra vtilitatem propriam solis curtus, iuste subeo Phaetontis exemplum. De quo quia sermo contigit, & formæ cautionis accessit, quid facto opus sit, subiectum Carmen ostendit.

**F**ama refert, veterum quæ nescit perdere gesta,  
 Quæ loquitur semper quicquid in orbe fuit.  
 Germina dum lucis Titan dispergit in axem,  
 Et ditat mundum nobilibus radiis:

Vda vaporiferas cohibent dum lora quadrigas,  
 Et nitidum gurgēs mittit vbiq̃ue diem.  
 Vndantes doctis manibus Sol flexit habenas,  
 Artificem dominum lux bene nota tulit.  
 Sed Phaetontæo postquam dare regna precati  
 Non exploratis viribus instituit:  
 Degenerem primis rectorem motibus astrum  
 Sensit, & excussis currere cœpit equis.  
 Tunc totam sonipes lucem de naribus efflans  
 Non tenuit legis tempora certa suæ.  
 In flammam cessit splendor, quod lūminat vñsit,  
 Quodq̃ue animat terras exitium peperit.  
 Tunc & Hyperboreas dū frangit lampade crustas,  
 Epotis Tanais siccus abibat aquis  
 Crystalum fluxit, sed cursus fluminis arsit:  
 Quod lapides soluit, nexuit Eridanum.  
 Sic ego Rhetoricum tentans transcurrere callem,  
 Aggredior currus Solis, & imperium.  
 Nescio quid variis impendam sideris oris,  
 Nescio quid teneam, cuncta calor superat.  
 Curia te pollens teretem formauit ad vnguē,  
 Et patribus iussit lumina ferre tuis.  
 Tu Phœbum reddis: fumat tibi victima pinguis,  
 Pro qua cessissent fulmine cœlicolæ.  
 At mihi vix illud transmittunt pauperes horti,  
 Rubra quod acceptum testa refutat olus.  
 Sum fateor, cuius distillent verba relatu,  
 Quæ maciem monstrent pauperis ingenij.  
 Carmina nulla cano, nec me modulante Camænas  
 Mansurum dabitur pollicis ore sophos.  
 Quicquid Apollineo loquebamur pectine, cessi  
 Oblitus linguæ, quam mihi hîla dabant.



Rustica per teneras errat mihi dextera chordas,  
Confringunt dulces barbara plectra modos.  
Ah quotiens vitreis Helicon mihi fluxit in herbis,  
Arridens labiis quæ facit vnda sitim!  
Ah quotiens hederis redimitus tempora duxi,  
Aonium mulcens carmine concilium!  
At nunc per sylvas, inter spelæa ferarum,  
Agrestem certus ducere miliciam,  
Grandia per validos commendo semina fulcos,  
Ut germen vitæ destituant lolia.  
Lactea ne mentem denudent verba solutam,  
Et dictis mollis dicar & ingenio.  
Non mihi per campos discurrat lingua patentes,  
Mascula nec lituis dicta feram grauibus.  
Ne mea grandifono flammentur corda coturno;  
Et tumidus scriptis moribus esse puter.  
Qui mihi tunc portus famam petit vndique lector.  
Sed stabilis pudor est, si taceam, proprius.  
Tu cælum teneas, me terris linque quietum,  
Qui solum noui, quod bene nil didici.

DICTIO

## IX.

## DICTIO QVÆ HABITA

EST IN NATALI SANCTI AC BEATISSIMI PAPÆ Epiphaniij, in annuaria XXX. sacerdotij.

## P R Æ F A T I O.

**S**ENTIO quid plerique taciti loquantur in sensibus, & apposita cordis aure vocem cordis intelligo. Clamant enim ista silentia, quid sibi alienæ professionis homo quærat ex themiate. quid insignitus humilitatis titulis per crepantes ex more vulgi cuneos vocum plausus expectat, quos tumescentibus fautorum bullis aura popularis exsuscitat. Olim talia dicunt debuisse componi, cum adulantibus adolescentiæ floribus & pueritiæ adhuc in illo; & sæcularis licentiæ verna riderent: cum reboantibus efferri decuit acclamationibus: tunc cum capi potuit etiam fucatæ voluptatis specie. nunc cur recitet publicè, quem laus nec decet publica, nec delectat? Hi meminerint, quòd ego rem nostri muneris ago, quem in Sacerdotis præconiis constat sentire quæ debeam. Cui quamvis nunc intempestivis laudibus reddam modica, tamē maxima post debebo in cuius ministerio quicquid valeo præstat impendi. Simul etiam percepi animo, quòd si reddenda est de otioso sermone ratio, non minus de otioso silentio. Erant enim otiosa

Esa.  
50 4

silentia, si lætātibus circumfufis omnigenūm mentibus solus, cū dare possem, verba subtraherem. Quippe cū etiam in obsequiis cælestibus hymnos deceat adhiberi: & credamus exortem humanitatis Dominum hominum meris laudibus demulceri: & hoc ab his speciali quodam iure quos donauit lingua reposcere. Quid Antistes faciat, qui propriis orationibus egit vt possim? Scriptum est enim, *Dominus dedit mihi linguam eruditionis, quando oporteat sermonem dicere.* Oportet nunc, vt censeo; & ad loquendi tempus ostium cordis aperitur. Sed nunc non ego in poëticiis laudibus ora laxabo. Absit à me sentina carminum; quæ sicut vera non laudat, sic nec verè laudatur. Nunc fauete mentibus certa dicturo. In quo opere si minora pro ingenij exiguitate non dixerō, pro iactantia maiora non fingam.

**V**A T I B V S antiquis dicendi maxima virtus  
 Illa fuit, doctis si scirent fallere verbis.  
 Laus erat in laudem mentitum pangere carmen.  
 Tunc operi fraus apta fuit. nam more poëtæ  
 Seruantes quod crimen habet, vetuere pudore  
 Vera loqui, carménque fides despexit vbique,  
 Ars placuit, quam culpa decet. nam doctior error  
 Extorsit certis metuenda poëmata linguis.  
 Lex docuit sine lege loqui, cū vindicat arte  
 Quicquid iura negant fandum: retinacula morum  
 Numina fallaci finxerunt sordida cantu.  
 Phœbum, & ter ternas dixerunt esse sorores,  
 Castalium laticem, varias quoque Palladis artes.  
 Tum laurus, tripodas, cortinam, tympana, plectrum



Narrabant. illos à veri tramite fugit  
Sensus, & errantes visus delusit imago.

Nunc linguam citharæ, quæ cantat pollicis ore,  
Sperne fides. magis ille veni nunc Spiritus, oro,  
Cuius in exhausto reuiuiscit semper in anno  
Quicquid terra creat, gignit mare, parturit æther.  
Qui freta diffundit, solidum dat corpus in aruis,  
Saxa ciet iussu, metuit quem cautibus horrens  
Caucasus, aurito famuli cùm fortia sensu  
Corda domat: qui cuncta videt, quæ cuncta tremiscunt  
Fons, via, dextra, lapis, vitulus, leo, lucifer, agnus,  
Ianua, spes, virtus, verbum, sapientia, vates,  
Hostia, virgultum, pastor, mons, rete, columba,  
Flamma, gigas, aquila, sponus, patientia, vermis,  
Filius excelsus, Dominus, Deus, omnia Christus.  
Nunc precor vt dictis adsit, qui pectora prisce  
Vatis vt ingressus, Pharaonis tempore regis,  
A diuinitate gracili locuturum voce Prophetam.  
Se stupuit tunc ipse, reor, bene conscius oris,  
Murmuris & soliti, complentem Principis aures  
Pondere, voce, sono, sensu, probitate, pudore.  
Tu famulum tu, sancte, mone. da soluere grates,  
Quas debere iuuat. sanctum complectimur omnes  
Ecce diem, voluit quo se iubar indere terris  
Promptius & radiis animas animare propinquis.  
Quo gaudet mundus, cùm non sint gaudia mundi.  
Cernis adorantem pauidos submittere vultus  
Vatis in obsequium? Natalis tempora sentit  
Festa, nec admissis contemnit tristis alumnis.

Iste dies cunctis vitæ, cunctisque salutis  
Causa fuit, veteris dissoluens vincula noxæ.  
Christus in hoc tribuit decus & tutamen in aruis

Aufoniis, parili populos qui mente gubernet,  
 Et gentes pietate regat. quibus auctor Olympi  
 Pollicitus simili regem probitate parauit,  
 Dexter & ipse Deus folio dat iura corusco.

Proximus hic cœlo, cui recti conscia mens est,  
 Semper erit, quem iusta probant, quē iudice mūdo  
 Publica vota legunt. fateor, suffragia magna  
 Contulit, vt sedis gremio fruere turba perennem,  
 Libera te dominum posuit sibi turba perennem,  
 Seruitio laudanda suo. Prohquantus vbique  
 Feruor erat! sancto mundi plaudente tumultu,  
 Omnibus idem animus, turbis vox omnibus una.  
 Sic tamen alterutrum certabant vincere votis,  
 Ceu sibi cum diro bellandi cominus hoste  
 Causa foret. vulgus proprio tunc sanguine vicit,  
 Pollicitum quotiens fuerit sufferre pericla.  
 Caspia non aliter cum tigris sceta Niphatem  
 Circuit, aut catulos rapiendi format ad vsus,  
 Ardet in absentes, sæuis mortalia mandat  
 Mēbra animis, hominūmq; necē petit ore cruēto.

Alter in hoc senium teneris miratus in annis,  
 Alter in antiqua iactabat stirpe parentes:  
 Alterius contenta parum de sanguine mens est,  
 Digna referre viri virtutum stemmata mille  
 Commemorat. quanta tituli tunc laude superstant,  
 Vincuntur quotiens, & morum gloria victis  
 Parturit insignem per sæcula longa triumphum?  
 Ille pudicitiam, quæ pulcro in corpore vernat  
 Pucrior, & casta ridentem luce figuram  
 Laudibus ad cœlum portat. decus illa profecto  
 Attulit huic facies, quæ multis causa pericli  
 Scæpe fuit. pulcrum satis est mansisse pudicum.  
 Hæc nisi de summo non dantur culmine Olympi.

Sicubi contingant, vel formæ commoda sanctis  
Mentibus accrescant, bello se vincere certant  
Tunc homines, funditque decus vel munera terra  
Dextra animæ, viuitque sibi, dum deperit illi.

Hæc cùm multiplici populus narraret ab ore,  
Vna fuit cunctis sententia fixa cateruis.

Turba sacerdotum, vénérandaque curia sæclis  
Elegit, voluit, meruit, suscepit, amauit.

Ecce aliud dictuque nouum, mirabile cunctis  
Transierā, quod quisque pauet, quod suspicit orbis.

Vix primæuus erat, tremulis cùm limina lucis  
Calcantur plantis, cùm matris ab vbere raptis  
Blandior à tenero succus subducitur haustu:

Callida mentitum genitrix cùm fortè saporem  
Herbarum querulis infundit dura labellis,  
Nesciat vt natus gustu cognoscere matrem.

Vnde subornatum sorbetur, lacte negato,  
Faucibus insuetis ridenda fraude venenum.

Istius illa fuit, cùm signum contigit, ætas.

Nam fulsisse ferunt huius cunabula magno  
Lumine, cùm tantus micuisset splendor in illo,  
Quantus in obsequium potuit tum fungier æther:  
Cùm iussus seruire viro mortalia raptim

Membra leuat lapsu gradiens celer ignis Olympi,  
Cornipedum pernix cursus imitatus equorum.

Prospera non aliter puerum tunc flamma pererrās  
Circuit, illustrat, veneratur, suspicit, ambit.

Tum pavidus genitor submisso lumine fatur.

Summe Deum, sancti custos qui culmine cæli

Omina dextra facis, quæ cernis lumine dextro:

Hunc tibi de primis & adhuc reptantibus annis,

Sancte pater, voueo, quem necdum cassibus arctis

Lubrica terrenis innectunt sæcula culpis.



Nec faciant. sit, summe Deus, tibi munus opimum,  
Hæc ait, & lacrymas, quas promunt gaudia, fundit.

Crispinum petit inde libens, quem dicere digno  
Non datur eloquio, nec si modò surgat Auerno,  
Qui potuit rigidas de rupibus Apennini,  
Flumina cùm starent, ad plectrum ducere sylvas.  
Helias fuit hic mage. nam quis Helisæum  
Liqueret in terris, duplicato munere palmæ.  
Nutriuit quem lacte pio, quod ab vbere Paulus  
Pressit, Euangelicis plena est cui dextra papillis.  
Salve, sancte parens, semper saluete recepti  
Crispini cineres, ad cuius iura redundat  
Quicquid in hoc Christi miramur dogmate dignū.

Tu bene transmissum tibi censum possides heres.  
Res non parua docet triplicatis iuncta talentis.  
Monstrat ab Occidui reuocatum partibus orbis  
Quod supplex captum transmisit Gallia vulgus,  
Æstera te viso didicerunt pectora flecti,  
Armatum precibus superasti, maxime, regem.  
Sic pugnax gladios obtundit verberare lingua,  
Sic ferrum expugnat verborum lamina fortis.

Nam si fanda ferunt, sociant qui maxima paruis,  
Sic dominum expectat domitatis villicus aruis,  
Cùm bene molitos incurui dente ligonis  
Scribit agros, faciémque soli sic pectit arattris,  
Vt spumet plenis currens vindemia labris.  
Inferit externas peregrino in cespite plantas,  
Aduena coniunctis sociatur nexibus arbor,  
Truncantur stirpes, demessum falce maritat  
Virgultum, tenero lignum mordetur hiatu,  
Germinis nobilitas consurgit non sua paruo,  
Surculus ignoto coalescit munere diues,  
Dum madefacta nouo iungit plantaria libro.

• Pastanis pariter depingit terga rosetis,  
Regius agresti vestitur murice campus:  
Lilia pro nitida funduntur lumine calcis:  
Tunc pingit violas, cythisos, colocasia, calthas,  
Cinnama, serpillum, narcissos, balsama, costos.  
Tunc rediuiua serit quæ portat germina phœnix.  
Hunc iubet adueniēs Dominus discumbere seruū:  
Surgit, & ipse suis manibus dat fercula mensæ.

Sic tua ter denis, animarum cultor, in annis  
Halant rura rosas, interpellata nec vllis  
Frigoribus marcessit humus, quam vere perenni  
Seruat odorato meritorum cespite doctor.  
Arbuta siccantur quotiens tua rore negato,  
Infundis lacrymis: cophinum quoque congeris illic  
Stercoris immundi. tunc ramis surgit opimis  
Tum fœcunda Deo nascendi iura superstat.

Suscipe nunc dexter, vitæ lux aurea nostræ,  
Gaudia, quæ faciunt modicū tibi promere carmen.  
Cum mea vota Deus produxerit ordine cœpto,  
Fulserit & docilis quem plantat dextera palmes;  
Debita post centum reddam tibi fortius annos.  
En statui quodcumque tibi nunc scalpere carmen;  
Nodoso sub iure, pater, quod nexuit arctis  
Diuersa sub fronte modis lex proxima pœnæ,  
Vsq̃uam ne fallax mutaret syllaba. Dixi.

## X.

## HYMNVS VESPERTINVS.

**N**igrante tectam pallio  
Iam terra noctem suscipit.  
Ut viua dulci funere  
Reconualescant corpora.  
Mortis figura blandior  
Bustum soporis admouet.  
Anhela lucis æstibus  
Dum mens tepescit otio.  
Lux, Christe, vita, veritas,  
Ne fusca somni tempora,  
Tetris parata vmbraculis,  
Nos ad tenebras euocent.  
Nox nulla nos subdat sibi,  
In noctis atræ tegmine.  
Sed nec caloris ebrij  
Mentita pingat corpora,  
Verum reatum nesciis  
Falsi ministrans criminis.  
Tu per quietis munera  
Adsisse custos peruigil.  
Hostis procul sit callidus:  
Quod lædit, illud dormiat.  
Qui dente sæuo mandere  
Certat cubantes lectulis,  
Hic membra vinctus lugeat  
Pulsare sese quos foues.



Madente carne spiritus  
Non enecetur naufragus.  
Ornet cubile castitas,  
Quæ prima virtutum micat:  
Viuat fides in pectore,  
Quæ luce vernat perpeti.

---

## XI.

HYMNVS II. IN  
TEMPORE TRISTITIÆ.

**D**Eus perenne gaudium,  
Pax, Christe, cordis anxii,  
Portusque fluctuantium.  
Quem nec procella, turbidis  
Si verrat ima motibus,  
Potest fugare à pectore.  
Qui mersa ponto subleuas,  
Qui subiugata sarcinis,  
Qui dux propheta naufragi,  
Dum viuit esca belluæ,  
Dum nescit æquor, quod tenet,  
Tutum ferino gutture  
Exactor abrumpe cibum.  
Diro reductus remige,  
Custode saluus pessimo,  
Vates locutus te Deum  
Tunc iussa gessit fortior.  
Imunda lymphis sobriam  
Per busta terris vixerat

Viuens sepulcra pertulit,  
 Viuentis ornet prandium.  
 Secreta ceti prodidit  
 Testis verendus intimi.  
 Sic nos precamur, rex Deus,  
 Mœrore fractos vt cibum  
 De ventre curarum rape.  
 Viuit medullis quod necat,  
 Turbantur alta viscerum,  
 In fonte carnis ardor est,  
 Qui mergit, vrit, afficit:  
 Sed si serenus adspicis,  
 Pressura gignet gaudium.

## XII.

## HYMNVS III. DE

## S. CYPRIANO.

**V**Atis Cypriani & martyris  
 Cor lingua, sensus, dignitas  
 Mortem ferendo proferunt.  
 Vitalis ictum nex dedit,  
 Mucrone parta lux micat.  
 Dictis fuit præfulgidus,  
 Et ore diues vnico,  
 Torrentis vnda gurgitis  
 Impacta cornu spicula  
 Sermone vincens promulo.  
 Opes verendi pectoris  
 Qui iure Christo reddidit.  
 Nunc munus implet pristinum,  
 Orator orat, obtinet.

Et dura causis temperat.  
 Facit beatos ex reis,  
 Peccata rumpens carmine.  
 Non flamma, carcer, vinculum  
 Potest nocere quos iuuat.  
 Mactare iussus hostias,  
 Lugenda risit numina.  
 Instante mox periculo.  
 Fugit pericla funere.  
 Paruas loquendi schemate  
 Moras remisit ictibus.  
 Acciuit enses lætior,  
 Currente leto plus celer.  
 Proconsul esse sœuior  
 Nequiuit ille Maximus,  
 Dum quod minatur munus est:  
 Nec tardat ira lenior  
 Christum volentes visere:

---

## XIII.

## H Y M N V S IV. DE PENTECOSTE.

**E**T hoc supernum munus est,  
 Quòd linguis lingua miktat.  
 Quis non tonantis prœmia  
 Per dona eiusdem proferat?  
 Facit loquendo qui sapit  
 Dignum loquatur vt Deo.  
 Infundit ecce Spiritus,  
 Et ora rursus instruit.



Intrat veterno pectora  
 Euiscerata nubilo:  
 In hoc Apostolis die  
 Dum verba Verbum diuidit:  
 Sermone mundi præpotens  
 Et corda mundi contulit.  
 Summis feratur laudibus  
 Homo habet ora gentium.  
 Thrax, Gallus, Indus vnus est.  
 Quod blanda ludit Græcia,  
 Quod sæuit atrox barbarum  
 Stridor Canopi murmuris,  
 Quod lingua latrat Parthica  
 Pectus repleuit hospitum.  
 Mundi ad salutem curritur  
 Nolente mundo tot vijs.  
 Quod sacra nunc remissio  
 Paschalis instar gratiæ  
 Dum mysticam septemplici  
 Ornat coronam munere.  
 Augmenta plenitudinis  
 Opes ministrant diuiti.  
 Nunc mente, voce, psallite,  
 Hoc nostra vox & mens Deo.

## XIV.

## HYMNVS V. DE S.

## STEPHANO.

**Q**uid Stephano potentius?  
 Dicis coronam, martyr est.

Hoc est homo, quod præmium,

Fructus laboris nomen est.

Laus hæc brevis proluxa sit:

Sic euocantur inclyti.

Necis minister, aspice,

De morte vitam conferens.

Hoc dat salutem, quod necat.

Felix sub istis ictibus

Fit sempiternus exitu.

Cruore lucem præparat,

Cælum sepulcri munere,

Hostem vt triumphus effugat:

Ceu palma sic congrèditur.

Hic primus intrauit viam

Nullis subactam gressibus.

Secreta lustrauit poli,

In veste carnis abditus

Clamauit, Ecce filius

Consistit in dextra patris.

Dum saxa ferrent impij,

Dum mille letimachinas,

Solus bonorum conscius,

Orabat ex fide loquens,

Ne nescientes noxios

Cœlestis ira perderet.

Insans erat vesania,

Reum furor prouexerat,

Per vota currebat labor:

Crucem gemebat carnifex,

Crescente quem subegerat.

## XV.

## HYMNVS VI. DE

S. AMBROSIO.

**C**Oelo ferunt Ambrosium  
Nomen, honor, vel actio.  
Nil debet hic facundia,  
Dos omnis est à moribus.  
Fortis iuuantem non cupit  
Vmbone munitus suo.  
In carne carnis nil agit  
Regina mens in corpore.  
Confregit omne lubricum.  
Sic vixit ille non sibi,  
Sed totus auctori Deo.  
Adiectus hinc Apostolis,  
Reduxit expulsam fidem,  
Dixit triumphos martyrum  
Linguae virentis laureis.  
Hic ore prædam sustulit  
De fauce serpentis feri.  
Qui bella Christi militat,  
Nudus timetur ensibus.  
Viuit sepultus & iuuat,  
Clauum tenens Ecclesiae.  
Iustina vires perdidit,  
Dat pœna Vati præmium.  
Sedis memento lux tuæ,  
Exorna, sancte, posteros.  
Auctore fultus nobili



Ne dux sereni culminis  
 In nube tectus horreat.  
 Qui pastor est Antistitum,  
 Quod fucat, omne submouet:  
 Gregem gubernat Principum,  
 Magister est docentium.

## XVI.

HYMNVS VII. DE ASCEN-  
 SIONE DOMINI.

**I**Am Christus ascendit polum,  
 Necauit antè funera,  
 Letum sepultus expulit,  
 Mors mortis impulsu ruit.  
 Cantate factum sæcula,  
 Funus subegit Tartarum,  
 Vicit peremptus exitum?  
 Mors inde luget pallida,  
 Præsumpsit vnde gaudium.  
 Escis vorator captus est,  
 Est præda raptor omnium,  
 Iam rete vinctum ducitur,  
 Iacet catena in nexibus.  
 Serpens venena protulit,  
 Mitis terit superbiam,  
 Agnus leonem cuiſcerat.  
 Plus istud est potentia,  
 Quòd nostra, Christe, suscipis,  
 Et veste serui absconditus  
 Nos ad triumphum prouehis:

Quàm si è coruscis sedibus  
 Fulgore terreres reos.  
 Deus patet per omnia,  
 Nullo remotus tegmine:  
 Sed ut iacentes erigat  
 Dignatus esse quod fumus,  
 Redemit ipse ius suum.  
 Quem reuexit perditam  
 Pastoris ad custodiam.  
 Leuate portas, Angeli,  
 Intrat tremendus arbiter,  
 Maior trophæis hostium.

## XVII.

## HYMNVS VIII. DE

## S. EUPHEMIA.

Quæ lingua possit, quis valeat stylus,  
 Tantæ triumphos virginis eloqui?  
 Nunc mente molles discite masculi:  
 Exempla præstat, sumite desides,  
 Puella fortis cum superat viros.  
 Virtus teneri nescia semper est,  
 Nec iura sexus, fractaque meins ei,  
 Quæ corde Christum conciperet semel.  
 Soluunt caducis pectora vinculis,  
 Quibus repositus mentibus est Deus.  
 Tormenta torsit fortia corpore:  
 Lassante pœna creuit amor crucis.  
 Si scire posses vincere Martyrem,

Vesane

Vesane tortor, parcere disceres.  
 Flammæ, flagellum, carnifices, rotas,  
 Cui crux sequenda est, non metuit nimis.  
 Hanc cum caminis igne crepantibus  
 Iussisse fertur præcipitem dari  
 Priscus, veneni fonte nocentior.  
 (Nam sic feralem tempore sordido  
 Dixere sanctæ virginis arbitrum)  
 Huius ministri dum cuperent nimis  
 Fornacis escæ tradere martyram,  
 Lux tunc olympi luce serenior  
 Opus remouit læua volentium;  
 Cum voce monstrant qui gladium simul,  
 Nos hinc precamur dirige Tartar,  
 Nam nostra sanctam non violat manus.  
 Turgescit illi felle iecur calens:  
 Mox saxa, fossas, verbera, bestias,  
 Maius venenum blanditias parat,  
 Quibus virago fortiter obstitit.

## XVIII.

## HYMNVS IX. DE

## S. NAZARIO.

**A**nguſta vitæ tempora,  
 Paruis coacta terminis;  
 Mors sancta donat crescere;  
 Æterna fines præparat.  
 De fruge caluum venit.  
 Quo surgat humanum genus:  
 In stirpe Nazarius bona  
 De morte lumen addidit.



Nerone felix Principe  
 Diuersa perpeſſus mala,  
 Luſtrauit orbem non graui  
 Paſſore cordis algidus,  
 Sed vt profanis inderet  
 Quo calle conſcendant polos;  
 Verus magiſter actibus  
 Exempla, non verbis dedit.  
 Nam ductor illè fortis eſt,  
 Qui bella viribus docet.  
 Quam dicta militem trahunt,  
 Si dux gerendis abſtinet?  
 Vent ſa linguæ hortatio,  
 Quod foro a præſtat, non habet.  
 Sed magna poſtquam ſemina,  
 Scribente terram ſarculo,  
 Glebis reſudit optimis,  
 Mediolanum mox petit,  
 In qua triumpho nobili  
 Carnis ruinam reppulit.  
 Qui cæde non digna iacens,  
 Vatem tremendus mox monet,  
 Vt clara rurfus munera  
 Mundo reſuſus adderet.

## XIX.

## HYMNVS X. DE

## S. MARIA.

**V**T virginem ſcætam loquar  
 Quid laude dignum Mariæ?

# CARMINVM LIB. I.

Det partus, ornet, exigat  
 Quod clausa porta, quod patens  
 Exposcit, ipsa suggerat.  
 Sint verba ceu miraculum.  
 Quid mens requiras ordinem?  
 Natura totum perdidit.  
 Hoc est salus, quod vincimur.  
 Cum sola virgo degeret,  
 Concepit aure filium:  
 Stupente factum corpore,  
 Turgescit alius spiritu.  
 Quod lingua iecit semen est,  
 In carne verbum stringitur.  
 De matre cunctus noster est,  
 Depatre nil distans Deus,  
 Vtrisque partus integer,  
 Quæ gignit & qui præcipit.  
 Nil maior ille seruulis,  
 Sed nec minor creante fit.  
 Fons dicta clausus accipit,  
 Fons membra clausus egerit:  
 Nec rima cessit arctior,  
 Et vera proles emicat.  
 Dic, mater & virgo, precor,  
 Quisquàmne claudit exiens?  
 Arctantur exta fatibus,  
 Vinculum pudoris natus est.

## HYMNVS XI. DE

S. MARTINO.

**C**Um gesta Martini loquor,  
 Nil laude dignum transeo:  
 Diuisa virtus omnibus  
 Vnum coacta prætulit.  
 Labore magno martyr est,  
 Victore carnis spiritu:  
 Hoc est triumphis proximum,  
 Si bella calcent intima.  
 Perdente vires corpore,  
 Res fixa constat laureis:  
 Sublimat hostem mentium,  
 Qui vota membrorum facit.  
 Hic fontis ignem nesciens,  
 Calore feruebat Dei:  
 Vndis vapore iunctus est,  
 Christo dicatus actibus.  
 Qua veste nudum texerat,  
 Hac rex nitebat ætheris:  
 Sordente panno acquiritur,  
 Quo fulget astrorum globus.  
 Quàm iusta commutatio!  
 Astrum rependit indigens:  
 Et regna mendicus parat,  
 Mox sacra vitæ contigit,  
 De plebe lusit Dæmonum;  
 Instat fauillis surgere:



Vixere tactu funera,  
Flagella passus est libens,  
Quibus coronam nexuit.  
Compulsus ad Antistitem  
Votum repugnans induit,  
Quod sancta complevit fides,

## XXI.

HYMNVS XII. DE  
S. DIONYSIO.

**D**ionysio Christus dedit  
Quot bella, tot victorias.  
Exul piorum ciuis est,  
Vrbis supernæ particeps.  
Constantius Vatem loco  
Quondam tyrannus expulit.  
Non cessit iste turbido,  
Creuit periculis fides.  
Hoc sancta dic professio,  
Te pœna tradit prosperis:  
Optata mercaris malo.  
Persiste tortor adiuuans,  
Lux hæc negando ceditur.  
O quàm beata aduersitas,  
Si sic triumphant exules!  
Nihil verendo martyre  
Confessor ille destitit.  
Dispersa mors quos afficit,  
Ad vota mortis euolant.  
Nil lenta perdit coctio:

Intrat latenter abdita.  
 Vitale funus mœror est,  
 Velox medela transitus.  
 Risit furorem Principis,  
 Fide manente cursitans:  
 Fixus per orbem ducitur,  
 Quà sol coruscat acrior,  
 Negans bibendi copiam.  
 A te, tremende, sumimus  
 Ceu nostra, quæ remuneras.  
 Tu mitte sanctum poscere,  
 Quod ipse nobis conferas.





MAGNI FELICIS  
 ENNODII  
 EPISCOPI  
 TICINENSIS  
 EPIGRAMMATA.

EPITAPHIUM HOMINIS BONI.

I.



Ente bonus, probitate nitens, &  
 nominis auctor

Sic iacet angusto dic dolor  
 in tumulo?

Spes domus immensæ modico  
 contexta sepulcro est,

Artantur parvis culmina cespitibus.

Quid decus in pueris, quid præstant limina vitæ?

Non expectatis mors venit ordinibus.

Quid iuvat hūc, teneris, seniū quod prætulit annis?

Funeribus iunxit funera multa suis.

Occidit, heu, iuuenis, qui textit crimina vitæ

Tempore culparum viuificante Deo.

Pp. iiii.



600 MAGNI FEL. ENNODII

Aspice, primæuos metuis qui forsitan annos,  
 Etas vincentem non tenuit puerum.  
 Exemplum terris linquens, ad sidera raptus  
 Confessis rectum quàm bene monstrat iter!  
 Bis denas hyemes, totidem transcendit aristas,  
 Quem subito ex oculis fors inimica tulit.

EPITAPHIUM HABVNDANTII V.I. II.

Nunquam morte perit meritis post busta superstes,  
 Funera sublimem non capiunt animam.  
 Sanguis, honor, genius, probitas, constantia, census  
 Interimunt multis dotibus exitium.  
 In commune bonus non sentit damna sepulcri,  
 Filæ legunt, Parcæ quæ dederant miseris.  
 Pendula lassantur quæ plebem stamina portant,  
 Fortia contingunt licia nobilibus.  
 Cana venerandi renouabant sæcula mores:  
 Inque vicem templi pectora munda tulit.

DE EPIGRAMMATIS PER ARMA-  
 ria domni Fausti factis.

III.

Consona diuersis finxisti carmina libris,  
 Suscipiat gaudens littera quod tribuit.  
 Nescio qui tantum non laudet, Fauste, pudorem;  
 Cum reddis si quid lecta dedere tibi.  
 Deposited perdit mens recti nescia semper,  
 Ad mores redeunt hæc documenta probos.  
 Si tamen admittis dexter mea verba, fatebor,  
 Qui pollet magnis paruula iure fugat.

Laudentur tereti quos pingis carmine vates,  
 Mascula i rhetorico schemate lingua tonet.  
 Ceu Paulus Christū docuit hominemque Deūque,  
 Quo præstat cunctis gaudeat eloquio.  
 Attica per Graios ditentur dogmata sensus,  
 Et nostrum stupeat Græcia docta decus.  
 Moralis strictis, narretur Physica certis,  
 Historiam monstrans indicet Historia.  
 Comica per limam numerentur, fortia plausu,  
 Conveniunt operi lucida dicta tuo.  
 Non valet hæc alter: sed Faustum dicere summa  
 Ludus erit semper, si bene nota loquor.

[ DE PLAUSTRO QVOD EPISCO-  
 pus donarat. ]

IV.

Antistes summus plauastro te nobile donat.  
 Pandit iter magnis, omina dextra facit.

EPITAPHIVM RVSTICÆ.

Rustica, perpetuæ non te sors pallida vitæ  
 Sustulit, interitum nec tibi morte dedit.  
 Purior ætherias graderis sine carne per arces:  
 Sic vitam castæ funera nobilitant.  
 Quid mirum, viduata tibi sat constitit ætas,  
 Coniugis ad natum cū bene ductus amor.

EPITAPHIVM MELISSÆ.

VI.

Corpore deuicto moritur quicūque, superstat:  
 Dant leti legem crimina sola homini.

Nil tibi, virgo, perit: carnem mens pura refudit,  
 Quæ nunquam mundi vixit in obsequiis.  
 Funera, busta, rogi, scelerum stipendia cessent:  
 De vita ad vitam transitus iste placeat.

## [SERPENS AENEVS IN CRUCE.] VII.

Occisor mortis, dux vitæ, planta salutis,  
 Aspice, nunc serpens ecce venena fugat.  
 Et quod supplicij species, & mortis imago  
 Iam fuerat miseris, est mihi certa salus.

## VERSUS IN BASILICA SANCTI

*Xysti Episcopi facti & scripti, quam Lau-  
 rentius Episcopus fecit.*

VIII.

Antistes genio pollens probitate, pudore,  
 Ornauit donum meritis, & lumina vitæ  
 Ad pretium iungens operis, hæc templa locauit.  
 Lapsa per incertos non spargit fama recessus;  
 Sed veteris facti viuunt lex aucta per æuum,  
 Quam dexter capiat Laurenti munera Xystus.  
 Sic manet officium, quod sanctis contigit olim.  
 Obtulit hic templum, veniens quod consecrat ille.

## ITEM IN BASILICA SS. QVIA

*arserant ædificia, quæ prius ibi fuerant, &  
 sic facta est.*

IX.

Vilia tecta prius facibus cessere beatis,  
 Sic splendor per damna venit, sic culmina flammis  
 Consurgunt habitura Deum. Si perdita crescunt  
 Ignibus innocuis, si dant dispendia cultum;



Qualis erit reparans crepitantibus aucta ruinis?  
 Laurenti tua bella gerens incendia vince.  
 Sordida marcenti latuisset terra recessu,  
 Si status faciem tenuissent antra vetusta.  
 Sed postquam superi flammis misere secundas,  
 Ad lumen cineres traxerunt ista colendum.  
 Huc oculos conuerte pios, qui cuncta vapore  
 Prædicis mundanda, pater, rebusque docendos  
 Instrue, ne verbis titubet mens nescia recti.

## IN DOMO MEDIOLANI.

X.

Ædibus ad genium duo sunt concessa per ævum,  
 Si niteant crustis, aut domini merito.  
 Herbida pasturam simulantia saxa virentem  
 Illiciant oculos nobiliore dolo.  
 Pellat opus tamen arte, regat natura figuras,  
 Viscera dum lapidum fingit imaginibus.  
 Candorem roseo perfundat doctor ab ore,  
 Depingat sparsis congrua membra notis.  
 Aurum, culmen, ebur, tabulas, laquearia, gemmas  
 Non datur humanis plus rutilare bonis.  
 In pretio cautis fors & sine lege iocatur.  
 Moribus ut constes, crede, laboris erit.

## [ IN BASILICA APOSTOLORUM

Novaria.

XI.

Antiquum ecce nitet templum, quod sorduit antè,  
 Cui faciem veterem lux nova composuit.  
 Perdi dit antiquum quis religionis sacellum,  
 Numinibus pulsus quod bene numen habet?

Di quibus hoc patuit, possessas linquite sedes.  
 Quod fecit Victor, victor vbiq̃ue tenet:  
 Addidit ad cultum merito successor & actis,  
 Qui morum nomen hinc, Honorate, geris.  
 Nubila viperei qui gestat corda veneni,  
 Non datur vt faciat culmina pulcra Deo.

## [ITEM IN DOMO MEDIOLANI.] XII.

Aspice de cuius biberit domus arcta fluentis,  
 Atria quòd superat porticibus modicis.  
 Pontificis summi studio constructa renidet,  
 Laurenti proprium possidet ista diem.  
 Splendida per census consurgunt tecta ruinam,  
 Occasum nescit quod venit à domino.  
 Vix caries senium comitata hoc deterit vnquam,  
 Gloria factoris quod bene condiderit.  
 Fabula de magnis nunquam tacitura reseruat,  
 Quod vincens æuum nomen ad astra ferat.

\*

XII.

Ille fuit rigidi semper seruator honesti,  
 Terribilis culpis, supplicibusque pius.  
 Quem nunquam flexit vitium, miseratio semper,  
 Iudicium facie certus vbiq̃ue dedit.  
 Crimina corripuit vultu, compuncta refouit,  
 Conscia secreti detulit ora tui.  
 Hunc vtero genitrix cœlestem fudit in aulam,  
 Vbera subducens tradidit vberibus.  
 Cana venerandum stupuerunt sæcula Vatem:  
 Moribus antè fuit, quod gerit officio.

\*

XIV.

Qui posseſſa diu felix habitacula liquit,  
 Quæ creuit domino ſic viduata domus.  
 Aulica ſuſcipiens moderamina raptus inemptum  
 Quod pretio mentis quæritur, obtinuit.  
 Nunc locus irriguo retinet quod ſorbuit hauſtu,  
 Proſpera cuſtodiens faucibus acta ſemel.  
 Extemplo quiſquis ſucceſſit manſor & hæres,  
 Ingreſſo dextrum contulit iſta pedem.  
 Quid præſter conſors ad ſanctam diſcite vitam,  
 Si reddunt mundos teſta dicata viros.

\*

XV.

Da, pater omnipotēs, per ſæcula lōga precamur,  
 Spes & certa piis hoſpitibus veniat.  
 Candida ne meritis ſuſcentur ſtamina noſtris,  
 Neu metis ſiſtat palma parata meis.  
 Surgat qui propriæ genitricis fotus in aluo  
 Ad guſtum vitæ per tua dona venit.  
 Tu mea vel tenui perfundis corda ſapore,  
 Tu teſtem linguam ſanguinis eſſe facis.  
 Celſa tenebroſo frondeſcunt arbuta luxu,  
 Quæ nullis ſtrinxit falcibus agricola,

\*

XVI.

Eloquium certus naturæ conſtitit index,  
 Perfecti fontem quærare qui ſitiat,  
 Libertas ſemper ſtudiis reſeratur honeſtis,  
 Infabricata latet nobilitas ſtudiis.  
 Captium venis ſeruafſet terra metallum,  
 Ni daret inuentor quod vocat in medium.  
 Scrutator fuluum conceſſit pallidus aurum,  
 Qui polit, ingenium ſic facit eſſe ſuum.



Hactenus Ionium perlustrans remige pauco  
Ad portum cymbam flecte, Thalia, meam.

SVPER REGIAM TRICLINII IN

*Domo.*

XVII.

Nauta per postes suspendit munera ponti,  
In foribus propriis flumine parta gerens.  
Venator portis apponit missile ferrum,  
Vestibulum galea comitur armigeri.  
Discitur in valuis ars, virtus, nomen, origo.  
Nos frontis signo credimur esse Dei.  
Sic nostrum pande studium dux littera recti,  
Ut domus ingenium non taceat domini.  
Qui gestas Latium satiatus pectora rorem,  
Aspice serpentes hinc Heliconis aquas.

IN MISSORIO, QVOD HABET LO-

*ricatum iuuenem super equum, tenentem*

*victoriam in manu.*

XVIII.

Ecce tenet victrix pennatum dextera numen:  
Venit, & ad reditum non habet arma via.  
Pugnacem gestans sonipes per terga minatur,  
Aduena cui terror ridet in arte bonus.  
Discat Hyperboreis famosum germen in aruis  
Naturæ genium, cum simulacra videt.

DE LEONE MARMOREO, QVI AQVAM

*mittit in Domo.*

XIX.

Aspice deposita blandum feritate leonem:  
Ore vomit lymphas pectoris obsequio.

Vnda fluit roſtro, dens mortis pocula mandit,  
 Naturam perdens belluā nos ſatiat.  
 Effera dum vitreos effundunt guttura fontes,  
 Dira ſalutiferis corda lauantur aquis.

IN BAPTISTERIO AGELLO VBI PICTI  
*sunt Martyres, quorum reliquiae conditae*  
*sunt ibi.* XX.

Conditor Armenius, ſupero qui dignus honore eſt,  
 Hic peperit fontem viuificantis aquae.  
 Plena ſalutiferis geſtemus uiscera lymphis.  
 Ne ſitiat potans contulit vnda ſemel:  
 Rapta ſepulturis animauit corpora pictor:  
 Funera viua videns mors eat in tumulos.  
 Illorum tamen iſte locus complectitur artus,  
 Quos paries facie, mens tenet alma fide.

DE SCVTELLIS SEPTEM HABENTI-  
*bz ſeras vel Dianam.* XXI.

Delia, ceruus, aper, tigris, leo, bucula, pardus  
 Apportat menſis fercula, docte, tuis.

DE COMPOSTILE HABENTE SEPTEM  
*gauras.* XXII.

Diuerſis dapibus conſinia proxima ſeruat,  
 Dum claudit variis fercula multa viis.  
 Limitibus certis quod iunctus diuidit ordo,  
 Vnus in argento quā bene ventor habet.

## DE EO QUI VT FILIVM MATRI

*reconciliaret furtum fecit.*

XXIII.

Quis rogo per facinus crimen compescuit vnquā?  
 Amplector sanctas, quæ dant bona semina, fraudes;  
 Augmento rumpunt dum iurgia sæua perito.  
 Qui natum matris per culpam reddit amori,  
 Hunc odiis constat missurum semina pacis.  
 Ordine peruerso fallax concordia pugna est,  
 Cùm belli facies tribuat mentita quietem.

## DE EO QUI DICEBATVR MERETRI-

*cis filius & asellionis esse.*

XXIV.

Di prohibete minas, quas partus nūtiat horrēs.  
 Quem lupa sordenti conceptum fudit asello,  
 Coniugis illicibus sariauit viscera prole,  
 Edidit & pecori sobolem fera prodiga legis.  
 Quid faciat rumpens naturam conuena discors?  
 Vnde sequenda petat natus, quis dicere possit?  
 Quem stultū genitor, furem dedit improba mater,  
 Nobile degenerans tenuisset culmen ab istis.  
 Sed vitiis proprium te norunt, crede, parentes,  
 Elinguem, trepidum, iactantem, fraudibus aptum,  
 Gutturis immensi, sorbentem quicquid vbiq̃ue est.  
 Qui semel assuetas humano sanguine fauces  
 Pandit, & ad viles non vertit terga iuuenços.



DE CAVCO CVIVSDAM HABENTE

*Pasiphaen & taurum. Ex tempore.* XXV.

Pasiphaë niueum linquēs nec in arte iuuenctum,  
Diffusis collo manibus petis oscula supplex,  
Pulchrior & certis illudis ficta puellis:  
Candidus argentum superat bos luce coloris,  
Visit amor, taurus, mulier, sine corpore vero.

DE EO QVI NVNQVAM NISI IN

*depositione filij paust.* XXVI.

Præparat in fletu qui fercula lauta vocatis,  
Annua per lacrymas celebret sollemnia magnas.

ALITER.

XXVII.

Nunquam stante domo pascit, mihi credite, tātōs,  
Qui tumultos natis, & mensas complet amicis.

ALITER.

XXVIII.

Conuiuat miseri luctus deposcite multos:  
Prandia tot venient, funera quot fuerint.

ITEM DE CAVCO HABENTE PASI-

*phaen & taurum.* XXIX.

Blanditur mulier, sentit bos, membra mouentur.  
Attulit ars formas, quis dedit hīc animas?

ALITER.

xxx.

Et fictus rigidam seruat, Venus improba, mentem  
Taurus, ut admotis suspendat rostra labellis.

ALITER.!

xxxi.

Si tibi sunt animæ, pictor, quibus in seais artem,  
Mollior in tauri claudatur spiritus ore,  
Fortia si miseræ non dantur corda puellæ.

DE EO QVOD MESSALA CONSVL

*Ennodius in cognomine dictus est.*

xxxii.

Consulis ad genium nomen pro stemmate iunxi,  
Dans lucem fastis, sum trabeis potior.  
Quid palmata tuo tantum de murice vernas?  
Plus fucante dedit purpura nostra tibi.

DE OBLOQVENTE SIBI ADVOCATO. xxxiii.

Improbe, quid fractis confundis singula verbis?  
Depingit mores obruta lingua tuos.  
Accipis, exposcis, præsumis, rennuis, ardes.  
Tristia, blanda simul, fortia, fluxa facis.  
Ira, pañor, rabies, patientia tempore in vno,  
Tot facies gestas pectoribus vacuis.

VERSUS SCRIPTI AGELLO, VBI

*filium Armenij Angeli Christo offerunt,  
qui pœnitentiam egit.*

xxxiv.

Suscipit oblatum veniam cui contulit IESVS.  
Post culpas anime sunt holocausta Dei.

Perge, puer, teneros superans bene conscius annos.  
Victores iuuat candida vita pios.

DE RO-QVI GALLIS IPSO PRÆSENTE

*oblocutus est, cum esset detractor*

*Venetus.*

XXXV.

Illudis Gallis, Veneti malè tincta propago.  
Nil candoris habes, mens tibi quod genus est.  
Despicias infontes maculatæ vernula terræ:  
Sed natos Rhodani nix probitatis habet.

EPIGRAMMA IN SVBSCRIPTO. XXXVI.

Quod tibi naturæ dederit lex germen amice,  
Hoc mihi fons tradat viuificantis aquæ.

IN DOMO ANTE ORATORIVM. XXXVII.

Commoda de damnis mercaris, gaudia planctu,  
Si tibi de Christo est indubitata fides.

ANTE OLEARIVM.

XXXVIII.

Hoc est quod nitido membrum completur oliuo:  
Nil potius sanctas conuenit ante fores.

ANTE HORREVM.

XXXIX.

Horrea parua licet, sed mens est largior illis.  
Non parcens opibus diuitias merui.



## ANTE SCALAS.

XL.

Adueniant animum referantes teste figura,  
 Quo semper votum proditur indicio.

## ANTE CELLARIUM.

XLI.

Nulla penum laxat mentis pressura sinistra:  
 Effluit expensis quod spatii latitat.

## ANTE COQUINAM.

XLII.

Non mihi diffusa dant prandia celsa coquina:  
 Nec plures venter concutit artifices.  
 Fercula pauca damus numerum vincentia cultu,  
 Gloria nec mensæ damna salutis habet.

## ANTE CANAVAM.

XLIII.

Sobria cella cadis vinum quod seruat onustis,  
 Corpora confirmat gressibus acta suis.  
 Infundunt multis irarum pocula flammæ:  
 Mitescunt nostro bellica corda mero.

## IN INGRESSU HORTI.

XLIV.

Respice, qui gressum sinuas per amœna vireta,  
 Ut discas cultis lucem præferre disertis.  
 Arridet germen, quod linguæ pingitur ostro,  
 Ver habet in bruma, qui flores carmine gignit,  
 Per glaciem Zephyros exhalant verba tepentes,  
 Ebria fulgenti maduerunt murice dicta,

Omnibus in rebus sermonum purpura regnat,  
 Oris ad imperium submitunt colla chelydri.  
 Algida cum roseo iuuenescunt sanguine corda,  
 Primæuos gelidis ostendit littera membris.  
 Vertit ad obsequium naturæ munera doctus,  
 Et ætates, species, mensuras, tempora, formas.

INTRA HORTVM SVpra LIMEN. XLV.

Collaudet spatii hortorum commoda lautis,  
 Plurima cui satiant iugera culta famem.  
 Ditiore extentos superat dos larga minorum:  
 Nobilitas vera est, quæ nitet in modicis.  
 Venit ad inclusum postponens gratia campos,  
 Prodidit angustis quid faciat studium.  
 Vernat in ingressu viridanti porticus umbra,  
 Cui fudit genium vitifer ipse Deus.  
 Exornans magnis foliorum texta racemis  
 Æstiuis iunget commoda frigoribus.  
 Lilia nam, laurus, oleas, comimista rosetis  
 De cultu proprium fecit auere diem.  
 Serta triumphantis frondē quæ monstret amicum,  
 Contulit affectus aurea terra suos.  
 Largus opum poscat maioris præmia voti:  
 Hoc satis est nobis, quod sine fraude libet.

DE MVRENA IN L. F. QUÆ IN  
 septicio clauditur ita tenuis est. XLVI.

Spiritus exhausto volitat prælubricus auro,  
 Candida lassatum vix tangit membra metallum,  
 Afflixit pondus pretium fornacis anhela.

Qq iij

ALITER.

XLVII.

Aurea per nebulas dissoluit fila magister,  
 Luferunt dociles flamina fulua manus.

ALITER.

XLVIII.

Contulit hic ventus pretiosi membra metalli.  
 Quod finxeret timent, nec capiunt oculi.

ALITER.

XLIX.

Est nihil, & teneo, conuincit dextera visum.  
 Stringitur arctatis digitorum nexibus aura.

DE EO QUI FICVS MVNERE ET  
*tesserano simul misit.*

L.

Damnati fructus mittit tua dextera lignis.  
 Hæc hominem dira spoliarunt pabula primum,  
 Et nudis, serpens, post fraudem sorte minaris.  
 Parce precor donis: casus & damna reserva.  
 Quid nocitura putas infantis poma saluti?  
 Antè ferax leti tunc mortem depulit arbor,  
 Fixa triumphigeris cùm ramis vita pependit.

DE ADULTERO ET MOLLE.

LI.

Omnia memphitis retinentur sæcula textis.  
 Seruiuit nunquam Laurentius antè Neroni,  
 Nec timuit validas vicit qui corpore flammæ.



## ALITER.

LII.

Vir facie, mulier gestu, sed crure quod ambo,  
Iurgia naturæ nullo discrimine soluens,  
Es lepus, & tanti conculcas colla leonis.

## ALITER.

LIII.

Exige mendaces populorum vxorcula barbas,  
Ne minuant quæstum mascula labratuum.

## ALITER.

LIV.

Respice portentum permixto iure creatum,  
Communis generis, fatius sed dicitur omnis.

## ALITER.

LV.

Ludit in ancipiti constans fallacia sexu:  
Fœmina cùm patitur, peragit cùm turpia, mas est.

## IN BAPTISTERIO MEDIOLANENSI. LVI.

Mundior excocti fulgescat luce metalli,  
Munera disponit qui dare digna Deo.  
Antè vaporatis Laurenti vita caminis  
Constitit, vt blandum nobilitaret opus.  
Marmora, picturas, tabulas, sublime lacunar  
Ipse dedit templo, qui probitate nitet.  
Ædibus ad pretium sic mores conditor addit,  
Vellera, ceu Serum murice tincta feras.  
Qualiter inclusas comit lux hospita gemmas,  
Nix lapidis quotiens pulcrior arte rubet.

DE IOVINIANO, QUI CVM HABE-  
ret *barbam Gothicam, lacerna vestitus*  
*processit. Ex tempore.* LVII.

Barbaricam faciem Romanos sumere cultus  
Miror, & in modico distinctas corpore gentes.

ALITER. LVIII.

Romuleam tegetem nox oris nubila fuscant:  
Oppressit vestes tenebroso tegmine vultus,

ALITER. LIX.

Nobilibus tollis genium, malè compte, lacernis,  
Discordes miscens inimico fœdere proles.

IN BASILICA S. CALEMERI, QUAN-  
*do reparata est.* LX.

Libera captivum meruerunt culmina lumen;  
Arridet facies nubila nulla gerens.

Hic nuper astrigeri dos proxima venit Olympi,  
Laurenti vatis ducta ministerio.

Ædibus & vitæ cuius nunc vna figura est;  
Ceus solis radiis forma, color similis.

Euge vetustorum reparator, perge novorum  
Conditor, & vultu clarus & ingenio.

Abiurant priscam, te Præsule, tecta figuram,  
Aduena casuris porrigitur genius.

DE QUODAM VETERI INIMICO

*stulto & bene pascente.*

LXI.

Prandia lauta paras, sed lingua sordibus horres.  
Si defis pastor, fercula concilias.  
Ambitiosa fames, lassato prodiga censu,  
Cornibus insultat, si taceat dominus.

DE EO, QUIA PAUPERVM OPES

*vorabat.*

LXII.

Visceribus miserorum & sanguine pauperis aucte,  
Tantum mortes cur tibi sunt epulæ?  
Tubera, perdices, grus, turdus, turtur, echinus,  
Non explent vterum corpora mille tuum.  
Infaustus multis, tibi felix diceris vni,  
Hæres quod misero venter erit proprius.

DE EODEM.

LXIII.

Artubus humanis Polyphemus vixit, & atro  
Sanguine distentos delicias habuit.  
Tu reddis similem, scena redeunte, furorem;  
Cui pastum tribuunt agmina debiliū.

DE EO QUI, VT AMICOS EIVS AD

*se tolleret, pascebat.*

LXIV.

Mergeret vt diuos in mortem, pabula serpens  
Contulit, & vitam munere dira tulit.



Sic quicumque meos paradisi vere labores

Demulcet, calles coniuii patitur.

Illic discedit quem pectore gessit amicus:

Fit dominum cari gutturis hospitium.

DE DEFENSORE CALLIDO. LXV.

Nesciris votis, et cordis nube recedis,

Ex oculis præsens quæreris in facie.

Tuque per ambages nulli spectabilis esse

Calles, mellifluis toxica dans labiis.

Hoc volo quod non vis iurans, te nolle quod optas,

Concutis et variis pectora sæua modis.

Hydram verticibus, formis superare Prometheum

Doctus, ut ad priscos fabula non redeat.

Bella cies, spoliis crescis, Defensor, adeptis.

Ad nomen currit præda superba tuum.

PRÆFATIO TOTIVS OPERIS

*Poëtici, quod fecit.*

LXVI.

Dum mea multiplices mens anxia sustinet æstus,

Et reddor vitrei mancipium pelagi.

Cùmque procellosus refluente portitor undæ

Africus ut captas me rotat exuvias.

Pierius menti calor incidit. indiga ferti

Tempora mox cinxit laurus Apollinea.

Tunc hederæ viridis rubuerunt fronte corymbi,

Castalii mellis murmura blanda bibi.

Continuò ponens marcentes pectore curas

Complector laudem, carmina, lætitiâ.

## DE EO QVOD VINDEMIARVM

*tempore scripsit.*

LXVII.

Musta cadis famuli dum condunt nostra fideles,

Et ludunt prælo calcibus intrepidis.

Dum tingunt rosei plantas de sanguine Bacchi,

Scinditur et teneras vua gerens tunicas.

Otia Niliacis non passus carmina biblis

Sulcaui, tumulo ne tenear moriens.

Ebria lapsantis confessus verba Thaliæ,

Sum vacuus culpa, si pedibus titubet.

Ieiunos deceat lex artis, syllaba, rythmus:

Nulla Camænarum iungitur ad Bromium.

## DE QVODAM GLVTONE, QVI OPVS.

*eius imperitus carpebat.*

LXVIII.

Nescio cur sancto non parcas, stulte, labori,

Dum morem seruas dentibus infiliens.

Mandere nos pergis: sed venter commoda nescit.

Flamina nam vacuis stringis imaginibus.

Escharum gorges nil ruptis murmure buccis

Suscipit, aut castis motibus exuberat.

Phasiacam volucrem, pisces, vel sumina captans,

Vda vaporatis guttura pasce cibis.

Me ieiuna iuuat sine ructu pangere dicta:

Regifico hixu fercula te satient.

DE EUNUCHO TRIBVNO, NOMINE,

*Peregrino, omnia perambulante.*

LXIX.

Testibus asseritur gens, census, vita, Tribune,  
Antiquum quotiens linquimus hospitium.

Tu, quem lustratis transmisit gentibus error,

Nulla domus pleno nec tenet ampla die:

Vis dici locuples, sublimis, pulcher, amicus,

Æstibus ignoti missus ab Oceani.

Irrita dicta volant, assertor non venit ullus,

Nulla fides sexum detegit, aut patriam.

Mendicus, vetulus, timidus, confusus, anhelus,

His, verum perdens, vtere nominibus.

DE EODEM.

LXX.

Tutus falsa loqui poteris sine teste, Tribune,

Ventus habet linguam ponderibus vacui.

ALITER DE IPSO, QVIA NVSQVAM

*stat.*

LXXI.

Instabilem faciunt naturæ damna Tribunal:

Auolat hinc rursus, vincula ni teneant.

Tolle miser modicam Zephyro veniente saburram:

Radix nulla tuo est utilis auxilio.

ALITER DE IPSO.

LXXII.

Eunuchus turpem poscit per compita victum:

Semina telluri non habet vnde ferat.

Grandia proscissis rus seruat germina membris,

Fœtibus & messis multiplicata redit.



In cassum sectus proscindit vomere terga,  
Ni findens spargat triticeam sobolem.

DE EO QVOD CVM IPSE GALLOS PAREN-  
*tes haberet, anseres amabat comedere.* LXXIII.

Hic volucrum pugna est, vbi Gallo cæditur anser:  
Dat pœnas veteris proditiōis auis.  
Mactatus quondā vocis capis, improbe, quæstum.  
Romanis vitam qui dederit, moritur.

DE VARIETATE CLERICORVM. LXXIV.

Qui ponti facies, numerum qui nouit arenæ,  
Fœmina quem iurans fallere nulla potest.  
Astrorum plebem, qui calles spectat amantum,  
Cynthia cui certis cornibus innotuit.  
Non valet hic vultus retinere, & nomina, mores,  
Quos mutat Clerus tempus in exiguum.

DE MALO HOMINE, QVI EQVOS  
*amabat.* LXXV.

Gaudet equis recti dissuasor, & indigus æqui,  
Nomina qui dignis studio superante caballis  
Subtrahit, opponens ad sancta vocabula clunem.  
Sed procul est pecudis quod censet mentis iniquæ,  
Propositū perstat generis, quod stemmata fundūt.

DE CALLIDO, QVI DEFENSOR  
*dicebatur.* LXXVI.

Aspidas vt capiat tectis fraus hospita technis,  
Sub ludi specie mortis imago latet.  
Vmbra lacestias producit callida pestes,  
Et bellum blandis principiis geritur.

Credite, non aliter defensor prælia tractat,  
 Qui accusat ridens, qui perimit placidus.

## DE VITA ET ACTIBVS S. AMBROSII

*Episcopi.*

LXXVII.

Egit quod docuit meritis & honore superstes  
 Ambrosius Vates moribus, ingenio.  
 Roscida regifico cui fulsit murice lingua,  
 Vere suo pingens germina quæ voluit.  
 Serta redimitus gestabat lucida fronte,  
 Distinctum gemmis ore parabat opus.  
 Instituit populos gestu, probitate, pudore,  
 Fouit respiciens, perculit, admonuit.  
 Vocis ut officium postrema pericula poscunt,  
 Sic teneras culpas qui tacet insequitur.  
 Succinctus gladijs, clypei de pondere tutus,  
 Pectora claudebat textilibus chalybis.  
 Ensis habet vires vitiorum sector & hostis:  
 Vipera non tangit squamea terga viri.

## DE S. SIMPLICIANO EPISCOPO

*Successore eius.*

LXXVIII.

Ambrosius linquens viduatæ munia plebis  
 Transtulit ad curam, Simpliciane, tuam.  
 Successoris opes spoliati viscera regni  
 Creuerunt merito temporis alterius.  
 Ac velut annosam Zephyris parcentibus ornum  
 Ne metuat bellum, longa quies solidat.  
 Tyro tamen felix cana ad rudimenta vocatus  
 Non flexit priscum degenerans apicem.  
 Nil timuit gelidis anima feruente medullis.  
 Pontificis virtus floris habet senium.

Æquora qui tecto pressit terrena patenti,  
Moribus & cultu sidera cùm tetigit.

## DE B. VENERIO SEQUENTE. LXIX.

Forma pudicitiae iuuenis sectanda Veneri  
Venit, nominibus nil famulata suis.  
Fortia marcebant vetulo sub iudice membra,  
Ætas præsentem perdiderat puerum.  
Sublimis postquam conscendit fulcra cathedræ,  
Cana tener populis dogmata disseruit.  
Aurea fluxerunt locupletis schemata linguæ,  
Sol vitæ nitidum reddidit eloquium.  
Aluus ut Ecclesiæ tumuisset semine verbi,  
Non deerat pastus lactis Apostolici.

## DE VENERABILIS MAROLI

*successione.* LXXX.

Marolus extremæ potator Tigridis oræ,  
Qui iubar in madidis viderat hospitiiis.  
Quem labor in proprio Syriæ solidauerat axe,  
Orditur Vatem dotibus innumeris.  
Peruigil, intentus, ieiunus, prouidus, ardens:  
Quod morem tenuit sat fuit officio.  
Ostenerum quotiens gustus contingit honesti,  
Transit ad affectum quod fuit imperii.  
Terra potens olim patribus fundata beatis  
Nobilibus mundum partibus irradiat.

## DE CULTORE DEI MARTINIANO

*Episcopo.* LXXXI.

Mens niuei lactis, species manifesta columbæ,  
Astutia serpens, Martinianæ, vale.



## 624 MAGNI FEL. ENNODII

Lubrica te dubij dum poscunt flamina vulgi,  
 Inueniunt pauidum ne mereare legi.  
 Vnus erat mundo contraria iudice narrans,  
 Qui vt caperet regnum vincere non meruit.  
 Protinus ad magni perductus limen honoris  
 Exul cœlorum ciuibus inseritur.  
 Post geminas Sanctis construxit mundior ædes,  
 Lumine quas clauso iussit habere diem.

## DE VENERABILI GLYCERIO

*Episcopo.* XXCII.

Suffusus minio, perque optima facta rubescens  
 Virginei vultus Glycerius sequitur.  
 Puram sanguineo maculat dum rore figuram,  
 Picta genas facies simpliciter placuit.  
 Candentem crocea gestans aspergine frontem  
 Læta verecundis tinxerat ora notis.  
 Indeptus sceptrum, tribuit quod testis imago,  
 Purpura quem mentis prodidit imperio.  
 Hunc habuit & populus paruo vix tempore felix,  
 Sed rursus magni missus ad obsequium.

## DE S. LAZARO ANTISTITE. XXCIII.

Lazarus vt diri premeret pede culmina mundi,  
 Vocibus accitus trux venit in medium.  
 Quem frons læta parum vitiis depinxerat hostem,  
 Mulcantem culpas luminibus tacitis.  
 Respiciens lapsus deterisit nubila vitæ:  
 Curam sæpe dedit vulneris obsequio.  
 Non latuit tectis facinus qui gessit in antris,  
 Absens criminibus tortor vbique fuit.  
 Innocuis placida vernabat luce serenus,  
 Ceu speculum noxis injiciens faciem.

## DE AMICO DEI EVSEBIO PONTIFICE.

XXCIV.

Eusebius Ligurum successit finibus hospes,  
 Ignotæ tractus plebis amicitia.  
 Graius erat, socio Titan quos respicit ortu  
 Flammigerò lymphas vertice decutiens.  
 Mitis, compositus, largus, pius, integer, audax,  
 Crederet vt damnum non dare, perpetuum.  
 Fleuit pauperiem miserans, arrisit habenti,  
 Gaudia cum cunctis tristitiamque gerens.  
 Hunc index operis locuturo nuntiat orbi  
 Fama virum, gentes de statione trahens.

## DE GERONTIO EPISCOPO. XXCV.

Ecclesiæ postquam parata est tibi sella, Geronti,  
 Funera decessor non timuit moriens.  
 Te reparante redit, patitur fors pallida letum,  
 Viuit post obitum discipuli pretio.  
 Agricolis iunctus coluisti germina vitæ,  
 Nec serpens lolium pabula læta tulit.  
 Qui dedit in mediū quæ lex iubet optima victum.  
 Emit terrenis fructibus ille polum  
 Errorem mentis pressisti lege laborum:  
 Otia non passus virtutibus veheris.

## DE VENERABILI BENIGNO

*Episcopo.*

XXCVI.

Exere quæ posuit mens nomina certa, Benigne,  
 Quem quisquis vocitat testis erit meriti.

Cana fides hominem dum narrat, detegit actus.

Nil loquitur casu pignoris attonitus.

Præscia venturi non errant vota parentum,

In veram vertunt blanditias sobolem.

Ante patres censens sedit plaudente senatu,

Prælatum sanctis extulit ille caput.

Pollice sed diro cunctos succisus aratro est.

Spes, decus, & genius de foribus cecidit.

DE BEATISSIMO VIRO SENATORE

*Episcopo.*

XXCVII.

**Q**ui vincit traheas, soliū, cinctumque Gabinū  
Consulibus præstans ecce Senator adest.

Ingenium velox, sermonis cura rotundi,

Virtutum pretium, forma pudicitæ.

Abdita librorum mysteria clausa propheta

Qui dedit in lucem schemate quo voluit.

Orbis ad extremi missus secreta verendis

Curauit studiis quod fuerat lacerum.

Tunc Oriens victum peregrino lumine factus,

Hæsit ad aspectum lampadis alterius.

DE DOMNO THEODORO VIRTU-

*tam omnium Episcopo.*

XXCVIII.

**T**ux certa tuis, spes tu fidissima rerum,  
Vatis Apostolici tū, Theodore, vigor.

Virtutum cumulus, substantia lucida veri,

Monstrat acervatis quam labor in studiis.

Præsciens, accinctus, fortis, tranquillus, amicus,

Compositus, simplex, tu bonus, & sapiens.



Fatidicus semper tu conscia corda futuri.  
 Deprensū fluxit te referante malum.  
 Quem timuere feri calcantes culmina mundi,  
 Dilexit, spernens dura supercilij.

XXCIX.

Restat, quem longo seruet Rex inclytus æuo.

[ AD DEUTERIUM. ]

XC.

Imperij custos vocali pollice chordas.  
 Per numeros animans, tibi fila loquentia carmen  
 Verberibus plectri, Doctor, seruire cœgi.  
 Cyrrha potens Phœbo, laticis pia turba sereni  
 Tu mihi semper eris, qui pectora clausa remotis  
 Inseris officiis, & dextro numine complēs.  
 Deprecor, exactam fauturus suscipe vocem,  
 Extortis pretium donans te indice dictis.

DE MARMORIBVS OPERE

XXCI.

Visceribus lapidum permixta lege coactis  
 Naturam faciunt artificum studia.  
 In solidum fractis riguerunt marmora membris.  
 Partibus in crustam colligitur genius.  
 Vnam de variis speciem componere frustis  
 Qui potuit, saxum duxit in obsequium.

DE MISSIO VBI IMAGO IPSIVS

est.

XXCII.

Diuitibus pretium est Ennodi forma metallis.

Rr ij

IN CONCHA IPSIVS. XCIII.

Parturit vnda sitim, quam splendens concha ministrat.

DE EQVO QVEM ACCEPIT

Hunisco.

XCIV.

Belliger argenti sonipes nutrite sub axe,  
 Per Tanais medium pectora sicca ferens.  
 Cana pruinosis mandentem gramina lustris  
 Virtus lege poli quem sibi percoluit.  
 Post domitas gentes, post flumina tanta cruoris,  
 Alter te dominus, sed manet ipse labor.  
 Linque precor lituum, cantus pastore beatos,  
 Captivus pacis mitteris obsequiis.  
 Nil tibi cum bellis, commendant buccina letum,  
 Quid iuvat expertas semper amare neces?

EPITAPHIVM S. VICTORIS EPIS-

copi Novariensis.

XCV.

Nomine, proposito, meritis, certamine Victor,  
 Despicias oppressas maculato semine terras.  
 Tu carnis vitiis possessor corporis experts,  
 Lubrica subiectis domuisti sacula membris,  
 Tranquillus, patiens, correptor, prouidus, acer.  
 Hic reddens tumulis cineres, ad celsa vocatus  
 Spiritus ætherea congaudet lucidus arce.  
 Busta supercilio miseratus cernit olympi.  
 Vnde triumphati respectans funera mundi,  
 Cassibus exutis concedes pramia membris.

DE QVODAM ROMANO QVI  
*Voluit magister esse.* XCVI.

Index naturæ studium tibi non venit illum,  
Littera nulla colit brutæ commercia linguæ,  
Nunquam discipulus valeas dic vnde magister?

## DE ANV QVADAM. XCVII.

Algidus in viuo moritur dum corpore sanguis,  
Annorum glacies cùm siccat pabula vuluæ,  
Seminis & custos refugit cruor vtiles inguen,  
Marcida cur iuueni sociaris, Galla, marito?  
Pignoris in thalamis pariet fiducia iuncto.  
Nam sobolem laxis mendacem viuere rugis  
Insimulans, epulis das prolem fæta cloacæ.  
Attulit hoc venter, quod coniunx iungat ad ora.

## DE ANVLO FIRMINÆ INL.

*famina.*

XCVIII.

Nil fallit simulans, quod finxit dextera verum est.  
Immobilis stantem fugitat lepus arte molossum,  
Insertus rabidis ridet furor aureus vrsis,  
Gestandus manibus sæuit leo blandior ira.  
Cognoscit dominam genius famulante metallo.  
Mitigat illa feras, dum plebem pascit egentum.

## [ DE ALBINO ]

XCIX

Aspicias Albinum titulos post busta dedisse,  
Funera qui meritis viuacibus iugulat

Rr liij



Inclyte cui Princeps dum subdisiura Magistri,  
Vere sepultura contigit ille locus.

## [ DE CANE VENATICO,

Cagna ]

C.

Creticus hic sollers quidam vocitatur homullus,  
Naribus argutus, gressu celer, ore timendus,  
Impavidus presso signans vestigia rostro,  
Quò ceruus, caprea, lepores, lupus, vrsa vagatur,  
Inuenit, & tepido capitur fera prouida lecto.  
Luditur agnellæ post prælia tanta volatu,  
Molle pecus volucrè prauertit fraude molossum,

## DE SCUTELLIS

CI.

Tot Iouis illecebras, tot crimina viua figuris  
Dum bene depingit, vitiosa est dextera fabri.  
Argenti pretium est facinus retinere vetustum,  
Ne purum superet quod furtis Iupiter egit.  
Nil licet ætati, scelerum monumenta resurgunt.  
Admonet exemplis, qui culpas format auitas

## ALIVD.

CII.

Si tantas facies tunc sumpsit diuus adulter,  
Se primum falsis luscis imaginibus.  
Quid non mentito violasset corpore numen,  
Cuius forma suo gaudet adulterio?

## [ DE PASIPHAE ET MINOTAVRO. ] CIII.

Læsa Venus non est, naturæ vincula constant,  
Bucula Dædalei cessat mentita laboris.

Ingenio viuens nil mugit vacca biformis,  
 Fictaque nec verum coitum dant ligna iuuençæ.  
 Ecce iterum tauro mulier submittitur vxor,  
 Humanas pecudum suspirant pectora flammæ.  
 Vasta iugum ceruix, cursus capit area colli,  
 Qualiter adstricto sudauit marcida loro.

## [DE DEUTERIO GRAMMATICO.] CIV.

Forma, caput, facies, Deuteri cuncta magister,  
 Innumeris doctores dotibus ille cluit.  
 Excussit linguam genius perfectus vbique.  
 Quod fari nescit, displicet inde malis.  
 Grammaticam iactant artem nescire magistrum:  
 Hoc melius simplex moribus instituit.  
 Oratoris opus, lapidosaque culmina Tulli  
 Non tetigit, celsum rhetora nullus amat.  
 Discipulis satis est vultus, tacitique verenda  
 Caluities, Phœbe lumina plena vident.

## IN NATALEM INFANTIS ARATORIS.

*Ex tempore.*

CV.

Iure colis proprium natalem, pulcher Arator.  
 Qui si non coleres, nunquam Arator eras.

## DE QVODAM INCERTI PROPOSITI

*Et vite turpis.*

CVI.

Tot rebus fallax quid garris pica biformis,  
 Semiuir & tremulo qui vexas turpia lumbo?  
 Quod tibi propositum, qui sexus contigit vnquã?  
 Quid non mentiris vir, fœmina, sancte, profane?

R. r. iij

VERSUS MISSI AGNELLO VIRO

*sublimi, ex tempore.*

CVII.

Lucidum tinxit maculante fuco  
 Quisquis affectum, ferat inde linguam  
 Iudicis Christi facibus perustam

Ore sepultus.

Scindit vrgens fœdus omne fraude viuax perpeti,  
 Ægre portans quicquid ordo flagitat serenior.  
 Linque quæso, amice, mores plebæ dignos vltima,  
 Sanguinis callem secutus serua quod depectus es.

ENNODIVS AGNELLO.

Ante imperium diligentiæ vestræ valitudinem suam  
 iniuncta tenuerunt. Nam ne cui hæc darentur vel  
 legenda vel transcribenda præmonitus, obuias pos-  
 centibus manus opposui. Nunc victus tui caritate  
 transmissi. Facies meum pudorem in statione esse si  
 relegas, in profligatione maxima, si transcribas.

\*

CVIII.

Vincula soluit amor, quæ quondam nexuit alter:  
 Non nisi per legem cedit lex prisca sequentem,

[ DE VERSIBYS SVIS. ]

CIX.

Nunquam frugiferis per sæcula longa tyrambis  
 In me fluxerunt commoda Castalij.  
 Tristitia ieiunis spargentem carmina labris  
 Spes noua quid stimulas gurgiris Aonij?  
 Sed si mutato Parcarum stamine gaudes,  
 Exhibe cornipedem nunc Pegasæa mihi.



Qui ferat aligerum per gramina ruscida corpus,  
 Nec teneras flectat vestigiis segetes.  
 Sublimem, validum, formosum, passibus aptum;  
 Qui si contingat, mox mihi, Musa, places.  
 Mitteris ad largum locupletem poscere parua:  
 Ni gaudens redeas, dic mihi, Musa, vale.

## DE CASTELLO HONORATI

*Episcopi.*

CX.

Pontificis castrum spes est fidissima vitæ.  
 Cui tutor sanctus, quæ nocitura petant?  
 Hîc clypeus votû est, procul hinc Bellona recede.  
 Quod meritis constat, prælia nulla grauant.  
 Conditor hîc muros solidat, munimina factor.  
 Nil metuat quisquis huc properat metuens.

## DE HORTO REGIS.

CXI.

Dextera bellipotens vulgatis plena triumphis,  
 Qua cecidit quicquid fugit ab obsequio:  
 Disperso celsam solidas qui sanguine famam,  
 Cui peperit laudem mitis et arma tenens.  
 Postquam prælargo rubuisti scammate campi,  
 Arua colis pingens germine purpureo.  
 Virgultis proprio dispensas murice poma,  
 Das plantis fructum nobilitate tua.  
 Vilior en cespes iactat se diuite ramo,  
 Dum ligni morsus semina clara fouet.  
 Demessus ferro floret tibi surculus alter:  
 Nuda maritatis dos nitet arboribus.  
 Gramina cultorem prænoscent, muta loquuntur,  
 Quod tetigit Princeps ver habet in glacie.

634 MAGNI FEL ENNODII.

Gestu terra potens , monstrat cui creuerit arbori  
 Fœtibus et genio panditur hîc dominus.  
 Peruigil Hesperidnm quæ seruasiugera serpens,  
 Aurea ieiunis munera dans epulis.  
 Quis syluæ sobolem carpat custode veneno?  
 Morte nemus tutum , credite, nullus adit.  
 Hîc commune facis, pietas, quod sola parasti.  
 Visceribus plenis nescit abire fames.

DE CÆCO QVODAM LVXVRIOSO. CXII.

Orbe pereffosso fluidum de lumine vulnus  
 Pestifer ostentans ora sepulta geris.  
 Cæca per innumeros facies portatur amicos,  
 Qui te conspiciunt iure dolent oculis.  
 Ebria marcenti locupletas flumine menta,  
 Circumfers crasso sordida labra fimo.  
 Oscula nulla petas, madidam suspende Mephitim:  
 Te propter cupiam perdere quod video.  
 Quis putet ex oculis flammæ coalescere turpes?  
 Nil videt, & rectum seruat iter scelerum.

DE EQVO SVO SENE. CXIII.

Flexior annoso sonipes moderamine noster  
 Nunc iuuenem blando sustinet obsequio.  
 Mollia grandæuus summittit terga sedenti:  
 Ætas constantem gressibus esse facit.

DE FLAGELLO INFANTIS ARATORIS CXIII.

Quæ capiunt mundum iunxit mens docta flagello,  
 Exornans censu nobilitante plagas.

ALITER.

CIV.

Argenti atque auri vapulat quicumque metallis,  
Gaudia cum fletu miscet auara suo.

ALITER.

CXVI.

Dentibus argenti fuluum concluditur aurum,  
Contemnat nullus verbera pulcra pati.

EPITAPHIUM DOMNÆ MELISSÆ INL.  
*famina.*

CXVII.

Sanguine, mente, opibus, facie, virtute, pudore,  
Optatur qualis famina, sola fui.

Hoc tantum mundi quod lex est corpore gessi,  
Exornans casta prole pudicitiam.

Quæ victrix fortem tenui per blanda maritum,  
Melle meo vertens iura, Senere, tua.

Quos genui, celsa coniunctos stirpe reliqui.

Quod votum est sanctis, coniuge præmior.

Nil mihi decessit, maneo post busta superstes.

Felices nunquam mors nocitura petit.

Et nomen dulce est, de factis Melissa dicor.

Moribus hoc fluxit iure datum propriis.

DE QUODAM STULTO, QUI VIRGILIUS  
*dicebatur.*

CXVIII.

In tantum præsci defluxit fama Maronis,

Vt te Virgilium sæcula nostra darent.

ALITER.

CXIX.

Si fatuo dabitur tam sanctum nomen homullo,  
Gloria maiorum curret in opprobrium!



ALITER.

CXX.

Captiuo stultus congaudet stemmate vates.  
Non est Virgilius, dicitur iste tamen.

ALITER.

CXXI.

Externo quotiens vocitaris nomine demens,  
Si tibi sunt sensus, prospice ne venias.

ALITER.

CXXII.

Cur te Virgilium mentiris pessime nostrum?  
Non potes esse Maro, sed potes esse moro.

IN CVBICVLO SVPER CODICES IN

*ordina positos.*

CXXIII.

Iste callis est, supernam qui parat potentiam,  
Lux pudoris, esca mentis, fax, medela, claritas.  
Mundi sæce qui fucantur hunc tenere nesciunt.  
Liber extat hoc quicumque colla loro vinxerit.  
Sanguinis venam nitentis comit iste sarculus.

ADVERSVS CLAVDIANVM DE

*mulabus*

CXXIII.

Hic volucrẽm Rhodani torrentis respice natam  
Sermonum frænis subdere colla tuis.  
Iussa volat verbis, et verbis iussa quiescit,  
Cuius captiuum est auribus arbitrium.  
Vincula nesciret, ni vocis stricta lupatis  
Perderet auditu luxuriam generis.

Cum stimulos clamor, mentitur clamor habenas,  
 Obsequium linguæ libera membra ferunt.  
 Non opus est loris, sed nexus certa loquendi  
 Dura catenati rostra ligat pecudis.

## DE ASINO ET EQVA.

CXXV.

Visceribus proprijs externos fundere partus  
 Cogitur, et generis sobolem lactare ferini.  
 Iurgia naturæ magno distantia calle.

## ALITER.

LXXVI.

Edidit ignotum genitrix malè conscia partum,  
 Naturæ fraudes, nobiliore dolo.

## ALITER.

CXXVII.

Discrimen generis iunxerunt fœdera partus,  
 Ingenii stirpem permixta lege coacti.  
 Hic mulus gemitu pecus est, sed corpore simplex.

## DE VECTATIONE SVA NOCTE

CXXVIII.

Astrorum populus necdum de lumine Solis  
 Perdiderat lucem: gremio sed noctis adulta  
 Fundebat rutilos madefacta aspergine crines,  
 Cynthia per erceas fulgebat lactea bigas,  
 Rescindens quicquid descripserat orbita fratris.  
 Vernabat tacitus splendor de munere noctis,  
 Torrida frigoribus confringens tempora Cancris:  
 Cum me curarum cupientem spernere falces

Ruris amœnati facies depicta vocauit.  
 Cornipedem scandi, qualem vix Cyllarus æquat,  
 Mollibus æthereas qui vincit curribus auras,  
 Immobilis currit cuius per devia fessor,  
 In statione volans pedibus constanter adactis.

## IN BASTERNA VXORIS BASSI

*Viola.* CXXIX.

Quam vaga cōstantem retinent hæc testa decorē  
 Mittitur à domina quicquid habent pretij.  
 Nam rutilat fuluum *Viola* de luce metalium:  
 Possessor radios spargit vbique suos.

## EPITAPHIUM EUPHEMIAE. CXXX.

Obruit hæc tumulos, viuit post funera factis,  
 Quæ mortale nihil moribus inseruit.  
 Euphemia tuos tellus complectitur artus,  
 Sed mens est iniueis quàm bene iuncta choris!  
 Occidit exitium, fors tunc durissima seruit,  
 Cùm superat fatum nescia vita mali.  
 Hæc thalamis fœcunda fuit, viduata pudori  
 Exemplis natam fecit amare Deum.

## DE SPATHA IN FVSTE. CXXXI.

Vtimur incluso per fraudes ense bacillo,  
 Mors ligni tuncis quàm bene testa latet!  
 Subsidium portas, quod cunctis terror habetis,  
 Pacificum est nobis quod necat obsequium.



## DE BOETIO SPATHA CINCTO. CXXXII.

Languescit rigidi tecum substantia ferri,  
 Soluitur atque chalybs more fluentis aquæ  
 Emollit gladios imbellis dextra Boeti:  
 Ensis erat dudum, credite, nunc coluse est.  
 In thyrsum migrat quod gestas improbe, pilum.  
 In Venerem constans linque Mauortis opem.

## DE STOMATIO EBVRNEO. CXXXIII.

Sollicitata leui marcescunt corda virorum  
 Tormento: fas est ludere virginibus.  
 Frangunt Marmaricis elephas quod militabaruis,  
 Per micas sparsum mox solidatur opus.  
 De pœna teneræ discunt cum fraude iocari.  
 Nam ridere necis munere, fœmineum est.  
 Angustanorunt res mille includere capsa:  
 Omne ebur hîc mulier pectoris arca tui est.

DE AVE PER PADVM SUPER STVMAS  
*sedente & transeunte.* CXXXIV.

Riparum frænos naturæ vincula surgens  
 Fortè Padus tumido gurgite tranfierat.  
 In spumam fluxas cogens durefcere lymphas,  
 Squamea præualidis dorfa ferebat aquis.  
 Ales vt in tenero fidens tunc constitit orbe,  
 Otia dans pennis, tuta premebat aquas.  
 De proprio pelagus calcanti suggerit alnum,  
 Humida cum siccam cymbula portat auem.

## DE SEPULCRO MAIORIANI

*Imperatoris.*

CXXXV.

Cùm perstat grauior, bustum fortuna petitem  
 Contulit exuuiis, Maioriane, tuis.  
 Nunc indignis pyramidum [fors] prospice moles,  
 Vilia Principibus linque sepulcra piis.

## DE EQVO PADANO.

CXXXVI.

Cornipedes tuncti, quos gignunt bellica rura,  
 Quosque cruentatis diluit vnda toris.  
 Algida qui Tanais domuistis dorsa profundì,  
 Quorum præualidas vngula calcata aquas.  
 Ecce Padanus adest sonipes, cui iudice recto  
 Cedant Æmonii quos fouet aura poli.  
 Ille pruinosis qui mandat gramina lustris,  
 Et merito & forma dispar utroque venit.  
 Molliter incedit membris formosus honestis,  
 Oblectat visum dulcis in obsequio.  
 Nil iam Phasiacam collaudet fabula prolem.  
 Nec peregrina ferant nomina celsa caput.

## DE PRINCIPLE P. P. EBRIOSO,

*qui vitem tenebat.*

CXXXVII.

Verus honor vitem tribuit, sed munera vitis  
 Ieiuno non dant signa ministerio.

ALITER.

CXXXVIII.

Vt sceptrum Princeps, si gestat dextera vitem,  
 Vtribus exornet diua corona caput.

ALI-

ALITER.

CXXXIX.

Vitifer hic siccus matrem complector herilis,  
Vberibus pressis quæ mihi vinæ negat.

ALITER.

CXL.

Heu quotiens calidis vites sine fruge labellis  
Illudit nudo nomine me refouens!

ENNODIVS HONORATO PRINCIPI. CXLI.

Terrarum culpis vitium potatur obumbras.  
Ebrius esse nequis vina vomens Ligurum.  
Dum replet madidus feruentia pectora Bacchus,  
Indicunt validam pocula nostra sitim.

DE EPISTOLA DOMNI AMBROSII

*contra Symmachum de ara Victoria, quando petens  
cultum ipsius victus est Symmachus. fa-  
ctum subito, et missum Domino Fausto  
Præf. præf.*

CXLII.

Dicendi palmam Victoria tollit amico,  
Transit ad Ambrosium. plus fauet ira Deæ.

VERSUS DOMNI FAUSTI

CXLIII.

In Ligurum terris potorem qui vocat, errat:  
Nunquid vina bibit vina bibens Ligurum?  
Sf



## VERSUS MESSALÆ.

CXLIV.

Suscipe versiculos, Ennodi proxime, nostros.  
 Ut librum nobis reddere non desinas.  
 Ne fœdes cultum, dum reddere maxime non vis,  
 Quæ pridem nobis es quoque pollicitus.

## DOMNI ENNODII.

CLXV.

Si te Messalam studiis mihi pandere velles,  
 Non deerant libri, quos tibi dulce darem.  
 Mens iniusta nimis quod spernat tollit amanti,  
 Nec gratum est munus, quod fugit ingenium.

## DOMNI ENNODII.

CXLVI.

Artis Grammaticæ librum de carmine factò  
 Qui poscit, solidos certat habere pedes.  
 O utinam Musis contingant munere nostro  
 Dete quandoque gaudia certà puer!  
 Vitant loripedem, nisi fallor, pangere versum,  
 Vel quos in somnis respiciunt studia.

## DE HONORATO.

CXLVII.

Vxor Flasconis cupis dotata Falerni,  
 Semper inexhausto pectus repleta Lyæo,  
 Quæ Bacchum madidis colui venerata labellis,  
 Turgida ructato permulcens numina musto,  
 Concludor sicci bene conscia tegmine busti,  
 Est tamen ad superos coniunx mihi nobilis, eue.

Pocula quem nunquam possint transire beata.  
 Quem si fata virum seruant, tibi viuimus ambo.

EPITAPHIUM DOMNÆ DALMATIÆ.  
 CXLVIII.

Funus obit virgo quotiens in busta refertur.  
 Vnum iter est mortis criminis obsequium.  
 Dalmatiæ meritis victa est natura rebellis,  
 Degeneri cælum nobilitate tenet.  
 Hoc satis est mundum calcasse in corpore mundi,  
 De vitio sumptam cedere nil vitiis.  
 Stemmatis hæc lucem transcendit, sole pudoris,  
 Mens cum proposito consociata fuit.

DE FONTE BAPTISTERII S. STEPHANI,  
*Et aqua qua per columnas venit.* CXLIX.

En sine nube pluit sub te cælis imbre sereno,  
 Et cæli facies pura ministrat aquas.  
 Proflua marmoribus decurrunt flumina sacris,  
 Atque iterum rorem parturit ecce lapis.  
 Arida nam liquidos effundit pergula fontes,  
 Et rursum natæ vnda superna venit.  
 Sancta per æthereos emanat lympa recessus,  
 Eustorgi Vatis ducta ministerio.

EXCVSATIO ENNODII DE  
*laudibus.*

Qui miratur officij terminos in amicorum me  
 laudibus egressum, recolat quàm imperiosa est  
 semper affectio, nec parens propositi legibus vis

amoris. Et profectò si facti mei rationem quærat,  
religionem vocat quod mentiebatur excessum.

Vt valeant aquilæ formatos prodere fœtus,  
Vitalis tenerum frangit tepor insitus ouum.  
Tunc pius artatam lacerat pater impiger ædem,  
Vt pariat rursus studio, quos edidit aluo.  
Mox generis testem Phœbum ciet arbiter idem,  
Inuenit internam rimatus lumine lucem.  
Non aliter celso pueros de stemmate cretos  
Doctrinæ radiis opponit cura parentis.  
Quàm bene flammæ constanter, respice, bella  
Excipiunt teneri, vincentes fulgura visu.


[ DE DVABVS DOMIBVS  
coniunctis. ]

CLL.

In geminis simplex radiat pia gloria tectis,  
Et de diuisis consociatur honos.  
Ne procul, aut ibidem sacros confunderet vsus,  
Constanti numerum fors dedit ampla loco.  
Vna domus duplici discreta iungitur æde,  
Partiturque suum quod bene nectit opus.

FINIS.





# I N D E X.



- Cacius Constanti-*  
*nopol.* 453  
*Addna Larium*  
*influens.* 16  
*Adoree.* 312. 314  
*s. Aduentor.* 557  
*Emilia Prou.* 413  
*Ether n.* 57. 188. 320.  
*Etheria nurus Archota-*  
*mia.* 247  
*Agapius.* 278  
*Agapitus Patricius.* 446.  
*Afri Episcopi in exilio.* 58  
*Agnella Vidua Rom.* 275  
*Agnellus V. M.* 121. 124.  
139. *Vir sublimis.* 632  
*Alamannus sedes in Italia da-*  
*te à Theoderico.* 311  
*Albinus Patricius.* 69,  
629, 630.  
*Alcator qui sepulcrū patris*  
*pro ludi pretio dedit.* 523.  
*Alexander Magnus orbis pa-*  
*cator* 409. *Pellaeus ductor*  
313.  
*Alpes Cottiae,* 188. *Gallica-*  
*na,* 381  
*Alpium iuga.* 293, 401  
*Amantius Presbyter,* 106  
*s. Ambrosius Satyri fratris*  
*obitum deflet.* 41. *citatus*  
451. *eius de Symmacho vi-*  
*etoria,* 641. *Hymnus de*  
*eodem* 590. *item Epigram-*  
*ma.* 622  
*Ambrosius Faustini filius*  
*adolescens.* 256, 523  
*Anagnosticum.* 7, 227  
*Antei lucta cum Hercule.*  
19. 551  
*Antenoreus gurgēs* 144  
*Anthemius Imp. Galata &*  
*Graculus,* 373. *cum Ricci-*  
*mere pacatur,* 375. & *seq.*  
*s. Antoninus.* 477  
*Antonius mon. in Pannonia*  
*natus,* 417. *à Severino &*  
*Constantio eruditur,* 418.  
*item à Mario Presb. in val-*  
*le Telina* 420. *ad Larium*  
*lacum sedem figit.* 421.  
*mortuo monacho columna*  
*ss iij*

# INDEX.

<i>igneam videt</i> , 421. homi-	<i>bycus.</i> 9
<i>cidam diuino oraculo dese-</i>	<i>Auienus Fausti filius Consul</i>
<i>git</i> 423. <i>Vrsum imperio</i>	<i>in pueritia</i> 10. <i>Roma na-</i>
<i>abigit</i> . 425. <i>Lirinum petit,</i>	<i>tus, in Liguria educatus</i>
<i>ibique moritur.</i> 426. 427	286. <i>eius eruditio</i> 12. <i>di-</i>
<i>Apes.</i> 456	<i>Eliones</i> 52. 54. <i>nuptia.</i> 265.
<i>Aponus fons.</i> 144	285.
<i>Apostolorum limina.</i> 276.	<i>Auienus Consul.</i> 75
343. <i>confessio.</i> 356	<i>Auis per Padum vecla</i> 639.
<i>Aquila pullos probant.</i> 31.	<i>auium Venatio</i> 211.
644. <i>ab illis aluntur.</i> 519	<i>Auitus Ep. Viennens.</i> 408.
<i>Aquila Consulares.</i> 10	<i>Aurelianus Arelat.</i> 247.
<i>Aquileiensis</i> 129. 155. <i>Pon-</i>	B
<i>tifex eligitur,</i> 135	<i>Baptisterium</i> 607. <i>Mediola-</i>
<i>Arator auditorium ingredi-</i>	<i>ni.</i> 615. 643
<i>tur.</i> 492. 494. <i>ad laudem</i>	<i>Barba Gothica.</i> 616
<i>pronectus</i> 503. <i>Dictio ei da-</i>	<i>Barbara, 217. Romani flos ge-</i>
<i>ta.</i> 517. 520. <i>de eius Na-</i>	<i>nij</i> 446
<i>tali</i> 631. <i>de flagello.</i> 634	<i>Basiliscus Tyran.</i> 483
<i>Archisippus.</i> 323	<i>Bassus. V. C.</i> 34. <i>eius vxor</i>
<i>Arelatensis habitatio,</i> 196.	<i>Viola.</i> 638
<i>dolcis sedes. ibid.</i>	<i>Basterna.</i> 638
<i>Armenius</i> 607. 610	<i>Bauto conductor domus regia</i>
<i>Ascini.</i> 271	189
<i>Asellio.</i> 608	<i>Beatus adulescens.</i> 250. 251
<i>Aspides umbralacebita,</i> 621	<i>Benenatus.</i> 91
<i>Asterius Marciani pater.</i> 137.	<i>Benignus Episc. Mediol.</i> 625
236	<i>Bibli Niliaci.</i> 619
<i>S. Athanasius.</i> 331	<i>Blesilla soror Cethegi.</i> 217
<i>Athesis.</i> 304	<i>Boetius Consul.</i> 221. <i>Græcè &amp;</i>
<i>Attica disciplina.</i> 225	<i>Latine doctus.</i> 222. <i>Patri-</i>
<i>Attica eruditio.</i> 229	<i>cus.</i> 445. <i>De Boetio spa-</i>
<i>S. Augustinus Doctor Li-</i>	

# INDEX.

<i>cha cincto.</i>	639	<i>Casellula.</i>	280
<i>Bonifacius.</i>	155	<i>S. Cassianus.</i>	477
<i>Bonifacj &amp; Eulalij tempora.</i>		<i>Castratus prosop.</i>	440.
349		<i>Cato per Syrtis ducit exerci-</i>	
<i>Bonosus Gallus presb. Ticinen-</i>		<i>tum.</i>	300
<i>sis.</i>	368	<i>Caucus</i>	609
<i>Brigantio castellum.</i>	555	<i>Causidicus &amp; Senator pro-</i>	
<i>Bulgares gens indomita</i>		<i>ximè iunguntur.</i>	370
296. 309. 310. equino lacte		<i>Cautelitas.</i>	229
<i>pascuntur.</i>	297	<i>Cellulanos seu concellanens</i>	
<i>Burco Ticin.</i>	364	<i>habere iubentur clerici.</i>	
<i>Burgundio immitis.</i>	398	450	
<i>Burgundionum Rex Gundobadus</i>		<i>Cepasius.</i>	321
399. & seqq. pax		<i>Cerei Paschalis benedictio.</i>	
<i>cum Gothis.</i>	306	435. 453. particula contra	
		<i>procillas sumptæ.</i>	456.
		460	
		<i>Ceruchi.</i>	571
		<i>Cethegus 217. Patricius Con-</i>	
		<i>sularis.</i>	445
		<i>Chertarius.</i>	189
		<i>Chelydri</i>	299. 613
		<i>Chænix.</i>	32
		<i>Chærilus.</i>	33
		<i>Chrysippi. proprietas.</i>	29
		<i>Ciceronis ferrum 12. gladij</i>	
		222. profunditas Tullia	
		<i>ni gurgitis 29. locus 49.</i>	
		318	
		<i>Classicus.</i>	288. 496
		<i>Clusura.</i>	407
		<i>Claudianus.</i>	636
		<i>Comes Patrimonij.</i>	170





# INDEX.

52. 53. 54. 90. 220. 225. 264. 498
- Didascalicus*, 334. 437
- Didonis Ethopœia*. 552
- Dignitatum honor, custodia communionis*. 228
- Diligentia amor*, 72. & *passim*.
- Diomedis Ethopœia*. 544
- S. Dionysio Episc. Mediolan. hymnus*. 597
- Dioscorus*. 216. 267
- Dioscorus hæret.* 482
- Dura lex*. 286
- Dni & Pontifices Augusti*. 314.
- Doloris remedium obliuio*. 278
- Domus Vlcima, Sepulcra*. 524
- Duria fluuius*. 556
- E
- Ecclesie opem implorant afflicti*. 17
- Ecclesiastica humilitas à mundi potentibus contemnitur* 267. *orationum pompam non sequitur*. 96
- Electrū ex varijs fit metallis*. 441
- Eleutherius V. S.* 239
- Eloquentia Maiors*. 443. *in* 14, 114, 443
- Elpidius Diaconus medicus*. 195. 229. 266
- Ennodius Gallus profapia*, 4. 621. *loco humilis* 55. 101. *poëtica delectatur* 429. *eius ætas*. 434. *Vxorem ducit*, 434. *fit diaconus & Vxor religiosa*, 436. *eruditur à Seruiliōne*, 150. *studia liberalia fastidit post clericatum* 255. *laborat oculis*. 144. *fidem suffragat pro Papa* 85. *camelos Papa commodat*, 149. *morbo grauiſſimo vexatur* 228. 233. 265. *conclamatus à medicis B. Victoris ope sanatur*, 238. 432. *legatus Prouincialis designatur*, 264. *eius votum in morbo*, 433. *soror Euprepia*, 59. *sororum filij Lupicinus & Parthenius*, 59. 145. *neptis* 158. *mancipia*, 77. *eius sermo scaber*, 493. *Vita Eucharisticum*, 428.
- Epiphanius Chartarius*, 189. 197.
- Epiphanius Episcopus Ticinensis*, 358. *nascitur*, 360. *gregia forma*, 361. *lector, exceptor, Subdiac. Diaconus, ib. & seqq. Crispino Episcopo*

# INDEX.

Succedit 369. eius vitæ prag-	Euricus Gothorum rex Tolosa.
maticum 371. legatio à	381
Ricimere ad Anthemium	Eusebius & eius filius 501.
374. legatio à Nepote ad	502
Euricum 381. demones fugat ab energumenis 388.	S. Eusebius. 557
quinquennij vacationem	Eusebius episcop. Mediol. 625
Ticinensibus impetrat ab	Eastorgius episc. Mediolan. 645
Odoacre. 389. legatio ad	Eutyches her. 482
Theodericum 394. legatio	Exagella. 413
ad Gondobadum regem pro	Exceptor Ecclesiastic. 360. 418
Theoderico 400. vexatam	F
à demone liberat Tarantasia 409. legatio altera ad	Fadilla. 216
Theodericum 411. felix	Fastus in sublimitate castigandus. 111.
obitus 414. Dictio in xxx. eius Natali. 577	Fausinus 255. 256. 258
Episcopi incipientis dictio 478	Faustus. Auieni pater 10. Consul. 11. Quæstor 71. Præfæctus Prætor. 239. 641. Patricius 160. emendatissimus hominum 133. facundus 4. poeta 570. Versus per eius armaria scripti 600. eius versus. 641
Epistolaria scriptio. 36	Felix. 48
Epistolarum usus 121. 274	S. Felicis sepulcrum ad Lariu. 420
lex negligentia 56. à docto scriptæ incundæ sunt, graues ab indocto. 18	Ferie linguae Veloris 121. 125 131. 143. &c.
Epitoma 20. 400	Festus Patricius. 445
Equus Huniscus, 628. Padanus 640.	Fidelis. 217
Erduic siue Herduic V. 1. 45. 308	Fides. 441
Eugenetes V. 1. 517	
Eulaliy & Bonifacy tempora 345	
Euprepia soror Ennodij 70. 201	
Euphemie epitaphium. 638	
S. Euphemie hymnus. 592	



# INDEX.

<i>Firmine annulus.</i>	629.	316	
<i>Firminus.</i>	488	<i>Genica.</i>	93
<i>Fisci onerum deriuatio.</i>		<i>Glouidenus, glauidinus.</i>	144.
280		570.	
<i>Flauianus Constantinopoli.</i>		<i>Glycerius Aug.</i>	380
482		<i>S. Glycerius Episcop. Mediol.</i>	
<i>Florus.</i>	237	624.	
<i>Focaria mater S. Epiphaniij.</i>		<i>Godigisclus Gundobadi regis</i>	
360		<i>frater.</i>	408
<i>Fragus &amp; fragosus.</i>	413	<i>Goethi</i> 308. 310. <i>in Italia præ-</i>	
<i>Franci.</i>	419	<i>dijs ditati.</i>	274
<i>Fridericus.</i>	306.	<i>Grammatica.</i>	443
<i>Frons cereæ pulcritudinis.</i>		<i>Gratia Dei bonorum dux &amp;</i>	
361		<i>præcessor.</i>	66
<i>Fugaces</i> 91. <i>fugax</i>	92	<i>Gratias non referre &amp; Deus</i>	
<i>Furti defensio.</i>	8. 9	<i>in carne exhorruit.</i>	170

G

<i>Gabata.</i>	607	<i>dionum</i> 399. <i>captiuos in</i>
<i>Gaius</i>	197. 227	<i>Italiam remittit.</i> 406

Gallie. 91. 127. 179. 202.  
274. 280

Genava 408.

Georgius. 217

*Gepidae.* 299. 301. 302

Germanus fugax serius.

92

*Gerontius Episcop. Mediolan.*

625

Gerontius puer manumissus.

452

Gestatoria sella Consulum.

## H

*Habundantii epitaphium.*

600

*Hebenum India mittit.*

489

*Helisea Ennodii propinquæ*

140

*Heroes magnanime* 517

Hernuli. 306. 419

*Hiare, gloriari.* 27

# INDEX.

*Hiatus, iactantia,* 2. 81  
*Homicida monachum fingens,*  
 422. 423.  
*Hominis boni epitaphiū,* 599  
*Homullus,* 630. 635  
*Honorata soror S. Epiphani,*  
 380. 386  
*Honoratus Ep. Nouaria,* 470.  
 604. eius castellum, 633  
*Honoratus princeps P. P.* 641.  
 641

*Hormisda,* 216  
*Humilitas nimia, arrogantia*  
*est.* 27  
*Humilitate fabricata nihil su-*  
*perbius,* 162  
*Huniscus,* 618

## I

*Inauspicatus, pro improviso,*  
 12. 37. 60. 129. 342  
*Incrementum rusticum,* 486  
*Indictionis reliqua,* 190. *duae*  
*partes.* 412  
*Indifferenter, statim.* 205  
*Infamium.* 390  
*Intercessiones Ecclesiastica,* 363.  
 367. 372  
*Interminus.* 534  
*Introductio solennis,* 272  
*Ioannes.* 118  
*Ioannes Baptista Propheta A-*

*postolus.* 477  
*Iovinianus* 616  
*Italica simplicitas.* 270  
*Iulianus affinis Ennodij.* 93  
*Iunonis Ethopæia,* 551  
*Iustina Aug. Ambrosio in*  
*fecta.* 590  
*Iustus,* 119, 564. *Iuturus,* 324

## L

*Laconius Gundobadi regis con-*  
*siliarius.* 406  
*Lampada.* 398, 418, 427,  
 556, 563.  
*Larius lacus.* 15, 420  
*Latrat Parthus.* 441, 588.  
*Laurentius martyr.* 226.  
*Laurentius V. S.* 115, 124. *fa-*  
*bularius Comensis* 170  
*Laurentius Antipapa,* 354.  
*Laurentius Episcopus Medio-*  
*lan.* 340, 475, 496, 601,  
 604, 615, 616. *legatus ad*  
*Theodericum* 394. *dictus*  
*in Natali eius* 461.  
*Laus restituta onerat.* 22  
*S. Lazarus episc. Mediol.* 624  
*Lector Ecclesiasticus.* 369  
*Legatus patrie proditor* 510  
*Leo Eurici cōsiliarius,* 383, 384  
*Leontius Abbas.* 417  
*Lerus insula,* 385

INDEX.

<i>Liberum arbitrium ad utramq.</i>	640	<i>Manus obuias afferre.</i>	119, 165,
<i>partē asseritur.</i>	65, 66, 67	<i>335. opponere.</i>	28, 32, 160,
<i>Libertem Bulgarum dux.</i>	296	<i>173, 223, 425</i>	
<i>Liberius Patricius</i>	260, 266,	<i>Marcellianus episcopus.</i>	106
<i>273, 274</i>		<i>Marcellinus.</i>	99
<i>Libra audientie 18. peritia</i>		<i>Marcellinus electus Pontifex</i>	
<i>49. disceptationis, 323, iu-</i>		<i>Aquileia.</i>	136
<i>dicij 390. libram tenere</i>		<i>Marcellus.</i>	212, 217
<i>464, 572</i>		<i>S. Mariae hymnus.</i>	594
<i>Licerius.</i>	488	<i>Marius 113. Presbyter,</i>	420
<i>Liguria mater messis 398. vi-</i>		<i>Maro doctorum radix.</i>	31
<i>na Ligurum.</i>	641	<i>S. Marolus Episcopus Mediol.</i>	
<i>Liguri mobilitas 193. infideli-</i>		<i>629</i>	
<i>tas 194, mendaces 263.</i>		<i>Marsia,</i>	560
<i>Linea certaminis,</i>	299	<i>S. Martinianus Ep. Med.</i>	623
<i>Lirinus Insula 385, 426. nu-</i>		<i>Martinus conductor.</i>	170
<i>trix Sanctorum.</i>	427	<i>Matrimonia inter cognatos</i>	
<i>Lirinensis habitator.</i>	202	<i>158</i>	
<i>Litterarum laus.</i>	504	<i>Matrona mons.</i>	556
<i>Lugdunum.</i>	402, 408	<i>Mauricellus.</i>	39
<i>Lupercalis genius.</i>	307	<i>S. Maurus.</i>	557
<i>Lupicinus. 59, 70, 99, 180,</i>		<i>Maurus pater S. Epipha.</i>	360
<i>487</i>		<i>Maximi epithalamium.</i>	560
<i>Luminosa.</i>	380, 386	<i>Maximus Episc.</i>	473, 476
<i>Luminosus.</i>	70	<i>Maximus Proconsul.</i>	587
<i>Lymphaticus sermo.</i>	341	<i>Medicorum mos.</i>	24, 431
		<i>Mediolanum, 71, 81, 93, 159,</i>	
		<i>170, 196, 223, 262, 271,</i>	
		<i>368, 369, 173, 595</i>	
<i>Magister incipiens par est disci-</i>		<i>Melisse Epiraphium.</i>	601, 635
<i>pulis.</i>	478	<i>Menelai Ethiopia</i>	549
<i>Magistrans</i>	315	<i>Meroe</i>	294
<i>Maorianus Aug. sepulcrum.</i>			



# INDEX.

<i>Messala</i> 225. Consul 610. eius	ta.	481
<i>Versus</i> , 642. nuptia, 276.	<i>Nouaria Basilica</i>	<i>Apostolo-</i>
289	rum,	470. 603
<i>Miles altaris</i> §66. litterarum.	<i>Nouerta marito</i> & priui-	
<i>quoreus</i> , §68	gno <i>Venena</i> portigens. §12.	
<i>Minerva statua in lupanari</i>	nomen tragicum. §14	
§25	<i>Nuptiarum</i> comprecatio.	
<i>S. Mirocles</i> Episcop. Mediol.	284	
360	O	
<i>Misericordia est circa facinoro-</i>	<i>Obedientem nemo iuste con-</i>	
<i>fos seruata districtio.</i> 424	demnat. 96	
<i>Missorium.</i> 606, 627	<i>Obedientia suspecta est, qua</i>	
<i>Moditia</i> , 170	<i>famulatur indignus.</i> 298	
<i>Mæror magister inertia.</i>	<i>S. Octanius.</i> §57	
493	<i>Odouacar, Odouacrus rex</i> 301.	
<i>Moneta Latianis eloquentia</i>	306. 307, 386. 387.	
205. triuialis. 125	<i>Offensa tecla remanens, pa-</i>	
<i>Montanarius.</i> 131	<i>tesacta tolluntur.</i> 117	
<i>Morbus regius.</i> 369	<i>Olearium</i> 611	
<i>Morinus.</i> 441	<i>Olybrius Aug.</i> 38	
<i>Mula Gallica.</i> 636	<i>Olybrius.</i> 2. §73	
<i>Mundo.</i> 309	<i>Opicus.</i> 210	
<i>Murena aurea.</i> 613	<i>Opilio V. S.</i> 121.	
<i>Murex lingua.</i> 114	<i>Orditus</i> 435. 480	
N	<i>Orestes Patricius</i> 386. ad	
<i>S. Nazario Hymnus</i> §93. S.	<i>Placentiam cæsus.</i> 387	
<i>Nazarij reliquia.</i> §9	<i>Orgus fluminis.</i> §56	
<i>Nepos Aug.</i> 381	<i>Opum nobilitatis</i> §4. loquen-	
<i>Nestorius &amp; Eutyches gemina</i>	<i>di</i> 209. <i>Latianis eloqui</i>	
<i>diabolica informationis ostē-</i>	214. <i>dignitatis</i> 316. <i>for-</i>	
	<i>ma</i> §63. <i>lingua.</i> 612	

# INDEX.

**P**

*Padi* alluiones 364. 564  
*Palæstra* m. 19. 48. 493  
*Palatij* homo. 270  
*Palatina* officia. 375  
*Pa'nata* 137. 2. 3. 296. 610.  
*Panfronia*. 266  
*Panfronius*. 61. 118. 120. 191  
*Pannonie* vastantur. 419  
*Pantomimi*. 445  
*Papa* 85. 130. 147. 158.  
     184. celestis imperij ap-  
     cem regis 146. sanctus fit  
     meritis S. Petri. 324.  
*Papa* est Concilium conuocare  
     334  
*Papyrus* cerei. 455  
*Parma*. 413  
*Parthenius* filius sororis Enno-  
     dij 145. 146. 147. 148.  
     218. 497.  
*Parthus* latrat. 441. 588  
*Pastura*. 562. 603  
*Paterius* 507. 508  
*Patricius* Diaconus. 261  
*Paulus*. 260. 267  
*S. Pauli* ad Schismaticos pro-  
     sopopœia. 353  
*Pelagius* Præf. præf. 389  
*Peregrinus* Tribunus Eunu-  
     chus. 620

*Pertinax*. 179  
*Petitorium* quo absolutus est  
     seruus. 452  
*Petrus & Paulus* diademata  
     Apostolorum. 472  
*B. Petri* ad Schismaticos pro-  
     sop. 345  
*Petrus* Episcopus 340  
*Petrus* heret. 483  
*piellacia*. 407  
*Pistria* Gothus. 308. 309. 310  
*Placentina* ciuitas. 387  
*Plebs* astrorum. 621  
*Pœnitentia* vel diluit vel or-  
     nat. 43  
*Pompa* oratoria. 12. sermonum  
     28. narrandi. 30. eloquen-  
     tie 48. verborum 49. ora-  
     tionum 96. oris. 137. 224.  
     in litteris. 196. declama-  
     tionum. 492  
*Pontificij* nutrix cathedra.  
     352  
*Populus* piscium 15. largitionū.  
     434. astrorum. 637  
*Præceptores* patres olim dicti.  
     257. 439  
*Pragmaticum* vite 372. in-  
     dulgentiæ. 397.  
*Princeps* Præf. Præf. 640.  
     641.  
*Priscus* S. Euphemie Index.  
     523

# INDEX.

<i>Probinus Patricius,</i>	445	<i>Rauennate iter.</i>	188
<i>Probus V. I.</i>	238, 446	<i>Rauennates excubie,</i>	95, 110,
<i>Proculus poeta,</i>	559		126, 177
<i>Producere,</i>	199, 432	<i>Redhibere,</i>	150, 180,
<i>Proiectus.</i>	190		285,
<i>Promulgare,</i>	199, 200, 275	<i>Redhibitio</i>	85, 173, 197
<i>Promulgatio litterarum</i>	161,	<i>Rediet, redibit.</i>	541
	181, 236. officij	<i>Regia triclinaj</i>	606
	234. collo-	<i>Repensor.</i>	279
	quij	<i>Replicare petitionem.</i>	436
	250, 275, 286	<i>Res prospera benignos facit.</i>	
<i>Promulus sermo.</i>	586		289
<i>Prorogare paginas §. scripta,</i>		<i>Retentator.</i>	17, 308
	27, 51, &c. litteras,	<i>Rex Theodericus,</i>	70, 166,
	36, 97		266, 281, 282. 283. rerum
<i>Prorogatio litterarum,</i>	82		dominus 110, 181, 193,
<i>Proterius Alexand.</i>	482		264, 273. dominus liber-
<i>Purpura Tyria,</i>	115, 316, Con-		tatis 127, communis domi-
	sulum, 356, genij,		nus. 170
	209,	<i>Rhetorica.</i>	443
	294. sermonum,	<i>Rhodanius.</i>	281
	613.	<i>Ricemer Patricius</i>	372. 374.
<i>Pyri poma,</i>	9		Geta 376. gener. Anthemij
<i>Pythagorica taciturnitas,</i>	208,		Aug. 377
<i>Philosophia nil dicendi</i>		<i>Roma à Theoderico reparatur</i>	
	224		307. natalis scientie sedes
	<i>Q</i>		172. studiorum causa expe-
<i>Questor.</i>	557		titur. 145. 146. 147. 245.
<i>Questura,</i>	127		Urbs amica liberalibus stu-
<i>Quintilianus.</i>	526, 529		dij, 177. in ea naturalis
<i>S. Quintus.</i>	557		eruditio, 145. quedam re-
	<i>R</i>		prehenduntur. 217
<i>Racane.</i>	168	<i>Roma ad schismaticos. prosp.</i>	355
<i>Rauenna</i>	61, 71, 73, 77, 81,		
	153, 168, 173, 176, 181,		
	184, 411		



# INDEX

355		Scribere terrā Vomeribus 178.
Romana subtilitas.	199	lignibus 489. 501. 506.
Romana Ecclesia reducta con-		582. sarculo 594.
cordia.	185	Scutella 607. 630
Romanus decor eloquij.	271	Secularis. 117
Rufinus infans.	238	Secundinus B. Antonij pater
Rugis Ticinus datur.	392	418
Rustica epitaphium	601	Segmenta. 296
Rusticius Episc. Lugd.	402	Senarius. 152. 168
Rusticius V. I.	368	Senator Episc. Mediolan. 626
Rusticus.	287	Septicium 613
		Sessis fl. 556
Sabiana.	216	S. Severinus. 418
Sabinianus dux.	310	Severus adol. 507
Sabinus, 159, 171, 172, 182		Sicilia. 109
Sanctorum invocatio, 53, 81.		Silenus. 209
157, 169, 170, 197, 253.		Silvester Archid. Ticin. 368
263, 272, 276, 432, 557		Simplicianus. 172. 217
Sapaudia.	408	S. Simplicianus Ep. Mediol.
Sarsorium opus.	627	626.
S. Saturninus,	408	Sirmiensum ciuitas olim Italiae
Saxones.	419	limes à Theoderico recepta.
Scena.	384. 617	308. 311.
Schema sermonum 28. orato-		Solarius. 217
rium 29. 249. rhetoricum		S. Solutor. 517
601.		Spartana breuitas 183. con-
Schemata seculariam 49. lo-		cinnatio. 216
quela 40. dictionis 142.		Spatha in fuste. 638
frontis 439. humana per-		Speciosa religiosa femina. 57
fectionis 477. lingua 623		Sportula Consularis. 250
Scholasticus.	74. 269	Stephania. S. Faust. 216. 447
Scipiones Consulum 10. 223.		Stephanionus. 174
296. 444. 508		S. Stephano hymnus. 588

# INDEX.

*Stephanus V. S. Vicarius.* 473  
*Stephanus Diaconus* 171  
*Stechades Insula.* 385  
*Stomatum eburneum.* 639  
*Sturia fluvius.* 556  
*Suscriptus.* 611  
*Summius ager.* 364.  
*Summates.* 274. 281  
*Syagria Lugdun.* 408  
*Symmachianus fons eloquen-  
 tia.* 213  
*Symmachus pro ara victoria.*  
 641  
*Symmachus Papa.* 326. 335.  
 336. 346. 347  
*Symmachus Patricius* 326.  
 335. 335. 336. 346. 347  
 T  
*Tancila Comes.* 70  
*Tarantasia op.* 409  
*Tarentinalana.* 444  
*Teges.* 616.  
*Telina Vallis.* 420  
*Templum Idolorum in Eccle-  
 siam mutatum.* 470  
*Terentianus.* 238. 243  
*Tessera.* 513. 614  
*Theodericus rex, in Gracia  
 educatus* 294. Imperato-  
 rem Constantinop. regno  
 restituit. 295. Consul 296.  
 In Italiam venit. 390.  
 434. Libertem Bulgarum

ducem profligat. 296. Ge-  
 pidas ad Vltam fl. fundit.  
 299. Odoatrem debellat.  
 301. 302. seqq. pacem cum  
 Burgundionibus facit. 306.  
 Sirmium Gepidus eripit.  
 308. Alamannus in Italia  
 sedes dat 311. legationem  
 mittit ad Gundobadum de  
 captivis 400. pacem reddit  
 Ecclesia 281. eius forma:  
 316. laus 281. 282. & in  
 Panegyrico.  
*Theodorus Ep. Mediol.* 626  
*Thessalus incantator.* 373.  
*Theridis Eshepacia.* 347.  
*Thoraca.* 440  
*Thyrambi.* 572. 632  
*Ticinensis vrbs* 44. 360. 369.  
 370. 373. 385. obsidetur.  
 386. 390. ciuibus ex-  
 hausta ab Epiphanio repa-  
 ratum 393. ciuitasula Tici-  
 nensis. 395  
*Timotheus Alexand.* 482  
*Tolosae alumni Cete.* 381  
*Tolosana vrbs* 382. 385.  
*Torisa.* 70  
*Tranquillinus.* 279  
*Trafericus.* 308  
*Trafemundus.* 93.  
*Tributaria praebitio.* 273  
*Triggu.* 271

# INDEX.


<i>Trutinaloquela.</i>	572	<i>Victor episcop. Nouaria.</i>	470
<i>Tufa.</i>	390	<i>Victor episcop. Taurinas.</i>	400
<i>Tulliana profunditas.</i>	326.		402. 405.
<i>Tullianus calor.</i>	442	<i>S. Victor Martyr.</i>	238. 432
<i>Tutare.</i>	533	<i>Victor V. S.</i>	77
	V	<i>Vigilius subdiac.</i>	123
<i>Valentinus</i>	275	<i>Villares delicia.</i>	225
<i>Valeria ad Danub.</i>	417	<i>Vina Ligurum.</i>	641
<i>Vandalorū depredationes.</i>	311	<i>Viola uxor Bassi.</i>	638
<i>Varronis elegantia.</i>	29	<i>Virgilius V. S.</i>	95
<i>Vates Episcop.</i>	389. 556. 569.	<i>Virgilius stultus.</i>	635
	586. 590. 597	<i>Virginitatis votum.</i>	562
<i>Vestatio.</i>	637	<i>Visitator Ecclesie Rom. contra</i>	
<i>Venantius V. C.</i>	114.	<i>regulas datus.</i>	341
<i>Venerius Episcopus Med.</i>	623	<i>Vita nec in arumna constitutis</i>	
<i>Venetia.</i>	272	<i>estodio.</i>	353
<i>Venetus.</i>	611	<i>Vitalis.</i>	94
<i>Verecundia.</i>	439	<i>Vitia nostra regionum muta-</i>	
<i>Vetis descriptio.</i>	463. 559.	<i>tione non fugimus</i>	99.
	560	<i>maturos nesciunt, nisi</i>	
<i>Vernula.</i>	261	<i>quos primaeuos imbuerunt.</i>	
<i>Vernum.</i>	561. 564. 568. 569.		214.
	577	<i>Vitis principis P. P.</i>	640
<i>Vetona.</i>	302	<i>Vlcafluuius.</i>	299.
<i>Versiloquus.</i>	569	<i>Vocifero.</i>	327. 481
<i>Vestalis nuptia postulata</i>	513.	<i>Votis apud Deum pra-</i>	
<i>de capta Vrbe libera dimit-</i>		<i>mium debetur, aut suppli-</i>	
<i>tuntur.</i>	539	<i>cium.</i>	46
<i>Veternus error.</i>	305. 513. 588	<i>Vrbicus Theoderici consiliarius</i>	
<i>Vicaria dignitas.</i>	120		397
<i>Vicarius.</i>	238	<i>S. Basilica Xysti Mediolan.</i>	
	604. eius epitaphium.		602



# INDEX

## PROVERBIA.

<b>Q</b> VASI Cometem sidus fugere.	4
Aliud fori ius, aliud triclinij.	7
Austrum fontibus, aut perulcum animal rosetis immittere.	25
Lychmis contra solis radios pugnare.	50
Sol facibus non inuiatur.	52.69.256.325
Tullius in umbram trudetur.	53
Etiamsi veniat à moneta triuiali.	125
Fanis toxica, canum fontibus admiscere.	161
Spartana breuitas.	183
Ranula per tormenta distenta.	229
Trans Gargara.	262
Pontica inhumanitas.	271
Quasi Icarus auolasti.	271
Musca moritura.	271
Isdem lineis ferire.	277
Pigrioris stelle vitio.	297
Cepaisio preferenda oratio.	321
Calces stimulis inferre.	326
Nodus in scirpo non querendus.	350
Ad candidum sedere post maculas.	435
Stimulos admouere calcaribus.	482
Circæium poculum.	546



IACOBI SIRMONDI

SOCIETATIS IESV

PRESBYTERI

Notæ ad Ennodium.

*Ad lib. I. Epistolarum.*



AENI FEL ENNODII]

Tria hæc nomina Ennodi, quæ in antiquis exemplaribus leguntur, non quidem in fronte operis, neque passim per omnes titulos: sed in eo duntaxat, qui præfixus est vitæ B. Antonij.

In ceteris satis habuerunt antiquarij prioribus omissis tertium, quod verum & proprium auctoris nomen erat, adnotare. Proprium inquam. Nam Ennodij adhuc ævo mos durabat, qui apud Latini quondam oris gentes, atque adeo in Vrbe tandem ipsa post euerfam remp. obtinuit; ut cum tribus fere, quatuorue nominibus nobiliores vterentur, proprium tamen vnum cuiusque nomen esset, quod postremo semper loco post cetera statuebant, & quo vnico, si pluribus abstinere placuisset, singulos designabant. Verbigratia, M. IUNIANI IVSTINI, (sic enim breuiatorem Trogi Pompeij appellat codex Vaticanus) proprium nomen fuit Iustipus. & FABII LAURENTII MARII VICTORINI, quæ integra est nomenclatio clari-

mi Rhetoris, qui in Ciceronis libros de arte Rhetorica scripsit, proprium item nomen, quod postremum. Id ipsum in Auieno, Liberio, Symmacho, & aliis ad quos Ennodius scribit, suis locis ostendimus. Eodemque modo in titulis omnibus librorum, in marmoribus, aliisque illorum temporum monumentis, quando plura vnius hominis nomina occurrunt, dubium non est, quin verum ac proprium id eius nomen sit, quod vltimum collocatur. Quæ nunc paucis admonuisse sit satis: quia iustam huic rei diatribam alio, si Deus volet, loco destinamus.

EPIST. III.

FAVSTO ] Nullius nomen in operibus Ennodij sepius occurrit, quàm Faustici: cuius Consulatam, Quæsturam, Præfecturam, Patriciatum variis locis commemorat. Is est Faustus Exconsul, quem pro Symmacho Papa in Laurentii schismate stetisse, atque aduersus Festum & Albinum item Exconsules, qui Laurentio fauebant, fortiter pugnasse, auctor est Anastasius. Sed Faustici Consulares hoc tempore duo fuerunt. Vnus Consulatam sine collega functus anno Christi cxxxiii. qui Aginantus Faustus dicitur in tumultu Mandrolæ. Alter FL. FAVSTVS IUNIOR. hic fortasse, de quo agimus, qui septimo post superiorem anno Consul fuit cum Longino.

MALVM CVI ROMA SVCCVMBIT ] Ob factionem videlicet schismatis Laurentiani grauesque contentiones, pugnas, cædes ex ea natas, de quibus in Symmachi vita idem Anastasius, & Ennodius ipse in Apologetico.

EPIST. IV.

ANAGNOSTICI ] Epistolæ tuæ Lib. viii. ep. v. Fausto eidem, *de anagnostici prolixitate fastidium*. *Anagnosis*, Græcis id omne est, quod legitur, aut recitatur, sicut ἀπόμα & ἀνύμα, quod auditur. Itaque ut acroama etiam Latini vsurparunt pro dicto, seu re alia quæ auribus excipitur: sic anagnosticum, pro epistola aut scripto quocumque. Diu etiam posset anagnosina.

CREDIDIREM ] Male libri omnes crediderim.



**PYRI POMA]** Sic restitui pro *peripoma*, quod in antiquis etiam libris legebatur. Emendationis auctor Augustinus ipse, de quo hîc sermo, quem Libycum doctorem appellat, lib. II. Confessionum cap. IV. *Arbor erat pyrus in vicinia vinea nostra pomis onusta, nec forma nec sapore illecebrosus. Ad hanc excutiendam atque asporiandam nequissimi adolescentuli perreximus nocte intempesta.*

**ABUNDANTEM.]** Et sibi & Fausto gratulatur ob Auieni eius filii Consulatum. Fausto quidem, quod fasces per filium in eius familia continentur: sibi, verò, quod suæ per eundem postliminio reddantur. Ennodii enim consanguinea erat, mater Auieni: quare ad Ennodii domum pertinere Auienus videbatur. In Fausti ergo familia interpolatus Consulatus ordo non fuerat. Nam & Consulatum Faustus ipse gesserat, ut dictum est, & ante ipsum pater Gennadius Auienus, Valentiniâni Principis collega anno Christi CDL. & ante Auienum alii non intereissa serie. At in familia Ennodii series interpolata & abrupta, nec ullus fortasse Consul fuerat post Magnum Ennodii, ut nostra est coniectura, propatrum; qui collegam habuit Apollonium anno CDLX.

**IN DICTANDIS LEGIBVS.]** Quia nimirum edicta & constitutiones sine die & Consule auctoritate carent, ex lege I. Codicis Theodosiani.

**SCIPIONVM TRAMITEM.]** Sceptorum, aquilârumque Consularium. ut in Panegyrico, *Serranum scipionibus aratra pepererunt.* & in Parenesi, *ante scipiones & trabecas est pomposa recitatio.* Quo minus de Scipionum familia interpreter, ut magno viro visum est, facit Sidonius, qui Gennadii Auieni, quem Fausti patrem fuisse docuimus, originem non ad Scipionum, sed ad Coruinorum familiam refert. lib. I. epist. IX.

**ECCE COMVS.]** Comus Ennodio, quod alii Comum, & Κοῦς Græcis, nota planæ Liguriæ ciuitas ad Larium lacum, per quem delapsus ex Alpibus Addua fluvius ita decurrit, ut aquarum disci-

EPIST. V.

EPIST. VI.

men appareat. Huius laudes scripserat Faustus. Ennodius contra imparem illam suis laudibus affirmat. Sed reuera iocatur. Nam Comensis agri, vrbisque tanta erat pulcritudo, vt ad delicias instituta videretur. quod de Como inter cætera prædicat Cassiodorus lib. xi. epist. xiv. Vbi pluribus eam describit, & nonnulla habet quæ faciunt ad Ennodium.

PERÆQUATORIS ] Tributorum moderatoris, ἐξισωτὴρ. Nota est Gregorij Theologi oratio ἐν τῇ περὶ τῆς ἐξισωτικῆς, idest peræquatore. et munus ipsum peræquatio dicitur Nou. xvi. Theod. de quo genere officij Tituli extant in vtroque Codice. Nam & in aliis etiam rebus fuerunt, vt peræquatores rerum victualium apud Cassiod. in Formula Magisteriæ dignitatis.

ADDVAMQ. LAVDASTIS ] Hoc Plinius inter aquarum miracula recenset lib. ii. cap. ciii. *Quadam verò & dulces inter se supermeant alias. vt in Fucino lacu inuectus amnis, in Lario Addua, in Verbano Ticinus, in Benaco Mincius, in Seuiuo Ollius, in Lemano Rhodanus. Hic trans Alpes, superiores in Italia, multorum millium transitu hospitales suas tantum, nec largiores, quàm intulere, aquas euehentes.*

EPIST. VII.

AD OPEM ECCLESIAE ] Hinc liquet, seruos ad Ecclesias confugere solitos non solum declinandæ poenæ causa, si quid peccarant; sed iuris etiam obtinendi gratia, si vim paterentur. Pro his ergo intercedebat Ecclesia. nec antè abduci illos fas erat, quàm de impunitate aut iustitia sacramento à dominis cautum esset. Dato sacramento, serui, ne cum dominorum fraude retineri viderentur, ad obsequium, vt est in Concilio I. Aurelianensi can. v. redire iubebantur. Neque hoc remedio seruis duntaxat subueniebant; sed miseris omnibus & afflictis, qui potentiorum iniuriis oppressi ad Ecclesiæ opem refugissent. quod docet Gregorii magni epistola xxxviii. lib. viii. ad Ianuarium Episcopum Calarit. In quo nescias pietatē cum aequitate veteris Ecclesiæ mirare magis, an maiorum erga Ecclesiam

fidem ac reuerentiam. Has intercessionem appellabant. Ennodius in vita Epiphaniij. *Intercessionum: tantam sibi proposuit curam, ut ipsam se miseris inferre crederet molestiam, quā per negligentiam à quibuscūque permisisset inferri.* De quibus etiam ibidem paulo inferius in Epiphaniij diaconatu.

RETENTATORIS] alienorum scilicet mancipiorum. *ut in lege Valentiniani Cod. Theod. de annona & tributis, qui uagos seruos penes se retentant, quanquam & in omni re aliena dicitur retentator.* Cod. eodem leg. XII. Qui bonis ex lege Iulia cedere possint. & apud Ennodium in vita Epiphaniij, & in Panegyrico. Item apud Cassiod. lib. I. XXII.

FIRMINO] lib. II. epist. VI.

OLYBRIO] Causidico eius qui disertissimo. de quo epist. I. quæ ad Ioannem Olybrij generum scripta est; *Neminem credidi ad Olybriū peruenire.* Eiusdem eloquentiam celebrat lib. II. ep. IX. & XII. & peculiari opere Carm. VIII. Cassiodorus verò magnum Olybrium propterea vocat lib. VIII. epist. XIX.

PALÆSTRA DILUCIDANT] Basilienfis editio, *dilucidat* hoc nimirum postulabat vsus, & origo vocis *παλαίστρα*. Sed Ennodius *πα* palæstra tanquam plurale vsurpauit etiam lib. II. epist. ad Pomerium, & in Præfatione dicta Aratori. & creber est in simili enallage, ut cum *πα* æther dicit, *πα* epitoma; & hæc lampada, thoraca, & alia id genus permulta.

AVIENO] Fausti filio, de cuius Consulatu vidimus epist. V. Idem in quarta Synodo Romana Symmachi, & in Theodoric regis ad eandem Synodum literis RUFIVS MAGNVS FAVSTVS AVIENVS omnibus suis nominibus appellatur. Erant enim, qui duorum ibi Cōsulum nomina exponi putat: cum vnus sint Auieni; cui à patre Fausti, à materna cognatione Magni cognomē inditū. Ad hūc ipsum, opinor, tum inter Senatores primarium, multis post annis scripta extat dogmatica Ioannis Papæ II. epistola, cuius hæc inscriptio. *Ioannes Episcopus Romanus Illustribus ac magnificis viris Auieno, Senatori, Liborio, Senerino, Fideli, Auito, Opilioni,*

EPIST. IX.

EPIST. X.

EPIST. XII.



*Ioanni, Siluerio, Clementino, & Ampelio.*

EP. XIII.

AGAPITO] Viro illustri, cui post Palatinum honorem Kauennatem, quem illi hoc loco gratulatur Ennodius, & de quo iterum lib. IV. epist. VI. delata est etiam à Theodorico rege Præfectura Urbana, ut aliquot eius epistolæ ostendunt apud Cassiodorum lib. I. tum Patriciatus, & legatio in Orientem sub annum, ut reor, p. x. de qua lib. II. epist. VI. Cassiodori. Denique ordinarius Consulatus anno D. XVII. cuius non solum testes sunt Fasti, sed etiam Synodus Epaunensis, quam Agapito Consule conuocatam fuisse docent vetera exemplaria.

EPIST. XV.

FLORIANO] Viro spectabili. si modò is est, ad quem Theodericus rex scribit apud Cassiodorum lib. I. epist. V.

EP. XVII.

AUVM NOMINE PATREM DOCTRINA] Auieni auus fuit Gennadius Auienus, Fausti pater, quem anno CDL. Consulem fuisse monuimus, de quo Sidonius lib. I. epist. IX. Et patrem & auum nomine referre videbatur Auienus, nam Faustus Auienus vocabatur. Sed quia vnum, ut docuimus, verum cuiusque ac proprium nomen erat quod vltimum, ideoque aui tantum Auieni nomen reddebat.

EP. XIX.

DEUTERIO] V. S. Grammatico, vult in epigraphæ Carminis II. Hoc igitur est, quod Doctorem optimum appellat, & in Epigrammatis Magistrum. Felicis Rhetoris Romani fuerat auditor. Is enim videtur, cuius in Parmensi codice Martiani Capellæ sit mentio his verbis.

SECVRVVS MEMOR FELIX V. SP. COM. CONSIST. Rhetor R. ex mendosissimis exemplaribus emendatam, contra legente DEUTERIO Scholastico, discipulo meo, Roma ad portam Capenam, Cos. Paulini v. c. sub D. Non. Martiarum Christo adiuuante.

EP. XXII.

EP. XXIII.

EP. XXIV.

OPILIONI] Lib. V. ep. III.

SENARIO] De quo lib. III. epist. XI.

ASTVRIO] Diuersus videtur ab Asturio Consule collega Præsidij anno CDXCIV. cuius antiquæ pietatis monumentum hodieque apud Leodicicos seruari dicitur in eburneo sacri Euangeliorum libri oper-

cūlo, cum hac inscriptione, FL. ASTURIUS V. C.  
ET INL. COM. ET MAG. VTRIVSQ. MIL.  
CONS. ORD. Nam Ennodius Senatorem hunc  
tantum vocat, non Consularem. Sed non minore,  
mea quidem sententia in errore versantur, qui Tur-  
cium Rufum Asterium v. c. & ipsum Consulem or-  
dinarium atque Patricium, qui Sedulii poetae verius  
post eius mortem ex eius scrinijs collectos recen-  
suisse dicitur, cum Asturio Præsidi collega confun-  
dunt; cum ad illum Asterium hæc pertinerere videan-  
tur, qui Consul fuit cum Protegene anno CDLIX.  
tum quia hæc illi nomina potius congruunt,  
tum quia id tēpus cum Sedulii obitu coheret. quem  
ex integris Gennadij exemplaribus Theodosio iu-  
niore, cui opus suum dedicavit, & Valentiniano re-  
gnantibus vita functum didicimus. Denique om-  
nem dubitationem adimit ipsius Asterij epigramma,  
quod in Cod. Remensi post epistolā Sedulij ad eun-  
dem ipsum Macedoniu scriptum legimus his verbis.

*Sume, sacer meritis, veracia dicta poeta,*

*Qua sine figmenti condita sunt vitio.*

*Quo caret alma fides, quo sancti gratia Christi,*

*Per quam iustus ait talia Sedulius.*

*Asterique tui semper meminisse iubetor.*

*Cuius opo & cura edita sunt populis.*

*Quem quamvis summi celebrent per sacula fasti,*

*Pus tamen ad meritum est, si viget ore tuo.*

Epigrammati vero præmittitur hæc adnotatio. Hoc  
opus Sedulius inter chartulas dispersum reliquit. Quod  
recollectum, adornatumque ad omnem elegantiam di-  
uulgatum est à Turcio Rufio Asterio v. c. Consule ordi-  
nario atque Patricio.

[POST MAURICELLI OBITUM] Qui ad-  
uocatione fisci fungens Liguriæ provinciam fisci  
calumniis oppresserat contra officij videlicet mode-  
rationem legibus præscriptam. Qua de re grauissi-  
ma & elegantissima sunt Theodorici Regis præce-  
pta ad Marcellum aduocatū fisci, apud Cassiodo-  
rum lib. I. epist. xxii.

EX XIV.

ad obitu[m] auctoris a. iiii

## AD LIB. II.

EPIST. I.

**E**N NODIVS ARMENIO CONSOLATORIAM] Ita in antiquis concipitur hic titulus, verbo sup-  
presso. Qui mos olim non infrequens in Epistola-  
rum inscriptionibus, in quibus etiam ipsum argu-  
menti genus indicabant. Talis est inscriptio Car-  
minis Sidoniani ad Thalam, quod insertum est  
epistolæ xi. lib. viii.

*Dilecta nimis & peculiari*

*Phæbus commonitorium Thalia.*

Verum in Sidonij vulgatis editionibus hi versus cū  
feliquis ineptè cohærent, cū seiungi debeant,  
quia titulum faciunt, similem illius apud Grego-  
rium lib. iii. Dialog. cap. x. *Sabinus Domini Iesu  
Christi servus commonitorium Pado. & huius Zozimi  
Papæ. Zosimus Episcopus commonitorium presbyteris &  
diaconibus qui Ravenna sunt.*

**G L O R I O S O F I N E ]** Ob actam pœnitentiam,  
de qua mox, & in Carmine xxxiv. vbi tabula descri-  
bitur, in qua Angeli hunc Armenij filium, qui pœni-  
tentiam egit, Christo offerebant. Nec enim dubi-  
tabant, quin ad beatam vitam euolarent, qui pœni-  
tentia sacris expiati excederent. Vnde sicut de neo-  
phytis recens baptizatis, ita de iis, qui post pœni-  
tentiam obibant, hoc sæpe vsurpabant, vt iisse aut  
migrasse ad Dominum dicerent. In arca sepulcrati  
Romæ, lvn. bassvs v. c. **QVI VIXIT ANNIS .xl.ii.  
M EN. ii. IN IPSA PRÆFECTVRA VRBI NEO-  
FITVS IIT AD DEVM viii. kal. SEPTEMB. EV-  
SEBIO ET HYPATIO COSS.** Et altera inscriptio  
Aquis Sextiis. *Hic in pace quiescit Adiutor, qui post  
acceptā pœnitentiam migravit ad Dominū. vixit annos  
lxv. mens vii. dies xv. Depositus s. d. viii. kal. In-  
nuar. Anastasio v. c. Consule.* Cæterum D. Augusti-  
ni sententia fuit, vt Posidius in eius vita scribit,  
etiam laudatos Christianos & sacerdotes absque di-  
gna & competenti pœnitentia exire de corpore non  
debere.



ABRAHAM VNICVM] Iisdem Abraham & Dauidi exemplis utitur Commodianus antiquus scriptor, cuius meminit Gennadius, lib. II. Instructio-  
num, in ea quæ inscribitur, Filios non lugendos.

*Non pudet infremam gentiliter plangere natos?*

*Oslaceras, tundis pectus, vestimenta deducis.*

*Nec metuis Dominum, cuius optas regnum videre?*

Et post alia.

*Nec dolore duxit pater filium mactandum ad aram.*

*Dolore nec vates filium luxit defunctam.*

SPECIOSÆ] Religiosæ feminae Ticinensi, ut do-  
cet proxima epistola. cuius ac sororum mentio item  
epist. XIII. *Sed qua iniunxistis de religiosa femina  
Speciosa, & germanis eius, male est animo meo quod im-  
plere non potui.* EPIST. II.

ILLVSTREM VIRVM ERDVIC] Nomen re-  
stitui ex Vaticano, nisi quod in eo Erdui tantum de-  
tracta littera legebatur. Sed Erduic appellatur, at-  
que inter Gothorum nobilissimos numeratur in Pa-  
negyrico. Ticinum ergo ab Episcopo Mediolanen-  
si ad Erduicum missus Ennodius, gaudebat sibi obla-  
tam occasionem visendæ Speciosæ. sed contra vo-  
tum accidit, ut Erduicum in via offenderit, prius-  
quam Ticinum esset ingressus, ac domum cum eo  
spe frustratus redire coactus sit. EPIST. III.

LACONIO] Lib. III. epist. XVI.

POMERIO] Arelatensi. Cyprianus in vita S. Cæsa-  
rij Episcopi. *Erat autem illis admodum familiaris Po-  
merius quidam, professione Rhetor, Afer genere; quem  
ipsis singulariter carum Grammaticæ artis doctrinâ red-  
debat.* In Catalogo seu appendice Gennadij, ubi Po-  
merij opuscula referuntur, natione Maturus dicitur  
ac presbyter in Gallia ordinatus. Ennodius Græcè,  
Latinèque doctum; nec sæcularibus tantum litteris  
eruditum, sed sacrarum etiam peritum fuisse signifi-  
cat, Rhodanique alumnus vocat, quia Arelate ver-  
sabat. Ruricii quoque extant epistolæ duæ ad Po-  
merium & ipsum Arelatensem: quando quidem ab  
Æonio Arelatensium Episcopo petit, uti Pome-  
rium ad se venire iubeat, lib. II. epist. VIII. Sed ab-  
 EPIST. V.  
 EPIST. VI

batem appellat. ut quæri iam possit pluresne hoc nomine fuerint; an vnus idem, quod mihi facile persuaserim.

EP. VII.

FIRMINO] Propinquum suum vocat Ennodius. Itaque Arelatensem illum puto, quem laudat Cyprianus idem in Cæsario. Erat tum, inquit, in ea urbe Firminus vir illustris & timens Deum, eiusq. propinqua Gregoria clarissima mater familias. quorum studio, cura, & benignitate erga clerum & monachos, erga ciues & pauperes urbs illa illustrior reddebatur.

LYCHNIS CONTRA SOLIS RADIOS] Facilis fuit emendatio pro lignis, quod in omnibus exemplaribus vitiosè legebatur. Apologia pro synodo. Nescitis, stolidi, solem facibus non iuuari, nec ad præsium diurna lucis lychnos accendi?

EP. XII.

SVB SANGVINIS LIBERTATE] Quia Ennodius Astyrij consanguineus erat, siue patris, ut scripsit lib. I. Epist. XXIII. cuius libertate offensus illius animum placare hac epistola conatur.

EP. XIII.

VT AUT QVAIDAM ELOQ] Symmachus. Assentior enim Fr. Iulio, qui alludi censet ad eius epistolam. ix. lib. VII. in qua filio de Epistolæ stylo præcipit his verbis. Nam ut in vestitu hominum, ceteroque vita cultu, loco ac tempori apta sumuntur: ita ingeniorum varietas in familiaribus scriptis negligentiam quandam debet imitari; in forensibus vero quætere arma facundia. Eadem est Ciceronis sententia lib. IX. epist. XXI. ad Patrum, vbi quotidianis à se verbis epistolas texi solere scribit, quod de suis quoque affirmat Seneca epist. LXV. Qualis, inquit, sermo meus esset, si vnâ sederemus, aut ambularem, illaboratus & facilis, tales esse epistolas meas volo, quæ nihil habeant accersitum, nihil fictum. Artemo sanè apud Demetrium Phalereum eodem modo Epistolam, quo Dialogum scribi oportere ait. at Demetrius paullo magis quàm dialogum elaborandam docet.

ÆTHER ARVND PROSCINDIT] Non æthera. Sic enim solet interdum Ennodius, ut æther vacuum lib. VII. ep. XXXVIII. & pro Synodo, Videbant æther tantum directis à se iaculis verberari.

**AFRIS]** Exulibus Episcopis Africa, quos Trafa- Ep. XIV.  
mundus Rex Vandalorum fidei causa in Sardiniam  
relegarat, numero CCXX. His quotidiana subsidia  
ministrare solitum Symmachum Papam auctor est  
Paulus Diaconus Historiæ Miscellæ. lib. xv. Nunc  
illos hac Epistola consolatur, & sacras Martyrum  
reliquias mittit, quas postularant. Scripta enim est  
ab Ennodio quidem, sed pro Symmacho. cuius  
etiam nomine inter alias eius epistolas legitur in  
antiquis collectionibus.

**H. DIACONVM]** Hormisdam, opinor, qui  
Diaconus erat Ecclesiæ Romanæ. Qui de Ennodio  
interpretantur, ut cætera omitram, a monogram-  
mo discedunt.

**EUPREPIAE]** Sorori suæ, matri Lupicini: quæ tum Ep. XV.  
in Prouincia Narbonensi, patrio nimirum solo,  
peregrinabatur, id est Arelate, ut docebit epist. VII.  
lib. XII. Ad Euprepiam sunt epistolæ complures, de  
Lupicino autem ager tum alijs sæpe locis, tum ma-  
ximè Dictione II. Scholastica.

**CONSTANTIO]** Virum illustrem appellat lib. Ep. XVII.  
III. ep. XIII. Ex patria Mediolanum, & eloquen-  
tiæ pietatisque laus quæ Constantio huic tribuitur,  
Epitaphij admonent Constantij rogati Mediola-  
nensis, quod non abhorret ab æuo, nec à stylo  
Ennodiano. Quare hoc loco subijciam, ut legitur  
in monumentis sacris veterum inscriptionum.

*Ingenij legumque potens Constantius atra*

*Mortis sorte iacens conditur his tamulis.*

*Hinc gemat hunc probitas, tristis suspiret honestas,*

*Et comitis funus plangat amica fides.*

*Quis per bella fori totiens de iure triumphum*

*Rettulit, & sauos perculit ore reos?*

*Ornavit proprio semper fulgore togatus*

*Eloquio mores, moribus eloquium.*

*Non multum mors dira nocet in funere iusti:*

*Nil tua tela grauant, possidet astra pius.*

**DE ARBITRII LIBERTATE]** Tacito nomine  
quendam refellit, qui liberum arbitrium, quod, ut  
lib. de correptione & gratia docet D. Augustinus,

**EPIST. XIX**



& ad malum, & ad bonum faciendum confitendum est nos habere, deteriorem tantum in partem datum affirmabat. Quam hæresin cum aptissimè redarguat Ennodius, reuincaturque ab vniuersa schola Theologorum, tum veterum, tum recentiorum, qui de libero arbitrio differunt, mihi satis est Græca Irenæi verba è libro IV. cap. LXXII. quæ Ennodianis argumentis fauent, & vulgo obuia non sunt, in medium proponere. Εἰ φύσει οἱ μὲν φαν-  
 λοι, οἱ δὲ ἀγαθοὶ γινώσκουσιν, οὐδ' οὐτοὶ ἐπιμανετοί, οὐ γὰρ  
 ἀγαθοὶ τοιοῦτοὶ γὰρ κατὰ σκευάδην οὐτ' ἐκείνοι μεμ-  
 πτοί, οὐ γὰρ γινώσκουσιν. ἀλλ' ἐπειδὴ οἱ πάντες τῆς αὐτῆς  
 εἰσι φύσεως, δυναμικοὶ τε καὶ ἀσθενεῖς καὶ ἀγα-  
 θοὶ καὶ δυνάμικοι πάλιν ἀποβαλεῖν αὐτοὺς, καὶ μὴ ποιῆσαι.  
 δικαίως καὶ παρ' ἀνθρώποις τοῖς ἐνομομύθοις, καὶ πολὺ  
 πρῶτον παρὰ θεῷ οἱ μὲν ἐπιμανετοὶ, καὶ ἀξίας τυλ-  
 χανοῖσι μαρτυρεῖται ὅτι καλὸν καὶ δόλον ἐκλογίης. καὶ ὁπι-  
 μονίης· οἱ δὲ κατὰ πᾶν, καὶ ἀξίας τυλχανοῖσι ζήμιας  
 τῆς τοῦ καλοῦ καὶ ἀγαθοῦ ἀποβολῆς. Καὶ διὰ τὸ τοιοῦτον οἱ  
 προσφῆται παρήνουν τοῖς ἀνθρώποις διακατοπεργεῖν, καὶ  
 τὸ ἀγαθὸν ἐξεργάζεσθαι ὡς ἐφ' ἡμῶν ὄντος τῆ τοιούτου,  
 καὶ διὰ τὴν πολλὴν ἀμέλειαν εἰς λήθη ἐμπεπρωκότων,  
 καὶ γνώμης δεομένων ἀγαθῆς, ἡ δὲ ἀγαθὸς θεὸς παρέχε-  
 ρινώσκειν διὰ τῶν προσφητῶν. ταῦτα γὰρ πάντα τὸ αὐ-  
 τεξούσιον ἐπεδείκνυσεν ὅτι ἀνθρώπου, καὶ τὸ συμβουλευτι-  
 κὸν τοῦ θεοῦ, ἀποδείκνυντες μὴ τὸ ἀπειθεῖν αὐτῷ, ἀλλ'  
 καὶ μὴ βιαζομένου.

EPIST. XX. RES CREPERA ATQ. ANCEPS] Symmachus epist. I. Ita res crepera atque anceps dubium me habet. Vox antiqua, pro dubio & incerto. Itaque Martianus Capella lib. I. opponit perspicuo. Ne tu, quit, desipis, admodumque perspicui operis igitur nuptias noscens creperum sapis; nec liquet Hymenao præsultante disposita nuptias resultare. Inde & crepusculum dictum volunt, quia in lucis noctisque confinio. Symmachus idem epist. 11. Aufonio. Priusquam manifestus dies creperum absolueret.

ALBINO ] V. I. Patricio. quod docet non so- EP. XXI.  
lūm proxima epistola Ennodii, verū etiam episto-  
læ aliquot Theodorici apud Cassiodorum. Item  
Consulari. nam Consul fuerat anno cdxciij. hoc est  
triennio post Faustum. Itaque Albinum Consula-  
rem vocat Boëtius lib. i. de Consolatione, de accu-  
satione agens, quæ maiestatis apud Theodoricum  
falsò delatus est. Sed ex Ennodii verbis hoc  
præterea discimus, Albinum Fausti parentem, hoc  
est propinquum & consanguineum fuisse.

EVPREPIÆ NOSTRÆ ] Sororis Ennodii. Su- EP. XXIII.  
pra epist. xv. & lib. iii. epist. xv. ac xxviii. & aliis.

COMES TANCILA ] Locus antea mirè depræ-  
uatus. Tancilæ nomen restitui ex libris antiquis, &  
ex Cassiodoro. Is enim est Tancila, vir spectabilis,  
ad quem de perquirenda ænea statua, quæ è Co-  
mensi ciuitate furto sublata fuerat, scribit Theodo-  
ricus lib. ii. Variar. epist. xxxv.

DOMNO N. RÆGE ] Theodorico. atque ita per- EP. XXV.  
petuò, cū aut Regem nominat, aut rerū dominū.

FAUSTO QUÆSTORI ] Summas omnes di-  
gnitates Faustus ordine consecutus est. Nam Magi-  
ster officiorum ante aliquot annos fuerat, Albino  
Consule, in eoque honore legatus à Theodorico  
rege missus ad Anastasium Aug. vt constat ex Gela-  
sii Papæ commonitorio ad Faustum Magistrum le-  
gationis officio Constantinopoli fungentem. Nunc  
Quæstura sacri palatii fungitur. Post hanc Præfe-  
cturæ prætorianæ cingulum adeptus est. Epigram.  
cxlii. & lib. ix. epist. xviii. ad Stephaniam Fausti  
sororem. *Nempe illius domini Fausti germana es, in cuius  
Præfectura quod monachos instituat inuenitur. &  
passim in Variis Cassiodori. etsi in his viciòse ubique  
Fausto Præposito scriptum est, pro Præfecto prætorio. De-  
nique Patriciatu ornatus est. cuius testis Ennodius  
ad Agapitum lib. v. epist. xxvi. Ante omnia autem  
Consulatum iam grandior gesserat, vt dictum est  
ad epistolam v. lib. i.*

LIBERIO ] De quo ad epist. i. lib. v.

HONORATO ] Fratri Decorati, cui etiam nouo

EP. XXVI.

EP. XXVII.

exemplo in Quæstura honore successit, ut est apud Cassiodorum lib. v. epist. III. & IV. verum hæc postea. Nunc excubiis Rauennatibus, hoc est alio quodam aulico munere nuper defunctus erat.

EP. XXVIII.

AVIENO] Multa sunt in hac epistola, quæ ostendant alium esse hunc Auienum à Fausti filio, de cuius Consulatu actum est lib. I. epist. v. Et tamen hunc etiam Consulem appellat. Quo adducor ut credam ex duobus Auenis, quorum vnus anno Christi D I. Consul fuit, collega Pompeio; alter anno D II. cum Probo; priorem Fausti filium fuisse, posteriorem hunc alterum de quo hic sermo, qui AVIENVS I V N I O R in Fastis, alijsque monumentis dicitur, non ætate, sed ordine Consulatus.

### AD LIBRVM. III.

EPIST. I.

SENATORI EPISCOPO] Cuius sedis fuerit Episcopus, incertum. Neque enim de Senatore Mediolanensi Episcopo intelligi potest, in quem scriptum est Epigramma xxvii. Is enim haud paulo antiquior: cum Mediolanensem cathedram post Senatorem rexit Theodorus, post Theodorum Laurentius, qui Ennodio hæc scribente florebat. Senatoris sane nomen illo sæculo gessere complures. Inter quos notissimus, & scriptis, honoribusque clarissimus Variarum auctor, quem Cassiodorum innoto, si dicere licet, errore appellamus. Audiendi quippe non sunt, qui Senatorem *ut exi* dictum putant, quasi proprium eius nomen fuerit Cassiodorus. Nam verum ac proprium eius nomen fuit Senator; quod ipse suis omnibus epistolis præfixit lib. XI. & XII. Variarum, & quod vnum suis ipse Fastis indidit anno D XIII. cum de suo ageret Consulatu. Tam igitur hoc eiverum nomen fuit, quam verum fuerat alteri Senatori, qui anno CDXXVI. Consul fuit cum FL. Anthemio Isidoro. Sed inuoluit error ex ea quam dixi opinione natus, quasi Senator epithetum esset, non nomen, ut CASSIO-



DORVS tanquam proprio nomine vocitetur, cum id cognomen reuera fuerit, à patris nomine ductum. Patri enim Senatoris nomen fuit Cassiodorus, à quo filius Cassiodorus Senator, & omnibus nominibus Magnus Aurelius Cassiodorus Senator dictus est, sicut à Fausto patre Faustus Auienus. In quo rursum refellendi sunt, qui Cassiodorum, cui Patriciatus post Præfecturam à Theoderico Rege defertur, & de quo, eiusque auo & patre, multa lib. I. epist. III. & IV ipsum auctorem Variarum esse credunt, cum de ipsius patre accipi omnia debeant. ad quem etiam scripta est ep. XXVIII. lib. III. Senatori siquidem filio Præfecturam, ac deinde Patriciatum detulit non Theodericus, sed Athalaricus eius nepos Lib. IX. epist. XXIV. & XXV. in quibus recto nomine Senator nuncupatur, *Cum laudibus, inquit, P. C. beneficiis nostris copiosum virtutibus, diuitum moribus plenum magnis honoribus Senatorem.*

EPIST. II.

EUGENATI] De quo ad epist. XXVI. lib. IV. Doctum Eugeneti fratrem, cuius obitum hic deplorat, suspicor fuisse magnum Olybrium, de quo dictum est epist. IX. lib. I. Hinc est fortasse, quod vnâ iunguntur epist. XXV. eiusdem libri Olybrio & Eugenio. & in epistola Athalarici lib. VIII. Variarum XIX. & quod Olybrii deinceps nulla apud Ennodium mentio.

ABBATI STEPHANO] ad quem iterum epist. XII.

E P. IV.

ADEODATO PRESBYTERO] Ecclesie

EPIST. VII.

Romanæ, ut declarant, quæ ad eundem scribit lib. VII. epist. XXVII. Is est fortasse, qui in Synodo prima Symmachi subscribit his verbis, *Adeodatus Presbyter S. Martini Tit. Equitij*. Ne prorsus affirmem, facit, quod in Synodo IV duo eiusdem nominis & gradus Adeodati Presbyteri numerantur.

LUMINOSO] Veteri amico, & ab ineunte ætate sodali. Sublimissimum superiore libro appellauit, epist. XXIV. ad Faustum. Quo tempore Symmachi Papæ causa aduersus schismaticos Rauennæ tractabatur, Episcopus, Mediolanensis opinor, illius nomine quadringentos solidos, sponsore Ennodio,

EPIST. X.

erogarat. Eos cum reposceret Episcopus, à Luminoso petit Ennodius, ut cum Symmacho agat, ut refundantur. Qua de re iterum eidem Luminoso scribit lib. VI. epist. XVI. & epist. XXXIII. ad Holmisdam.

REDHIBITIONE PENSARETUR] Restitueretur. ut lib. VI. XVI. de hac ipsa re, *me ei redhibitionem promittente.* Hoc enim plerumque est redhibere, reddere quod debeas, quocumque titulo debeas. Sed latius interdum sumitur, ut in redhibitoria actione apud Iurisconsultos, quibus redhibere est, ut Glossæ nostræ interpretantur *πρόσθεσις, ὅτι πρὸς τὸ πρὸς τὸ ἐξαιρῆσαι, & cum redhibere rationem dicit Auitus Viennensis Episcopus in epistola ad Apollinarem Episcopum fratrem. Si pro omni verbo otioso, quod locuti fuerint homines, rationem redhibere cogentur.* Denique redhibere ἀντὶ τῆς ὑστερίας usurpabant pro reddere.

EPIST. XI. SENARIO] Propinquo & amico singulari. unde geminum sibi cum illo, caritatis & sanguinis, vinculum esse dixit lib. I. epist. XXIII. Comitem Patrimonij creatum à Theoderico Senarium anno DXXI. docent epistolæ III. & IV. libri IV. Variarum. etsi malè tertia inscribitur Comiti Privatarum. Antea verò, ut eadem testantur, in eiusdem regis aula diu inter exceptores militarat. quem honorem hoc loco fortasse intelligit Ennodius.

HVMILITATIS FASCIBVS] Hæc propria laus Senarii. Cassiodorus epist. IV. *Sed hæc amplius commendabat humilitas, quæ tam clara quàm rara est. Nouum est enim sub amore Principis custodire modestiam.*

EP. XIII. APOLLINARI.] Sex epistolæ sequentes hactenus *ἀνέκδοτοι* nunc primum in lucem dantur ex manuscriptis. Ad Apollinarem iam scripsit lib. I. epist. VIII. scribetque iterum lib. IV. epist. XIX. in qua fratrem cum amoris & ætatis causa vocat.

EPIST. XV. EUPREPIAE] Expostulat cum sorore, quod ad Lupicinum filium nihil scribat, tunc maxime, quando pax inter regionum dominos, hoc est inter Italiam, unde scribebat Ennodius, & Prouinciæ Arclatensis, in qua degebat Euprepia, Principes

firmata

firmata, libera erant, & sine suspitione litterarum commercia. Regionum ergo dominos interpretor Theodericum Italiae, & Gundobadum Burgundionum regem, qui Prouinciæ II. magna ex parte dominabatur, vel Alaricum cui parebat Arelate.

DICTIONEM QVA COM.] Præfationem dictam Lupicino. quæ secundum locum obtinet inter Dictiones Scholasticas.

LACONIO] Gundobadi Regis consiliario, & velut Quæstori. viro nobili ac pio. In vita Epiphani. At ille, Gundobadus, vocato Laconio, cui & rerum & verborum fides ab illo semper tutè mandata est: quem & prerogatiua natalium, & auro curules per magistræ probitatis insignia sublimarunt: cum quo confert, quoties pia & religiosa meditatur. & sicut non est cum, virtus sociata nobilitas, nec adstringitur ad illicebas lux natura, siquid ille benignè facere voluerit, iste hortatur adhibitus.

BENENATVM] De quo & epist. sequenti, & fortasse apud Cassiod. lib. IV. XV. Ad eam formam nomen effectum, qua Seronatus apud Sidonium, Citonatus apud Gregorium Magnum, & alia passim. Epitaphium Romæ *Νυλωτον* Lupicino & Iouino Coss. cuius hæc portio.

EN EIPHNH ANEPIAH BENENATOC  
ΘΕΟΦΙΛΑ ΕΠΟΙΗCΑ CΤΜΒΙD  
BENENATO TEOFIΛA FECIT  
VXOR EIVS.

PROPTER FUGACES SVOS] Seruos fugaelapso. Epist. XIX. *fugacem seruum vestrum, qui ante triennium lapsus est.* Fugacem seruum pro fugitiuo dixit etiam Honorius Imp. L. VIII. Cod. Theod. de iurisdictione, & Gregor. Turon. lib. VI. C. XXXI.

STEPANO EPISCOPO] Haud dubiam, quin Ecclesiæ Lugdunensis, vbi & Laconius, ad quem de eadem re scripsit. Hanc igitur gratiam Ennodio Lugdunenses debent, quòd Episcopi sui memoriam, quæ tenuis apud ipsos & obscura restabat, hæc

Ep. XVI.

Ep. XVII.



epistola conseruatam vident

EP. XVIII. EULALIO EPISCOPO] Vide an Syracusano, qui Synodis aliquot Symmachi Papæ interfuit, & multis laudibus ornatur in vita S. Fulgentij. Sed fieri potest, vt alios etiam habuerit ætas illa eiusdem nominis Episcopos.

EPIST. XX. AFFINIS MEI IULIANI] ad quem lib. IV. epist. VII.

ORDINATVS A. IMPVLSOR] Instigator, qui insisteret vt lis iudicio decerneretur. vt contramoratores apud Ciceronem in Diuinatione, advocatorum genus, qui ad moram faciendam adhibebantur.

EP. XXIV. ECCLESIASTICAM HVMILITATEM] Cui rhetoricos flores & schemata minimè conuenire iudicabant. Lib. I epist. XVI. ad Florianum. *Rhetoricam in me dixisti esse versutiam: cum diu sit quod oratorium schema affectus orationis à me absciderit; & nequeam occupari verborum flatibus, quem ad gemitus & preces euocat clamor officij.*

## AD LIB. IIII.

EPIST. I. SYMMACHO PAPAE] Papæ nomen vni Romano Pontifici tanquā propriū & peculiare, primus, vt videtur, asseruit Ennodius. Nam cum Episcopos omnes Papas cæteri fere, qui eius æuo proximi fuerunt, appellare soleant, vt Sidonius, Faustus, Ruricius, ipse perpetuo discrimine Antistites reliquarum Ecclesiarum Episcopos vocat, Papam solum Romanæ sedis Pontificem, siue cum illi scribit, vt SYMMACHO PAPAE, & DOMNO PAPAE. siue cum de illo apud alios agit, vt lib. III. epist. X. lib. VI. epist. XXXII. & passim. Pari post Ennodium discrimine in eius vocis vsurpatione vsus est Cassiodorus. qui cum Bonifacium, Agapetum, & Ioannem Romanæ sedis Pontifices Papas nominet, Eustorgium & Datium Mediolanensis, & alios

aliarum ciuitatum Præfules, non aliter quam Episcopos vocat. Neque omnes tamen hoc ita exemplum postea secuti sunt, quin permulti diuersarum gentium, præsertim extra Italiam, scriptores Papæ nomen reliquis item Episcopis tribuerint, vsque ad tempora Gregorij VII. qui in Synodo Romana primus, vt à Baronio Cardinale obseruatum est, edixit, vt PAPAE nomen vnus sit in orbe Christiano.

DIABOLICVM CERTAMEN | Laurentianæ factio-  
nis schismaticæ, quæ Symmachum varijs modis op-  
pugnauit.

MARCELLIANVM EPISC.] Aquileiensem ad  
hunc pro Symmacho scripserat Laurentius Episco-  
pus Mediolanensis, quem ab Ennodio designari  
puto.

IULIANO V. I. C. P.] Idem viro illaltri, Comiti Patrimonij. Hæc monogramma cùm Basilienses non intelligerent, *Iuliano Episcopo* inscripserunt. Sed vera lectio, quam reddidi ex Vaticano. Hic enim est Iulianus Comes Patrimonij, ad quem extat Theodorici regis rescriptum lib. I. Vaticanæ epist. xv. eoque alludit Ennodius, cùm purpuram eius nominat. Quod nam autem munus fuerit Comitum sacri Patrimonij, docet in eius formula lib. vi. idem Cassiodorus. & Glossæ iuris nostræ, quæ primum eius dignitatis auctoritatem faciunt Anastasium Aug. Sic enim habent. Πατριωνία· ὁ πᾶσι τοῖς βασιλεῦσι ἰσχυρὸν καὶ τιμὴν, καὶ βασιλεὺς Αναστασιὸς αὐτῶν πρῶτος ὁ εὐρεῖται ἐν τῷ προσχηρῶν τιτύτω, ἐν τῷ ἀρχῇ τῶ κόμης τῆ πατριωνίᾳ.

TRASIMUNDO V. I ] Regi Vandalorum in Africa. Illustrem virum regem vocat, quia Illustratus titulo in Romano imperio nullus honorificentior. propterea hunc regibus tribuebant. Manent hodie prisca moris. vestigia in diplomatis Pontificum, in quibus Reges viros illustres appellant. Quin & reges ipsi hunc sibi titulum addebant. Nam in antiquis regum nostrorum præceptis & constitutionibus nihil vstratius, quàm Childebitus, Clotarius, Pippinus, Carolus rex, vir illuster. Cate.

EPIST. VII.

EPIST. 7.

rum Vandalici huius regis, qui Hunerico fratri successit, nomen variè scribitur à diuersis. *THRASAMVNDVS* dicitur in acrostichide veteris Epigrammatis à P. Pithæo editi lib. II. quod quidem etsi antiquariorum vitio deprauatum subijcere non grauabor; tum ob eius artificium hætenus minimè deprehensum: tum quia cùm ipsius regis nomine scriptum, thermisq; ab eo conditis appositum sit, quo modo scribi hoc nomen tum soleret certius indicare videatur. Id verò est huiusmodi.

T	<i>Tranquillo Nymphæ decurrite fluminis ortu.</i>	V
H	<i>Hic proba flagranti succedit vimine flebo,</i>	O
R	<i>Rupibus excelsis ubi nunc fastigia surgunt,</i>	T
A	<i>Æquanturque polo tectis præcelsa lauacra.</i>	A
S	<i>Sedibus hic magnis exardent marmora signis,</i>	S
A	<i>Ardua sublimes prauincunt culmina therma.</i>	E
M	<i>Munerâque eximius tanti dat luminis auctor,</i>	R
V	<i>Vni continua prænoscent premia fama.</i>	E
N	<i>Non hic flamma nocebo tum demitiscite carmen,</i>	N
D	<i>Discite vel quanta viuât sub gurgite lympa.</i>	A
V	<i>Vandalicū hic renouat clarū de semine nomen</i>	N
S	<i>Sub cuius titulo meritis stat gratia factis.</i>	S

EP. XVII.

*DECORATO* Maior hic natu frater Honorati, ut dictum est ad epist. xxviii. lib. II. Nobile par fratrum aduocatorum, & ex aduocatis *Quæstorum*. De quorum vtriusque laudibus multa Theodericus Rex lib. v. variarum epist. III. & IIII. Honorato. Tu, inquit, *Decoratus es illo es, ille Honoratus ex te est*. Item de *Quæstura Decorati*. Tali igitur omine *Decoratus eualuit, eualuit inquam, ac se honoribus palatinis iudicio nostro laudatus immiscuit, dignitatem sumens, quam solemus dare prudentibus*. Sed *Quæstor*, cùm ad eum scripsit Ennodius, nondum erat. Humili conditum sepulcro fuisse testatur eius Epitaphium, quod inter Christiana monimenta legitur his verbis.

*Hanc Decoratus opem subducta luce petiuit,  
Conderet exiguo ut sua membra loco.*



*Hinc Spoletane gemis, pateris hinc damna viater,  
 Incassum quarens quis ferat auxilium.  
 Nam fessis tribuit requiem, miserósque leuauit.  
 Iustitia cultor, largus & hospes erat.  
 Fascibus insignis, generis nec stemmate peior.  
 Hic lumen patria, hic decus omne fuit.*

Fasces intelligit, quam diximas Quæsturam. Spoletinorum meminit, quia in eorum tribunali causas egerat, ut post ipsum Honoratus, auctore ibidem Cassiodoro.

AGNELLV] Patricium, qui in Africa versabatur. Theodericus Rex Festo Patricio. Idcirco discernimus ut domus Patricij Agnelli ad Africam discedentis, qui regnum petens alterius nostris est utilitatibus seruiturus, saluis legibus tua iuitione ualletur. lib. I. Var. xv.

Ep. xviii.

BASSO] Gallo, V. C. Sic enim appellauit epistola xx. lib. I. cui cum Ennodii parentibus vetus fuerat necessitudo.

Ep. xiv.

SI CAMILLVM M. RETINES] Qui patrem amasti, filium non spernes. Ennodii ergo pater Camillus. Iam Ennodii parentes Gallos fuisse scimus & Prouincia Narbonensi, laremque in ea habuisse totam eius ferme cognationem. Quibus sanè argumentis, ac duorum simul Ennodii prænominum coniectura ducor, ut augurer Camillum eius patrem illum ipsum fuisse, quem Sidonius Carmine ix. ad Felicem, summum ipsius patruelium vocat. Felix siquidem filius fuit Magni: pater Camilli, eiusdem Magni frater. Sidonius idem in descriptione conuiuii Arelatenfis lib. I. ep. xi. recumbente post se, post Magnum scilicet ex Consule, Camillo filio fratris, qui duabus dignitatibus & ipse decursis pariter ornauerat Proconsulatum patris, patris Consulatam. Quare Felix & Camillus, fratres erant patruelles, fratribus prognati. Camilli autem, ut conicio, filius Ennodius noster, qui Magni Felicis prænomina à patruo, eiusque filio deriuarit. Verùm hæc nostra tantum est diuinatio.

EVGENETI V. I.] Quæstori palatii Theode-

Ep. xvi.

rici regis. Hanc enim illi dignitatem gratulatur. quam etiam expressit Carmine II. quod de Eugenet ipso scriptum est,

*Vox iusti Quæstor, legum substantia, nobis  
Ceu Phœbus mittet carmina, plectra, lyram.*

Fuit etiam postea Magister officiorum, ut videre est lib. I. Variar. epist. XII. & XIII. in quibus Eugenetis doctrina cum eloquentia singulari præconio celebratur. Itemque ab Ennodio ibidem. Etenim principes fori Romani inter aduocatos fuerant Olybrius & Eugenes. unde Athalaricus apud Cassiodorū lib. VII. epist. XIX. de Felicis ad Quæsturam promotione scribens ad Senatum, *Aduocationis, inquit, laudem inter primarios eloquentia frequenter meruit inuenire. Is contra magnum Olybrium stetit, is palmarum Eugenetis lingua ubertate suffecit; & illis par fuit, quos singulares Roma cognouit.* Porro Eugenet pro Eugeni, mutata declinatione, eo genere Metaplasmi dictum est, quo Eutychem, Diogenetem, Eusebetem, Niciatem, pro Eutychem, Diogenem Eusebem, Niciam apud inferioris æui scriptores nonnumquam offendimus, & in antiquis inscriptionibus sæpissime, ut in hac Romana.

D. M. S.   
 T. II. CLAVDI  
EUGENETIS  
VIX AN. XI. D. IX  
TI. CLAVDIVS  
ANICETVS  
PATER FEC

*Ἀπλήρωτ' αἶσθη τί με νῦν ποτ' ὑπάρκεις ἄφρων  
τί σπεύδεις ὅτ' οὐ καί τις ὀφ. χάριτα;*

EP. XXIX.

ANIMVM DECESSORIS] Fausti, opinor. quem supra Quæstorem vidimus lib. II. epist. XIV.  
ENNOD. PAPÆ] Symmacho. quem Papæ nomine perpetuò significat. omnes siquidem epistolas, aut pene omnes illo superstite scripsit.

INAUSPICATA] Noua significatione inauspicatum meliorem in partem posuit pro improviso & insperato bono, quod præter spem & expectationem eueniat Sic lib. i. epist. v. *Inauspicatis successibus illi prouectuum incrementa ventura sunt, quem coepisse videmus à fascibus.* Item lib. ix. ad Cæsarium Episcopum. *Vnde parentibus meis inauspicata sublimitas?* & alijs quoque locis. cum inauspicatum contrā id dici soleat, quod sinistrum & infaustum, vt Plinio lib. xxviii. cap. ii.

DECESSIONE PONTIFICIS] Aquileiensis. Ibi enim versabatur Auitus lib. v. epist. xx. EP. XXXI.

VIROS COMITATENSIS EX.] Quod EP. XXIII.  
munus Comitatenſe dicitur L. xxxviii. Cod. Theod.

De decurionibus Comitatenſes, sicut Palatini, generaliter interdum vocantur omnes, qui in sacro palatio militant in Principis Comitatu. Quo sensu Comitatenſis iure dicitur Senarius, quem in Regis obsequio inter exceptores meruisse ostensum est ad epistolam xi. lib. iiii. Interdum Palatini peculiariter appellati, qui in officio erant vtriusque Comitatus Largitionum. Quorum ex numero, vt antiquæ iuris Glossæ docent, qui in palatio subsistebant, Comitatenſes nominabantur qui in Prouincias dirigebantur, Mittendarij. Sic enim distinguunt. Παλατιῶν δὲ παραπάνω ἐπιτέτης Παλατιῶν δὲ κοινῇ δὲ οὐμαί πάντες ἀναλῶν οἱ ἐν τοῖς καὶ τὸ παράλιν θεσπευτοῖς ἐπιτετέτες ταξίωται. ἀλλ' οἱ μὲν ἀπὸ τοῦ παλατίου προσεδρεύοντες, ἐλέγχοι κομιταῖοι. κομιταῖον δὲ ὁ τόπος, ἐν ᾧ διάγει ὁ βασιλεὺς. οἱ δὲ ἐν τοῖς ἐπαρχίαις περιπατοῦντες, μετεδρεύοντες. μὴ δὲ τὸ ἀποστέλλω.

HORMISDAE] Diacono. Lib. viii. epist. EP. XXXIV.  
xxxiii.

APRONIANO VI] Comiti Rei priuata. EP. XIXV.  
Cassiodorus lib. viii. epist. vltima, *Aproniano viro illustri Comiti Priuatarum.* Sed nondum, opinor, hoc honore fungebatur.



## AD LIB. V.

EPIST. I. **L**IBERIO PATRICIO] In Synodo Arau-  
 sicana II. omnibus suis nominibus subscri-  
 bit. PETRVS MARCELLVS FELIX LIBE-  
 RIVS V. C. ET IN L. PRÆFECTVS  
 Prætorio Galliarum atque Patricius consentiens  
 subscripsi. Nihil habuit ætas illa Liberij nomine  
 illustrius. Primum enim pro Odoacre aduersus  
 Theodericum fideliter stetit. pōst, illo deuictō sub  
 Theoderico, quādiu is regnauit, summis togæ,  
 militiæque honoribus perfunctus, multa in Italia &  
 Gallia præclara cum laude gessit. itemque sub Atha-  
 larico. Theodati etiam Rejis legatus ad Iustinia-  
 num Imperat. delectus. à Iustiniano deniq. ipso mi-  
 litaribus copiis aduersus Gothos in Italia & Sicilia  
 præpositus. ἀντ, vt Procopius testatur, χαλός τε καὶ ἀγα-  
 θός ἐστὶν ἐστὶν, λόγῳ τε τῇ ἀληθείᾳ ὅτι μελέων ἐξέτισάμο-  
 νος. Quorum omnium auctores nobis Cassiodorus  
 lib. II. Variar. XI. & XV. Lib. VIII. epist. VI. & Lib.  
 XI. epist. I. Procopius idem lib. I. & III. de bel-  
 lo Gothico. & Ennodius ipse Lib. IX. epist. XXIII.  
 & XXIX. vbi plura de Liberio. Hanc porro episto-  
 lam, tanquam Symmachi nomine scriptam ab  
 Ennodio, inter Symmachi epistolas collocarunt.

INTER ARBITROS MARC.] Honoratos  
 videlicet, quorum arbitrium in antiquis Episcopo-  
 rum electionibus ac testimonium exquirebatur.  
 Leo Episcopis Prouinciæ Viennensis epistola  
 XXCIX. Expectarentur certè vota ciuium, testimonia  
 populorum: quareretur honoratorum arbitrium, ele-  
 ctio clericorum. qua in sacerdotum solent ordinatio-  
 nibus ab ijs qui norunt patrum regulas custodiri.

VALETE] Omissis quæ sequuntur, codices Sym-  
 machiani epistolam ita concludunt. Data XVIII.  
 Kalend. Nouembr. die, Indictione VIII. hoc est an-  
 no, vt dixi, CDXCIX. Ex quo patet epistolas

Ennodii ordinem suum non retinere. Alioquin hæc, quæ de Marcellini electione agunt, superioribus præponi deberent.

EPIST. II.

MARCIANO] Aduocato, Asterii filio.

CAVSIDICVS ET SENATOR] Ad curiam & senatum aditus per honores patebat. ad honores autem gradus erat aduocatio. Vnde Valentinianus Nouella De postulando, quæ est xxxiv. inter Theodosianas, aduocationem appellat SUMMARIVM DIGNITATVM. Vel quia ex primoribus aduocatis plerumque fiebant Quæstores, Consulares, Præfides, & alii litterati Magistratus: quod in Decorato & Honorato videmus; passimque extant exempla apud Marcellinum & Cassiodorum. quo quidem sensu locutum hoc loco arbitror Ennodium. Vel quia qui præfixum legibus numerum annorum in aduocatione expleuerant, diuersarum deinceps dignitatum priuilegiis ornabantur. Quod spectans Sidonius lib. i. epist. xi. aduocatorum dignitates tum incipere dixit, cum actiones finiuntur.

OPILIONI V. I.] Sublimem & magnificum virum dixit lib. iv. epist. xviii. Illum puto, qui postremis Theoderici temporibus Consulatum cum Iustino Aug. gessit anno dxxiv. cuiusque nomen Concilio Carpentoratensi præfixum est, quod eo anno celebratum constat. Quod enim perperam ibi à sciolo quodam antiquario Opilioni Consuli adiectus est Collega Vincomalus, quia Opilionem alterum, quem eundem credebatur, cum Vincomalo Consulem anno cclxiii. fuisse meminerat; id mirum videri minimè debet: cum pari audacia in epistola Hormisdæ Papæ ad Possessorem, quæ Rustici Consulis, cui collega fuit Vitalianus anno dxx, subnotatum nomē habet in antiquis exemplaribus; cum Rustico Olybrium, qui cum Rustico altero ante annos sex & quinquaginta Consul fuerat, in plerisque editionibus suppositum videamus. Sed ut ad Opilionem redeamus, diuersus à Consulari eadem ætate fuit Opilio Boëtii delator, quem perstringit lib.

EPIST. III.

J. de Consolatione. Is nimirum, quem Athalaricus postea, ut est apud Cassiod. lib. VIII. epist. XVI. Comitem sacrarum largitionum fecit Indict. VI. hoc est anno DXXVIII. triennio postquam à Theoderico eadem Comitina ornatus fuerat Cyprianus eius frater, delator & ipse, ut scribit Boëtius, Alibini Consularis. Quin & horum quoque fratrum pater Opilio alius, qui Comes item sacrarum largitionum fuerat sub Odoacre lib. variar. XLXI.

EP. IV.

H FLISEAE] Matri Auiti, Ennodij propinquæ. Epist. v.

EP. VI.

LEONTIO ABBATI] Cuius hortatu vitam B. Antonij scripsit, quam eidem nuncupauit.

EP. VII.

CYNEGIAE EPITAPHIUM] Fausti vxoris. Hoc enim docet alterum eius epitaphium, quod subiicitur epistolæ XXIX. lib. VII.

MENS CUI CLARA] Ita libri antiqui. Basilien-  
ses *mens tua clara*, ineptè. Sed mouebat illos uoculæ  
CUI diæresis & dimensio. quæ tamen veterum poëta-  
rum exemplis nititur. & Paulini Nolani in Epithala-  
mio Iuliani, *Vt sit ei vertex vir, cui Christus apex*. Nec  
ignorauit Goteschalcus monachus Orbacensis, cu-  
ius sunt versiculi quos subiiciam in præmio Car-  
minis ad Ratramnum.

Age, quæso, perge Clie,  
Propera celer virago,  
Repeda sagax propago,  
Cui frater est Apollo.  
Fer amico ouans Ratramno,  
Domino patri, magistro,  
Calamo metrum impolito,  
Quod ei libens remitto.

EP. VIII.

PETRO] Illi fortasse, qui postea Consulatu or-  
dinario functus est anno DXVI. cui nunc aliam quæ-  
piam dignitatem adepto gratulatur Ennodius.

LAVACRA APONI] Corruptum hîc nomen  
erat nobilissimi fontis, qui hodieque propter salu-  
tares aquas magna hominum frequentia celebratur  
in agro Patauino. quæ Apona tellus ab hoc fonte  
dicta Martiali, ut Antenorea Ennodio & aliis ab eo,  
quem Troianæ colonix auctorem ferunt. In Aponi



aquas lufit etiam peculiari carmine Claudianus: & Cassiodorus suo more in epiftola quam Theoderici Regis nomine dictauit ad Aloifium Architectū, vt Patauinarum thermarū ædificia inftauret, totam Aponi naturam, vim, arque vsum fcitiffimè atque ingeniofiffime defcribit, lib. II. epift. xxxix.

GLOVIDENVM TVVM] In præfatione carminis ad Fauftum, *Ad Camanalem tamen ignominiam, quibus nunquam gluuidinus deeft, verſus adieci.* Satis apparet glouidenum ab Ennodio ſæculi fui voce cofere ſenſu poni, quo gurdonicum à Sulpitio Seuero, pro rudi & imperito. *Vereor*, inquit, *ne offendant veſtras nimium urbanas aures ſermo ruſticior.* Audietis tamen, vt Gurdonicum hominem, nihil cum fūco aut coturno loquentem. Sed gurdonicum à gurdo deducti, hoc eſt lento & inutili, vt interpretatur Iſidorus, facilis eſt coniectura. gluuideni quænam ſit origo, non item.

TOLLITVR AD CLINI] Claudianus de Apqni balneis.

*Alto colle minor, paruis erectior aruis.*

*Conſpicuo cliuus molliter orbe nitet.*

*Ardentis fœcundus aqua, quicumque cauernas*

*Perforat, offenſo truditur igne latex.*

HIC PYRA GVRGITIBVS] Sic legendum pro pera, quod eſt in antiquis, nota litteræ mutatione. vt lib. I. epift. IIII. peripoma pro pyripoma. Paribus antithetis de eadem re ſcribēs vtitur Caſſiodorus. *Iuuat videre ſecretum, latices vapores igneos exhalantes, amicum undis indefinenter ardorem, & ſalorem venire de curſu riuī, unde vſualiter ſolebat extinguī.*

PARTHENIVS NOSTER] De quo lib. VI. epift. I.

MEIS OFFICIIS] Quæ in Symmachi cauſa præſtiterat, tum cæteris in rebus, tum maxime in Apologia pro Synodo, cuius defenſione Symmachi innocentia nitebatur.

DOMNO PAPAE] Symmacho. & hac igi-

EP. IX.

EPIST. X.

EP. XIII.

tur inter Ennodij erga Symmathum beneficia numerandum.

**SANCTITAS VESTRA]** *Vi Beatiudo tua, supra lib. IIII. epistola xxxIII. Hormisdæ eidem. Rara compellatio in allocutione Diaconi, cuius ordinis erat Hormisdæ. Est enim Episcoporum potius, vel presbyterorum ἐπισκόπων. Attamen eundem Hormisdam Diaconum tacito nomine sanctissimum etiam vocat lib. VII. epist. xx. ad Maximum. Habes qua cum Diacono sanctissimo de institutis morum nota dicendi ubertate communices.*

Ep. XIV.

**SERVILIONI]** Ennodij magistro, à quo Ecclesiasticis institutis fuerat imbutus.

Ep. XV.

**DE PROLIXIS GENTIUM FINIBVS]** Epist. sequenti: *Senarium ab ultimis terrarum partibus restitutum. ex legatione nimirum aliqua. Frequenter enim delectum in legationis honorem fuisse constat. Cassiodorus lib. IIII. epist. III. Senario. Subisti sape ardua legationis officium. restitisti regibus non impar assertor, coactus iustitiam nostram & illis ostendere, qui rationem vix poterant cruda obstinatione sentire. Non te terruit contentionibus inflammata auctoritas. subiugasti quinimò audaciam veritati, & obsecutus ordinationibus nostris in conscientiam suam barbaros coegisti.*

Ep. XVII.

**PANFRONIO]** Sublimem & magnificam virum appellauit lib. II. epist. XVI. & lib. IV. ep. XIV. quibus illum Fausto commendat. Pro eodem scribit & Agapito ep. XVI. vbi aliquid insinuat de Vicariæ dignitate, quam illi fortasse hoc loco gratulatur. Illustrem virum dicit lib. VII. epist. I.

Ep. XXII.

**VENANTIO]** Viro clarissimo, lib. IV. epist. IX. Duos huius æui Venantios commemorat Cassiodorus. Vnū virum spectabilem, Correctorem Lucaniæ & Brutiorum lib. III. epist. VIII. & XLVI. quem quidem eundem fuisse cum Ennodiano nihil vetat. Alterum Liberij filium, virum illustrem, qui Comes Domesticorum vacans, creatur à Theoderico lib. IX. epist. XV. & Venantius Patricius dicitur lib. IV. epist. XXXVI.

DIVINIS TAM. LEGIBVS] Cognati generis matrimonia & diuinæ leges coercuerunt, & humanæ, tum ciuiles, tum canonicæ. Ac sacris quidem litteris apud Hebræos de paucis iisque proximis cautum fuit: nec longius fere processit interdictum, quàm ne cui fratris sororisue filia copularetur. Imperatores Christiani etiam consobrinas iungi vetuerunt, vt Theodosius, tantum, vt Sex. Victoris verbis utar, *pudori tribuens & continentia, vt consobrinarum nuptias vetuerit tanquam sororum*. Quare sine Principis venia duci non licebat. quod declarat Cassiodori *Formula, qua consobrina legitima fiat uxor*. Ecclesiasticæ verò leges, quæ incestas hodie nuptias quarto gradu definiunt, ad septimum vsque gradum aliquando prouectæ sunt. At Ennodii sæculo mos adhuc indulgentior. Qui enim de eare canones erant, intra vetitos sacris litteris ac Principū legibus gradus fere consistebant, vt Synodus Agathensis c. LXI. Epauensis c. xxx. Aurelianensis III. c. x. Sine ergo diuinæ leges hoc loco interpretare, quæ sacris litteris continentur, siue sacros canones ita vocer, quo modo Græci *θεῖαι κανόνες*, & diuinæ regulas passim Latini; paruum erat illo tempore discrimen.

SAVINI FILIO] Pro eodem scribit etiam epist. XIII. & XIV. libri sequentis ad Auitum eundem.

AVLICIS EXCVBIIS] Quæsturæ Palatinæ quaungebatur, vt dictum est ad epist. XXVI. lib. IV.

EP. XXIV.

EPIST. XXV.

EP. XXVII.

## AD LIB. VI.

PARTHENIO] Germanæ Ennodii sororis filium fuisse docuerunt nos aliquot superiore libro epistolæ, quibus Parthenium Romam studiorum causa proficiscentem commendatione sua prosecutus est. Sed sorori nomen quod fuerit, nusquam indicat. Euprepiam enim non esse id ostendit, quod Euprepie filius, quem vnicum habuit, Lupicinus, non Parthenius vocabatur. Deinde Euprepia vidua erat; Parthenii verò pater super-

EPIST. I.



stes lib. vii. epist. xxx & xxxi. Parthenij porro nobilitatem, & felicia eruditionis auspicia celebrat in dictione iiii. Scholastica, qua gratias egit grammatico, quando Parthenius bene recitauit. item libri huius epist. xxi. Quibus argumentis ducor, ut de Parthenio illo conieciam, qui Magister officiorum ac Patricius tandem fuit; ad quem extat Elegiacum carmen Aratoris, quod lib. ix. producemus, in quo singularem eius eruditionem cum generis nobilitate coniunctam, ac diuersas legationes commemorat.

EPIST. III.

ANIMA QUAE IN SATVR.] Cassianus collat. xiiii. cap. xiii. *Anima qua in satietate est fauis illudit.* Ea est lectio Interpretum Lxx.  $\psi\chi\epsilon\ \epsilon\iota\ \pi\lambda\eta\sigma\mu\epsilon\iota\gamma\ \epsilon\sigma\tau\iota\ \mu\epsilon\lambda\iota\sigma\iota\varsigma\ \epsilon\upsilon\pi\omega\gamma\epsilon\iota$ . Nec multum discrepat vulgata, *Anima saturata calcabit fauum.*

EPIST. VI.

BOETIO] Hæc secunda Ennodij ad Boëtium est epistola: & contrâ prima videtur quæ sequentis libri est duodecima. Adeo verum est quod monuimus, Epistolarum Ennodij seriem ubique rectam non esse. Iam in nominis scriptura variant codices. Nam alij Boëtium scribunt, alij Boëthium. quod quidem, si Græcæ vocis origo spectetur, rectius erat. Sed vsus obtinuit, ut Boëtium potius dicamus. Et iam olim variabant sculpti lapides, ut Romanus hic in æde B Agnes suburbana.

VALENS V. D. COMIT. DEPOSITVS

KAL. IVL. CONS BOETHI V. C.

Et aliter in D. Laurentij Tetra stylo extra muros

GENEROSVS EVNVCHVS DEPOSITVS

IN PACE VII. ID. OCTOB. BOETIO V. C. CONS.

SI MINISTER ANTISTITEM] Dia-

conus Episcopum.  $\Delta\iota\acute{\alpha}\kappa\omicron\iota\tau\omicron\varsigma$  est minister. Quos ergo Diaconos Græca voce in Ecclesia nuncupamus, Ministros etiam simpliciter appellabant. Commodianus.

## MINISTRIS.

MINISTRIS  
*Ministerium Christi, Zacones, exercete castè.  
 Idcirco Ministri facite praecepta Magistri.  
 Nolite fugere personam iudicis equi.  
 Integrate locum vestrum, per omnia docti,  
 Susum intendentes, semper Deo summo deuoti.  
 Tota Deo reddite in laesa sacra ministeria ara.  
 Rebus in diuersis exemplum date parati.  
 Inclinate caput vestrum Pastoribus ipsi.  
 Sic fiet ut Christi populo sitis probati.*

DE MODITIA] Modoëtia. quod notum est  
 Liguriæ oppidum haud procul Mediolano, vbi  
 Longobardorum & Italiæ reges olim coronati.  
 Moditia pro Modoetia pari antiquariorum licentia  
 scriptum, ac mira pro mœra, id est *moëra* apud Si-  
 donium, & metici pro metoeci *metoeci*, in vetere  
 Galli auctoris Panegyrico.

COMMUNI DOMINO] Fausto, patre A-  
 uieni.

ARCHOTAMIAE] Arelatensi consanguineæ. lib.  
 VII. XIII.

S. V. SABINO] Huiusce nominis Praefectum  
 annonæ Roma paucis post annis habuit, cuius hoc  
 restat in Basilica Ostiensi epitaphium, sed mendo-  
 sissimè exaratum. Hic REQVIESCIT IN PACE.

SABINVS V. S. PRÆF. ANN. QVI VIXIT AN-  
 NOS LIII. ET DIES XXIV. DP. XV. KAL. AVG.  
 SYMM. ET BORTIO W. CC. CONSS.

REDD. ECCLESIAE CONCORDIA] Se-  
 datis motibus schismatis Laurentiani.

DOCTOR GENTIVM] Paulo tribuit, quod est  
 Iacobi Apostoli cap. v. epistolæ Catholicæ.

DE ALPIBVS COTTIIS] Hoc iter est quod  
 describit in Itinerario Brigantionis. De Firminæ  
 autem annulo est epigramma xcii.

EP. I.

EP. XI.

EP. XXIV.

EP. XXIX.

EP. XXXIV.

EP. XXXVI.

EP. XXXVIII.

## A D LIB. VII.

EPIST. I.

[VLIANO] Comiti Patrimonij. Lib. iv. ep. vii.  
 REGIÆ DOMVS CONDVCTOREM] Qui  
 fiscale aliquod prædium conduxerant, hi condu-  
 ctors Domus Augustæ dicebantur. de quibus est Ti-  
 tulus in Codice, & lex Valentiniani III qua illos nul-  
 lius militiæ, dignitatisve priuilegijs frui docet. Do-  
 mus Augusta, quando Imperatores erant, vocabatur:  
 nunc Domus regia regnante Theoderico. & condu-  
 ctors domus regiæ, Cassiodoro lib. v. ep. xxxix.  
 Eorum cognitio ad Comitem Patrimonij pertine-  
 bat, qua Comitina Iulianusungebatur. Theoderi-  
 cus Iuliano eidem C. P. *Conductores Apuli deplorata  
 nobis aditione conquesti sunt frumenta sibi inimicorum  
 subreptionibus concremata: postulantes ne cogantur ad  
 integram prastationem, quibus commerciorum sunt  
 commoda diminuta. &c.*

EPIPHANIVM CHARTARIVM] Lapis  
 sepulchralis Romæ, LOCVS VALERIANI CHAR-  
 TARI. Sed Chartarius hoc loco non chartæ opifex,  
 aut negotiator; sed Chartularius Comitris Patrimo-  
 nii. quomodo accipi etiam videtur ab Athalarico  
 lib. viii. Variarum epist. xxiii. vbi Chartarios no-  
 minat sedis Burgantini Com. Patrim.

EPIST. V.

PRINCIPALIS SIBI CVRA C.] Vel pro-  
 pter legationes ad quas sæpe adhibitus Senarius:  
 vel propter exceptoris officium, quo in regis aula  
 ungebatur. lib. iii. epist. xi. & lib. v. epist. xv.

EPIST. VII.

HELPIDIO DIAC.] Lib. viii. epist. viii. Sic  
 iam olim scribebant, pro Elpidio quod est *ἐλπίδιος*.  
 vt Helpis, Euhelpistus, & alia id genus, Quare ita  
 quoque scriptum ab Ennodio verisimile est.

EPIST. X.

COMPVLSORIS OFFICIO] Fiscalium one-  
 rum exactoris, qui publicis functionibus obnoxios  
 ad solutionem compellit. L. vii. Cod. de exsecu-  
 toribus. & L. iv. Ne conlationis translatio postu-  
 letur



letur. & apud Cassiodorum lib. VII. XLV. lib. IX. IV. Lib. XII. VIII. Editio Basilienfis hîc etiam mutila erat. Priori enim huius epistolæ membro alterum attexuit, quod epistolæ XIII. debebatur. Tres igitur epistolas sequentes ad Agnellum, Hormisdam, & Boërium, ex manuscriptis suppleuimus.

ARCHOTAMIAE ] Nobili viduæ Arclatensi, Ennodii consanguineæ. cuius pietatem tantam esse ostendit, vt filio Presbytero, qui religionis studio ad Lirinensem cremum se receperat, exemplo atque incitamento esse possit. Archotonia mendose scribitur apud Cassiodorum lib. IV. XII. Nam de eadem ibi sermo est, vt ostendemus ad epistolam XXXV. lib. VIII.

EPIST. XII.

SIMPLICIANO ] Is est de quo ad Faustum lib. VI. epist. XV. *Simplicianus presentium baiulus, adolescens nobilissimus, natalem scientiæ sedem Romam conatus expetere.* cui nunc felicia eloquentiæ primordia gratulatur. Fit eiusdem præterea mentio ep. XXIX. huius libri.

EPI. XXI.

CONST. CONCAVATIS ] Ita omnes libri antiqui. quid autem sibi velit, sequens aluci commemoratio declarat.

MAXIMO ] Viro spectabili. cuius Epithalamium scripsit Ennodius. atque his etiam epistolis ad eius nuptias alludens subinde iocatur. Postea Consul fuit ordinarius anno DXXIII. hoc est biennio post mortem Ennodij. Adeum enim Consulem scripta extat epistola Theoderici de ludorum pompa, quam daturus erat. lib. V. Variat. XLII.

EPIST. XI.

CVM DIACONO SANCTISS. ] Hormisda.

OPICIS NOLENS ] Veteres omnes obicis mendose. M. hi certa visa est castigatio, vt opici legamus, hoc est, vt mox declarat, rudis & indocti. quo sensu & opica translatio dicta Sidonio lib. VIII. ep. III. ab Opicorum gente deducta significatio, cuius sermo incultus & barbarus. ὁ πικρὸς φωνή, apud Suidam in voce γῶα.

EP. XXII.

INTER AVES BELLA COMMIS. ] Sidonius idem in Panegyrico Auiti.

*Quid volucrum studium, dat quas natura rapaces  
In vulgus prope cognatum? quis doctior isto  
Instituit varias per nubila iungere lites?  
Alite vincit aues, celerique per aethera plausus  
Hoc nulli melius pugnator militat unguis.*

Auium igitur venatio illis temporibus frequens, nec clericis ignota quibus eam tamen postea canones vetuerunt, ut in illa ipsa Liguria Synodus Ticinensis anno DCCCL. can. IV. *Ut Episcopus omnes affectiones, quæ in sancta conuersatione à sacerdotali abhorrent officio, penitus repudiet. Et non canibus, aut accipitribus, vel capis, quos vulgus Falcones vocat, per seipsum venationes exerceat.*

EP. XXIII.

PRODVCT MAGNIT.] Septem quæ sequuntur epistolæ desiderantur in exemplaribus, quibus vti sumus.

EP. XXV.

SYMMACHO] Non Papæ, sed Patricio, Socero Boëtii. qui illum hoc ornat elogio lib. II. de Consolatione. *Atqui viget incolumis illud pretiosissimum generis humani decus, Symmachus socer, & quod vita pretio non segnis emeret, vir totus ex sapientia, virtutibusque factus, suorum securus tuis ingemiscit iniurijs.* item lib. I. *Symmachus sanctus, & æque ac tu ipsa reuerendus.* Ennodius originariam Symmachorum familiæ eloquentiam, nobilitatemque esse ait. nec frustra. quia docti fere omnes fuerunt, & summis dignitatibus illustres. Quo loco non abs re facturus videor, si quoniam Symmachos, qui Ennodij ætate, & superiore sæculo floruerunt, plerique confundunt, suis singulos notis distinguam ducto à patre Symmachi oratoris exordio Is fuit

I. L. AVRELIVS AVIANIVS SYMMACHVS Præfectus vrbis anno cccclxv. Cuius meritorum series, auctoritatisque, prudentiæ, & eloquentiæ testimonium in statuæ inscriptione continetur, quam illi duplicem, Romæ scilicet ac Constantino-poli, Principes poni iusserunt. Virum doctum & modestum appellat Marcellinus Rerum gestarum lib. xxvii. Sed eius restat vnica epistola ad Symmachū filiū cū paucis epigramatis, quæ supersunt ex iis, quæ in octoginta illustres sui sæculi viros cōscripserat.

II. Q. AVRELIVS SYMMACHVS L. F. Orator, cuius Epistolarum libri ix. ac decimus relationum, quas in Praefectura Urbana scripsit, in quibus & famosa relatio de ara Victoriae legitur, cui S. Ambrosius & Prudentius responderunt. Proconsul enim Africae fuit anno cccxx. Praefectus urbi anno cccxxiv. Consul denique ordinarius cum Tatiano anno cccxci. vxor illi Rusticana Orfici filia, mater Acyndini Consulis, quem auunculum propterea vocat, germana. Is est, qui apud Macrobiū disputat in Saturnalibus; cui Grīphum mittit Ausonius. de quo loquitur Augustinus, cum à Symmacho P. V. Mediolanum ad rhetoricam professionem missum se scribit lib. v. Confess. c. xiii. De quo item Prosper lib. iii. de promiss. c. xxxviii. Sidonius epist. i. & alijs locis. Socrates lib. v. cap. xiv. Cassiodorus lib. xi. ii.

III. Q. FLAVIANVS MEMMIVS SYMMACHVS vnicus oratoris filius, à quo & patris Epistolae post eius mortem digestae & editae. Proconsul itidem Africae anno cdxv. Praefectus Urbi anno cdxv. Huius siquidem sunt Relationes, quae de Eulabij aduersus Bonifacium Papam contentione ad Honorium Aug. scriptae. Annalibus Ecclesiast. sunt insertae. Quaestor etiam candidatus, & Praetor in eunte aetate fuerat. Nam vtriusque filij, cui honoris crebra mentio in epistolis Symmachi. & sumptuum eius praeturae meminit Olympiodorus Thebæus apud Photium, Symmachos inter Romanae urbis ditissimos numerans.

IV. Q. AVRELIVS SYMMACHVS. Sic enim appellatur Nouella iv. Valentiniāni. Consul ordinarius cum Actio iiii Consule anno cdxlvi. auus, opinor, Gallae viduae in epistola Fulgentii, qua Gallam Symmachi Patricij filiam sic affatur, *Et licet auo, patre, socero, marito Consulibus pridem fueris inter saeculares illustris.*

V. Symmachus Patricius, cui hoc loco scribit Ennodius, cuius meminit lib. viii. ep. xviii hoc est, Q. AVRELIVS MEMMIVS SYMMACHVS



EXCONS. ORD. ET PATRICIVS. vt legere memini in antiquis exemplaribus Boëtij generi, qui aliquot ei opuscula sua inscribit, Consul fuit sine collega sub Odoacre. anno cdxv. à Theoderico rege Iudex in causa Basilij & Prætextasti, qui magicarum artium accusabantur, inter alios delectus. epistola xxii. lib. ii apud Cassiodorum. apud quem & aliæ sunt Theoderici eiusdem ad Symmachum epistolæ. De eodem Hormisdæ Pontifex epist. xlviii. & lvi. Cæterum ab eodem Theoderico impiis delatorum criminationibus incitato crudeliter vna cum Boëtio genero carus est vt narrat Procopius lib. i. de bello Gothico. Huius filiarum duarum memorantur, Rusticiana vxor Boëtij, & Galla, de qua præter Fulgentium Gregorius Magnus iv Dialog. xiii Filium nullum reliquit. Nam qui sequitur

VI. SYMMACHVS Collega Boëtij in Consulatu anni dxxii. non Symmachi Patricij filius, sed nepos fuit, ex filia Rusticiana & Boëtio prognatus, vt dicitur ad epist. i. lib. viii. Ex annis autem, quos in singulis descripsimus, facile erit de Principum rescriptis ad Symmachos, quæ in Codice viroque leguntur, ad quos referenda sint, iudicare.

EP. XXVII.

PROBO] Viro illustri. quem inter alios proceres urbis laudat in Parænesi. item lib. viii. ep. xxi. ad Beatum. *Tu feceras quod sapiens, qui soli domino Probo, artem tenenti inter doctos, versus meos relegeras.* Et poëtica igitur facultatis, & nobilitatis in hac epistola mentio facit, vt Probi huius epitaphium fuisse credam, quod inter Christiana monumenta editum est his verbis.

*Spes generis clari, magnorum gloria patrum,  
Solers ingenio, carmine doctiloquus.*

*Inlustre, sapiens, humilis, moderatus, honestus,  
Communis, gratus, plus bonitate pius.*

*Ante annos animumque gerens atatis austa,  
Clarius in patria nobilitate Probus.*

*Nil tibi mors nocuit, cum hic viuis laude perenni,  
Et Christi in regno dum sine fine manes.*

*Hæc tibi quæ cecini, non sunt præconia falsa,  
Pro meritis fama est testis ubique tua.*

A PROFECTIONE MEA ] Dum ab urbe rediret. Epitaphium Cynegiae aliud vidimus lib. v. epist. vii. Illud Euprepiae sororis rogatu scripsit: hoc à Cynegia ipsa nocturno viso admonitus composuit, & Romam misit, ut parietis ad tumulum infigatur.

PER SECUNDIA HOSCORVM ] Quia deserunt nos hîc codices, ut dixi, & coniectura utendum est, non aliena, opinor, fuerit emendatio, si

PER SANCTVM DIOSCORVM legamus. Dioscorus enim is est, ad quem & Hormisdas de hoc ipso negotio suo cum Papa tractando scripsit lib. vi. epist. xxxiii.

FIDELIEM ] Mediolanensem. Huic inter cæteros Senatores scribit Ioannes Papa, ut observatum est ad epist. xii. lib. i. Sed illo tempore Quæstor Athalarici iam fuerat. Postea vero Præfectura etiam Prætoriana functus est, ut testatur Procopius lib. i. belli Gothici. à quo præterea Mediolanensem patria Fidelem fuisse didicimus, legatumque à Romanis missum ut Belisarium in urbem euocaret. Verùm hæc omnia multo post Ennodium. nunc iuuenis erat. Procopij autem de illo verba hæc sunt. φίλιον τι πῦρ πάντες ἄνδρες ἐν μεδιολάνῳ ὀρμώμενοι, ἢ οἱ λιβέρις κῆρυ. ὅς δὴ ἀταλαίχῳ παρὶ δρῶν πρότερον, καί ποτε δὲ τῇ ἀρχῇ πάντῃ καλεῖται ῥωμαῖοι, βασιλεῖς ἢ ῥώμην ἔχοντες, ἀμαχητὶ τῇ πάλιν παραδόντι ὑποσχεμένοι.

PRIMORIBVS LIT. VENIAM.] Ad quas rescripsit Ennodius. epistola i. lib. vi.

EP. XXVIII.

EP. XXXI.

## AD LIB. VIII.

EPIST. I.

**B**OETIO. Consuli ordinatio eius anni, hoc est  
 DX. Hic nimirum ANICIUS MANLIUS SEVERI-  
 NUS BOETIVS, philosophus & orator. cuius laus præ-  
 conio non eget. quod si desideretur, nullū hac Enno-  
 dii epistola esse possit illustrius. Onufrius Panuinius  
 iterum Consulem cum Symmacho socero fuisse  
 censet anno DXXXI Sed ut omittā Boëtiū, si secūdum  
 Cōsul illo anno fuisset, collega Symmacho præpo-  
 ni debuisse, cum in Fastis, & antiquis omnibus lapi-  
 dib. postponatur: mihi certū est, Symmachum & Boë-  
 tiū Consules anni DXXXI. Boëtii ipsius filios fuisse. il-  
 los inquā, de quorū ipse copulato Consulatū lib. II. de  
 Consolatione scribit his verbis, *Cum duos pariter Cō-  
 sules liberos tuos domo prouehi sub frequentia patrū, sub  
 plebis alacritate vidisti. & Quid dicam liberos Consules,  
 quorum iam ut in id atatis pueris vel paterni, vel auiti  
 specimen elucet ingenij? Scio aliter visum auctori vitæ  
 Boëtij, qui filius eius Cōsules facit Patriciū & Hypa-  
 tiū, qui anno Christi D. Consulatū vnā gesserunt. Ve-  
 rum hæc profectō nimia est allucinatio. Præterquam  
 enim quòd meminisse oportebat Græcos & Orienta-  
 les illos Consules fuisse, & ad Boëtii familiam nihil  
 pertinere, reuincere poterant quæ modò citata sunt  
 verba Boëtii. ex quibus liquet hosce eius filios Cō-  
 sulares ætate adhuc pueros fuisse, cum exilij sui con-  
 solationem scriberet. quod sanè dici non poterat,  
 si ante xx. eoque plures annos Consules fuissent.  
 Boëtij ergo filij fuerunt Symmachus & Boëtius; quo-  
 rum vni nomen à socero, filij auo, alteri suum impo-  
 suit. Multa sunt horū Consulatu notata monumenta.  
 vnicū proferā, quod propter adscriptā exeuntis in-  
 dictionis notā memorabile videtur. Vidimus id Ro-  
 mæ in ædē suburbana S. Pancratij. Sic autē habet.*

HIC REQUIESCIT MAXIMVS PARVVLVS  
 QVI VIXIT ANNOS VI MENS VII DIES X.  
 DEPOSITVS EST SVB D. II. ID. AVGVSTAR.  
 SYMMACHO ET BOETIO V.C.C. CONS.  
 IN FINE IND. XV.



**QVI VTRVMQ. COMPLECTERIS]** Græcam simul Latinamque eruditionem. quod omnia eius opera testantur & epitaphium Ticini. *Mæonia & Latia lingua clarissimus, & qui Consul eram, hisperii missus in exilium.* Gerberius item nostras lib. II. Epigrammatum Pithæanorum.

*Tu pater & patria lumen, Seuerine Boëthi,  
Consulis officio rerum disponis habenas.  
Infundis lumen studijs, & cedere nescis  
Græcorum ingenijs.*

**DOMVM IN MEDIOLAN. CIV.]** De hac rursus epist. xxx. xxxviii. & xl. huius libri.

**MESSALA]** Adolescenti, Auieni fratri, Fau- Ep. III.  
sti filio. quod docet lib. ix. epist. xii. & xxvi. Is eloquentiæ operâ Romæ dabat. Ideo eius Dictiones laudat, vt hoc stimulo inciteretur. Aliæ præterea sunt ad eundem epistolæ hoc libro & sequenti. Rursum Messala hic videtur, de cuius Consulatu, qui incidit in annum dvi. epigrammate lusi Ennodius. Ita pueros Consules creare mos fuit hoc æuo non infrequens.

**PHILOSOPHIAM NIL DICENDI]** Pythagoricam *ἡμετέριαν*.

**DISCIPLINAS ATTICAS]** Sacrorum Eleusiniorum, quæ in Attica religiosissimo silentio colebantur. Vnde taciti Cereris mystæ Papinio; & prouerbum *ἀτικοὶ ἐλευσίνα*, de ijs qui arcana sua silentio tegunt. quia Cereris mysteria non initiatis euulgare nefas erat.

**ARATORI]** Lib. ix. epist. i. Epist. IV.

**ANAGNOSTICI]** Dictum lib. i. epist. iv. Epist. V.

**HELPIDIO DIACONO]** Medicum fuisse extrema epistola significat. Itaque dubium non est, quin hic sit Elpidius medicus Theoderici regis. cuius ad ipsum extat epistola, quæ Helpidio item diacono inscribitur, lib. iv. Variarum: in quâ cum impensi ab eo seruitij sedulitatem commendat, hoc ipsum medicinæ obsequium intelligit. Procopius lib. i. belli Gothici. *μετὰ δὲ, ἀποπτα*

*ὡς ἑλπίδιος πρὸς ἱατροὺς καὶ ξυμπόσιον ἐξῆρχαν,*

ἡ δὲ οὐδὲν ἔτι καὶ ἑὸν ἀμαρτάν ἐκείνην. Πο-  
stea verò, inquit, Elpidio medico cuncta qua acciderant  
commemorant, admissum in Symmachum ac Boëtium  
facinus deslere cæpit. Mediolanensem fuisse indicat  
epist. **xxi.** lib. **ix.** Sunt qui putent eundem esse cum  
Rustico Helpidio V. C. & INL. ex Quæstore, cu-  
ius Carmina leguntur in Collectione sacrorum  
Poëtarum. Cæterum vel hoc exemplo patet clericos  
à medicinæ usu primis illis sæculis non abstinuisse.  
Quod ipsum etiam testatur Dionysij alterius Dia-  
coni & medici, qui Romæ Vibe à Gothis capta  
floruit, Epitaphium inter Christiana monumenta,  
cuius hoc est initium.

*Hic Leuita iacet Dyonisius, artis honesta*

*Functus & officio, quod medicina dedit.*

**EPIST. x.** **QVÆ AME DIRECTA SVNT**] Epithala-  
mium, opinor, quod Maximo scriptum in antiquis  
exemplaribus proximæ ad Aratorem epistolæ, qua  
illum ad idem argumentum hortatur, subiici solet:  
nos inter cætera Ennodii Poëmata reiecimur.

**EP. xii.** **INSISTE DOMNO**] Fausto Præfecto præto-  
rio, ad quem epist. **xi.** ita scribit. *Spero, ut petitionem  
meam, quam per consamulum meum fratrem Florum  
destinaui, solita benignitate dignemini. Nec spes fefel-  
lit: nam obtinuit, ut ostendent epistolæ **xxi.** & **xxii.**  
lib. **ix.***

**EP. xiii.** **VOBISCVMDIGREDIENS REMANSI**] Ru-  
ricius lib. **ii.** epist. **i.** ac **ix.** Nam postquam à vestra  
germanitate discessi, diuisum esse me sentio, partemque  
mei vobiscum resedisse cognosco. Nec absentibus vobis inte-  
ger esse mihi videor. & cum me in me non inueniam  
apud vos me, ad vos reuersus inquiror. atque ibi-  
dem quantum mei vobis reliquisse, tantum vestri me-  
cum abstulisse, conspicio.

**EPIST. xv.** **POTITIAE**] Fabri liber potentia, Basilienfis  
editio pueritia.

**EP. xvi.** **B RBARAE**] Cuius cum laude mentio epist.  
**xxix.** lib. **vii.** ad quam iterum scribet epist. **xvii.**

**EPIST. xx v** **STEPHANIAE**] Supra lib. **vii.** epist. **xxix** so-  
ror erat Fausti Præfecti, lib. **ix.** epist. **xviii.** Aste-

rii vxor, vt ad calcem epistolæ innuere videtur: ac  
proinde Marciani mater; quia Alterij filius Mar-  
cianus, lib. v. epist. ii.

SI POSSEM DELERE] In Cynegiae epitaphio,  
quod superiore libro epist. xxix. vidimus, primam in  
MATRONA syllabam extremo versu corripuerat En-  
nodius hac de re admonitus à Probo Beatus, cū aliis  
indicaſſet, ad aures peruenit Ennodii. qui Terētiani,  
vt sibi videbatur, auctoritate nixus, cū nullā in eo  
versu culpam putaret, obiurgatorias ad Beatum litte-  
ras dedit. Nunc agnito errore Beatum excusar, prio-  
resque illas litteras deletas cupit. Ea est epistola  
xxix. huius libri. Quare & hīc praeſpoſterus est or-  
do, vt de alijs antè monuimus.

DOMNI VICTORIS] Martyris Mediolanen-  
sis. De hac mirabili curatione copioſius ager in  
Eucharistico vitæ suæ.

EPISTOLAM AD VOS ADMONIT.] Pa-  
ræneſim didaſcalicam Beato & Ambrosio ſcrip-  
tam, cui locum dedimus inter opuscula miscella.

DE TERTIO PHALEVCI] Id est *Exoptet si-  
milem matrona ſortem.* quo versu clauſerat epita-  
phium Cynegiae lib. vii. ep. xxix. Hæc igitur est  
epistola, quam paulo, antè retractauit. epist. xxi.

SANCTO PRESBYTERO] Adeodato, ep. seq.

HORMISDAE DIAC.] Eius nomen inter Ec-  
clesiæ Romanæ diaconos in Synodo Symmachi,  
quæ Auieni iunioris Consulatu coacta est. Iamque  
apud Ennodium sæpius occurrit. nunc illi Pontifica-  
tum non obscure præſagit iterumque epistola xxx  
ix. *Esto, inquit, ſpecialis tutor; omnium mox futurus.*  
Nec vanum fuit augurium, quia Symmacho Papæ  
ſucceſſit.

PORTIANO ABBATI] Eſſi tempora non di-  
ſcrepant, affirmare tamen non auſim, hunc noſtrum  
eſſe S. Portianum, qui Candidobrenſis apud Aruer-  
nos Monasterii Abbas fuit, eique & oppido non  
ignobili nomen reliquit. SANPORTIANVM enim  
appellamus. Fuit & Porcianus Episcopus in Prouin-  
cia, qui Synodis Carpentoratenſi & Vaſenſi inter-  
fuit paucis annis poſt Ennodium.

Ep. XXI.

Ep. XXIV.

re

Ep. XXVIII.

Ep. XXIX.

Ep. XXXII.

Ep. XXXIV.



Ep. XXIV. AVRELIANO PRESB. ] Arciatensi. quod sequentia declarant.

ILLAM ÆTHERIAM ] Nurum Archotamiz, de qua lib. VII. ep. XIV. Sed tota huius epistola interpretatio ex Cassiodoro petenda est, apud quem Theodericus de hac Ætheria Merabauda Comiti sic scribit lib. IV. epist. XII. Archotamia itaque illustris famina flebiliter ingemiscens nepotis sui calamitatem tali conqueſtione deploravit, dum ſemper auia cura tenacior eſt ſuorum. offerens Ætheriam nurum ſuam, mariti poſtpoſita dilectione, cuidam ſe Liberio iugali ſœdere ſociariſſe: & cùm ornatioꝝ cupit nouis thalamis apparere, ſtuduert prioris viꝝ facultates euertere: allegans ditatam filioꝝ ſpoliis, quibus magis de cuit congregari.

DOMNO PRÆFECTO ] Fauſto.

PRÆCEPTA REGIA ] Illa nimirum, quæ proxima quam laudauimus Caſſiodori epistoꝝa continentur, vbi Archotamiz aduerſus Ætheriam nurum cauſam Theodericus Merabauda committit. Sublimitatis veſtra iudicio hanc cauſam legibus committimus audiendam. vt omni inciuilitate ſun mota, medijs ſacroſanctis Euangelijs, cùm tribus honoratis, quos partium conſenſus elegerit, qui legum poſſint habere notitiam, quidquid priſci iuris forma conſtituit, inter eos conſiderata diſciplina noſtri temporis proferatis. Prolata ſententia, cùm prægrauatam coniugem ſuam queſtus eſſet Liberius, Theodericus epist. XLVI. iterum reſcripſit, vt cauſa per arbitros retractaretur.

Ep. XXXVI. DOMINE VT SVPRÀ ] Sic lib. I. epistoꝝa XII. Lib. II. epistoꝝa IX. & alijs locis. In conſcribendis enim epistoꝝis quibus honorum titulis initio epistoꝝæ ſingulos appellarant, eodem ſub finem iterare mos erat. Verbi gratia, Voluſiani ad S. Auguſtinum epistoꝝa ſic incipit, Domino verè ſancto ac meritò venerabili patri Auguſtino Voluſianus. eadem ſic clauditur. Incolumem venerationem tuam diuinitas ſumma tueatur, Domine verè ſancte, ac meritò venerabilis pater. Rurſum Auguſtini epistoꝝa, qua Voluſiano reſ-

pondet, hoc habet initium. *Domino illustri & merito insigni & praestantissimo filio Volusiano Augustinus.* Sub finem verò; *Incolumem feliciorēque temerericordissima Dei omnipotentia tueatur, Domine illustris & merito insignis & praestantissime fili.* Eademque in plerisque Augustini & aliorum epistolis cernitur repetitio. Quam ut vitarent librarij, compendio utebantur, praefixis verbis, *UT SUPRA*, hoc est, ut initio epistolae scriptum fuit. Quanquam apud Ennodium tituli omnes Epistolarum, nudis tantum nominibus relictis, omis- si sunt. Quod item accidit rescriptis Principum in Codice ac Nouellis. eoque factum, ut illa, *Haec Tatiane carissime nobis, & Albine Parens Karissime Augustorum*, ac similia, quae bis, ex more quem dixi, repeti solebant, semel tantum, quia integra rescripta non sunt, nunc in fronte, nunc ad cal- cem adscripta videamus.

EP. XXXVII.

CONSULAREM SPORTULAM] Quia Consul erat Boëtius, epist. I. huius libri. Sportulae autem amicis noui honoris causa debeban- tur. Symmachus epist. vltima lib. IX. *Sportulam Consulatui mei & amicitia nostra & honori tuo debeo.*

EP. XLII.

VICE REMEDII OBITU] Qui diuturno morbo languet, mortem optat, ut re- medium. Vetus Epitaphium,

ἄλθες ἐμῆς ζωῆς γλυκερώτερε, ἧς μὲν ἀπέλυσας  
γούσῳ, καὶ χαμάτων, καὶ μοιρεῖς ποδάγρας

ΑΤΡ. ΑΜΦΙΚΤΤΩΝ

ἄγων ἔπος Ο.

*Venisti tandem vita mihi dulcior, & me  
Soluisti morbis tristibus, & podagra.*

ΑΥΡ. ΑΜΡΗΙΣΤΥΟ

Annus agens LXX.

## AD LIB. IX.

**A**RATORI] Libens accedo ad coniecturam doctissimi Cardinalis, Aratorem hunc esse, qui Apostolorum actus versibus exposuit. Verum is hoc tempore adolescens adhuc erat, & Musarum tamen in castris miles non ignotus, ut præter hanc binæ superioris libri epistolæ ostendunt. Ligurem patria fuisse, facundo patre natum, atque in Liguria ipsa eruditum, & causidici officio functum, legationem etiam pro Dalmatis ad Theodericum regem cum laude obiisse testatur Athalaricus, lib. VIII. Variar. epist. XII. qua Comitum Domestlicorum Aratori decernit. Postquam Comitum etiam rerum priuatarum, priusquam aula relicta Ecclesiæ manciparetur, ornatum fuisse, docet nos vetus adnotatio, quæ in plerisque exemplaribus Aratoris libris præfixa est, *Qua ratione Vigilio oblatus & suscepti ab eo fuerint. Eius enim in codice Remensi Monachorum S. Remigij hoc est exordium. Beato domino Petro adiuuante, oblatus hic codex ab Aratore illustri, ex Comite Domestlicorum, ex Comite priuatarum, viro religioso, Subdiacono S. E. R. sedis Apostolica, sancto atque Apostolico viro Papa Vigilio, susceptus ab eo die VIII. Id. Aprilium. & quæ sequuntur. Pangendi sacri Carminis, hoc est Musæ ad diuina conuertendæ auctor Aratori olim fuerat Parthenius Ennodianus. Idcirco cum Apostolorum actus cecinisset, opusque suum Vigilio ut dictum est obrulisset, id ipsum in Galliam misit ad Parthenium, ut ibi eius opera ederetur. Qua de re præclara in eodem Codice Remensi extat Aratoris ad Parthenium ipsum elegis versibus Epistola. quam quia nondum vulgata est, si velut peregrinum emblemata his Notis inseram, neque ingratum, neque inutile præcipue fore confido.*

*Aratoris Carmen post Notas reperiēs.*

**P**ROBINO] Viro illustri, Patricio ut patet ex Theoderici ad illum epistola II. Variar. XI. & Paterni auctoris ad Beatū & Ambrosiū hūc ipsum Faustini filium, quem Probino commendat.



DOMNO LIBERIO] Patricio item. de quo lib. v. ep. EP. VII.  
 1. Aliud hoc suburbanum ab eo, quod à Fau-  
 sto superius per Florum postulabat ep. XII. lib. VIII.

CAMILLE] Viduæ consanguineæ in EPIST. IX.  
 Gallia, id est Arelate Infra epist. XXIX. *Camilla pæ-*  
*rens mea intra Gallias & viduitatis miseria, & gemina*  
*etiam captivitatatis succubuisse fertur incommodis.* Paren-  
 tem dicit, non matrem, sed sanguine coniunctam,  
 militari olim & barbara, sed Ennodij ætate rece-  
 pta, significatione vocabuli. Ideo Patricium Dia-  
 conum Camillæ filium, non fratrem sed. sanguinis  
 sui vernulam vocat.

VERNULAM] Nic Fabri liber, *vernulam.* quod  
 probari posset. quia venam sanguinis rectè diceret,  
 ut venam familiæ Symmachus lib. IX. epist. LXV.  
 nisi *vernulam* præferrent ali codices. quod rectius  
 est; confirmaturque glossemate Basilienfis editio-  
 nis, quod expunximus, in quo vernula exponitur  
 servitialis, hoc est seruo editus. vernulæ enim pri-  
 mum dicti, qui ex ancillis domi nati essent.

CELSO] Mediolanensi.

IN ALT. SERVI TVI COPULA] Nu- EPIST. X.  
 ptijs Auieni, de quibus epistola sequenti ad Messa- EPIST. XI.  
 lam, & supra epist. VII. itemq. ad ipsum Auienum.  
 Ergo puella, cuius obitus hîc describitur, Auieni so-  
 ror, filia Fausti.

LEGATI PROVINCIALIS] Provinciæ Ligu-  
 riæ. ut *Legatio Proconsularis Provincia. L. cxxcvi.* Cod.  
 Theod. de Decurionibus. Nam alij erant legati ci-  
 vitatum, qui non à tota Prouincia, sed à Ciuitate  
 tantum aliqua mittebantur, ut *Hierapolitana ciuita-*  
*tis*, Cod. eod. L. VIII. de censit. & c. & *Legatio Ale-*  
*xandrina. L. XLII.* De Episcopis & c. Oblatam sibi ad  
 Theodericum legationem subire propterea cuncta-  
 tur Ennodius, ne ob summam cum Fausto necessitu-  
 dinem, suspicionem Regi moueat, quæ Ligurum  
 nomine postulanda erant, ea Fausti suggestione  
 postulari.

LÆNAMETRACANAS] Ita distinctè Vatic. E P. XV.  
 nus. reliqui, *Lana metra canas.* quod eodem recidit.  
 Racanæ autem quod genus vestimen-<sup>ti</sup> fuerit, non

liquet. ad calceamenta referendæ videntur, vt & ragæ, & tzangæ L. III. Cod. Theod. De habitu quo vbi oporteat intra urbem. *Intra urbem Romam nemo vel ragis, vel tzancis utatur.*

P. XX.

PRO ASCINIS ] Qui laribus & lecto carent. Ασκινος enim asceni dicti, qui sine tabernaculis sub dio viuunt. Hos ergo clientes domo sua vi forsan eiectos Mascatori commendat, vt eius ope postliminio restituantur.

P. XXII.

EXHIB. DOCUMENTA ] De suburbano Mediolanensi, quod Faustus Ennodio concesserat. Epistola præced.

P. XXIII.

LIBERIO ] Certat hæc epistola Liberij laudibus cū eius epitaphio, quod patri olim à filiis Arimini positum est his verbis.

*Humano generi legem natura creatrix*

*Hanc dedit, vt tumuli membra sepulta tegant.*

*Liberij soboles matrique, patrique superstes*

*Triste ministerium mente dedere pia.*

*Hic sunt membra quidem, sed famam non tenet urna.*

*Nam durat titulis nescia fama mori.*

*Rexit Romuleos fasces currentibus annis,*

*Successu parili Gallica iura tenens.*

*Hos non imbelli pretio mercatus honores,*

*Sed pretio maius detulit alma fides.*

*Ausoniis populis gentiles rite cohortes*

*Disposuit, sanxit fœdera, iura dedit.*

*Cunctis mente pater, toto venerabilis auro.*

*Ter denis lustris proximus occubuit.*

*O quantum benè gesta valent! cū membra recedunt,*

*Nescit fama mori, lucida vita manet.*

Hoc Epitaphium primus in lucem edidit Pithæus, post illum Baronius, exemplar nostrum secutus, in quo *superstes* versu tertio legitur. quod rectius videtur, quā *sepulcrum*, quod erat in Pithæano: cū vnus tantum Liberij sit epitaphium.

VIX PASCEBATVR ITALIA ] Pertinent hæc omnia ad Romuleos fasces epitaphij, hoc est ad Præfecturam prætorij Italiae, qua functus est Liberius primis annis Theoderici, quem de ea sic loque-

tem facit Cassiodorus lib. II. epist. XVI. *Sensimus  
auidas illationes, vos ad dita tributa nescitis. Ita utrum-  
que sub admiratione perfectum est, ut & fiscus cresceret,  
& priuata utilitas damna non sentiret.*

GOTHORVM CATERV s] Epitaphium, Au-  
sonys populus gentiles rite cohortes *Disposuit.* Cassiodo-  
rus ibidem. *lauat referre, quemadmodum in certia-  
rum deputatione Gothorum Romanorumque possessiones  
iunxerit & animos. Nam cum se homines soleant de vi-  
cinitate collidere, istis pradiorum communio cau-  
sam nescitur praestitisse concordia.* Tertiam agro-  
rum partem Gothis assignari iussit Theoderi-  
cus. hoc est *remaneat*, quod suis antea largitus  
fuerat Odoacer, ut auctor est Procopius initio belli  
Gothici.

GALLIÆ] Praefecturam etiam praetorij Gallia-  
rum gessit sub finem regni Theoderici, & sub eius  
successore Athalarico, cuius extat apud Cassiodorū  
epistola ad Liberium P. P. Galliarum lib. VIII. Var.  
VI. Verū hanc Ennodius non vidit. Quare quae  
hoc loco commemorat ad superiora tempora per-  
tinent, cum primū in Galliam missus est: in qua per  
du, nec vna tantū in administratione versatus est.  
Nam militares etiam copias duxit, ut auctor est Ior-  
nandes in rebus Geticis.

AVRELIANO EPISCOPO] Cuius cathedra, libri non indicant. Caue putes Arelatensem.  
Nam qui hoc nomine Episcopus fuit Arelati, xxx.  
ut minus annis post Ennodij obitum eam sedem  
sortitus est. Hoc verò tempore Arelatensis An-  
tistes erat Caesarius. Non abnucriam tamen,  
nouum hunc cuiuscumque ciuitatis Episcopum  
Aurelianum illum videri Presbyterum Arela-  
tensem, ad quem rescripsit epist. xxxv. lib.  
VIII.

E P. XXVII.

DE CASELLVLIS) Cassiodorus  
lib. VII. XLV. *Formula qua census releue-  
tur ei qui unam casam possidet pragrauatam.*  
Cui enim grauior æquo canon impositus erat,

E P. XXIX.



EPIST. XXX.

à persequatore minuebatur. Id releuationis seu persequationis beneficiū dicebatur. Glossæ nostræ, Releuatus ager, ἀνακαταρτισμένος, ἐλαφρευθεὶς τῷ θνητῷ σώματι.

**SYMMACHO PAPAE** Titulum adiecimus, cuius vice in antiquis exemplaribus scriptum erat *In Christi signo*. Sed perspicuum est epistolam esse ad Symmachum Papam, & quidem scriptam post extinctas schismatis reliquias, membris omnibus, ut Ennodius ipse loquitur, in capitis sui societatem Theoderici regis, quem propterea laudat, opera reuocatis.

EP. XXXIII.

**CAESARIO EPISCOPO** Arelatensi. Episcoporum sui sæculi, ut iure vocat Ennodius, nobilissimo, doctrina, eloquentia, vitæ sanctitate clarissimo. Is ergo conficta criminatione ad Theodericum delatus, Rauennamque sub custodia pertractus, Angelici vultus adspectu, & innocentiae securitate Regem ita permouit, ut non solum pacare, humaniterque illum exceperit, sed oblati etiam muneribus honoraret. Nec dispari ante aliquot annos euentu, cum Visigothis adhuc pareret Arelate, falsæque proditionis accusatus apud Alaricum fuisset, cum honore postea dimissus est. Vtramque historiam (de priore hic sermo est Ennodio) libro. I. Vitæ Cæsarij complexus est Cyprianus. Cuius etiam librum II. qui in Suri editione desideratur, in S. Martini Canobio Parisiensi vidimus, de miraculis S. Cæsarij eiusque obitu compositum: in quo præter alia Liberium patricium narrat, letali lanceæ vulnere confossum, ac pene exanimem, admota Cæsarij veste curatum fuisse. Variæ præterea extant Pontificum Romanorum Epistolæ ad Cæsarium. In quibus & illa Felicis, quæ viros doctos frustra exercuit ob depravatæ subscriptionis suspicionem, quasi P. C. Boëtij scripta dicatur: cum Arelatensis codex, ex quo depræpta est, disertè habeat. P. C. M<sup>a</sup> BORTI, seu Mauortii, qui annus erat Christi DXXV<sup>II</sup>. Felicis IV. Papæ secundus.

# NOTÆ AD OPVSCV- LA ENNODII.

## AD PANEGYRICVM.

**P**ANEGYRICVS vbi aut quando dictus sit ab Ennodio, æquè incertum est. Hoc constat, Romæ dictum non fuisse, cùm Romam vt absentem alloquatur. Mediolani crediderim, aut Rauennæ. Si ergo Mediolani dictum placet, exceptum hac laudatione aduentantem Theodericum dicendum est, quo more Lugduni à Sidonio exceptus est poëtico Panegyrico Maiorianus. Sin Rauennæ, in legatione aliqua pronuntiatum, qualem his fortasse verbis indicat Ennodius, *Nunc Ecclesia dirigit laudatorem.* De tempore, hoc modò affirmare licet, ante Cethegum Consulem, hoc est annum Christi **D I V.** dici non potuisse, cùm de recepto Sirmio disserat, quòd Cethegi receptum est Consularu. Sed & alia sunt, quæ posteriorem ostendant. Quòd si quis ordo est in serie operum Ennodii, quæ in antiquis exemplaribus digesta sunt, facilis est coniectura Panegyricum hunc in annum **D VII.** vel **D VIII.** conici oportere.

**T H E O D E R I C O ]** Regi Italiæ. Ostrogothorum, dum adhuc in Pannoniis versarentur, reges ex Amala stirpe germani tres fuerunt, Valamer, Theodemer, & Vvidemer. Theodemeris ex concubina filius fuit hic Theodericus, Consul ordinarius, & Magister militum in Thracia sub Zenone, ac tandem rex Italiæ. cui Valameris cognomentum tribuit Marcellinus Comes in Chronico. Malchus verò Sophista Philadelphiensis in Historia Byzantina, Valameris filium, sed perperam, nominat, cùm Theodemerem illi patrem multis locis asserat Iornandes in rebus Geticis, Valameremque illius patrum vocet.

**E D V C A V I T T E G R A E C I A ]** Constantinopolis. Obses enim à patre Leoni Augusto datus, cùm

annum ætatis septimum vix excederet, in eius aula educatus est, Principisque, ut Iornandes eodem libro scribit, gratiam meruit. à quo post decem tandem annos ad patrem remissus est.

PVLSA EST PRINCIP. VRBE] Zeno Augustus Verinæ socrus fraude circumuentus, Constantino-poli relicta in Isauriam profugit. Vacua aula biennij ferme spatio potitus est Basiliscus, Zenone ipso II. Consule, anno Christi cdlxxv. Hic igitur est, quem Tyrannum vocat. Posthæc Zeno collecto exercitu, cedente Basilisco, imperium recepit. In eaque expeditione Zenoni auxiliatum oportet Theodericum, quando integram ei laudem restituti Zenonis tribuit Ennodius: etsi nulla eius hac in parte mentio, neque in excerptis Candidi apud Photium, neque apud alios, qui de Zenonis rebus scripserunt.

FASCES ACCEPISTI) Consul à Zenone designatus in annum cdxxciv. Marcellinus Comes. *Theodericus Rex Gothorum Zenonis Aug. munificentius pane pacatus, Magisterque præsentis militia factus, Consul quoque designatus, creditam sibi ripensis Dacia partem, Mæsiaque inferioris cum suis satellitibus pro tempore tenuit.* Consul fuit Orientalis, collega Romæ Venantio. Cassiodori Fasti eo anno, *D. N. Theoderitus & Venantius.*

QVO IN SEGMENTIS POSITO) *Quandiu Consul fuit, in toga picta seu palmata veste Consulari, quæ segmentis aureis ornari solebat.* Sidonius de Asterij Consularu lib. viii. ep. vi. *Et illam Sarranis ebriam succis inter crepitantia segmenta palmatam plus picta plus aurea oratione conuenustauit.* Hæc igitur certa videtur emendatio, pro *figmentis*, quod in omnibus libris legebatur.

BVLGARVM DVCTOR LIBERTEM) De hoc bello, ni fallor Athalaricus lib. viii. Variarum xxi. ad Cyprianum Patricium, qui in ea expeditione sub Theoderico meruerat. *Habuiſti sub diua memoria domno auo nostro in vtraque parte laudatus semper excubias. Vidit te adhuc gentilis Danubius bellatorum. non te terruit Bulgarũ globus, qui etiam nostris erat*



*prasūptione certaminis obstaturus. Peculiare tibi fuit & renitentes Barbaros aggredi, & conuersos terrore sectari. Sic victoriam Gothorū non tā numero, quā labore inuisti. Idē ep. x. Bulgares toto orbe terribiles fuisse dicit.*

INTESTINVS POPVLATOR) Odoacer, qui mox Tyrannus. Is Momyllo Augusto vltimo Romanorum Imperatori in exilium pulso regnum eripuit anno cdlxxvi. iamq. annos pene xiv. regnarat, cum Italiam sibi à Zenone Aug. concessam, vt Odoacrum debellarer, ingressus est Theodericus. Hinc omnia in Ennodij verbis perspicua. Potens enim terra, gubernantium, hoc est postremorum Principum vilitate attrita, est Italia. cuius affectum, desideriumque apud Zenonem professus est Theodericus. Quod præter cæteros copiosè describit Iornandes in Geticis.

NATA EST CAUSA DISCORDIAE) Ne iniuria bello appetitus videatur Odoacer, lacescitum ab eo dicit Theodericum, stimulatūq. eadē propinquorū: hoc est, vt coniicio Rugorum, quos bello cæsos affixerat Odoacer, Phæba rege capto, Friderico eius filio, cui apertè fauebat Theodericus, semel atque iterum acie fugato, vt in S. Seuerini vita narrat Eugippius.

VLCA FLVVIVS EST GEPIDARVM) Theoderici regia hoc tempore, vt Eugippius idem & Marcellinus in Chronico docent, Nouensis erat ciuitas in Mœsia inferiore. *vêas*, Nouas appellat Ptolemæus. Inde orsus Italicam expeditionem, Sirmiū rectā contendit. Eo in tractu, qui interiectus est, in Dacia Gepidæ Gundaritho rege habitabant. quos iter impedire ausos Theodericus ad Vlcami fluium profligauit.

TIBI ODOVACAR OCCVRRŌ) Prima Theoderici cum Odoacre congressio ad Sontium Venetæ provincie fluiū facta, Probinō & Eusebio Coss. anno Christi cdxxcix. in qua Odoacer, vt Cassiodorus in Chronico notat, cum suis omnib. fugatus est. Flumen ergo, cuius meminit Ennodius, est Sontius, siue vt in Cassiodori Chronico scriptum est, Isontius. Sed Sontius item est Iornandi, & Cassiodoro ipsi lib. i. variat. xvi. verbis Theoderici, *Ex quo, ait, Deo propitio Sontij fluenta transmissimus,*

*ubi primum Italia nos suscepit imperium.*

[DVM APVD VERONAM] Eodem anno, inquit Cassiodorus, *repetito conflictu vincitur Odoacer. Iordanes. Quemille, Odoacrem Theodericus, ad campos Veronenses occurrens magna strage deleuit.*

[ODOVACRI REGNA POLLICERI] Tusa duce atque auctore : qui cum dedititio exercitu ad Odoacris partes iterum defecit. vnde secuta est obsidio Ticinensis, quò se Theodericus receperat. vt est in vita Epiphani].

[TIBI PAX D. BVRGVNDIO] Pacem intelligit cum Burgundionum rege Gundobado ictam, atque Ostrogothæ Theoderici filix cum Sigismundo Gundobadi filio nuptiis copulatam, de qua rex ipse Burgundio ad Epiphanium Episcopum Theoderici legatum : *Concedat tamen diuinitatis assensus, vt solidatum inter nos fœdus longa atate seruetur.*

[DICAT FRIDERICVS] Fæbani Rugorum regis filius. Is pro Theoderico primum hoc bello militarat : postea fidem fregit, & hostibus sociatus est. Tum orta inter hostes ipsos discordia, collatis signis, Fridericus victus est. Ita qui Theoderico triumphum de aduersariis suis antè pepererat, de se ipso iisdem præbuit, quando ab eis prostratus est.

[PALATINA VBIQ. TECTA] Cassiodorus Patricio & Hypatio Cass. de Theoderico. *Sub cuius felici imperio plurima renouantur vrbes, munitissima castella conduntur, consurgunt admiranda palatia, magnisque eius operibus antiqua miracula superantur.* Idem inter cæteras eius fabricas formam laudat Rauenatensem instauratam.

[SIRMIENSIVM CIVITAS] Sirmium caput Pannoniæ inferioris, quæ proinde Sirmienfis Pannonia dicitur lib. iii. variar. xxiii. In ea regnabat hoc tempore Trasaricus rex Gepidarum. Quem Theodericus propter occultam, vt Ennodio placet, cum aliis Gepidis, quibus Gundarithus præerat, conspirationem, per Pitziam Comitem deuicit, & Sirmium Italiæ regno restituit, Cethego Consule, vt Cassiodori notat Chronicum, anno Christi d i v.

Iornandes de rebus Geticis. *Suum Comitem inter primos electum ad obtinendam Sirmiensem direxit ciuitatem. Quam ille expulso rege eius Trasarico filio Trasila, retenta eius matre obtinuit.* De hac ipsa expeditione, & sequenti Athalaricus lib. viii. variat. x. Pitzia vero Comitibus celebratae opinionis viri meminit Theodericus lib. v. ep. xxix.

PER FOED. MVNDONIS ATTRECT.] Hoc est, Mundonē aggressa, qui foedere iunctus erat Theoderico. Mūdoni igitur, qui collecta latronum & abactorum manu, Hertaque munitione ad Danubium occupata, illinc agresti ritu circumquaque praedas agens imperitabat, cum illum oppugnare adiunctis sibi Bulgaribus aggressus esset Sabinianus, militum per Illyricum Magister Anastasii Aug. iam pene desperato, ac deditionem meditante opem tulit Pitzia, Sabinianique copiis ingenti strage ad Margum delictis, Mundonem eripuit, ac Theoderico regi volentem subiecit, Sabiniano ipso ac Theodoro Coss. anno dv. vt fusiùs narrant Marcellinus Comes, & Iornandes in rebus Geticis.

CAST. VANDALORVM DE PRAED.] Cassiodorus Olybrio Iun. Cos. *Tum etiam Vandali, pace suppliciter postulata, à Sicilia depredatione cessarunt.* Antea enim per Siciliam, & Italiae omnes oras, quò ventus impulerat, continuò praedabantur.

AFFINES ESSE MERVERVNT.] Per Amalafredam Theoderici sororem, quæ Thrasamundo regi nupsit. Iornandes. *Et vt ad plenum progeniem suam dilataret, Amalafredam germanam suam, matrem Theodahati, qui postea rex fuit, in Africam regi Vandalarum coniugem dirigit Trasemundo.*

ALAMANNIAE GENER. INT. ITALIAE T.] Alamanni Suevis in Germania finitimi, cum à Clodouæo rege nostro subacti fuissent, rege amisso, ad Theodericum confugerunt. Sic enim apud Cassiodorum scribit Theodericus ipse Clodouæo lib. iii. epist. xli. *Alamannicos populos, causis fortioribus inclinator, victrici dextra subdidisti. Sed motus vestros infestas reliquias temperate: quia iure gratia merentur eius.*



*dere, quos ad parentum vestrorum defensionem respicite confugisse. Estote illis remissi, qui nostris finibus celantur exterriti. His ergo profligati Alemannorum exercitus reliquiis sedes in Italia datas à Theoderico, docet Ennodius.*

CHŒNICEM) Vnus *Scheniem*. ex aliorum vestigiis chœnicem collegimus.

NON PER EXOTICOS) Libri omnes, *non te rexoticus*. ex quo germanam, vt reor, lectionem erui-  
mus.

### AD LIBELLVM PRO SYNODO.

SYNODVS, quam hoc libello defendit Ennodius, sea est quæ inter Romanas Symmachi Papæ quarta numerari debet, x. Kal. Nouembris Rufio Magno Fausto Auieno v. c. Consule peracta, quæ & palmaris cognominata est. In qua cùm absolutus fuisset Symmachus à criminibus, quibus impetebatur ab aduersariis, reperti sunt inter schismaticos, qui contra illam scribere auderent, titulumque operi suo indere, ADVERSVS SYNODVM ABSOLUTIONIS INCONGRVÆ. Quibus Ennodius, ex Synodi mandato atque auctoritate, hoc Apologetico respondit, & singula eorum argumenta refellens, vniuersam Symmachi, Synodique causam diligenter, accuratèque tutatus est. Quo nomine adeo Episcopis omnibus probatus est Liber, vt eum Synodus altera, quæ post Consulatum Auieni habita est, suffragio suo confirmarit, atque inter quartam, & quintam Synodos Symmachianas collocari, decretique vim obtinere iusserit. Hodie tamen perperam post Synodum Auieno Iuniore coactam ponitur Libellus Ennodij, cùm alteri, quæ Fausto Auieno, vt dixi Consule habita est, subiici debeat. Hæc enim, non illa, Synodus fuit absolutionis, & quarta, & palmaris, à Symmachi æmulis oppugnata, ab Ennodio defensa.

CVIVSDAM ORATORIS) Ciceronis dialogo 1. de oratore, vbi Crassum sic loquentem inducit.

*Nam quid est ineptius, quàm de dicendo dicere, cum id ipsum dicere nunquam sit non ineptum, nisi cum est necessarium?*

EX ALA PRODUCTAM) Sic libri omnes, quo sensu, non apparet. Sed allusit Ennodius ad locum alterum Ciceronis in Pisonem: *Confer nunc, Epicure noster, ex hara producte, non ex schola.* Quare legendum cenſeo *ex hara productam.* Non ſolum, inquit, non ex hara productam, ſed myſticam & diuinam. Dictum Ironice, & non ſolum poſitum pro non modo non. vt aliàs ſæpe.

NEC OMNES IN IUDICATIONE SENS.) Quia nonnulli Episcopi moræ tardio, poſt primum aut ſecundum Synodi conuentum ab vrbe diſceſſerant.

DOLOSE VIDELICET) Hanc periodum, tametſi neceſſariam, nec ignotam Surianæ editioni Conciliorum, nuſquam in manuſcriptis offendi, præterquam in Codice Bibliothecæ Tilianæ.

ADVERSARIOS DICI NON DEBVISSE) Malè habebat Schismaticos, quod Theodericus Symmachi accuſatores, tanquam aduerſarios, è iudicum numero repulerat. Infra. *In electione enim venerandorum iudicum ipſe accuſantes extra ordinem repulit, & ad ſpem retulit accuſatum.*

IPSI CEPASIO PRAEF.) Et hoc etiam eſt Ciceronianum, atque ironicum. Cepasij enim duo fratres fuerunt, oratores deterrimi atque ineptiſſimi. quorum alterius, hoc eſt maioris Cepasij verba quædam profert ac deridet Cicero in oratione pro Cluentio.

A CONSORTIO ADULTERI) Symmachi. Satis apertè declarat quodnam crimen fuerit, cuius inſimulabatur ab aduerſariis. Sed & in Præcepto de Cellulanis eodem ſpectat, quod recenti perſtricti Romani Pontificis exemplo vitandam Clericis docet flagitioſi contubernij ſuſpicionem. & hoc ipſo libro in proſopopœia

B. Pauli : *Docetis*, inquit, *fornicantibus neminem esse miscendum, adulteri Laurentij aut sequaces, aut prauij.* Itaq. quod Xysto III. ante annos fere LXX. contigerat, vt fœdi criminis infamia pulsaretur à Basso Exconsule : id ipsum Symmacho, Festi Exconsulis item ac principis senatus potissimum instigatione accidit, nec dispare euentu. nam vterque ab infami labe Synodi, cuius se iudicio sua sponte subdiderant, sententia purgatus est.

PAPAM OP. SYNODVM CONV.] Hoc Theoderico Rauennæ, vt est in actis Synodi palmaris, opposuerant Episcopi, cum ipsius mandato euocati Romam ad Synodum profisciscerentur. Sed hanc Episcoporum liberratem, tanquam regi scilicet contumeliosam, taxarant Schismatici. At non iniqua visa est Theoderico, qui non abs re id causari Episcopos sentiens, ipsum quoque Papam in colligenda Synodo voluntatem suam literis demonstrasse testatus est.

ARCHISIPPVM] Colonienfis editio, Chrysippum.

ILLE P. MERITORVM DOTEM] Synodus palmaris. *Maximè cum illa qua pramissimus inter alia de auctoritate sedis obstarant. quia quod possessor eius quondam B. Petrus meruit, in nobilitatem possessionis accessit, & claritatem veterem nouis dat de Christi doctore rectoribus.* Sic enim postrema hæc verba legenda sunt. Quod ergo de sedis auctoritate dictum à Synodo fuerat, ad sanctimoniam quoque transtulit Ennodius. cuius ex hoc loco sententiam laudant Ioannes VIII. in epistola ad Bercarium Abbatem, & Gregorius VII. in Dictatu.

COMPARANTES EI ANTISTITEM NOSTRVM] Plerique *vestrum* legunt. sed res exigat, vt *nostrum* legamus, quod sequentia declarant. Schismatici enim cum Esau Symmachum comparabant, cum Iacob Laurentium, per quem Symmacho Pontificatum, tanquam benedictionem eripere conabantur. Paulo post, in illis verbis, *Præterea tunc Iacob, Isaac legendum videtur.*



CARTHAG. CONCILIO] Septimo, quod in secretario Basilicæ restitutæ P. C. Honorii XII. & Theodosii VIII. celebratum est, cui & Faustinus Potentinæ in Piceno Ecclesiæ Episcopus, Bonifacii Papæ legatus interfuit. Alludit autem ad canonem IV. eius Concilii.

CVR PERSONAE IVSSAE S. ] Symmachii mancipia. infra, *Quaro à vobis, cuius conditionis fuerint ista mancipia, qua postulata scriptis Principalibus intinastis.* Item ubi de Visitatore disserit: *Ibique Imperator ab eo salutatum suo ore iussit assari, ut traderet Coepiscopo mancipia, nullis subdenda tormentis, seruanda ad disceptationem Synodalis examinis.* De his enim à Theoderico impetrarant aduersarii, ut repræsentari, & quod leges & canones vetant, contra dominum interrogari iuberentur. Quare & illa tradi per libellum à Synodo postularunt.

ODIT SE QVI NEGLIGIT STVDIA] Quod in vulgata nostra scriptum est Prouerb. xv. 32. *Qui abiicit disciplinam, despicit animam suam.* apud LXX. Interpretes sic legitur. *ὁς ἀπωθεῖται πειραίαν, μισεῖ ἑαυτόν.* qui repellit disciplinam, odit seipsum. Quod sine dubio prius est comma Ennodij. Posterius ex cap. x. 21. sumptum videtur. ubi quod Græcis est, *οἱ δὲ ἀφογεύς ἐν πειραῖᾳ τελευτῶσι*, nos legimus, *Qui autem indocti sunt in cordis egestate moriuntur.*

DE QVODAM DICTVM] Iasone. Medæ enim ad Iasonem verba sunt è Senecæ Medæa.

CONCILIO AVCTORITATEM] Synodus ipsa de Symmacho, cum Synodum, quæ ipsius causa ad Basilicam Iulii conuenerat, esset ingressus. *Auctoritatem*, inquit, *ordinis corrigendi, sicut poscebant Ecclesiastica statuta, in omnium qui ibidem conuenerant Episcoporum presentia se dare professus est.*

ILLE PRAESTO FVIT IVDICIBVS] In Synodo, quæ contra ipsum Tyri fuerat conuocata. ad quam etiam propter apertam vim & coniurationem aduersariorum, aliquandiu, ut Sozomenus lib. II. c. XXIV. scribit, an vocatus veniret, cunctatus est, postea

tamen innocentia fretus, & ne iudicium declinare videretur, profectus est.

VENIENTEM IAC. REPVLISTIS ) Symmachum Papam, cum ad alterum Synodi conuentum pergeret, qui in Basilica Sessoriana coactus erat. Tum enim, vt Synodi acta narrant, ab irruentibus æmulorum turbis ita tractatus est, vt cæsis, qui cum ipso erant Presbyteris, ægrè ad B. Petri septa, vnde egressus fuerat, incolumis à Comite Aligerno redactus sit.

NONNE DIRECTA V. S. CANONVM ) Symmachi nomine, non Ennodij citatur hic locus à Gratiano VIII. q. IV. quia cum libellus Ennodij Synodis Symmachianis, vt paulo antè dictum est, cum pari auctoritatis prærogatiua insertus esset, quæ in eo erant, pro Symmachi ipsius decretis aut sententiis haberi cœperunt. Percellebant autem Canones illi schismaticos, qui criminum obtentu, quibus Symmachum impetebant, discessionem ab eo ante iudicij, nedum sententiæ tempus fecerant.

DIDASCALICI LIBELLI ) Ironicè. Nam διδασκαλικοὶ λόγοι, didascalicae disputationes dicuntur accuratæ & ad docendum idoneæ. vnde ab Aristotele vnâ copulantur τὸ ἀκρίβειαν καὶ διδασκαλικώτερον.

CVM EVOCATVS QVATER F. ) Ingressus est Synodum Symmachus primo conuentu, qui in Basilica Iulij actus est: ad alterum item Sessorianum proficiscebatur, cum ab aduersariis in via circumuentus ac cæsis suis pæne oppressus est. quod vtrumque iam supra commemorauimus. Post eam eadem commonitus an rursùm ad Synodi iudicium exire vellet, compelli se iure posse negauit.

ALIVD EST MALEDICERE, ALIVD ACCVSARE ) Verba sunt Ciceronis in Oratione pro M. Cælio, cum ea refellit, quæ aduersus Cælij pudicitiam sine probatione obiiciebantur. Quare aptissimè ab Ennodio in re simili vsurpantur, vt taciturnum

Schismaticorum conuitium retundat, quod ex mulierum Symmachum officij causa prosequentium turba captabant.

PEREGRINVM CREDO ALIQUID ) Duo, vt ex actis pater, à Synodo postularat Symmachus. vnum vt cederet Visitator, de quo postea. alterum, vt omnia, quæ per suggestionem inimicorum suorum amiserat, ante iudicium ipsi redintegrarentur. Quod etsi neque alienum neque iniquum videri poterat, cum spoliatos antè omnia restitui Ecclesiasticæ leges iubeant, Regi tamen, cum Synodus ad eum retulisset, placuit vt Symmachus ante restitutionem iudicium subiret. Quod ille pro modestia sua minimè detraxit.

REGIS PRAECEPT. VOS NON MVNIRI ) Etsi multa, quæ Symmacho aduersari videbantur, à Theoderico præcepta ac rescripta expresserant schismatici, vt de Visitatore, & quod modo de intercepta redintegratione recitatum est, atq. alia id genus: irrita tamen omnia & inania fuerunt. Neque vnquam his præsidii assequi potuerunt, quod moliebantur, vt Symmachus damnaretur. Nam vbi Synodo tandem à rege integra permissa res est, illum protinus absoluit.

NECDVM HAB. SYNODVS FIRMITATEM ) Cum adhuc incerti penderent Episcopi an Symmachus illam approbasset. Quod vbi coràm ab eo confirmatum fuit, Tum, vt est in actis Synodi, *causa de sacerdotum animis, qua de Concilio nondum firmato tristitiam ministrabat, abscissa est.* Sentiebant nimirum Episcopi Concilium hoc sine Pontificis assensu ratum esse non posse. Quod ipsum tamen, sed frustra improbabant Schismatici.

LAURENTIVM ET PETRVM EPISCOP. ) Quorum hic Rauennas, ille Mediolanensis, Synodi ambo moderatores ac præsides. quod declarant Synodi ipsius subscriptiones, & Theoderici regis ad Synodum præceptio, quæ Laurentio, Marceliano, Petro ac reliquis Episcopis inscripta est.



Sed Marcellianus palmari conuentui non interfuit. Quod verò studio egerant Laurentius & Petrus, vt à Symmachi consuetudine ante iudicij disceptationem abstinerent, ne præiudicium aliquod facere viderentur, id aduersarij, aliam in partem rapiebant, quasi de obiectis Symmacho criminibus compertum ipsis exploratumque iam esset.

ATTRIBUIT VISITATOREM ] Petrum Episcopum Altinatem, qui à Theoderico rege, flagitantibus Schismaticis Ecclesiæ Romanæ præter fas moremque datus fuerat Visitator. quem propterea submoueri, vt antè dictum est, postulabat Symmachus. Acta Synodi. *Sperans vt Visitator, qui cōtra religionem, contra statuta veterum, contra regulas maiorum, à parte cleri, vel aliquibus Laicis fuerat postulatus, ex ordinatione Antistitum, sicut decebat sanctum propositum, prima fronte cederet.* At Ennodius non solum Symmachi desiderium, vt æquissimum defendit: sed Theoderici etiam factum, quasi Symmacho ipsi Visitatoris præsentia consulere voluerit, excusare conatur.

NULLIS TORMENTIS SVBDENDA ] Ac proinde Symmacho, & si contra ipsum testarentur, nihil obfutura. quia non ignorabat, vt mox dicit, Theodericus *seruilem assertionem innocenti examine non probandam.* Ita regij præcepti inuidiam hac etiam in partè amolitur.

DICAS FORSITAN ) Locus insignis ad eos renuncendos, quibus sacrorum hodie locorum, neque ad vota & preces concipiendas, neque ad cælestia beneficia consequenda, nullum est discrimen,

ALIORVM F. HOMINVM CAVSAS ) Et hic quoque illustris est locus de primatu summi Pontificis, & prærogatiua sedis Apostolicæ.

QVID EVLALII ET BONIFACII ) In schismate quod post Zosimi Papæ mortem inter hos duos diuiso in partes clero exortum est, cū propter factionum studia, vtrius legitima fuisset electio, decerni vix posset, longiusque protraheretur disceptatio, Honorius vtrumq; ab vrbe interim iussit abscedere. Itaque Bonifacius ad S. Hagnes Basilicam, Eulalius

Antium secessit. Quod exemplum in Symmacho renouari voluissent aduersarij, vt vnâ cum Laurentio pelleretur. Sed dispar fuit ratio.

ERGO QVIA DIXERVNT ) Verba Synodi. *Senatum amplissimum monentes & instruentes causas Dei ipsius iudicio esse committendas, qui valet corpus occidere, & animam mittere in gehennam. Qui in his verbis hæresin adstruebant, non in B. Lucam iniurij, sed in Christum ipsum, qui apud Lucam loquitur, impij erant.*

IOANNIS APOST. SCRIPTA VIOLARI ) Non tam verba ipsa Ioannis citarat Synodus, quam ex verbis sententiam. Sic enim habet. *Quamuis nullus est, qui delicto careat, sicut Ioannes testatur Apostolus, Si dicam, quia peccatum non habeo, mendax sum.*

PROPE IAM ITERVM ) Consulum olim mos fuerat, pecunias in populum spargere, cum procedebant. eum morem abrogarat Martianus, L. II. Cod. de Consulibus. Itaque Ennodij tempore non spangebantur. Sed quia eius æui Consules, in honoris sui auspicijs multa in pauperes erogare solebant, pristinum morem quodammodo, sed feliciori liberalitate, renouare videbantur.

### AD VITAM B. EPIPHANII.

Huius vitæ vix tertia pars erat in editione Basilienfi. nos reliqua suppleuimus ex manuscriptis. Ac sanè intererat publici iuris fieri totum hoc opusculum, quod inter Ennodiana, vt maximum, ita optimum videtur, & variam ac multiplicem illorum temporum historiam complectitur.

8. MIROCLETIS ) Episcopi Mediolanensis, qui iudex inter alios sedit in causa Cæciliani, temporibus Cōstantini, vt narrat Opatius lib. I. Mirocletis sæculi vitio dictum, pro Mirochis, quo vsus est Mirocles ipse in Epigrammate, quod B. Anatholoni Episcopo prædecessori suo posuit, clausitq. hoc disticho.

*Hic titulum, & picto venerandos pariete vultus*

*Mirochis reddit Præstitis alma fides.*

MIROCLES EPISCOPVS.

CRISPINO. PONTIFICE ) Ticinensi, cuius nomen extat inter cæteros illius Prouinciæ Episcopos, qui Synodicæ Eusebij Episcopi Mediolanensis ad Leonem Magnum Epistolæ subscripserunt. Meminit eiusdem Ennodius Carmine ix. eique acceptum fert, quicquid laudis fuit in eius discipulo, & successore Epiphanio.

AD INTERCESSIONES IAM ART. ) Ad deprecationes, quas pro miseris & oppressis apud potentiores adhibere solebat Ecclesia, vt dictum est lib. i. epist. vii. de quibus semel atque iterum paulo inferius.

SVMMIAS AGER ) Ticino vicinus. Padi alluiones scitè describit. de quibus & Lucanus.

*Illos terra fugit dominos, his rura colonis  
Accedunt donante Pado.*

SANCTVS PATER ) Basilienses *sanctus Papa*. quod etsi in aliis ferri posset, quia Papæ nomen quibusvis Episcopis plerique tribuebant. Ennodio tamen non conuenit, qui, vt ad Epistolas docuimus, vnicum Romanæ sedis Pontificem Papam vocat. Nam quod obiici posset, Epiphanium quoque Papam infra in hoc Opusculo appellari, id nihil officit, quia Eurici verba sunt, quæ eo loco recitantur, non Ennodij. Idemque iudicium de vitæ titulo, vbi Papa dicitur Epiphanius. nam adscititium videtur. Itaque patris nomen hoc loco reddidimus: quod asserunt vetera exemplaria, & quæ mox sequuntur, satis confirmant, vbi genitor nuncupatur.

RUSTICO I. V. ) Illi opinor, qui paucis antè annis Consul fuerat cum Olybrio, anno scilicet CDLXIV. Hic Rusticus Mediolanensis. alter eodem tempore in Gallia Rusticus Burdigalensis, ad quem scribit Sidonius lib. ii. & de quo item lib. viii. epist. xi. *Satis facetum, Solo & nomine Rusticum videto.* Verùm præcipuæ notæ Codices hoc loco Rusticium legunt.

AD AVRES RICIMERIS ) Ricimer Anthemij Aug. filiam vxorem duxit anno CDLXVII. vt docet nos Sidonius, qui sub eius anni finem Ro-



nam ingressus nuptiis interuenit. lib. i. epist. v. Idem Anthemium socerum ciuili bello adortus interemit anno CDLXXII. Nec posterior igitur hoc anno, nec prior illo potuit esse legatio, qua Ricimeris nomine functus est ad Anthemium. Sigonius, & alij partim ad annum CDLXXI. referunt, partim ad sequentem, perspicuo anachronismo. Nouus enim adhuc Episcopus erat Epiphanius, ad Ticinensis vrbis Cathedram nuper adscitus. Quare cum octauus eius annus, vt postea dicitur, inciderit in tempora Nepotis, primam hanc legationem sub annum CDLXVIII. contigisse necesse est.

GALATAM CONCITATVM ) Anthemium. quem Græculum mox vocat. Sidonius item de Aruando scribens, eiusque litteris ad Euricum lib. i. ep. VII. *Hæc ad regem Gothorum charta videbatur emissi, pacem cum Græco Imperatore dissuadens.* Græcum namq; Imperatorem appellat, non Leonem principem Orientis, cui rei nihil erat cum Eurico, sed Anthemium, qui è Græcia nuper exortus Romæ regnabat.

PELLITO GETAE FILIA ) Filix Anthemij, quæ Ricimeri nupsit, nomen incertum. Nam quòd Ascilam nonnulli dictam putarunt, error est. Scripserat è Consularibus antiquis Gregorius Turonensis lib. ii. Hist. ex Ricimere & Ascila natum Theodemerem regem Francorum. Hi vnum eundemq; Ricimerem rati sunt, cum eos & temporum interualla distinguant, & patriæ. Gregorianus enim Francus fuit: hic noster Sueuo patre, Getica matre natus, teste Sidonio.

HONORATA ) Huius Deo deuotæ virginis Ticinenses memoriam quotannis agunt III. Idus Ianuarias.

DEFUNCTO RICIMERE VEL ANTHEMIO ) Anno CDLXXII. Ricimer enim Anthemium, creato iam in eius locum Olybrio, interemit: ipse XL. post die, vt Cassiodorus in Fastis notat, defunctus est, xv. Kal. Septembris. Post hæc Olybrius septimo imperij mense decessit Romæ x. Kal. No-

uemb. Sequenti anno CDLXXIII. vacuam aulam Ra-  
uennæ occupauit Glycerius I II. Nonas Martias.  
Idem proximo dehinc anno imperio deiectus est, le-  
natufque Imperator Iulius Nepos VIII. Kalend. Iu-  
lias.

TOLOSÆ ALVMNOS GETAS) Vefogothos,  
quorum rex hoc tempore fuit Euricus, Alarici pater:  
qui ex crebris Principum Romanorum mutationibus  
occasionem nactus, vt Iornandes quoque in rebus  
Geticis notat, Aruernos oppugnabat, & regni sui li-  
mitem per Romani imperij fines promouebat. Sido-  
nius lib. VII. epist. VI. *Euarix rex Gothorum, quod limi-  
tem regni sui, rupto dissolutoque fœdere antiquo, vel tuta-  
tur armorum iure, vel promouet, nec nobis peccatoribus  
hic accusare, nec vobis sanctis hic discutere permissum est.*  
Hæc igitur Nepoti Aug. causa, cur Epiphanium le-  
gatum mitteret ad Euricum, vt antiqui fœderis iura  
renouarent.

LEO NOMINE) Ad quem Sidonius idem lib.  
VIII. ep. III. his verbis. *Se pone pauxillulum conclama-  
tissimas declamationes, quas oris regij vice conficis.* Erat  
enim velut Quæstor Eurici. Sed aliis etiam locis do-  
ctrinæ nomine laudatur à Sidonio, vt lib. IV. ep. XXII.  
& in Narbone.

*Sine ad doctiloqui Leonis ades,  
Quo bis sex tabulas docente iuris,  
Vltro Claudius Appius lateret,  
Claro obscurior in Decemuiratu.  
At si dicat epos, metrumque rhythmis  
Flectat commaticis tonante plectro,  
Mordacem faciat silere Flaccum.*

INSVLAS STOECHADAS) Sic legendum  
censui, non *Cycladas*, quod habent manuscripti. Stœ-  
chadas Plinius lib. III. c. IV. & Geographi in ora Mas-  
siliensi locant, docentque propter ordinem, quo sitæ  
sunt, id nomen esse sortitas. *Stœchades* Ptolemæo. Qui  
Stœchadas insulas ignorabat antiquarius, Cycladas  
scripsit, quia notiores erant. quemadmodum in Pa-  
negyrico Cyrillum item scripserant pro Chocrilo,  
& Cylia-

& cylindros pro chelydriis. Sunt autem, vt dixi, Stæchades in ora Massiliensi. at Lerus & Lerinus è regione Antipolis. Omnes olim refertæ Cœnobiis ac cellulis monachorum. quod Cassiani collationes testantur. ex quibus septem postremæ ad sanctos, qui in Stæchadibus erant insulis, emissæ sunt, totidem ad Honoratum & Eucherium, quorum alter auctor, alter alumnus Monasterij Lerinensis.

ORESTEM PATRICIVM ) Anno CDLXXVI. Hic superiore anno Augustulo filio imperium, fugato Nepote, dederat. Hoc anno arma in illos mouit Odoacer, & Orestem, quod Ennodius docet, Ticini obsedit, captumque cum oppido Placentiæ tandem occidit.

ADSCITVS IN REGNVM ODOVACER ) Regnum ait, non imperium. quia Odoacer eiecto in exilium Augustulo, deiecitq; Romanorum imperio, regis tantum sine purpura & insignibus, non Augusti nomen adsumpsit, eoque contentus Italiæ præfuit annos ferme xiv. Vetus Chronicum Consulare leuatum regem prodit x. Kal. Septembris, & quinto post die Orestem interfectum.

QUINQVENNII VACATIONEM ) Bonorum Principum mos est, attritis bello, vel alia calamitate ciuitatibus ac Prouinciis, onerum fiscalium vacatione aut indulgentia subuenire. Sic olim Constantinus Aeduæ ciuitati grauiter afflictæ quinquennij reliqua remisit. Eumenius Rhetor. *Quinque annorum nobis, reliqua remisisti. O lustrum omnibus lustris felicius!* Et Theodericus Prouinciæ Alpium Cottiarum, quia exercitus per illam transierat, tertiæ indictionis tributa relaxauit. Cassiod. lib. iv. epist. xxxvi.

PELAGII Q. PRAET. PRAEF. ) Praefectorum enim praetorij erat tributa exigere, τὸν ἀπαραχτὸν φόρον διὰ τῶν ἀναιρετῶν αὐτοῖς εἰσπραττεῖν, vt loquitur Zosimus lib. iv. Caterum Pelagio hinc atate suppar Pelagius alter Patricius, vir eximius, & poëtica laude clarus, quem Zeno Augustus anno CDXC. necauit. Marcellinus Comes Longino II. &



Fausto Coss. Zeno Imp. *Pelagij gulam in Insula, quae Panormum dicitur, frangi praecipit.*

THEODERICVS REX ) Anno CDXXIX. Casiodorus Probino & Eusebio Coss. *feliciſſimus atque fortissimus D.N. Rex Theodericus intrauit Italiam.*

TVFA ) Liguriae atque Aemiliae Consularis, ut nonnulli tradunt. Incidit eius defectio in annum CDXC.

INTER DISSID. PRINCIPES ) Odoacrem & Theodericum.

CIV. TIGINENSIS RVGIS EST TRADITA. ) Anno CDXCIII.

ITVR RVRSVS AD ILLVM ) Tertia haec Epiphaniij legatio, in qua collegam habuit Laurentium Episcopum Mediolanensem, ad Theodericum, de abroganda lege, quam aduersus eos tulerat, qui steterant a partibus Odoacris.

V. I. VRBICVM ) Quaestorem sacri palatii, aut instar Quaestoris. Quod Eurico erat Leo, quod Gundobado Laconius, hoc Urbicus Theoderico.

BVRGVNDIO IMMITIS ) Gundobadus Burgundionum rex Liguriam hostiliter populatus, multa captiuorum millia Lugdunum abduxerat, agrosque colonis pene vacuos reliquerat. Ad hos redimendos quarta legatio imponitur Epiphanio, adiecto ipsius rogatu collega Victore Episcopo Taurinense anno CDXCIV.

RVSTICIVS TVNCEPISC. ) Successor Patientis, ad quem extat epistola Sidonij, decessor Stephani, cui scripsit Ennodius lib. III. ep. XVII.

LACONIO ) Ad quem ternas vidimus epistolas Ennodij.

SINGVLAS VRBES SAPAUDIAE ) Sapaudia iam dudum Burgundionibus concessa fuerat, post memorabilem illorum cladem, & victoriam Actij. Tiro Prosper in Chronico, *Sapaudia Burgundionum reliquiis datur cum indigenis diuidenda. Quae hodie Sabaudia dicitur, veteris Sapaudiae partem tantum retinet. Nam longius olim porrigebatur, cum in Notitia Imperij Occidentalis Ebredunum Alpium mariti-*

marum caput in Sapaudia collocetur, itémque Cularo Allobrogum, quæ est Gratianopolis.

AVITVS VIENNENSIS EPISCOPVS) Doctrina & pietate clarissimus. Alcimus Ecdicius Avitus omnibus nominibus appellatur in sua ipsius epistola, qua poemata sua, quibus in Codice S. Victoris præfigitur, Apollinari fratri suo, Valentia Episcopo dedicat his verbis.

DOMINO SANCTO *in Christo piissimo ac beatissimo Apollinari Episcopo Alcimus Ecdicius Avitus frater.*

Nuper quidem paucis Homiliarum mearum in vnum corpus redactis, hortatu amicorum discrimen editionis intraui. Sed adhuc te maiora suadente, in ætuturnum petulantioris audaciæ edurata fronte procedo. Iniungis namque, vt si quicquam de quibusque causis metri lege conscriptum est, sub professione opusculi vestro nomini dediceretur. Recolo equidem nonnulla me versu dixisse. adeo vt si ordinarentur non minimo volumine stringi potuerit epigrammatum multitudo. Quod dum facere, seruato causarum & temporum ordine meditarer, omnia pene in illa notissimæ perturbationis necessitate dispersa sunt. Quæ quoniam sigillatim aut requiri difficile, aut inuenire impossibile foret, adieci ea de animo meo, quorum mihi vel ordinatio saluorum vel dispersorum reparatio dura videretur. Aliquos sanè libellos apud quendam familiarem meum postea reperi. qui licet nominibus propriis titulisque respondeant, & alias tamen causas inuenta materiæ opportunitate perstringunt. Hi ergo, quia iubes, etsi obscuri sunt, tuo saltim nomine illustrabuntur, quamquam quilibet acer ille doctusque sit, si religionis proposito stylum non minus fidei quam metri lege seruauerit, vix aptus esse poemati queat. Quippe cum licentia mentiendi, quæ pictoribus ac poetis æquæ conceditur satis procul de causarum serietate pellenda sit. In saculari namq. versuum opere condendo tanto quis peritior appellatur, quanto elegantius, immo vt verè dicamus, ineptius falsa texuerit. Taceo iā verba illa vel nomina, quæ nobis nec in alienis quidem

» operibus frequentare, ne dicam in nostris conscribere  
 » re licet: quæ ad compendia poetarum aliud ex alio  
 » significantia plurimum valent. Quocirca sæcularium  
 » iudicio, qui aut imperitiæ aut ignaviæ dabunt non  
 » vti nos licentia poetarum, plus arduum quam fru-  
 » ctuosum opus aggressi, diuinam longè discreuimus  
 » ab humana existimatione censurâ. quoniam in asse-  
 » rendis quibusque rebus, vel etiam prout suppetit ex-  
 » plicandis, si quacumque ex parte peccandum est, sa-  
 » lubrius dicente clerico non impletur pompa, quàm  
 » regula, & tutius artis pede quàm veritatis vestigio  
 » claudicatur. Non enim est excusata perpetrati-  
 » peccati libertas eloquij. Nam si pro omni verbo  
 » otioso quod locuti fuerint homines, rationem re-  
 » dhibere cogentur, agnoscere in promptu est, illud pe-  
 » riculosius lædere, quod tractatum atque meditarum  
 » & antepositum viuendi legibus loquendi lege præ-  
 » sumitur. Ex hac epistola docemur, Homilias etiam  
 » ab Auito editas fuisse. Et quidem sola vna restat de  
 » Rogationibus à Mamerto eius prædecessore institutis.  
 » Sed pluscularum fragmenta in antiquissimi libri  
 » reliquiis v. r. Iac. Augusti Thuani amplissimi Sena-  
 » tus Præsidis vidimus. vnam in conuersione dictam  
 » domni Segisfrici Lugduni, postridie quàm soror ip-  
 » sius ex Arrana hærese est recepta: alteram in Basili-  
 » ca Sanctorum Agaunensium, in innouatione Mona-  
 » sterij ipsius: tertiam in restauratione Baptisterij in  
 » ciuitate sua Vienna: quartam in Basilica S. Petri,  
 » quam Sanctus Episcopus Tarantasiæ condidit: quin-  
 » tam in Dedicatione Basilicæ Geneuæ, quam hostes  
 » incenderant: & alias, quæ vel inscriptionibus ipsis ni-  
 » mium quantum sui desiderium excitant, reliquorum-  
 » que B. Auiti operum, quæ recensent Isidorus, & Ado  
 » Viennensis.

GODIGISILVS ] Ita scribunt libri omnes, non  
 Godigisilum, vt vulgatæ habent editiones Gregorij  
 Turonensis, aliorumque.

TARANTASIAM ] Tarantasia olim oppidi no-  
 men, Alpium Graiarum caput. Sic enim & in vetere  
 Itinerario Æthici, & in Auiti homilia, quam modò



commemorauimus. Hodie Tarantasiā vocitant non oppidum, sed pagum ipsum, tractūque totius Centronum ciuitatis. Itaq; contra illi accidit quā plerisque aliis Galliarū locis, vt princeps oppidum regiōi nomen daret, non regiō seu ciuitas oppido.

EXAGELLAM RELINQ. ) Hoc est, vt interpretor, normā & exemplum. Exagellam enim appellasse videntur libram seu trutinā, ab eo scilicet fonte, à quo & aginā & exagium. In antiqua inscriptione quæ continet edictum Aproniani p. v. sub exagio pecora vendere, est adpenſa vendere. Zeno item Sermone vi. ad Neophytos, *Habetis, inquit, aginā, exagium facite, quemadmodum vultis ponderate.* Exagium facere, est ponderare: trutina, qua ponderamus, exagella.

QVINQVAG. OCTAVVM ) Decessit B. Epiphanius xii. Kal. Februarias anni cdxcvii. anno ætatis duodeſexageſimo nondum expleto. Quare natus videtur anno cdxxxix. creatus Episcopus anno cdlxvii.

## AD VITAM B. ANTONII.

**B**EATVM hunc virum, quem paucis post obitum annis primus omnium celebravit Ennodius, iure quodam sibi vindicant tres Prouincię: ortum Pannonia, potiorē vitæ partem Italia, obitum & sacras corporis exuias Gallia. Natus quippe in Valeria Pannoniæ, atque à B. Seuerino primū Abbate, deinde à Conſtantio Episcopo Laureacensi patruo suo institutus, inde in Italiam profectus est. atque in valle Telina, quā ~~Ab~~dua fluius, priusquam Lariū subeat, decurrit, cum Mario presbytero aliquandiu versatus, inde rursus emigrans, ad Lariū lacum, haud procul à S. Fidelis Comensis Martyris sepulcro sedem fixit, clarissimamque nominis famam adeptus est. Quam vt declinaret, Lerinensem denique maris nostri insulam petiit, in eaque vitæ cursum inter sanctissimos eius æui monachos biennio per-

OP. IV.

## AD EVCHARISTICVM.

OP.V.

**L**IBERATVS graui morbo Ennodius, gratias Deo, tum de reddita salute, tum de cæteris, quæ in reliqua vita acceperat, beneficiis hoc egit Opusculo. cui cum anepigraphum esset, nisi quod in vno Codice *Relatio cursus vite sue* inscribebatur, Eucharistici nomen indidimus, Paulini Burdegalensis exemplo, qui eiusdem argumenti ac tituli carmen composuit.

B. VICTORIS ) Martyris Mediolanensis, vbi domus & sedes Ennodio. De hac ipsa curatione sua, quam infuso B. Victoris oleo consecutus est, vidimus lib. viii. epist. xxiv. Alterum eiusdem Martyris, etsi re ac modo dispar, in Apollinarem nostratam præter vsitatum morem collatum beneficium narrat Gregorius Turon. lib. i. Mirac. c. xlv.

EGO ANNORVM FERME XVI ) Hinc petenda epoche annorum Ennodij. Nam si sedecim annorum erat, cum Theodericus Italiam ingressus est, nempe anno *cdxxcix.* consequens est, ut Valerio Consule, qui fuit annus Christi *dxxi.* & Ennodio postremus, annorum fuerit non amplius *xlviij.* Itaque hunc numerum non excessit. Non dissimili argumento ætatem suam, & quo anno suos libros ederet, prodidit Prudentius, Consulem indicans, quonatus erat in Cathemerinon Præfatione, quam vetera exemplaria, ut totius operis Prudentiani proœmium, in prima eius fronte meritò locant.

*Irrepfit subito canities seni,  
Oblitum veteris me Salia arguens,  
Sub quo prima dies mihi.*

Salia Consul cum Philippo fuit anno *cccxlviij.* His adde annos *lvij.* quos egerat Prudentius. reliquum est, ut hæc scripserit anno *ccccv.*

RELIGIOSAE MECVM ) Simile quiddam Ruricio accidisse scribit Faustus Reiensis epist. vii. ut cum ipso fidelissima Sarra, id est coniunx sua sub vno Christi iugo ad communem tenderet coronam.

## AD PARAENESIM DIDASC.

OP. VI.

**A**CTOR ipse sub initium concinnationem didascalicam vocat, & lib. viii. epist. xxvii. epistolam admonitionis. dignam sanè, quæ adolescentibus omnibus, qui ad virtutem & litteras informantur, legenda ac pedagogi loco sectanda proponatur. Beatus & Ambrosius ad quos ea missa est, ex Epistolis noti sunt. Ambrosium enim Faustini filium fuisse docuit lib. ix. epist. ii. & iii. Beatum, etsi patris eius nomen non prodit, nobilissimum & sublimem adolescentem appellat lib. viii. epist. xxxix. & xxxix. Ad eundem etiam aliquot sunt epistolæ Ennodij, & Ambrosij nomine controuersia vi. in aleatorem. Ambrosius verò is videtur, qui postea Quæstor fuit Athalarici Regis, apud Cassiodorum lib. viii. epist. xiii. & xiv.

**CRUXQ. THORACA)** Pro *thoraca*, hoc est lorica, Basilienses ut labanti metro subuenirent ediderant *corona*. Sed nos fidem veterum librorum sequi maluimus, quàm seduli nimium emendatores videri. præsertim cum huius generis exemplis abundet Ennodius. Thoraca igitur, pro eo quod est thorax: ut lampada passim pro eo quod lampas. Sed primâ præterea syllabam corripuit, cum in *θώραξ* producat.

**FESTVS ET SYMMACHVS)** In hoc illustrium virorum catalogo dignitatum ordinem secutus est. Festus enim hoc tempore, ut Anastasius in Symmacho notat, caput Senatus erat, Consularium antiquissimus: ex anno videlicet cdlxxii. Symmachus eundem honorem adeptus anno cdxxcv. Probinus anno cdxxcix. Cethegus Probini filius anno diu. Boëtius anno, ut monuimus, dx. Agapitus nondum quidem Consul, cum scriberet Ennodius, sed postea futurus anno dxvii. Probus fortasse anno dxv.

**PER TE, PER QVI TE)** Miserat Ennodius Parænesis exemplum ad Symmachum Patricium, ut eam corrigeret. lib. viii. epist. xxviii. Propterea hi versus Parænesi subiiciuntur. Adonij verò ad Ambrosium & Beatum referendi.



AD PRÆCEPTVM DE CEL-  
LVLANIS.

OP. VII.

**S**CRIPtum est ab Ennodio Episcopi sui nomi-  
ne. Cùm enim iussi essent à Papa aut Synodo, ( ne-  
que enim proditum est ) Episcopi omnes , contu-  
bernales clericos habere vitæ suæ actuumque te-  
stes, ad amoliendas maledicorum calumnias , quibus  
vexatus nuper fuerat Symmachus : Episcopi , vt par-  
erat, exemplum secuti , Presbyteris item ac Diaconis  
suarum Diœcesum id ipsum præceperunt , vt ipsi  
quoque sine aliorum contubernio non essent. Cellu-  
lanos itaque interpretatur concellaneos, συλλέκτες.

MVLIERES CANON. DESIGNATAS) Gre-  
gorius Magnus lib. vii. epist. xxxix. *Si qui Episcopo-  
rum cum mulieribus degunt, nullo modo patiaris, exceptis  
eis quas sacrorum canonum censura permittit. id est ma-  
tre, amita, germana, & aliis huiusmodi, de quibus praua  
non possit esse suspicio.*

AD PETITORIVM QVO ABSOLV-  
TVS EST GERONTIVS.

OP. VIII

**M**ANVM MISSIONES olim in Ecclesia fiebant,  
beneficio Constantini Magni, cuius extat lex  
ad Protogenem Episcopum Sardicensem, quæ for-  
mulam declarat, Cod. de his qui in Ecclesia manu-  
mittuntur. Iam dudum placuit, vt in Ecclesia Catholica  
libertatem domini suis famulis præstare possint. si sub  
aspectu plebis, adstantibus Christianorum Antistitib. id  
faciant, vt propter facti memoriam vice actorum interpo-  
natur qualiscumque scriptura, in qua ipsi vice testium  
signent. Augustinus in Sermone nondum edito, sed  
qui à Nic. Fabro breui lucem cum aliis expectat. Ser-  
uum tuum manumittendum ducis in Ecclesiam. recita-  
tur libellus, aut sit desiderij tui prosecutio. Dicis te ser-  
uum tuum manumittere, quòd tibi in omnibus seruau-  
erit fidem. Eius antiqui moris præclarum hîc exem-

plum in Gerontio seruo, quem dominus apud Episcopum manumittit. Alterius ergo nomine scriptum hoc etiam Opusculum ab Ennodio, Agapiti nimirum, cuius nomen titulo adposui: quia in veteribus libris GERONTIVS PVER SS. dicitur, hoc est superscripti. Subiicitur autem epistolæ ad Agapitum, quæ est VI. lib. IV.

## AD BENEDICTIONES CEREI.

**H**ARVM alteram, quæ posteriore loco posita est, nunc primum edimus. Pertinent autem ad prisca & solemnem in Ecclesia cerei Paschalis consuetudinem, cuius auctorem Zosimum Papam faciunt ritualium librorum scriptores Alcuinus, & Amalarius, non Episcopus Treuirensis, ut vulgo nuncupatur, sed diaconus, qui Episcopo ætate suppar, Ludouici Imperatoris iussu id opus contexuit.

**SI QVIS HINC SVMPSERIT)** Mos enim erat, quem iidem auctores tradunt, ut ex cereo Paschali, qui Sabbato sancto conceptis precibus sacratu fuerat, particula decerperentur, ac populo die Dominica in Albis, post sacram Communionem distribuerentur, unde suffitum in ædibus suis facerent, vel agros, vineasque munirent aduersus Dæmonum præstigias, aut contra fulgura & tonitrua. Quod etiam spectant illa Ennodij Bened. II. *Sumptam ex hoc contra procellas, vel omnes incursus fas dimicare particulam.* Cæterum hic mos olim extra urbem duntaxat. Romæ enim cerei Paschalis vice ceram oleo perfusam benedicebat Archidiaconus. inde particulas in agnorum effigiem expressas asseruabat, populo similiter die, qua dictum est, diuidendas. Quæ res nimirum originem dedit cereis agni cælestis imaginibus, quæ à Pontificibus ipsis augustiore postea ritu consecrari cœperunt.

## AD DICTIONES.

**D**ICTIO interdum est cuiusvis generis oratio seu vera seu ficta. Itaque Cicero pro vera usurpat, cum scribit in Bruto, malle se vnam L. Crassi pro M. Curio dictionē, quā castellanos, triūphos duos. Ennodius pro ficta in Epistolis passim, cum Auieni, Messalæ, Parthenij adolescentum declamatiunculas dictiones vocat: suis etiam tum veris tum fictis idem nomen imponit. Quas quidem in vnū collectas quatuor in classes digessimus. Duæ primæ veras laudationes continent, pertinentque aut ad res, personasque Ecclesiasticas, aut ad scholam & auditorium. unde illas ab argumento sacras diximus, has scholasticas. In tertio ordine sunt controuersia: in postremo quas Græci ἡ σοφίας καὶ ἡ δικούσης λόγους nuncupant, quæ alienos mores & verba imitantur. nos Ethicas dictiones appellauimus, Sidonium nostrum secuti, qui de Lampridio Rhetore Burdegalensi lib. viii. epist. xi. inter alia sic scribit. *Hic, ut arreptum suaserat opus, ethicam dictionem pro persona, temporis & loci. qualitate variabat.* vulgo malè, & hic additionem. nam certa est emendatio.

SACRA  
I.

IN NATALI LAURENTII MED. EPISC. )  
Natalem intellige non vitæ, sed cathedræ & Episcopatus. Hunc enim festum quotannis agebant Episcopi, sicut Imperatores Natalem seu ortum imperij sui. L. ii. Cod. Theod. de Feriis. & quod vel ex hac Ennodij dictione discimus, quemadmodum Principes natali suo panegyricis orationibus laudari mos erat, ut testantur Panegyrici dicti in quinquennialibus, decennialibus, & aliis: ita etiam Episcopos anniuersario die suscepti Episcopatus. quod confirmat altera Ennodij dictio, quæ dicta est in Natali Epiphaniij Episcopi tricesimo, & sermo in Petrum Episcopum, qui est c vii. inter Chrysologianos.



NOVELLIS TE ADHVC) Successit Laurentius in cathedra Mediolanensi Theodoro Episcopo, in quem extat Ennodij epigramma xxviii. paulo post secuta est direptio urbis Mediolanensis, & exilium Laurentij, per Odoacrem opinor, quando Tufa duce, ut in Epiphaniij vita dictum est, aduersus Theodericum rebellauit. Theoderico victoria potito Laurentius Mediolanum rediit, urbemque ex pristinis arumnis recreauit.

SECUNDA IN ECCLESIA ROM. CAPTIVITAS) Ob Schismaticorum machinationes aduersus Symmachum: qua de causa Romæ diu versatus est Laurentius, & synodo absolutionis præfuit, quam Senatum curiæ cælestis nominat, impugnantiumque odiis & furori constanti anno restitit.

DICTIO MISSA HONORATO) Scripta hæc quidem ab Ennodio, sed in gratiam Honorati Nouariæ Insubrum Episcopi, qui eam recitauit, ut suam. Sic etiam quæ proximè sequitur ab Ennodio composita est, à Stephano Vicario pronuntiata. Sunt & aliæ id genus nonnullæ, quas pro diuersis composuit. quo more Saluianum Malsiliensem presbyterum Homilias Episcopis fecisse multas auctor est Genadius in Catalogo.

VICTOR ANTISTES) Episcopus Nouariensis, decessor Honorati, cuius Epitaphium scripsit Ennodius epigram. xcv. At Epigrammate xi. de hac eadem re.

*DI, quibus hoc patuit, possessas linquite sedes.*

*Quod fecit Victor, victor ubique tenet.*

*Addidit ad cultum merito successor & actis*

*Qui morum nomen hinc Honorate geris.*

PATRIS NOSTRI LAURENTII) Episcopi Mediolanensis, quem proinde ut Metropolitani suum patris loco habebant Nouarienses. Quod verò in eius laudes digreditur, specimen habet priscae Episcoporum inter se obseruantiae: quorum concionibus si quando aderant aliarum sedium Antistites, aliquam eorum laudationem intexere solebant. Cuius rei obuia sunt apud Græcos & Latinos exempla. Sed illustre Petri

SACRA

FI.

Chrysologi Sermone cxxxvi. in Adelphum Episcopum.

SACRA  
III.

DICTIO DATA STEPHANO ) Dictionem hanc Cresconius & alia quædam antiquæ Collectiões inter Symmachi Papæ epistolas numerant, cum inscriptione, tanquam ad Laurentium Episcopum Mediolanensem scripta sit. quo etiam factum, ut in nupera editione Conciliorum cæteris Symmachi epistolis inserta sit, errore manifesto: cum Symmacho minimè congruat, & epistola non sit, sed oratio. quam quidem ad Laurentium referri non patitur allusio ad Maximi vocabulum, quam continet. Dicta igitur est Maximo Episcopo Ticinensi, Epiphaniij in ea sede successor, cui postea successit noster Ennodius.

V. S. VICARIO ) Viri spectabilis notas adieci ex manuscriptis. Hic enim Vicarianæ Præfecturæ & iam olim proprius fuerat titulus, & adhuc erat aucto Ennodij. Cassiodorus lib. iii. epist. xvii. *Spectabilem virum Gemellum, Vicarium Præfectorum, fide nobis & industria compertum.*

TE SACRARVM IVDIX ) Comes Sacrarum largitionum. Huius assessor fuerat Maximus, ut olim Alypius item ante episcopatum. Sic enim de Alypio scribit D. Augustinus lib. vi. Confessionum cap. x. *Rome assidebat Comiti largitionum Italicarum.* & lib. viii. c. vi. *Mecum erat Alypius otiosus ab opere iuris peritorum post assensionem tertiam, expectans quibus iterum consilia venderet.*

SACRA  
IV.

DICTIO IN DED. M. MAXIMO ) Eidem Episcopo Ticinensi, qui Synodo absolutionis Symmachi cum cæteris interfuit & subscripsit. Superior oratio Maximo dicta fuit, hæc à Maximo, cum dedicaretur Basilica S. Ioannis Baptistæ, quem nouo exemplo Apostolum quoque nominat. ut prodromum nempe, missumque ante Christi Domini aduentum. quo modo & prophetas in Apologetico dixit, quia & ipsi missi sunt, Apostolos posse nuncupari. Verùm ardes illa non solum Ioannis Baptistæ, sed Antonij etiam & Cassiani titulo dedicata.

**DICTIO INCIP. EPISCOPI**) Incertum est, SACRA  
V.  
an concione hac usus sit Ennodius ipse, cum Episcopus creatus est, an quod potius reor, formulam aliis scripserit, qua in Episcopatus auspiciis vterentur. Cæterum de Ennodij Cathedra longa refutatione non eget, quod à Bernardo Sacco in Historia Ticinensi lib. viii. c. i. scriptum est, Ennodium anno Christi cdx. sedere cœpisse. Quî enim potuit illo anno Episcopus creari, qui anno proximè antecedente, quo Italiam ingressus est Theodericus, sedecim tantum erat annorum? aut quomodo imponi tum potuit Cathedræ Ticinensi, quam adhuc regebat, & aliquot post annis rexit Epiphanius, ac post Epiphanium Maximus, quem Synodo palmari interfuisse monuimus? Certè & in Apologia pro Synodo, & in omnibus epistolis, quas toto Symmachi Pontificatu scripsit, non amplius se quàm Diaconum appellat Ennodius: Quare certius videtur, quod alij censent, Hormisdæ temporibus ad eam dignitatem euectum fuisse. Sed cum de anno initi Episcopatus non liqueat, de fine constat ex Consule, qui Ennodij epitaphio adscriptus est, incidisse in annum dxxi.

**DICTIO DE HAERESIBVS ORIENTALIVM**] Lemma Dictionis non est Ennodij. nam in veteribus libris est anepigrapha, præfixis tantum his verbis, **IN CHRISTI NOMINE.** In ea porrò nihil apparet, vnde ab Ennodio potius, quàm ab alio quopiam Episcopo dictam suspicemur. Sed digna est prorsus optimi cuiusque Antistitis studio, vt suos ab hæresum contagione auocet, atque in orthodoxa & Petro, seu sedi Apostolicæ adhærente doctrina contineat. SACRA  
VI.

**VBI GENTIVM TIMOTHEVS**] Ælurus cognomento, Alexandrinæ sedis, cæso Proterio, qui in Dioscori locum suffectus fuerat, insector. de quo Liberatus Diac. cap. xv. Breviarij.

**SCITVR PETRVS**) Petrus Moggus Æluri successor, & Dioscorianæ factionis præcipuus incensor, ac signifer. qui expuncto ex diptychis nomine Proterij & Timothei Catholici, Dioscori & Æluri



nomen inscripfit, vt narrat idem Liberatus c. xviii.

ACACIVS ) Episcopus Constantinopolitanus. qui primum quidem pro Synodi defensione aduersus Petrum Moggum stetit, auctorque Basilisco fuit, vt edictum, quod aduersus illam scripserat reuocaret, vt ex Zacharia Rhetore tradit Euagrius lib. iii. Hist. Ecclesiasticae c. vii. Posthac mutato leuissima, vt Liberatus c. xvii. notat, ex causa consilio, Petro Moggo, quem antea damnat, fauere coepit, grauissimæq. & molestissimæ in Ecclesia perturbationis auctor fuit, quæ post ipsius etiam mortem diutissime desauit.

SCHOL.

I.

IN DEDICAT. AUDITORII. ] De Romanæ Scholæ auditorio sermo est. Translationis festa vocat, cum ex pristinis sedibus ad forum Schola migravit, vt ibi ludicræ exercitationes fierent, vbi seriæ causæ agebantur. Sed quodnam id forum fuerit non explicat, cum in diuersis olim declamasse rhetores legantur. De Traiano licet coniicere ex iis, quæ Fortunatus scribit de poematis illic ipsius ætate recitatis lib. iii. ep. xxi.

SCHOL.

II.

PRAEFATIO D. LUPICINO ) Lupicinum Euprepiae sororis Ennodij filium fuisse nos Epistolæ docuerunt. hic vtrumq. eius auum prodit, Firminum & Licerium, à quibus & cognomina de more sumpsit. nam Flavius Licerius Firminus Lupicinus appellatus est. quod quidem ex Vaticano Codice commentariorum Iulij Caesaris didicimus, in quo ad libri calcem adscriptum erat, *Iulius Celsus Constantinus legi. Flavius Licerius Firminus Lupicinus legi.*

SCHOL.

III.

PRAEF. Q. ARATOR AVD. ) Hæc tota nunc primum in lucem eruta ex manuscriptis. scripta in gratiam Aratoris, cum Deuterij Grammatici Mediolani disciplinæ traderetur. Mediolani inquam. quia, vt ad epistolas obseruatum est, Arator extra Liguriam non studuit. & quæ de Deuterio passim scribuntur, ad Mediolanum, vbi scholam habebat, referenda sunt.

CLASSICO MEO ) Mox infra, *classicus non metetur imperiis*, nempe Arator. Noua significatione classicum dixit auditorem scholasticum. quasi iam tum scholarum ordines, in quos scholastici distin-

guntur, classes appellarint. vsus porro eadem est voce lib. ix. epistola penultima.

GRATIARVM ACTIO G. Q. PARTHENIVS) De Parthenio alterius Ennodij sororis filio dictum est suo loco in epistolis. Hunc olim, cum studia auspicaretur, alia dictione profectus fuerat Ennodius, quæ non existat. nunc eius doctori, Deuterio vt opinor, gratias agit, cum specimen profectus sui declamando dedisset. Sic pro Aratore duæ sunt Dictiones, vna cum ad scholam deductus est, altera, cum ad laudem prouectus.

VIVIT PATERIVS) Petronij Maximi II. Consul collega anno CDXLII. & ante Consulatum Præfectus Prætorio, vt testatur Valentiniani Aug. Nouella ad eum missa. Ennodius æream quoque statuam doctrinæ nomine Paterio positam fuisse significat, in foro nimirum Troiano, vbi mos erat. Sidonius

*Vlpia quædã rutilat porticus ære meo.*

NVNQVID FAS ADV. QVINTILIANVM) Quem acutissimum Romani generis declamatorem appellat Trebellius Pollio in Postumio iuniore. Aufonius de Professoribus.

*Seu libeat fictas ludorum enoluerelites,  
Ancipitem palmam Quintilianus habet.*

Quinta est Quintiliani declamatio ÆGER REDEMPTVS, cui contradicit Ennodius. Thema autem controuersia, quod apud Quintilianum iisdem pene verbis legitur, & principium, quorû vtrumq. in vulgatis libris desiderabatur, ex antiquis adiecimus.

IN ABDICATVM) Titulo caret in duobus antiquis. in tertio, qui recentior est, inscribitur, *Inuettina in Orestem, qui occidit Clytemnestram matrem.* Sed deceptus est, quisquis huius inscriptionis auctor fuit, argumenti similitudine. Nam Orestes matrem occidit, non patrem: hic autem patrem necauit, matrem non potuit. Quare indefinitè scripta est in filium abdicatum: cuiusmodi aliæ complures sunt apud Senecam, Libanium, & alios in abdicantes vel abdicatos, *ἀπαρκυήσας, ἢ ἀπαρκυήσας.*

SCHOL.  
IV.

SCHOL.  
VII.

CONTR.  
VIII.

CONTR.  
X.

ETHICA

I.

ADLOCVTIO) Quam Ethopœiam à Græcis dici monuimus, eam Latini sæculo Ennodij Allocutionem vocarunt. Sic enim & Priscianus in Præexercitamentis Rhetoricæ: *Allocutio est imitatio sermonis ad mores & suppositas personas accommodata, ut, Quibus verbis uti potuisset Andromache Hectore mortuo.* quod est apud Libanium, *Τίνας αὖ εἴπει λόγους αὐδ' ἐγμάρη καί μιν ἐφ' ἔκπτε.* Hoc enim modo Græci ethicarum dictionum themata proponebant. Latini in hunc ferè modum, Verba Diomedis, cum Ægiales uxoris adultetia cognouit.

ETHICA

V.

NEC TIBI DIVA PARENS) Hos locos Virgilianos appellabant, cum Virgilij versus pro Declamationum themate sumebantur. Talis est metrica exercitatio, quam in vetusto Codice Pithœano vidimus, Coronati v. c. hoc titulo & principio.

THEMA. LOCVS VIRGILIANVS.

Viuo equidem, vitamque extrema per omnia duco.

V. C. CORONATI.

*Aspera diuerso laxatur vita dolore,*

*Et morti vicinus eo, viuittque dolori*

*Aegra salus. nostras cruciant dum flamina mentes*

*Vita flatus abit. quantos post Pergama casus*

*Vidit item pradata manus. quos saepe dolores*

*Pertulit, atque iterum, quas sensit Troia ruinas?*

& quæ sequuntur. Nam vitiosi Codicis menda præprogredi vetant.

SALVTEM CYTHERIS) Fortasse, cæteris.

## AD CARMINVM LIBRVM I.

I.

ITINERAR. BRIGANTIONIS] Brigantio Delphinatus nostri oppidum est in faucibus Alpium Cottiarum. Briansonē hodie vocant. quod *Βεργαντιον*, Brigantium Straboni & Ptolemæo. quo modo etiam scripserat Ammianus Marcellinus, ubi Virgantium legimus lib. xv. rerum gestarum. Eo igitur Episcopi sui iussu tendebat Ennodius Mediolano digressus.

Mediolano



Mediolano Brigantionem petentibus occurrunt fluvij & alia, quæ describit.

EDOCUIT VATES) Episcopus. Familiare est Ennodio Vatem ponere pro Episcopo, ut vatis Cypriani, Ambrosij, Laurentij, Eustorgij vatis, passim. Sic in epitaphio ipsius Ennodij. item Petri Episcopi Ticinensis,

*Hic vates Domini, mundo quia corpore vixit,*

*Admixtus gaudet cœtibus Angelicis.*

MATRONAS TACEO) Præclsi verticis nomen haud procul Brigantione. qua parte Galliam spectat qui hodie mons Geneura nuncupatur. Itinerarium Hierosol. *Mansio Ebreduno. Inde incipiunt Alpes Cottia. mutatio Rame, M. XVII. mansio Brigantium. M. XVII. Inde ascendis Matronam. Ammianus Marcellinus. In Alpibus Cottis, quarum initium à Segusione est, præclsum erigitur iugum. A summitate huius Italici cliui planities ad usque stationem nomine Martis per septem extenditur millia. & hinc alia celsitudo erectior, agrèque superabilis ad Matrona porrigitur verticem. cuius vocabulum casus femina nobilis dedit. unde declivus quidem iter, sed expeditius ad usque castellum Virgantium patet. Matronam Marcellinus cis Brigantium cum Ennodio locat. Itinerarij auctor, quia iter orditur è Galliis, post Brigantium. Geneuræ montis pars est, ut dixi.*

DURIA NAM SESSIS) Hunc versum ex conjectura restituvimus. nam in antiquis etiam codicibus depravatissimus erat. Sturam, Orgum, Durias duas, Sessitem Plinius lib. III. cap. XVI. in fluvijis numerat, qui ex Alpibus in Padum læuo latere decurrunt. Et verò priscis adhuc vocabulis nuncupantur, nisi quòd Sessitem Sessiam vocant, & Orgum Orcum. ex quo patet non rectè apud Plinium Morgum legi.

REDDE SOLUTOR) Octavius, Solutor, & Adventor Martyres tres è legione Thebæa. quorum sacra reliquæ in honore sunt Augustæ Taurinorum. extarque in eos Sermo Maximi Episcopi Taurinensis.

DICTION D. DEUTERIO MITT. EUGENE-

T. I) Vterque ex epistolis notus est. Nam de Deuterio Grammatico dictum est ad epist. XIX. lib. I. de Eugenete Quæstore lib. IV. epist. XXVI. Ab Eugenete igitur hortuli partem petit Deuterius, cuius nomine carmen hoc scriptum ab Ennodio.

S. P. C. T. E. R. E. G. N. A. N. T. I. S.) Theoderici regis, cuius Quæstor erat.

III.

N. E. P. O. T. I. B. V. S. P. R. O. C. V. L. I.) Liguris Poëtæ, quem Sidonius inter eximios, & utraq. lingua præstantes ætatis suæ poëtas numerat lib. IX. epist. XV.

*Potuisse ista semper efficacius*

*Humo atque gente cretus in Ligustide*

P. R. O. C. V. L. V. S. *melodis insonare pulsibus,*

*Limans faceta quaque sic poemata,*

*Venetam laceffit ut fauore Mantuam.*

*Homericaque par & ipse gloria*

*Rotas Maronis arte sectans compari.*

M. A. R. S. Y. A. S. I. V. E. N. I. A. T.) Hoc est, si Phæbe iterum cum Marsya subeundum sit certamen, Proculum adiutorem ac socium habere velit.

IV.

E. P. I. T. H. A. L. A. M. I. V. M. M. A. X. I. M. O.) Ad Maximum aliquot vidimus epistolas lib. VII. & VIII. atque in his nuptiarum mentionem, in quib. dictum est hoc Epithalamium, quod sædis hactenus, ut cætera fere poemata Ennodij, versuum traiectionibus interpolatum ordini, nitorique suo reddidimus. Vario metrorum genere constat exemplo Claudiani, qui diversis numeris ludit in nuptias Honorij & Mariæ. Nā Sidonius in Epithalamio Polemij & Araneolæ heroico tantum usus est, Paulinus elegiaco in Epithalamio Iuliani Memoris Episcopi E. & Iæ clarissimæ femine.

P. A. S. T. V. R. A. E. F. S. M. A. R. A. G. D. V. S.) Pastura est *βομή*. Vt ergo *βομή* dicitur interdum de pascuis ipsis, ut quando *βομαὶ καὶ λειμῶνες* copulantur, sic pastura hoc loco pro pascuis virentibus. & epigrammate X. *Herbida pasturam superantia saxa virentem.* Iam smaragdi laus & pretium est viror. Plinius lib. XXXVII. cap. V. *Herbas virentes frondesque avidè spectamus. smaragdus verdè tanto libentius, quoniam nihil omnino viri-*

*Alnus comparatum illis vires. Tertullianus de Iudicio. Herboſaque vires pręgrandis luce ſmaragdus. Martian. Capella lib. I. de Ioue. Calceos autem ſmaragdinea flu- Et viriditatis herboſos veſtigis eius tellus innexuit.*

ITINERARIUM PADI ) Padi nomen argumenti vice adiectum eſt. Nauigationem enim deſcribit, quę ſtillante Pado iactatus eſt, cum ſororem ſuam vnico filio nuper orbatam officij cauſa inuiſeret.

PETRARVM LEGE SVBACTA ) Ruptis aggeribus. Variant Codices. vnus *parcarum* legit, alter *parumper*. tertius *parum*. Sed nihil mutandum cenſeo, aut ſi quid mutandum, *riparum* ex tertij, hoc eſt Vaticanæ exemplaris veſtigis legendum. vt epigr. **XXXIII.** Hoc enim vult quod Virgilius lib. I. *Æneidos,*

*Non ſic aggeribus ruptis cum ſpumens amnis  
Exiit, oppoſitaſque euicit gurgite moles.*

VRBIS AVERNI ) Ita omnes. fortasſe *urnis*, vt urnas Auerni dicat urnas ſepulcrales, ſororem ſignificans alios quidem antea liberos ſuſtuliffe, ſed vitę brevis omnes, atque immatura & acerba morte raptos.

DICTIO IN REDITVM EX VRBE ) Huic poematio, & aliis nonnullis præfationes ſoluta oratione præfiguntur. quę licet interdum longiores ſint, quia tamen ad poemata referuntur, in eorum potius claſſem coniiciendas duximus. Reditum autem ex vrbe deſcribit, quando poſt Synodum palmarem & Apologeticum reſſus eſt.

TRISTIA N. C. P. VERSILOQVI ) Sidonius Lampridio. *Noſti probę latitię poetarum, quorum ſic ingenia mœroribus, vt piſciculi retibus amiciuntur.* Verſiloquum itaque vocat non vaſtrum aut verſutiloquum: ſed poetam, qui verſus pangit.

AD FAVSTVM ) Occaſione Carminis cuiuſdam quod à Fauſto acceperat, poetiçam eius facultatem miris laudibus extollit. Quo ſcilicet Ennodij præconio permoti Petrus Crinitus, & Lilius Giraldus Fauſtum hunc inter illuſtres huius ſæculi poetas collocarunt. Neg. enim vlla, opinor, eius carmina



viderant, quæ nulla extant præter distichum quod Ennodius epigrammatis suis inseruit, de vino Ligustico.

*In Ligurum terris potorem qui vocat, errat.*

*Nunquid vina bibit vina bibens Ligurum?*

GLVVIDENVS) Lib. v. epist. viii.

NEXA CERUCHIS) Antennis. κερχός Græcis est corniger. Inde in nauibz antennas, quia cornuum instar habent, vnde & κερχταί dicuntur, ceruchos appellarunt Lucanus, Flaccus, Apuleius, & alij. Sunt qui antennarum funes interpretentur. Isidorus in Glossis, *Ceruchinauium funes.*

MEOS THYRAMBOS) Meos versus. Duplex in vna voce licentia. Nam simplex posuit pro composito, vel ancisam potius dictionem pro integra, thyrambos pro dithyrambis, & speciem pro genere, Dithyrambos pro quouis genere carminum. Sic rursus Epigrammate CVIII.

*Nunquam frugiferis per sæcula longa thyrambis*

*In me fluxerunt commoda Castalij.*

id est, nullum vnquam ex versibus meis quæstum feci. vt supra Carm. II.

*Commoda de Musis nunquam fluxere tot annis.*

LVIII.

AD OLYBRIVM) De Olybrij eloquentia dictum ad epistolam ix. lib. i. Nunc auctarij loco alterius Romani causidici, qui eadem ætate vixit, memoriã vindicabimus. Is est Petilius Processus v. s. sedis Prætorianæ togatus, quem Probo iuniore Consule, hoc est anno DXXII. diem clausisse docet elegans eius Epitaphium, quod in B. Pauli basilica marmoreo tumulo incisum legimus his verbis:

*Post mortem si viuít amor, si gratia prisca*

*Durat in arcanum mentis adaçta bonum.*

*Quamuis luctificum, fratris tamen accipe carmen,*

*Ne mala sit tumulis extera lingua tuis.*

*Te natura parens omni depinxerat arte,*

*Moribus, ingenio, corpore, mente, fide.*

*Pars amicitia cultor, seruator honesti,*

*Eloquio miseros vel pietate fouens.*

*Hinc est quod toto semper te flebimus auro,  
Quod fuerit iuueni vis tibi multa senis.  
Te genitrix, fratresque simul, te compare luctu  
Perpetuis lacrymis plangit amata domus.*

HIC REQUIESCIT IN PACE B. M.  
PETILIVS PROCESSIONIS V. S. TO-  
GATVS INL. P. P. QVI VIXIT PL.  
M ANN. XXXVIII. DEP. E. SVB  
DIE KAL. IVL. PROBO IVN. V. C.  
COS.

IN NATALI EPIPHANII ) Cum tricesi-  
mum annum iniret Cathedra seu Episcopatus Tici-  
nensis. Inciderunt autem Epiphaniij Tricennalia in  
annum CDXCVI. Illo igitur anno dictus est Pane-  
gyricus ab Ennodio.

SCRIPTVM EST ENIM ) Esaiæ cap. L. iuxta  
editionem LXX. interpretum. *κλέος δίδωσι μοι  
γλώσσαν πασείας, τὰ γινώσκει νύκτα δὲ εἰπεῖν λόγον.*  
quos etiam secutus est Tertullianus lib. IV. aduersus  
Marcionem, XXI. Dominus mihi dat linguam di-  
sciplina, quando debeam proferre sermonem. Item ad-  
uersus Praxeam cap. XXI. Dominus dat mihi lin-  
guam disciplina ad cognoscendum quando oporteat dice-  
re sermonem. Nam vulgata lectio nostra in postero-  
re membro diuersa est.

LILIA PRO NITIDAE F. L. CALCIS ) Pi-  
ctores tabulis quas pictura aptant colorem primo  
aliquem illinunt, quem campum vocant. In rustica-  
nis verò picturis, quæ parietibus inducuntur, calx ip-  
sa & tectorium est pro campo. Hoc igitur est quod  
in horto suo fingit Ennodius, pro tectorio & pictura  
campo. fuisse lilia, pro colorum pigmentis, reliquos  
diuersorum generum, colorumque flores.

HYMNVS VESPERTINVS ) Qui Prudentio  
est ad incensum lucerna. Sic enim in optimis exempla-  
ribus inscribitur Hymnus VI. Cathemerinon, qui  
eiusdem est argumenti. non ut vulgatum est, ad in-  
censum cerei Paschalis. Vnde & Lucernarium dicebant  
vespertinarum precum officium, quod vespere &

quando lucernas accendi mos est, occaso nimirum Sole peragi soleret. HORAM INCENSI appellat S. Ambrosius lib. III. de Virginibus. *Certè solennes orationes cum gratiarum actione sunt deferenda, cum è somno surgimus, cum prodimus, cum cibum sumimus, cum sumpserimus, & hora incensi, cum denique cubitum pergitur.* De hymnis porro qui sequuntur, et si stylo & genio auctorem satis produnt Ennodium, aberant tamen à manuscriptis, quorum ope nixi sumus. Quare cum reliqua esset coniectura diuination, qua parcius vti libuit, pauca eaque aperta & obuia mutauimus.

XII.

PROCONSUL MAXIMVS ) Galerius Maximus, qui Aspasio Paterno in Proconsulatu Africae successerat. cuius audita Cyprianus sententia, qua morti addicebatur, hoc solum respondit, DEO GRATIAS. quin & ligatis per manus suas oculis, vt Pontius Diaconus scribit, moram carnificis vrgere sentabat. Eò spectat Ennodius cum ait Cyprianum enses acciuisse, moramque loquendo minimam attulisse.

XIII.

VETERNO NVBILO ) Veterinus adiectiuè, pro veterinoso & vetusto. vt in Panegyrico *conscientias veterno errore possellas*, & Dictione in Nouercam, *veternis Erebi legibus.*

LINGVA LATRAT PARTHICA ) In Partheni. *Parthica & latret Morinus figura.*

r.

IUSTINA VIRVS PERDIDIT ) Mater Valentiniani Iun. Augusti, quæ Ambrosium, Ecclesiamque Mediolanensem, vt pote Arriana, diris modis vexauit. Itaque de ea loquitur Gaudentius in Præfatione ad Beniuolum Exmagistrum memoriae, *Nostri namque temporis regina Iesabel, Arriana perfidia patrona simul ac socia, cum beatissimum persequeretur Ambrosium, Ecclesia Mediolanensis Antistitem, te quoque ea tempestate Magistrum memoria, oblitum salutaris fidei arbitrata, contra Catholicas dictare Ecclesias compellebat.*

PASTOR EST ANTISTITIVM ) Mediolanensis Antistes. qui Metropolitanus iure multis hodieque præest Episcopis, sed multo pluribus olim præsidebat. Orat ergo pro Laurentio Episcopo Mediolan.



PRISCVS) Asiae Proconsul. quo iudice S. Euphemia Martyr Calchedone atrocissimis suppliciis excruciatu est.

XVII.

DE S. NAZARIO ) Martyre Mediolanensi de quo extat Sermo S. Ambrosij, multa iis, quæ hoc hymno scribuntur, simillima continens. Sed quod Nerone imperante passus dicitur S. Nazarius, id post Ambrosij mortem compertum est, quia suo tempore ignotum adhuc fuisse, auctor est Paulinus presbyter in vita S. Ambrosij.

XVIII.

VATEM MONET) Ambrosium Episcopum, qui, ut Paulinus idem narrat, inuentas in horto S. Nazarii reliquias transtulit in Basilicam Apostolorum. Qua de re Ambrosij ipsius versus leguntur in Monumentis Christianis, quos titulum apposuit.

*Condidit Ambrosius templum, Dominoque sacrauit*

*Nomine Apostolico, munere, reliquiis.*

*Forma crucis templum est, templum victoria Christi.*

*Sacra triumphalis signat imago locum.*

*In capite est templi vita Nazarius alma,*

*Et sublime solum Martyris exuviis.*

*Cruce ubi sacratum caput extulit orbe reflexo,*

*Hoc caput est templo Nazarioque domus.*

*Qui fouet aeternam victor pietate quietem,*

*Cruce cui palma fuit, cruce etiam sinus est.*

Sunt & alij versus, qui indicant eam Basilicæ partem, qua Nazarii cõditæ sunt reliquiæ, à Serena Stiliconis coniuge, Libycis marmorib. ornatam ex voto fuisse.

*Quæ sinuata cauo consurgunt tecta regressu,*

*Sacraque crucis floctitur orbe caput.*

*Nazarius vita immaculabilis, integer artus*

*Conditur, exultans hunc tumuli esse locum.*

*Quem pius Ambrosius signauit imagine Christi,*

*Marmoribus Libycis fida Serena polit.*

*Coniugis ut reditu Stiliconis lata fruatur,*

*Germanisque suis pignoribus propriis.*

DE S. DIONYSIO ) Episcopo Mediolanensi, viro sanctissimo, qui pro fide orthodoxa in exilium à Cōstantio Aug. relegatus in eo vitam posuit, ut docet S. Ambrosius epist. xxv. ad Vercellenses.

XXI.

## AD EPIGRAMMATA.

I. **NOMINIS AVCTOR)** φερώνυμος, verè homo bonus, & nomini respondens. Creber est in his allusionibus, vt epigram. xi. de Honorato, & Dictione ii. de Maximo. Athalaricus Felici Quæstori lib. viii. variarum xviii. *Sumpsiſti nomen ex moribus. custodi vt ſemper lateris veritate vocabuli. Nam cùm omnis appellatio ad declarandas res videatur impoſita, nimis abſurdum eſt portare nomen alienum, & aliud dici quàm poſſit in moribus inueniri.*

iii. **RHETORICO SCHEMATE)** Schema *ἡμεῖς* est figura, cultus, habitus. Schemate igitur Rhetorico dicere, est ornatè & qua pompa Rhetores solent, dicere. Schema oratorium, & schema ac pompa sermonum lib. i. epist. xv. & xvi. Sic mundi schemata sunt ornamenta sæculi lib. ix. epist. ix. & humanæ perfectionis schema Dictione iv. At pro schemate perperam hoc loco antiquarij stemmate scripserant, itemq. in Hymno in Cyprianum, & epigram. xxvii.

v. **EPITAPHIUM RVSTICAE)** Superest adhuc Mediolani hoc epitaphium inſculptum in lapide, qui nunc inſertus est Eccleſiæ S. Franciſci.

vii. **SERPENS VENENA FVGAT)** Prudentius in Enchiridio

*-- ſed prudens are politum*

*Dux cruce ſuſpēdit qui virus temperet anguem.*

Pari elegantiā & antithēſi Seuerianus Gabalorum Episcopus à serpente illo, quia ſymbolum erat crucis Chriſti, ſalutem *καὶ ἀπὸ τοῦ ἐπιμαρτυροῦ τοῦ εὐλογίου*, à maledicto benedictionem fluxiſſe ait in Oratione xi. è decem quas Chryſoſtomi nomine in lucem dedit Card. Sirletus. Sed Seueriano hanc aſſerunt, quam dixi, Damascenus, & Hadrianus Papa, cum Synodo Pariſienſi.

viii. **LAURENTIVS EPISC.)** Mediolanenſis. ab eo Mediolani exſtructa Baſilica S. Xyſti: Ennodius pa-

rietes prisco Ecclesiæ more versibus inscripsit.

IN DOMO MEDIOLANI ) Domo Ecclesiæ seu Basilicæ Episcopalis. quam Laurentius idem variis rebus exornarat.

HERBIDA SAXA ) Marmor Lacedæmonium, viridi colore. Prudentius. *Quæ viridis Lacedæmon habet.* Sidonius in Burgo

— *Herbosis quæ vernant marmora venis.*

IN BASILICA APOSTOLORVM ) In omnibus libris titulus hic erat, VERSVS IBIDEM, quod falsum est. Itaque alium fecimus ex Dictione II. quæ eiusdem est argumenti. Rursum in Codice Vaticano primus versus quinûm tantûm est pedum. abest enim τὸ *Antiquum*. pro quo in Fabri libro scriptum est in fine τὸ *Lauacrum* hoc modo, *Ecce nitet templum, quod sorduit ante lauacrum.* in tertio ante *vetustum*.

SVPER REGIAM TRICLINII] Portam maximam, mediam, βασιλικήν. ideo postes & valuas interpretatur. Sic regias fores, & regias in Basilicis appellabant. Gregorius Turon. lib. IV. c. XIII. *Dum deambulabant per Ecclesiam ad regias adis sacra, quæ tunc reuerate fuerant, appropinquant.* Anastasius Biblioth. in Honorio. *Inuestiuit regias in ingressu Ecclesiæ maioris, quæ appellantur medianæ, ex argento.* Item in Conone. *Qui missi fuerant de exercitu ad custodiendas regias Basilicæ clausas obseruabant.* Græci βασιλικὰς vocant.

IN MISSORIO ) In lance seu disco. vt epigr. XCII. Missorium inter vasa escaria numerat Isidorus Originum xx. dictûmque à mensa putat, quasi mensarium. ego à missu ductum malim, vt gustatorium à gustatione. Glossæ Isidori, *lancibus missoriis.* Vetus aliud Glossarium, *Discum missorium.* Græci μιστήριον. Atque vt missorium hoc equitem habet cum Victoria, & alterum infra imaginem ipsius Ennodij: sic Anthologiæ libro IV. μιστήριον duplex describitur, vnum in quo τὰ σώματα ζώδια, alterum ἔχον ἀφ' ἑσθ' ἡμῶν

x.

XI.

XVII.

XVIII.



χ, ἔγραψας. Idacius orbiculum vocat, cū de aureo quingentarum librarum missorio scribit, quod Aetius Patricius Thorismundo Gothorum regi ob nauatam aduersus Attilam operam dedit. pro quo numerata à Sisenando, quia direptum à Gothis fuerat, cū ad Dagobertum regem mitteretur, solidorum millia ducenta tradit verus auctor vitæ Dagoberti ca. xxix. De altero item aureo Chilperici regis missorio meminit Gregorius Turon. lib. vii. c. v. De utroque Aimoinus lib. iiii. & iv. De aliis duobus sed argenteis Flodoardus presbyter in Testamento S. Remigij, & Sonnatij Præsulum Remensium.

xx. CONDITOR ARMENIVS) Ad quem epistola i. lib. ii.

xxi. DE SCUTELLIS VII) Vt in repositoio Petronij Arbitri duodecim signa Zodiaci pro scutulis sunt & lancib. ita hīc septem scutellæ in Dianam & sex feras effictæ, aut illas certè insculptas habent.

xxii. DE COMPOSTILE HABENTE VII. GAUATAS.) Quod aliis repositorium dicitur, id Ennodio est compostile à compositis in eo lancibus obsoniorum. Gauata, vt Martialis & Fortunatus docent lancis est genus. Isidorus lib. xx. *Lancis gauata, quasi cauata.* & in Glossario, *Paropsis gauata vel catinus.* sic enim utrobique legendum. Compostile ergo Ennodij septem gauatas habebat, id est septem lances, vel quasi lances inter se distinctas, diuersisque dapib. accommodas. In repositoio enim missus vnus epulæ diuersis lancibus àstructore compositæ (quas struices patinarias Plautus vocat) mensæ inferebantur. Et quidem Petronio repositorium id propriè, cui grauior cæna, vt gustatorium Martiali ac Plinio Cæcilio cui gustatio imponebatur. Ita nimirum fiebat, vt non singulas lances apponerent, sed multas simul in vno compostile seu repositoio congestas. Atque hinc fortasse labor ille gestantium ministrorum quem antiqui scriptores significant. Sidonius lib. i. ep. *Non ibi impositam congeriem liuentis argenti mensis cadentibus suspiciosus minister imponit.* & lib. ix. ep. x. *Geruli*

caput plicantes Anaglyptico metallo Epulas superbiore  
*Humero ferunt onustis.* Interdum etiam Compostilis  
 seu repositorii non vnica facies erat, sed multiplex,  
 alia alij imposita. quod videre est in Petroniano: *Re-*  
*positorium, inquit, rotundum XII. habebat signa in or-*  
*bem disposita, superque proprium conuenientemque ma-*  
*teria structor imposuerat cibum. super arietem cicer arie-*  
*tinum, super taurum, bubale frustum. & post alia. Ad*  
*symphoniam quatuor tripudiantes procurrerunt, supe-*  
*rioremque partem repositorii abstulerunt. quo facto vide-*  
*mus infra, in altero scilicet ferculo, altitia & sumina,*  
*leporemque in medio pennis subornatum, ut Pegasus vi-*  
*deretur.*

DE EO QVI VT FILIVM) Sex quæ sequuntur  
 Epigrammata in lucem nunc primum exeunt.

DE CAUCO) Caucis poculi genus. Hierony-  
 mus lib. II. in Iouinianum de Diogene. *Quodam tem-*  
*pore habens ad potandum caucum ligneum, vidit pue-*  
*rum manu concava bibere, & elisisse fertur ad terram*  
*dicens, Nesciebam quod natura haberet poculum.* Spar-  
 tianus in Pescennio. *Tanta fuit seueritatis, ut cum mili-*  
*tes quosdam in cauco argenteo expeditionis tempore bibe-*  
*re vidisset, iusserit omne argentum submoueri de usu ex-*  
*peditionali, addito eo ut ligneis vasis uterentur.* Apud  
 Trebellium quoque Pollionem in epistola Valeriani  
 cauei & scyphi vnâ iunguntur. Sed fecit insolentia  
 vocabuli, ut passim corrumperetur. Nam apud Spar-  
 tianum & Pollionem *caueos* editum est, *cauum* apud  
 Hieronymum. apud Ennodium epigrammate XXIX.  
 DE GLAUCO. At veteres libri recte ibidem & hoc  
 loco DE CAUCO.

HABENTE PASIPHAEN.) Cælaram aut in-  
 sculptam. Hoc nimirum est, quod sugillat Plinius in  
 proœmio lib. XXXIII. *In poculis libidines calare iuuat,*  
*ac per obscenitates bibere.*

DE EO QVOD MESSALA CONSVL) Mess-  
 ala Consul fuit anno Christi DVI. In eo Consularu  
 nouum sibi cognomen Ennodij fastis adscripsit, ut  
 Ennodius Messala diceretur. Cognomen ergo illis  
 sæculis appellabāt, quod vero nomini, hoc est ultimo

XXV.

XXXII.

præponebatur. Ita enim Cæcilij Cypriani Hieronymus, & Sulpitij Seueri Gennadius, cognomenta fuisse scribunt, quæ priore loco ponuntur. Alia mens fuit doctissimo Panuinio, qui priscum Romanorum morem iam diu exoletum secutus in fastis scriptum fuisse putat MESSALA ENNODIVS. Sed hoc modo Ennodius Messalæ proprium nomen fuisset, non cognomen. De Messala Fausti filio, Auieni fratre dictum in Epistolis.

PURPURA NOSTRA) Nomen nostrum minio fastis inscriptum. ab hoc enim scripturæ colore purpurei fasti Marziali, & purpurissati Sidonio. Non minus, inquit, Messalam Consulem ornat nomen meum, quàm ipsa palmata.

XXXIV.

FILIVM ARMENII] Lib. II. epist. I.

XXXV.

DE EO QVI GALLIS] Transalpinis scilicet, vnde ipsi origo. Nam & Veneti quoque Cisalpini sunt Galli. Venerus præterea coloris genus est. Hinc Venetos malè tinctos, & maculatæ terræ vernulas vocat, vel quia fasciore sunt ore, quàm Galli.

XXXVI.

IN SVBSCRIPTO] De competente, Baptismi candidato. Qui baptismum postulabant scripto nomen edere iubebantur. Concil. IV. Carthag. can. XXV. Ferrandus Diac. in epistola nondum edita ad Fulgentium de quodam Æthiope baptizando. *Propinquante solennitate Paschali inter competentes offertur, scribitur, eruditur.* Cyrillus in prologo Catecheseon *εἰς τὴν λήθην, κατὰ τὴν ἰσθμὸν, ὁνομασθε ἐν ἐκτελέσει.* Inde eo tempore Competentes & Subscripti dicebantur.

XLIII.

ANTE CANAVAM] Cellam vinariam. S. Augustinus Sermone LXI. de tempore. *Multa sunt quæ de horreo, canaua, vel cellario aliquoties proferre non possumus.* Isidorus in Glossis, *Canaua, camera post cœnaculum.* Caneuaros hodièque Itali vocant pincernas, vel canauæ præpositos.

XLVI.

DE MURENA IN L. F.] Hoc est Inlustris femina. fortasse Firminæ. in cuius anaulum lusit epigram. XC VII. nunc in eius murenulam, hoc est catenulam auream, cui similitudo piscis nomen fecit. cā



describit S. Hieronymus ad Marcellā epist. xv. Murenas pro murenulis frequenter iterat Anastasius in Gregorio iv. *Murenam in qua pendent gemma hyacinthina* xiii. Item *murenas prasinales, & murenam trifilem, murenam filatam.*

IN SEPTICIO] *Basilienſes Septacia.*

DAMNATI FRUCTVS LIGNI] Ex eorum ſententia, qui arborem Adamo vetitam ficum fuiſſe exiſtimant. in quibus Theodoretus quæſt. xxviii. in Geſeſin. Teſſeram autem cum ficubus miſſam, hoſpitalem dicit.

DIRA SPOLIARVNT] Hic nulla eſt in metro licentia. quia veteres Grammatici docent breuem natura ſyllabam ancipitem fieri, quam in ſequenti diſtione duæ conſonantes excipiant, quarum prior ſit S. Ita epigram. xvii. *Pande ſtudium. & Virgilius date tela ſcandite remos.* Martialis lib. viii. epigr. *Pauca Iouem. Nondum taxata, ſtulte, negata putas?* Sic enim eum verſum legunt probatiſſimæ fidei exemplaria.

S. CALEMERI] Epilcopi & Martyris Mediolanenſis, cuius Natalem agunt prid. Kal. Auguſti. Calimerus vt Euemerus rectum eſt, *Καλῖμερς, εὐῖμερς.* Uſus inflexit vt Calimerus dicatur, ſicut Calocerus pro Calocæro, quod Græcis eſt *Καλὲρμερς.*

DE DEFENSORE CALLIDO) Epigrammate lxxvi. *De callido, qui Defenſor dicebatur.* Defenſor itaque hoc loco non eſt *ἐκδικος*, vt cūm dicitur defenſor Ciuitatis, ſed nomen proprium viri, vt apud Sulpitium Seuerum Defenſor, qui obſtitit S. Martino, & in antiquis Notitiis Defenſor primus Epilcopus Andegauenſium.

NILIACIS BIBLIS) Chartis è biblo ſeu papyro. Aldelmus de Nycticorace. *Romuleis ſcribor biblis, ſed voce Pelafga.* Vnde & Biblinæ epistolæ Eſaiæ xviii. apud Interpretes lxx. quod noſter ait, *In vaſis papyri.* Niliacæ autem, quia papyrū in Ægypto naſcitur in Nili paluſtribus. Plinius lib. xiii. c. xi. Caſſiodorus lib. xi. epist. xxxviii. Inde & Capella chartas

Nilotica fruticis collemata vocat lib. III.

SYLLABA, RHYTHMVS] Malè in vulgatis & antiquis *remmus*. Simili loco Ænigmata sua claudit Symphosius:

*Insanos inter sanum non esse necesse est.*

*Da veniam, lector, quod non sapit ebria Musa.*

LXXIII.

VETERIS PRODITIONIS] Cùm anseres Gallos Capitolium obsidentes Romanis voce sua excitatis prodiderunt.

LXXVI.

VMBRA LACESSITAS] Seneca lib. III. de ira cap. III. *Tauros color rubicundus excitat, ad umbram aspis exurgit. vrsos leonesque mappa prouitat. omnia qua natura fera ac rabida sunt, consternantur ad vana.*

LXXVII.

DE VITA S. AMBROSII] Quæ sequuntur duodecim epigrammata laudes continent duodecim Antistitum Mediolanensium, quo ordine sedem Episcopalem tenuerunt ab Ambrosio ad Laurentium.

LXXIX.

NOMINIBVS NIL FAMVLATA SVIS] Quia pudicus erat cùm Venerius vocaretur. Simile est quod Archontix puellæ nomen, quia militare quoddam imperium sapere videbatur, non satis aptum virgini fuisse dicitur in eius Epitaphio. quod quidem et si ad Ennodium parum facit, propter elegantiam tamen, & quia ad Gallos pertinet, huic loco intexi placuit, ut à nobis ex marmorea tabula paucos ante annos ad Urbem haud procul à Constantinæ mausolæo effossa descriptum est. Sic igitur habet.

EPITAFIVM REMO ET ARCONTIAE, qui natione Galla germani fratres adulti una die mortui & pariter tumulati sunt.

*Hæc tenet urna duos sexu sed dispare fratres,*

*Quos vno Lachesis mersit acerba die.*

*Ora puer dubia signans lanugine vestis,*

*Vix hiemes licuit cui geminasse nouem.*

*Nec thalamis longinqua soror trieteride quinta*

*Tanarias crudo funere vidit aquas.*

*Ille Remi Latio fictum de sanguine nomen,*

*Sed Gallos claro germine traxit auos.*

*Ast hæc Graiugenam resonans Arcontia linguam*

*Nomina virgineo non tulit apta choro.*

DEPOSITI nonis Nouemb. Consul. Dioscari V. C.

**DE EUSEBIO PONTIFICE ]** Huius extat Synodica ad Leonem Magnum epistola, cuius ante facta est mentio, cum de Crispino Ticinensi Episcopo ageretur. Extant & versus, qui Ecclesiam B. Theclæ Mediolani ab Eusebio post incendium renouatam testantur. nam in illa olim Ecclesia inscripti visebantur. XXCIV.

*Prisca rediuiuis tor surgunt culmina templis,  
In formam rediere suam qua flamma crearat.  
Reddidit hac votis Christi qui templa nouauit,  
Eusebij meritis noxia flamma perit.*

**RESTAT QVEM LONGO ]** Laurentius Episcopus adhuc superstes, cum hæc scriberet Ennodius. XXCIX.

**IMPERII CVLTOS ]** Ad Deuterium scriptum conieci, tum quia doctorem appellare solet Deuterium, tum maximè quia in antiquis libris subditur Allocutioni Diomedis, quā deuterio petente scripsit. XC.

**DE MARMORIBVS OPERE SARSORIO )** XCI.  
Gregorius Turonensis lib. II. Historiæ cap. xv. de Ecclesia, quam Namatius Episcopus Aruernorum in Ciuitate sua ædificauit. *Parietes, inquit, ad altarium opere sarsurio ex multo marmorum genere exornatos habet.* Ex Ennodij verbis satis patet sarsorium opus dici, cum variæ discolorum marmorum crustæ committuntur, ut vnum corpus & vnā quasi picturam efficiant. Quod genus scitè à Cassiodoro describitur lib. I. epist. VI. *De urbe nobis marmorarios peritissimos destipetis, qui eximie diuisa coniungant, & venis colludentibus illigata naturalem faciem laudabiliter mentiantur. de arte veniat, quod vincat naturam. discolora crusta marmorum gratissima picturarum varietate texantur.* Inde & sarsor, eius opificij artifex marmorarius. In actis Cirtensis Numatij Felicis, cum sacri codices sub Diocletiano quærerentur: *Et dum ventum esset ad domum Felicis sarsoris, protulit codices quinque.*

**DE EQVO Q. A. HVNISCO )** Huniscum dixit qua forma Baciscum Aurelianus in epist. apud Vopiscum. Hunnorum gens semper in armis, & nunquam sine equis. Inde Sidonius argutè, ut solet, cæteras XCIV.



gentes equorum tergo ferri, Hunnos habitare ait  
in Panegyrico Anthemij,

*-- ita semper equo teu fixus adhaeret*

*Rektor. Cornipedum tergo gens altera fertur,*

*Hac habitat. teretes arcus & spicula cordi.*

Locum ut emendari debet exscripsi, quia ut editus  
est multiplici menda scater.

Ci. DE SCUTELLIS ] Ut caucum supra fabula Pa-  
sphaes, ita nunc scutellas Iouis adulteriis calatas  
describit, & morem pudori noxium meritò castigat.

Cx. DE CASTELLO HONORATI ] Episcopi  
Nouariensis, ut docuit nos Diction II. Iam tum igitur  
ob militum, praedonumque infestationes castella  
aedificare cogebantur Episcopi. Tale enim fuit Ni-  
cetij Episcopi Treuirensis castellum supra Mosel-  
lam, quod suis versibus ornat Fortunatus lib. III. &  
quae ab Episcopis Remensibus condita multis locis  
narrat Flodoardus.

Cxi. DE HORTO REGIS ] Theoderici. nam hic  
vixit Italiae rex tempore Ennodij. In quinto versu pro  
stemmate scammate reposui ex vestigiis Manuscripti.

Cxxiv. ADVERSUS CLAUDIANVM ] Extat Clau-  
diani Epigramma de mulabus Gallicis duplo longius  
quam Ennodianum, sed utriusque eadem sententia.  
Quare aduersus hoc loco non oppositionem, sed  
imitationem significat.

Cxxviii. ASTRORVM POPVLVS ] Phrasus Ennodij,  
cum magnam copiam & numerum dicere vult, po-  
pulum aut plebem appellare. Sic *populos piscium* di-  
xit lib. I. epist. VI. *populum occisorum* in Panegyrico.  
Item alibi, *populos largitionum*, & *populosos ferculorum*  
*errores*. Rursus *plebem amnium* in vita S. Antonij, *ple-*  
*bem conflictuum* in Panegyrico, *plebem astrorum* in  
Epigr. LXXIV.

Cxxxi. DE SPATHA IN EVSTE ] Cui fustis pro va-  
gina. quo genere utuntur etiam nunc in Gallia pedi-  
tes nonnulli, dum iter faciunt. In proximo Epigram-  
mate titulum correximus, ubi *spathacinotus* legeba-  
tur. Est autem spatha cinctus, qui barbaris una voce  
Sparhatus, *spat. d. r. s.*

DE STOMATIO EBURNEO ) Oscillo. Glossarium vetus, *Oscillum* σωματίον. Ludicri genus, quod graphicè ab Ausonio describitur in præfatione Centonis nuptialis. *Simile ut dicas ludicro, quod Græci σωματίον vocauerunt. oscilla ea sunt, ad summum quatuordecim. Horum verticularum variis coagmentis simulantur species mille formarum: Elephanti bellua, aut aper bestia, anser volans, & mirmillo in armis, subsidens venator & latrans canis. quin & turris & cantharus, & alia huiusmodi mirabilium figurarum, quæ aliis aliis scientiis variegant. Sed peritorum concinnatio miraculum est: imperitorum iunctura ridiculum.* Hac arte puellæ res mille, ut ait Ennodius, angusta capsula includebant, quia paucis oscillis, quæ ex capsula promebant, res innumeras concinnabant. Eodem spectat larua argentea Petronij Arbitri, cuius catenatio mobilis diuersas figuras exprimebat.

DE PRINCIPE P. P. ) Id est Præfecti prætorio. Princeps P. P. erat primus inter officiales sedis Prætorianæ. Notitia Imperij. *Officium v. i. Præfecti Prætorio, Princeps, Cornicularius, Adiutor, &c.* Eodemque modo in Officio Præfecti vrbs, & Magistrorum vtriusque militiæ, & aliarum dignitatum Principes erant: qui omnes è schola Agentium in rebus ad gubernanda officia mittebantur. l. vi. Cod. Theod. De principibus agentium in rebus. Glossæ Iuris, Πρίνσιπ & ἀρχὸς τῶν πολιτικῶν ταξεωτῶν. Erat & Princeps officij Imper. Theodericus Rex Variarum lib. ii. ep. xxxiii. Stephano v. s. *Comiti primi ordinis, ex Principe officij nostri.* & in lapide Romano, *Neritus Princeps officij Imp. Claudij.* Horum ergo insigne fuit vitis seu virga, ut centurionum. vnde iocum captat Ennodius in temulentum Principem Honoratum, de quo iterum Epigrammate sequenti, & c. xli.

DE EPISTOLA D. AMBROSII ) Ea est xlii. libri ii. Epistolarum S. Ambrosij, cui præposita est Symmachi Præfecti vrbs relatio quam refellit.

EVSTORGI VATIS ) Episcopi Mediolanensis, qui Laurentio successit: ad quem extat epistola

Theoderici Regis, hoc titulo, *Eustorgio viro venerabili Mediolanensi Episcopo*. Nunc ut umbilicum Notie aliena potius manu, quam meis verbis addam, Epigrammati. Ennodij consimilis argumenti octastichum apponam de fonte, quem Leo Magnus ante Ostiensem D. Pauli basilicam condidit.

*Vnda lauat carnis maculas, sed crimina purgat,  
Purificatque animas mundior amne fides.*

*Quisque suis meritis veneranda sacraria Pauli  
Ingredieris supplex ablue fonte manus.*

*Perdiderat laticum longæua incuria cursus,  
Quos tibi nunc pleno cantharus ore vomit.*

*Prouida pastoris per totum cura Leonis,  
Hæc onibus Christi largæ suæntia dedit.*



ARATORIS SVBDIACO-  
NI AD PARTHENIVM  
Epistola.

*Cuius in Notis supra facta est mentio ad Epi-  
stolam I. Lib. IX.*

DOMINO INLVSTRI MAGNIFI-  
CENTISSIMO atque præcelso PARTHE-  
NIO MAGISTRO Officiorum atque  
Patricio ARATOR subdiaconus.

**S**I tibi, magne, velim fasces memorare parentum,  
Vix daret in tergo pagina lecta modum.  
A proavis, atavisque potens tu stemmata vincis  
Moribus & meritis cedit origo tuis.  
Optime Partheni, positum cui nomen ab ævo,  
Laus magis est animi, qua verecunde places.  
Nuntia venturum signavit lingua pudorem,  
Vtque decus gemmis quod vocitaris adest.  
Cingula plura geris, sed quæ tu grandia reddis,  
Nam tibi quisque datur mox sibi crescit honor.  
Quis bona tanta canat? breuiter loquor, omnia tecum,  
Quæ faciunt magnos singula, solus habes.  
Tu facunde sonas Rhodani Rhenique cateruis,  
Regia dulcisonum te probat aula virum.  
Te multis opulenta quidem Germania doctum,  
Suspicit, & patrio gaudet amore tibi.  
Gloria de tanto cui maxima fulget alumno,  
Qualem Romuleo dat toga densa foro.  
Vidi ego te vidi iuuenem sermone disertio,  
Hesperios procures æquiparare senes.  
Quò directus eras Legati munere functus,  
Vt libertatis posceres actor opem.  
Mulsisti Geticas verbis felicibus aures,  
Iuueruntque tuum publica vota solum.  
Nil auditor ouans potuit rex ille negare,  
Cuius in arbitrio tunc ea causa fuit.

Hæc vbi fama volans celeri dispergere cursu  
Cœpit, & adsidua sustulit aure caput.  
Exiit in populo ~~solida~~ pinguedo loquelæ,  
Stipabatque tuos anxia turba gradus.  
Vt quotiens motis aperires flumina labris  
Curreret æstiuam ceu positura sitim.  
Has ego diuitias auidus contingere linguæ,  
Qua velut vnda Tagi tu pretiose fluus.  
His quoniam laribus tenebamur in vrbe Rauennæ,  
Hospes hians aderam nocte, dieque tibi.  
Quos mihi tu libros, quæ nomina docte sonabas?  
Quanta simul repetens codicis instar eras?  
Cæsaris historias ibi primùm te duce legi,  
Quas vt ephemeridas condidit ipse sibi.  
Cantabas placido, dulcique lepore poëtas,  
In quibus arx fallax, pompa superba fuit.  
Sed tamen ad visos remeabas, optime, vates,  
Quorum metra fides ad sua iura trahit.  
Qualis in Hyblæis Ambrosius eminet hymnis,  
Quos posito cunis significastis apes.  
Qualis in hæc eadem decentius arte manauit,  
Aruernisque canis \* \* niana celes.  
Cura mihi dudum fuerat puerilibus annis  
Versibus adsiduam concelebrare melos.  
Scribere quas etiam simulauit fabula partes,  
Et per inane fretum sub leuitate rapi.  
Quæ cum nostra tibi fragilis cecinisset arundo,  
Et mihi, care, tuus sæpe faueret amor.  
O vtinam malles dixisti rectius huius  
Ad Domini laudes flectere vocis iter.  
Vt quia nomen habes quo te vocitamus Arator,  
Non abstrusa tibi sit, sed aperta seges.  
Constitui, fateor, si quando fortè mererer,  
Ingenij fructus ad meliora sequi.  
Quo te cumque loci contingeret esse, virorum  
Maxime, transmitti quod modularer opus.  
Iam stimulat promissa dies, vt debita tandem,  
Contractusque meos soluere, docte, velim.  
Sume quod ex nitido libauimus æquore carmen,  
Et licet exiguas suscipe gratus aquas.

Oceanus rerum spatium manet altus in illo,  
De quo vix laticem traximus ore breuem.  
Namque ego Romanæ caulis permixtus amœnis  
Ecclesiæ tonso vertice factus ouis.  
Pascua lata videns, & aprica volumina Christi,  
Quærebam gustu tangere cuncta meo.  
Et nunc Dauitidis adsuetus floribus odas  
Mandere, nunc Genesin mens cupiebat edax.  
Cumque simul violas & lilia carpere mallet,  
Quæ vetus atque nouus congeniinauit odor.  
Incidit ille mihi, quem regula nomina Actus,  
Messis Apostolicæ plenus in orbe liber.  
In quo nos Dominus Petro piscante leuauit  
De gremio falsi, cæruleique maris.  
Ostenisque dedit cælestis imagine nauem,  
Gentibus assumptis ex saturitate famem.  
Huius ab historia produxi carmina tyro,  
Pastorique meo sedulus ora dedi.  
Largius auxilio qui fert noua verba canenti,  
De quo nemo potest hoc sine digna loqui.  
Quæ patri egregio patuerunt tradita Papæ,  
Scriniaque Ecclesiæ condita rite gerunt.  
Eia age susceptos celebret conlatio libros.  
Mercedis pretium causa superna dabit.  
Sunt quia Pontifices in religione magistri,  
Gallia quos multos dat studiosa bonos.  
Est ubi Firminus venerabilis ille sacerdos,  
Pascere qui populum dogmatis ore potest.  
Huius ad Italiæ tendit laudatio fines,  
Atque ultra patriam gloria nomen habet.  
Ne dubita quin grata forent documenta probatis,  
Sedis Apostolicæ quæ placuere viro.  
Nec te nempe putes cariturum munere famæ,  
Hæc prælata operi scripta quod edis ibi.  
Ibimus ambo simul quod pagina venerit ista,  
Partheniumque decus semper in ore feret.



# INDEX.

<b>A</b> Bdicati declamatio- nū argumentū <a href="#">79</a>	Ascini <a href="#">46</a>
Acacij CP. inconstantia <a href="#">78</a>	Asterius qui Sedulij car- mina edidit. 7. eius epi- gramma <a href="#">ibid.</a>
Acrostichis antiqua <a href="#">20</a>	Asturi Cos. monimen- tum Leodij <a href="#">6</a>
Aduocatio seminarium dignitatum <a href="#">25</a>	Atticæ disciplinæ <a href="#">39</a>
Aetheria Arelat. <a href="#">42</a>	Auditorij Rom. ad forum translatio <a href="#">78</a>
Agapitus p. v. <a href="#">6. 71. 73</a>	Anieni duo Consules <a href="#">14</a>
Agnorum Dei cereorum origo <a href="#">73</a>	Anieni Fausti F. Consu- latus <a href="#">3. 5.</a> nomina <a href="#">5. 6</a>
Alamannis à Clodouæo victis sedes in Italia data <a href="#">53</a>	Auiti Episc. Viennensis nomina <a href="#">67.</a> epistola ad Apollinarem fratrem <a href="#">67</a>
Albinus Patricius <a href="#">13</a>	Apollinarem fratrem <a href="#">67</a>
Allocutio Declamat. ge- nus <a href="#">80</a>	homiliarum tituli <a href="#">68</a>
Amalarius Diac. auctor librorum de diuinis officiis <a href="#">73</a>	Aureliani Episc. duo <a href="#">47</a>
Amphictyonis epita- phium <a href="#">43</a>	<b>B.</b>
Anagnosticum <a href="#">2</a>	<b>B</b> aptismi candidati nomina edebant <a href="#">92</a>
Anthemius Imp. Græcus <a href="#">63</a>	Basiliscus tyrannus <a href="#">50</a>
Antonij mon. patria tri- plex <a href="#">69</a>	Benenatus <a href="#">17</a>
Aponus fons <a href="#">26</a>	Bernardus Saccus <a href="#">77</a>
Apronianus C. R. P. <a href="#">23</a>	Bibli Niliaci <a href="#">93</a>
Aratoris patria & hono- res <a href="#">44.</a> carmen ad Par- thenium <a href="#">99</a>	Boetius & Boethius <a href="#">30</a>
Archonticæ epitaphiū <a href="#">94</a>	Boetius semel tantum Consul. <a href="#">38.</a> eius filij quo anno Consules <a href="#">ibid.</a>
Archotamia Arelat. <a href="#">33</a>	Boetius Boetij F. <a href="#">38</a>
Ascula non fuit filia An- themij <a href="#">63</a>	Brigantio <a href="#">80</a>
	<b>C.</b>
	<b>C</b> æsarius Episc. Are- latensis <a href="#">48.</a> Libe- rium patricium sanat. ib. eius vitæ liber II. ib.
	S. Calemerus <a href="#">23</a>

# I N D E X.

**Camilla Ennodij** pro-  
 pinqua 45  
**Camillus pater Ennodij**  
 21  
**Canaua** 92  
**Cassiodori verum no-**  
 men Senator 14. cum  
 patre confunditur 15  
**Castella Episcoporu** 96  
**Caucus** 91  
**Cellulanos habere iussi**  
 clerici 72  
**Cepasij fratres** 55  
**Cerei Paschalis mos** 73  
**Ceruchi** 84  
**Chartarius** 32  
**Classicus** 78  
**Clerici auibz venantes**  
 38. **medicinam** professi  
 40.  
**Cognomen nomini præ-**  
 positum 91  
**Comensis agri pulcritu-**  
 do 3  
**Comitatenfes qui** 23  
**Comitiua Patrimonij à**  
 quo instituta 19  
**Commodianus verus**  
 scriptor 9  
**Compostile** 90  
**Compulfor** 32  
**Coronati v.c. versus** 80  
**Conductor domus regie**  
 32  
**Constantii Togati Epi-**  
 taphium 13  
**Consulum scipiones** 3.  
 sportula 43. pecunias  
 spargendimos 61  
**Creperus** 12

**Cv r.** in metro 26

D.

**D**ecoratus caufidicus  
 Quaſtor 20. eius  
 epitaphium ib.

**Defenfor** 93

**Deuterius Gramm.** 6. 78

**Dictio, declamatio** 74

**Didafcalicus** 58

**Dionysius diac. medicus**

40

**Domine vt ſupra** 42

E.

**E**cceſiaſticę interceſ-  
 ſiones 45

**Elpidius diac. medicus**

Theoderici 39

**Ennodii nomina** 1. 21. pa-

ter Camillus 21. pro-

patruus Magnus Cos.

3. etas 70. quando Epi-

ſcopus 77. metaplaſ-

mi 5. 10. 7. epiftolarum

ordo præpoſterus 14.

30. 41. memoria lapsus

31. decreta legatio 45.

Apologetici approba-

tio 54. 58. verba Sym-

macho Papæ in cano-

nibus tributa 58

**Epiphani j episc. Ticinen-**

ſis legatio ad Anthe-

mium quo anno 63

**Episcopi in Natali ſuo**

publice laudati 74. itē

quando aliorum ſer-

monib. intererant 75

**Epistolas inſcribendi**

mos 2. earum ſtylus 10

iniria & clauſula 42

# INDEX.

Erduic Gothus 9  
Ethica dictio 74. 80  
Eugenetes, & similia 22  
Eugenetes aduocatus  
Quæstor 21

Euprepia soror Ennodij  
11. 16

Euricus rex Gothorum  
Tolosæ 64

Exagella 69  
F.

**F**auſti Conſulares duo  
2

Fauſtus Cos. Gennadij  
Auieni F. 3. eius digni-  
tates. 13. poëta 183

Feliciſ Papæ ad Cæſa-  
rium epiſtola quo Cõ-  
ſule data 48

Felix Rhetor Rom. 6

Feflus Patricius 71

Fidelis Medioli. cuiusque  
honores 37

Firminus v. l. Arclat. 10

Fifcalium onerum rele-  
uatio. 47. indulgentia  
aut vacatio 65

Forum Traianum 78. 79

Fridericus Rugus 52

Eugaces 17

G.

**G**eneroſi Eunuchi  
epitaphium 30

Glouidenus 17

Godigifelus rex 68

Gothis tertia agrorum  
pars in Italia data 47

Gurdonicus 27

Gundobadus rex Bura-  
gund. captiuos in Ita-  
liam remittit 66

H.

**H**elpidius pro Elpi-  
dio 32

Honoratus cauſidicus  
Quæstor 13. 21

Hormiſda Diaconus Ec-  
cleſ. Rom. 41

Hormiſdæ Papæ epiſtola  
ad Poſſeſſorem 25

I.

**I**lluſtres reges cur ap-  
pellati 19

Inauſpicatus bonam in  
partem 23

Incenſus lucernæ. 85. ho-  
ra incenſi 86

Indictiones quando de-  
ſinant 38

Interceſſiones Eccleſiæ  
5. 62

Ioannes Bapt. Apoſtolus  
76

Iſidori Cos. nomina 14

Iulianus Com. Patrim.  
19. 32

Iuſtina Ambroſio infeſta  
86

Iuſtini historiſ nomina  
1

L.

**L**aconius Lugdun. 17

Laurentius Epiſcop.



# INDEX.

Mediol. 75  
 Legatus Prouinciæ aut  
 Ciuitatis 45  
 Leo Eurici Consiliarius  
 64  
 Liberij Patricij nomina  
 & res gestæ. 24. 46. epi-  
 taphium 46  
 Liberum arbitrium 11  
 Lilius Giralduſ 83  
 Loci Virgiliani 80  
 Lucernarium 85  
 Lupicinus Euprepia F.  
 11. eius nomina 78

## M.

**M** Anumissiones in  
 Ecclesia 72  
 Matrimonia inter co-  
 gnatos 29  
 Matrona mons 81  
 Maximus v. s. Consul 33.  
 eius epithalamium 82  
 Messala Fauſti F. Consul  
 39  
 Minister, Diaconus 30. 31  
 Mirocles Episc. Mediol.  
 61  
 Mittendarij 23  
 Modoetia 31  
 Mors optata languenti-  
 bus 43  
 Mundo in Pannonia 33

## N

**N** Atalis cathedrę Epi-  
 cop. 74  
 Nazarius Martyr. 87  
 Nomen proprium vlti-  
 mum 1. 2. 6

Nominum ratio post  
 euersam temp. 1. 2

Asterij Cos. 7  
 Auiceni 5  
 Auiti Viennensis  
 67  
 Boëtij 38  
 Cassiodori 15  
 Ennodij 1  
 Fauſti 3  
 Felicis Rhet. 6.  
 Isidori Cos. 14  
 Iustini hist. 1  
 Liberij Patricij  
 24.  
 Lupicini 78  
 Symmachorum.  
 34. 35. 36.  
 Victorini rheto-  
 ris 1

## O.

**O** Doacris bellū cum  
 Theoderico 51. 52  
 Olybrius causidicus 5. 15  
 Opicus 33  
 Opilio multorum no-  
 men 25. 26  
 Orgus fluuius 81  
 Oscillum 97

## P.

**P** Anegyricus Ennodij  
 vbi & quando di-  
 ctus 49  
 Papæ nomen soli Roma-  
 no tributum 18  
 Parthenius sororis En-

# I N D E X.

modij F. 29. Magister	Retentator	5
offic. & Patric. 30. 43	Ricimeres duo	63
79. 99	Rusticius Episc. Lugd.	66
Pastura		82
Paterius Consul statua		5
ornatus		79
Pelagius PP. 65. poeta ib.	Sabini Præf. annonæ	
Peraquator	Epitaphium	31
Petilii Processii togati	Sabinianus Mag. mil.	
epitaphium	Anastasij	3
Pitzia Comes	Sanctitatis appellatio	
Pœnitentia	Diaconis tributa	28
Pomerius Arelate	Sapaudia Burgundionum.	
Populus & plebs, quævis		66
multitudo	Sarfor, sarforium opus	95
Portianus abbas	Schema	88
Præfectorum præf. est	Scipiones, virgæ Con- sul	5
tributa exigere		7
Princeps Præfecti præf.	Sedulii poetæ ætas	50
	Segmenta	
	Senarius Comes Patrim.	16. 28
Probi v. r. epitaphium	Senator, multorum no- men	14
Proculus Ligur poeta	Serenæ vxoris Stilicho- nis vorum	87
Prudentii poetæ ætas	Sessis fluius	81
Pyrri poma	Sirmium à Theoderico receptum	52
	Smaragdi viror	82
	Stephania Rom.	40. 41
	Stephanus Episc. Lugd.	17
	Storchades Insulæ	64
	Stomatium	97
	Stura fluius	64
	Symmachus Papa cuius criminis calumniam passus 55, eius nomino epistolæ ab Eunodie	

Q

**Q** Vinquennii vacatio  
65  
Quintilianus acutiss. de-  
clamator 79

R

**R** Acanzæ 45  
Redhibere, redhibi-  
tio 16  
Reuelatio 47  
Regia porta 89  
Remi Galli epitaphiū 94

# I N D E X.

Scriptæ 11.24. falso illi  
tributa epistola 76  
Symmachorum stemma  
34. & seqq.  
Symmachus Boetii filius  
36.38  
Synodus Epauensis quo  
armo 6. Item Carpen-  
toratenfis 25  
Synodus Rom. palmaris  
quænam 54

## T

**T**ancila Comes 13  
Tarantasia 68  
Thrasamundus Rex 19  
20  
Theodericus rex cuius  
filius 49. Zenonem so-  
lio restituit 50. Ostro-  
gotham filiam Sigif-  
mundo locat 52. Ama-  
lafredâ sororem Tra-  
samundo 53

Thyrambi 84

## V

**V**aleriani Chartarii  
epitaphium 32  
Valentis Comitatenfis  
epitaphium 30  
Vates, Episcopus 81  
Venantii duo 76  
Vernula 45  
Versiloquus 83  
Vespertinus hymnus 85  
Veteranus 86  
Vicarii spectabiles 76  
S. Victor martyr Enno-  
diû sanat, Apollinarem  
è carcere liberat 70  
Victorina Rhetoris no-  
mina 1

## X

**X**ysti III. Papæ accu-  
satio 56



# Auctores qui citantur in Notis.

<b>A</b> Cta Cirtensia	93	Flodoardus	90
Aethici itiner.	68	Fortunatus	78
Aimoinus	90	Fulgentius	35
Aldelmus	93	Gaudentius Brix. emend.	86
Amalarius diac.	73	Gelasius Papa	13
Ambrosius	86.87	Gennadius 7.9 92. emend.	75
Anastasius Biblioth.	2.89.	Gerbertus	39
93		Gregorius Magnus	4.8.17
Augustinus	3.11.35.42.76	72	
92		Gregorius vij.	19.56
Ausonius	35.79.97	Gregorius Theologus	4
Boetius.13.25. emend.34.38		Gregorius Turon.	17. 63.
Cassianus	30. 65	68.70.89.90	
Cassiodorus passim. emend.		Hieronymus	91.92
13.15.16.33.33. explicatus		Hormisda Papa	25.35
15.18.20.32.42.		Idacius	90
Cicero	10.18.54.55.58.74	Inscriptiones antiq. 2.8.11.	
Claudianus	27.82	20.22.36.39. 61. 69. 81.	
Codex Theod. 3.5.17.34.45.		87.95	
46.74.97. Iustin. 61.72		Interpretes lxx. 30. 57.85.	
Cyprianus de vita S. Casa-		93	
rij	9.10.48	Ioannes II. Papa	537
Cyrillus Hieros.	92	Ioannes VIII.	56
Demetrius Phaler.	10	Iornandes	47.49.51.53
Ennodius ex coniectura		Isidorus emend.	84 90.92
emendatus. 2. 3.10.27.		Itinerarium Hieros.	81
37.50.54. 55. 56. 64.80.		Leo Papa	24
81.85.94		Libanius	79.80
Epigrammata vet.	20.	Liberatus Diac.	77
Graca	89	Lucanus	62.84
Zuagrius	78	Macrobius	35
Eugippius	51	Malchus Sophista	49
Eumenius rhetor	65		
Felix Papa	48		

*Amm. Marcellinus* 34.80

81

*Marcellinus Comes* 49.50

51.65

*Martialis emend.* 93

*Martianus Cap.* 12.83.93

*Maximus Taur.* 81

*Nouella Cod.Theod.* 4.25.

34.79

*Optatus* 61

*Olympiodorus Theb.* 35

*Papinius* 39

*Paulinus presb.* 87

*Paulus Diac.* 11

*Petronius* 90.91

*Petrus Chrysol.* 74.76

*Plinius* 4. 64. emend. 81.

82. 91.93

*Treb. Pollio* 91

*Pontius Diac.* 86

*Posidius* 8

*Priscianus* 80

*Prudentius* 70.85.88.89

*Ptolemaus* 64

*Quintilianus* 79

*Ruricius 9. emend.* 40.70

*Saluianus* 75

*Sedulius* 7

*Seneca* 10.94

*Seuerianus Gabal.* 88

*Sidonius* 3.21.25.33.35.50.

62.63.64.74. 79.82.83.

90. emendatus 8.74.95

*Socrates* 35

*Spartianus emend.* 91

*Suidas* 33

*Sulpitius Seuerus* 27

*Symmachus* 10. 12.43.45

*Symphosius* 94

*Synodus palmaris emend.*

56

*Synodus Agathensis* 29.

Arausic. 24. Aurel. 4. 29.

Carpent. 25. 41. Epauu.

29. Ticinensis. 34. Vassen-

sis 41

*Tertullianus* 83.85

*Aur. Victor* 29

*Virgilius* 83

*Vopiscus* 95

*Zeno Veron.* 69

*Zosimus histor.* 65

*Zosimus Papa* 8

## NON EDITI

**A** Sterij Cos. epigramma

7

*Augustini sermo* 72

*Auiti Vienn. epistola* 16.68

*Commodianus* 9.31

*Coronatus V.C.* 80

*Cypriani lib. 11. de vita*

*Cesarij* 48

*Ennodij nunc edita* 16. 33.

61.73.78.79.91.

*Ferrandus Diac.* 92

*Glossa iuris* 16. 19.29.48.

27

*Goteschalcus mon.* 26

*Irenai locus Grace* 12

*Inscriptiones noua* 6.7.17.

30.31.32.38.43.44.84.94.

98.

*Paulinus Nolan.* 26. 81

*Vita Dagoberti* 90

FACULTAS  
R. P. PROVINCIALIS SO-  
CIETATIS IESV IN PRO-  
uincia Franciæ.

**C**Hristophorus Baltazar Prouincialis Societatis  
IESV in Prouincia Franciæ, iuxta Priuilegium  
eidem Societati à Christianissimis Regibus Henrico  
III. 10. Maij 1583. & Henrico Magno 20. Decem-  
bris 1606. & Ludouico XIII. nunc regnante 24.  
Februarij 1611. concessum, quo Bibliopolis omnibus  
prohibetur, ne libros ab eiusdem Societatis homini-  
bus compositos absque illorum permissione impri-  
mant, permittit SÉBASTIANO CRAMOISIO  
Bibliopolæ Parisiensi Iurato, vt *Ennodij Episcopi Tici-  
nensis opera, cum P. Iacobi Sirmondi Notis à Societatis  
nostra Theologis approbatis*, ad sex proximos annos  
imprimere ac libere diuendere possit. Datum Lute-  
tiæ Parisiorum XXI. Martij M. DC. XI.



















I

a

